


續修四庫全書

《續修四庫全書》編纂委員會編

續修四庫全書



上海古籍出版社



三三三・史部・別史類

明史四百十六卷目錄三卷（卷三百七十九至卷四百十六）

〔清〕萬斯同撰

……………

2280/01

明史卷三百七十九

忠義傳

忠義四

阮之鈿字實甫桐城人為諸生優才行崇禎中有保舉之詔同邑諭德劉若宰以之鈿應投戟城知縣十一年正月之鈿未至張獻忠襲陷其城據之以求撫總理熊文燦許之處其衆數萬於四郊居民洎洎欲寬之鈿至盡心調劑民獲少安乃上疏言微臣辨賊有心受事無地獻忠虎踞邑城其謀叵測所要求之地實兵餉取道之咽喉秦蜀交會之脈絡今皆為所據而奸民甘心效用善良悉為迫脅臣守土牧民之官至無土可守無民可牧庫藏殫虛民產被奪更無賦可徵名雖縣官實贅員爾聞今廟堂之上專主撫議臣愚妄謂撫勦二策可合言未可分言致損國威而挫士氣也時不能用賊衆始稍相安然習於為盜後漸出野外行劫之鈿執之以告其營將始捕少寘之法已而大肆之鈿往告皆不應曰官司不給餉爾得餉自止由是村民徙亡殆盡遂掠及闡聞稍拒輒挺刃相向日有死者一城大驚監軍倉事張大經奉文燦令來鎮撫亦不能禁明年獻忠反形漸萌之鈿往說之曰將軍始所為甚悖今幸得為王臣當從軍

立功蚤名竹帛且不見劉將軍國能乎天子手詔進官厚資金帛此亦誠之效也將軍若疑中朝有異論者之鈿請以百口保於朝何嫌何疑而復懷他志哉獻忠素銜之鈿至是惡言極罵之之鈿憂憤成疾題數語於壁自誓以死遂不視事至五月獻忠果反劫庫縱囚縱其城之鈿即仰藥未絕獻忠遣使索印堅不予賊遂殺之旋縱火焚公署骸骨為燼而大經為賊劫去不能死追瑪瑙山戰敗偕賊將曹威等出降士論醜之之鈿後贈尚寶少卿

鄭景春字和滿江都人舉於鄉署鹽城教諭縣令貪虐值歲饑民洶洶運亂賴景春撫輯獲解散坐事罷歸起陝西苑馬寺萬安監錄事量移黃州府昭磨攝黃安縣事甫三日群賊掩至堅守八日夜始解去崇禎十一年擢房縣知縣十一月賊寇羅汝才率其黨九營之衆請降於熊文燦文燦受之汝才猶豫未決景春匹馬入其營偕汝才及白貴黑雲祥軟血盟汝才乃詣軍門降分其諸營於竹谿保康上津而自與貴雲祥居房縣之野當是時鄖陽諸屬邑屢遭大寇賊郭為墟獨房以景春善拊循召民收保山城粗完至是夫衆襍處居民惴惴不自保景春憂甚與主簿



朱邦聞守備楊道選內修守具外輯睦諸營暫護安堵明年五月張獻忠反殺城使使約汝才同反景春子諸生鳴鸞力敵萬夫謂其父曰吾城當賊衝而處卒止二百城何以守乃探甲詣汝才曰若不念香火盟乎毋從亂汝才佯諾鳴鸞知其巨測歸與道選授兵登陴而獻忠所遣前鋒已至擊斬其將上天龍遣使趨城乞援於文燦凡十四往不報已而獻忠騎大至守者見獻忠兵白幟汝才兵赤幟俄白與赤雜環城力攻貴雲祥策馬呼曰但以城讓我不保無他也獻忠遂以張大經檄諭降景春怒大罵碎之鳴鸞且守且戰閱五日擊賊多死賊負板穴城城將崩鳴鸞燕油灌之斃又擊傷獻忠左足殺其所愛善馬軍民益奮乃用間入賊壘陰識獻忠所卧帳將設計襲擒之指揮張三錫宿與賊通時守北門汝才之舊屯在其外二十九日汝才遣人揚灰而譟曰南城陷矣守者驚潰三錫遂啓門揖汝才入道選巷戰死大經欲景春分其惡使汝才說降怒不答汝才問庫藏儲蓄安在叱曰死賊庫藏有物城豈為汝陷賊怒殺一典史一守備恐之猶不屈與鳴鸞俱被殺僕陳宜亦死之邦聞及其家人並不屈死事聞贈尚寶少卿建祖奉

祀道選等亦加贈恤已帝召見輔臣賀達聖備述其死事狀改贈太僕少卿三錫後為官軍所獲磔死武大烈臨潼人舉天啓七年鄉試崇禎十二年授永寧知縣縣有萬安郡王王府人頗恣橫奸人窟穴其中莫敢何問大烈一絕以法流寇時掠境上城守之計甚設明年十二月二十一日李自成自南陽陷宜陽殺知縣唐啓泰遂移兵攻永寧先是邑人張論為四川巡撫罷歸任有司捍禦教却賊論沒子吏部郎陽延繼之亦教有功至是獄囚牛可敷等勾賊都司馮有義棄城遁大烈偕陽延及其從父順天府治中讚因守三日賊環攻以二十七日夜半登城執大烈自成以同鄉故欲活之大烈不屈索印又不子乃燔灼以死陽延匿智井免讚及於國學生祚延死之主簿魏國輔教諭任維清守備王正己百戶孫世英並不屈死萬安王采鏗亦被害賊即移攻偃師城中空剽迄死罵不絕聲啓泰掖縣人日泰金賂人並起家鄉舉明年正月賊犯寶豐以十二日陷其城知縣朱由棫死焉未幾陷密縣知縣朱敏汀及在籍太僕卿魏待衡舉人馬體健亦死之由棫益府鎮國將軍常



激子敏汀亦宗室並由貢生敏汀妻張氏一女一孫  
及滅獲數人俱死與由械並贈按察僉事  
來秉衡洛陽人天啓四年舉於鄉未仕崇禎十四年  
正月李自成陷洛陽秉衡為賊將劉宗敏所執令其  
易服欲官之秉衡不可羈之商郊民舍顧見其友謂  
之曰賊勒我以官我義不受辱但恨老母在堂幼子  
在襁死不瞑目爾賊聞燒鐵索加其脛終不從遂被  
殺并殺其母劉氏妻吳氏及其幼兒與秉衡同時殉  
難者有劉芳奕常克念郭顯星韓金聲王明揚萃荀  
良翰諸人芳奕慷慨優智畧與秉衡同舉於鄉為昌  
樂知縣有政聲解官歸值歲大歉人相食傾囊濟之  
賊氛逼集縣中義士為千城社佐有司保障及悍卒  
內叛城忽陷縊死西城戍樓克念舉進士為平陽推  
官寬厚簡重政持大体聽斷無冤民至是旋里遂被  
難顯星舉於鄉為許州學正遷翰林院待詔未赴抗  
節死金聲明皆進士金聲官邯鄲知縣明官行人萃  
良翰皆舉人萃官辰州府知府良翰未仕並以城破  
遇害

除之募壯士千人訓練而遣人為好言招撫且白晝  
閉城門以示之懼寇果不疑祚微以夜半取間道五  
搗其巢寇方縱酒陸博遂大敗令民千家立一大寨  
有急鳴鉦輒相救援寇勢衰息其魁魯加勤遂出降  
十四年正月李自成驟率眾來寇祚微擐甲乘城誓  
眾困守身中流矢恐懈眾心督厲益力二月四日大  
風覆砲炸樓焚城遂陷罵賊而死汝人立廟祀之  
張克儉字禹型屯留人崇禎四年進士授輝縣知縣  
勤於其職著廉能聲時群盜瀾河北以六年二月祀  
武安守格曹鳴鶴戰死遂祀輝縣克儉乘城固守賊  
不能下屯百泉書院三日而去久之入為兵部主事  
有薦其才者召對稱旨十二年十月擢湖廣按察僉  
事監鄖襄諸軍督師楊嗣昌鎮襄陽命克儉繕城池  
脩甲仗儲糗糧諸務畢舉嗣昌深倚之明年春張獻  
忠敗於瑪瑙山其秋羅汝才敗於豐邑坪賊魁小秦  
王混世王過天星等皆降嗣昌處之房竹山中命克  
儉安輯諸賊得免死牌莫肯解散自擇便地連營數  
百里時河南北大饑流民就食襄漢者日數萬降卒  
因之多闖入克儉深憂之上書嗣昌曰襄陽自古要  
區本朝荒鑄獻陵眎昔尤重近兩河饑民雲集新舊



降丁逼處其間一夫叫呼即足致亂况秦兵以張武之變西歸耶房軍府粗立降營基置奚啻放虎自衛紫漢西興初無重門之倚何恃而不恐嗣昌不以爲意報曰昔高仁厚六日降賊百萬迄擒并能監軍何怯耶及嗣昌入蜀委克儉以留務九月錄破賊功加右叅議監軍如故未幾以本官移守下川南道鄖陽巡撫袁繼咸奏留之十四年二月擢右僉都御史巡撫河南未聞命獻忠假督府軍符驟襄陽城克儉不能辨賊遂入夜分賊從中起肆殺掠焚襄王府克儉倉皇奔救爲賊所執大罵死襄陽推官鄭曰廣攝襄陽縣事李大覺游擊黎民安死焉曰廣番禺人崇禎十年進士居官有節操奉檄校軍儲於荊州甫還任而難作急勒吏卒登城捍禦中刃死妻妾及二子二女俱遇害大覺字覺之金谿人由鄉舉知穀城兼署襄陽縣聞變繫印於肘縊死堂上民安大覺全縣人城中火起率所部千餘人搏戰矢盡被縛抗罵死獨知府王承曾遁免初獻忠敗於瑪瑙山其妻教氏高氏被獲他將披山又獲其軍師潘獨鰲皆繫襄陽獄承曾年少輕佻悅獻忠二妻色每夕託問賊中情形與之笑語獄吏又多納賄金禁防盡弛獨鰲等得以脫

桎梏忽宴飲爲樂嗣昌以獻忠飄忽殺賊我之承曾笑曰是詎能飛至耶及是獨鰲果從獄中起承曾率衆奪門走事聞命速治承曾妻邑人時河南亦大亂久遠不至未知所終

盛以恒潼關衛人崇禎十年由乙榜爲商城知縣視事月餘流寇突至禦却之自是拮据戎備力爲保障明年張獻忠陷襄陽鄰境震懼時以恒已遷開封府同知將行士民邀之共守乃晝夜乘城與里居縉紳楊所修洪胤衛馬剛中段增輝做備不懈無何賊衆掩至道兩雪守陴者凍餒不能戰以恒擐甲執弓督家衆射賊計七人墜馬賊怒併力合攻矢中右額以恒猶累瘡拒敵賊俄登北城家衆巷戰死且盡乃被執罵賊不屈爲賊支解孫覺及典史呂維頭教諭曹維禎皆遇害時二月二十有八日也前衛萬曆中舉進士歷官陽和兵備副使分守北門力戰被難剛中字九如父之固吏部郎中剛中舉崇禎七年進士授大同知縣有政聲行取入都天子臨軒策試授翰林檢討乞假歸城將陷或勸其出避毅然曰吾家世受國恩可臨難苟免耶幸而全國之福不然惟與同盡爾及賊入大罵被磔死增輝字含素爲諸生以學行



稱朝廷下保舉之令有以增輝薦者增輝不樂為吏擬除教授未謂選遇變亦罵賊死所修自有傳賊既陷商城即疾驅犯信陽有奸人為內應城即陷知州高孝誌訓導李逢旭程所聞鄉紳張映宿死之其陷光山也典史魏光遠亦死之映宿舉進士官靜海知縣罷歸至是及於難事聞所司請贈以恒光祿少卿孝誌太僕少卿未報十五年七月帝下詔曰北州縣有司不設守備賊至即陷原與衝鋒陷陣持久力壯者殊科若乘援天啓間例優予贈廢何由旌勸勞臣自今五品以下止贈監司四品及方面始贈京卿著為令乃贈以恒河南按察司副使孝誌布政司右叅議雜顯等贈恤有差先是天啓中州縣長吏殉難者率贈京卿廢錦衣世職賜祭葬有司建祠崇禎初改廢園子生俾之出仕贈京卿猶如故至是始改贈外僚云

徐世淳字中明嘉興人侍郎必達子也崇禎中由鄉舉署永嘉教諭擢重慶府推官禁誅求省厨傳惠政及民常監軍討資簡諸寇道路往還民皆安堵十三年遷隨州知州隨破壞之餘民氣蕭索世淳以十月蒞任知寇必復至集士民誓於閩北修祠要以為守

緜城濬濠拓羊馬埭具砲石練壯士邨饑寒平糶償會歲大荒士多就食粥厥嘆曰可使士以餒故失禮乎分粟賑之士皆感悅潰兵過隨索餉勢甚洶洶世淳授兵登陴而已單騎入其營執帥手曰軍食不供有司罪也殺我足矣請械我以見督師帥氣奪飲衆去明年二月張獻忠陷襄陽三月遂來犯世淳寢食南城譙樓曉夜督衆固守而使使告急於巡撫巡撫宋一鶴遣兵來援監司守承天者勒之自助援絕力窮四月二十五日賊急攻南城潛兵隴北城以入世淳命子肇探埋印扉後東墻下而勒馬巷戰矢貫頤耳鼻橫斷遂墜馬為亂刃砍死肇探奔赴且哭且罵賊將殺之疾呼州人告以埋印處乃死世淳妾趙氏王氏及戒獲十八人皆死而趙氏死尤烈當事上其狀贈太僕少卿建祠以肇探附隨自十年正月被陷知州王燾殉難及是再陷至七月復陷判官余瑀死焉三陷之後城中幾無子遺閭井為墟

顏日愉字陽華上虞人萬曆中舉於鄉崇禎初除葉縣知縣有惠政而不為上官所喜劾罷之部民詣闕訟寃者數百人乃獲叙用後為靜寧知州敬禮賢士政務便民會擁賊作亂馳請固鎮五道兵合勦為先



率敢死士數人招諭之賊弛備遂遣精卒直搗其營賊倉皇失措潰敗斬首數百級黎明五道兵繼至獲大破之遷開封府同知嘗攝澠池滎陽二縣事荒殘之餘撫恤瘡痍政績甚著滎陽為立生祠上官以南陽要衝會舉日愉為知府至則繕甲製器治城濠備戩備簡壯士人心稍固十四年正月李自成陷洛陽二月張獻忠陷襄陽南陽震恐日愉防禦益嚴五月七日漏未盡賊果至即令百數十人冒雨登城日愉督將士奮擊士民群助之殺城上賊幾盡餘賊遂引退城獲全而日愉手中一矢頭項被二刃遂墮於城頭闔城莫不哀悼贈太僕寺卿賊既不得志於南陽遂縱兵掠旁近州縣九月大破傅宗龍軍於項城勢益張以十一月再圍南陽攻陷之唐王被難總兵官猛如虎劉光祚恭議艾毓初死焉毓初字孩如米脂人戶部侍郎希淳曾孫也崇禎四年進士授內鄉知縣毓初生長邊陲知兵習戰六年冬流寇來犯毓初集衆固守埋大砲名滾地龍者於城外而城中引線燃之砲發賊死無算遂解去內鄉與鄰邑浙川多深山邃谷群盜窟穴其中居民慄慄自毓初蒞任一縣恃以少安明年冬唐王聿鍵上言凡官司詣親王新封

郡早晚必謁此祖制也今臣封內如毓初及鄧處相栢鎮平諸長吏但謁監司郡守不謁親王葺棄祖制帝怒速毓初等下法司而勅禮官重申典制禮部侍郎陳子壯疏救不聽已而王被譴廷臣多知毓初才獲補官累遷至右叅議分守南陽日愉之却賊毓初亦有功至是自成用宋獻策計欲取南陽以圍閩中獲率大衆來寇毓初偕如虎光祚等分門堅守賊已攻入南門會總督楊文岳援軍至賊即引退及文岳兵去賊復圍攻之食盡援絕毓初題詩城樓遂自縊南陽知縣姚運熙主簿門迎恩訓導楊氣開亦死之明年十月自成再陷南陽知府丘懋素罵賊不屈闔門被害

潘弘字若稚淮安山陽人由貢生歷定遠訓導海門教諭崇禎十三年遷舞陽知縣時流寇披猖土寇亦乘間竊發弘偕武將討擊屢敗之明年十一月李自成羅汝才既陷南陽遂縱兵覆所屬州縣於是舞陽及鄧州鎮平內鄉泌陽新野皆失守弘知寇至諭士民共拒諸生景長舒等慮賊屠城請弘委曲紓禍弘叱曰吾為守土吏當與土存亡寧能降賊求活耶賊薄城發砲擊之多斃有小校善射發必命中賊將却



而諸生潛遣人約降賊復至弘作告先聖文自誓必死諸生乃開門納賊縛弘以獻賊索印脅降弘怒罵不屈賊射斷其手足解以死于澄澗痛憤號哭投井死先教日鄧州陷知州劉振世吏目李國璽死之千戶余承庵李錫諸生丁一統張五美王鍾王子章海寬傅彥亦死焉鎮平知縣鍾其碩成縣人城陷被繫罵賊死南昌龔新知內鄉四川韓醇知新野並不屈死臨晉姚昌祚代王士昌知泌陽甫數月遽變手執數賊力屈死典史雷晉暹率捕卒禦賊力戰死先是十年二月土寇合張獻忠犯鄧州知州孫澤盛偕同知薛應齡督兵出戰死之是年五月獻忠破信陽獲左良玉軍旗幟假之以趨泌陽以初六月夜抵城下乘天大雨攀堞而登知縣王士昌懷印端坐賊至被縛謾罵死至是鄧州泌陽凡再陷云士昌雲南寧州人起家鄉舉

案宮皆諸生慷慨好義賊陷鄧州宣兄弟結里黨壯士直入其城擒偽官堅守許家寨賊怒攻破之寨從母常氏先投井死宣與宮皆嘗賊被殺宮妻鍾氏案妻陳氏並自經其妹亦嘗賊被殺時稱許氏七烈賊之攻偃師也諸生張毓粹父子佐有司城守及賊入城大罵被害賊并害其一子妻蘭氏與三女二孫悉赴井死武同芳者亦偃師諸生賊殺其母同芳噴血大詬支解而死其同邑諸生劉芳名劉芳世蘭捉粹擊賊不勝死喬于昆投水死蘭完贛王光顯喬國屏王邦紀蘭相喬張一鷺張一鵬牛一元皆罵賊死芳名完贛妻皆張氏與邦紀妻高氏並從死一鷺一鵬之父亦罵賊死諸生許曰琮者唐縣人早喪父及母歿廬墓三載城破遁居南山賊徵之不出脅以死終不屈錮其背曰誓不從賊遂嘔血而卒其他州縣諸生遭寇殉義者不可勝志姑志其最著者教人云劉振之字而強慈谿人性剛方敦學行以名教自持鄉人莫不嚴重之崇禎三年舉於鄉署東陽教諭力崇師道東修之館無所入為一時學官稱首用薦遷鄆陵知縣政務利民威愛兼濟時將領驕恣有過鄆陵索餉者振之不應其人怒令部卒縛之去父老呼



號奔救欽貴以犒始釋歸十四年十二月李自成陷許州殺知州王應翼自許以南無堅城有奸人素通賊倡言城小不可守宜速降振之怒厲聲叱退之集吏民守禦無何賊大至城陷振之走謁先師秉笏端坐堂上賊索印不予縛置雪中三日夜振之罵不絕口賊亂刃交下乃死初振之書一小簡藏之篋中每歲元旦取視輒加紙封其上及是家人發篋乃不貪財不好色不畏死三語也其立志堅定如此贈光祿寺丞有典史杜邦舉者富平人方振之之叱奸人也邦舉即曰公言是城存與存城亡與亡人臣大義豈可偷生以辱祖宗哉乃與振之協力拒守及許州被屠衆心益懼有縋城遁者邦舉捕得立斬之衆為股栗城既陷被執自成欲降之大罵曰朝廷臣子豈為賊用自成怒抉其舌邦舉唾血噴之仍大罵遂與振之並遇害時開封屬城多陷其全時殉難者有費曾謀魏令望柴薦裡楊一鵬劉孔暉王化行姚文衡諸人曾謀鉛山人少師宏之裔也由鄉舉知通許蒞官纔四旬賊猝至曾謀欲守念力弱乃召其父老告之曰我死若輩以城降可免屠戮端笏北而再拜抱印投井死令望字于野武鄉人舉進士授商丘知縣調

太康賊至固守不下賊怒攻破之屠其城令望關門自焚死薦裡江山人由鄉舉知涇川賊陷其城大罵死一鵬河津人天性孝友崇禎九年舉於鄉為尉氏知縣惠民愛士甫數月政聲四起賊至堅守及力屈城破罵賊死孔暉邵陽人舉天啓九年鄉試為新鄭知縣大寇臨城固守不能支遂死之士民祀之子產祠化行知商水城陷被殺代者姚文衡蒞任數月賊復至搗印赴井死李秉雲高陽人舉於鄉崇禎中授浮山知縣廉毅有為流賊數萬來寇乘雲一矢斃其魁衆遂遁累遷山西按察僉事十四年七月以才調河南大梁道駐禹州時歲潦饑益以寇盜四野蕭然秉雲撫輯盡力其年十二月李自成連陷鄆陵陳留諸縣遂寇禹州秉雲太集士民教以忠義誓死固守賊多斃於砲以十萬騎來益攀堞而登秉雲被執押使跪叱曰我堂堂監司肯屈膝於賊即怒碎而杖之大罵不絕聲賊縛諸樹橫射之罵不已斷其舌亂刃交下而死贈光祿寺卿州先有檄王府嘉靖時王載瑜有罪爵絕至是延津等五郡王並被難同時任棟永壽人由貢生為萊州府通判崇禎四年二月李九成耿仲明等陷登



州遂乘勢來攻棟佐知府朱萬年拮据守其深著勞績已而萬年與巡撫謝璉出城撫賊為賊所執城中益危棟偕同知寇化掖縣知縣洪恩焯助大帥楊御蕃拒守勞績益著至八月圍始解論功進秩賜金累遷保定監軍僉事十四年從總督楊文岳南征有鳴皋鎮之捷尋與總兵虎大威破賊於平峪七月再破賊於鄧州明年正月從解開封之圍二月戰於郟城大捷後從援開封會左良王大潰於朱仙鎮賊來追棟與副將姜名武力戰並沒於陣有餘爵者禹州人崇禎元年進士授撫寧知縣果敢有吏才為巡撫楊嗣昌所知以憂去起官章丘入為兵部職方主事罷歸嗣昌出督師奏請以故官叅謀軍事爵至嗣昌甚倚之軍務多與籌畫嗣昌入蜀命與張克儉全守襄陽及城陷爵脫走嗣昌沒從督師丁啓睿於河南鄧州之捷爵與有功十五年開封圍急爵監左良玉軍往援戰敗被執罵賊死乘雲贈光祿卿棟太僕卿爵太僕少卿

道士前請姓氏衆問故曰昨夢神告吾後人當有登第者將來必繼我忠義可語之永傑愕然頗自喜已果得第為開封府推官強直不可攝府事與利去惠無微不晰民畏愛之以憂歸起官紹興入為武選主事督師楊嗣昌薦其才請用之軍前乃擢睢陳兵備僉事駐陳州陳故賊衝歲被蹂躪永傑至日為傲倚常如賊至及賊漸逼遣其妻陳氏歸妻願俱死永傑曰我死分也妻子為俘可乎我子猶幼汝歸為我養子續先人祀我無憾矣妻乃訣去十五年二月李自成以數十萬衆來攻永傑與知州侯君擢卿薦紳崔泌之等率士民分堞死守賊遣死說降斬其顛懸之城上賊怒攻破之永傑格殺數賊身中數刃大罵而死君擢字際明成安人起家乙榜城圍時身先士卒運木石擊賊濠皆滿後被縛罵不絕口死泌之鹿邑人家陳州舉進士授雒縣知縣調清苑性豪宕不羈在官多所建著崇禎初前知清苑者黃宗昌入為御史常疏劾周延儒延儒囑保定知府史躬盛按其遺事躬盛以爲泌之泌之曰可殺人以媚人乎躬盛怒時泌之已遷戶部主事躬盛謂其侵隱錢穀三萬不聽行會御史行部至泌之突前與躬盛角御史以聞



獄遣戍久之釋還至是遭變用鉄杖斃賊數人自到  
死舉人王受爵亦奮勇擊殺賊大罵死有冀作梅  
者年十七父母俱亡殯於舍賊入火民居作梅跪  
前焚死久之贈永傑光祿寺卿君推布政司右叅議  
必之復故官受爵宛平知縣

張維世太康人萬曆四十四年進士歷官平陽知府  
公正廉潔大得民和絳州有惡黨數十人畫寘之法  
署內舊蓄荷池注以樊家河水維世曰得毋妨民灌  
溉耶即止之就遷按察副使分巡其地崇禎九年五  
月累官右僉都御史代陳新甲巡撫宣府七月

大清兵越天壽山入昌平山後地為宣府所轄維世  
視事甫旬日竟坐失防削籍遣戍己而釋還十五年  
二月李自成既陷睢州遂犯太康維世佐知縣魏令  
望竭力拒守賊勢盛城遂陷抗節而死時中州地失  
亡最多其縉紳死難者亦多有十三年登封土寇李  
際遇因歲饑倡亂旬日間聚眾數萬肆行劫掠前鳳  
陽府通判姚若時致仕居魯莊村賊來犯被執誘之  
降大罵而死族諸生不顯亦死之若時子諸生城思  
報父仇教諸兵討賊賊執之於路亦抗罵被殺陝州  
趙良棟仕為蓬萊教諭罷歸寓居澠池寇陷澠城父

子挺身罵賊死其媳若孫亦赴井以殉陝州之陷前  
平定知州梁可棟居憂在籍亦夫罵而死全里蕭大  
成以淮安府同知家居投井死 陷商水前臨汾知縣  
張節抗賊死其陷西平也前懷仁知縣楊士英死之  
子婦王氏從死息縣陷賊召前項城教諭王多福欲  
官之堅拒不赴賊逼之投縲而死洛陽阮泰仕為廣  
靈知縣解職歸十七年聞北都之變不食死妻朱氏  
從之楊汝經睢州人崇禎十年進士授戶部主事著  
廉能聲擢井陘兵備僉事十七年正月朝中聞甘肅  
陷起撫林瑞日殉難起拜汝經右僉都御史代之行  
次林縣聞都城亦陷將赴南京至東明率壯士百餘  
騎還討林縣偽官抵屯子遇賊戰敗執至林縣偽官  
釋其縛說之降不從又遣一縉紳來說汝經正色責  
之其人慚嗾偽官斃之獄

主世琇字崑良保定人崇禎十年進士授歸德府推  
官遷工部主事十五年二月李自成既陷陳州遂乘  
勝犯歸德歸德素不置兵世琇時已辦裝將行僚屬  
邀與共守慨然曰人臣義不辭難父官其地臨難而  
去是非誼也遂與同知顏則孔經歷徐一源商立知  
縣梁以樟教諭真世英里居尚書周士樸等誓眾堅



守賊攻圍七日總督侯恂家商立其子舉入方憂率家衆斬闖出奔殺傷守者數十人衆遂亂賊乘之以入世琇則孔革遇害則孔女聞之即自縊一源分守北城殺賊最多城陷督衆巷戰罵賊死以棒中賊刃久而獲妻張氏及子女僕從皆死世英見賊入持刀罵賊死於明倫堂妻石氏亦自刎一時全死者工部郎中沈試主事朱國慶文華殿中書侯忻廣西知府沈仔威縣知縣張儒及舉人徐作霖吳伯季周吉美等六人官生沈必侯峻等三人貢生侯恒沈誠周士貴等八人國學生侯傑沈調等四人諸生吳伯喬張渭劉伯愚等一百十餘人作霖伯喬伯喬渭伯愚皆郡中名士尤有聲則孔沂州人一源海鹽人世英祥符人士撲自有傳賊既陷歸德尋陷鹿邑知縣紀懋勛死之又陷虞城署縣事主簿孔亮亦死焉許永禧曲沃人崇禎十三年由舉人為上蔡知縣多惠政性耿介不以嘔笑假人十五年春李自成將果犯先遣數騎抵城下脅降永禧即督吏民憑城拒守賊大呼曰今日不迎降明日即屠爾城衆懼以告永禧嘆曰賊勢被獨難九邑豈能自保吾惟一死盡職而邑衆皆泣明日賊果大至守者禦潰永禧具袍笏

北而再拜據案秉燭端坐頃之賊入遂自刎全時高平垣繁時人崇禎十二年由恩貢生除西平知縣為人孤鯁以清慎得民十五年二月流寇陷城被執不屈死劉英貴州人由貢生崇禎十三年為遂平知縣十五年賊來攻城英誓衆死守已而城陷罵賊死有宦家者膠州人由任子為汝寧府通判上蔡既陷往署其縣事城中民舍盡燬築廣招流亡衆觀望不敢入會左良玉駐城南其兵淫掠無虛日衆始入城依築村民遭難來懇募即入良玉營責以大義奪還之民獲完家室者甚多悍卒或方刀相向募即袒腹當之卒亦不敢害是年冬汝寧陷賊黨賀一龍掠地上蔡訛傳土寇剽劫築出禦之陷陣死士民莫不哀悼李貞佐字無欲安邑人早有志操受業同里曹于汴之門以學行著天啓七年舉於鄉崇禎中除郟縣知縣初土寇楊同錦聚衆作亂謀攻城有奸人為內應賊即入大肆焚掠而據城乞撫總兵官王紀禹副將劉國能率師來討同錦中矢幾斃會監司魏公韓撤汝州吏目顧王家受賊降二將之兵遂罷未幾公韓去巡撫李仙風令開封趙同知察狀同知袖其厚賂力言賊忠款可用牒授都司守恪者至三十餘人排



衣黃蓋縱橫道途而劫掠如故知縣邵子灼不能禁里居通判李之倫密陳其狀仙風以詰同知耀即令賊掩殺之倫十四年二月李自成來寇同錦郊迎言願守郊當一面俟取開封即納土自成怒殺之并殺可灼而去貞佐以是年四月蒞任同錦餘黨猶聚焦家寨貞佐簡練鄉兵括賊財以充餉雖軍事旁午時出近郊勞耕者以酒食月必課士語之曰四民獲業乃太平之象士為四民首講論不輟為衆人倡不亦可乎邑有姊妹二人抗賊死為拜其塚祀以少宰細民王錫引有孝行造其廬而禮之郊教被寇民奮然不樂生貞佐以太平之治治之士民胥悅明年二月自成復來寇貞佐集衆死守顧王家者仁和人既撫賊秩滿當遷汝人以其才言於上官留之至是亦在城中助貞佐守禦甚力賊勢盛城竟陷貞佐走拜其母曰兒不忠不孝陷母至此罪通於天有勸微服遁者曰偷生苟活安施顏面賊執之去大罵其賊殺人罵聲曰驅百姓因守者我也安殺何為賊割其舌支解而死母喬氏亦死友人王昱相隨不去賊義之昱收葬於郊南郊每歲寒食郊人傾邑祭奠廣其塚至二畝餘贈河南按察僉事王家亦大聲叱賊賊

亂刃砍死賊盡戮郊人王家子國誘賊至墟墓間發絞金用巨石力擊賊碎其體而死汝州所轄凡四縣寶豐魯山一特並陷其令張人龍楊呈芳亦以節著人龍遵化人賊陷寶豐不屈死妻年少家奴四人故亂之妻飲以酒俾極歡而潛遣婢告丞尉勒兵捕殺之乃扶視旋里呈芳山海衛人知魯山撫字有恩練總應思鸞潛結黨衆與進士宗麟祥諸生袁熊瑞等謀不軌呈芳捕斬之至是城陷死馬有孔貞璞者曲阜人知伊陽縣賊薄城以守禦堅解圍去他日有事汝陽道遇賊被執亦不屈死

周小曆陳心學皆歙縣人心學銓授知縣不謁選而歸卜曆舉崇禎三年鄉試知內黃以父喪旋里十五年李自成陷歙縣執心學欲官之不從被殺更問卜曆如何曰吾以母老在此若欲仕何故里居自成曰汝不願仕何以官內黃曰爾時父在母未老也今母老多疾安得舍之而官自成曰既不願仕為我執縣官果可代汝死曰哉人以利己仁者不為也自成怒遂殺之有李得筭者寶豐舉人城陷得筭短衣雜衆中為賊小校所執徒跪縲絏賊時以牛金星為謀主金星常舉於鄉勸賊重用舉人故賊所至即搜求舉人



官之或勸得苟自言不聽賊役使之不從伺賊寐將刺殺之其婦大聲叫呼賊覺乃被殺有語賊者曰此舉人也賊懼得罪棄其屍莫知處所扶溝劉恩澤亦舉人慷慨能任事嘗以策干當道多見納用十四年十月賊逼扶溝衆議城守而縣令駭不解事恩澤座中蹶起痛哭曰吾不幸從汝曹木偶以死自題樓壁曰千古綱常事男兒肯讓人明日城陷墮樓而死時舉人畫節者有南陽張鳳翔王明物洛陽張氏表永城夏云醇商城余容善光州王者瑄光山胡植嵩縣王翼明並以罵賊被難云

何燮字中理晉江人舉於鄉歷知靈山桂東二縣崇禎中為亳州知州州自八年以後流寇土寇交橫益以饑饉居民死徙過半燮至盡心拊循經營戰守具甚備未幾山東河南土寇迭至燮勒兵戰於盧家廟衆爭奮生擒賊魁李忠常顯吾戮之刻其勝以示衆餘賊潰散撫降李龍等數千人十五年二月李自成陷河南諸州縣遠近震恐居民盡室而避城中空虛不能守遂陷賊執燮欲降之漫罵不屈賊斷其足剖其胸而死懸首市上三日耳鼻猶動衆相顧駭愕賊遂縱兵四出霍丘靈璧盱眙皆陷先是八年春賊已

陷霍丘至是再陷知縣左相申肅衛兵巷戰力屈被執死之廵簡吳姓者格開死靈璧知縣唐良銳全州人由乙榜入仕賊至城守力不支城陷抗罵死盱眙先已被陷至是賊再來寇士民悉走主簿胡淵獨效死不去或言君非正官盍避諸淵正色曰吾亦守土吏可偷生耶縣故無城持戰至龜山寺與賊力鬪殲數人賊駭異欲遁會馬蹶被執奮罵而死淵永年人義家貢生

趙興基雲南太和人舉於鄉崇禎中為廬州府通判先是賊賈一龍左金王等五大部分據英霍二山鈔掠遠近署作而入秋高而出歲以為常山城長吏挈其印視事舟中或濟江洲渚邑居聚落荒梗無行人督師楊嗣昌常遣監軍僉事楊卒然招之受侮而返至是李自成張獻忠大亂中原一龍等遙相響附勢益張以十四年六月襲陷英山縣知縣高在崙抗賊死十二月陷潛山知縣李季嘉典史沈所安遣督賊村中奸民惡其苛急稟賊執之二人並不屈死所安之子亦死焉十五年獻忠為左良玉所敗走合於諸部遂以三月攻舒城踰月城陷改為得勝州據之道其黨分掠旁邑游騎日抵廬州城下興基與知府鄭



履祥經歷鄭元綬合肥知縣潘登貴指揮同知趙之璞在籍雲南右叅政程楷分門而守監司蔡如衡貪戾民不附賊謀者滿城中亦不知五月提學御史徐之垣以試士至獻忠道其下偽為諸生囊書挾筆襲傷衣冠以入場三下賊從中起城上舉砲應之城中大擾之垣如薊及履祥登貴並趨城走與基時守水西門聞變挺刃下戍樓與賊格鬪斬數人被創死元綬楷共守南薰門元綬力鬪死楷不屈死之璞分守東門巷戰死賊乘勢連陷舍山巢縣廬江及無為六安二州又陷太湖知縣楊春芳典史陳知訓教諭沈鴻起訓導蒯懋履並死馬廬州城沈高深八年春賊百方力攻知府吳大樸迄堅守不下後屢犯終不得志至是以計得之履祥登貴懼罪委之與基總督史可法按問諸生胡來化毅然曰失城者守令非別駕也因其死而誣之何以慰忠魂且何以勵生者來化與別駕生死異途無所要結可法義之降階長揖以其言上聞乃治兩人罪而贈與基河南按察僉事楷光祿寺卿元綬亦獲贈恤方賊之攻舒城也縣令適以憂去在籍編修胡守恒與遊擊孔廷訓督民兵共守守恒家富而為人貪吝鄉里怨之至是餉乏廷訓

及士民稱貸再三堅拒不應兵民怨會廷訓縱所部淫掠士民逐之遂叛降於賊賊力攻城將陷悍卒疾守恒者刺刃其腹而死朝中不知以為殉難也超贈少詹事諡文節

夏統春字元文桐城人為諸生慷慨有才志以翰賢入國學用保舉授黃陂縣丞常攝黃安黃梅二縣事並著廉能聲十五年賊犯黃陂統春已遷涪州判官未赴乃督眾乘城拒守凡十五晝夜賊忽解去統春疏於眾曰此懈我也不可忽然眾已疲極歸休於家閱五日賊果突至城遂陷統春猶巷戰力竭被執賊欲屈而用之統春指其魁大罵賊怒斷其右手復以左手指賊罵賊又斷之罵不已乃割其舌別其目猶以頭觸賊遂支解之有薛聞禮者武進人初為府吏善於其職上下交稱之後官黃陂典史值歲歉民逋漕粟聞禮奉使過漢口貸於所知得千金以代民逋十六年張獻忠陷黃陂愛聞禮才欲重用之扶與俱去暮即亡歸賊設偽官士民競起殺之聞禮曰禍大矣今之遠避而已獨留以當之俄賊至將屠城聞禮挺身自殺官者我也士民無預請殺我賊猶欲活之用禮罵不止乃見殺當是時賊延蕙中原履名賊不可



勝數然迄無降賊者其以小吏死難有何宗孔賈儒秀張達郝瑞日諸人宗孔官紫陽典史十一年五月流寇再陷其城死之儒秀官商南典史賊陷城抗節而死達為興山典史十四年二月張獻忠自蜀來攻都司徐日耀戰沒達被縛罵賊不屈支解死瑞日陝西人為周始朱華鎮巡簡勇敢負氣節羅山為賊所陷止官令瑞日攝其縣事乃單騎攜二童以往至則止於僧寺將招流移為守禦計未逾月賊遣偽官至土寇萬朝勛與之合誘執瑞日說之降不從拘留其家一日朝勛置酒宴群賊酣醉而卧瑞日潛入其室殺之將奔鳳陽為大雨所阻復見繫賊愛其勇欲留之叱曰我雖小吏亦朝廷臣子肯為賊用耶遂被殺二僕亦死有朱耀者固始人與父允義二兄炳思成並以勇力聞八年賊來犯耀父子力戰却之明年賊復至耀出戰手馘賊數十級進之陷伏中為賊所獲大罵死允義曰我必報子誓炳謂思成曰我二人必報弟誓三人率眾奮擊賊解去城獲全

崇禎十年為鄭州知州善政大蓋建天中書院集士子誦肄其中遠近聞風樂從者幾千人十三年秋給事中范士髦薦世任及臨城諸生喬已百內丘故太原通判喬中和於朝稱為德行醇儒堪繼薛瑄陳獻章之後乞召試平臺置之左右倚顧問時不能用十五年流寇來犯親勅民兵禦之河干聚寨不敵力戰敗績自剄死士民聞之奔走哀號肖像祀之天中書院其年正月賊陷襄城總督汪喬年死之知縣曹思正被殺典史趙鳳牙拒敵死訓導張信罵賊不屈遇害未幾陷西華知縣劉伯驥懷印投井死明年汜水陷知縣周騰蛟亦死馬伯驥河間人由歲貢生入仕平刑輕役興學重農得士民心賊信急遣妻奉母還家為防禦計及賊薄城有勸出降者立刃之登陴死守賊驅其下為十覆迭進環攻城遂陷伯驥死之士民立廟以祀騰蛟香河人起家乙榜時頻歲寇警加以凶札民不聊生騰蛟撫字有術以其間釐定徭役每里均為二百四十頃甲均為二十四頃民甚便之城孤懸河畔縣人吳邦清等於城南立七岩相倚角中摩天岩為最險土寇李際遇伺騰蛟往河北急攻破摩天岩據之遂攻縣城且沿河設守阻遏援軍騰



或聞力請於上官以副將卜從養兵至賊始解去勝  
或念故城難守遷縣治于摩天岩以拒賊衝未幾賊  
火至相持十餘日賊多死傷其後隊來益衆勢不能  
支若臨河可渡以免騰鼓曰吾何忍舍衆而獨生遂  
自投於河賊退人從河濱獲其屍肘間猶懸印焉  
劉種字誠吾中部人從高祖聰順天巡撫高祖璋霸  
州知州祖仕刑部郎中以爭大禮廷杖後定李福達  
獄下吏遣成穆宗起太僕少卿年老不就父爾完歷  
高立名山知縣有學行種性剛介事親孝母沒於名  
山四千里哀號扶柩過剡關雲棧以肩任之父少寐  
愛聽史記種每夕朗誦俟父熟寢乃已崇禎四年  
賊陷中部種負父避難秋霖水漲渡者多溺種獨無  
恙十四年由乙榜授登封知縣土寇李際遇申靖邦  
據山為亂種練壯士數百與同甘苦且守且戰寇不  
敢近十五年李自成陷其城種被縛自成以同郡故  
欲降之種叱曰豈有奕世清白吏肯降賊耶自成曰  
吾與若同鄉今方有事閩中曷與我共事種終不屈  
自成義之明日遣賊將來說反覆數百言種執志彌  
厲乃見殺贈按察僉事同時陳顯元由鄉試副榜授  
新安知縣值大亂之後撫之以恩惡衣糲食與齊民

等或徒步咨民疾苦饑寒者賑衣食之徭賦繁重數  
為民請命尋以城堞傾頽寇至必不能守率士民入  
保關門寨賊發檄說降立碎其檄及賊衆來犯死守  
月餘力竭而陷見賊怒罵賊大殺寨中人厲聲曰守  
寨者我也百姓何辜寧磔我勿殺百姓賊益怒顯元  
益罵遂支解而死是時流寇之亂河南最劇故其死  
事者最多巡按御史蕪京奉詔錄上凡二百四十有  
九入後所傳不及百人蓋武職及州縣末秩舉貢諸  
生所遺逸者幾十之五六云  
王世琮字仲發達州人天啓四年舉於鄉崇禎中為  
汝寧府推官嘗出討屬縣土寇流矢貫耳而不動時  
琬王鐵耳上官薦其才請即用為兵備僉事分巡其  
地吏部乃用之冀北道御史潘世奇言世琮以知兵  
超擢不當移之善地詔復還之汝寧十五年九月李  
自成既覆開封尋敗孫傳庭於邦縣再陷洛陽南陽  
遂以閏十一月來犯時總督楊文岳在城中世琮與  
之力守未幾城破被執厲聲大罵賊怒用砲擊殺之  
一時全死者知府傅汝為通判朱國寶汝陽知縣文  
師順三人汝為字子宣江陵人崇禎七年進士歷知  
秀水歸善二縣遷南京兵部主事十四年來為知府



繕城治器日夕徹備教與文岳控賊兵後知城不可保語其妻子曰吾家世受國恩既不能殲賊報主何復惜此項踵但上有八旬老父汝歸為我奉養吾死瞑目矣城陷赴北河死國寶成都人師順全州人並起家乙榜師順蒞任甫三日竟與國寶全殉河南所轄凡八郡其三在河北者自六年蹂躪後寇不再犯其南五郡十一州七十三縣靡不殘破有再破三破者乃至城郭丘墟千里榛莽人民百不存一賊無所剽掠棄之而肆毒於湖廣朝廷亦不復設官間有設者不敢至其地遠寄治於他所其道黎僅存者率結寨山澤以自保多者數千小者數百最尖者洛陽李際遇汝寧沈萬登南陽劉洪起兄弟各擁衆數萬據地稱雄而諸小寨悉歸之或附賊或受朝命陰陽觀望於其間獨洪起常官副總兵頗稱恭順其後諸人自相吞噬兵革仍不休中原喪亂於斯為極至十六年四月帝特下詔蠲五郡田賦三年又制諭汝洛鳩壁諸人若等迹似弄兵義存報國宜赦罪立功大申討賊斬偽官者授職捕賊徒者資金復城獻俘者不次擢用然事已不可為矣

明史卷三百八十

忠義五

忠義傳

何天衢字升宇阿達州人有勇畧土酋普名聲招為頭目使駐三鄉崇禎三年名聲反謀三路出兵會戰昆明遣砲手三百人助天衢令從維摩羅平入天衢慨然曰此大丈夫報國之秋也吾豈為逆賊用哉遂坑殺砲手數十人率衆歸附署維摩州同知李嗣泌開城納之時名聲已陷彌勒聞天衢反正大懼急撤兩路兵歸不敢深入巡撫王伉上其事授為守備後教與嗣泌頗有功及名聲死其事均代領其衆恨天衢屢攻之天衢亦屢挫其衆九年四月錄功進參將自是搆兵不休天衢終不為下戰多獲勝十三年正月擢副總兵時萬氏已贊沙定洲為壻益以南安兵力勢益強乃厚賄黔國公幕下用事令毀天衢於是天衢請兵請餉皆不應其勢日蹙賊悉力攻之天衢食盡舉家自焚死同時揚于陞劍州人舉於鄉歷官武定府同知好文學創書屋三間于署左召士子講習名聲之亂巡撫命監紀軍事進討其賊被執死之詔贈太僕少卿建祠曰精忠

趙燁字黃如河津人崇禎七年進士授戶部主事兩



督倉儲能祛奸蠹歷兵部郎中出為霸州兵備副使勤於其職十五年十一月

大清兵入畿輔輝即偕知州丁師義在籍叅政李時芑等為城守計諭月被圍督士民嬰城固拒而援軍不至城遂破輝整冠帶自盡季子琬同時殉難贈光祿寺卿師義英雄人由選貢生來為知州圍既合拒守甚力亦慷慨盡節贈布政使叅議時芑由進士歷吏部郎中遷分守常鎮右叅政罷官里居與輝等同被難贈太常寺卿

顏孚紹字餐明曲阜人崇禎四年進士除鳳陽知縣調繁江都著能聲十年行取入都先是考選優者為其諫次部曹次府佐至是得為翰林奔競益甚其品題悉同鄉堂諫主之吏科給事中陳啟新由武生入素不為儕輩所齒于是有同鄉預擬翰林之疏帝即令指名以孚紹及涇縣知縣尹民興歸善知縣陸自岳對帝怒謫三人于外孚紹尋由邯鄲知縣遷真定府同知守城勦寇並有功十五年擢河間知府時比歲大饑死亡載道寇盜充斥孚紹周咨民隱拊循甚至閏十一月大兵臨城與叅議趙珉同知姚汝明知縣陳三接等憑城堅守時援軍雲集率逗遛不敢進

孚紹知城必破預集一家老稚於室中積薪統之而身往城上策戰守及城破趨歸官舍命舉火焚室肅衣冠北向再拜躍入火中同死珉慈谿人崇禎元年進士歷知南安侯官二縣累遷河間兵備僉事一門十有四人悉被難汝明夏縣人天啓元年舉于鄉性篤孝友崇禎間歲大歉傾廉賑濟立義塚募人拾暴骸給粟瘞埋為蠹絲知縣歲亦大歉疫癘盛作為寬徭賦施藥煮糜給棺掩骼民歌頌之且勦捕劇盜懲奸勸善盜多復為良民聞鄉邑又饑貽書其子令採菽如初里人益懷德後官河間與孚紹同殉難妻任氏從之三接文水人舉崇禎六年鄉試知河間縣歲旱饑人相食三接至兩即降為設賑貸令民藝晚禾給以種有疑獄數年不決三接立決之諸不便于民者聞之必去妻武氏素有賢行三接見封疆多故遣之歸荅曰夫死忠妻死節分也我安忍去至是三接巷戰死于鋒刃武氏亦從死珉贈太僕寺卿孚紹光祿寺卿汝明三接並按察僉事有周而淳者掖縣人初拜兵科給事中即與同官六人分督畿輔諸郡城守事而淳甫至河間城即被圍竟與諸臣同死贈太常寺卿



吉孔嘉洋縣人幼時愬父寃于巡方御史迄獲釋時以孝稱舉崇禎三年鄉試授寧津知縣精明慈惠黜頑苛除寇賊閭邑頌德遷順德府同知以才調真定尋擢順德知府十五年冬

大清兵臨城孔嘉悉力捍禦竟以勢力不敵城失守與妻張氏長子貢生惠迪次子婦王氏並死焉贈太僕少卿妻子皆獲旌同時有守城被難者王瑞冕唐鉉高維岱數人端冕字服先江陵人由乙榜為趙州知州居官以廉惠得民城破被執使之降不從縛諸樹射殺之教諭陳廣心元城人起家乙榜城將被衣冠危坐以待諸子環泣請避厲聲曰吾平生所學何事豈為兒女子戀戀耶兵至飲水而沒訓導王一統成安人居家多義行及是遭難死於明倫堂銘字節玉睢州人崇禎七年進士歷定州知州不屈死維岱昌邑人舉於鄉為永清知縣視事甫旬餘即遇變維岱一門死之典史李時正教諭邱養性鄉紳劉維蕙同死清豐破教諭曹一貞訓導董調元亦死焉銘贈布政司右叅議維岱按察使僉事餘贈恤有差是時大兵所至前無堅城巡撫楊進駐真定總兵官姜瓖駐保定但閉門自守未嘗一戰而總督趙光抃范志

完又專捍東偏不能西顧致畿輔數千里間南至大名西至廣平順德東南至河間喪失名城至十數而長吏死封疆者寥寥厥後論罪反輕于十三年失事五案論者訊之

傅梅和臺人萬曆十九年舉于鄉三十五年除登封知縣修學校繕城隍發奸祛蠹善政具舉公餘撰嵩史十三篇士林稱善入為刑部主事四十二年張差提擊獄起諸司官胡士相勞永嘉等納鄭國泰重賄將以瘋癲蔽獄梅憤夜詣同官陸夢龍曰人情佐奸而甘心儲皇吾雖恤刑山右當極口論列君與我共事乎時侍郎張問達署部事夢龍曰張公遇我厚未嘗力爭而遽上疏若張公何當更言之明日夢龍梅見問達反覆申前意問達乃令二人會士相等再鞠及差供至擊皇太子士相即推案起獄竟不具梅益憤已問達納夢龍言再令十三司會鞠衆皆集梅後至衆問我部遠有兩議君當如何梅曰奸人欲害皇太子安得持兩議果有兩當立一標曰為皇太子者左為賊者右諸公將左耶右耶復有言當慎重者主事王德坤面發赤厲聲曰何慎奸人欲害儲皇乃不敢語問耶何慎既鞠差逆謀盡露獄始成比差棄市



梅慮其潛易躬請其監刑自是為群小所疾尋以京察奪其官天啟初御史焦源溥訟于朝起陝西布政使都事都御史馮從吾推引之入為戶部主事六年春御史曾應瑞劾其呈身從吾遂削籍崇禎中起故官歷台州知府解職歸十五年冬畿輔戒嚴梅捐貲二千募兵置器與順德知府吉孔嘉共為捍衛備中書舍人孟魯鉢張鳳鳴亦出資佐之及城被圍諸人拒甚力已而城破皆死之十七年三月贈梅太常少卿孟鉢工部營繕主事同時縉紳里居死難者清豐則吏部郎中李其紀黃州府推官侶鶴舉富陽知縣杜斗愚南樂則監正鄭獻書河間則襄陽知縣賈太初永年則山東副使申為憲其紀太初為憲皆進士斗愚舉人獻書監生

龍岡粹遇大兵部下驚懼欲竄國璽叱止之身先士卒鏖戰矢刃交加墮馬死久之撫按不奏帝降旨嚴責乃具聞贈恤如制當是時大軍南下山東鋒銳甚所至勢如破竹城郭失守者不可勝數遂抵海州賴榆沐陽迄于豐沛列城將吏鮮以一矢加遺者或棄城潛遁或獻金帛迎降其身死封疆者止馮守禮張日新張予卿朱迥添任萬民文昌時李取吳良能吳汝宗周啓元劉光先十一人守禮衛氏人早有志操舉于鄉為縣令所重有疑獄令語訴者得馮孝廉一刺獄即解其人懷金以告拒不聽為平定州學正有兄弟爭產相訐餽以金守禮嚴却之而開示以友悌遂息爭去父服除起莒州學正遷石萊燕至是與二子搆奇拱奇並自殺日新浙江建德人由歲貢生為宿松訓導齊東教諭見海內寇起時與諸生講藝習射土寇安守夏倡亂招降之及齊東被圍與守夏登陴共禦未幾城陷日新及子光裔死之妻方聞之即自刎守夏亦從死于卿知陽信以城破殉難迥添者瀋陽宗室也居潞安由宗學貢生為鄒平知縣城失守全節以終萬民陽曲人為諸生見卿郡被寇草救時八議守城二十策獻之當塗果得其用以保舉授



城武知縣在職三年有能聲至是力不敵殉城而死  
昌時全州人舉於鄉為臨淄知縣以廉慎得民城受  
圍與訓導申周輔共守城破昌時舉家自焚周輔亦  
被難取大興人崇禎十三年進士知壽光自縊于城  
上良能遼東蓋州人舉順天鄉試知滕縣有武畧悍  
禦山寇邑賴以安及是城將破盡殺其家屬拜母而  
出力戰死汝宗寧洋人知東阿力屈城失守死之啟  
元黃岡人舉于鄉知高苑縣城破朱衣坐堂上不屈  
死光先知豐縣有二千騎營西城外不攻夜一人自  
營逸出語城上人曰彼得梯而攻不信又有逸者曰  
梯成立攻矣又婦人自營出曰彼盡甲矣即至也味  
莢突攻西南陔城中力禦之忽梯登西北陔光先死  
焉

張振秀臨清人萬曆三十八年進士授肥鄉知縣以  
才調永平入為兵部主事泰昌元年改吏部更歷四  
司至文選員外郎乞假歸崇禎改元起驗封郎中歷  
考功文選二司時魏忠賢已殛清奸黨登賢良振秀  
有力為擢太常少卿督四譯館三年坐事落職歸十  
五年閏十一月  
大清兵圍河間遠近震恐臨清為南北重地時以總

兵官劉源清守之聞警即偕振秀及推闈主事陳興  
言州同知路如瀛在籍兵部侍郎張宗衡員外郎邢  
泰吉前臨汾知縣尹任等為守禦備未幾城被圍力  
拒數日外援不至十有二日城破振秀等並死之判  
官徐應芳吏目陳翔龍亦被難如瀛陵川人應芳臨  
川人翔龍蕭山人泰吉任並起家進士宗衡自有傳  
源清澤清弟贈榮祿大夫太子少保齊魯多仕宦而  
城破殉難者絕少惟壽張王大年曹州楚煙滕縣劉  
弘緒以畫節聞大年舉進士歷御史加太僕少卿以  
附魏忠賢名掛逆案至是不屈死煙舉進士歷龍谿  
贊皇二縣遷戶部主事解職歸及城失守抗拒被殺  
子鳳苞以身翼父亦被殺妻趙氏聞知觸柱死弘緒  
亦由進士歷洛陽知縣車駕郎中遇變死他若德州  
太學生謝陞益都太僕卿馮可賓皆先是逸去為言  
官論列議者羞之

鄧藩錫字晉伯金壇人崇禎七年進士歷知龍岩嶼  
二縣遷南京兵部主事十五年出為兗州知府時中  
州地殘破已盡充與接壤土寇蜂起益以饑饉人不  
聊生藩錫聞命知勢難圖全區處公務但以一妾一  
穉子以行甫抵任已聞大兵入塞亟練丁壯除戎器



繕克守其纜數旬四萬騎已入城下走告魯王曰吏有郡國有王猶城舟也聞城之失守皆由貴家惜金錢耽晏樂而用寡人餓夫列陣捍禦遂致債事夫城郭者我之命也財賄者人之命也我不能畀彼以命而望彼畀我以命乎王誠能散積儲以鼓士氣城猶可存不然大事一去悔無及矣王不能從藩錫與監軍叅議王維新同知譚絲魯文蔚通判閻昂推官李昌期滋陽知縣郝芳聲副將丁文明王府長史俞起蛟及在籍給事中范叔恭等分門死守藩錫出私財犒士令縋城出擊頗有殺傷至十二月八日外圍益急城中力不支乘城者皆潰城破惟新猶力戰矢刃交加身被二十一創乃死藩錫受縛欲降之不從走解以死妾聞携穉子投井死魯王以派亦遇害昌期永年人芳聲忻州人並起家進士昌期嘗監軍破土寇萬衆人推其才芳聲治縣有聲至是與絲等同死有樊吉人者元城人由進士知滋陽以才擢兵部主事再擢山東兵備僉事未行遇變自刎死起蛟錢塘人由貢生歷官魯府左長史相憲王及惠王立徵易世子起蛟力諫乃已世子嗣位值歲凶勸王賑貸自出粟二千石佐之火盜李青山率衆來犯偕淑泰督

兵出擊大破其衆至是王被難起蛟率親屬二十三  
人殉之淑泰自有傳文明亦戰死事聞贈維新光祿  
卿藩錫太僕少卿昌期按察司僉事餘贈恤有差  
陳美字在中新建人崇禎時由鄉舉為常山知縣以  
毋憂歸十一年服闋起官宣城承兵燹之餘民生凋  
瘵及張獻忠據穀城人情益懼美綢繆安輯備著勞  
績十四年二月獻忠陷襄陽遣兵來犯美設伏要害  
偕守備劉相國迎擊之賊至伏發敗衄去巡按御史  
上其功獲叙錄撫治都御史王永祚以六等課所部  
有司美居上上力荐于朝未及擢用明年冬季自成  
連陷洛陽南陽汝寧遂長驅犯襄陽左良玉望風先  
奔永祚亦棄城遁知府以下俱遁賊以十二月四日  
入城惟前羅平知府蔡思絕福州府通判宋大勛里  
居殉節賊分兵寇宜城棗陽穀城光化均州美固拒  
八晝夜力屈被陷抗罵不已為賊支解訓導陽城田  
世福亦死之棗陽知縣郭裕清江人十四年春由乙  
榜授任甫視事獻忠即來犯時左良玉屯近邑裕單  
騎邀與共禦賊却去至是賊將劉福來攻裕誓衆登  
陣發砲石擊斃死無筭賊憤攻益力以十六年元旦  
登城裕身被數槊大罵亦為賊支解闔門皆遇害光



化知縣萬敬宗南昌人起家貢生受任破壞之後以死自誓及賊薄城遂自盡賊義之為引退城中人獲全鄉荐紳韓應龍由乙榜歷官長蘆鹽運使以不受偽職自縊死賊陷穀城知縣周建中亦死焉陷均州知州胡承熙被執不屈與其子爾吳亦死焉承熙治州有能聲永祚以六等課屬吏列之上上遷刑部員外郎未行而遇難賊既陷襄陽遂分兵犯鄖陽之保康知縣萬惟壇死之妻李氏與全死惟壇曹縣人起家由恩貢生

譔吉臣字仲貞南昌縣人父應華舉武會試歷官叅將以援朝鮮戰沒吉臣由乙榜崇禎中為雲夢知縣拊循凋殘稍有起色十五年十二月李自成陷襄陽其黨賀一龍即以十二日陷德安安陸知縣分水濮有容一門十九人皆死吉臣聞亟遣孀歸而身效死勿去明年正月城陷被執不食者累日賊臨以兵乞速死賊壯之欲授以官不屈賊驅之上馬曰我失守封疆當死于此更安往賊乃殺之袁啓觀者雲夢諸生也賊據城啓觀立寨自守怨家告賊賊執之去出題試之叱曰誰與爾談文賊怒啓觀曰汝既知文亦知亂臣賊子人人得而誅之耶賊即殺之同時程道

壽孝感人常為來安知縣解職歸至是賊陷孝感置掌旅守之而去道壽結里中壯士擊殺之無何賊至問誰殺吾掌旅道壽直前自承賊杖之繫獄道壽大罵賊怒遂見殺諸生廖應元安陸縣人也城既陷鄉民皆結寨自保賊將白旺連破數十寨應元益堅守為奸人執送旺旺問汝欲何為厲聲曰欲殺賊爾賊怒射殺之應山舉人劉申錫家饒于貲養死士百人至是城陷倡義圖恢復兵敗為白旺所殺百人皆戰死

廬學古夏縣人舉於鄉授衛水知縣遷承天府同知攝荆門州事崇禎十五年十二月李自成既陷襄陽遂寇荆門學古誓衆死守學正黃州張郊芳訓導黃岡程之奇亦盟諸生於大成殿佐學古城守賊環攻四日竟無援者城遂陷學古罵賊不絕口剖腹而死郊芳之奇亦不屈見害有朱士完者潛江舉人賊破承天長驅陷潛江士完被執械送襄陽道由泗港嚙指血書已盡節處遂自經又有彭大翻者景陵之青山人有學行賊逼承天大翻出所著平賊權畧上之當塗不能用遂自集一旅保障鄉曲賊往來其地大翻率衆邀擊斬獲過當賊怒于兩夜襲之大翻赴水



而死

振君錫字賓王絳縣人為諸生有聲崇禎中為荊州府訓導十五年十二月李自成既陷襄陽遂陷夷陵荆門向荊州湖南巡撫陳睿謨聞驚急渡江入城奉瑞王常潤南奔監司以下皆奔士民遂以十八日開門迎賊君錫正衣冠端坐明倫堂賊至欲屈之詔誓而死賊大索縉紳故相孫居正子允修以父任當為尚寶丞遭削奪莊烈帝復之至是年已八十被賊執賦絕命詩不食死前戶部員外郎李友蘭不屈死諸生王維藩率妻朱氏及二女避難為賊所掠維藩令妻女赴井死遂見殺王圖南亦避難被執抗罵而死夷陵李雲由鄉舉歷武功知縣潁川知州州人祠祀之謝事歸城陷不屈執至江陵絕食旬日卒呂調元者歸州千戶也賊陷城士民悉歸附調元獨率部卒關格陷重圍中招之降罵不絕口死於亂刃之下陳萬策李開先俱江陵人天啓中兩人先後舉於鄉有時名崇禎十六年正月李自成據襄陽設偽官其吏政府侍郎石首喻上猷先為御史降賊賊信任之乃荐兩人賢可重用自成即遣使其書幣徵之萬策隱龍灣市去城百餘里賊使至嘆曰我為名所誤既

不能奮身滅賊尚可惜此項踵哉夜自經死使者至開先家開先瞋目大罵以頭觸墻死

蕭漢字雲濤南豐人崇禎十年進士授鍾祥知縣鋤惡許奸不徇請謁值寇氛熾增城堞建閣廟儲軍食緩征徭政務修舉十五年冬將入覲聞襄陽陷慨然曰士見危授命吾可便文自營乎請于上官罷行十二月賊薄城漢即奠辭家廟投悅于妾媵曰男死忠女死節分也吾不能死城中萬姓敢愛此一門戚屬乎撰甲乘城佐巡撫宋一鶴等拒擊賊死傷甚多明年元旦漢突圍奔謁獻陵賊騎環之漢大呼鍾祥令在此若等不得震驚陵寢賊挾之去漢延頸就刃賊不殺遣使說降漢拒之不聽賊送之吉祥寺令僧謹視漢覓死具不可得于僧榻得一剃刀乃書揚繼盛絕命詞于楹楮拾土塊畫鍾祥縣令蕭漢願死此寺十字于壁間即引刀自剄血正濺于字上時正月初五日也賊嘉其義用錦衣斂而瘞之賊退其門人曰吾師肯服賊之服乎悉易之贈大理寺丞漢被執之次日承天即陷巡撫一鶴死之巡按御史李振聲被賊執去知府王璣亦不屈死璣扶風人舉於鄉由戶部郎中來任時已擢鳳陽兵備副使未行遇害鍾祥



人從所向舉於鄉歷玉山知縣刑部主事性恬淡解職歸以文史自娛至是與子士默皆不屈死振聲米脂人舉崇禎七年進士授郟城知縣禦寇有功擢御史出巡湖北既被執李自成以全姓全邑稱之為无且贈以金幣振聲不為屈賊教置酒邀飲醉即厲詞詆叱賊乃移之襄陽令部將劉体統伺察之及孫傳庭出關討賊賊復移之于裕州有言振聲通書傳庭者賊怒遣其將谷永殺之南門外振聲東向拜天子北向拜其親乃就刑時九月二十有九日也先是振聲被執有傳其降賊者朝野皆詆之後賊入山西榜列授職者姓名并列振聲故相賀逢聖以誑惑遠近然二人實未嘗受職也有張鳳翥者宿松人由進士歷官兵備副使分巡承天城將陷奪圍出擊中三刃累疾走募勇敢圖恢復竟以創重卒

奪大燾而還獄有重囚七人令歸省尅期就獄皆如約至乃請於上官而貸之十三年遷下江防道副使駐新州時賊魁賀一龍蘭養成等盡率黃岡監軍推官楊卓然承揚嗣昌命招撫反受其侮文岐設備益嚴賊黨張雄飛將潛兵南渡命游擊楊富馳田家鎮焚其舟賊乃引却巡撫宋一鶴上其功副將張一龍取兵嚴文岐共之常共宿帳中中夜呼譟聲四起文岐曰此必奸人乘夜思遁耳堅卧不出質明叛兵百餘果奪門逃一龍率兵追獲盡斬之一軍肅然楊富既久鎮斬一鶴復遣叅將毛顯文至不相得兵民洶洶文岐會二將以杯酒釋之始無患十五年荆襄失守左良玉潰兵南下長江數千里民居商艘焚掠畧盡文岐立馬江口迎之兵莫敢犯時警報日急人無固志會擢督糧叅政客曰公今可行矣文岐嘆曰吾為天子守孤城三載矣分當死封疆雖危急奈何棄之遺妻奉母歸檄揚富毛顯文出屯關廟為固守計無何荆王府將校郝承忠潛通張獻忠遂以明年大舉兵來攻文岐率甲士往來捍禦發神銃斃賊甚衆夜將半天寒雪盈尺賊破西門入文岐猶督軍巷戰雪愈甚砲不得發遂被執獻忠聞其名頗禮之文



岐厲聲曰既被執惟速死耳獻忠不殺繫之後營時舉人奚昂鈺等數十人同繫文岐密謂曰觀賊老營多烏合凡此數萬皆被掠良民若告以大義同心協力賊可殲也於是陰相結期四月中起事以柳圍為信謀洩獻中索之果得柳圍縛文岐斬之將死語人曰吾所以不死者志圖滅賊耳今事不成天也含笑而死時文岐陷城中已七十餘日矣事聞贈太僕寺卿賊既陷蘄州遂屠其民前陝西按察僉事李新舉家被執賊欲屈新叱之曰我昔官秦中爾輩方為廩養今日肯屈膝廩養耶賊怒新抱父屍就刃其時屬吏死難者惟麻城教諭定遠蕭頌聖蘄水訓導施州童天申其他無聞焉

樊維城黃岡人給事中王綱子也第萬曆四十七年進士除海鹽知縣入為禮部主事天啓七年坐事謫上林苑典簿其年十一月莊烈帝已嗣位魏忠賢尚未伏誅抗疏言曩曹吉祥之反其黨羽止曹欽一人爾忠賢則子姪列三爵假子遍金吾陛下不即誅夷使得徐為布置其私甲士多至萬人外不隸名於樞部內不屬籍於團營怒馬鮮衣橫行都市倘用其蔽國之財鼓其敢死之士臣恐吉祥之變一旦發於關

下此不可不亟誅者也高皇帝定律人臣非有大功朦朧奏請封爵者所司及受封之人俱處死魏良卿良棟鵬翼悉白丁乳臭之兒而並叨封爵此不當按律誅之乎皇親張國紀何罪而勒令還鄉戚畹李承恩何罪而羅織論死知府劉鐸何罪而立肆市朝監司耿如杞胡士容何罪而並置大辟昔劉瑾既誅奮章改正者吏部二十四事戶部二十餘事兵部十八事工部十三事今不當倣而行之乎且忠賢所積之財半盜自內帑累朝寶玩盡入其家誠籍而還之太府可以裕九邊數歲之餉寬三農加派之征此決當旦夕舉行者因請褒恤楊漣萬燦等一十四人召還賀逢聖文震孟孫必顯等三十二人亟正張體乾許顯純楊察等罪其月又言崔呈秀雖雉經私室尚宜剖棺戮屍明正國法忠賢死賍賄已散其半呈秀死安知其家不寄之他人此籍沒不可緩也五虎五彪之徒罪狀顯著何待証佐然後究追恐提勘未行賍私先隱且田吉吳淳夫田爾耕許顯純孫雲鶴張體乾高守謙輩皆應斬之人乃或賜馳驛或僅令還鄉何以服人心昭國典末弁吏科陳爾翼請緝東林遺孽之非為御史方震孺請釋罪帝並採納之崇禎元



年遷戶部主事進員外郎歷泉州知府福建八年以大計罷歸十六年張獻忠連破黃梅麻城廣濟蘄州蕪水遂以三月犯黃州時城南門哭五日夜衆知禍必至傾城走婦女多不及行二十四日賊入黃岡知縣光山孫旬一縣丞 吳文燮死之賊執維城欲屈之抗聲漫罵賊必洞胸而死賊逐婦女隳城稍緩輒斫其腕血淋漓土石間三日而城平復殺之以實斬焉

易道暹字曦侯黃岡諸生也好學尚氣節積書滿家所居在深山非賊往來道虞寇竊掠約鄉人建堡設倉爲捍禦計十六年賊漸逼子爲瑚請遠避道暹重惜其書又以已所著書多不忍棄之遠巡未行及賊益逼爲瑚急奉母走青峯岩道暹不得已令蒼頭擔書携幼子爲璉他適賊遇諸途其尊者潛以告賊賊問若何人給以遠方書賈賊笑曰汝易曦侯也何欺我道暹曰若既知我當聽我一言村中財物足資汝飽掠慎毋殺人焚廬舍賊曰若自身不保尚爲他人言耶速從我與汝富貴道暹厲色叱責賊怒殺之爲璉聞急詣賊請代賊又殺之未幾爲瑚亦遇害全時傳可知黃陂諸生幼失怙卧柩下三年六十失恃啜粥

者亦三年里人將舉其孝行固辭道拾遺金坐待其人而還之黃陂陷被執可知年已八十賊憫其老不殺俾之養馬叱曰我爲衣冠數十年今日乃役於賊耶延頸就刃賊即殺之

郭以重黃州人世爲衛指揮十六年城陷自他所來赴難其妻欲止之叱曰朝家界我十三葉金紫不能易一死哉吾將先殺汝妻乃不敢言既至遇賊欲脅之去堅不從賊露刃懾之且誘以富貴乃好謂賊曰從汝非難但抱小兒者吾妻也汝爲我殺之吾無累矣賊如其言以重耶奪賊刀擊斬一賊群賊擁至遂赴水死先是蘄州破指揮岳璧自屋墜地不死賊知其官也問之不答索弓刀衣服又不答賊怒執至城上欲降之厲聲曰我世臣也城亡與亡豈降賊哉賊必之仆地氣將絕揚目曰我死爲鬼亦當滅汝時大雪血流丈餘目眦不合同時郭金城爲羅田守將賊逼城率所部五百人大戰斬級百餘追之英山賊大集困之三日突圍不得出遂被繫脅降不從乃見殺崔文榮海寧衛人世爲指揮僉事文榮舉武會試以天啓五年嗣職授南安守備崇禎中臨藍盜起逼桂陽桂王告急文榮督所部會勦賊衆至三四萬勢不



敵乃多張旗幟以疑之賊不測虛實退去以功擢武昌參將十六年張獻忠陷黃州以四月犯漢陽文榮潛師渡江襲擊斬首六百級而還無何漢陽陷武昌震懼時巡撫宋一鶴總兵官錢中選皆死於承天新任巡撫王聚奎未至武昌素不置衆兵城中空虛有議撤江上兵守城者文榮曰守城不如守江團風煤炭鴨蛋諸洲淺不及馬腹縱之飛渡而坐守孤城非策也當事不從五月五日賊果從團風渡江陷武昌縣縣中空無人賊出營樊口文榮軍於洪山寺以扼之既而斂兵入城以他將代守二十三日賊全軍由鴨蛋州畢渡越三日抵洪山守將亦退入城文榮以武勝門當賊衝故相賀逢聖協力堅守賊攻之不能下監軍叅政王揚基時已擢右僉都御史巡撫承天德安二郡未聞命尚駐武昌見勢急與推官傅上瑞詭言有事漢陽開門遁去人情益洶洶先是楚王出資募兵應募者率斬黃潰卒及賊間諜至是開文昌保安二門納賊文榮方出關還闔城扉不及躍馬大呼殺三人賊攢槊刺之洞胸而死有朱士昂者起家武進士為巡江都司城陷被執賊喜其勇敢欲大用之士昂戡手大罵賊斷其右手乃以左手染血灑

賊賊又斷之士昂不死賊退令人縛筆於臂能作楷字招集舊卒訓練如常廷中聞而旌異之徐學顏字君復永康人性篤孝友母疾衣不解帶者三月禱於天請以身代夜夢神人授以藥但識其形色而廣覓之得荆瀝焉疾遂愈父為中城兵馬指揮忤要人下吏學顏三疏訟冤所司格不上徧叩諸公卿莫為申雪將置之重辟學顏號泣爭於刑部不能得至嚙臂血賸於庭乃獲釋歸弟食指繁推所居大宅畫畀之尚義既財為德於族黨甚衆崇禎三年建東宮詔舉孝友廉潔博物洽聞可勵俗維風者有司以學顏應寢不行三登鄉試副榜當為訓導至十二年始以恩貢生特授楚府左長史引義匡輔王甚敬之強宗亦為斂戢王及闔府將中軍尉上官及武昌士民莫不稱其賢交章論薦未及擢用會十五年冬諸司長官及武昌知府江夏知縣並以朝覲行學顏攝江夏事繕修守備大著勞勩楚府新募兵即令學顏將之明年五月大寇臨城城中惟監司王揚基王瓚二人為政學顏與之力守無何揚基遁去人心益搖至晦日新軍內叛城遂陷學顏猶與格鬪賊斷其左臂大罵不屈為賊走解一家二十餘人殉之通判



固安李毓英亦舉家自縊一時同死者武昌衛經歷汪文熙巡檢戴良瑄及僧官一人俱誓賊不屈腰斬賊既陷武昌分兵陷其屬邑于是嘉魚知縣霍山王良鑑蒲圻知縣臨川曾拭俱抗節死事聞學顏贈按察僉事毓英等贈恤有差

馮雲路字漸卿黃岡人好學勵行年三十即棄諸生從賀逢聖講學遂寓居武昌閉戶著書凡數百卷崇禎十三年巡撫御史林銘球荐其賢并上所著用書百卷時不能用及寇將渡江貽書逢聖曰在內以寧湖為止水在外以漢江為泊羅寧湖者雲路嘗所談經處也城既陷乘桴入寧湖賊遣使來聘追呼曰我主以高爵待賢人公何為遠遁遙應曰我生平止讀忠孝書未嘗讀降賊書也遂投湖中以死年四十有六從遊諸生汪延陸亦死焉其同邑熊甯字渭公亦移居武昌嗜古學尤喜邵子皇極書頗言未來事十六年元旦盡以所撰性理格言圖書懸象大易叅諸書付其三弟曰能讀此可以保身立命我生平積力在焉善藏弗失城破前一日貽書雲路言明日當覓我於某樹下及期行樹旁賊亦追至躍入荷池以死有諸生明睿者江夏人城破賊獨不入其門睿慨然

曰安有父母之邦覆而偷生苟活者語象連從我入井否則速去於是妻二子二女及諸婢以次投井睿笑曰吾今曠然無累矣從容榜諸門赴井死時人號為明井

蔡道憲字元白晉江人崇禎十年進士授大理府推官父服闋起官長沙其地多盜蔡豪民通盜者推心任之一日盜方劫富家分財奴者已至召富家還所失物皆愕不知所自有群盜閉戶謀劫謀成落戶而捕卒已坐其門爭散去吉府宗人多放恣民有腴產輒誣為蕩庄宅舍佳者夜朱其戶旦迫使徙去厚賄乃已無賴者悉投為校尉魚肉閉閉有司逮治必請之王往往匿不發道憲獨先治而後啓王王召責之抗聲曰民天子之民亦王之民方今四海鼎沸寇盜日滋王不思保有其民一旦捩而走險能獨與此曹保富貴乎王悟謝遣之自是奸人斂手十六年五月晦張獻忠陷武昌長沙大震承天巡撫王揚基率所部千人自岳州奔長沙道憲請還駐岳州曰岳與長沙唇齒也并力守岳則長沙可保而衡永亦無虞揚基曰岳非我屬也道憲曰棄北守南猶不失為楚地若南北俱棄亦未見謝通有詞也揚基語塞乃勉赴



岳州及賊入蒲圻郎颺帆遁去湖廣巡撫王聚奎時遠駐袁州憚賊不敢進道憲亦請移岳州即以告揚基者告之聚奎不得已至岳數日即徙長沙道憲曰賊去岳尚遠正可繕兵固守彼來犯岳猶憚長沙救援若棄岳不守長沙能獨全哉聚奎不從賊果以八月陷岳州直犯長沙先是巡按御史劉熙祚委道憲募兵道憲得壯士五千訓練之皆精悍可用至是親將之與總兵官尹先民等扼守羅塘河聚奎聞賊逼怯甚令道憲等撤兵還守城道憲曰去長沙六十里有險道可柙以守毋使賊得踰此又不從及賊陷城聚奎詭言出戰遽率所部遁走惠王先以避難寓長沙與吉王謀出奔會徧沅巡撫李乾德總兵官孔希貴自岳州潰敗至遂與熙祚奉二王走衡州時知府堵銜錫入覲未返通判周二南往攝攸縣事城中文武寥寥士民盡竄道憲猶勒兵拒守賊遠城呼曰軍中久知蔡推官名可速降毋自苦道憲命守卒射之多斃賊怒攻益力越三日先民出戰敗還賊乘勢奪門入先民遂降道憲被執時八月二十有二日也賊說道憲啗以官爵齒大罵賊釋其縛欲送上座罵如故賊使先民說之道憲益怒奮起搏擊賊以道憲

愛民謂汝不降將盡殺百姓道憲大哭曰爾速殺我毋累他人賊知終不可奪命磔之氣垂絕猶作恨聲賊問何恨曰恨不殺尹先民爾其心血直濺賊面賊為昏仆者久之有健卒林國俊等九人追隨不去賊令說道憲降國俊曰如吾主畏死早隨諸人去矣不至今日賊曰爾主不降爾輩亦不得活國俊曰如我輩畏死亦早隨諸人去矣不至今日賊并殺之內四奮卒曰願埋主屍而後死賊許之乃解衣裹道憲骸瘞之南郊醴陵坡遂自刎道憲死時年止二十九後贈太僕少卿謚忠烈堵銜錫為建祠醴陵坡上二南字汝為雲南人由選貢生為長沙通判盡心職事與道憲深相得道憲之死二南方請於上官乃獲恤久之擢岳州知府士民固留乃以新秩還長沙後亦死于王事並祀于道憲祠

馮一第長沙人天啓末舉於鄉以詩文名湖湘間崇禎十六年八月賊陷長沙一第出走湘鄉將乞師他方圖恢復賊帥聞繫其母无以招之一第慮母无被禍歸長沙就縛賊將斬之一老僧伏地哭請免賊乃去其兩手置之營中一夕死母及无獲免鄉人賢之附祀蔡道憲祠全時唐德明東安人崇禎九年舉於



鄉未仕遇城陷賊所置偽官索之急德明仰藥死謝如珂未陽諸生賊犯其境如珂與鄉人拒敵力戰死張綸祁陽人舉崇禎三年鄉試方介寡合恒高戶下帷不入城市遭寇亂避地深山築土室以居親故罕亦見其面竟卒於土室

張鵬翼西充人崇禎中由選貢生授衡陽知縣十六年八月張獻忠逼衡州巡撫王聚奎李乾德及監司以下皆遁士民亦盡室奔鵬翼獨守空城賊至即陷脅使降不從戰誓諾罵賊怒縛而投諸江妻子亦赴水死賊之赴岳州也已陵教諭桂陽歐陽顯字時攝縣事死焉其陷臨湘也知縣蒲田林不息抗罵不屈斷其兩手而後殺之湘陰之陷知縣大埔楊開率家屬十七人投水死其姪賴萬耀攝醴陵縣事城破亦死之宜興莫可及者長沙府照磨也攝寧鄉縣事殉城而死二子若嵩若鈺號勵奔赴亦遇害衡州既陷屬縣衡山亦失守知縣富順董我前教諭分宜彭允中並盡節死賊既陷長沙衡州遂陷常德同知鶴慶朱國治正冠帶而死府教授永明蔣道亨攝武陵縣事抱印罵賊死其他文武將吏非降則逃鮮能死節者長沙史可鏡由進士歷官工科給事中丁艱歸至

是降賊賊用為湖南巡撫及賊退為官軍所獲李乾德加擄掠械送南都伏法鄉人羞稱之

劉熙祚字仲緝武進人父純仁進士泉州府推官熙祚舉天啓四年鄉試崇禎中為興寧知縣地產斷腸草啖之輒死奸民常藉以脅人財物熙祚下令贖罪者必以草以是致死者弗問其弊為止課最微授御史十五年春極論安慶巡撫鄭二陽庸劣債事及廬州副使蔡如蘅貪淫罪帝納之是冬巡按湖南時李自成已陷荆襄諸郡張獻忠又破蕪黃臨江欲渡熙祚嘆曰門庭既失堂奧必危倘不能保障湖南還之天子何賴立于世明年二月抵岳州調諸將分防江潁檄偏沅鄖陽二撫聯絡形勢會賊馬守應據澧州窺常德土寇甘明陽等助之勢張甚熙祚馳至常德遣將先擊土寇明陽投首五月還長沙及武昌岳州相繼陷以羅塘河地居要害令大將尹先民副將何一德督萬人守之無何巡撫王聚奎撤守長沙賊無所憚遂長驅而至聚奎大怖即率潰將孔全彬黃朝宣張先璧等棄長沙走湘潭沿途焚劫熙祚以長沙不能守奉吉惠二王奔衡州聚奎兵亦至焚劫如初衡為桂王所封地王及吉惠二王亦登舟避之熙祚與



僚屬言未嘗不慟哭痛恨於聚奎也然謂其擁兵可藉以守乃于九月四日匹馬赴永州為城守計未幾聚奎復棄衡州走祁陽衡州遂陷永州士民聞之空城而逃十六日二王至永州明日聚奎繼至其謀卒猶責屬吏賄又明日全彬等兵亦至盡劫庫金而去熙祚乃奉二王出城遣部將護走廣西而已返永州拒守俄賊騎追至被執送至衡州見獻忠獻忠時踞桂王宮叱令跪不屈命群毆之傷目自殿城曳至端禮門膚盡裂使降將尹先民說之終不變乃見殺贈太常少卿謚忠毅弟永祚字叔遠由選貢生授涿縣知縣勸樹循教化刑政清簡胥徒多去而歸農遷養刊知州蠻人亦服其化改興化府同知計擒劇賊曾旺為巡撫所獎攝仙遊縣事有靖寇功後以副使知興化府事

州後伺賊退潛還武昌為新任巡撫何騰蛟所劾將罪之以夤緣獲免

王孫蘭字晚仲無錫人崇禎四年進士授刑部主事進員外郎出為成都知府蜀府宗人及奄豎好魚肉細民民不堪一日忽聚衆為變將焚內江王第舍孫蘭亟出撫諭即解散尋以父憂歸服闋起官紹興歲比告凶孫蘭大修荒政闔郡賴之十五年遷廣東按察副使分巡南雄韶州二府甫蒞任連州獯賊為亂馳赴湟川進勦三戰皆捷遂降明年張獻忠大亂湖南湖南之郴州宜章與韶接壤人情恟懼孫蘭嚴飭守備連乞援于督府不應及賊陷長沙衡州大肆屠戮韶所轄樂昌乳源仁化諸邑逋竄一空連州守將先據城納款韶城士民聞之亦空城而逃孫蘭乃仰天嘆曰事不可為矣吾益先死乎遂自縊時十月二十有二日也孫蘭既死賊竟不至朝廷憫其忠命予贈恤又有程良箐者孝感人舉天啓五年進士時父註為太常少卿被御史王士英劾罷去并良箐除名崇禎元年起官行人擢吏部稽勳主事歷文選員外郎掌選事時麻城李長庚為尚書良箐以全鄉附之甚為所倚初掌選時為誓神文播之都下其後不



如斯言朝論頗少之七年八月長庚用推舉失當削籍良籌亦下吏罪坐遣戍久之釋歸十六年李自成陷德安承天旁近州縣悉空城而逃孝感亦陷良籌以邑中白雲山險峻可守與同里紳衿築壘結寨聚衆自保賊以地當要隘設長圍攻之相持月餘不下乃解去時漢陽武昌亦為張獻忠所陷四面皆賊而白雲孤處其間勢危甚會武昌為官軍所復良籌亦號召遠近諸寨犄角進兵良籌故書生所部又皆鄉民不任戰其冬十二月進薄德安遂敗退保白蓮寨寨中人素通賊為內應良籌遂被執羈之密室中明年正月左良玉遣將攻德安賊懼棄城去遂殺良籌贈太常少卿父註任至南工部尚書南都失守註適歸後數年終于家

明史卷三百八十一

忠義六

忠義傳

黃世清字澄海滕縣人父中色吏部員外郎世清登崇禎七年進士除戶部主事權稅許墅閩有清操歷員外郎郎中出為山西僉事分巡冀寧道遷陝西右叅議分守商維駐商州其城屢遭兵燹四野蕭然民皆入保城中而客兵所過淫掠民苦兵甚於賊世清下令毋許擅入城未幾閩中兵經其地世清申前令有二卒搥傷門者即撈之以徇自是稍戢督撫發兵往來必誠曰毋犯黃叅議令李自成大彌荆襄遠近震動世清一子方幼屬其友人養之誓以身殉十六年十月自成入潼關遣其右營十萬人從南陽犯商州世清率士民憑城守禦絕死士殲其六七十人有奸民投賊至城下說降世清與之語密遣砲手擊斃之懸其首城上令之曰懷二心者視此士民皆效死砲矢盡繼以石石盡婦人掘街砌縫之初九日城陷世清危坐堂上麾其僕朱化鳳去化鳳願全死賊牽世清下堂化鳳叱曰奴才不得無禮賊批其頰化鳳聲色愈厲執至賊帥袁宗第營世清植立不跪賊欲屈化鳳曰奴才真不解事吾主堂堂憲司肯拜賊



耶賊先殺之授世清以防禦扎怒罵不受與一家十三人皆遇害贈光祿寺卿

楊暄高平人崇禎十三年進士為渭南知縣老成厚重得民和歲大凶畢力拯救奸人乘機行劫斃之杖下民稍獲安性約素飲食服御不異布衣時十六年十月李自成敗孫傳庭軍長驅入關兵恹僉事益山楊王休叛降潼關衛教授許嗣復分守上南門城破持挺格鬪誓賊死妻女被掠亦皆自殺賊兵遂抵渭南暄時已擢兵部主事未行與學官蔡姓者全守會舉人王命誥開門迎賊暄被縛索印不予詬罵死學官亦死之賊遂陷西安屈邑望風降附蒲城知縣朱一統獨謀拒守曰吾家七世木冠安可臣賊或言他州孫出身甲榜者皆已納款一統曰此事寧論資格耶以軀體肥大会家人擴井口以待會衛兵叛奪印趣迎降一統瞑目叱曰吾一日未死印不可得也至日暮左右盡散度事不可為從容赴井死縣丞沁源姚啓崇亦死焉一統平定人起家乙榜有朱迥澆者潘府宗室也由宗貢生為白水知縣明習吏事下不敢欺賊潛入城猶手弓射賊與學官魏歲史劉進並被

黃綱字季侯光州人元衮萬曆中舉進士仕至山東右叅政綱舉天啓二年進士授南宮知縣有政聲入為兵部主事調禮部進員外郎崇禎中歷紹興知府淮海兵恹副使以憂歸七年流寇陷光州子彞如督家僮巷戰罵賊死其妹亦被難綱以省墓故獲免服除起臨鞏兵恹副使賊李自成等亂關中綱請調番兵合勦果大破賊于潼關原尋以右叅政分守洮岷十五年擢陝西按察使明年十月七日自成入潼關十三日陷西安巡撫馮師孔狗難布政使陸之祺以下迎降惟綱及秦府左長史章尚綱長安知縣吳從義指揮崔爾達死之綱被執自成勸之降叱曰疇昔潼關之戰汝固我之戮餘也今日肯降汝耶妻王氏先赴井死綱得間亦赴井死贈太常卿謚忠烈尚綱會稽人開城陷投印井中冠服趨王府端禮門再拜自縊贈按察副使從義浙江山陰人舉崇禎十三年進士知長安時謁選者率營善地從義獨曰朝廷待士子厚避危疆不就豈臣子分誼且吾儕貧士倘稱貸以圖後不利民償耶其志操如此長安比歲兵荒力請於上官委曲賑恤時裁縣設練總募丁壯三百人總之一聞禦寇輒股栗色變從義親為訓練士皆



可與值官軍勦南山寇從義率所部夾擊果有功秦  
府宗室及薦紳佔業居十之四名為寄庄無他役役  
獨累細民及督師孫傳庭駐大軍西安征求百出悉  
取辦長安咸寧二縣從義不憚強禦並令豪族均輸  
民力稍寬至是西安陷從義從容下城釋戎服襲冠  
裳覆關叩頭投井死贈按察僉事爾達西安右衛指揮  
亦赴井死有兵從周者為都司吏長不滿三尺強直  
敢言見自成所為暴虐乘醉直詣其前罵曰若一小  
民今妄踞王府將僭稱偽號而所為若此何以得長  
久賊怒砍殺之

祝萬齡咸寧人父世喬有至行以父遠遊久不歸年  
十五即獨身訪求歷數千里屢瀕於死卒得之後以  
選貢生為南康府通判以清慎稱萬齡從鄉人馮從  
吾遊早有志舉萬曆四十四年進士累官保定知  
府天啓六年魏忠賢盡毀天下書院萬齡形之嘆息  
其黨李魯生遂劾萬齡倡訛言謂天變地震物怪人  
妖悉由毀書院所致非聖誣天其志甚惜萬齡遂落  
職閑住崇禎初用薦起黃州知府為政峻而不苛吏  
民畏愛興賢旌善奸宄多化為良民嘗曰吾輩讀聖  
賢書成進士第奈何一領簿牒遂棄之若遺吾欲與

諸生講明之因集定惠書院時啓迪以聖學諸生悅  
之稱為關西夫子居三年遷河南按察副使監軍磁  
州輝縣之北與山西陵川之南有村曰水峪回賊竊  
據數十年大為民患四年春萬齡與山西監司王肇  
生合兵夾擊萬齡所遣二將六戰皆捷焚其巢三百  
餘賊遂平副將蔡忠將解任萬齡以兵籍虛冒誥之  
忠遂諷中軍何際鳳等擁衆鼓譟萬齡既撫定于巡  
撫吳光義光義以間際鳳等抵法忠亦獲罪錄平寇  
功加右叅政明年流賊自山西入河北以千騎掠新  
鄉萬齡督毛兵八百人邀擊之賊走陵川已而復大  
至萬齡拮据兵食勞勩甚著竟坐失事削籍歸河南  
府推官湯開遠訟其寃不納久之廷臣交荐部議將  
起用未及而西安陷萬齡深衣大帶趨至關中書院  
哭拜先聖投環死一時同死者前懷慶府通判咸寧  
寶光儀前儀封知縣長安徐方敬前芮城知縣咸寧  
徐芳聲舉人宗室朱誼果俱投水死

唐時明字爾極固始人舉于鄉崇禎中為長垣教諭  
縣有杏壇久廢捐俸修之子路墓舊有祀田為豪家  
所奪悉復其故入為國子學正累遷鳳翔知府十六  
年七月聞李自成入潼關亟繕城濬濠儲餉治邑為



戰事備俄清兵逼其地大掠而西人無固志及自成  
據西安分兵寇鄜郡與史董尚質等開門迎賊時明  
遂自經未死為賊所得其偽相牛金星說之曰吾主  
求賢若渴君至西京自不次擢用時明張目叱之曰  
我天朝命吏恨不能滅賊乃欲我臣賊耶金星去令  
尚質說之時明怒厲聲責數之尚質慚退賊令縛赴  
西安時明託其妻子於友人遂就道至興平縛偶釋  
乘間自縊明日尚質在鳳翔亦發狂暴死鳳翔既陷  
屬城叛降隴州同知薛應玠武進人時攝州事獨勒  
兵拒守力屈城陷晉賊死寶雞知縣唐夢鯤番禺人  
舉於鄉授福寧州學正歷知仙居天台富川分水四  
縣在富川有撫搖功坐累謫池州府經歷攝費池縣  
事值左良玉擁兵東下鄉民數萬避兵求入城守者  
不納夢鯤獨主納之及改寶雞賊已逼潼關衆勸勿  
往不從星馳抵任賊已陷鳳翔屬邑皆下十二月夢  
鯤知不可守自縊死

新鐮毅然曰受國恩無以報此吾致命之秋也即受  
之未幾賊傳檄至新鐮方巡城怒而碎之議拒守然  
邑新遭寇人情瓦解乃屬父老令速去而已誓必死  
妻盧氏妾薛氏馮氏請先自盡許之有女方教歲新  
鐮拊其背而勉之縊左右皆泣下乃書表封印使人  
馳送京師冠帶望闕拜又望拜其母即自經士民  
之社壇側以妻女附先是土寇薄城縣丞光先與戰  
不勝遂自焚新鐮歸哭之慟曰殺身成仁雖死猶生  
至是亦死難

段復興字仲方陽穀人崇禎七年進士授南京戶部  
主事歷員外郎出為陝西右叅議分守慶陽十六年  
十月李自成據西安傳檄諭降復興裂其檄集衆議  
守踰月賊兵薄城圍之數匝城上砲石雨下賊積屍  
滿濠而攻圍不退復興勢力不支拜辭其母聚妻妾  
四人及一子一女於樓置薪其上復興督戰十六  
日城陷趨歸火其樓母亦赴火死乃持鐵鞭走北門  
擊殺數賊遂自刎士民墓之西河坪立祠祀之其同  
時死難者慶陽推官靳聖居安化知縣袁繼登聖居  
字淑孔長垣人崇禎元年進士歷知濟源萊陽二縣  
坐事謫河南布政使焯磨擢潞安府推官再被謫屢



遷隸漳慶陽乃如故時已授刑部主事未行遇賊佐復興死守城破被執罵不絕口死繼登南畿人起家選貢生涖任未決歲即遭變見賊求速死賊乃殺之其陷寧州也知州董琬亦死之

簡仁瑞字季麟滎縣人由乙榜歷官西安府同知遷平涼知府十六年冬賊入閩閩中諸王宗室及監司以下官即謀遁走仁瑞上謁韓王曰賊雖西犯長安尚有重兵訛言不足信殿下輕棄三百年宗社欲何之縱賊兵壓境延寧甘涼諸軍足相救援即萬不能支同死社稷亦不辱二祖列宗王不從是夕其護卒鼓譟扶王及諸郡王宗室斬關出奔并魯仁瑞行仁瑞曰吾平涼太守也吾去誰與守諸君自行其志毋強我衆遂去仁瑞乃撤四閩居民入城以土石基其門為死守計未幾賊傳檄至衆益無固志乃召所活死囚數輩謂之曰吾昔生汝汝亦有以報我乎皆對曰惟命即託以幼子令衛之出城明日賊抵城下守陴者皆哭士民殺人草降書乞僉名署印仁瑞怒厲聲叱責之遂正衣冠自經于堂上平涼既陷屬城悉降附華亭教諭鄒姓者援曾子居武城之義欲避去訓導何相劉止之曰吾輩已委贖為臣安可以賢師

自待乃率諸生共守及城陷與教諭並殉難

司五教字敬先內黃人幼失怙篤學有志行崇禎時以歲貢生為內丘訓導十一年內丘被兵佐長吏拒守有功遷城固知縣值群盜縱橫山民亦擾險稱亂五教督兵殲滅之十六年冬賊據閩中分設偽官郡縣望風而靡五教激厲士民議固守有諸生密謀內應捕斬之竿其首城上無何偽帥田見秀擁兵至五教且戰且守斃賊多賊悉兵內攻四日而城陷見秀叱令跪屬聲曰朝廷命官肯為賊屈耶賊去其冠帶輒自取冠之罵益厲乃被磔

朱廷鄣晉府宗室也崇禎中為鞏昌府通判署秦州事為人廉直政尚嚴十六年冬賊陷秦州擢見賊帥使之跪叱曰我天朝宗姓頭可斷膝不可屈賊欲活之大呼曰今日惟求一死出外危坐神色自若乃見殺鞏昌屬城十有七其長吏盡節者廷鄣而外止應昌士王垣二人昌士仙居人尚書大猷之後由舉人為安定知縣地狹民貧無戰守具及賊迫與典史葉暹共守城賊環攻旬日不能克先任知縣王垣四川人以攝會寧縣事為賊所執至是賊遣之說降垣登城即勗以死守賊急攻陷之殺垣於城上執昌士殺



然不屈

尤世威榆林衛人與兀世功第世祿並勇耿知名天啓中世威鎮官建昌營參將調守墻子路七年遷山海中部副總兵寧遠告警從大帥滿桂赴援力戰城東有功增秩受賜崇禎二年擢總兵官鎮守居庸昌平其冬京師戒嚴命提兵五千防順義俄命還鎮防護諸陵四年十二月代宋偉為山海總兵官積資至左都督七年我

大清兵入宣府命偕寧遠總兵官吳襄馳援總督張宗衡與議進兵方畧襄厲聲曰我軍止外貌可觀耳一交鋒悔何及二將遂擁兵不進事平為兵科常自裕等所劾並褫職論成未行會流賊躡河南詔世威充為事官與副將張外嘉分統關門鐵騎五千往勦明年正月賊陷鳳陽世威以二千五百騎赴之抵亳州會總督洪承疇出關討賊次信陽命世威趨汝州甫二日承疇亦至時賊見河南兵盛悉奔入關中承疇將入關征討乃大會諸將令分防汝雒諸要害以世威所將皆勁旅令與參將徐來朝分駐永寧盧氏山中以扼雒南蘭草川朱陽關之險戒之曰靈陝賊所出入汝勿懈及承疇既入關賊避之而南復由藍

田將走盧氏扼於世威仍入商雒山中來朝所部三千人不肯入山大譟雖撫定軍心遂不固後賊至來朝逃一軍盡亡世威軍暴露久大疫與賊戰失利世威及遊擊劉肇基羅岱俱負重傷衆大潰賊遂越盧氏走永寧事聞命解任候勘十年宣大總督盧象昇言世威善撫士曉軍機徒以數千客旅久戍荒山水土失調疾疫大作遂致失利今當用兵時棄之可惜乃命赴象昇軍自效及象昇戰沒自免歸十五年以廷臣薦命與弟世祿赴京候調比至召對中左門復告歸明年十月李自成陷西安傳檄榆林招降總兵官王定懼率所部精卒棄城走時巡撫張鳳翼未至城中士馬單弱人心洶洶布政都任亟集副將惠顯參將劉廷傑等議城守世威與里居諸帥王世欽世國候世祿拱極王學書李昌齡輩咸與焉昌齡故廷綏總兵寓居榆林者衆推世威為主帥分陴固守無何賊十萬衆陷延安下綏德復遣使說降廷傑大呼曰長安雖陷三邊如故賊皆中州子弟殺其父死而驅之戰必非所願榆林天下勁兵一戰奪其氣然後約寧夏固原為三師迭進賊可平也衆白將軍議是世威奮曰受國厚恩敢忘報稱諸公既見推指麾三



軍惟老夫是任世欽前曰我輩世叨國恩豈為賊下  
礮兵秣馬予請一戰于是都任令于軍曰壯士一聽  
尤將軍遠者殺無赦乃歃血誓師簡卒乘繕甲仗各  
出私財佐軍守具未備賊已抵城下出戰敗之廷傑  
募死士乞師套部其衆將至賊分兵拒却之攻城益  
力官軍力拒賊死無算益衆來攻守七晝夜賊乃穴  
城置大砲轟之城遂破世威等猶督衆巷戰婦人暨  
子亦發屋瓦擊賊賊屍相枕籍既而力不支俱死之  
侯世祿父子及學書俱不屈死世威世欽世國昌齡  
並被執賊怒廷傑勾套部傑之至死罵不絕口顯亦  
被執大罵賊賊惜其勇繫至神木服毒死縛世威等  
獻自成自成坐秦王府欲降之四人不屈膝自成曰  
諸公皆名將助我平天下取封侯可乎衆罵曰汝驛  
卒敢大言侮我自成笑前解其縛世欽唾曰驛卒毋  
近前汚將軍衣自成怒皆殺之世欽大將威子官都  
督僉事與蕭如薰白兆慶分練三大營軍遷都督同  
知孫承宗設山海三大將用為左部總兵官言官欲  
去承宗先擊世欽遂謝病去崇禎八年洪承疇起之  
家擊李自成有功即謝歸十六年召對中左門未及  
用而歸遂死於賊世國威弟保定總兵官繼子由柳

溝總兵官罷歸甫數日竟拒賊以死世威從弟翟文  
為靖邊營副將嘗從洪承疇追闖王于鳳翔之官亭  
大敗之斬首七百餘級至是率敢死士出南門奮擊  
殺傷過當中矢死又有尤岱者由部卒起家至山海  
鐵騎營參將數有功忤上官棄職歸守水西門城陷  
自殺廷傑既死其父副使彞聞之不哭曰吾有子  
矣其弟廷變收屍亦自投闕死一時同死者督餉  
戶部員外郎王家祿自斃死里居戶部主事張雲鶚  
不屈死指揮崔重觀自焚死傅佑與妻杜氏自縊死  
中軍劉光祐罵賊死材官李耀善射矢盡自刎死同  
營李光裕趨家人死亦自刎死張天叙焚其積貯自  
縊死指揮黃廷政與弟千戶廷用百戶廷弼奮力殺  
賊全死千戶賀世魁偕妻柳氏自縊死參將馬鳴節  
聚妻子室中自焚死里居戰死則山海副總兵楊明  
定邊副總兵張發孤山副總兵王永祚西安參將李  
應孝在官死事則遊擊傅德潘國臣李國奇晏維新  
陳二典劉芳馨文候國中軍楊正鞏柳承年旗鼓文  
經國守備尤勉惠漸賀大雷揚以偉指揮李文焜文  
燦而副將常懷李登龍遊擊孫貴尤養鯤守備白慎  
衡李宗叙亦以守鄉土遭難諸生則陳義昌沈濬沈



演白拱極白舍章罵賊死張連元連捷李可柱胡一奎李循祥自經死一城之中婦女死義者數千人井中屍滿賊遂屠其城榆林為天下雄鎮兵最精將材最多然其地最瘠餉又最乏士常不宿飽乃慕義殉忠志不少挫無一屈身賊虜其忠烈又為天下最事聞天子嗟悼將大行褒恤以國止不果

侯世祿榆林人由世職累官涼州副總兵遼事亟詔擢總兵官提兵赴援世祿于諸將中稱精悍為經畧熊廷弼所知及袁應泰代廷弼亦倚任之天啓元年應泰將復撫順清河議用大將十人以世祿及姜弼梁仲善各將兵一萬主清河未行而我

大清兵拔潘陽逼遼陽世祿弼仲善與李秉誠朱萬良屯兵演武場力戰仲善陣亡萬良敗奔為叢矢所中死弼戰尤力與世祿俱負重傷潰圍得出秉誠亦敗還遼陽遂破已而論罪世祿以傷重命立功自効尋用為固原總兵官六年以軍政拾遺罷明年寧錦告警有薦其才者命率家丁赴關聽調旋命出守前屯甫至令以故官鎮山海崇禎元年移鎮宣府明年冬率師入衛與大清兵遇於順義清再遇德勝門復潰世祿被創部

卒剽民間奔還鎮事關當重坐以傷重命戴罪立功已而被劾法司當大辟以勤王先至戕死戍邊巡撫郭之琮亦削籍九年八月京師被兵率子弟從軍叙功免戍還籍廷臣多推薦迄不復用及賊兵臨城與子拱極固守新添門城陷父子見執俱不屈死拱極歷官叅將常從總兵尤世祿破賊河曲有功九年冬任山海總兵官十二年正月我

大清兵入畿輔拱極率精騎二千躡至邯鄲遇伏敗負重傷尋謝病去十六年詔舉將才廷臣多推拱極既入都與王洪王世欽尤世威召對中左門旋還卒與父同死

房之屏宛平人崇禎間由舉人為安邑知縣十六年十二月李自成盡覆陝西郡縣長驅渡河北山西以二十二日陷平陽分兵掠安邑越二日城陷之屏北向拜天子入署拜其母命妻子各自盡遂奮身入井未死賊曳出斬之全時楊家龍字揚若曲陽人由歲貢生為鄉軍知縣遭寇蹂躪民徙亡過半家龍畢力撫綏閩七年民皆復業上官交荐擢忻州知州受事數旬大寇即至召士民語之曰此城必不能守守則徒傷民命吾出若輩可全也遂挺身出城罵賊而死



士民建祠祀之賊之陷平陽也知府張璘然首迎降賊用為戶政府侍郎其陷太原也提學參議兼僉事黎志陞亦降賊用為弘文院學士兩人皆從入京賊陷京城之六日志陞入闈主試所取士即授官後南都六等定罪兩人並列首等罪當凌遲然未嘗南歸迄不能正法也璘然歸安人志陞華容人皆起家進士

趙建極河南永寧人萬曆四十七年進士授瀋縣知縣清役錢築河堤修學校政稱卓異行取授戶部主事歷員外郎郎中崇禎四年出為山東副使分巡沂州調陝西右叅政累遷山西左布政使十六年十二月李自成兵渡河東犯太原震動建極即繕修守具明年二月五日賊臨城偕巡撫蔡懋德諸監司毛文炳蘭剛中畢拱辰太原知府孫康周長史范志恭等分門守禦斃賊甚多越三日張雄守將通賊城遂陷建極危坐公堂不動賊擁至晉王府見自成迫之跪不屈欲授以官叱曰我天朝方伯復仕賊耶自成怒令曳出刑之建極下階連呼萬歲曰臣死守封疆死有餘罪自成喜以為呼已也亟令曳還問之曰若既畏死呼萬歲何為不受官建極厲聲曰我嵩呼當朝

皇帝寧呼賊耶遂大罵自成益怒即殺之先是賊掠永寧建極五子並遇害後生三子又皆夭至是趙氏一門盡矣拱辰字星伯掖縣人萬曆四十四年進士歷知鹽城朝邑二縣謫上林監丞稍遷戶部主事改禮部進員外郎復謫浙江按察使知事遷吉安府推官歷南京戶部郎中出為淮徐兵備僉事督漕侍郎史可法謂徐州要地而拱辰才不任治劇乃移之冀寧拱辰工詩嗜讀書積書至萬餘卷居官不其理廢務又不善事上官故官久不達至是分守西城猶不廢書及被執賊通得新刀欲以人試之見拱辰方晚視問曰若晚此何為對曰欲得此刀砍頭爾賊即取斬之康周字晉侯安丘人舉於鄉授遵化知縣有政聲擢戶部主事歷員外郎郎中出為太原知府賊既入猶率死士力戰俄被執賊說之降不從乃見殺志恭虞城人為晉府左長史署陽曲縣事分守東城城陷不食死

毛文炳字夢石鄭州人崇禎元年進士授壽陽知縣以才調掄次並有聲九年徵授吏科給事中以憂歸流賊來寇與有司登陴守禦城獲全服闋起故官揚嗣昌出督師議調州縣民兵討賊文炳言民兵可守



不可調往見驅民從軍率死鋒鏑百不一全蓋由官兵善避而民兵不知避官兵快馬善走而民兵不及走也今以大將統重兵尚不能一戰豈糾合什伯鄉勇遂足以辦賊哉時當大計言天下之病莫大乎官方淆混上下相蒙如德貪之明旨嚴矣而貪風何以不息薦章之廉吏多矣而民生何以勿寧由主計諸臣以奔競為有才以廉靜為無用也乞嚴勅撫按毋以萬姓之深讐為庶司之上考如撫按不公吏部得以舉發吏部不公科道得以糾彈科道不公吏部得以入奏庶官方肅吏治清帝並採納久之出為山西兵備副使駐太原十七年二月李自成大舉來犯偕巡撫蔡懋德參議蘭剛中等乘城固守晝夜不懈未幾城陷文炳被執賊脅之降不屈誘以官不從抗罵數日遂為所殺妻趙氏妾李氏聞之亦投井死子兆夢甫數歲為賊掠去士民以忠臣子贖而歸之剛中陵縣人崇禎四年進士由太常博士擢南京兵科給事中十二年有詔起廢剛中慮起覲謁請嚴舉主以核實才尋奏保護留都六事曰籌度支覈軍實嚴江防肅保甲預儲特補大僚帝並嘉納明年劾甘肅巡撫劉錫寧夏巡撫樊一蘅河南解任巡撫常道立並

冒濫京堂一蘅遂罷去道立削籍其秋以漕事大壞陳叔獎急圖帝亦採納時山東游饑廷議救荒之策剛中上言曰二東不幸遭此鞠凶蚩蚩小民非不知為盜必死且莫苟延旦夕遂走險不顧其僅存萬一者不過幾家廉耻自好之良民恐死不移爾然人死而丁猶存田荒而賦尚在有司迫於功令拘生者以代死者或一人而承一戶或一戶而承一里鞭之撲之以責其償民不能堪益以相率而為盜否亦遠徙他鄉丁賦之逋欠更甚此無補於國課祇迫民以死亡討良左矣陛下加意臣鄉恨不能起死者而生之獨奈何驅僅存之民置之死亡之地即日議招撫開墾何人願歸故鄉為今之計惟有清戶口并里甲俾生存者不代償死亡之賦庶幾聞風來歸荒蕪自墾帝納其言十六年遷山西副使兼參議督糧儲明年正月涖任即遭寇分守東門時調陽和兵三千協守剛中慮其內應移之南關外及賊環攻陽和兵果叛降張雄又引賊入城遂陷剛中不屈罵賊死首既墮忽躍起丈餘賊皆辟易

李孚慈字有懷霸州人崇禎四年進士授戶部主事進員外郎出為太原知府以廉靜得民遷兵備副使



分巡寧武諸關十七年二月李自成既陷太原遣使說降李懋斬之與總兵官周遇吉嚴兵固守無何賊騎大至城上砲石雨下蹙賊無算賊大挫更番進攻城遂陷李懋不受偽命自刎死妻楊氏以投井殉之先是賊陷平陽知府張璘然迎降陷汾州知府侯君招死焉汾陽知縣劉必達袖出罵賊文被殺義勇范奇芳刺殺偽都尉即自刎陷代州分守叅政鹿邑閻夢葵不屈死至是三關皆陷賊遂長驅犯大同朱家仕陝西河州人崇禎元年進士歷官兵備副使分巡大同雅好內典政尚寬平與巡撫衛景瑗深相得十七年三月大賊壓境有勸其出避者曰時勢至此生平參悟何事尚惜一死不以報國乎佐景瑗城守及賊入盡驅妻妾子女入井而已從之一家死者十六人督儲郎中徐有聲山陰知縣李倬亦死之王徽俊字夢卜陽城人天啟五年進士授歸城知縣崇禎初流寇來犯督吏民禦却之坐事議調旋以大計謫歸德府昭磨巡按御史李日宣荐于朝未幾給事中呂黃鐘請用天下必不可少之人亦以徽俊為言量移滕縣知縣遷戶部主事督餉密雲由即中出為河南僉事有禦寇功歷山東右叅議副使以右叅

政分守寧前丁憂歸十七年二月賊陷陽城被執不屈繫之獄圍縣士民稱微俊居鄉有德賊乃釋之既抵家北面再拜從容投環卒其時士大夫居家盡節者靈石則有宋之偽冀城則有史可觀陽曲則有朱慎鏐之偽舉進士歷官登萊監軍副使忤按御史謝三賓互訐於朝之偽不勝落職歸三賓亦貶秩至是遇變之偽受刑死妻喬氏誓賊撞塔死女歛尸畢亦拔簪刺喉死可觀太常少卿學遷子官文華殿中書舍人加鴻臚寺少卿城陷自縊死慎鏐晉府宗室攝靈丘郡王府事賊陷太原冠帶祀家廟驅家人入廟中焚之火發投入焰中死同時張第元汾陽人由進士歷官禮科都給事中太常少卿至是家居遂降賊李自成敗歸山西先在京受偽職者多亡去乃用第元為兵政府尚書一日自成問爾家在河北無恙乎第元倉猝不及諱對曰象以某為賊官屠害矣自成怒立殺之有耿如然者猗氏人亦由進士為兵科給事中被劾下獄削籍歸至是亦降賊及賊還山西用為刑政府尚書懼失自成指每讞獄輒予重比牛金星規之乃稍爭執一日自成手其奏大怒金星密以告夫婦對泣自經死



丁泰運字孟尚澤州人崇禎十三年進士除武陟知縣調河內著廉直聲十七年二月朔賊將劉芳亮自蒲坂渡河東窺懷慶巡按御史孫京託言暴太行道先遁去與陝西巡撫李化熙全抵寧郭驛俄兵變化熙被傷走執京毆之褫其衣被以婦人服令挿花學婦人步稍遠輒扶之一市大笑十六日叛將陳永福自澤州引寇至京即偕亂卒迎直逼懷慶監司以下皆竄泰運獨守南城力不支被執賊擁之見芳亮使之跪不屈賊燒鐵鎖炙之亦不從乃遇害賊既陷懷慶尋陷彰德安陽人尚大倫字崇雅由進士歷官刑部郎中有國學生白夢謙以救黃道周繫獄大倫議寬之忤堂官意遂罷歸至是城陷抗節死又有王楫微由鄉舉歷官蒲州知州以強項忤豪宗謝事歸至是為賊所執傳詰李自成道中憤恨不食死廬江王載 鄭簡王玄孫也居懷慶崇禎十七年二月賊陷其城王整冠服端坐堂上賊至被執欲屈之厲聲曰吾天朝藩王肯降汝逆賊耶詬罵不屈遂遇害賊執其長子翔擲擁之北上三月過定興于旅店作絕命詞遂不食卒於途何復字見元平度人邵宗玄字景康陽山人復舉崇

禎七年進士授高縣知縣有却賊功忤上官被劾罪至謫戍後廷臣多論荐十五年秋起英山知縣入為工部主事進員外郎十七年二月擢保定知府宗玄由思貢生歷保定府同知有治行時李自成陷山西遣其制將軍劉芳亮由固關東犯畿輔震動及真定游擊謝嘉福殺巡撫徐標反遣使迎賊人情益洶洶宗玄時攝府事亟集通判王宗周推官許曰可清苑知縣朱允康指揮劉忠嗣及里居縉紳張羅彥尹洗等議城守復聞之兼程而馳或以寇迫止之不顧既入城宗玄即授以印復曰我初至諸務未暗公部署已定印仍佩之我與膠力可也乃謁文廟與諸生講見危致命章詞氣激烈講畢即登城分門而守有賊騎潛過城外詭稱襄城伯偵卒無敢詰者三月十九日都城陷明日薄暮賊遣使投書誘降宗玄手裂之益戒嚴又明日寇大至絡繹三百里聲撼山谷有數十騎逼河干服婦人遙呼連降歷教所過百餘城皆開門遠近無抗拒者不降即齎粉且曰京師已破若等為誰守城上人聞之髮豎皆裂守益堅寇四面環攻雲梯如墻而進且攻且罵既激守者怒而出戰則乘勢突入宗玄等知其謀固守不出城中巷皆樹柵



民無老穉悉持挺伺擊道上非持符者不敢行賊知守禦堅稍稍引却會督師大學士李建泰率殘卒數百人輦餉銀十餘輶叩城求入宗玄等不許建泰恚大呼我朝廷重臣討賊至此安得不納舉所携勅印示之宗玄等曰荷天子厚恩御門賜劍酌酒餞別今不伏賊西征乃叩關避賊耶建泰怒厲聲叱責呼益急欲舉尚方劍恐之衆中有欲啓門者宗玄曰倘賊詐為之若何或言金御史甄嗣監督師軍當識之亟推甄嗣出視信乃納之建泰入而賊攻益厲掘城西南隅守者以火罐擲之不敢近驅難民哭城下莫亂衆心城上擊以礮石亦却去建泰乃倡言曰勢不支矣姑與議降得一印信文牒可矣出一帝迫宗玄用印宗玄憤抵印坐隅厲聲曰我為朝廷守此一塊土義不降賊欲降者任為之大哭引刀將自刎左右急止之皆兩泣羅彥趨而前曰邪說勿聽速擊賊于是砲復雷震復自起熱西洋巨砲火發被燎幾死賊意在必克攻擊無遺力雉堞盡傾彈丸若雨城中皆負板而走二十四日賊火箭中城西北樓樓焚復焚死俄南郭門又火守者多散寇復誘南城守將王登州總城出降寇一擁而上建泰中軍副將郭中杰等為

內應城遂陷宗玄及中官方正化不屈死建泰即率曰可允康出降是日去都城之陷已五日矣正化山東人初為司禮太監十五年冬畿輔被兵命總監保定軍務有全城功已而撤還十七年二月復命出鎮正化頓首辭帝不許復頓首曰奴此行萬無能為不過一死報主恩耳帝亦垂涕遣之既至宗玄等劄置已定正化一無所更即日登陴共守有請事者但曰我方寸已亂諸公好為之可也及城陷擊殺數十人賊問若為誰厲聲曰我總監方公也賊攢刀斫殺之其侍從諸奄皆死

張羅俊字元美保定清苑人父純臣由武進士歷官署都督僉事神機營左副將生六子長羅俊次羅彥羅士羅善羅詰羅輔羅俊雅敦義行娶諸女終身不置妾羅彥字仲美舉崇禎二年進士授行人擢吏部稽勲主事累遷文選郎中執政揚嗣昌數借封疆事薦用匪人羅彥多為駁正進士謁選有直奔堂上奪簽自擇善地者羅彥疏論之有詔議罪帝時疑吏部行私駁之特嚴厥衛遷卒常克滿其庭秉銓者多罹重譴羅彥獨無所汙染秩滿獲遷光祿少卿及京察前是進士被劾者其同榜多居言路為之修隙乃鑄



其一官未幾同邑太僕少卿史堃坐瘵死忌羅彥者誣其死堃有所私遂落職羅彥既歸羅俊始以十六年秋舉進士羅輔亦以是年舉武進士兄弟並需次還籍十七年二月聞賊漸逼保定遂議城守初羅彥少時嘗從父塞上習知兵事及官行人奉使旋里適鄉郡被兵佐當事守禦有功後三被兵皆值里居全城著績最後城守時給事中時敏奉命過其地夜半叩城門欲入羅彥不許敏怒劾其擅司鎖鑰羅彥援郭惲事疏辯帝不問及是兄弟倡義捍城與同知邵宗玄等歃血盟誓總兵官馬岱謁羅彥于家曰賊今分兩道來一出固關一趨河間吾當出屯蠡縣扼其衝先殺妻子而後往其城守悉屬公羅彥曰諾詰旦岱果殺其妻孥十一人率師去羅彥等糾集鄉兵得二千人分陣列守羅俊守東城羅彥西北羅輔往來策應守禦甚固公廩不足出私廩佐之賊遣騎呼降羅俊顧其下屬聲曰苟欲降者取我首去劉忠嗣挺劍曰有不從張氏兄弟死者齧此劍怒目髮上指聞者咸憤守益堅賊為引却已聞京師陷天子殉社稷衆皆哭北向拜又羅拜重訂盟誓而賊攻圍益急城中異議亦間出羅彥謂宗玄曰小民無知非鼓

以大義氣不壯乃下令人緹崇禎錢一于項以示戴主之意于是忠憤大作又思致死賊謂羅彥主謀據城不下呼其名繞城大詬且射書說降羅彥不顧死弟傾貲犒士士為盡力賊死傷無算攻愈力無何李建泰親軍內應城陷羅俊猶持刀砍賊刀脫兩手抱賊齒其耳血淋漓口吻間賊至益衆大呼我進士張羅俊也遂遇害羅彥見賊入急還家大書官階姓名于壁投環死子晉與羅俊子坤並赴井死羅善字舜卿為諸生佐兩兄城守城將陷兩兄戒勿死羅善曰有死節之臣不可無死節之士妻高氏攜三女先投井死羅善亦投他井死羅輔好武畧多力善射晝夜乘城射必命中城既破欲會羅俊奪圍走羅俊不可羅輔連射殺數人矢盡持短兵奮擊又殺數人乃死張氏兄弟六人羅士早卒其妻高氏守節十七年至是自經死惟羅詰從水門出獲存其妻王氏亦縊死一時同死者羅俊伯母李氏罵賊死羅彥妻趙氏妾宋氏錢氏及子晉妻師氏當城圍急時並坐井旁以待比賊入遂先羅彥投井死獨趙氏不沉家人出之再投又不沉乃免羅輔妻白氏在母家聞變欲死侍者勸止之給以汲井推幼女先入而已從之羅俊再



從子震妻徐氏與妻劉氏亦投井死張氏一門死者凡二十三人

金毓洞字穉鶴保定衛人父銓由進士歷官戶部員外郎毓洞舉於鄉積二十年始成進士授中書舍人崇禎十四年面陳漕務稱旨特授御史故事有司微賦必造赤歷冊俾民易知至是盡廢官吏得緣為奸毓洞請復舊尋論兵部尚書陳新甲庸才誤國戶部尚書李待問積病妨賢十二月又請渙發德音自十五年為始蠲除繁苛與海內更新因言復社一案其人盡出於純極其事多涉於詞章不可以一夫之私怨開此禍端乞愛惜人才培養士氣帝多採納明年出按陝西承兵荒之後諭屬吏加意拯恤秦人賴之雲棧七百餘里悉盜藪為建堡立驛設官分戍行旅無虞時孫傳庭治兵關中吏民苦其征繕日夜望出關天子亦屢詔督趣毓洞獨謂將驕卒悍未可輕戰抗疏爭之帝不納師果覆敗十六年冬毓洞期滿得代甫出境而賊入關復還至朝邑覈上將吏功罪而後行明年二月召對命賜食往監李建泰軍馳赴山西甫抵保定而賊騎已逼遂偕邵宗彥張羅彥等共守毓洞分守西城散家資千餘金攜士其妻王氏亦

出簪珥繫帶佐之及聞京師變賊又射書說降衆頗有憐志毓洞厲聲曰果爾正當為君父復讐敢異議者斬懸銀牌令擊賊者自取衆爭奮斃賊多其從子振孫有勇力以武舉人佐城守及城陷衆皆散獨立城頭大呼曰我金振孫前日殺賊賊魁者我也賊群至支解之有一賊挽毓洞往謁其帥毓洞且罵且行行過一井努力推賊仆地投井死妻聞之即自經有陳氏者振孫死肖孫媳也與侍兒桂春亦投井死肖孫以匿毓洞二子為賊擄掠體無完膚終不言二孤獲免同時守城殉難者前邠州知州韓東明武進士陳國政赴井死前平涼府通判張維綱舉人張爾輩孫從範不屈死舉人高經負母避難遇賊求釋毋母獲釋而經被執給以至家取資賊防稍疎乘間赴水死貢生郭鳴世方寢疾聞城陷整衣端坐賊至持棒奮擊遇害諸生王之珉先城陷一日置酒會家人語以死難歡飲達旦城破借妻齊氏及三子二女入井死其餘諸生韓楓何一中杜日芳王法等二十九人布衣劉宗向田仰名劉自重等二十人或自經或自溺或受刃皆不屈於賊而婦女盡節者乃至一百十五人海內聞而異之他若都給事中尹洗舉人劉會



昌貢生王聯芳以城陷之次日為賊搜獲亦不屈死賊揭其首於竿書曰城抗師惡官逆子見者為飲泣

劉忠嗣保定後衛指揮同知也性忠勇為儕輩所服崇禎十七年二月寇犯南京忠嗣時掌衛事分守東城既被圍拒擊甚力城將陷召女弟適揚千戶者歸令與妻毛氏媳王氏全處一室俱以弓絃勒殺之復登城拒守城破被執忠嗣怒詈奪賊刀砍殺二賊賊奮至刺目刺鼻夫解死一時武臣死事者守備則張次同與李之坦力戰死指揮則文運昌劉洪恩戴世爵劉元靖呂九章呂一昭李一廣中軍則楊儒秀鎮撫則管民治千戶則楊仁政李尚忠紀勳趙世貴劉本源侯繼先張守道百戶則劉朝卿劉悅田守正王好善強忠武王爾祉把總則郝國忠申錫皆殉城死有呂應蛟者保定右衛人歷官密雲副總兵謝事歸寇至總監方正化知其能延與共守應蛟獎率士卒晝夜戮力城破猶持短兵格鬪殺十餘賊而死又有賀東鉞者大寧左衛人長身多力精騎射崇禎四年應武科為一甲第三人歷官天津叅將十五年父沒於狼山扶柩至臨清遇賊破巷戰終日矢盡被執不

屈死人稱忠孝武臣

王行儉字質行直隸人崇禎十年進士除南京刑部主事進員外郎出為重慶知府時蜀地多寇重慶常宿重兵行儉撫馭有方民獲安業十七年正月張獻忠陷夔州以六月犯重慶行儉及巴縣知縣王錫佐巡撫陳士奇乘城固守越數日城陷行儉被執為賊鬻割而死錫新建人崇禎十三年進士除巴縣知縣時重慶叛用兵而已其附郭縣也號難理錫夙夜勤事不懈土寇彭長庚起長壽隣水間殺典史為亂巴與接壤錫督義勇殲其魁衆遁去推黃賊來犯力戰却之賊其渠馬超至是賊攻圍急蒙巨板穴城錫灌以熱油多死及被執厲聲大罵賊怒抉去其齒仍罵不已賊捶其膝抑使跪終不屈明日昇至教場罵盡厲賊縛樹上射之天鬻而烙之既死復燬其骨令無可歸葬視一時同死者彼為尤烈云

張繼孟字伯功扶風人萬曆末舉進士除濰縣知縣天啓三年擢南京御史未出都奏籌遼六事因言臣作令著績累膺薦章祇緣入都疎節遂遠擲南臺當此錢神世界公道無權且嚴禁饋遺帝令指寔繼孟以風聞對于是吏部尚書張問達及吏科河南道各



具疏自明詔停繼孟俸半載左都御史趙南星上言治天下宜調劑人情不使偏重今天下亦太偏矣進士之官重而舉貢輕京朝之官重而外官輕在比之科道重而南京輕甚則科重而道輕長奔競之風銷正直之氣有識者所共嘆也乞因繼孟之言思偏重之弊勅下吏部極力挽回于用人之道不為無補帝深然之尋陳江防八要多議行以不建魏忠賢祠斥為東林邪黨削奪歸崇禎二年起故官上言近見冢臣王永光人言踵至一既語語謬戾敢平心駁之其曰惠世揚等借題當議夫所云借者無其事而借其名云也世揚與楊漣左光斗同事同心但未同死耳今楊左業有定議世揚方招揭於天下後世奈何以借名之謬一又曰高捷史塗發奸已驗特用宜先夫捷塗之糾劉鴻訓也為楊維垣等報讐耳鴻訓輔政止此一事快人意其後之獲罪以納賄非以捷塗之叅論也今指獲奸者為發奸謬二又曰諸臣所擁戴者錢謙益李騰芳孫慎行夫謙益本末陛下近亦洞然至騰芳慎行之品才亦天下共相推服者會推之時永光身主其儀乃指公論為擁戴謬三且曰欲諸臣疎一面之網息天下朋黨之局信斯言也則部擬

漏張文熙等數十人是為疎一面之網而陛下之核議罪者反為朋黨之局乎謬四且永光先為御史李應昇所糾今又為御史馬孟禎徐尚勳吳姓等所論而推轂永光者先為崔呈秀徐大化今則霍維華楊維垣張文熙其為人之賢不肖可知矣後又劾南京兵部尚書胡應台列其貪汙教事帝並不納而永光渠疾之出為廣西知府廣西遠惡地從無甲榜任者繼孟至值士商普名聲久亂未靖繼孟設計醜殺之方遂安士民為立祠奉祀稍遷浙江鹽運使加右叅政以忤視鹽內官崔璘左遷保寧知府尋進副使巡川西十七年八月張獻忠寇成都與同官陳其赤陳孔教蜀府長史鄭安民同知方堯相等佐巡撫龍文光協力拒守既而城陷皆被執幽之僧寺時獻忠僭帝號欲用諸人脩百官而繼孟等不為屈乃被殺妻賈氏亦從死其赤字石父崇仁人崇禎九年進士歷衢州推官西安知府有吏能遷兵備副使轄成都及城陷投百花潭死家人同死者四十餘人孔教字魯生會稽人舉於鄉歷官四川按察僉事至是不屈死子以衡奉母孔氏南竄孔教死匿不令知踰年母詣以衡書室見副使周夢尹請孔教卹與疏哀號



墮地罵以爵曰父死已二載我尚偷生不肖子使我無顏見汝父地下遂取刀斷喉死安民浙江人由貢生歷蜀府左長史賊圍成都安民分守南城城陷全節死堯扣字紹虞黃岡人歷官成都府同知監紀軍事兵食不足借御史劉之勃請於蜀王王不允共投於池以救免次日城陷殺於萬里橋

劉士斗字瞻甫南海人崇禎四年進士授太倉知州與州人張采張溥祇礪名節有政聲以忤推官周之慶大計請江西按察司知事擢成都府推官攝府事後輯勞御史劉之勃薦為建昌兵備僉事賊將入境之勃促之行士斗曰安危生死與公共之復何往被執見之勃與張獻忠語大呼曰此賊也公不可少屈獻忠怒提之上士斗曰死願之勃語如前圍門被難同時沈雲祚字子凌太倉人崇禎十三年進士除華陽知縣有秦纘勳者與華陽奸民為推黃賊十三家耳目既被擒復與其黨數十人殺獄吏逸去雲祚設策捕斬之賊破夔門成都大震雲祚走謁蜀王陳守禦策不聽聞內江王至涿賢往說之曰今成都危在旦夕而王府貨財山積不及今捐之募士殺賊一旦疆場淪喪誰為守此貨財者豈涿言子王亦不聽

及賊迫成都王始出財佐軍已無及城既陷獻忠欲屈諸人用之幽之大慈寺而遣其黨饋食且以白刃脅降雲祚不屈遂遇害成都知縣吳繼善亦太倉人由進士起家既被執賊用為禮部尚書令草郊天文文成獻忠視其紙有接續處大怒磔殺之

王勵精蒲城人崇禎中由選貢生授廣西府通判為人仁慈善折獄歲凶粟貴人皆閉糶勵精毀所繫銀幣易粟減價糶富人聞之爭出粟價遂平遷崇慶知州亦多善政十七年張獻忠陷成都州人驚竄其家入勸之去勵精不可具朝服望北拜又西向拜父母從容操筆書文文山成仁取義四語壁上遂登樓縛利刃于柱而置火藥樓下危坐以俟俄報賊騎渡江即命舉火火發觸必貫胸而死賊嘆其忠歛而葬之其墨蹟久而猶新或刮滌之終不磨滅後二十餘年州人建祠奉祀祀甫畢壁即頽聞者嘆異先是十三年賊犯仁壽知縣郤陽劉三策誓衆拒守及城陷不屈而死贈尚寶司丞及是賊陷郫縣主簿山陰趙嘉熹守都江堰賊誘之降不從投江死陷綿竹典史卜大經與其僕縊死他若榮縣知縣漢陽秦民湯滿江知縣江夏朱蘊羅興文知縣漢川艾吾陽南部知縣



鄭夢眉中江教諭攝劍州事單之賓皆以城破殉難  
 夢眉夫婦並縊羅吾男至閩家被難而彭縣知縣  
 王國麟乃為賊戶部尚書又有邛州知州王國臣素  
 與賊通僉事胡恒駐邛州廣得其狀數譙讓之國臣  
 憾甚至是恒攝建昌兵備事國臣即劫其孥送獻忠  
 撫城以叛會雅州諸生傅元修說天全土官高躋泰  
 出兵襲擊國臣敗走成都躋泰遂迎恒入邛未幾國  
 臣為賊巡鹽御史與賊將艾能奇率兵數萬至雅州  
 躋泰獻恒及宗室朱奉錚等數人又取躋泰弟登  
 泰說言授官携至成都盡殺之其兇逆如此奉錚蜀  
 府宗室舉進士歷官御史教有建白其崇廉恥責輔  
 臣劾督師丁啓睿諸疏為時所稱至是里居遂及于  
 難

尹伸字子求宜負人萬曆二十六年進士授承天府  
 推官累遷南京兵部郎中外為西安知府歷陝西提  
 學副使蘓松兵備叅政居官公廉強直不事媮阿凡  
 三任皆授劾去天啓時起故官分守貴州威清道時  
 貴陽圍初解巡撫王三善將深入大方伸頗贊之監  
 軍西征每戰輒勝三善過信奸人陳其愚事與之謀  
 伸亦信之不疑及中軍王建中敗沒三善不知伸知

而不告致墮其愚計三善亦敗沒伸哭圍得歸坐是  
 奪官戴罪辦賊四年七月賊圍普安伸督兵救之賊  
 解去伸遂移駐其地十一月賊復來攻率叅將范邦  
 雄破走之遂偕諸軍逐北至三岔河督師蔡復一上  
 其功請免戴罪賊一秋視事從之歷湖廣按察使左  
 布政使崇禎五年被諭調河南右布政使以失禦流  
 賊罷歸伸性寡合有觸必發所至與長吏迕而待人  
 有始終篤于分義工詩善書日課指書五百字寒暑  
 不輟張獻忠陷叙州避之山中賊遣人搜得之罵不  
 肯行賊重其名必欲生致成都至井研罵益厲賊攢  
 殺之南渡時起伸太常卿伸已先死同時在籍死難  
 者成都則雲南按察使莊祖誥廣元則戶科左給事  
 中興守英資縣則工部主事蔡如蕙聊縣則舉人江  
 騰龍而安岳進士王起義渠縣禮部員外郎李含乙  
 皆舉義兵討賊不克死他若綿州嚴錫命彭縣龔完  
 敬並進士發身而為賊用錫命為吏部尚書完敬兵  
 部尚書未幾以宮室不治為賊殺死士論醜之

張允登漢州人萬曆三十八年進士除咸陽知縣調  
 咸寧並有惠政稍遷刑部主事進員外郎即中泰昌  
 時出為嚴州知府持身清苦吏民畏若神明會台州



兵變上官以允登才奏調之為巡鹽御史傅宗龍所  
罷天啓三年宗龍自請討雲貴叛賊稱允登沉毅可  
令監軍部議將從之以宗龍病歸不果用其冬遷雲  
南提學副使五年大計拾遺為言官所中調貴州僉  
事督屯田鼓鑄兼覈軍馬錢穀破水西賊有功遷廣  
右叅政進副使以疾歸崇禎四年正月陝西右叅  
政分守河西道時延綏頻歲大饑羣盜四起允登取  
荒恤災詰奸弭盜威惠並著御史吳彥芳陝西巡按  
御史吳姓並薦之初賊上天猴混天猴乞降總督楊  
鶴處之鄜州其年閏十一月偵知甘泉有餉銀十萬  
糾其黨千餘人猝來攻城允登時在城中與知縣郭  
永圖並登城守禦衆寡不敵城遂陷允登永圖並遇  
害事聞贈允登太常卿永圖光祿少卿並賜祭葬歷  
其一子永圖絳縣人起家鄉舉全時郭應響福清人  
萬曆三十四年舉鄉試第一崇禎初歷戶部員外郎  
督固原甘肅軍餉嘗採戚繼光紀效新書練兵實紀  
為兵法要畧與所製炮車進之朝當事謂其知兵四  
年九月擢榆林兵備僉事及允登沒應響兼領其職  
明年二月賊混天猴等犯鄜州應響出禦墜馬被殺  
亦贈卹如制

呂維祺字介孺新安人祖母牛氏以守節獲旌父孔  
學事母盡孝晚年捐粟千二百石賑饑兩旌孝義維  
祺舉萬曆四十一年進士授兗州府推官清獄救荒  
大興文教以治行高擢吏部稽勳主事更歷四司至  
文選光宗崩皇長子未踐阼內侍專幸南城維祺適  
謁見慈慶宮抗言梓宮在殯乘輿不得輕動乃止退  
陳保護聖躬言起居宜慎飲食且節左右不得嬉笑  
于前侍御不得謀運于側問誰防閑此閣部大臣之  
責宜于宮門近地更番入直借臺諫諸臣朝夕問慰  
開其心而定其志殿下亦不時宣召面商大政而親  
近內臣急擇老成忠謹者四五人以姓名達之中外  
俾責有所歸而毋使干預政事蓋防者不于著而于  
微願陛下速登大寶慎加調護乘輿毋妄移一步女  
侍毋雜進一人雖小事必由外廷即頻笑不以輕假  
此微臣今日所惓惓致懇者也因請罪崔文昇李可  
灼連李選侍移宮報聞天啓初歷考功文選員外郎  
進驗封郎中乞假歸四年推考功郎中魏忠賢惡其  
異己不用開封建忠賢生祠移書諸紳戒勿預忠賢  
殿天下書院維祺立芝泉講會祀伊洛七賢講論不  
輟崇禎元年起尚寶卿遷太常少卿督四裔館明年



四月因廷議軍餉奏陳十五事更陳行鈔之利惟鈔法議格十月陳防微八事言陛下初何嘗不動批荅近始有留中者留中多則疑慮起恐官府有睽隔之形此當防者一初何嘗不虛懷商確惟擬旨不當乃改擬徑行其中固有當執奏者明主可與忠言安得盡廢匡救此當防者二初何嘗有心疑厭其可疑可厭者皆臣工自取乃扶同之惡既深偏黨之說復起將玄黃互爭共獲並進此當防者三初何嘗不日御講筵近始有傳免者豈以君德成就無閑啓沃乎此當防者四初何嘗不寡嗜欲慎晏游近日得無偶涉臣固知傳聞未必盡實但養德養身不可不察此當防者五初何嘗不慎刑獄今間有下詔獄者且登聞鼓擊恐長罵訟之風禁地濺血或赦輕生之實此當防者六初何嘗不重廷推今間有用陪者雖簡拔原出上裁而用陪終非常典此當防者七初何嘗不樂讜言今雷霆時震思效寒蟬將來或有大奸慝大利害誰復冒死廷爭乎此當防者八俄陳純聖學茂聖德熙聖治三事言陛下聖學未嘗不純然學不如堯舜非純也書云人心惟危道心惟微試思何者為人

心為道心不但美色當遠淫聲當絕御宦官宮妾當嚴即喜怒哀有所偏意念有所執亦皆人心願時醒此心嘗與賢士大夫講論以涵養性情消融意見則陛下之學一堯舜之學矣聖德未嘗不茂然德不如堯舜非茂也堯舜雖致明濬哲猶必詢事考言達聰明目陛下天縱聖神群臣莫及然愚者不有千慮之得聖人不採狂夫之言乎惟舍己從人尤見聖心之無我則陛下之德一堯舜之德矣聖治未嘗不熙然治不如堯舜非熙也堯舜之治惟以二十二人亮天工是為急先務急親賢今陛下急于求治留意富強欲事事綜核人人督責如理琴絲愈急愈結何不以擔當責政府以廢務責六曹以封疆責督撫加意親賢專心先務所謂任一人足領袖千萬人行一事足包函千萬事而陛下之治一堯舜之治矣末責備大小臣工甚至並優旨報之三年三月由太常卿擢南京戶部右侍郎總督糧儲馳陳疏道中所見民生憔悴及倉庾空匱狀帝命核致匱之由因言北部借支折色九十三萬兩有奇貴州及漕運借支本色二百五十一萬石有奇是以甚匱維祺乃設會計簿曉夜鈎考得外郡隱沒黠吏侵欺及積逋不輸者各數十百萬大者彈奏小者捕治又立法嚴督屯課倉庾遂裕



十月疏言今天下大可憂者非止一端而財用不足為最甚夫不足而止求之于財用此所以愈不足也孟子曰無政事則財用不足不從政事清其源即日言加派搜括何濟於事今人情喜寬而苦嚴出入之數濶而難稽欵奉之條寢而不報題覆無專司會計無專職請司之事襍出不經在外之差趨避惟意可謂有政事乎臣有六議於此稽出入以杜侵漁增比較以究積案設本科以重題覆時會計以覈支取定差序以杜營私禁差假以修職業帝稱善即行之主事陳所養督賦湖廣高卧家園不赴維祺劾而罪之由是人知奉職四年冬遣中官出鎮維祺抗疏切諫並責閣臣不能匡正詞甚嚴直明年極陳蕪湖設閘之害請停罷不從六年四月拜南京兵部尚書叅贊機務恤軍士禁饋遺勤練清冒軍八千餘名察奸吏侵盜餉金置之法軍政修舉八年正月流寇犯江北遣叅將薛邦臣防全椒越世臣戍浦口無何世臣潰走南京震動鳳陽旋告陷會大計拾遺兩京言官交章劾奏詔解任南京言官復劾其他事遂除名維祺雅嗜正學初聞先達孟化鯉風私淑之在兗州及南都皆集諸生講學從遊者甚衆至是寓居洛陽立伊洛

會以迎後進及門者二百餘人十二年河洛大饑盡出私廩賑濟詔復其官生平篤好孝經嘗撰本義二卷大全二十八卷或問三卷廣引經史大闡其義書成有芝十八莖生于庭適如其章數聞者異之其年表上之朝十四年正月李自成大舉來寇維祺分守北城會總兵王紹禹親軍內應城陷維祺被執詔署求速死乃北向拜君西向拜父母廷頸就明年五十五有五贈太子少保祭葬蔭子如制南渡時加贈太傅謚忠節弟維禧字恭孺由選貢生為樂平知縣解職歸十六年寇陷新安亦抗節死贈按察僉事賀逢聖字克繇江夏人其父有學行逢聖繼其緒早有俊聲舉于鄉以家貧為應城教諭學益有聞萬曆四十四年由殿試第二人授翰林編修淡泊明志不異寒士天啓時歷中允司業洗馬魏忠賢重其名特詰之言諸方並建生祠獨貴鄉湖廣無功德逢聖曰此地方有司事予安知忠賢曰聞上梁文即公手筆何云不知逢聖曰此借銜陋習耳予待罪經筵安能數千里外為人作文忠賢喞然去會所司題南閣與試遂誣以營求削其籍未幾莊烈帝登極起故官崇禎元年遷南京國子祭酒入為少詹事尋遭外艱廬



墓三載還朝進啓事拜禮部右侍郎六年改吏部進左侍郎尋擢禮部尚書協理啓事府九年六月以本官兼東閣大學士與孔貞運黃士俊入閣輔政十月加太子太保改文淵閣時溫體仁為首輔張至發次之明年六月體仁謝政至發為首輔逢聖與之協志給事中丁允元劾其輔政無能懷奸有擬汪應龍宵人也力為推舉高攀龍左光斗業蒙聖鑒反加詆斥顛倒如此何以輔治帝切責之至發之訐黃道周與東林搆也逢聖為屬草以故時論不甚附之十一年致政歸歷陳道中所見災傷及郵傳困敝狀帝優旨報焉十三年遣使存問明年四月帝思用舊人與周延儒同召屢辭不允命所在有司設促延儒氣焰烜赫縉紳奔赴舳舻脚尾不絕逢聖以輕舟隨其後寂無人知及還朝帝所以待之者遠不如延儒逢聖醇謹守位而已十五年正月朔旦帝行尊師禮搢輔臣於皇極殿逢聖位居次亦與焉時國事已不可為乃屢疏引疾至六月始得請帝特增置閣臣召延儒逢聖等入德政殿賜坐逢聖以帝允其去前致謝忽大哭不止已而駕移中極殿諸輔臣隨入賜宴逢聖復大哭拜跪十數不已帝命之出至檻外行辭朝禮又

絮哭不自勝竟無所語袁咸怪之詔賜道里費彩幣蟒衣遣行人護歸潁行既謝因救尚書李日宣等帝報曰卿克抒蓋忱彌見忠愛朕當書諸座右十六年六月張獻忠逼武昌城中人多謀遁走逢聖言于當事力禁之及賊圍城逢聖更詣楚王府邀王同死王已不知所在逢聖遂為賊所執叱之曰我朝廷大臣若輩不得無禮賊推之使去乃北向五拜三稽首投墜子湖死妻危氏子觀明媳曾氏陳氏孫三人皆從死次子光明自他所來赴亦死之事定有司覓其屍閏八月而顏色不變南渡時贈少傅謚文忠祭葬蔭子如葵典逢聖苦節自甘束修砥行朝野皆重其為人其學多得之于靜以一念不起為極熹宗初卧病乞假不許時潦倒床褥問其門生候之曰先生一念不起終恐一事無成逢聖笑而頷之故雖致位政府而謨烈無聞惟晚節一死為得其正命云同時傅冠字元甫進賢人祖炯南京刑部尚書冠以天啟二年舉進士第二授翰林編修崇禎中歷侍讀中允諭德祭酒少啓事擢禮部右侍郎協理啓事府嘗陳保元氣辯人才正紀綱信詔令四事優旨褒納十年八月拜禮部



尚書兼東閣大學士與劉宇亮薛國觀全入閣明年八月有章奏發自御前者冠以為外來揭帖援筆直判其上既知悞皇恐引罪帝即放歸冠家世素封性豪侈居第宏麗多畜婢妾好長夜之飲日過午乃能出肅容後鄉邦被兵乃走入福建事隆武以原官督師恢復江西已而事敗寓居門人泰寧汪亨龍家亨龍懼為己累執獻有司不屈遇害於汀州鹿善繼字伯順定興人祖父徵萬曆中舉進士授息縣知縣時詔天下度田各署上中下壤息獨以下田報上官屢却之久徵曰度田以紓民乃病民乎執如初故額田二萬八千頃至是占隱畢出溢田四千餘頃則以見賦均派之闔邑稱利毋服闋起官襄垣先是歲旱荒民多流徙所司不時報以逋賦責現戶民不堪久徵按籍除懸額七百戶民獲蕪而流止復業以治行高推御史出按蘓松諸府列息乃訟禁火化等十六事嚴行之俗為稍變二十四年還朝值帝以軍政事貶黜言官三十四人久徵抗疏申救亦謫澤州判官久之遷榮澤知縣未任卒父正個儻負奇能急人患難至傾家捐身命不恤遠近高其義稱為鹿太公善繼端方謹愨少讀王守仁傳習錄慨然有必

為聖賢之志卸章句薄溫飽不與俗浮沉舉萬曆四十一年進士授戶部主事以內艱歸服除起故官時遼左方用兵餉中絕廷臣數請發帑不報廣東適進金花銀善繼言於尚書李汝華曰與其請不發之帑何如留未進之金如干上怒願以身任汝華如其言疏請帝怒奪善繼俸一年令補進善繼持不可廷謝日奄人閻扉令馳書問太倉庫此銀安在筦庫主事劉榮嗣報曰發三日矣實未發也奄人傳旨速補善繼曰有可還安用借請以善繼言回奏死生性命奄愕貽去乃奪汝華俸二月善繼降一級調外言官交章請留不報而銀竟補還泰昌改元復原官典新餉盡斥諸耗羨陋規時外鮮多不至數曰餉不以時士安得飽然餉派於民民窮天安能應抗疏請發帑百萬不報再疏又不報天啓元年遼陽陷以才改兵部職方主事與同官耿如杞葉震生為尚書崔景榮草疏請罪且逮治行間遇將御史游士任馬逢臯有所庇疏刺之訖三人為小臣善繼憤抗疏曰臣等固小臣御史獨大臣乎二百年來御史氣焰橫絕朝端而考時論事曹即昌言常居其半人各有品不可輕也疏上即日出署帝不許逢臯復有詭言善繼報之曰



天下不能爭者威焰不可奪者是非不敢避者艱危不可喪者廉耻行矣御史好為之是時言路勢張郎官不敢忤視善繼獨與抵抗如此尚書王象乾行邊荐用廢將數人即中如杞不為覆象乾志疏論之首輔葉向高擬旨責如杞違阻如杞即引疾善繼上書向高曰邊疆之壞由於債帥中外諸要人入其債而干請于職方職方自愛其官不得不徇其請今幸得一憂國奉公不徇情面之人反以違阻罪之將胥天下以職方為市永無不債之帥者自此一言始勿謂能違阻之郎官易得勿謂去違阻之郎官為小失也向高者善繼座主也得書甚愠已心折其言事竟寢高攀龍薦善繼剛毅肯任事請以職方兼御史督輩下保甲教民忠義得旨允行竟不果內閣孫承宗理兵部事推心任之及閱視關門以善繼從出督師復表為贊畫時議欲調善繼于吏部力辭不就至關柱饋遺絕宴會布衣羸馬出入亭障間廷見將卒與相勞苦因以勾稽行伍審察營壘鼓勇敢恤饑寒士心悅附承宗倚之若左右手其拓地四百里收復數十城堡善繼籌畫為多承宗嘗曰伯順在坐使人非幾盡柱儼若嚴師助我不止謀議也在關四年累進員

外郎郎中及承宗謝事善繼亦移疾歸崇禎元年起尚寶卿遷太常少卿管光祿丞事甫三載復請告歸善繼先後家食率與門人講學從遊者日衆九年七月大兵攻定興善繼時居江村長吏請入城共守親故交阻之不聽固守六日城破不屈死家人奔告其父父慨然曰吾兒素以身許國今何憾事聞贈大理卿謚忠節勅有司建祠子化麟舉天啓元年鄉試第一伏闕訟父忠踰年亦卒孫盡心舉崇禎九年鄉試全縣薛一鶚字百富性豪邁不羣聞人間不平事輒攘臂而起雖重忤長吏不恤由貢生為黃州府通判荆王姬素妬誣他姬醜世子一鶚白其誣奄人傳太妃命欲竟其獄卒直之遷蘭州知州州北有田設于畚吏汎其賦于他戶其後田復歸為衛卒所據民賠賦如故積三十年一鶚履畝清核竟除其害至是佐善繼城守遂與全死

張可大字觀甫應天人世襲南京羽林左衛千戶舉萬曆二十九年武進士授建昌守備遷浙江都司僉書分守瓜州儀真捕江洋盜每發輒得稅監魯保死淮撫李三才令可大錄其貲却保家重賄同事者欺可大獨獲薦葉向高赴召大異之曰此不特良將且



良吏也遷劉河遊擊改廣東高肇參將調浙江舟山奉命征黎與總兵王鳴鶴用黑者為導揚其朝黎乃滅舟山居大海中元時建昌國州為浙東要害可大修軍政自岑港抵歷海三江皆置戍倭犯五單湖白沙港茶山潭頭連賊之加副總兵城久圯可大與副使蔡猷臣築之兩月訖工城內外田數千畝海潮日害稼可大築硤蓄淡水遂為膏腴居民名之曰張公磯天啓元年以都指揮使掌南京錦衣衛有歐陽暉者素強項由刑部主事請本衛知事嘗賦詩有陰靈國事之非向揚州知府劉鐸書之扇以贈一僧惡鐸者潛之魏忠賢暉俱被逮可大為約束旂尉捐俸助之卜室處其妻子暉後獲雪搏顛以謝六年擢都督僉事僉書南京右府崇禎元年出為登萊總兵官會有裁登萊撫鎮議當事惜其才命以總兵官視登州副總兵事而巡撫遂罷不設二年春毛文龍忽擁衆至登州聲言索餉可大單舸往迎責以大義文龍乃送及袁崇煥戮文龍其部下洵洵可大嚴備迄無敢渡海者白蓮賊既滅餘黨流劫招遠棲霞圍萊陽可大擊破之獲其偽國公二人圍遼解京師被兵可大入衛命守西直廣寧諸門明年二月加都督同知

時京東城郭多失守可大方與諸帥圖恢復會劉興治反東江遂奉詔還鎮已而四城並復朝議復設登萊巡撫以孫元化為之元化率關外八千人至登州皆遼人可大慮有變屢言于元化不聽四年七月錄前守城功進右都督十月僉書南京左府兼督池河浦口二軍登人相率留之未去而孔有德反吳橋東陷六城可大急往勸元化撤止之不聽次萊州遇元化復為所阻乃還鎮歲將晏賊兵暮薄城可大請擊之元化持撫議不許可大陳利害甚切元化意稍回期明歲元日發兵合擊至期元化兵不發明日合兵戰城東可大兵屢勝元化部卒皆遼人與賊親故無闔志其將張燾先走可大兵亦敗中軍官維城遊擊陳良謨等陣亡燾兵半降賊賊遣歸為內應元化開門納之可大諫不聽夜中賊至城遂陷可大時守水城還家叩首母前令部將殺其婢妾遂投繯死事聞贈特進榮祿大夫太子少傅謚莊節賜祭奠予世廕建祠曰旌忠可大好文能詩敦節行有儒將風弟可仕字文峙以字行隱居博學嘗輯明世布衣詩一百卷

何可綱遼東人天啓中為守備典袁崇煥寧遠道中



軍廉勇善撫士卒六年寧遠被圍佐崇煥有功進都司僉書明年再被兵復堅守遷叅將署寧遠副將事崇禎元年巡撫畢自肅令典中軍及崇煥再出鎮復以副將兵典其中軍十三營之變佐崇煥捕誅首惡崇煥議更置大將言臣昔為巡撫議關外止設一總兵因魏忠賢盜柄崔呈秀欲用其私黨遂增三四人卒之權勢相侔臂指不運乃止留寧遠及前鋒二人然臂指之不運猶故也臣以為寧遠一鎮決當併歸前鋒在關內者掛平遼將軍印轄山石二路而以前屯隸之在關外者掛征遼前鋒將軍印轄寧遠一衛而以錦州隸之薊遼總兵趙率教久習遼事宜與山海麻登雲相易掛平遼將軍印關外總兵舊有朱梅祖大壽梅已解任宜併歸大壽駐錦州而以臣中軍可綱專防寧遠可綱仁而有勇生平不破公錢不納私餽敵衣糲食不異士卒且事至善謀其才不在臣下臣向所建豎實可綱力請加都督僉事仍典臣中軍則一鎮之費雖裁一鎮之用仍在臣妄謂五年充敵止伏此三人用而不效請治臣罪帝悉從之佐崇煥更定軍制歲省餉百二十萬有奇以春秋二防功再進右都督二年冬京師被兵與大壽從崇煥入衛

教有功已崇煥下吏即偕大壽東潰復與歸朝明年永平灤州失守可綱連戰古冶柳及雙望頗有斬獲四月拒輔孫承宗令可綱督諸將營雙望諸山綴承平之師而令大壽等諸軍直趨灤州未幾灤州破大清兵棄永平去可綱遂入其城論功加太子太保左都督已而錦州被圍可綱督諸將赴救立功郵馬山復進秩四年築城大凌河命可綱偕大壽護版築工甫竣

大清兵以十萬衆來攻可綱等堅守不下久之糧絕援盡大壽及諸將皆欲降獨可綱不從十月二十有八日大壽令二人扳出城外殺之可綱顏色不變亦不出一言含笑而死

黃龍遼東人初以小校從復錦州累官至叅將崇禎三年從大軍復灤州功第一遷副將兵尋論功進秩三等為都督僉事世廕副千戶登萊巡撫孫元化以劉興治亂東江請龍往鎮兵部尚書梁廷棟因言龍昔攻灤功冠諸將乞用為總兵與元化恢復四衛從之先是毛文龍死袁崇煥分其兵二萬八千為四協命副將陳繼盛叅將劉興治毛承祚徐敷奏主之後定兩協用繼盛興治語詳崇煥傳興治克狡好亂與



繼盛不相能其弟參將興祚陣亡繼盛誤聽諜報謂未死興治憤念畿輔方被兵即為亂不能討三年五月偽為興祚設齋諸將咸吊繼盛亦至甫拜伏兵出執之并理執餉經歷劉一鶴等十一人袖出一書詭言繼盛誣興祚詐死興治懷異志將上之朝殺興治遂殺繼盛并殺十一人又偽為島中商民奏請優恤興祚令興治鎮東江朝中大駭以海外不能詰興治遂與諸弟放舟山島大殺掠島去登州四十里而登萊總兵張可大方援永平帝用廷棟奏趣可大還登州授副將用文郁大將印令撫定興治會永平己復興治稍戢返東江龍涖皮島受事興治猶桀驁如故四年三月復作亂杖其弟興基殺參將沈世魁家世魁率其黨夜襲殺興治亂乃定游擊耿仲明黨李梅通洋龍繫之獄仲明弟都司仲裕在龍軍仲明令作亂十月率部卒假索餉名圍龍署擁至演武場折股去耳鼻將殺之諸將為赦免未幾捕斬仲裕疏請正仲明罪會元化劾龍刻餉致兵譁帝命充為事官而核仲明主使狀仲明遂偕孔有德反以五年正月陷登州招島中諸將同反旅順副將陳有時廣鹿島副將毛承祿皆從之承祿又招諸島將士龍急遣尚可

喜金聲桓等撫定諸島而躬巡其地慰商民誅叛黨焚賊舟甚衆賊黨高成友者據旅順斷關寧天津援師龍令聲桓可喜李惟鸞擊走之龍即移駐其地援始通其冬賊久困登州謀泛海去龍遣副將龔正祥率舟師四千邀之廟島颶風破舟正祥陷於賊後居登州謀內應為賊殺死有德仲明遂於六年春浮海遁去初龍駐旅順大治兵賊拘龍母妻及子以脇之龍不顧賊來襲禦敗之斬賊魁李應元生擒毛承祿獲有功陳光福及其黨高志祥等十六人獲首級一千有奇奪還婦女無算有德幾獲而逸獻俘于朝帝大喜磔承祿等傳首九邊復龍官承祿文龍義子也有德等大憤欲報龍會賊舟泊鴨綠江龍遣水師征之旅順空虛七月有德等遂引大清兵來襲龍數戰皆敗火藥矢石俱盡語部將談應華曰城郭未堅敵衆我寡今夕城必破若逆持吾印送登州不能赴即投之海毋為敵所得應華出龍即率遊擊李惟鸞等力戰被圍知不能脫自刎死惟鸞及諸將項祚臨樊化龍張大祿尚可義俱死焉帝贈龍左都督賜祭葬于世廕建祠顯忠惟鸞等附祀以副總兵沈世魁代龍為總兵官世魁本布僧有女



絕色為文龍小妻世魁倚勢威行島中文龍死女歷事三帥世魁權益重至是為大帥七年二月廣鹿島副將尚可喜降於

大清島上勢益孤十年朝鮮告急世魁移師皮島為聲援有德等來襲世魁戰敗率舟師走石城副將金日觀陣沒登萊總兵陳洪範來援不戰走世魁亦陣沒失亡將士萬餘人從子副將志科集潰卒至長城島欲得世魁勅印監軍副使黃孫茂不予志科怒殺之并殺理餉通判邵副將白登庸率所部降大清諸島雖有殘卒不能成一軍朝走亦不置大帥以登萊總兵遙領之而已明年夏揚嗣昌決策盡還其軍民於寧錦諸島乃空

明史卷三百八十二

忠義七

忠義傳

范景文字夢章吳橋人父永年南寧知府景文幼負器識舉萬曆四十一年進士授東昌推官以名節自勵苞苴無敢及其門歲大饑盡心賑救闕郡賴之用治行高等擢吏部稽勲主事歷文選員外郎署選事泰昌時羣賢登進景文力為多尋乞假去天啓五年二月起文選郎中魏忠賢廢魏廣微中外用事景文其同鄉也不一詣其門亦不附東林孤立行意而已忠賢惡御史李應昇黃尊素周宗建蔣允儀張慎言欲以年例出之外景文持不行視事未彌月謝病去崇禎初言者交薦召為太常少卿二年七月擢右僉都御史巡撫河南練兵繕器大為保障計未幾京師戒嚴率所部八千人勤王餉守自齋十二月望抵涿州四方援兵多剽掠獨河南軍無所犯尋移駐都門再移昌平遠近恃以無恐帝知其足任明年三月擢兵部添注左侍郎練兵通州景文在河南知民苦徭役力為蠲革慮代者更己法上疏極論其害請令有司實行一條鞭法徭役俱歸之官而令民稍助其費供應以市直平買不立官價名帝令永著為例時通



鎮初設兵皆召募景文綜理有法軍特精居二年以  
父喪去官七年冬起南京右都御史未幾就拜兵部  
尚書奏替機務屢遣兵戍池河浦口援廬州北滁陽  
有警輒發節制精明常與南京戶部尚書錢春以軍  
食相訐奏坐錫秩視事已叙援勦功復故秩熊文燦  
撫張獻忠景文言獻忠當散衆歸耕或靜俟徵調乃  
益市馬造舟簡軍士整器械此其謀已測帝不納獻  
忠卒叛去十一年冬京師戒嚴立遣兵入衛楊嗣昌  
拿情輔政羣臣力爭俱被調景文乃偕同列合詞論  
赦帝不悅詰首謀者景文引罪且以衆論僉同為言  
帝益怒削籍為民廷臣累薦十五年秋召拜刑部尚  
書未上改工部入對帝迎勞曰不見卿久何懼也時  
中外多故景文拮据勞瘁日入不獲休十七年二月  
命以本官兼東閣大學士入奏機務帝謂景文曰朕  
知卿久今急而用卿恨晚卿尚勉之景文請釋繫獄  
張國維郭景昌等帝立從其言季自成兵漸逼有請  
帝南幸者命集議閣中景文曰固結人心堅守待援  
而已此外非臣所知及都城陷急趨至宮門遇宮人  
曰駕出矣復趨朝房賊已塞道從者請易服還邸景  
文曰駕出安歸就道旁廟中草遺疏復大書云身為

大臣不能滅賊雪恥死有餘恨遂至演象所拜辭闕  
墓赴雙塔寺旁古井死蓋猶謂帝南幸也福王時贈  
太傅謚文忠  
皇朝順治九年  
世祖章皇帝表章前代忠臣所司以景文及倪元璐  
李邦華王家彥孟兆祥父子施邦曜凌義渠吳麟徵  
周鳳翔馬世奇劉理順汪偉吳甘來王章陳良模申  
佳循許五成德金鉉二十五人名上  
命所在有司各給地七十畝建祠致祭且予美謚景  
文謚文忠  
倪元璐字玉汝上虞人父凍歷知撫州淮安荊州瓊  
州四府有當官稱天啓二年元璐成進士改庶吉士  
授編修冊封德府移疾歸還朝出典江西卿試及復  
命則莊烈帝踐阼魏忠賢已伏辜遺黨楊維垣輩獲  
持傳局力扼東林維垣上疏並欲東林崔魏元璐憤  
崇禎元年正月抗疏曰臣頃聞章奏見攻崔魏者必  
與東林並稱邪黨夫以東林為邪黨將以何者名崔  
魏崔魏既邪黨矣擊忠賢呈秀者又邪黨乎哉東林  
天下才藪也其所宗主者大都樹高明之幟而或絕  
人過刻持論太深謂之非中行則可謂之非狂狷不



可也天下議論假借必不可失名義士人行已寧  
矯激必不可亡廉隅自以假借矯激為大咎於是彪  
虎之徒公然背畔名義決裂廉隅連篇頌德匝地建  
祠頌德不已必將勸進建祠不已必且呼嵩而人猶  
覓之曰無可奈何不得不然耳充此無可奈何不得  
不然之心又將何所不至乃議者以忠厚之心曲原  
此輩而獨持己甚之論苛責吾徒所謂外也今大獄  
之後湯火僅存屢奉明綸俾之酌用而當事者猶以  
道學封疆持為鈇案毋亦深防其報復乎然臣以為  
過矣年來借東林媚在魏者其人自敗何待東林報  
復若不附在魏又能攻去之其人已喬截矣維百東  
林烏能報復哉舊輔臣韓爌陛下已鑿其清忠舊祠  
臣文震孟陛下已許其起用乃朝論猶扼之何也至  
逆奄所毀書院宜并修復蓋書院生祠相為勝負生  
祠毀書院豈不當復時柄國者悉忠賢餘黨疏入以  
論奏不當責之於是維垣復上疏駁元璠為謬元璠  
再疏曰臣前疏原為維垣發也陛下明旨曰分別門  
戶已非治微曰化異為同曰天下為公而維垣則倡  
為孫黨趙黨熊黨鄒黨之說是陛下於方隅無不化  
而維垣實未化陛下於正氣無不伸而維垣不肯伸

臣冒昧有言蓋謂維垣效忠告不圖以臣為謬也維  
垣怪臣盛稱東林以東林常推李三才而獲熊廷弼  
也抑知東林中有力擊魏忠賢之楊漣首劾崔呈秀  
之高攀龍乎忠賢窮凶極惡維垣猶尊稱之曰啟臣  
公啟臣不愛錢啟臣知為國為民而何責乎三才五  
虎五彪之罪刑官僅擬削奪維垣不駁正又何誅乎  
廷弼維垣又怪臣稱魏韓爌夫舍爌昭然忤瑞之大  
節而加以說情罔利莫須有之事已為失平至廷弼  
行賄之說乃忠賢借以誣陷清流天下誰不知而維  
垣猶守是說乎維垣又怪臣盛稱文震孟夫震孟忤  
瑞削奪其破帽策蹇做蟒玉馳驛語何可非維垣試  
觀數年來破帽策蹇之輩較起階級之倚孰為榮  
辱自此義不明畏破帽策蹇者相率而頌德建祠希  
蟒玉馳驛者至呼父呼九千歲而不作可勝嘆哉維  
垣又怪臣盛稱鄒元標夫謂都門聚講為非則可謂  
元標講學有他腸則不可當日忠賢驅逐諸人毀廢  
書院者正欲箝學士大夫之口恣行不義耳元標  
以為學見驅而逆瑞遂以真儒自命學宮之內儼然  
揖先聖為平交使元標諸人在豈遂至此維垣又駁  
臣假借矯激四字夫當在魏之世人皆任真率性頌



德建祠使有一人假借矯激而不頌不建豈不猶類  
是人哉維垣以為真小人待其滿貫可攻去之臣以  
為非計也必待其滿貫其敗壞天下事已不可勝言  
雖攻去之不亦晚乎即如崔魏貫滿久矣不過聖明  
雖攻去之維垣終以無可奈何為頌德建祠者解臣  
以為非訓也假令呈秀一人舞踊稱臣子逆瑞諸臣  
亦以為無可奈何而從之乎又令逆瑞以兵劫諸臣  
使從叛逆諸臣亦靡然從之以為無可奈何而然乎  
維垣又言今日之忠直不當以崔魏為對案臣謂正  
當以崔魏為對案也夫人品試之崔魏而定矣以崔  
魏定邪正猶以明鏡別妍媸維垣不取證於此將謂  
此中尚有人物乎總之東林之取憎于逆瑞獨深其  
得禍獨酷在今日當曲原其被抑之苦不當毛舉其  
尺寸之瑕乃歸逆瑞以首功代逆瑞而分謗斯亦不  
善立論者矣既入柄國者以互相訾訾兩解之當是  
時元允雖強其徒黨猶盛無敢頌言東林者自元璠  
疏出清議漸明而善類亦稍稍登進矣元璠尋進侍  
講其年四月請燬三朝要典言擬擊紅丸移宮三議  
聞于清流而三朝要典一書成于逆璽其議可兼行  
其書必當速毀蓋當時起議與盈庭互訟主擬擊者

力護東宮爭擬擊者計安神祖主紅丸者仗義之言  
爭紅丸者原情之論主移宮者弭變于幾先爭移宮  
者持平于事後數者各有其是不可偏非總在逆瑞  
未用之先雖甚水火不害墳荒此一局也既而楊連  
二十四罪之疏發魏廣微此輩門戶之說興于是逆  
瑞殺人則借三案羣小求富貴則借三案經此二借  
而三案之面目全非矣故凡推慈歸孝于先皇正其  
頌德稱功于義父又一局也綱已密而猶疑有遺鱗  
勢已重而或憂其翻局崔魏諸奸始創立私編標題  
要典以之批根今日則衆正之黨碑以此免死他年  
即上公之鈇斧又一局也由此而觀三案者天下之  
公議要典者魏氏之私書三案自三案要典自要典  
今為金石不刊之論者誠未深思臣謂翻即紛竄改  
亦多事惟有毀之而已夫以閣監之權而後史臣之  
筆亘古未聞當毀一木易代而有編年不直書而加  
論斷若云彷彿明倫規模大典別是魏忠賢欲與肅  
皇帝爭聖崔呈秀可與張學敏比賢悖逆非倫當毀  
二矯誣先帝偽撰宸篇既不可此司馬光資治通鑑  
之書亦不得援宋神宗手製序文為例假竊誣妄當  
毀三况史局將開館抄具併七載非難稽之世寶錄



有本等之考何事留此駢枝供人唾罵當致四帝納其言命禮部會詞臣詳議議上遂焚其板侍講孫之獬忠賢黨也與順天鄉試中呈秀子鐸聞要典將致詰問力爭且慟哭天下笑之元璠歷遷南京司業右中允四年帝特重武科始命行殿試有舉子以扶勇聞會試被黜帝疑主考官庶子楊世芳中允劉必達及監試御史余文縉馬如蛟有意抑之悉逐下獄命元璠副諭德方逢年再試事竣白四人無弊請寬貸不納黃道周取官元璠稱為第一詞臣乞留之史局以已代取并薦舊府尹劉宗周曰邇來中使出動以上官禮加于庶司臣懼士大夫之氣化為統指柔陛下當式怒蛙不當重推折乃宗周既以訖辭枝間道周又以葦諤被貶天下本無人得其人又不能用豈不深可惜哉亦不納三疏乞省親不允進右諭德充日講官進右庶子兩疏乞歸養復不允乃上制賈八策曰問揮部曰繕宗邑曰優守兵曰靖降人曰並寇餉曰儲邊才曰奠輦穀曰嚴教育又上制虛八策曰端政本曰伸公議曰宣義問曰一條教曰慮久遠曰昭激勸曰勵名節曰假體貌其端政本悉規切溫體仁其伸公議則詆張捷薦呂純如謀翻逆案事捷

大怒上疏力攻且訐其干預考選元璠疏辨乞與同罷帝俱不問八年春流賊毀皇陵上疏乞下罪己詔蠲除七年以前逋稅時不能用復兩疏乞歸養不許俄遷國子祭酒先後列上十四事皆援祖制作人才帝為採納元璠雅負時望位漸通顯帝意嚮之深為體仁所忌一日帝手書其名下閣令以履歷進體仁益恐會誠意伯劉孔昭謀掌戎政體仁併孔昭使攻元璠言其妻陳尚存而妻王冒繼配復封取禮亂法詔下吏部核奏其同里尚書姜逢元侍郎王業浩劉宗周及其從兄御史元珙咸言陳氏以過被出繼娶王非妾體仁意阻會部議行撫按勘奏即擬旨云登科錄二氏並列罪跡顯然何待行勘遂落職閒任十五年九月廷臣交薦詔起兵部右侍郎兼侍讀學士以母老固辭俄聞畿輔被兵遂冒鋒鏑北上明年春抵都及入見陳制教機宜帝甚喜五月即起拜戶部尚書兼翰林院學士仍充日講官以祖制浙人不得官戶部辭不許帝眷元璠甚五日三賜對因奏陛下試用臣請以三說進一則與樞部同心計畫準餉以權兵準兵以權餉被兵之巨餉多虧折敗軍之壘兵亦銷亡彼此相權則款清而用足一小生小節無



蓋于數必求一舉得數十百萬又必有利于國無害于司農大臣本儒臣請所設施豈可權宜苟且臣必以仁義為根本政苟屬民必為民請命奏未畢帝曰卿真學問之言本原之論元璠又奏臣請得泰兵部謀帝曰已諭樞臣令與卿協計當是時馮元龍為兵部與元璠同志鈞考兵食頗有所裨益中外想望其平矣惟帝亦以用兩人晚而時事益不可為左支右絀元璠亦無如何故事諸違餉司悉中差元璠請改為大差兼兵部銜令清核軍伍不請職者即遣人代之先屢遣科臣出督四方租賦元璠以為擾民無益乞罷之而高貴撫按戶部侍郎莊祖誨督勦寇餉憂餉為盜劫速避之長沙衡州元璠請令督撫自催毋煩朝使自軍興以來正供之外有違餉有新餉有練餉款日多黠吏易為奸元璠請令為一帑皆報可時國用益絀而災傷用蠲免者又多元璠計無所出請開贖罪之例且令到官滿歲者得輸贖給封誥帝亦從之十月命兼攝吏部事陳演忌元璠風魏藻德言于帝曰元璠書生不習錢穀元璠亦數請解職十七年二月命以原官專五日講諭月季自成陪京師元璠整衣冠北向拜又南向拜母書几上曰南都尚

可為死吾分也勿以衣食歛暴我屍聊志吾痛遂南尚坐數日自縊而絕福王時贈少保吏部尚書謹文正  
本朝賜諡文正  
李邦華字孟剛吉水人受業同里鄒元標以名節自勵舉萬曆三十二年進士授涇縣知縣有異政行取擬授御史值黨論初起朝士多欲顧憲成邦華與相抗遂指日為東林越二年始拜命陳法祖用人十事一曰內閣不當常用詞臣二曰詞臣不當守館局三曰詞臣不當教習內書堂四曰六科都給事中不當內外間阻五曰御史陞遷不當驟論考滿六曰吏部乞假不當積至正印七曰閹倉諸差不當若用舉貢任子八曰調簡推知不當驟遷京秩九曰進士改教不當驟從內轉十曰遠方州縣不當盡用鄉貢疏上不報四十二年廷臣爭請福王之國已有期忽傳旨莊田務足四萬頃廷臣相顧愕眙謂田數必不足則期將復更而竟無敢爭者邦華乃抗疏切諫中刺鄭貴妃鄭國泰末規切聞臣葉向高廷臣乃相繼爭期得毋易尋上劄別邪正疏歷說故相中時行王錫爵趙志舉張位沈一貫李廷機而極論湯賓尹王紹



微徐兆魁罪兆魁出揭自明邦華又特疏論列兆魁  
迄引去吏部尚書趙煥遜左都御史孫瑋誠意伯劉  
蓋臣疏詆御史周起元翟鳳翀邦華並請罷斥巡視  
銀庫見老庫止貯銀八萬兩大駭列上祛弊十事多  
中責所不便格不行熊廷弼勸議起其鄉人黃彥  
士吳亮嗣官應震力庇之攻擊持劾議者不已邦華  
知涇縣深悉其本末出疏質言之其黨咸縮舌彥士  
猶為辯邦華再疏盡發其隱諸人乃不敢復言然疾  
之彌甚事具孫振基傳中巡按浙江澄清吏治部內  
肅然織造中官劉成卒命歸其事于有司而別達中  
官呂賁錄成遺賫賁遂嗾奸民紀兆魁稱機戶詣關  
保賁代成督造邦華極論二人交關作奸罪而兆先  
疏不由通政亦不下內閣以中旨行之邦華憤復三  
疏力爭語極切至皆不報是時神宗好貨中官有所  
進奉名為孝順邦華疏中刺及之并劾左右大奄之  
黨賁者皆人所不敢言直聲動朝野期滿久不得代  
四十四年引疾歸明年尚書鄭繼之等力排東林出  
為山東叅議其父廷諫為南京刑部郎中亦罷歸邦  
華乃辭疾不赴天啓元年起故官飭揚州兵備明年  
遷光祿少卿即還家省父四月擢右僉都御史代畢

自嚴巡撫天津時軍府新立庶務革創邦華首定軍  
志次東軍伍嚴軍律併兵械勦操練嚴選通重將權  
旌義勇杜占後修馬政津門一軍遂為諸鎮冠廷臣  
共推轂擢兵部右侍郎既辭不允復還家省父四月  
夏抵京樞輔孫承宗因萬壽節請入覲魏忠賢黨謂  
承宗將清君側惡邦華實召之忠賢立勅承宗還鎮  
邦華即引疾去五年七月為奄黨倪文煥所劾削其  
官崇禎元年四月起工部右侍郎總督河道五月改  
兵部協理戎政還朝帝即召見旋知武會試事竣入  
營故事冬至郊列隊扈蹕用軍八萬五千人至是增  
至十萬有奇時方郊總督勦臣缺邦華兼攝其事所  
設雲龍旗寶纛以及金鼓旗幟甲冑劍戟煥然一  
新帝顧之甚悅明年春幸學亦如之命加兵部尚書  
力辭不允時戎政大壞邦華銳意清釐先陳更操法  
慎揀選改戰車精火藥名器械責典守節金錢酌免  
馬練大砲九事帝優旨褒勉京營弊多端而占後虛  
冒尤甚占後者其人為諸將所役一小營至四五百  
人且有賣關包操諸弊虛冒者無其人而諸將及勦  
威奄寺豪強以倉頡冒選錄壯丁月支厚餉邦華核  
還占後萬計清虛冒千餘人三大營軍十餘萬強半



皆老弱故事軍缺聽人告補皆以賄得邦華必親試  
非年壯力強者不收自是軍鮮冒濫三營選鋒一萬  
壯丁七千餉厚他軍而疲弱不異邦華下令每把總  
兵五百月簡五人年必二十五以下力必二百五十斤  
以上杖必兼弓矢火炮月一解送以補選鋒壯丁之  
缺壯士咸踴躍三大營領六副將又分三十六營官  
以三百六十七人計所用掾史皆積猾邦華按罪十  
餘人又行一歲二考察之令諸奸為戰營馬額二萬  
六千至是止萬五千而他官例得借用總督協理及  
巡視科道又例有坐班馬邦華首減已班馬他官借  
馬者不許發濫借為希營將三百六十聽用者稱是  
每一官缺請託紛至邦華悉杜絕行計日者成法每  
小營各置一簿月上事狀于協理以定殿最舊制三  
大營外復設三條兵營營三千人餉視正軍而不習  
技擊無所事事邦華核去四千餘人又汰老弱千疏  
請歸併三大營不復另設由是戎政大獲會倉場總  
督南居益言京營歲支米一百六十六萬四千餘石  
視萬曆四十六年增五萬七千餘石宜減者邦華因  
上議軍以十二萬為額餉以百四十四萬石為額歲  
首二十二萬有奇帝亦報可著為令帝知邦華忠奏

無不從邦華亦感帝知不顧後患諸失利者銜次骨  
怨謗紛然至十月畿輔被兵即簡精卒三千守通州  
二千援薊州而身督諸軍出營城外軍容甚壯帝數  
召對溫語慰藉俄惑于羣議命撤還守陴偵者不敢  
遠出聲息遂斷乃上防寇盜緝間諜散奸充禁詭言  
數事即命飭行邦華自聞警衣不解帶捐貲造砲車  
及諸火器又以外城卑薄自請出守而諸不逞構蜚  
語入大內帝不能無動裝城伯李守鏞督京營銜邦  
華托已亦未間說其邦華自危上疏陳情歸于帝帝  
猶溫言慰諭然是時帝心焦勞甚謂大臣皆不足倚  
下兵部尚書王洽工部尚書張鳳翔獄會滿桂兵拒  
大清兵德勝門外城上發大砲助之候傷桂兵甚衆  
都察院都事張道澤遂疏劾邦華言官亦定論其罪  
帝乃落邦華職閒住自是代者以邦華為戒率因循  
姑息戎政不可問矣邦華歸廷臣屢薦執政多忌之  
挹不用十二年四月始起南京兵部尚書參贊機務  
首定營制汰不急之將分設之營嘗言守江南不若  
守江北防下流不若防上流乃由浦口歷滁州全椒  
和州相形勢繪圖以獻于浦口建沿江敵臺于滁州  
設戍卒池河無城則城之藕塘為濬椒咽喉築堡聯



終和州遭屠戮人民無幾請隸之太平又請開府采石之山置哨太平港大壑當塗開田數萬頃以資軍儲皆下所司未及行以父憂去十五年冬起故官掌南京都察院事俄代劉宗周為左都御史兩疏懇辭未得命開都城被兵乃疏請督東南援兵入衛力疾上道明年三月抵九江左良玉潰兵數十萬聲言之餉蔽江東下劫漕舟邦華急移書責以大義良玉氣沮答書語頗恭邦華用便宜發安慶庫銀十五萬餉之而身入其軍開誠慰勞良玉及其下咸感激誓刻期滅賊一軍遂安帝大悅降旨優獎還朝召見嘉勞保至首陳勿欺之疏請與廷臣共勉乃中職掌振憲紀更定巡城巡方諸令風采凜然御史出巡有回道考叢例邦華謂回道而後點害政已多論罷巡按巡鹽御史各一人奉命考試御史點冒濫者一人有御史無頭過而先任推官著貪聲者進點之臺中始畏法十七年二月李自成陷山西邦華密疏請帝固守京師做永樂朝故事命太子監國南都居數日未得命又請定永二王分封太平寧國二府拱護兩京帝得疏意動統殿行且請且嘆將行其言帝召廷臣賜對庶子項煜具疏極陳當南巡者帝曰國君死社

稷正也朕志決矣范景文與邦華擬中前請給事中光時亨大駭白奉太子往江南欲為唐肅宗重武故事乎二人乃不敢言而帝心亦不怡甚遂罷邦華策不議未幾賊逼都城亟議內閣言事魏藻德漫應曰姑待之邦華乃太息出已率諸御史登城群奄拒之不得上慟哭而返十八日外城陷走宿文信國祠明日內城亦陷北向拜三楫信國作絕命詞投繯卒福王時贈太保吏部尚書謚忠文

王家彥字開美莆田人天啓二年進士授開化知縣調蘭谿擢刑科給事中崇禎四年大學士錢龍錫久繫獄家彥因熱審力請寬之獲減死獄囚多淹帝定按月奏報例家彥請推行于四方時方用兵而文臣知兵者少家彥陳儲才法甚備流賊擾山西巡撫宋統殷不能禦日事招撫且縱兵剽掠家彥請急易之劉香亂福建家彥以海防盡弛力請修復舊制奉命巡青論救前巡視科道馬思理高倬及監督王事王濬初江之遠事多議行班軍十六萬後減為七萬及是止二萬有奇有建議免其番上者家彥巡京營力陳不可帝納之總河尚書劉綎鑿河渠無功因家



彥言獲獲遊化鉄治久廢奸民請復開家彥極言有  
害無利請自今言利章一切報罷事亦止其後奸民  
請開開化雲霧山以興屯亦以家彥言而止時行保  
舉法家彥請養之成均試之六部且上言近日會推  
吏部袖出一帑與會者止兩揖而退大夫會推意報  
聞累遷戶科都給事中總督盧象昇有因糧加餉之  
議戶部尚書侯恂請未被寇之地士大夫賦一兩者  
加二錢民間五兩以上者每兩一錢已得旨行家彥  
言民賦五兩上者大率百十家而成一户本非富民  
不可計錙銖帝亦採納九年言近以軍食不足令畿  
輔山東河南江北召買米豆輸天津至九十餘萬石  
民不堪命而吏胥侵耗數十萬計不可不嚴治帝為  
飭行七月召平夫守陵獲震驚劾兵部尚書張鳳翼  
坐視鳳翼既出師復劾其調度無法威令不行帝  
以敵未退不問家彥尋以親喪歸十二年起吏科都  
給事中帝屢詔起廢而所司不奉行家彥請勅部速  
奏且召入陛見親驗其才吏部兩侍郎舊制必用翰  
林一人自薛國觀執政四年不補家彥以為言成祖  
有捕蝗令宣德五年定為永制至二百年吏部歲以  
九月頒勅令于有司無舉行者家彥請實修舊典帝

計納之權大理丞進本寺少卿十五年遷太僕卿家  
彥居言路時嘗請復國初種馬及西番茶馬制帝下  
兵部檄陝西督撫未能行至是家彥復陳四疏傳言  
馬耗之故請行官收及金牌差發道制且言謀馬改  
折舊增至二十四萬兩民已重困楊嗣昌不恤民復  
增三十七萬致舊額反逾不可不釐正帝手其疏語  
執政曰家彥所奏皆可行急下部議軍興方亟不能  
盡行也頃之擢戶部右侍郎甫拜命都城被兵帝擇  
協理戎政大臣召見四人即以命家彥受勅即日登  
陴閱視內城九門明日閱外城七門布列守具雪夜  
日携一燈步巡城堞守卒無知者朔日禁戒勤惰將  
士爭自勵初分守阜城門後移安定門凡平歲寢處  
城樓勞動為最解嚴賜宴午門增秩一等十七年二  
月廷推戶部尚書帝以戎政非家彥不可特留任李  
自成逼京師襄城伯李國禎督京營帝又命中官王  
德化盡督內外軍務二人皆不知兵悉發三大營軍  
出營城外家彥爭不得由是守陴者少諸軍既出城  
見賊輒降賊即驅攻城城上人皆其儕蓋無固志廷  
臣分門守家彥守安定門然疏令進止悉由中官沮  
諸臣不使登城又縱叛賊杜勳上與密約而去兵部



尚書張縉彥疑有異急上聞帝手勅縉彥登城察視  
家彥從之中官猶固拒示以手勅乃許問勳安在曰  
去矣又言秦晉二王亦欲上城家彥曰二王既降賊  
即賊也安得上見勢不支頃足及傅縉彥詣宮門請  
對不得見十九日黎明城陷家彥望闕叩頭投城下  
不死縉于民舍而絕福王時贈太子少保兵部尚書  
謹忠端

本朝賜謹忠毅

孟兆祥字允吉交河人舉于鄉九赴會試天啓二年  
始擢第除大理左評事崇禎初遷吏部稽勳主事歷  
文選員外郎門生謁選請善地兆祥正色責之其人  
悚然退進稽勳郎中謁假歸起考功郎中忤要人意  
改行人司副稍遷光祿丞進少卿歷左通政太僕卿  
旋進通政使十七年二月拜刑部右侍郎三月宣府  
陷賊薄都城詔大臣登陴分守兆祥駐正陽門防衛  
嚴固時城守惟中官為政襄城伯李國禎統京營軍  
稽月餉不予士卒咸怒無同志未幾城陷或勸兆祥  
還即厲聲曰社稷已覆吾將安之仰天號慟冠帶望  
闕拜曰臣力止此矣謀國無能死有餘憾遂自經長  
子章明字綱宜甫成進士兆祥語之曰我大臣義當

死汝未受職可去對曰人生大節惟君與父君父死  
臣子何生為亦投縊死兆祥妻呂章明妻王相尚其  
既而曰彼父子死忠矣我二人可不死節亦亦同日  
並縊死福王時贈兆祥刑部尚書謹忠貞章明河南  
道御史謹節慈

本朝賜兆祥謹忠靖章明貞孝

魏邦曜字爾稽餘姚人萬曆四十一年進士不樂為  
吏改順天武學教授歷國子博士工部營繕主事進  
員外郎魏忠賢與三殿工諸曹即悉奔走其門邦曜  
獨不往忠賢欲困之令做嘉靖舊制作數吻其製莫  
可考夢神告之發地得吻嘉靖中所餘也忠賢遂不  
能難遣也田郎中稍遷漳州知府盡知屬縣奸盜主  
名每發輒得聞群鴛為神盜劉香李魁奇橫海上邦  
曜繫香母誘之香就擒魁奇接鄭芝龍事請撫邦曜  
言于巡撫鄒維建卒討平之遷福建副使左叅政四  
川按察使福建左布政使所至潔己愛民聲藉甚歷  
兩京光祿寺卿改通政使少詹事黃道周謫官復遠  
下詔獄國子生徐仲吉上書訟之邦曜不為封進而  
大署其劄封曰書不必上論不可不存仲吉劄邦曜  
阻抑言路邦曜遂以劄封上帝見其署語怒奪職歸



於年言官交薦起南京通政使入都陞見陳學衛吏  
 治用兵財賦四事帝改容納焉出都三日命使必  
 還曰南京無事留此為朕効力吏部推為刑部右侍  
 郎尋白邦耀清執可左副都御史時崇禎十六年十  
 上月也勅浙江有許都之亂紹興推官陳子龍平之  
 其餘黨猶未靖子龍遂遷去邦耀請改子龍兵科給  
 事中留浙撫禦徐仲吉之上書也帝下之詔獄崇禎  
 衣者謂通政馬思理庇仲吉致赴獄愆期帝怒并思  
 理下吏罪遂成至是邦耀為思理訟寃請召用帝以  
 兩浙供億久不至遣中官王坤及給事畢三人姓督  
 邦耀請停遣中官未報會賊薄近郊邦耀語兵部尚  
 書張縉彥急勵士卒固守檄天下兵勤王縉不為意  
 邦耀太息而去城陷急趨長安門閉帝崩勸發印為  
 殉社稷矣臣子可偷生哉即解帶自縊其僕趨棘稍  
 蘇厲聲曰若輩不知大義毋怪我賊滿衢巷不獲還  
 卹舍望門求縊輒為居民所麾乃命家人市信石雜  
 燒酒即途中服之血迸裂而卒邦耀少好王守仁學  
 以理學文章經濟三分其書讀之劉宗周講學嚴小  
 邦耀往復叩擊宗周深契焉嘗時生者里同年矣也  
 官庶吉士授京師邦耀手治舍飲以女妻其弟德翼

一婢命酒掃至東隅捧盃凝視而泣怪問之曰此先  
 人御史宅也兒時墮環茲地不覺悽愴耳邦耀即分  
 嫁女資擇士人歸之福王時贈太子少保左都御史  
 謚忠介  
 本朝賜諡忠愍  
 凌義渠字駿甫烏程人天啓五年進士除行人崇禎  
 三年授禮科都給事中溫體仁柄政義渠其里人無  
 所附麗三河知縣劉夢煒失鉤銀三千責償急自縊  
 死有司責其家義渠言以金錢殞命吏恐天下議朝  
 廷重金意不在盜也帝特原之宜興溧陽及遂安壽  
 昌民亂焚掠巨室義渠言魏羽林軍焚領軍張葵募  
 高歡以為天下事可知日者告密門漸啓藩園悍宗  
 入京越奏里閭小故叫鬧肆寃乃至僕監侮家長亦  
 吏符上官市僧持紳縉此春秋所謂六逆也天下所  
 以治恃上下之分防維決裂無復界限即九重安所  
 藉以提挈萬靈使群動哉給事中劉令輝劾體仁  
 擬旨失當被貶二秩義渠言諫官不得規執政失而  
 委申飭權于部院反得制書路恐大臣以攬權為奉  
 旨小臣以結舌為盡職將貽國家無窮憂時還其官  
 兵部尚書張鳳翼叙廢將陳壯猷功為給事劉昌祚



馭昌反被斥義渠言今上下盡相蒙而疆場欺蔽為甚官方皆濫徇而武弁倖功為甚中樞不職捨其大摘其細已足為言者羞乃辨疏一入調用隨之自今奸弊叢生功罪倒置言者悉杜口矣不納三遷兵科都給事中先後劾湖廣總兵官秦翼明不勝任河南總兵官左良玉縱軍淫掠廣東總兵官陳謙誘取番禺諸人多獲譴時議廢耶陽撫治大臣命總理尚書熊文燦移鎮義渠力持寢之東江自毛文龍後叛者接踵義渠言東島孤懸海外轉餉艱向仰給朝鮮今路阻絕不得食內潰可慮居無何眾果潰扶帥來撫義渠請陽撫陰勅同惡必相戕反命新帥出海義渠云穢渠散黨宜速速則可圖功遲則更生他變後其語皆驗義渠居諫垣九年建白多不當出外河南人曹鳳禎賄中舉人義渠居禮科時議黜之鳳禎外舅劉安行義渠同官力阻不得至是掌吏科扶前憾出義渠福建奏政義渠憤言為安行所排會有糾發前事者安行下吏除名義渠乃之任尋遷按察使轉山東右布政使所至有清操召拜南京光祿寺卿署慮天尹事十六年入為大理卿明年三月賊犯都城有旨召對趨赴長安門旦不啓扉俄傳城陷義渠乃還

已得帝前問負墻哀號首觸柱血流被而門生勸無死義渠厲聲曰吾與爾道義交當相勸何姑息為揮使出據几端坐義渠終身蔬食無他嗜好性獨愛書乃取生平所閱書籍盡焚之曰無被賊手污也次日具緋衣向朝拜復南向稽首作書辭父闔戶自經年五十二福王時贈刑部尚書謚忠清

本朝賜謚忠介

馬世奇字君常無錫人祖濂進士桂林知府世奇幼穎異嗜學有文名舉崇禎四年進士改庶吉士授編修座主周延儒世奇同郡也當國世奇務引大義非公事不以告十一年帝以頻歲用兵海內勞苦遣詞臣分諭諸藩世奇使山東湖廣江西諸王府所至却魏道還進左諭德父憂歸服除會延儒再相世奇遠權勢不入都及還朝進左庶子則延儒已賜死親暱者率避去世奇力經紀其喪時冠警日聞帝數召廷臣問計世奇言弭亂以人心為本聞獻二賊除獻易除閹難獻當刑殺人畏閹伴不殺人所附也今欲收人心在勅督撫鎮將嚴束伍部令兵不虐民人心親附賊勢乃孤帝稱善為下詔申飭已賊薄都城諸大臣無能畫一策世奇太息泣下曰事已不可為吾



死而已城陷世奇方早食投箸起問帝安在或言已  
出城明日知帝崩東宮二王被執曰吾得死所矣其  
僕曰如太夫人何世奇曰正恐辱太夫人耳作者別  
母肅衣冠捧所署司經局印望闕拜曰臣不能報國  
一以謝陛下將自經二妾朱李感飾前世奇訝曰若  
以我以將辭我耶對曰主人盡節我二人拜辭從死  
耳世奇曰有是哉二妾拜訖並先縊或世奇乃自縊  
福王時贈禮部右侍郎謚文忠

本朝賜謚文肅世奇砥礪名行居館閣最有聲好推  
引後進不妄取典居父憂時蘇州推官倪長圩其門  
人也以贖錢三千金助喪辭曰蘇大穢留此賑民可  
也長圩以三百金犒從者立送所司為鄉邑修學費  
其疎財樂義如此

吳麟徵字聖生海鹽人天啓二年進士除建昌府推  
官捕劇盜擒豪猾治禁日聞父憂歸補興化府廉公  
有威僚屬莫敢以私進崇禎五年擢吏科給事中首  
疏請達下情悉民隱言甚切至又請精擇郡守言郡  
守廉縣令不敢貪郡守慈縣令不敢虐郡守精明縣  
令不敢叢毳宜做宣宗用况鍾等故事精擇禮遣重  
以璽書假便宜責令久任民生疾苦吏治咸否使得

自達天子時不能行河決蘇家嘴新溝口南下不復  
東歸海淮揚諸屬邑悉被災督漕侍郎李待問不能  
治麟徵極論其罪吏部郎中牟道行左遷廣西太平  
知府麟徵言道行貪汙并不當守郡建安知縣徐汝  
驛用賄首為贖麟徵發其奸并劾湖廣巡按白士麟  
廣建生祠立碑播謠頌偽吏亂真諸人多獲譴同官  
章正宸以劾王應熊下詔徵麟徵論救漏刻博士周  
長虞疏諱中官且請搜括麟徵力駁其謬尋上疏乞  
假葬父自引六罪詞甚哀切既去貽言路公揭略言  
自言官積輕廟堂之上往往反其言而用之奸人窺  
見此旨明告君父目為朋黨自稱孤立下背公論上  
竊主權諸君子宜盡化沾沾之意毋落其彀中使清  
流之禍再見明時激成之患貽悔後日居久之還朝  
劾吏部尚書田唯嘉賊汙唯嘉罷去再遷刑科左給  
事中故相文震孟卒所司不敢聞麟徵為請恤丁總  
母憂服闋起吏科都給事中吏部用人多徇請託麟  
徵言限年固銓衡敝然舍此無以待中才今遷轉如  
流不按資俸品級徒開奔競門帝深然之已請勅南  
宗兵部尚書史可法節制江南諸帥控禦流賊姜珠  
熊開元以劾周延儒下詔徵麟徵論救帝不能奪自



成大城而山海關外八城又強半失守十七年二月  
薊遠總督王永吉聞自成入秦知其必渡河奏請撤  
寧遠吳三桂兵守關內大學士陳演不敢決請下撫  
鎮酌行之既而警報日至群臣皆言非薊督王永吉  
鎮三桂密鎮唐通合力一戰不可帝然之令本兵具  
奏演言錦州告警寧遠與必不可調帝召群臣會議  
不決獨成國公朱統臣戶部尚書倪元璐刑部侍郎  
金之後都給事中孫承澤以為當調而麟徵爭尤力  
且言三桂勇將宜拔用無委之敵人今賊旦夕發秦  
晉若使來扞京師一舉兩得今日之事當緩急無  
論是非也退復具疏力言之演復請下永吉等議永  
吉等皆以撤關外兵入援為便帝俞之永吉聞命三  
月初出關與三桂從寧遠衆五十萬日行數十里十  
六日入關二十日抵豐潤而京師已陷矣故事吏垣  
長無出外者帝欲令給事御史內外兼用以習民事  
會吏部推麟徵京卿旨以未歷監司不得內擢麟徵  
乃移牒吏部求外補吏部以麟徵望重再推太常少  
卿帝亦報允未幾賊薄京師麟徵守西直門賊詐為  
勤王兵請入中官欲納之麟徵不可以土石堅塞其  
門募死士縋城襲擊多所斬獲乘間入朝欲見帝白

事至午門遇大學士魏藻德引麟徵手曰國家如天  
之福必無他虞且夕兵餉集公何慮遽為引之出乃  
復登陴明日城陷麟徵欲還却已為賊所據乃入道  
旁祠作書決家人曰祖宗二百七十餘年宗社一旦  
至此雖上有亢龍之悔下有魚爛之殃而身居鍊垣  
無所匡救法當褫服殮用角中青衫覆以單衾足矣  
解帶自經家救之懸環泣請曰待祝孝廉至一決可  
予許之祝孝廉名淵以救劉宗周下獄與麟徵善者  
也時給事中高翔漢漢中人受賊顛賊未就麟徵降  
麟徵怒叱之去明日淵至麟徵慷慨曰憶登第時夢  
隱士劉宗周吟文信國零丁洋詩今山河碎矣不死  
何為酌酒與淵別自經死淵為視含殮乃去福王時  
贈兵部右侍郎諡忠節

本朝賜諡貞肅

周鳳翔字儀伯浙江山陰人崇禎元年進士改庶吉  
士授編修遷南京國子監司業璽璧任奴辱諸生鳳  
翔執付法司祭酒許士柔為簡討時嘗撰都御史高  
攀龍詰文閣十年未給及張至發當國銜士柔以新  
令詰詞不得用駢語劾士柔遂令貶其官鳳翔不平  
抗疏言故事詞臣撰文不當聞臣裁之否則令改撰



未有徑彈劾者詰勅用寶歲有常期未有十年後用寶進呈吹求當制者贈詰為屬中書崇禎三年所中飭未有追咎元年史官詆為越俎者攀龍統志直節為陛下所褒一旦毛舉細故舞文反汗俾忠良色阻非所以勵當今示後世疏難不行士論避之歷中允諭德為東宮講官嘗召對平臺問賊寇策言論慷慨帝為悚聽軍需急議稅間架錢鳳翔曰事至此急宜收人心尚可括民財搖國勢耶昔賢謂人心一失不可復救國勢一傾不可復振正謂是也尚書倪元璐亟稱其言亡何京師陷莊烈帝殉社稷有訛傳駕南幸者鳳翔不知帝所在趨入朝見魏藻德陳演侯恂宋企郊等群入而賊李自成據御坐受朝賀鳳翔至殿前大哭恚從左掖門趨出賊亦不問歸至即作書辭二親題詩壁間自經死其詩有碧血九原依聖主白頭二老哭忠魂天下誦而悲之去帝崩纔兩日也福王時贈禮部右侍郎謚文節

崇禎七年始中式及廷對帝親擢第一還宮喜曰朕今日得一耆碩矣理順素有學行朝士咸稱帝知人理順益感激其鄉人爭羨之理順曰昔王曾志不在溫飽吾豈異是且憂懼方始何羨為拜修撰益勤學朝退輒鍵戶讀書非其人與交十二年春畿輔告警疏陳作士氣矜窮民簡良吏定師期信賞罰招費從六事下所司議行因蠲畿輔山東被兵逋賦歷南宗司業左中允右諭德入侍經筵兼東宮講官楊嗣昌奪情入閣理順昌言于朝嗣昌怒奪其講官開封垂陷理順大恸曰中原破則京師危矣建議河北設重臣練敢死士為後圖疏格不行楊嗣昌薛國觀周廷儒迭用事理順一無所附虎出溫體仁門言論無少徇十七年三月賊犯京師急理順詣朝房謂諸執政曰守卒缺餉陰雨饑凍急宜請內帑鼓舞士背城一戰或堅守以待勅王師不然大事去矣眾唯唯理順太息歸悉捐家貲分犒守城卒僚友或問進止正色曰存亡視國尚酒商酌耶城破妻萬妾李請先死理順許之俟其既絕具袍笏北向再拜入別宗祠大書曰成仁取義孔孟所傳文信踐之吾何不然既占科名豈敢苟全三忠祠內無愧前賢書畢投繯死年



六十三僕四人皆從死群盜多中州人聞其死入言曰此吾鄉杞縣劉狀元也居鄉厚德何遽死羅拜號泣而去後贈詹事謚文正

本朝賜謚文烈

汪偉字叔度休寧人崇禎元年進士除慈谿知縣政績大著十一年帝念寇氛日熾擇知推治行卓絕者入翰林以保大用偉推檢討尋以治祖母葬歸還朝充東宮講官十六年賊陷承天荆襄偉以留都根本可慮上江防網繆疏言金陵城週百二十里雖十萬衆不能守故議者謂無守城法止有防江法賊自北來則淮安為要自上而下則九江為要禦淮即所以禦江守九江即所以守金陵也惟有史可法屹然保障矣九江一郡宜設立重臣以鎮之上而武昌下而太平來石浦口各命南京兵部大臣建牙分閫則聲援接而金陵之門戶固矣南京兵部與操江事不相涉操江欲用兵而無人兵部有重兵而無用宜令驍勇相應而府尹府丞之官亟重其權久其任聯百萬士民心以分兵部操江之責因言清議所歸如御史詹兆恒葉樹聲楊四重故御史郭維經成勇故巡撫袁繼威方孔炤等宜以備督撫京兆之選帝嘉納之

九江乃特設總督又言兵額既虧宜以衛所官舍餘丁補伍操練修治兵船以資防禦如額餉不足則暫借鹽課漕米以給之前後所條奏皆切時務明年三月賊兵東犯偉語閣臣事急矣亟遣大僚分守畿郡一切便宜從事都中城守則文自內閣武自公侯伯以下各率子弟盡地分防庶民統以紳士家自為守而京軍分番巡徼以待勤王之師魏藻德曰大僚守畿輔誰肯者偉曰此何等時猶較尊卑計安危耶請以一劇郡見委藻德哂其早計未幾真定游擊謝嘉福殺巡撫徐標迎賊偉泣曰事至此乎作書寄友人曰賊據真定奸人滿都城外郡上供絲粟不至諸臣無一可支危亡者如聖主何平時誤國之人終日言門戶而不顧朝廷今當何處伸狂喙耶賊薄都城守兵乏餉不得食偉出貲市餅餌以饋已而城陷偉歸寓語繼室耿善撫幼子耿泣曰我獨不能從公死乎因以幼子屬其弟衣新衣上下縫引刀自剄不殊復扶縲遂絕時年二十三偉欣然曰是成吾志移其屍于堂援筆書壁曰翰林院檢討東宮日講官汪偉同繼室耿氏死節貽子觀書勉以忠孝乃自經福王時贈少詹事謚文烈



本朝賜諡文數

吳甘來字和受江西新昌人父之才西安府同知甘來與兄泰來同舉鄉試崇禎改元甘來成進士授中書舍人後三年泰來亦成進士授南京太常博士五年甘來擢刑科給事中抗直敢言戶部尚書畢自嚴下獄抗疏救之帝重法絕下朝士坐大辟者累累甘來疏請停刑蕪湖設閘商舟多覆沒甘來請罷征七年西北大旱疏言秦晉間人相食父子兄弟不相顧陛下發粟以賑猶恐被澤者少乃山西難民半為總兵官張應昌等殺以冒功中州諸郡畏曹變蛟兵甚于賊臣竇漪之又言賞罰者將將大機權也陛下加意遠陲賞無延格乃紅夷獻俘黔蜀爭功昌黎死守功猶待勦急則用其死緩則求以文法且封疆之罰武與文二內與外二士卒與將帥二受命建牙或遠或逐以封疆罪罪之而跋扈將帥罪狀已暴止于戴罪偏裨不能令士卒將帥不能令偏裨督撫不能令將帥將聽賊自來自去誰為陛下剪兇逆者帝納其言為下令中飭吏部侍郎張捷薦用呂純如甘來疏爭且劾捷宜罷事乃止憂歸服闋起吏科進兵科右給事中乞假歸十五年起歷戶科都給事中列上

練兵足餉十事又陳開礦之害時封疆大吏多假獲藩名素封守移善地致列城崩潰甘來極論其弊一日帝詰戶部尚書倪元璐餉額甘來元璐門生也進曰臣科與戶曹表裡餉可按籍稽臣所慮者兵開賦而逃民見賊而喜恐不特無餉之患宜急輕賦稅收人心帝領之甘來遘疾連請告會帝命編修陳名夏掌戶科甘來喜得代不數日賊薄都城時泰來已官禮部員外郎甘來屬歸事母而已誓必死明日城陷有言駕南幸者甘來曰上明且決必不輕出乃疾走皇城不得入遂作絕命辭畢盡取疏草焚之曰當賊寇縱橫徒持議論無益毫末留之鈞後世名罪彌大耳正衣冠北向拜投環死福王立贈太常卿諡忠節本朝賜諡茲介

王章字漢臣武進人崇禎元年進士授諸暨知縣少孤母訓之嚴及為令祖帳歸少暮母訶跪于杖曰朝廷以百里授酒人乎章伏地不敢仰視親友為力解乃已治諸暨有聲甫半歲以才調鄞縣諸暨民與鄞民爭挽章至相詳治鄞益有聲數注上考十一年行取入都時有考選翰林之命行取者率奔競給事中陳啓新論之帝怒命吏部上訪冊罪廷臣濫徇者尚



書姜逢元王業浩給事中傳元初御史烏好善等六人閒任給事中孫晉御史李右謙等三人降調給事中劉舍輝御史劉興秀等十人貶二秩視事吏部尚書田維嘉等乃請先推部曹凡推二十二人章與焉授工部主事章及任濬涂必泓李嗣京欲疏辨憚為首獲罪李士淳者髦矣四人不告而首其名士淳知之懼且怒與章等大詬而帝知維嘉有私詔許與考又以為首者必名士也擢士淳編修章等皆御史章上疏請罷內操屢陳江南旱饑請寬逋賦又劾內臣肖功詞甚侃直明年出按甘肅持風紀飭邊防西部寇蒞浪廵撫急徵兵章曰貧寇索食耳策馬入其帳衆羅拜乞降乃稍給之食洪化番者僧也寺建永樂時歷年久人畜繁盛屢搆訟諸將利其貨議兵之章持不可遣官為解釋兩河旱章檄城隍神曰御史受錢或戕害人神殛御史無虐民神血食茲土不能請上帝竊一方當奏天子易爾位檄焚兩大注衛所官有犯舊令輸餉贖罪繫繫無已時章奏于朝嚴責治而免其罪遣卒貸武弁金償以贖首武弁以胃切坐是數召遣蒙章者令非大舉毋得以零級冒功巡撫劉鎬貪情劾去之所部十道監司劾罷其四居二年

以母憂歸服闋還朝命巡視京營時李自成已陷山西警一日數至章按籍額軍十一萬有奇喜曰兵至十萬猶可為也及聞視半死者餘胃伍億甚矢折刀缺聞礮聲掩耳馬未馳輒墮而司農缺餉半歲不發章屢疏請發內帑不報踰月賊陷真定京師大震襄城伯李國楨發營卒五萬營城外章與給事中光時亨守阜城門三塔一卒三月初登陴閏十一日始一還卹櫛沐易新衣冠家人大駭章不應賊傳城下章手發三炮賊少却頃之各門炮聲絕時亨攝章走章厲聲曰事至此猶惜死耶時亨曰死此與士卒何別入朝訪上所在不獲則死死未晚也章從之與時亨並馬行俄賊突至疾呼下馬時亨倉皇下長跪乞降章持鞭不顧叱曰吾視軍御史也誰敢犯賊刺章股墮章罵曰逆賊勤王且至我死爾輩城不旋踵矣賊怒攢礮利殺章抵暮家人覓屍猶一手據地坐張口怒目勃勃如此賊狀妻妾在籍聞之一慟而卒福王時贈大理寺卿諡忠烈

本朝賜諡節愍次子之斌仕閩為職方主事亦死難陳良模字士亮鄞人崇禎四年進士擢大理推官初召天工莊烈帝度事上帝詔群臣名天者悉改之乃




改良謨在職六年兩注上考行取陞見權御史十二年出按四川張獻忠羅汝才等猖獗甚督師楊嗣昌議盡驅入蜀威而殲之檄諸大帥環集鄧襄良謨曰是將以蜀為壑也躬閱閔隘嚴飭文武將吏為堵勒計總兵官羅尚文貪殘嗜酒舉奏之尚文為少戢期滿當還特留任詔良謨專護蜀王巡撫邵捷春尚辦賊良謨飭守其檄屬城堅壁清野數調諸將出擊賊犯成都良謨遣將列要害為犄角勢一再戰賊潰奔帝聞賊擾蜀數下詔責良謨後知其堅守狀乃優旨賜銀幣及運朝賊勢並迫良謨數有所規畫皆廢格不行未幾京師陷良謨念母老已未有子而妻時氏方有娠乃謂之曰吾且死汝幸任身急歸父母家時泣曰公殉國妻不當殉公耶且一婦人躡鬪鋒刃間倘不幸有他不如無子良謨喜曰能如是乎妻乃先就縊既死良謨整衣冠望闕拜亦自縊死時氏京師人年十八侍良謨百有三日拜福王時良謨贈太僕卿謚恭愍時氏贈孀人

本朝賜謚恭潔

陳純德字靜生零陵人為諸生以學行稱居場屋四十餘年夜泊洞庭為盜寇躍出墮水再躍入洲渚此

晚坐蘆葦中去泊舟數十丈尋舉崇禎十三年進士年已六十矣莊烈帝召諸進士咨以時事純德奏稱旨立擢御史明年巡按山西感帝知盡心職業七月部內嚴霜八月大雪民多凍餓純德請恤因極陳抽練之弊言兵一抽則人失故居無父母妻子之依田園丘壠之戀思歸則逃敵則潰抽餘者既以餉薄而安于無用抽去者又以遠調而不樂為用伍虛而餉仍在不歸主帥則歸偏裨且樂其逃而利其餉凡藉以營求遷秩皆是物也精神不用以末伍而用以侵餉厚餉不用以養士而用以求官伍虛則無人安望其練餉糜則愈缺安望其充此今日行間大弊也帝不能用還朝陳時務七事請下罪己詔蘇氏疾若急收人心尋督畿輔學政故事督學御史用資深有望者純德資淺以清望得之十七年三月將出按部因賊警復還都城陷賊下令百官以二十一日入見純德隨眾入還邸慟哭作書別父母朝服北向再拜自經死福王時贈太僕卿謚恭節

申任倚字孔嘉永年人崇禎四年進士授儀封知縣縣故盜藪任倚嚴係甲法奸無所容霑雨河決賊舟怒濤中率眾塞其口捕大獍置之法以才詞祀縣八





年賊掃地主率萬人攻城城土垣多圯佳循固守募死士擊賊賊卒引去佳循因覓其城唐王幸鍵勳王將抵開封諸大吏恟恐集議曰留之不聽行守土者且獲罪佳循曰惟周王可留之衆稱善用其計治行卓異擢吏部文選主事上脩邊五策多議行進考功員外部佐京察頗忤權要大學士薛國觀傾少詹事文安之逮及佳循左遷南京國子博士安之佳循座主也久之遷大理評事進太僕丞座主周延儒當國未嘗謁見延儒死為經紀其喪十七年出近畿閱馬聞李自成破居庸流涕曰京師必不守矣君父有難馬所逝乎疾馳入都徧謁大臣為畫戰守策皆不省貽書于涵光曰行己曰義順命曰數義不可背數不可違吾受國恩當以死報己京師陷冠帶辭毋策馬至王恭廠將投井從者請易服以避佳循曰吾起微賤食祿十三年國事至此敢愛死乎兩僕環守不去給之曰我將擇善地下馬旁見灌畦巨井急躍入僕號呼欲出之佳循亦呼曰告太安人有子作忠臣勿過傷也遂死年四十二福王時贈太僕少卿謚節愍本朝賜諡端愍

康德字元升霍州人依舅氏占籍懷柔舉崇禎四年

進士除滋陽知縣性剛介清操絕俗疾惡若仇頗好擊斷文震孟入都德郊迎執弟子禮語刺溫體仁體仁聞而恨之兗州知府增餉額德固爭又嘗捕治其爪牙吏知府怒饒于御史為好善好善體仁客也遂誣德貪虐逮入京滋陽民詣闕訟冤震孟在間亦言其枉德道中具疏極論體仁罪而震孟已被體仁擠去好善再劾德言其疏出震孟手帝不之究德母張伺體仁長安街統輿大罵拾瓦礫擲之體仁恚跪聞于朝詔五城御史驅逐移德鎮撫獄掠治杖六十午門外戍邊坐贖六十有奇而給體仁杖尉五十人獲出入德居戍所七年用御史詹兆恒薦起如舉知縣尋擢武庫主事以母老三疏力辭不允乃就道至則上言年來中外多故居官者爵祿迷心廉恥道喪其寧淡自將矢死靡他者在北則舊太常虎善繼在西則舊太守祝萬齡耳陛下御極十七年何仗節死義之寥寥也宋臣張栻有言仗節死義之臣當于犯顏諫諍中求之夫犯顏諫諍何難在朝廷養之而已表厥宅里所以伸忠臣孝子于生前殊厥井疆所以誅亂臣賊子于未死苟死敵者無功則媚敵者且無罪死賊者褒揚不亟則從賊者恬而不知畏也遷朝甫





三月京師陷帝崩恸哭持雞酒奔奠梓宮前觸地流血賊露刃脅之不為動莫畢歸家有妹年二十餘因家難未嫁德顧之曰我死汝何依妹請先死德稱善哭而視其繼室霍籍繼之德痛不及視入別其母及盡哀而自縊母見子女及子婦皆死亦投縊死先是懷柔城破德父文桂遇害家屬盡沒妻劉在京以微德亟急憂悸死至是又闔門死難惟幼子先寄友人家獲存福王時贈光祿寺卿謚忠毅

本朝賜謚介愍

許直字若魯如皋人崇禎七年成進士出文震孟門以名節自砥除義烏知縣清操嶙然母憂歸哀毀骨立終喪蔬食寢樞旁補廣東惠來縣用清望徵授吏部文選主事進考功員外郎賊薄都城約同官出資譽士為死守計城陷賊令百官報名直曰身可殺志不可奪堅不赴有傳帝南狩者直將往從見賊騎塞道出門報返曰四面兵戈駕馬往國亂不匡君危無濟惟一死而已已知帝崩一恸義絕客以七十老父為解直曰不死辱及所生乃作書寄父賦絕命詩六章闔戶自經死福王時贈太僕卿謚忠節

本朝賜謚忠愍

全銓字伯玉武進人占籍順天之大興祖汝升南京戶部郎中父顯名汀州知府銓有大志少以聖賢自期年十八舉鄉試第一明年崇禎改元成進士不習為吏改揚州府教授日進諸生聞濂洛正學燕居言動俱有規格諸生嚴憚之歷國子博士工部都水主事中官張彞憲奉勅總理戶工二部將別建公署銓耻為屈抗疏言違者非體恐諸曹奔走承順懼交結之條壞廉恥之節忤旨不納署既成彞憲撤諸曹獨見視堂官禮銓憤然曰是欲屬吏哉耶復抗疏曰彞憲監視錢穀未嘗有堂屬相臨之體今乃違陛下勅諭乖祖宗典制抗顏昧心妄自尊大以聖朝建簡之臣子令整折偃倭強抑刑餘下不亦輕朝廷辱一世之士耶况從此奔趨納結彼日驕此亦諂于憲與壞士風弊胡可勝言臣自矢無玷生殺予奪一聽至尊決不敢苟苟垂憲之庭犯交結近侍律疏入蓋忤旨責以沽名銓乃約兩部諸僚有私謁者求咥其面彞憲愠甚銓當權稅杭州辭疾請假彞憲乃撫火器不中程劾銓落職杜門謝客環堵蕭然躬糞以養父母學日益邃有詢以宗旨者正色曰日用躬行未之有得何宗旨為朝士仰其賢薦章屢上十七年春始起



兵部主事巡視皇城京師隨鉉慟哭急趨入朝見宮人狂奔出知帝已崩解牙牌北向四拜投金水河從者力挽之鉉怒奮臂躍入死母章妻王弟綜並全日死福王時贈太僕少卿謚忠節

本朝賜謚忠潔自范景文至鉉二十人皆自引決其他率委蛇見賊賊以大僚多誤國繫囚繫之庶官則或用或否用者下吏政府餘除不用者令諸將拷掠取其貲人率降者十七刑者十三福王時以六等罪治諸從逆者而褒恤忠臣甚至文武臣殉難並予贈廕祭葬且建旌忠祠于都城祀景文以下二十人及大同巡撫衛景瑗宣府巡撫朱之馮布衣湯文瓊諸生許琰四人曰正祀文臣祀新樂侯劉文炳忠安伯張慶臻襄城伯李國楨駙馬都尉鞏永固左都督劉文權山西提兵官周遇吉遼東總兵官吳襄七人曰正祀武臣祀太監王承恩一人曰正祀內臣祀烈婦成德母張氏金鉉母章氏汪偉妻耿氏劉理順妻萬氏妻李氏馬世奇妻朱氏李氏陳良謨妻時氏吳襄妻祖氏九人曰正祀婦人又祀進士孟章明及郎中徐有聲給事中顧鉉彭瑄御史俞志虞徐標朱廷煥七人曰附祀文臣祀成國公朱純臣鎮遠侯顧肇迹

定遠侯鄧文明武定侯郭塔民陽武侯薛濂永康侯徐錫登西寧侯宋裕德懷寧侯孫維藩彰武伯楊崇猷宣城伯衛時春清平伯吳遵周新建伯王先通安鄉伯張先燦右都督方履泰錦衣衛千戶李國祿十五人曰附祀武臣祀太監李鳳翔王之心高時明褚憲章方正化張國元六人曰附祀內臣有司春秋致祭然顧鉉彭瑄俞志虞革特為賊拷死諸侯伯亦大半以兵死而郎中周之茂員外郎齊丞烈中書宋天顯署丞于騰雲兵馬指揮姚成知州馬象乾皆以不屈死顧未邀贈恤也有聲字聞復金壇人登鄉薦崇禎十三年特擢戶部主事歷員外郎郎中督餉大同城陷被執不屈死福王時贈太僕少卿標字非明濟寧人天啓五年進士崇禎時歷官淮徐道泰議十六年二月起權右僉都御史巡撫保定陞見請重邊防擇守令用車戰禦敵招流民懇荒帝深嘉之李自成陷山西警日逼加標兵部侍郎總督畿南山東河北軍務仍兼巡撫移駐真定以遏賊無何賊遣使諭降標致檄戮其使二月賊別將掠畿輔真定知府丘茂華移妻孥出城標執茂華下之獄中軍謝加福伺標登城盡守樂策鼓衆殺之出茂華于獄數日而賊至



以城降福王時贈標兵部尚書廷煥單縣人崇禎七年進士除工部主事歷知廬州大名二府即以兵備副使分巡大名十七年賊逼畿輔廷煥嚴守備賊傳檄入城怒而碎之三月四日賊來攻軍民皆走城遂陷被執不屈死福王時贈右副都御史之茂字松如麻城人崇禎七年進士歷官工部郎中服闋需次都下賊搜得之迫使跪不屈折其臂而死丞烈字養純大興人舉于鄉歷魏縣教諭戶部司務進本部員外郎究太倉銀庫城陷自經于官廨天顯松江華亭人由國子生官內閣中書舍人為賊所獲自經死騰雲順天人為光祿署丞賊至語其妻曰我朝臣汝亦命婦可汗賊耶夫婦並服命服從容投縲死成字孝威餘姚人由禮部儒士為北城兵馬司副指揮城陷自縊死象乾京師人舉于鄉官濮州知州方里居賊入率妻及子女五人並縊死至若御史馮垣登兵部員外郎鄭達蘭行人謝于宣皆拷死郎中李達申拷掠久之逼令縊死乃與鑑瑄志虞皆獲贈太僕少卿而垣登于宣至謚忠節行取知縣鄒達吉拷死贈太僕寺丞時南北阻絕皆未能核實也文瑛瑛自有傳湯文瑗字兆鰲石埭人校徒京師見國事日非數獻

策闕下不報京師陷慨然語其友曰吾雖布衣獨非大明臣于耶安忍見賊弑君篡國乃書其衣衿曰位非文丞相之位心存文丞相之心投環而卒福王時給事中熊汝霖上疏曰北都之變臣博詢南來者確知魏藻德為報名入朝之首梁兆陽楊觀先何瑞徵為從逆獻謀之首其他纍纍若若者莫不稽首賊庭乞憐恐後而文瑛以閭閻匹夫乃能抗志捐生爭先日月賊聞其衣帶中語以責陳演即斬于市文瑛布衣死節賊猶重之倘不亟表章何以慰忠魂勵臣節且以愧奉朝之事二姓者乃贈中書舍人祀旌忠祠時郝城以布衣盡節者又有范箴聽楊鉉李夢禔張世禧輩喪亂益甚且見聞不詳未能盡表章也箴聽端方有義行高舉龍講學都下受業其門魏國公徐允禎延為館賓見允禎驕數規諫允禎或佞見他客箴聽至輒歛容賊入置一棺偃卧其上絕食七日死鉉善寫真京師陷携二子赴井死夢禔負志節疎財尚義與妻杜氏二子二女一婢俱縊死世禧儒士也亦與二子懋賞懋官俱縊死又有周姓者悲憤植胸嘔血數升死而柏鄉人郝奇遇居京師聞變謂其妻曰我欲死難汝能之乎妻曰能遂先死奇遇瘞畢仰



藥死

許琰字玉仲吳縣人幼有至性嘗割臂療父疾為諸生磊落不羈聞京師陷天子殉社稷大慟誓不與賊俱生欲舉義兵討賊走告里薦紳皆不應端午日過友人出酒宴飲琰擲盃大詬曰今何日我輩讀聖賢書尚縱酒如平日耶拂衣徑去大姓懼賊至多携妻子避山谷琰歷走罵之已聚眾明倫堂琰獨哀杖擗踊號泣盡哀御史謁文廟猶吉服琰率諸生責以大義御史惶悚謝罪去及南都頒監國詔而哀詔猶未頒琰益憤痛趨古廟自經為人所解乃步至芥門投于河救玉舟至急令人扶起琰詢其故嗟嘆良久議琰者振之歸家人旦夕守不得死遂絕粒尋聞哀詔至即庭中稽首號慟并不復言以六月三日卒鄉人私諡曰潛忠先生南中贈五經博士祀旌忠祠當是時諸生殉義者京師則曹肅蘭衛卿周謙李汝翼大同則李若葵金壇則王明瀨丹陽則王介休鷄澤則段淵肥鄉則宋湯彝鄒珩王拱宸肅曾祖子登仕為甘肅巡撫賊入肅與祖母姜母張媿李及弟持敏妹持順弟婦鄧並自縊衛卿止一幼女託其友人亦自縊諱被執罵賊不屈死汝翼布政使本諱子亦罵賊

被磔死若葵當城陷與親屬九人皆自縊題曰一門完節明瀨聞變日夕慟哭家人解慰之託他故走二十里外投水死介休不食七日死淵字仲弘父大白官監軍副使為楊嗣昌所殺淵負奇氣從父兵間善技擊嘗欲報父讎及賊破雞澤謀起兵復之俄聞京師陷號慟即約山中壯士誅賊所置官偽令秦植跟踰走乃入城發喪製服行哭臨禮義聲大振為奸人所乘被殺遠近莫不悼之湯彝珩拱宸亦起兵討賊為賊將張汝行所殺

論曰人臣委贄從君明良喜起是其至願若夫捐軀殉國亦事之最不幸者耳而乃預為計憶乎然一旦身丁危難義無所逃則亦惟殉之已耳而顧猶矯語全歸偷生苟活豈可以為訓乎是故準夔龍此易地皆然聖人立教守身投命之說義取相兼而道惟一致也明世自靖難後中外亦甚多故矣三百年中仗義死節無愧古人者實繁有儔其間封疆重寄民社岩司固分誼之所應爾而區區販夫牧豎與婦孺焉備之流日不識丁身全草芥亦或悲號孤憤慷慨赴死而莫回可不謂之正氣與嗚乎忠孝者生人之命脉也彼夫忘其所事而蒙面事仇者非平時被服詩



書高談名節者予往往念慮一差即拘羸不若此輩則下流暴棄之過亦未必非習俗移人而防檢蕩軼之故也表宅里而殊并疆為人上者詎可忽乎哉

明史卷三百八十三

儒林一

儒林傳

儒之爲道也大矣塞上下貫古今無纖悉之遺亦無須臾之間者也然斯道自在宇宙而體而任之措而施之則存乎其人其人爲繼天立極之人而道以行否則亦虛而無所寄矣是故人有聖允即道有升降舉世運之隆替治化之興衰學術事功之是非得失罔弗係之豈曰細故哉明興二祖相繼首崇六經六經者聖人載道之區也既又特取洛閩諸家羽翼之說頒之學宮以式多士二百年間佔俾鑽研確爲遵稟雖承習之餘或稍滯於章句寡所變通而士習民風彬彬秩秩質諸往聖寧有悖謬哉嘉隆而後新說煩興詖滯邪遁之辭日趨波靡是則世道之寢微斯文之胥喪而二三耽竒好異者之狡焉作俑也雖然天地間道自若也豈真有所改易哉人于其中憧憧往來自消自長於於穆流行之際亦猶乾坤六子之迭嬗偵勝而已若太極渾然在中曾何增減絕續之有哉且夫羣焉由之混焉習之而引爲身任者則必有事焉或作或述或附會或救正皆不謂之有關於斯道不可考而論之文行具在亦焉可誣也哉



范祖幹字景先金華人從同邑許謙游得其指要其學以誠意爲主而嚴以慎獨持守之功引誘學者倦倦真切惟恐其不入於善四方士大夫嘗詢其安否爲斯文重輕歲戊戌十二月太祖親下婺州與葉儀並召祖幹持大學以進太祖問治道何先對曰不出是書太祖令剖陳其義祖幹謂帝王之道自脩身齊家以至治國平天下必上下四旁均齊方正使萬物各得其所而後可以言治太祖曰聖人之道所以爲萬世法吾自起兵以來號令賞罰一有不平何以服衆夫武定禍亂文致太平悉是道也深加禮親命二人爲諮議祖幹以親老辭歸李文忠守嚴州特加敬禮恒稱之爲師祖幹事親孝父母後皆八十餘而終家貧不能葬鄉里共爲營辦悲哀三年如一日有司以聞命表其所居曰純孝坊學者稱爲純孝先生所著有羣經指要讀詩記大學中庸發微柏軒集門人同邑汪與立字師道其德行與何壽朋齊名而文學稍優隱居教授以高壽終

者曰聖賢言行盡於六經四書其微詞奧義則近代先儒之說備矣由其言以求其心涵泳從容久自得之不可先立己意而妄有是非也太祖克婺州召見授爲諮議以老病辭已而知府王宗顯聘儀及宋濂爲五經師非久亦辭歸隱居養親所著有南陽雜稿吳沉稱其理明識精一介不苟安貧樂道守死不變門人何壽朋字德齡亦金華人窮經守志不妄干人洪武初舉孝廉以二親俱老辭父歿舍所居宅易地以葬學者因其自號稱曰歸全先生

謝應芳字子蘭武進人也自幼篤志好學潛心性理以道義名節自勵元至正初知時不可爲隱白鶴溪上構小室顏曰龜巢因以爲號授徒講學安貧樂道即辟教鄉校子弟先質後文諸生皆循循雅飭疾異端惑世嘗輯聖賢格言古今明鑒爲辨惑編有舉爲三衢書院山長者不就及天下兵起避地吳中吳人爭延致爲弟子師久之江南底定始來歸年踰七十矣徙居芳茂山一室蕭蕭晏如也有司徵修郡志強起赴之年益高學行益邵達官縉紳過郡者必訪於其廬應芳布衣韋帶與之抗禮議論必關世教切民隱而道善之志不衰由是德望隱然重于東南爲文



典正雅麗詩亦溫柔蘊藉而所自得者理學爲深著有思賢錄懷古錄毘陵續志龜巢稿及辨惑編卒年九十七

梁寅字孟敬新喻人世業農家貧能自力於學淹貫五經百氏累舉於鄉不第遂棄不復念嘗遊金陵錢塘一時名士多願與之交辟爲集慶路儒學訓導居二歲以親老辭歸明年天下兵起遂隱居教授及太祖平定四方徵天下名儒修述禮樂寅就徵已六十餘矣時以禮律制度分爲三局寅在禮局中討論精審諸儒皆推服書成賜金帛將授以官老病辭還結廬石門山四方士多從之學稱爲梁五經有鄰邑士負氣自豪筮仕得岩邑詣寅請教寅曰清慎勤居官三字符也夫何言其人問天德王道之要寅微笑曰言忠信行篤敬天德也不傷財不害民王道也其人退曰梁子所言平平耳後以不檢敗語人曰吾不敢再見石門先生寅卒年八十二所著有周易叅議詩書演義周禮考註春秋考義漢唐以來君臣事畧宋元史節要及石門集行於世

汪克寬字德一祁門人祖華受業雙峯旣魯得勉齋黃氏之傳克寬生而穎異十歲時父授以雙峯問答

之書輒有悟於聖學乃取四書自定句讀晝夜誦習恍然知爲學之要端勤異于凡兒後從父往浮梁問業于吳仲迂益篤志聖賢之學元泰定中有司舉應鄉試遂中其選及會試以答策切直見黜慨然嘆道之不行棄科舉業文盡力于經學春秋則以胡安國爲主而博考衆說會萃成書名之曰春秋經傳附錄纂疏易則有程朱傳義音考詩有集傳音義會通禮有禮經補逸綱目有凡例考異四方學士聞聲嚮慕執經門下者甚衆至正間靳黃兵至挈家避之深山室廬資財盡遺焚掠自是簞瓢屢空晏如也太祖戡定徽婺克寬始返故鄉洪武初遣使以禮幣徵至京師同修元史書成將授官固辭老疾乃賜銀幣給驛還五年冬卒年六十有九

趙汭字子常休寧人生而姿稟卓絕初就外傳讀朱子四書多所疑難師告以初學毋過苦意輒不憚夜盡取朱子書讀之遂有志聖賢之學不屑事舉子業聞九江黃澤有學行往從之游澤之學以精思自悟爲主故其教人引而不發汭一再登門乃得六經疑義千餘條以歸已復往留二歲得口授六十四卦大義與學春秋之要後復從臨川虞集游獲聞吳澄之



學乃築東山精舍讀書著述其中難初鳴輒起而澄心默坐涵養本源以爲致思之地由是造詣精深于諸經無不通貫而尤邃于春秋初以聞于黃澤者爲春秋師說三卷復廣之爲春秋集傳十五卷猶以爲未盡因禮記經解有屬辭比事春秋教之語乃復著春秋屬辭八篇又以爲學春秋者必考左傳事實爲先杜預陳傳良有得于此而各有所蔽乃復著左氏補註十卷當是時天下兵起沔轉側干戈間顛沛流離而進修之功不懈益虔明太祖既定天下詔修元史徵沔預其事書成辭歸未幾卒年五十有一學者稱東山先生

陳謨字一德泰和人幼能詩文邃于經學旁及于史百家涉流探源辨析純駁犁然歸于至當隱居不求仕而究心經世之務嘗謂學必敦本莫加于性莫重于倫莫先于變化氣質若禮樂刑政錢穀甲兵度數之詳亦不可不講習一時經生學子多從之游事親孝友于其弟鄉人有爲不善者不敢使聞洪武初徵詣京師賜坐議禮學士宋濂待制王禕請留爲國學師謨引疾辭歸家居教授屢應聘爲江浙考試官所著有書經會通詩經演疏及海桑集

趙謙字搗謙餘姚人蚤歲孤貧寄食山寺即勵志聖學聞金華鄭四表學有根源往師之尋考亭陸緒歸而兀坐塢山萬書閣博覽經史尤精六書之學洪武十二年詔儒臣修正韻謙應聘入都年甫二十八諸儒嫉其立異以年少毀之乃授中都國子典簿學士宋濂深惜之遣二子與游然亦莫能留也明年又與僚友論事不合罷歸家居十年侍郎侯庸奏薦之太祖曰朕知之久矣將老其才而大用之庸又言于皇太子太子曰吾識其人宋先生常稱之然其所著書非靜處不能就可令爲教官會有忌謙者乃以爲瓊山教諭瓊山在南海外聲教所不及謙至作瓊臺布所著學範慨然以興起斯文爲己任雖將門子弟及蠻中荷戈之徒皆知嚮學由是文教大興居二年因進香入覲上其所著書詔下翰林看詳竟爲寢閣尋卒于官年四十五謙之立說謂爲學必先窮理窮理必本讀書讀書必貴識字義故曰六書明則六經如指諸掌遂築考古臺肇述六書本義以提其綱繼著聲音文字通以極其博及其終也會六經百代于一心而約之以造化經綸圖書成四方學者莫不宗之稱之爲考古先生永樂初其門人柴廣敬以聲音文



字通百卷進呈詔藏秘府

張洪字宗海常熟人不知其姓生五日而母亡父又遠客鄰家張翁伴媪乳之遂從其姓幼穎異好讀書稍長逐什一貨大起洪武間坐鄰人累謫戍雲南西平侯沐英深器之都督瞿能延置幕中與籌軍事建文時被薦授靖江王府教授永樂元年擢行人使日本却其餽還使洮岷修茶馬舊政四年緬甸宣慰使那羅塔發兵侵孟養殺其宣慰使刀木旦而據其地事聞詔洪賫勅責還侵地立孟養後那羅塔遂受命後又數奉使蠻邦服其威信預修永樂大典進行人司副洪熙元年擢翰林修撰尋同修仁宗實錄宣德五年謝事歸卒年八十四所著有四書解義周易會通尚書補傳詩經正義春秋說約禮記總類歷代詩選琴川新志日本補遺諸書多散失不傳常熟自元以前無以儒學名者有之自洪始始洪與侍講王洪論詩王自誦所作竊比漢魏洪笑而未答復自矜曰終不作六朝語洪曰六朝人豈易及無論陸謝且自視比江沈何如子詩旁大李門牆猶未窺其奧也王始屈服曰平生喜讀大李詩君評我甚當洪作學古詩叙備載其語爲學詩者夸誕之戒

曹端字正夫浥池人自幼不妄言動師事宜陽馬子才太原彭宗古遠有端緒舉永樂六年鄉試明年以會試副榜授山西霍州學正善訓誘諸生翕然從化上官不敢以屬吏臨之居九年喪父五味不入口寢苦枕塊廬墓六年服闋調蒲州學正考績至京蒲人霍人交章請復任以霍人奏先至得允宣德九年正月卒于官年五十九州人爲罷市巷哭端造詣篤實教人務躬行日事著述坐下著足履兩靽皆穿事父母愉色養志父雅好佛端爲陳說聖賢之道作夜行燭一編其言曰佛氏以空爲性非天命之性人受之中老氏以虛爲道非率性之道共由之路父父之亦信從其言初得江左謝應芳辨惑編篤好之故於輪迴禍福巫覡風水時日之說確然不爲所惑嘗上書縣令請毀淫祠令即以屬端端爲毀百餘惟存夏禹雷公兩廟歲時祈報則設社穀壇行之爲學官時同僚肅拜梓潼神端以爲誦其人曰斯文宗主也端曰梓潼主斯文孔子更主何事門人有赴闕壯繆社會者端正色折其非諸生有喪則命知禮者相之有欲用浮屠者語之曰浮屠之教極其父母出地獄是不以親爲君子而爲積惡有罪之小人也其待親不亦



薄乎霍州。樵者拾金，致還之。主者衆，以爲異。樵曰：「第不欲愧曹博士耳。」州人高文質往觀劇中道而返曰：「此行豈可使曹先生知之？其教化入人如此，端之歿也，貧不能歸柩，遂葬於霍。二子瑜、琛亦廬父墓，尋相繼卒。英端墓旁，正統中僉事張敬建祠，浣池其後。有黃編修者，謁祠詢端墓，嘆曰：「曹先生一代醇儒，豈可令魂魄客異鄉哉？」爲捐貲返葬。故里端所著有四書詳說、太極圖通書、西銘釋文、孝經述解、儒家宗統家譜、規輯存疑、錄諸書學者稱。月川先生後，廷臣屢請從祀文廟，不果。

黃潤，字孟清，鄞人。五歲侍母疾，夜不就寢，讀書寓目成誦。十歲，道見遺金，不拾，永樂初，徙南方。富民實北京，潤玉父當行，請代官，少之，對曰：「父去日，益老兒去日，益長官，異其言，許之。既至，受地北城外十里，所沙漠寒，沍茫無人，烟與同役者築室，治圃，粥蔬自給，稍閒，輒肆力于學，以己心爲嚴師，而新造于聖賢，不妄言動，京有富翁，僅一女，招寓其家，固辭，或問之曰：「瓜田不納履也。」十八年，舉順天鄉試，授建昌府學訓導，父喪，除改官南昌。宣德中，用薦擢交趾道御史，出按湖廣，斥兩司以下不職者至百有二十人，咸

望赫然。正統初，詔推舉提學官，楊士奇以潤玉應，乃擢廣西按察僉事，提督學政，抑浮靡，獎實行，士風爲變。時寇起，軍興，有都指揮妄掠子女萬餘，口潤玉劾而歸之。副使李立入民死罪至數百人，亦爲辨釋。南丹衛處萬山中，瘴甚，戍卒多死，爲奏徙夷曠之地，軍民咸悅。母憂歸，起官湖廣，巡撫李實驕甚，兩司折節下之，潤玉獨無加禮，且論罷其親故二人，實憤誣奏。潤玉不諱刑律，坐論舍山知縣濟麻湖革蘆場，與徭均訟平政，聲方著，潤玉乃以年老歸。歸二十年，年八十有九。以成化十二年五月卒。學者稱南山先生。潤玉佈貌豐髯，莊重嚴毅，見者畏之。若神，其爲學知行並進，以程朱爲宗，嘗曰：「明理務在讀書，制行要當謹，獨自少迄老，好學不怠，以朱子嘗欲編禮記附儀禮，乃分儀禮爲四卷，而以禮記比類附之，不類者附諸卷末，以五禮獨缺軍禮，乃取周官大田禮補之，而以禮記載田事者附焉，皆爲之註釋，總曰儀禮戴記附註，以小學四書諸經註家或遺或誤，乃撰經書補註，以大學中庸詞旨淵奧，乃撰學庸通旨，以鄭氏註深本不合，乃撰考定深衣古制，又註道德陰符二經及孫子兵書，其所自撰，則曰南山稿，並行于世。子隆進



士四川副使陸子溥貢生著聞中今古錄以學行世其家

劉觀字崇觀吉水人幼有巨人志長好學經傳子史無不淹通下筆常屈其侪偶正統二年舉鄉試第一明年第進士以疾告歸尋丁內艱服除遂不仕杜門息交每旦祇謁先聖畢即凝坐一室養性讀書四方來學者衆知縣劉成爲築養中書院居之因材施教多所成就四壁書先儒入德造道之方爲誠明敬義四箴以自儆嘗言小學一書雖老不可離或請著述曰朱子及吳文正之言尊信之足矣復何言布衣脫粟怡然終身鄰郡吳與弼極推重之其退居之所曰卧廬學者稱卧廬先生

吳與弼字子傳崇仁人司業溥之子也姿稟英異幼讀書鄉校即嶷然有立侍父京師年十九好伊洛淵源錄讀至程子嘗有獵心喜曰吾乃今知聖賢必可學也遂棄舉業謝人事獨處小樓日玩四書諸經先儒語錄一意收斂身心不下樓者二年以用功過苦致疾父遣之歸娶江行遇大風舟幾覆獨正襟危坐或問之曰守正以俟耳既婚不入室走南京復命乃復歸其往來國學緼袍敝履人不知爲司業子也好

讀書不知晝夜或途次或枕上或田間默誦精思不雜他念即天文地志曆律醫卜亦皆究其說其要歸於居敬窮理志古聖賢嘗形諸夢寐性剛疾惡法明道和易以自克每遘逆境力加含忍久乃渾然居恒動必以禮雖嗤誚四至屹然不移其人多自化中歲家益貧躬親耕稼手足胼胝非其義一介不取慨師道不立四方來學者不納其費嘗被箠笠荷耒耜率之並耕因與談易歸則解犂共茹糲飯一日刈禾傷指血流不已曰何可爲物所勝竟刈如初晚而道益高名益著長吏咸爲加禮正統十一年山西僉事何自學上言自古有國家者必獎懷才抱德之儒勸勵風俗竊見崇仁儒士吳與弼守素尚義好古通經上無所傳聞道甚早待妻子如賓客視財利如鴻毛年逾五旬不求聞達弟子樂從鄉人敬式真儒林之清節聖世之逸民乞勅取赴京授以文學高職其後御史徐謙撫州知府王宇復薦之俱不出嘗歎曰宦官釋氏不除而欲天下治平難矣景泰七年十一月御史陳述又上言江西儒士吳與弼居家孝友理學深醇守道安貧動遵矩矱年踰六十躬耕壟畝教育鄉人其施教之方本之以小學四書持之以躬行實踐



久而益勤人多頌化有司屢徵俱不屑就乞優加禮聘俾侍經筵或用之成均教育胄子必有益于聖朝詔吏部檄江西巡撫韓雍備禮敦遣竟不至天順元年十月石亨用事崑恣知物論不予其門客謝昭勳以蔡京薦楊時故事請徵與弼收人望亨謀之李賢賢力贊之即令賢草奏以上左右尼之數日不報一日帝以咨賢賢又力勸乃命行人曹隆賫勅書禮幣以往與弼見使者即言聖眷如此當赴闕謝恩意本不受官就辭幣帛數月未至帝數以爲問明年五月抵通州隆先入報帝喜問宜何官賢曰今東宮講學正需老成宜授宮官帝問何職賢曰庶子諭德皆可帝曰諭德善賢曰既廷見請召至文華顧問以重之帝曰然仍以文幣賜之賢曰再與館次供張尤善帝可之明日進見帝召吏部命爲左諭德朝士爲動色相驚與弼退具疏懇辭且繳還前幣優詔不允又明日賢引見文華殿帝曰久聞高義特聘爾來何不受職與弼初不對賢趣之良久乃稱年已六十八疾不任職帝曰宮僚優閒不必辭對曰朝廷之職臺諫之次宮僚爲重帝曰宮僚亦衆不尚煩先生與弼終不拜命乃賜宴文華命賢侍復賜文幣四表裡及羊酒

薪米令中官牛玉送至館帝顧賢曰此老非迂濶者務令就職與弼再疏辭請以儒衣冠入侍次日又疏辭願聽辭職令入秘閣觀書帝不允辭但允其觀書之請與弼終不受稱病益堅帝謂賢曰與弼既來如何不受受之亦不相拘俟秋涼欲歸朕當聽之以祿終其身不亦可乎命賢諭意復不可既留京兩月不敢再具疏諸賢第乞還賢固勸之終不可明日賢見帝具言與弼之意帝曰果爾亦難留賢乞始終加禮帝曰既以行人聘來仍以行人送去乃賜勅書銀幣令有司月給米二石終其身與弼疏謝且陳十事曰崇聖志廣聖學聖德子庶民謹命令敦教化清百僚齊庶政廣言路聯秦交帝復優詔褒答延入便殿眷注有加且命行人王惟善長途謹護朝野聞之莫不歎聖天子崇儒重道而宰相能曲成善類也自仁宣後徵辟久不行及是以布衣拜宮僚人方矜爲希濶之遇與弼願堅辭不就士論莫不頌其高而小人之忌嫉者乃益甚當與弼之始至也賢首以賓師禮事之推之上座而已與相對適編修尹直至坐于其側乃大愠出門即肆爲謗言而朝士承其聲名坐門求見與弼又不能盡接謗議益起既還鄉知府張璜



謁見不得志甚聞朝貴有惡之者令人訟之久無應者乃嚴法令他人代弟往訟牒入即遣使攝之門人勸用官服往與弼不可竟以民服入璜大加侮慢始禮遣之與弼無愠色亦心諒非弟意友愛如初編修張元禎不知遺書誚諫有上告素王正名討罪豈容先生久竊虛名語遠近從而和之與弼聞亦不辨也以成化五年十月卒年七十有九稱康齋先生所著日錄悉自言生平所得學者稱之其初應聘以出自石亨為恥及見亨權勢薰灼知其必敗遂潔身遠引故門生有問者告之曰吾欲保性命耳其後亨果敗論者益歎其知幾獨其跋亨族譜自稱門下士為士論所譏後之議從祀者率以此為累云

陳獻章字公甫新會人以遺腹生家貧母林氏厲志鞠之性至孝朝夕不離側偶出外母有念輒心動馳歸身修八尺目光如星右頰有七黑子若北斗狀穎悟絕人書寓目輒記嘗讀孟子天民句慨然曰士君子行已當如是矣年二十一舉正統十二年鄉試明年會試中乙榜卒業國學後聞吳與弼倡道臨川從之受業一日天初明與弼自起籬穀見獻章猶未起大聲曰秀才若爾懶惰異日何由到伊川門下又何由

到孟子門下獻章瞿然與弼師道尊嚴獻章為劇地編籬捧茶研墨數月辭歸即絕意科舉尚求聖學足跡不至公府閉戶讀書徹夜不寢少困則以水沃足久之歎曰學貴自得自得之而後博之以典籍則典籍之言皆吾言否則典籍與吾猶為二矣乃築陽春臺靜坐其中不越閩外者數年充然有得成化初學士錢溥以遷謫至一見歎為聖儒勸再游國學祭酒邢讓令和楊時此日不再得詩大嗟賞揚言于朝謂真儒復出由是翰林羅倫莊昶章懋咸與定交而給事中賀欽受業為弟子遂名動京師既南旋益潛心大業四方從游者日衆廣東西督撫以下至蠻長土酋無不致禮于其廬江西布政使陳煒修白鹿書院聘為十三郡弟子師辭不往廣東布政使彭韶總督都御史朱英先後論薦請備禮徵聘吏部以獻章選人非隱士不當特聘乃移牒取之以十九年八月抵京時宰萬安革素不悅學令就部試以疾辭越數日赴試至部門復以疾驟發辭卒不就試踰月拜疏言臣自幼讀書君臣之義知之久矣所以一領鄉書三試禮部承檄就道聞命驚心伏惟國家教育生成之恩陛下甄錄收采之德至厚至深孰敢驚空名飾虛



讓起退却于日月之下臣遺腹子也臣父二十七而棄養臣母二十四而寡居方臣之幼無歲不病用乳代哺至于九齡臣非臣母久填溝壑臣生五十六年臣母七十有九臣母見臣衰病愛如孩提天下母子之愛雖一宜未有如臣母憂臣之至念臣之深臣於臣母無以爲報而臣母以守節合例有司奏題已蒙聖恩旌表是臣又用臣母荷陛下高厚獨深願臣母以貧賤早寡俯仰無聊殷憂成疾老而彌劇使臣遠羈閣下臣母憂臣日甚愈憂愈病愈憂憂病相仍理難長久臣以病軀憂臣老母年未暮而氣先衰心有爲而力不逮夫內無攻心之疾則外不見從事之難上有至仁之君則下必多曲成之士惟陛下以大孝化天下至誠體萬物豈臣之微終有所避不能自盡伏望察臣初年願仕之心憫臣久病思親不能自己之念故臣暫歸田里奉侍老母以窮餘年倘母養獲終臣病全愈臣仍前赴部以聽試用則臣母子未死之年皆陛下之賜疏聞特授翰林院檢討且令親終疾愈仍來供職還至南安知府張弼問出處曰先師以布衣爲石亨所薦故不受職而求觀秘書莫得間悟主也時宰不悟以爲實然言之上令受職而

後觀書戾其本意遂決去僕乃聽選監生又疏陳始終願仕故不敢僞辭或受或不受義各有當耳弼唯唯自後數有推薦悉辭不行生平好爲詩兼工書法人爭寶之初自號白沙繼號石齋學者稱白沙先生以弘治十三年二月卒年七十有三萬曆中從祀文廟追諡文恭其自序爲學云僕年二十七始發憤從吳聘君游於古聖賢垂訓之書無所不講然未知入處比歸白沙杜門不出希求所以用力之方既無師友指引惟日恃書冊尋求忘寐忘食如是者亦累年而卒未得焉於是舍彼之繁求吾之約惟在靜坐然後見吾此心之體隱然呈露常若有物日用間種種應酬隨吾所欲如馬之御銜勒也體認物理稽諸聖訓各有頭緒來歷如水之有源委也于是渙然自信曰作聖之功其在茲乎蓋獻章之學以靜而入去耳目支離之用全虛圓不測之神其教學者但令端坐澄心于靜中養出端倪或勸以著書不答嘗有詩曰莫怪老慵無著述真儒不是鄭康成進士蘭谿姜麟奉使道其地以師禮見出語人曰吾聞人多矣如先生者耳目口鼻人也所以視聽言動非人也至京師有問者輒曰活孟子活孟子而其高弟若張翥李承



莫賀欽湛若水陳茂烈林光陳庸李孔修伍雲謝祐何廷矩輩皆卓然有立云

胡居仁字叔心餘干人七歲就外傳言動類成人長聞吳與弼講道崇仁往師之遂絕意仕進慨然以斯道自任築室梅溪山中事親講學之外不涉人事久之欲廣見聞乃入福建歷浙江上南都泛鄱陽所至訪求賢詰歸而與鄉人姜諒羅倫張元禎輩爲會于弋陽之龜峰餘干之應天寺證明斯學督學憲司李齡鍾域相繼請主白鹿書院諸生又請講學資溪桐源書院士多嚮風淮王聘入講易以賓禮禮之家世爲農至居仁寔甚鷄黍脫粟蕭然自得事親孝父病嘗糞執喪柴毀骨立三年不入內寢動依古禮不從流俗卜兆爲里人所扼不得已訟之官墨哀以入其學以主忠信爲主求放心爲要謂聖學成始成終在于敬因以敬名齋處家庭若朝廟對妻子若嚴賓履絕循矩雖造次顛沛弗違也暮則書旦晝所爲以自考其論治深識大體可見之施行所著居業錄精深純粹學者稱之同時陳獻章莊景旼名居仁皆有貶詞深病學者撰述繁蕪謂朱子參同契陰符經註雖不作可也卒于成化二十年三月年五十一萬曆

十三年與陳獻章王守仁並從祀孔子廟庭後進諡文敬其弟子余祐最著自有傳

姜諒字克貞上饒人少有志於聖學求師四方率皆場屋之業嘆曰此非身心性命學也聞吳與弼在臨川往從之游與弼一見喜之一日躬治地召諒往觀諒之曰學者須親細務諒素豪邁自是折節雖掃除之事必躬任之益爲與弼所喜九學問不以語他人者于諒無所不盡與弼學規四方士就學來者始與之接否則拒之羅倫未第時求見與弼不許諒曰此有志知名士也何故不納與弼曰我安得餘閒接此後生輩耶倫不悅既入仕頗肆詆毀張元禎從而和之與弼若弗聞也諒語二人曰君子小人不並立使後世以康齋爲小人則君輩誠爲君子倘後世以君子目康齋不審君輩自居何等二人謗議乃息景泰中舉于鄉讀書十餘載始赴會試至杭州復返尋以乙榜除成都訓導告歸務以著書設教爲事纂日錄四十卷三禮訂訛四十卷謂周禮皆天子之事爲國禮儀禮皆卿大夫士之事爲家禮戴記乃二經之傳分附各篇不可附各篇者總附一經之後不可附一經者總附二經之後其諸儒辨會十三篇以程朱論



點之又纂春秋本意十二篇然用經文訓釋而意自見不採三傳事實謂是非必待三傳而後明是春秋爲素書矣其學以收放心爲居敬之門以何思何慮勿忘勿助爲居敬要旨與弼門人最著者諒及陳獻章胡居仁三人而已弘治四年五月靈山崩諒曰應在我矣急召子弟未訣未幾果卒年七十門人私謚文肅先生弟諫四川布政使子性兵部郎中忱字誠善克傳父學不下樓者十年從游甚衆女爲寧王宸濠妃有賢聲宸濠敗姜氏亦覆遺文遂散失王守仁年少時亦嘗受業于諫云其同門生有聞者又有胡九韶謝復鄭伉九韶字鳳儀少從與弼學即棄舉子業以道自期與弼器之諸生來學者恒令先見九韶及與弼沒門人多轉師之家貧課子力耕僅給衣食晏如也成化中卒復字一陽祁門人少時授春秋即了大義已歎曰學以謀道滯心文義以干祿吾弗爲也自是潛心經史以古人自期聞吳與弼倡道小陂素科舉業往從之游諸所講授必身體力行務求自得三閱寒暑乃還居家孝友喪祭冠婚悉遵古禮爲鄉人倡或問學曰知行並進否則落記誦詁訓矣晚卜築西山之麓學者稱西山苑生以弘治末年卒年

六十五有西山類稿伉字孔常山人早有高志爲諸生試有司不偶即棄去曰顯親揚名恐不在是乃往師吳與弼與弼曰此間工夫非旦夕可竟慮誤子生平伉曰此心放逸已久求先生復之敢欲速乎乃授小學日體驗于身心然後得聞四子六籍之要久之有所得乃辭歸日取諸儒論議一切折衷于朱子謂釋氏毀支體滅人倫罪即不容誅何待讀其書而後辨其謬哉事親盡孝設義學立社倉以惠族黨所著易義發明讀史管見觀物餘論蛙鳴集多熅于火陳真晟字利夫漳州鎮海衛人少時入長泰山從進士唐泰治舉子業業成赴鄉試聞有司防察過嚴無待士禮太息辭歸遂絕意進取務爲聖賢踐履之學讀朱子大學或問得主敬之說見程子以主一釋敬以無適釋一乃泮然自信推尋此心之動靜而務主于一嘗語人曰大學誠意乃鐵門關主一二字則其玉鑰匙也天順三年用伊川故事走京師上程朱正學纂要其書首採程氏學制次採朱氏論說補正學工夫作二圖一著聖人心與天同運一著學者心法天之運後乃言立明師補正學輔皇儲隆教本教事疏未奏先請召見面陳不報以疏上下禮部看議侍



即鄒幹素不知學事竟寢後見提學官勅諭教條有主敬窮理修己治人語喜曰此學校正教也因採勅諭中語參以程氏學制呂氏鄉約朱氏貢舉私議作正教正考會通欲定考德爲六等考文爲三等其說甚具獻之當事當事亦漫不省真晟學無師承率皆自得聞崇仁吳與弼賢將往質之貨家具僅得五金携兄子隨行曰死使埋我于道題曰閩布衣陳某墓足矣至南昌遇張元禎叩所學大驚曰斯道自程朱以來竊謂惟先生得其真如聘君者不可見亦不必見也遂歸自以布衣上書闕下因號布衣卒于成化十年年六十有四知府彭桓立石表其墓曰大明闕下兩上書請補正學漳南布衣陳先生之墓

消置田二十餘畝贖之並受不辭及母沒卹送田還官廬墓三年弟婦求分產閩闔戶自搥婦感悟復合如初弘治中僉都御史林俊上言伏見皇太子年踰幼學多處宮中少接外傳古人之教恐未宜然今講讀侍從諸臣固已簡用然百司衆職山林隱逸不謂無人以臣所知則禮部侍郎謝鐸太僕少卿儲璫光祿少卿楊廉行已殆庶可備講員其資序未合德行可取者二人則致仕副使曹時中布衣劉閔是也閔臣縣人恭慎醇粹孝行高古日無二粥身無完衣處之晏如監司劉大夏徐貫知府王弼等恒禮敬之臣謂可禮致時中爲宮僚閔仍布衣入侍必能涵育薰陶裨益容質時不能用其後巡按御史宗彞饒瑭欲援詔例舉閔經明行修閔力辭知府陳效請遂其志榮之以學職正德元年乃選授儒學訓導所著有家禮考註昭穆圖宗子說五倫啓蒙孝經刊誤諸書

劉閔字子賢莆田人而純慈早孤絕意科舉求古聖賢提躬訓家法率而行之念祖母及父二喪未舉遂斷酒肉遠室家訓徒鄰邑朔望歸則號哭于殯所如是三年鄰族憐之爲助其葬婦失愛于母出之獨居奉養疾不解衣母或意怒則整衣竟夕跪榻下茶享奠獻一循古禮一鄉莫不欽重副使羅璟立社學構養親堂延閔爲師提學僉事周孟中捐俸助養知府王弼每祭廟社必延致齋居曰此人在座私意自

吾呼字景端浙江開化人也天順三年舉于鄉入國學與同舍生蘭谿章懋安福劉戡鄧揚守陞交驩相規以道義久之諸人並通仕籍呼獨不第嘆曰親老矣尚擇祿耶謁選爲江浦教諭迎父就養其教人以教本力踐爲先與邑人莊景情好相得上官以賓禮



待之尋乞終養歸朝夕養志可以娛親心者靡所  
不致及居喪年老矣猶致毀頓與弟陳友愛無間  
鄉里服其德咸來質平訟爲柔息學爲己不滿  
詞章記誦之習里居二十餘年鄉邦子弟及四方來  
學者先後千餘人率授以太極西銘諸書且舉管子  
思之思之又重思之之語爲訓嘗曰學求有用須先  
養氣氣充則天下事無不可辦者門人即所居稱爲  
文山先生御史余濂主事林沂滿府皆薦其才行可  
大用格不報楊廉居吏部欲用爲提學亦不果年七  
十終章懋表其墓擬爲茂叔伯淳云同時鄭滿字守  
謙慈谿人舉弘治五年鄉試授臨清學正亦以正道  
迪人歷知道州濮州有惠政士民畏愛所著有詩經  
講義三禮合參及詩文稿若干卷

也召役則可若以爲師師豈召哉瑾躬送二子於  
其家蕙始納費焉肅王府樂人鄭安鄭寧聞蕙風並  
請除樂籍從之受業其行義感人如此後還居秦州  
之小泉幅巾深衣動必由禮州人多化之稱爲小泉  
先生後以父久游江南不返往尋焉渡揚子江溺死  
天下莫不悲之景泰六年鄉試官清水教諭學  
行純粹遠近師之學使者行部景講中庸首章自朝  
至日晏始竟使者數爲不及上章薦景代已命未下  
而卒蕙門人著者薛敬之李錦王爵  
薛敬之字顯思渭南人五歲好讀書不逐羣兒嬉戲  
長從秦州周蕙遊雞鳴而起候門開輒洒掃設座聽  
而請教以爲常常語人曰周先生躬行孝弟其學近  
伊洛吾以爲師陝州陳雲遠忠信狷介事必持敬吾  
以爲友吾所以有今日二人力也憲宗初以歲貢生  
入國學與同舍陳獻章並有盛名會父母相繼歿號  
哭徒行大雪中遂成足疾母嗜韭終身不食韭成化  
末謁選得應州知州首課民耕織時行田疇貧者資  
以牛種負租及不能婚葬者出資助之州近邊少蓋  
藏積粟至四萬餘石後歲饑民免于流殍復業者三  
百餘家州有虎患爲文祭之曰日間虎死于空蕭家



秦洪水湧出一境盡驚亦爲之秦告水即下洩州人  
士不知學故之親爲訓誘人多興起課績爲天下第一  
弘治九年稍遷金華府同知居二年致仕卒年七  
十四故之嗜道若渴老而彌篤所著有道學基統洙  
泗言學錄爾雅便音思庵錄諸書思庵者敬之自  
號也其門人呂柟最著自有傳

李鄒字在中陝西咸寧人自幼端慈異凡兒長受業  
于周蕙獲聞洛閩之學遂棄記誦詞章夙習專以主  
敬窮理爲務又與同門薛敬之輩相切磋磨知行並進  
久之踐履益純閩中學者咸推服舉天順六年鄉試  
入國學爲祭酒邢讓所知令諸子受業及讓坐事下  
吏率衆抗章白其非辜幼喪父事母色養執喪盡禮  
不作浮屠法士大夫多遵守之巡撫余子俊欲延爲  
子師鄒以禮無往教且齊衰不入公門固辭子俊愈  
重之所居僅蔽風雨布衣糲食義不妄取善誘後學  
出其門者多佳士成化二十年謁選得松江府同知  
職高清軍奸無所售居二年卒官年五十一貧不能  
歸喪僚友贖之乃得歸同門王爵字錫之秦州人自  
少潛心力學後受業周蕙之門知操存法其教人務  
以誠敬爲本弘治初由國學生授保安州判官有平

允聲總督秦紘鎮固原聘居幕中三歲贈遺不妄受  
惡衣惡食怡怡如也



明史卷三百八十四

儒林傳

儒林二

蔡清字介夫晉江人警悟絕倫總角就家塾屢屈其師乃累擢數百里就侯官林圪學易盡得其肯綮舉成化十三年鄉試第一二十年成進士即乞假歸講學于僧寺一日為母寫真母恹然曰吾聞母以子貴汝舉進士有年矣吾猶敎服耶清聞言泣下即赴選得禮部祠祭主事是時王恕為吏部重清調為稽勳主事恒訪以時事清乃上二札一請振綱紀一薦名士劉大夏等三十餘人恕皆納用尋以母憂歸服闋吏部有不悅清者復除祠祭員外即乞假養政南京文選郎中一日心動急乞假養父歸甫兩月而父卒自是家居授徒不出正德改元即家起江西提學副使鑒別精明士類競勸時寧王宸濠驕恣九朔望諸司先朝王次日謁文廟清不可約行禮同日先廟而後王王生辰令諸司以朝服賀清曰非禮也去蔽膝而入王積不悅一日設宴請清不能詩清佯為不聞也荅曰清生平與人無私會王求復護衛已得請清有後言王益怒欲誣以詆毀詔旨清遂乞休王佯為聽留且許以女妻其子清竟力辭去時劉瑾亂政知

天下非議已乃用蔡京召揚時故事起清南京國子祭酒命甫下而清已卒時正德三年十二月也年五十六清之學初主于靜後主于虛故以虛名齋平生錫躬砥行不愧余影貧而樂施為族黨依賴既以善易名天下天下士執業者靡不應之不倦所著易經四書蒙引遂盛行于世場屋士守之不敢變曰此蔡虛齋先生說也初友孫交林俊寧永貞師何喬新既友楊康丁璣江朝東而極推陳憲章擬之北斗爛然可望而不可近其取友樂善如此嘉靖八年其子推官存遠以易經蒙引進于朝詔為刊布萬曆中賜諡文莊進贈禮部右侍郎其門生王宣易時中越逢陳琛蔡烈並有名而琛烈最著宣晉江人既受業于清學有心得嘗謂學者泥朱陸為一便非真知弘治中舉于鄉一起會試不第以親老須養不復再赴為人廓落豪邁俯視一世論者謂其高明之資不淪於卑污自得之學不滯于章句絕俗之行不混于塵俗亦師門之矯矯出羣者時中字嘉會亦晉江人舉於鄉授東流教諭遷夏津知縣有惠政時州縣吏謁上官卑屈如與隸時中獨雍容拜起御史怒語人曰易某侮我或以謂時中時中曰吾聞以禮事上為恭非



禮乃悔也吾何敢吏部召試臺諫以年自實不赴稍遷順天府推官以治胡守中獄失要人意將中以他事時中方念母遂以終養歸道出夏津老稚歡迎教舍爭獻果脯將別有哭失聲者其得人心如此母年九十一而終時中年七十矣毀不勝喪宗黨稱孝焉時中師事清而其徒王慎中自有傳遠字子重東平人弘治中舉鄉試受易於清先是蔡氏易止行於閩南及是清大喜盡以語之由是北行齊魯矣居母喪毀瘠州長吏每過之輒太息而去後會試不利遂抗志不出遠博覽多通尤好濂洛諸子之學在先朝獨好薛氏讀書錄嘗曰三日不讀心過滋矣長吏聘修州志黜仙釋崇義烈他無微實者不錄有懷金以請者遠悚然曰吾豈有邪德耶此物奚宜至哉少議論踴厲好面折人過晚更和粹不以己長格人群目為厚德君子琛烈自有傳

編修尹襄得琛卷嗟異以呈主考新貴貴曰是必出陳白沙門否則蔡虛齋之徒也榜發果然一日名動京師初授刑部主事乞使養改南京戶部權稅淮安課既登即弛禁任商舟往來部尚書責其怠事不顧也尋調南京考功主事以薇蕪思獲封贈其親琛喜曰此足以慰父母矣遂乞終養歸嘉靖七年廷臣有薦其恬退者有詔徵之琛辭居一年即家起貴州按察僉事旋改江西督學校並辭不赴家居却掃一室偃卧其中靜觀天地萬物消長之變古今治亂興衰之迹及世俗得喪炎涼之態或道然孤笑或喟然長嘆時放于山祖水涯與漁樵問答或縱步阡陌與田夫野老語桑麻道故事為樂絕跡公府長吏莫得見其面論者謂道德行詎無愧師門云始清督學江西與琛偕行較士得進賢舒芬卷琛已置之清履視拔為第一榜發諸生譁然不服清大書芬卷曰即日大魁天下異日必為忠孝名臣已而果然琛每道此事稱清神鑒不可及也琛所著易經通典四書淺說舉業家並宗之同郡林希元字懋貞與琛同舉進士歷官雲南按察僉事坐考察不謹冠帶閑住所著易經四書存疑與蒙引通典淺說並盛行於世嘉靖二



十九年上所改大學經傳定本及存疑於朝世宗大怒詔焚其書下巡按御史逮問褫其冠帶然其書猶行于時以居鄉不檢故不為士論所稱

蔡烈字文繼龍溪人父昊瓊州知府烈弱冠為諸生受學晉江蔡清莆田陳茂烈有所悟入遂隱居鷓鳴山之白雲洞時方壯歲知府潘且勤之仕對曰昔濂雖未信若烈則未見也嘉靖十二年詔舉遺佚知府陸金以烈應監司勸駕力以母老辭巡按御史李元陽檄郡邑建書院亦固辭忽山鳴如雷三日烈遂卒烈性剛方晚年充養和粹終日危坐非劇病無惰容雖大橫逆不見怒色提學副使邵銳聞而訪之談論終日蔬食相對副使柯喬嘗劇談道體潛天潛地烈徐應曰道固察天地端則始夫婦但屋漏無愧天地自位主簿塔道請論心烈則論事曰孔門求仁未嘗出事外也堯舜之道孝弟而已夫子之道忠恕而已學士豐熙成鎮海見烈嘆曰先生不言躬行熙已心醉矣提學副使朱衡稱曰力行好學老而不倦漳南又一布衣也所著有孝經定本大學格物致知傳道南錄朱子晚年定論諸儒正論大儒粹言讀書錄諸書同邑有林祺者少為諸生豪宕不羈後乃收斂力

行母卒哀毀骨立足不踰戶嘗輯續伊洛淵源錄考亭麗澤錄高東溪遺澤錄陳布木文鈔漳獻備忘漳文備忘古文指掌錄諸書祺得年僅三十餘方著書時人無知者既沒檢其篋乃得此數種

湛若水字元明增城人舉于鄉不赴會試從陳獻章遊以隨處體認天理為宗獻章喜曰此子忝前倚衡之學也久之以母命應試遂登弘治末年進士改庶吉士授編修母喪歸廬墓三年服闋授徒講學從者日盛嘉靖初還朝上經筵講學既二年夏疏言陛下初政漸不克終左右近侍爭以聲色異教盡惑上心大臣林俊孫交等不得守法多自引去可為寒心急宜親賢遠奸窮理講學以隆太平之業未幾有旨停日講若水言講筵雖免猶當操存此心不使放逸時召對大臣慎擇左右以為交修之助並報聞明年進侍讀復疏言臣以經術事陛下嘗讀屯否二卦屯者陰陽始交而難生君臣欲有為而未遠此則陛下登極時然也否則陰陽間隔而不通內外扞格而不合陛下視今日於此卦何如哉夫屯而不濟必至於否否而不濟將有不可勝言者今一二年間天變地震山崩川湧人饑相食殆無虛月夫聖人不以屯否之



時而後親賢之訓明醫不以深錮之疾而廢元氣之劑今元氣之劑急親賢是已願以賢大臣為之統領博求明先王之道者日侍文華講磨聖學臣不勝懽懽擢南京國子祭酒遷南京吏部右侍郎進所撰聖學格物通一百卷八年召為禮部右侍郎上無逸篇講義及君臣同遊雅詩尋進左侍郎疏言陛下以皇儲未建精禋祈禱求之於神者至矣臣以為當求其在己者在己者何收斂精神是已斂之則全用之則散目多視五色則散于五色耳多聽五聲則散于五聲心多役百為則散于百為願陛下凝神定慮不役精耳目思為以為生育之本帝覽之不悅報曰爾欲朕收斂精神復為此煩擾耶四川獻白免進演雅以寓規諷帝優答焉歷南京禮吏二部尚書進所撰二禮經傳測以曲禮儀禮為經禮記為傳禮部尚書夏言謂其以曲禮為先與孔子之言相戾詔罷其書不省十八年改南京兵部參贊機務條奏兵民便宜十事報可若水在南都久禁火莫置漏澤園定喪祭儀節使人易守有劉公廟都人群奔走禱祀為況其像于江毀私淑庵院勒僧尼歸俗躬巡阡陌勸民農桑以其暇與門人講學四方賢士競進時王守仁久沒

若水位高而又善勸諭故門人之多亞於守仁十九年以年滿七十致仕歸年九十五而卒隆慶時贈太子太保謚文簡始獻章之門學徒雖衆不甚與之論學其醇諄講授者若水一人而已故獻章卒為服喪三年所至必建祠奉祀生平著書甚富學者多稱之先是御史馮思論列大臣詆若水為無用道學後給事中游居敬劾其學術偏詖志行邪偽至請禁若水及守仁所著書盡毀天下書院部議從其言幾啓偽學之禍天下惡之

張詡字廷實南海人父瑣舉進士歷撫州潯州知府詡言行好古厭薄章句莆田彭韶見其詩美之曰嶺海孤鳳也受業陳獻章深為所許第成化二十年進士請告歸無仕進意總督屠濬檄有司趣之乃赴都授戶部主事尋遭親喪遂隱居不出弘治十四年巡按御史賈鏜疏詡學問優長操履端慎杜門高尚不干時事部牒下有司速駕以疾固辭正德初御史程材王冕先後疏薦部牒再下又不起久之御史周諤高公詔復相繼論薦有詔起之九年即家拜南京通政使司左叅議有司數趣上道具疏辭抵官謁孝陵輒引疾歸歸未經旬而卒年六十獻章嘗言建實之



學以自然為宗以忘己為大以無欲為主即心觀妙以接聖人之用其相契如此自獻章抗志不仕高視物表其門下士化之多不輕為世用而詡其尤也其他若李承箕陳庸林光亦以風操聞承箕字世卿湖廣嘉魚人自為諸生已厭薄科舉之學所司迫趣乃就試成化末舉于鄉聞陳獻章倡道江門往師焉獻章與之登林弔古賦詩染翰九天地間耳目所聞見古今載籍所存無所不語所不語者獨此心通塞往來之機生生化化之妙欲承箕深思而自得之又之有所悟入歸築葺于黃公山讀書靜坐其中不復仕進自嘉魚抵新會水陸千餘里承箕往返者四其為人胸懷洒落天姿高曠最為獻章所契在師門更無過之者卒於弘治末年年五十四承箕家世仕宦父田副都御史死承思承芳弟承勳承頰並登仕籍而承箕獨淡于宦情乃其名更出諸李上云庸字秉常南海人好古力學舉成化十年鄉試師事陳獻章獻章示以自得之學謂我然子亦然我否子亦否然否由我于子何有庸深契之自是潛心靜坐多所自得羅倫莊景望重一時少許可遇庸輒心服年踰五十親友強之仕始赴選授荆門州同知到官五日不能

隨時俯仰輒棄官歸足不履城郭督學副使王弘欲見之不可得病革沐浴更衣設獻章像焚香再拜而卒年八十有六所著有東峯語錄光字緝熙東莞人好學博綜經史初得吳澄論學諸書大感悟建得趣亭日讀書誦養其中舉成化元年鄉試五年邂逅陳獻章于京師與語大悅從歸江門曰吾得師矣遂執贄為弟子獻章亦深許之己而築室攬山往來叩擊者十餘年玩心神明學多自得總督朱英勸之仕不應父喪既除毋強之出二十年始以會試乙榜除平湖教諭勉學者探本窮源反身修行一時多率教弘治初疏陳敦風化養燕恥二事孝宗納之巡視侍郎彭韶待以賓師禮常主考福建湖廣分考順天鄉試得士為多舉卓異改充州教授以母年高乞近地便養吏部不許未踰年而母卒頗為獻章所責服除起官嚴州歷國子博士襄府左長史致仕歸年八十一而卒光常有言所謂求道者在自得耳讀盡天下書說盡天下理無自得處終是問也其有得於師門如此自獻章獨證本心師先儒傳註為糟粕故出其門者多不務著述云

夏尚樸字毅夫廣信永豐人少有志操正德初會試



赴京見劉瑾亂政慨然嘆曰時事如此尚可干進乎不試而歸六年成進士授南京禮部主事官曹清簡日討求載籍教屬正學歲饑道殣相望亟條上救荒教事多見施行再遷廣東惠州知府道聞上官驕倨難共事即投劾歸嘉靖初言官交薦起山東提學副使擢南京太僕少卿與魏校湛若水輩日相講習八年言官劾大學士桂萼語連尚樸吏部尚書方獻夫白其無私世宗不問尚樸尋引疾歸早年師事婁諒傳主敬之學常言纒提起便是天理纒放下便是人欲魏校聞而亟稱之所著有中庸語東岩文集東岩者尚樸別號也同邑潘潤字德夫亦受業于婁諒諒為人嚴毅英邁誨之曰禮有之致禮以治躬外貌斯須不莊不敬而懷易之心入之矣致樂以治心中心斯須不和不樂而鄙詐之心入之矣此禮樂之本身心之學也潤佩之終身因敢越軼李夢陽來督學詢及人才諸生僉舉潤夢陽致禮欲見之潤時居憂以衰服往拜門外終不肯見夢陽嘆其知禮官終成都

教諭

魏校字子才崑山人弘治十八年進士授南京刑部主事歷員外郎郎中每訊重囚齋居默念務期得情

會審監刑衆彩衣泣事事訖宴飲為歡校獨慘然澹服不飲酒食向守恪中官劉瑯驕恣他人望塵奔謁校獨不往瑯蔑視法官時判牒至莫有抗者校獨行意自如如有經歷姚元者從子利其貨誣以奸狀賄瑯為之地校竟直之暇則與諸曹郎余祐夏尚樸王道輩講明正學時望蔚然正德九年召為職方郎中時江彬方握重兵而寧王宸濠顯有異志遂移疾歸世宗嗣位用荐起廣東提學副使力以師道自任崇德行畧文藝毀淫祠興社學禁火化厚人倫諸生成以為得師曹溪僧寺有唐慧能相傳衣鉢取而焚毀之曰無使惑世誣民也嘉靖二年大計群吏詔治行卓異者賜衣及宴其在任者撫按官遣人賫賜絲幣羊酒校與焉尋以憂去五年復計群吏科道官拾遺坐校不及當調吏部言校學行素優以嚴召謫不當謫乃以故官起江西兵備改河南復督學政七年召為太常少卿移大理明年三月遷國子祭酒直經筵八月以進講不稱旨復為太常少卿進本寺卿致仕二十年言官會薦報罷又四年卒贈禮部右侍郎謚恭簡鄉人立祠祀之校之學私淑于胡居仁以立本研幾為主慎獨以通于性命稽古以協于明誠始博而



終約貫動靜而一之為近世儒宗學者稱莊渠先生始與王守仁論學守仁言心體常動技佛然起去晚而悔之謂恨不究極其說初疑象山為禪後始知為坦然大道其于居仁主敬宗旨又稍變矣著有大學指歸六書精蘊諸書

倪復字汝新鄞人性端嚴嗜學窮探幽渺務得指歸嘗曰士生程朱後已幸有坦途矣更欲立門戶與抗耶尤精于鍾律潛思默解能通其妙篤于孝友親喪突泣遂成目疾束修之饋不入私室一以資諸弟檢身以禮市肆優場未嘗一涉足人嚴禪之或即居談譁復至則寂然歛聲常與郡中士大夫雅集復最為宿老久遲不至或請虛上席先飲及樂奏一客言倪先生至門開樂聲必返矣偵之果然乃傾一座造門謝過復曰是亦何傷但異時有長者客尚須待之耳師道甚尊而喜引掖後進若通政余本其高第也所著有易繫辭解中庸解正蒙發微皇極經世通解鍾律通考間居漫讀記禘祫議救災集議濬湖議觀古錄東萊雜著壺齋問答見聞攔插畏齋稿諸書同邑戴圭字秉試踐履篤實嘗語人曰學須謹獨誠意以修身不怨天不尤人久之自與天一同里張邦奇聞

而亟稱之其門人汪王有言吾執業戴先生門先生年甫三十餘貌莊氣和言簡重動止合矩履即舉業而時迪以古人之道遠于今思之不忘其善教入人如此所著有易經大旨四書要畧

汪禔字介夫祁門人生周歲而孤母廖氏抗節育之年十三聞薛瑄吳與弼為人已知嚮慕既請濂洛諸子書慨然曰不如此便不成人因作持身箴自勗為諸生即以學行知名遠近多師之及年三十一謂聖人是時已成立吾猶悠悠然累于舉業若初志何于是研心聖賢之學聖若刻厲奮迅直前雖訕笑叢至不恤也奉母孝敬備至伯父有疾率從兄弟卧床下不解衣帶既卒寢不離喪次篤意經史窮年探究雖盛寒暑不輟有所得輒筆記之或勸其出遊與世儒一接議論應之曰吾學誠敬為入門踐履為實地正容謹節窮理盡性自信不背先儒奚出游為迨行道既久鄉邑漸化從遊者益進臺司守宰無不造廬致敬焉嘉靖九年以侍母疾過勞得疾遽卒年四十有一門生朋舊若喪骨肉多製服哭之所著有藥菴集何虛字朝舉江西新城人曾祖澄由舉人歷禮科給事中仁宗時以學行推擇與楊溥等共直弘文閣時



稱其賢。宦遺腹生，母愛之不欲煩以學。乃藏燈勤讀，不懈。友人鄧康從永豐羅倫遊，省歸與宦等五六人，夙夜淬厲，為克己慎獨之學。至終夕不就枕，窮年不出山家。故饒貧，仲元王家政而中落，至無室可居。處之晏如。母卒，衰毀幾不能生疾，且劇所親持肉羹，往食之，曰：「聊以助氣。」母戒性哽咽，不能下，竟却去。葬時，霜重，永膠徒既行十餘里，足破流血，不知也。廬墓三年，乃返。弘治六年，舉進士，授行人，遷南京工部主事，入為戶部員外郎。正德時，劉瑾聞宦有古琴，欲得之，宦曰：「琴非所惜，惜毀吾行耳。」竟不與。乃出為程番，知府。程番惡地苗獠，維居宦善撫綏，有反風屏虎之異。歸後，授徒著書。尤邃于易，後進生從，質疑義不遽答，令從容玩諷。竟日乃叩兩端以告，問者心厭而去。平生無偽言，飾行入仕二十年，蕭然若故所著。有易經諸解，同時李宗拭字敬甫，安福人。七歲時好與群兒戲，父怒，跪之先祠下，嚴責之。將遣就業，宗拭悔，遂奮志于學。既為諸生，嘆息曰：「先王設庠序以明倫，復性也。豈徒為科舉設哉！自是學專為己，以求放心為宗。容止食息必依于禮，而尤篤于孝服勤，效力不以假人。其學大都宗吳康齋而兢兢于慎獨，嘗曰：「求放心

自慎獨始。御史張鰲山從受學，年僅三十二而卒，遠近莫不惜之。

范瑾字廷潤，會稽人。弱冠屏棄舉業，以古聖賢自期。師事鄉人許璋，王文棘繼又師王守仁。所造益遠，然性狷介，持論不苟。合己而博考群經，仰讀俯思，恍然有悟。謂孔孟的傳，惟周程得之。朱陸而下弗及也。家無旦夕儲，諷誦自若。幼孤，奉母盡孝。授徒他家，遇時物則愀然曰：「吾母安得嘗此！」輒投筯不食。既沒，執喪毀瘠，母嗜芋，終身不食芋，持身莊敬，步趨不越尺寸。里中無老幼悉以范聖人呼之。晚歲名益著，士大夫咸加尊禮。或周以粟帛，則不受。嘗得重疾，語其子曰：「我死寧薄歛，毋妄受人賻。污吾地下，獨不能效黔婁氏妻乎？」尋獲愈。一二賻喪者悉反之。其生平廉潔，皆此類。孳孳問學，老而不倦。時誦衛武公之言曰：「毋以耄而棄我。」隆慶四年，年八十二而卒。璋字半珪，上虞人。文棘字司輿，山陰人。並以道德重于鄉。與王守仁友善。

盧可久字一松，永康人。為諸生，有志聖賢之學。聞王守仁倡道山陰，偕同邑程梓往師事之。刻厲精思，盡得其指要。守仁深器之，比歸送之曰：「吾道東矣。邑有



五峰書院為祀守仁其中而授徒講學焉梓及邑人應典亦來聚講一時從遊甚衆文教以興同門程文德極稱之尚書東陽許弘綱謂其直接何王金許之傳其沒也鄉人即祀之書院配享守仁梓及典亦與焉梓字養之諸生學行有聞子正誼歷四川布政使順天府尹亦講學五峰書院典字天彞舉進士官兵部主事家居養母不希榮利通籍三十年在官止一考士論稱賢東陽杜惟熙號見山師事可久垂十年其學以復性為宗克己為要精研力究不舍晝夜嘗曰學者一息不昧則萬古皆通一刻少寬即終朝欠缺卒年八十餘其門人同邑陳時芳陳正道最著時芳號春洲既從惟熙學覃思默會盡得其傳又偏正于四方有道博覽多聞而歸於實踐以修悟交融為極崇積初膺歲貢不仕著有宗傳廣錄鄒魯遺芳諸書正道號誠源自幼執勢惟熙之門特見思重嘗言學問大事須本來心體清淨纖毫自無所容晚以歲貢生為建安訓導既歸家益落年八十餘猶徒步赴五峰講會其門人呂一龍字雲君永康人師事正道及時方言動不苟嘗語人曰真心實地刻苦工夫此為學第一義也學者咸宗之沒亦祀五峰書院

季本字明德會稽人性敏慧刻厲好學弱冠舉于鄉連遭父母喪不入內寢自是家居十二年窮探載籍既師事王守仁獲聞致良知之訓乃悔其舊學一意窮經舉正德十二年進士授建寧推官寧王宸濠反江西鄰境震動本以所部分水關地要害親往守之巡按御史召入秋閣力辭不赴嘉靖三年以績最微授御史甫入院會同官朱泚馬明衡直諫下詔獄禍將不測本抗疏救之世宗大怒并下詔獄謫揭陽主簿時守仁總制兩廣以南寧蠻方士不知學為建敷文書院令本教之由是南寧亦知新建之學歷弋陽知縣蘇州同知遷南京禮部員外郎同官鄒守益以疾告歸當事者搆以罪并謫本辰州通判辰為守仁經寓地士多嚮往本乃擇辰陽書院居之親為講授聞者益奮遷吉安同知長沙知府持法嚴豪強不少假競騰蜚語入都遂落職既歸家具蕭然乃載書携諸子就居僧寺晨夕編纂寒暑無間餘二十年所著有春秋私考易學四同詩說解順四書私存孔孟圖譜讀禮疑圖廟制考義樂律纂要律呂別書著法別傳說理會編九百二十卷既又窮九邊考黃河故道海運遺蹟列春秋列國疆宇乃涉淮泗歷齊魯登岱



宗諭江入闕經年而後歸見聞既廣所著書益精博後學莫不推之卒于嘉靖四十二年七月十九學者稱爲彭山先生方本之官吉安也一時談學者多以自然爲宗而憚拘檢本爲龍惕說以正之其爲廟制考義力言帝王父子相承方可入廟其他皆當別祀時世宗方欲擢孝武二宗論者頗譏其迎合云

李舜臣字懋欽山東樂安人也嘉靖二年會試第一授戶部主事爲尚書孫交所知荐之吏部尚書喬宇調爲稽勳主事改文選以爭大禮杖闕下尋遭外艱服闋起歷考功員外郎謝病歸擢貴人惡其異己及入都復補戶部選郎中出爲江西提學僉事較閱精明遷南京國子司業歷尚寶司卿應天府丞二十年召爲太僕寺卿未上會九廟災自陳遂罷歸始舜臣官南京尚寶時取易詩書儀禮禮記左傳分日讀之每六日一易初若漢唐人註疏難入已知其指歸在爾雅爾雅本六書乃質以篆隸廣韻及陸德明音義有所纂述功未竟及是益銳戶籍探乃著易卦尋言尚書說詩序考春秋左傳考例穀梁三例易詩書三經考古文考籀文考諸書一時經學文士未有出其右者爲古文有法度晚年過於絕削其友李開先戲

之曰君作文原去皮存肉去肉存筋今并筋肉俱盡而獨存其骨必如義皇畫卦而後已乎家居二十年撫按屢荐竟不復起年六十卒

柯維騏字奇純莆田人高祖潛翰林學士父英徽州知府維騏生而岐嶷志希古哲舉嘉靖二年進士授南京戶部主事未赴輒引疾歸已張孚敬用事劾新制京朝官病滿三年者察罷免維騏亦在罷中自是謝賓客專志讀書久之門人日進執經問辨者先後四百餘人維騏引掖靡倦要以躬行爲本慨近世學者樂經湯而憚積累竊釋氏之說以文其固陋也作左右二銘訓學者以務實以辨心術端趨向爲實志以存敬畏密操履爲實功而其極則以宰理人物成能天地爲實用作講義二卷宋史與遼金二史舊分爲三書維騏乃合之爲一以遼金附之而列二王于本紀其他褒貶去取義例嚴整閱二十年而始成名之曰宋史新編又著史記考要續莆陽文獻志及所作詩文集並行于世維騏登第五十載未嘗一日服官中更倭亂故屢焚燬家困甚終不妄取于世味一無所嗜惟嗜讀書撫按監司時有論荐迄不復起隆慶初廷臣復荐所司以維騏年高但授承德郎致仕



終於萬曆二年年七十有八凡維熊工部郎中維熊  
龍遊知縣維熊子本浙江僉事維騏孫茂竹海陽知  
縣茂竹子景副都御史巡撫山西

任翰字少海南充人嘉靖八年進士改庶吉士未上  
授吏部主事與唐順之王慎中陳東熊過輩相切劘  
為詩古文稱嘉靖八才子累遷考功郎中十八年簡  
官僚改左春坊左司直兼翰林院檢討又明年二月  
拜疏引疾即出郭戒行及再疏不報復自引還給事  
中周來勅翰舉動任情蔑視官守帝令自陳翰語侵  
掌啓事霍諧謂其抑己不與保題帝怒勒為民久之  
遇赦復官致仕自是終世宗朝中外屢薦竟不復用  
神宗嗣位四川巡撫劉思潔薦翰潛心著述削跡城  
府高標可以起懦清節足以訓廉明年萬曆改元巡  
撫曾省吾復荐之時已年高但優旨報聞而已翰少  
懷用世志百家二氏之書罔不蒐討既被廢益反求  
六經闡明聖學晚尤潛心于易深有所得其為古文  
益高簡踈厲有西漢風沉淪五十餘年涵養益粹過  
其門環堵蕭然莫不起敬卒年九十三有詩文集行  
世熊過字叔仁富順人翰同年進士累官祠祭郎中  
坐事貶秩復除名為民過學通經術文章簡古著周

易象旨決錄諸書談經者尚之

蔡元偉字伯瞻晉江人總角受書已有孝弟稱為諸  
生凡四明程端禮家塾日程嘆曰學不當如是耶耶  
手抄而服行之慨然有求道之志非聖賢書弗觀非  
孝弟之志弗存舉嘉靖十年鄉試授徒自給不干有  
司久之授羅田教諭遷德安知縣治以節愛為先每  
退食取小學近思錄伊洛淵源錄及本朝薛胡二子  
粹言默識體驗即升堂亦袖以出曰非敢忘之誠慮  
心官少放行事過差以此當嚴師耳稍遷杭州通判  
以觀行事後乞終養尚書李默因留之尋遷撫州同  
知屬縣樂安有劫庫之變元偉往署其事俄流賊數  
千焚掠隣邑樂安故無城士民洶洶元偉急簡丁壯  
據險設守而躬着戎衣演武訓士賊聞不敢犯時獄  
舍久傾遇雨則因荷蓋而立新繫者又不以時決遣  
至充滿不能容會天暑疫作元偉欲新其獄乃縱囚  
歸家令獄成即至迄獄成果不召而至復署崇仁事  
亦無城不教日賊突至元偉勸兵出戰斬賊數十賊  
懼尋引去以外艱歸遂不復出元偉之學宗程朱而  
尚躬行其所致力惟在飲食衣服男女起居動靜語  
嘿辭受取予之際其自治之勤或至提撕少懈過愆



獲萌輒撫膺泣下長跪自罰作考德錄日識所行事以自省克治之功至老彌厲鄉人莫不稱之所著有四書折衷易經聚正二書

李經綸字大經南豐人讀書好研精以明道為己任為諸生赴鄉試即上書當事言當待士以禮毋制以苛法藉令盡草懷挾之弊而使志行士如吳康齋陳布衣者果足不前易若稍疎防檢廣羅天下士哉當事感其言為之稍寬久之不獲售乃盡棄舊業覃精經籍作詩教考謂詩三百篇漢儒求其數而不得雜取逸詩之傳者足之殊失聖人刪詩本義蓋採詩與刪詩不同採則善惡兼收而誅實行焉若刪而存淫詩初學何知毋乃為尊亂地今本先聖之意諸無益于天德王治之粹者刪之又作禮經類編謂先王制禮有三曰儀曰曲曰官所以品節乎仁義而舉人道之全體也其見諸動止食息日用之則晏倫受款曲折之施皆禮也而曲禮三千出焉其愛敬吾身以及國家天下舉大事以昭志會衆體以成文皆禮也而經禮三百出焉其立政裁物足法以為天下守皆禮也而周官六典出焉記曰制度在禮文為在禮制度其周官文為其經曲也後儒不達以儀禮為經禮記

為傳失其義矣今以類編次爰首大學猶五玉之有珩也次曲禮次儀禮又次周禮各有正經別經逸經增經而傳各類附焉爰次通傳統三禮而為言者也四書有邸受之以中庸終焉其著書之意如此當是時王子守仁湛若水兩家之學盛行于世經綸弗善也申程朱之意作衛道錄及大學稽中傳頗闢兩家之學而于朱子格物之說亦不苟同經綸既還于正學殊自喜以為繼往開來在己也念時無知者聞泰和羅欽順著困知記排王湛甚力則大喜亟走書陳所學正之欽順素高簡方惡學者招引標榜峻自防不輕有容接而經綸未一面輒以書通阻抑之經綸大志走南都謁祭酒黃佐以稽中傳質之佐頗容接然不甚異也其後倭寇擾東南天下洶洶經綸益發憤謂是司兵者未知兵也條時務七事編詰撫按監司止之竟無省錄之者行詰浙東中賜道卒

周述學字繼志浙江山陰人讀書好深湛之思尤邃于曆學古之言曆者以郭守敬為最而守敬所作曆經載于元史者言理而不傳其法其法之傳于曆官者有通軌通經諸書皆死法也其作法採本所謂孤天刻圓曆官棄而不道亦無傳之外人者時武進唐



順之長興顧應祥皆究心曆學求其書而不可得述學竭其心思遂通孤矢之術從來曆家所步者二曜交食五星順逆而已自西域回回經緯曆入中國始聞經緯凌犯之說然其立法度教與中曆不合名度亦異順之慨然欲綴綿法以會通中西卒官不果述學乃撰中經用中國之算測西域之占以畢順之志日行黃道月行九道古來無所謂星道者述學推究五緯細行為星道五圖于是七曜皆有道可求與順之論曆取歷代史志之議正其訛舛刪其繁蕪然于西域之理未能通也又撰大統萬年二曆通議以補歷代之所未及自曆以外圖書皇極律呂山經水志分野輿地算法太乙壬遁演會風角烏占兵符陣法卦影祿命建除葬術五運六氣海道針經莫不各有成書發前人所未發凡一千餘卷統名曰神道大綱其學博而能精如此嘉靖中錦衣陸炳訪士于經歷沈鍊鍊舉述學炳禮聘至京服其英偉荐之兵部尚書趙錦錦就訪邊事述學曰今歲主有邊兵應在乾艮艮為遼東乾則宣大二鎮京師可無虞也已而果然錦將荐諸朝會仇鸞聞其名欲致之述學識其必敗先幾還里總督胡宗憲征倭召置幕中述學不

憚出入狂濤卒成海上之功宗憲亦未能荐也述學瓌雲洲有志用世而世不能用竟以布衣終

張基字德載吳縣人嘉靖十九年舉鄉試入都有顯者欲為會試地謝曰立身一敗尚欲何為歸屬疾久困醫藥慨然若有懋者遂究心為己之學疾亦自愈再試春闈闈父訃絕而復獲服除祖母及妻相繼卒嘆曰母老矣誰與晨夕自是跣步不忍離屏去冠服為野人裝治一室題曰愛日以居母飲食將獲非親調不進于書無所不窺尤邃于經學多所箋疏驗之身心融融如也顧其持敬日益甚自檢日益密奉母外足不踰戶妻亡不更娶旁無媵侍食不腥寢恒不脅席歲大稔有米數百斛悉以賑饑者屬當軍興族人俱供役基嘆曰吾何忍獨以例免而煩族之老弱為毀家以紓之產遂削年五十九預知當死一夕候母安者十餘昧爽跣坐頻誦一念不生遂卒嘗書座右曰勿履無益身心之書勿吐無益身心之語勿近無益身心之人勿涉無益身心之境吉水羅洪光錄之為四勿翼云宗禎時詔搜訪遺佚廣厲風節巡按御史和胤佳舉基及歸子慕來陸宣請加進恤詔贈翰林院待詔孫世偉字異度為人孝友有文名舉萬



曆四十年順天鄉試出新城王象春門先是同邑凌漢神以舉業就正世偉世偉輕之及是漢神官御史扶前憾謗世偉有私而象春適為時所忌于是給事中李奇珍遂疏論之旨下法司會訊衆知其誣猶勒停三科俟再試天啓初吳人官于朝者合詞稱世偉才乃得與會試久之不第而世偉砥行植節名愈重與同里周順昌文震孟姚希孟朱陸宣稱吳門五君子崇禎時巡按和彪佳及巡撫張國維踵門請見皆以疾辭亦不報謝其名德與基相埒既沒鄉人題其銘旌為孝節先生陸宣字德升性至孝與世偉同年舉鄉試家西山足跡罕至城府破屋頽垣日惟養親讀書為事沒之日視歛者三百餘人皆哭失聲以御史言亦贈待詔鄉人私謚孝介先生與周順昌忠介相配云

徐思魯字伯魯吳江人七歲讀書即匡坐終日十二能為詩古文長博學兼通陰陽律曆醫卜篆籀諸家之說舉嘉靖二十六年會試念二親年高而生母猶在淺土不就廷對而歸閱六年始成進士選庶吉士授兵科給事中遭內艱起補吏科頻有建白三十九年出封周藩便道旋里即家再遷左給事中當是時

世宗方殺僂諫臣時相嚴嵩又陰導之言官咸緘口矢職思魯嘆曰吾奉先人遺體即不忍報籍闕下柰何效儕輩積月俸嘿坐致金紫乎會得脾疾因請告尋連疏乞休銓部重其人不為請至隆慶五年始獲俞旨萬曆初撫按交荐起禮科左給事中竟力辭不出舉世咸仰其高思魯家食既久銳意窮經嘗以陳澹禮記集說又頌學宮而所引注疏多背其本意乃廣搜衆說為禮記集註又撰周易演義正蒙章句世統紀年文體明辨大明文鈔宦學凡聞小學史斷經絡全書共數百卷行于世思魯之後士大夫以通經著者有沈瑞臨張恒姚舜牧瑞臨字夢錫仁和人舉萬曆五年進士授行人歷四川按察僉事以終養歸龍山天真書院故王守仁講學處也監司請主其事辭曰洛閩之後理學已明學者當以踐修力行為本歸浮名事空談非余所能也所著有易義十卷經解二十卷恒字明初蘄州嘉定人瑞臨同年進士仕至江西按察副使家居覃思經術論議深醇往往賦排姚江王氏有明志集行世舜牧字虞佐烏程人家世為農至舜牧始讀書舉萬曆元年鄉試久之不第乃肆力經學著五經四書疑問三易稿始成初授廣



東新興知縣為監司所中左遷廣西按察司煇磨量  
移江西廣昌知縣復論調遂歸年八十五卒

歸有光字熙甫崑山人六歲能屬文弱冠盡通五經  
三史諸書文益工嘉靖十九年舉鄉試遂以時文名  
天下久而不第益肆力於古文徙居嘉定之安亭江  
上讀書談道四方來學者常數十百人亦不輕接每  
使子弟門生轉授有光初師同邑魏校得點而成之  
不言而信指要故其生平亦不尚詞說雖以文章鳴  
於時而經術湛深一時宿儒未能或之先也四十四  
年始第進士授湖州長興知縣用古教化為治每聽  
訟引婦女兒童案前與之吳語得情即止不具獄自  
以名世大儒即使周召為牧伯亦當優假故大吏令  
有不便者輒寢閣不行有所擊劾直行已意大吏多  
惡之論調順德府通判專轄馬政所條馬政事宜咸  
切利弊隆慶四年以進表入都執政高拱趙貞吉雅  
知有光用為南京太僕寺丞留掌內閣制勅房有光  
素厭吏事至是得為文學官供事閣下欲以其間盡  
觀中秘未見書益覃精著述而遽以病卒年六十有  
六有光為古文原本經術而好太史公書能得其神  
髓嘗是時天下推古文名家者惟武進唐順之晉江

王慎中二人太倉王世貞繼起殆李夢陽李攀龍餘  
習主盟文壇聲稱烜赫天下士歸之若鶩有光與同  
郡獨力相敵排日為庸妄巨子世貞聞而笑曰妄則  
有之庸則未敢聞命有光曰惟妄故庸未有妄而不  
庸者其後世貞亦心折有光既沒其子子寧刻其遺  
文妄有改竄工人童氏夢有光趨之曰速成之稍緩  
則塗乙盡矣明之古文嘉靖朝為極盛自有光後天  
下盡歸王李不復有古文其後王李之焰衰有光文  
乃益顯評者以有光及唐順之王慎中為嘉靖三大  
家云少子子慕字季思舉萬曆十九年鄉試再試不  
第遂不復赴屏去江村竹籬破屋日讀書其中與無  
錫高攀龍嘉善吳志遠時相過從三人相對終日凝  
然無一言有得則相印以為常既沒巡按御史祁  
彪佳請于朝贈翰林待詔志遠字子往萬曆中舉于  
鄉常與東林講席歷官翰林孔目禮部司務南京兵  
部員外郎值攀龍等以鈞黨受禍遂請終養歸居平  
好性命之學淡嘿純靜為士林所推  
王應電字昭明崑山人受業同邑魏校之門慨然以  
聖人之道為可學三代之治為可行真心潛思閱覽  
博識而尤獨好周禮謂周禮自采以後胡宏李本各



著書指摘其瑕釁至數十萬言而余壽翁吳澄則以  
為冬官未嘗亡祿見于五官取而更次之近世若何  
喬新陳鳳梧舒芬亦各以己意更定乃捲卷歎曰是  
諸儒之周禮也豈元公之禮哉因覃研十載載先求  
聖人之心溯斯禮之源次考天象之文原設官之意  
推五官離合之故見綱維統體之極因顯以探微即  
細而釋大成周禮傳註數十卷以為百世繼周而治  
必出于此嘉靖中以兵燹家燬因甚乃流寓江西泰  
和以其書就正羅洪先洪先未之省也閱五年與居  
遊久乃稍稍讀其書禮故之與辯難累三月始大服  
于是翰林陳昌積首以師禮事之而侍郎何遷為之  
刊布未竟胡松來撫江西卒刊之書遂行于世應電  
又研精字學謂古文大壞于斯篆以楷書翻經文并  
斯篆而下之乃據說文所載譌謬甚者為之訂正名  
曰經傳正譌又著同文備考書法指要六義音切母  
珠圖六義相關圖并有禪于學者應電竟卒于泰和  
昌積為經紀其喪歸之崑山時有李如王者同安儒  
生亦精于周禮采葺諸家為會要十五卷嘉靖八年  
詣闕上之得旨嘉獎賜以冠帶

明史卷三百八十五

儒林傳

儒林三

尤時熙字季美洛陽人生而警敏不群弱冠舉嘉靖  
元年鄉試時王守仁傳習錄始出士大夫泥舊聞多  
力排之時熙一見輒有省嘆曰道不在是乎向吾役  
志詞章抑末矣已而以疾稍從事養生家則又嘆曰  
新建公致良知之旨所謂養生主者非與何以他為  
自是深信而力體之十一年授元氏教諭父喪除改  
官章丘一以致良知為教兩邑士亦知新建之學十  
九年入為國子博士時徐階為祭酒雅重時熙命六  
館士咸取法焉及年四十念古人道明德立語忽淚  
下居常以不獲師事守仁為恨且曰學無明師終不  
能有成聞即中劉魁得守仁之傳遂師事之魁以直  
言錮詔獄則書所疑時時從獄中質問尋以戶部主  
事推執游壘課足而止不私一錢二十六年念母老  
丐終養歸自是遂不出日以修己淑人為事足未嘗  
涉公府齋中設守仁位晨興必焚香肅拜來學者亦  
令展謁晚年病世之學者悉虛見而忽躬行甚且越  
繩墨自恣故其論議必依乎中庸切于日用而不為  
玄虛隱怪之談其善學守仁而救其末流之弊又若



此卒于萬曆八年九月年七十有八其門人孟化鯉最著自有傳

張後覺字志仁山東茌平人也父文祥由鄉舉官廣昌知縣後覺生有異質舉止端莊事親孝居喪哀毀三年不御內室早歲聞良知之說于縣教諭顏鑄欣然有省遂精思力踐偕同志講習已而貴谿徐樾以王守仁再傳弟子來為叅政後覺率同志往師之學益有聞久之以歲貢生授華陰訓導會地大震人多傾壓死上官令署縣事救災扶傷下胥悅服及致仕歸士民泣送載道東昌知府羅汝芳提學副使鄒善皆宗守仁學與後覺同志善為建頽學書院俾六郡士師事焉汝芳亦建見泰書院時相討論猶以取交未廣北走京師南遊江左務以親賢講學為事門弟子日益進凡吏于其土及道經茌平者莫不造廬問業巡撫李世達兩詣山居值後覺病不能為禮乃促席劇談飽其既食而去平生不作詩不談禪不事著述行多遠近學者稱之為弘山先生年七十六以萬曆六年七月卒其門人孟秋趙維新最著秋自有傳維新亦在平人年二十聞後覺講良知之學遂師事之往復參證大悟性命之宗曰幾罔此一生矣因次

其問答語為弘山教言性純孝居喪五味不入口紫毀骨立杖而後起鄉人欲舉其孝行力辭之喪偶五十年義不再娶嘗築垣得金一篋工人持之去維新不問但囑之曰慎勿泄泄則人妬汝矣家貧或併日而食超然自得亦以歲貢生為長山訓導年九十二無疾而終先是孟秋之沒巡按御史既為立祠維新言于知府李士登亦立祠祀後覺士登又建四賢祠祀王道榜孔暉及後覺秋四人云

朱恕字光信泰州樵夫也日採薪養母一日過鄉人王良講堂歎曰離山十里薪在家離山一里薪在山良聞之謂門弟子曰小子聽之道病不求耳求則不難不求無易也恕聞之而喜于是每樵歸必造階下竊聽饑則向厨人乞漿解所裹乾構以食聽畢復浩歎負薪去良門人矚其然轉相驚異有宗姓者招而謂之曰吾貸汝數十金別事生涯庶免作苦且得日與吾輩遊恕受金俯而思繼而大恚曰子非愛我者我得是金將朝暮經營之不暇不大悞我一生耶即擲還之有監司知其賢召之不往以事役之短衣跣足入監司與成禮而去歸貞者字以中興化陶人也以陶瓦為業慕恕之風從學于良已卒業于良子璩



略曉文字有茅屋三間以之償責遂居廩窶中年踰三紀無妻孥弟子醜金為之娶久之學有得遂以化俗為任隨機指導農工商賈從之遊者數百人秋成糞隙輒聚徒談學一村畢又之一村前歛後應結誦之聲洋洋如也縣令聞而賢之遺米二石金一錢受米返金令問政對曰貞寡人無能補于左右弟與貞居者幸無訟牒煩公府此貞所以仰報明府也御史耿定向行部至大會良祠下語及故相喜怒失常貞撫捄叫曰安能若我識此區區意耶定向笑曰窮居而意氣有加亦損也漿頰曰韓生識之大行窮居一視焉可也每會講有談世事者貞輒曰光陰有幾乃作此閒談耶有尋章摘句者則大恚曰舍當下不理會而撮拾陳言此豈學究講肆耶自瓊樂吾學者因稱樂吾先生其後有夏斐廷美者繁昌田夫孝友忠信見稱里人教諭張緒物色之招與講學一日緒號于衆曰夫學學為人也为為人須為真人母為假人斐慨然內省曰吾平日所為得毋未真耶隆慶中往謁耿定向與處諭時因定向而師于焦竑漸有得以竑教始讀四書久之謂定向曰比讀四書傳註意未了然第以正文尋繹乃有會處如所云異端者謂其端

異也吾人須研究為學初念其發端若何若祇為崇肥計即異端也何更闢為謂竑曰竊疑孔孟學同乃有聖賢之別何也近反覆誦思如論語中孔子自謂未能者七何有于我者亦七而孟子篇中殊未之見此其為聖賢之別乎史諸詮解多此類聞者莫不異之而其踐履篤實一時學士大夫或反有愧云呂潛字時見涇陽人父應祥禮科都給事中潛少有志尚從學于高陵呂柎柎甚重之生平言行一以柎為法母病葦欲識其婦面命之娶潛娶而不婚三年喪畢然後入室嘉靖二十五年舉于鄉入國學時朝紳有講會潛參與其間歸與里人郭郭講學谷口洞中從遊者甚衆薦授國子學正舉行柎祭酒時學約稍遷工部司務以萬曆六年卒郭字維藩受學于潛父應祥舉嘉靖三十七年鄉試後應祥將葬遂輟會試不行其篤于師誼如此學以持敬為主終身不敢屑越歷官獲嘉教諭國子助教戶部主事終馬湖知府卒年八十八與潛同師呂柎者又有張節李挺節字介夫潛同縣人始受業于湛若水繼復從柎遊柎稱其守道不回卒年八十挺字正立咸寧人秉性孤直不隨俗浮沉既學于柎復赴三原從馬理講學道



為盜所殺人咸惜之又王之士者字欽立藍田人與郭郭同舉于鄉既而屏棄帖括潛心理學作養心圖定氣說書之座右閉閣不出者九年蒿菽糲食尚友千古謂藍田風俗之美由于宋呂氏今其鄉約其在乃歲為十二會赴會者百餘人洒掃應對冠婚喪祭悉本其約行之美俗復興萬曆十八年祭酒趙用賢薦于朝詔授國子博士除目下而之士已卒年六十三

朱謙字壽儀寧府鎮國中尉獻王七世孫也曾祖鎮國將軍宸澤方嚴有行王家濠欲屈之數火其居而令宗人助之資固辭不受以故獲免于難祖輔國將軍拱樞孝友誠篤居暗室無惰容父奉國將軍多燿亦端謹好經術親課謙以五經史漢諸書謙亦束脩自好閉門誦讀無世祿驕侈之習遂淹通群籍曉本朝掌故明興以來宗支繁衍諸王孫好學敦行著賢聲者周藩中尉睦擇而外未有若謙者也萬曆十九年給事中葉初春請設江西宗正舉謙學行二十二年以撫按疏荐令攝石城王府事攝事三十年宗人咸就其約束性好著書所著百十二種稿至數易皆手自繕寫不以假人既寢疾猶與諸子

說易夜分不倦及卒南州人士私謚為貞靜先生

王敬臣字以道長洲人江西參議庭子也幼讀詩至野有死麕章掩卷曰孔子放鄭聲是詩胡為存哉必漢儒誤捨其已刪者宋人承陋不能辨耳十歲值清明節書几曰天何以清人何以濁天何以明人何以昏長老咸異之十四侍父京師誦四箴註悟孔子求仁之旨嘆曰學在是矣心者動之主心無妄念則非禮之動安從生自是居處必以禮雖燕褻必正襟危坐居數年父命還鄉應舉泣不忍離再被命始行歸則室廬隘甚寄居僧寺鬻書自給有饋餐者却之不己則書壁云不食嗟來食寧為溝壑夫其人乃止十九為諸生即受業崑山魏校他人爭尚文藝獨默坐澄心曰學不聖賢雖虛詞凌厲君子不貴也家有招飲者見座中有妓亟趨出曰吾何以衣冠坐塗炭耶自是遂絕宴會性至孝父里居三十餘年所以娛事者百端疽發于背親自吮舐老得瘳疾則卧于榻下夜不解衣微聞警效聲即躍起問安父自外歸則迎于門風雨迎于途以為常事繼母如事父母性下急減獲少拂意輒憤怒至擊毀器物敬臣跪而解不得則蒲伏戶外至達旦母久而感其誠亦為底豫妻



失母歎自責曰身不行道不行于妻子閉戶者愆不入室者十三載嘗以銀器質于人踰年往贖其人誤授以金甌趣僕還之而其人更以布資僕僕不受曰主行義而我為利乎嘉靖末提學御史耿定向廉其學行俾越次克貢以親老辭其初受業魏校得黜成之旨嘗言議論不如著述著述不如躬行故居常杜口不談自見定向語以聖賢無獨成之學由是多所誘掖弟子從遊者至四百餘人然其學惟慎獨為先而指親長之際衽席之間為慎獨之本尤以標立門戶為戒學優德劭鄉人尊稱鳴少湖先生萬曆中以廷臣薦徵授國子博士力辭不行詔以所授官致仕二十一年巡按御史甘士价復薦吏部以敬臣年高請有司時加優禮詔可年八十五而終

來知德字矣鮮夔州梁山人十歲通舉子業舉嘉靖三十一年鄉試四赴會試不第遂焚棄路引專意養親及二親相繼沒廬墓六年不飲酒茹葷服除傷二親不及祿養終身麻衣蔬食誓不枉見有司其學以致知為本盡倫為要謂大學之格物乃格去物欲猶孔子克己復禮為仁孟子養心莫善寡欲之意皆除去有我之私也識者善之其所著有省覺錄省事錄

理學辨疑心學晦明解諸書而周易集註一編用功尤篤自言學莫遠于易初結廬釜山學之六年無所得後遠客求溪山中潛精覃思者數年始悟易象又數年始悟文王序卦孔子雜卦之意又數年始悟卦變之非蓋二十九年而後書成其專精如此萬曆三十年總督王象乾貴州巡撫郭子章合詞論荐特授翰林待詔知德力辭詔以所授官致仕有司月給米三石終其身靜坐觀書老而彌勵壽八十終

鄧元錫字汝極南城人資穎朗絕倫五歲屬對奇聲師為避席稍長輒博覽經史十五喪父哀毀水漿不入口十七行社倉法惠其鄉人十九為諸生遊邑人羅汝芳之門即銳然棄經生業專事問學又走吉安謁諸先達請益學愈有聞尋以祖母命復事經生業以嘉靖三十四年舉于鄉念二母年高不赴會試居三年母力趣之道出吉安復從鄒守益劉邦來劉陽諸宿儒論學會鄉邑寇警即馳歸侍養欲遂屏居不出母不可又三年始一赴會試既下第歸遂不復出杜門著述踰三十年五經皆有成書研精覃思闔深博與一時學者莫不推尊之稱為潛谷先生休寧范涑初知南城重元錫後為南昌知府以萬曆十六年



入覲薦元錫及劉元卿章熾于朝南京祭酒趙用賢亦請優加徵聘如吳與弼陳獻章故事得旨有司起送部試元錫固辭明年御史王道顯復與元卿並荐且請做祖宗徵辟成憲無拘部試得旨令有司問病痊可起送赴部竟不行二十一年巡按御史秦大慶復並荐二人詔以翰林待詔徵之有司就遠益迫乃始上道甫離家而卒年六十有六鄉人私謚文統先生元錫之學其淵源雖本于王守仁而不盡宗其說時心學盛行謂學惟一覺一覺即無餘蘊九容九思四教六藝皆桎梏也元錫力排之謂九容不修是無身也九思不慎是無心也四教六藝何一可廢故其生平博極群書而要歸于六經醇如也所著五經釋函史上下編皇明書並行于世

徐用檢之黃安訪既定向夢定向悟生生謂易之旨欣然自信學益進從遊者日益廣給事中鄒元標御史朱鴻謨祭酒趙用賢相繼荐于朝有詔徵用力辭二十一年御史陳大慶再荐乃召為國子博士擢禮部主客主事既請早朝勤政又請從祀鄒守益王艮于文廟登正外蕃朝貢舊儀尋見時事不可為遂引疾歸益肆力撰述有山居草還山續草諸儒學業賢奕編思問編禮律類要大學新編諸書年六十六以萬曆三十七年卒自吳與弼後元卿及鄧元錫章潢並蒙荐辟時號江右四君子

劉元卿字調父安福人為諸生有聲同邑鄒德涵講學于里以其學語元卿輒心喜歸取宋人語錄讀之益喜遂有志聖賢之學舉隆慶四年鄉試明年會試對策極陳時弊主者不敢錄張居正聞而大怒下所司申飭且令人密調之其人反以情告乃獲免既歸師事同邑劉陽王守仁弟子也萬曆二年再赴會試不第遂絕意科名務以求道為事已而出遊蘭谿訪

章潢字本清南昌人資穎拔年十六為諸生即有志聖賢之學覃精經籍或問子近日談經益簡當何也曰昔讀書如以物磨鏡磨久而鏡始明今如以鏡照物鏡明而物自見居父喪哀毀血溢已構此洗堂聯同志講學以通天地人曰儒自命為輯自古河洛太極諸圖爰及天道地道人道悉以類編次凡百二十七卷曰圖書編又著周易象義詩經原體書經原始春秋竊義禮記劉言論語約言諸書名播遠邇弟子從遊甚衆神宗時提學僉事朱廷益躬造其廬聘主白鹿書院知府范涑入覲辭之朝不報巡按御史吳



達可再荐之章下吏部侍郎楊時喬請遂授順天府儒學訓導如陳獻章來知德故事有司月給米三石贍其家報可卒于萬曆三十六年年八十二其鄉人稱演自少迄老口無非禮之言身無非禮之行交無非禮之友日無非禮之書乃私謚文德先生  
馮子咸字受甫臨朐人父惟健見文苑傳子咸少孤事母孝母疾不解衣者踰年沒而哀毀骨立氣息僅屬事死亦盡敬萬曆元年舉于鄉再赴會試不第幡然曰吾情異捧檄何以科第為遂捐舉子業不復出初從外舅冀鍊聞濂洛之學日以莊敬自持一切積習力祛之世俗所共趨力矯之曰勿目放恣為灑落又尺寸寸而已舅以為拘吾無恤焉已而靜坐久之覺有所得曰道在是乎吾向不識虛靈之體而從事于莊敬若微繆然故去道遠夫學須靜信矣其大旨務在識心體而涵養之以推及于親身應務皆設誠而致行之居常嘆俗夫世敗始于禮以欲酌古今為一書推行宜自宗族始乃修家廟定祭儀立族約設好會名曰敦睦勸宗人世守之治家宗顏氏家訓恒以義勝躬秉耒耜佐以陶冶自食其力人餽之不受曰恐吾無以報也所居里巷成環而依之者百餘家

歲大祲家止薄田數十畝躬鋤歲出粟賑貸親為劑量貧者予之有地可耕者取償于豐年明年猶豐鄉人爭還粟乃設義倉以備荒死喪者亦取給焉與父老約各以禮義訓子弟毋得干有司法鄉人率其教多為善良所著日進割記自警私錄耕餘筆談讀禮抄具有深識遠詣然不以示人亦不聚徒講學凝然守正而已或問為學曰須剛須恒不剛則慝不恒則退問敬曰惺惺之謂敬繩束非敬也年四十九而卒知與不知莫不掩泣私謚為貞靜先生鄉人鍾羽正稱子咸貞不抗俗隱不肆志信道忘仕則添雕子循經蹈古則高子羔孔門四科處廷九德其殆庶乎人以為篤論  
杜偉字道升吳江人六歲時祖母病盲或言舐之即愈偉如其言果復明已貢于給事中沈漢家冒其姓漢愛其穎敏令與諸子同學以嘉靖三十一年舉于鄉專志聖賢之學與唐樞許孚遠為師友江西羅洪先聞其賢聘為子弟師偉即從受學時與靜坐石蓮洞學益有得偉以受沈氏恩深漢卒為督訓諸孫經紀其家隆慶時漢孫位舉進士官翰林偉始復姓位卒遭家難偉傾身營護迄於其孤萬曆八年謁選得



南陽推官治獄稱平嘗署為鄉新野二縣事課農桑  
恤孤獨行鄉約治行冠河南入為工部主事權稅荆  
州不私一錢專務寬恤課乃不及額期滿引疾歸登  
舟見二木桶說曰此非荆州物乎投之江而去以缺  
額且不赴考覈被論當事重其清恭特免考覈備自  
是不復出其學務主靜而尚躬行規言矩步不欺暗  
室有妻婦夜奔為正坐曉以大義婦慚悔而去未仕  
時歲大潦巡撫自行縣督租有斃杖下者偉跽大門  
外請免釐刑水沒脛不起巡撫乃回車渡鄱陽湖有  
盜入其舟端坐不動盜詢知為偉駭曰此即江南小  
聖人耶偉因勸諭羅拜而去所著有正學編靜坐訣  
學聚順性二錄四書尚書筆記諸書卒年七十一  
陳履祥字允庭初門人得南城羅汝芳之傳萬曆間  
設教寧國先後及門者至八百餘人門生施弘猷汪  
有源輩為築同仁會館講學其中先是世宗朝汝芳  
為寧國知府叔志學書院與鄉薦紳貢安國梅守德  
沈龍等講良知之學文教大興至神宗時張居正廢  
天下書院遂改為公館講會亦輟及是文教復興諸  
生多蒸蒸嚮學郡有雲山泉石佳勝履祥遊而樂之  
乃築傳經臺日事著述自號九龍山人弘猷復構講

堂其側聯同志居之其學務屬性旨與人言迎刃而  
解妙能啟悟所著有九經翼碩果大成諸書晚以歲  
貢生入都卒于道弘猷輩還葬祁門而藏衣冠于雲  
山立祠奉祀其後寧國及鄰郡人士講學猶本其緒  
論焉弘猷字允升宣城人有源字性清太平縣人兩  
人並敦學行有陳門顏魯之日弘猷嘗得危疾履祥  
齋戒為文額天請代曰惟施子能昌吾道也及履祥  
沒聚講祠下其卒也因附祀焉有源既傳履祥之學  
數遊南都與楊起元周汝登焦竑鄒元標會講晚于  
邑中結歸源會力誘後進以履祥昔居雲山亦徙居  
之年八十卒即葬履祥墓側

徐三重字伯同松江華亭人為人貞靜寡嗜欲恬於  
進取萬曆二年既舉會試不就廷對歸益務博覽五  
年成進士以與望當獲館選有鄉人忌之為謗言遂  
不赴試尋奔母喪戴星而行哀毀骨立服除授刑部  
主事時張居正當國政尚嚴刑官務深文取悅三重  
獨持平為尚書嚴清所忌令總諸司章奏益矜恕有  
聲甫三年報謝病歸自是遂不出家居四十二年  
七十有八卒學者重其行稱為鴻洲先生三重自幼  
嗜學有至行常赴友人飲席間有妓即託故避去讀



書里舍有隣婦自媒終不一賤所親者而無子寄資其家且云身後即以相遺三重亟返之其學務崇踐履以考亭為宗自壯迄老編摩未嘗釋手然沉默自晦恒恐人知絕跡公廷長吏不獲見其面惟神光兩朝國喪始出哭臨亦不見當事而返其嘉言懿行遠近奉為模楷士大夫語家法者率推徐氏為第一云所著有庸齋日記信古餘論陽景錄采芹錄鴻洲雜著徐氏家則諸書子複授舉進士歷官四川副使克遵父訓亦以清節聞

焦竑字弱侯南京江寧人為諸生有盛名從督學御史耿定向問學有所悟入復竑疑于羅汝芳蓋有者舉嘉靖四十三年鄉試下第還適定向進十四郡名士讀書崇正書院以竑為之長及定向里居復往從之自是日以講學為事至萬曆十七年始以殿試第一人官翰林修撰竑久負時名及是名動天下乃竑日從事學問益討習朝章國典精勤不懈先是歲貢生廷試多所黜落及竑與閱卷憫之言於內閣許國曰諸生需次數十年一旦被斥不得沾升斗祿何以歸見家人族黨且廣文一席縱年如伏生寧不能授經乎國許之自是歲貢生無黜落者二十二年修國

史內閣陳于陞欲竑專領其職竑謝不敏乃先撰經籍志其他率無所撰館亦竟罷翰林教小內侍書者衆視為具文竑獨曰此曹他日在帝左右所深賞大安得忽之乃取古奄人善惡可為法戒者時為論說諸奄喜咸稱竑先生善教皇長子出閣擇講官六人竑與焉故事講官進講罕有問者竑講畢徐曰博學審問功用惟均敷陳或有未盡惟殿下賜明問皇長子稱善然無所質難也一日竑再進曰殿下言不易發得毋諱其誤耶從來解則有誤問復何誤古人不耻下問願以為法皇長子復稱善而竟無所問竑與同列謀曰吾儕啓其端以便下問若何衆然之通講舜與竑舉措于衆舍己從人為問皇長子曰措者考也考集衆思然後舍己之短從人之長又一日舉上帝降衆若有恒性皇長子曰此無他即天命之謂性也時方十三齡答問無滯由是中外咸知睿質之美亦由竑善答之也嘗講次值群鳥飛鳴皇長子為仰視竑輒肅立報講俟皇長子歛容聽乃復講如初竑每講畢必取先朝典制及閭閻疾苦備陳之皇長子亦虛懷聽納深加獎勞他日候文華殿內侍以燈趨皇長子出驚問之曰中寒未奉旨不敢輟也竑急趨



告于張位請奏聞位欲需之明日又告于趙志率乃得請竑嘗為養正園說採古儲君事可為法戒者擬進之同列郭正域輩惡其不相聞目為賈譽竑遂止尋有疑其取他途密進者因其疏聞神宗優旨褒答同列益不悅竑既負重名性復既直於時事有所不可輒形之言論以故政府多惡之而張位尤甚會二十五年順天鄉試所司以考官名上神宗特度次用竑於是諸不獲者亦弗悅北榜發舉子曹蕃等九人文多險誕語都下遂有浮言而給事中項應祥曹大成即擬以入告大成至誅竑為莽操懿溫且及其他事竑既辨言科場故事正考閱易書二經副考閱詩春秋禮記三經今所摘多正考中允全天叙所取臣不待辨章並下所司竟黜二人永停二人會試餘悉停科俟再試竑福寧州同知房考何崇業等亦被誦而置天叙不問一時物論頗不平歲餘大計復鑄秩再調竑遂不出久之吏部屢推太僕丞尚寶少卿南京國子司業終不復起竑博極群書自經史至律官雜說無所不淹貫善為古文時海內盡宗王李竑獨不附麗所作與正馴雅卓然名家生平著述甚富有易筮禹貢解遜國忠臣錄獻徵錄滄園集等二十

種滄園者竑所自號也自未仕至家居無日不講學然以羅汝芳為宗而善取定向弟定理皆禪學也故其學亦悉入于禪其訓門人亦時以禪機相開悟頗為識者所譏萬曆四十八年年八十無疾卒熹宗時以先朝講讀恩復官贈諭德賜祭廕子南渡時追謚文端

郝敬字仲輿京山人父承健舉于鄉官肅寧知縣敬幼有異質稱神童而性跂踈不可制父既老以屬其友人李維禎及沒維禎教戒備至敬不能改後坐殺人繫獄維禎入視涕泣開諭直諸官而出之且館之于家親為督課敬始折節讀書舉萬曆十七年進士歷知縉雲永嘉二縣有能聲徵授禮科給事中乞假歸養二十六年起補戶科時用師朝鮮而餉不繼敬列上損益十事所司議行其半俄奏屯田事宜謂祖宗籌邊至計莫善屯田屯政廢而畿輔東南沿海以至大江迄北皆為稼穡之區今皆鞠為茂草頃歲大軍東征計十餘鍾不能致一石而數千里之膏腴乃任其荒蕪不治計之左也因條上十六策其說甚具時不能行山東稅監陳增貪橫為益都知縣吳宗堯所奏帝不罪敬上言開採不罷則陛下之明旨不



過為愚弄臣民之虛文奈何。當豎輩不弁髦視之乞  
先行停止。然後以宗堯所奏下。撫按勘覈。正增不法  
之罪。不聽。頃之山東巡撫尹應元亦極論增罪。帝怒  
切責。應元斥宗堯為民教。上言臣觀陛下處陳增一  
事。竊慮自今以後。宦豎之虛焰。乘天忠臣之正氣。掃  
地外廷之諫論。絕響而謔夫之利口橫生。天下事莫  
之所底。帝怒奪俸一年。并奪應元半年。帝又納千戶  
鄭一麟百戶馬承恩奏。遣中官高宗推稅京口。暨祿  
權稅儀真。教復抗。既力諫。宗堯之劾增也。增怒甚。誣  
訐其賍私詞。連青州閩府官僚。旁引商民吳時奉等  
請皆籍沒。帝輒可之。敬又上言。宗堯以強直取罪。既  
加之。董楚幽之。囹圄不啻足矣。而增復羅織不已。必  
欲籍其家。逮其妻孥。隣里族黨一何限也。律惟叛逆  
始有籍沒之法。陛下數年以來。所籍沒罪人多矣。大  
抵皆仇家之訐告。絕無佐證。奸人借以紓不平之恨。  
而使陛下蒙不美之名。臣竊痛之。今內帑之財不為  
不富。又取諸皇店。皇店不足。取諸開礦。開礦不足。取  
諸抽稅。抽稅不足。取諸鬻鹽。鬻鹽不足。取諸籍沒。古  
稱貨悖而入者。亦悖而出。又曰財聚則民散。臣愚睹  
其入則慮其所以出也。見其聚則憂其所以散也。伏

願杜告訐之路。革聚斂之風。速寢增奏。毋聽鍛鍊之  
詞。致宗堯一家之哭。更為東南萬家之慘。亦不納。敬  
居諫垣。數有論奏。而為要人所惡。謫知江陰縣。偃蹇  
不得志。投劾歸。自是杜門謝客。專務著述。五經及周  
禮儀禮論語孟子咸為之解。超然朗詣。不襲先儒成  
說。窮經者盡宗之。又著山草堂二十八種。皆談經緒  
論。自古儒者釋經之勤。未有若敬者。初官縉雲。聞湖  
州教諭鮑士龍嘗從王幾講。良知善名理。往師之。命  
吏布席明倫堂。一如童子就傅禮。其虛懷樂善如此。  
堂不設賓座。婢僕垢衣敝裙。搯作門內。未嘗知門外  
事。年四十。即卜窆。卒為死制。自作輓歌。刻柩旁。至七  
十四。擇吉日藏衣冠。鬻瓜于櫝中。荷鍤兆所。告右土  
請以今年為死年。今辰為葬辰。他時勿更擇日。誅茅  
啓坎。親屬素衣冠。奠積而封。樹焉。旁置石匣。函著書  
三伯二十四卷。以殉。至崇禎十二年。年八十二。冬日  
早起。衣冠命內外沐浴。作書別故人。乘輿出。至墓所。  
題數語。堂柱愉然而逝。  
吳桂森字叔美。無錫人。父汝倫。給事中。桂森幼有志  
行。長同顧憲成。高攀龍講學東林書院。又叔五經會  
集子姓。講習。聞同郡錢一本善易。往從之。遊盡得其



指要先是東林書院之興，屬成實主講席，憲成沒，攀龍主之。及天啓初，攀龍官于朝，挂森遂主之。己而魏忠賢亂政，殺攀龍，毀天下書院。東林遂廢。忠賢敗，挂森復建麗澤堂，來復齋，聚同志講習如初。為人孝友，好行德惠。初以歲貢生當得學官，挂森棄不就，布衣蔬食，郡邑長欲見不可得。時東林與席者率貴顯，獨挂森以書生抗其間。因自號素衣學者，稱為素衣先生。卒年六十有八。所著有周易像象述、書經說曲禮說、息齋筆記、諸書同邑許世卿字伯魚少孤，事祖及母以孝聞。舉萬曆十三年鄉試，端介不與俗浮沉。常揭安貧五戒者，事五戒于壁，有求者輒指壁示之一日所親以賄錢急來請，世卿鬻婢以應，終不犯干謁戒也。東林之會，攀龍以前輩事之，門庭落然，不容一俗客。訓其子曰：人何可不學，但口不說欺心，語身不為欺心事，出無慙友，朋入無慙妻子，方可名學人耳。里黨咸誦其言。

事母及兄以孝友聞。參政畢，自晨知其賢，造廬相訪，提學副使南居益招致試，以明體適用策，廉饒之自是始。有室年二十七矣。己師事安邑曹于林，走關中師事長安馮從吾。學益有聞。巡鹽御史李日宣巡按御史祝獻巡撫都御史吳牲先後禮聘講學。荐于朝，不報。崇禎八年，以歲貢生入都，尚書賀逢聖祭酒倪元璐御史路振飛交章論荐，詔許錄用。請假歸，明年卒於家。年四十九。門人私謚曰文敬先生。所著有樂天集、養心錄、諸書全。早有令譽。天啟時高攀龍與人書曰：辛子聖質也。見在己是。吳康齋等輩再進此一步大儒矣。其為名人推許如此。後劉宗周評全則曰：復元之儒儒而偽者也。蓋譏其近名云。顧大韶字仲恭，常熟人。太常卿雲程子也。與元大章學生。大章仕於朝，以忤魏忠賢致死。而大韶老于諸生，通經史百家及內典，于詩禮尤精。其論詩謂當以毛傳為主，毛必不可通。然後用鄭，鄭必不可通。然後用朱。毛鄭朱皆不可通。然後網羅衆說而斷以己意。其論禮記謂宋以前惟知鄭注，孔疏自宣和有好奇古之主。于是三代器物雜出于墟墓之間。學者得以證漢儒之謬，而陳氏集說出焉。朱有集說學者之患在



于疑而不能明既有集說學者之患又在于明而不能疑不可不深維而自得也于儀禮周官亦多所發明他如辨五帝世繫辨李綱五本經正蘇洵太玄論駁蘇轍洪範五事說縱橫浩瀚不下數萬言于近代諸儒少許可獨推卓爾康十五國風論以為通儒爾康勤大韶著書答曰春秋以前作者之事倍矣雖有聖人但述而不作宋元以來述者之事倍矣雖有志士但當誦而不述爾康無以難也監司馮元颺行部至造門修謁請所著書亦以斯言謝焉晚語友人吾欲取十三經諸子墜言滯義標舉數則勒成一書竊比程大昌演繁露王應麟困學紀聞庶有以附友人易箒前始繕寫所箋詩禮莊子付之其子世所傳炳燭齋隨筆是也大韶自負才高傑然有志當世棄晚病廢志意約結不得施好為文章以自慰諭同邑程嘉燧以李文饒擬之

卓爾康字去病仁和人萬曆四十年舉于鄉本生母卒終喪三年初授祥符教諭入為國子學錄歷兵部司務南京刑部員外郎工部郎中坐事貶常州府簡較量移大同推官遷兩淮運司判官罷歸賊陷京師年已七十五悲憤遺病卒爾康為人孤峭介特憤時

俗重進士科學自洒濯所至不屑浮沉尤究心經濟神宗時河決山東爾康遠下第還南京急遣使覈糧往視儕輩咸目笑之舟車南北每迂道沿泖訪問河淮分合形勢作河渠議十篇他若禮樂郊廟財賦轉運錢法官制各有成書其於兵事尤善人初以為迂及官大同慮象昇方為總督重爾康將吏謁見畢輒延入後堂揖使上坐咨兵事爾康謝不敏則隅坐抗談漏下乃已象昇用其策奏効為多其于學無所不該而尤邃于經術所著易說五十卷詩學四十卷春秋辨義四十卷談經者尚之文震孟進講春秋將錄其書以獻會去官不果其他詩文又二十卷同時鄭光弼字右君慈谿人受學族人一蘭一蘭受之同邑顏鯨鯨受之山陰王畿遠有端緒故光弼深于性命之學萬曆時以歲貢生為餘杭訓導性方介疾惡兩生員俊才而多穢行長吏優假不問光弼至坐明倫堂聲其罪而杖之一邑震動終光弼任無敢佻達者遷安吉州學正督學使者謁文廟日旰不至諸生候久饑疲甚光弼曰謁廟而不夙駕是慢先師也諸生第歸即有謹吾自當之諸生退而督學至問諸生安在光弼曰日云莫矣諸生散矣為非行禮文廟之時



也侃侃廷辨不屈督學大怒杖之十遂解印辭官後為太平府教授而前是餘抗兩生已成進士遂囑所私勅罷之光弼經學深醇著有易釋孝經義彙永孝編孔廟禮樂考諸書其散軼者尚多卒于崇禎末年七十餘

黃淳耀字蘊生嘉定縣人生而穎朗甫就塾輒篝燈夜誦父母憐其弱尼之則伺人定後更從鄰舍乞火端坐默識年十七為諸生試輒冠其曹時科舉文浮靡淫麗深疾之乃原本經術一出以深醇典雅遂名噪海內場屋士無不奉為楷模性寧靜惡一時名士爭務聲利獨澹漠自甘不事微逐以崇禎十五年舉于鄉明年秋第進士名益高時方行館選奔競若鶩獨捷戶晏居耻不肯預既歸益耽研經籍緼袍糲食蕭然一室不知世有紛華事已而京師陷福王立于南都諸進士悉授官淳耀獨不赴選及南都亡淳耀與里人侯峒曾據邑城自守已而力不支乃携弟淵耀入僧舍將自盡僧曰公未服官可無死淳耀曰是何言歟城亡與亡豈以出處貳其心哉乃索筆書曰弘光元年七月廿四日進士黃淳耀自裁于城西僧舍嗚呼進不能宣力王朝退不能繫身自隱讀書寡

益學道無成耿耿不昧此心而已遂與淵耀相對繼死年四十有一越七日屍猶不腐時益異之淳耀弱冠即著自監錄知通錄有志聖賢之學後為日曆書之所為夜必書之九語言得失念慮純潔無不備識用自省改晚而克養和粹造詣益深所作詩古文亦悉軌于先正卓然名家有陶菴集十五卷其門人私謚之曰貞文淵耀字偉恭諸生好學毅行如其死其死也人尤賢之

朱朝英字美之浙江海寧人也生而沉潜好古力學舉崇禎十三年進士除旌德知縣明年以外艱歸尋遭國變遂隱居息交務以窮經為事初障浦黃道周精易象曆數之學以授時曆分配三百八十四爻驗古今治亂詞旨深奧諸弟子咸莫能通朝瑛受業其門獨能通之已遂編釋五經多破前儒成說名之曰五經畧記所與辨質惟同邑張次仲敵蘆蕭然不見喜愠年六十六而卒次仲字元崧八歲母疾割股而愈已而上官欲奏旌謝曰童子何知思之尚有餘愧可復以此為名耶舉天啓元年鄉試久之不第亦不求仕既遭喪亂益奮力經術于詩易二經並有著述其持論間與朝瑛殊然歸趣一也卒年八十有八



岳薦字西來山陽人叅政鍾秀從子也生而端凝如成人稍長肆力經史百家尤好洛閩之學反身實踐造詣篤實性至孝左右就養務悅親心值歲饑已食糠藁而父母甘旨未嘗缺沒則哀毀骨立至成羸疾有庶弟甫生其母暴卒適薦亦生女令婦棄女而乳其弟弟患瘍曉夜啼不止夫婦更相懷抱遂俱染瘍至滯血淋漓其婦亦無怨色里中劉昌言重其人延為二子師曰岳先生非徒經師乃人師也是時天下

別苟學焉得其所迹即具體而微俱不失為聖賢之徒矣譬之半銖亦金一勺亦海等類而並觀寧云殊異乎獨是見地有淺深功候有疎密出入離合之介亦不無毫厘之或差則擇之精而辨之嚴又在於後之善學者矣

多故薦究心經世之務及遭喪亂遂棄諸生屏居田里益務齋晦持身嚴重不苟嘗笑燕居危坐若對神明雖盛暑衣冠不去休其接人則務為和易海濱實子弟諄切不倦終身未嘗去書而不喜著述間發為歌詩或辨論古人動輒數百千言然不以示人有勸著書者曰古今作者多矣其可傳者能幾人人顧自字何如耳鄉人莫不重其行稱為西來先生卒年五十一

論曰學者講究功夫為說甚夥要之賦畀之始本體完足無有欠餘所謂人受天地之中也諸儒厲志聖學畢生矻矻雖未皆大行得志分量充滿然性天已定亦豈以窮達為加損哉况乎資稟弗侔造詣亦各



明史卷三百八十六

文苑傳

文苑一

文也者道之可見者也故非窮理不為功理明而氣  
斯舉焉即聲光出焉匪是則弗文也明也興也蓋彬  
彬乎有其文矣洪永而後下逮正嘉作者無慮數百  
氏其體非一其格亦屢更大都指授所歸具有端緒  
理必衷於正氣必澤於醇所謂近道之文居多也隆  
萬而降乃大變矣理則詭而弗經也氣則靡而弗振  
也體日雜而格日陋古文之道於是乎絕矣雖運會  
所乘愈趨于下抑亦當時作者之咎也今簡其尤著  
者臚列而疏校之可以觀文風矣亦可以規世道矣  
胡翰字仲申金華人自幼聰穎異常兒七歲時道拾  
遺金坐守其人而還之長從蘭谿吳師道游博習經  
史已從浦江吳萊學古文復登同邑許謙之門學益  
邃時同郡黃潛柳貫以文章名天下見翰文稱之不  
容口遊元都公卿交譽之與武威余闕宣城貢師泰  
允契合或勸之仕不應既歸遭天下大亂避地南華  
山著書自適太祖下金華召見命與許元等會食中  
書省後侍臣復有薦翰者召至金陵時方籍金華民  
為兵從容進曰金華人多業儒鮮習兵籍之徒糜餉

耳太祖即罷之授衢州教授洪武初聘修元史書成  
受費歸愛北山泉石卜築其下徜徉十數年而終年  
七十有五所著有春秋集義文曰胡仲子集詩曰長  
山先生集

蘇伯衡字平仲金華人宋門下侍郎轍之裔也父友  
龍受業許謙之門嘗為吏于閩浙歷蕭山令行省都  
事並有樹立明師下浙東坐長子任閩謫徙滁州李  
善長奏官之力辭歸伯衡警敏絕倫博洽群籍為古  
文有聲元末嘗貢于鄉明太祖置禮賢館伯衡與馬  
歲丙午用為國子學錄遷學正居國學五年多所造  
就有薦于太祖者即日召見擢翰林編修力辭老曠  
不就已而吏部欲別用伯衡念遠親日久乞省親歸  
洪武十年學士宋濂致仕太祖問誰可代者濂對曰  
伯衡臣鄉人學博行修文詞蔚瞻有法要不可以微  
疾廢太祖即徵之既見擬授官復以舊疾辭賜衣鈔  
而還二十一年聘主會試事竣復辭還尋為處州教  
授坐表箋誤下吏死二子怙怙救父并被刑伯衡淳  
樸寡欲年四十得婚平居正襟凝思凡寒暑風雨利  
欲紛華皆莫之知故能畢精義理發為文章弘博醇  
茂為世名家



王冕字元章諸暨人也幼貧父使牧牛竊入學舍聽諸生誦書輒能記憶暮歸忘其牛人有牽牛責蹊田者父怒撻之已而復然母曰兒癡如此曷不聽其所為冕因去依僧寺夜出坐佛膝上執筆映長明燈朗誦達旦會稽韓性聞而異之錄為弟子遂稱通儒性率門人事冕如事性著作即李孝光欲薦為府史謝曰吾有田可耕有書可讀安能晨夕抱案立庭下俯奴使哉居小樓上不輕見人有使者行郡坐馬上求見拒之去去不數武輒倚樓長嘯使者聞之大慚屢應舉不中歎曰此童子為者吾可溺是哉遂棄去北將江淮抵燕都客秘書卿秦不花家擬以館職薦力辭曰公誠癡人不十年此中狐兔將兵何以仕為既歸每大言天下將亂時海內無事成斥為狂笑曰戎不為狂誰當狂者携妻孥隱九里山樹梅千株桃李半之自號梅花屋主嘗做周官著書一卷秘不示人夜深輒挑燈朗誦既而撫卷曰吾未即死持此以遇明主伊呂事業不難致也當風月佳時探韻賦詩千百年不休善畫梅求者踵至以幅長短為得米之差人以方楊補之笑曰吾藉以自給豈求名耶已而天下兵起果如其言明太祖下婺州將攻越物色得

之置幕府授諮議參軍一夕病卒冕負為才能詩文有志用世既遇明主而不獲一試論者惜之同時郭奎錫炳皆早參戎幕亦以詩名奎字子章棗縣人從余闕學治經闕亟稱之世亂飄零湖海太祖為吳國公仗劍來歸從事幕府歲辛丑朱文正開大都督府于南昌命奎參其軍事居五年文正得罪奎亦坐誅炳字彥昂鄱陽人至正中以義旅從軍于浙太祖起兵淮南獻書言事用為中書典籤洪武初從事大都督府居三年出為知縣閩兩考以病告歸久之卒炳早工詩律危素宋濂叙之謂兼謝康樂岑嘉州韋蘇州之長楊維禎亦愛其兼工諸體特加評點其為名人推許如此

戴良字叔能浦江人生有異質嗜讀書經史百家暨醫卜釋老之說無不綜貫初習科舉業已棄去學古文于黃潛柳貫吳來入其間與貫卒經紀其家心喪三年余闕持節過婺與良論詩大稱善畫以所聞于師者授之良詩由是益進歲戊戌十二月太祖定金華良入謁語及時事太祖大悅命與胡翰等十二人會會省中日翰二人講經史陳治道明年正月用良為學正與宋濂葉儀華訓迪諸生太祖既旋師良忽



棄官逸去歲辛丑元主用薦授良江北行省儒學提舉而時事已不可為乃避地吳中依張士誠久之見士誠將敗挈家泛海抵登萊欲間行歸擴廓軍道梗不得達寓昌樂數年訪求齊魯間豪傑奮欲有為而卒無所遇至洪武六年天下大定始南還變姓名隱四明山太祖遣使物色得之十五年召至京師試以文命居會同館太官日給膳飲官之良以老疾固辭忤旨待罪明年四月暴卒蓋自裁也有文集三十卷蘇伯衡贊其像曰其跋涉道遠也類子房之報韓其傍隍山澤也猶正則之自放蓋良於元世後不忘故主每形于歌詩而太祖終以前事為嫌故卒不獲其死云同時有王逢者字原吉江陰人至正中作河清頌臺臣薦之稱疾辭張士誠據吳其弟士德用逢策北降于元以拒明太祖士德欲辟用之堅卧不起隱居上海之烏溼歌咏自適洪武十五年以文學徵有司敦迫上道時予掖為通事司令以父年高叩頭泣請乃命吏部符止之又六年卒年七十有梧溪詩集七卷逢長于仕身未嘗仕元而欲為元遺民於明太祖多所指斥其戊申歲詩可謂月明山怨鶴天黑道橫蛇正洪武改元之歲也其狂詩無忌憚如此

徐一夔字大章天台人工屬文典義烏王禕友善洪武二年八月詔纂修禮書一夔及儒士梁寅周子諒胡行簡劉宗弼董彞蔡深滕公瑛並與焉明年書成將續修元史律方為總裁官以一夔薦一夔遺書曰邇者縣吏傳命言朝廷以續修元史見徵且云執事謂僕善叙事薦之當路私心竊怪執事何憊憊于不材多病之人也僕素謂執事知我今日審終不能副執事之望何也近世論史者莫過于日曆日曆者史之根柢也自唐長壽中史官姚璿奏請撰時政記元和中韋執誼又奏撰日曆日曆以事繫日以日繫月以月繫年猶有春秋遺意至于起居注之設亦專以甲子起例蓋記事之法無踰此也往宋極重史事日曆之修諸司必闕白如詔誥則三省必書兵機邊務則樞司必報百官之進退刑賞之予奪臺諫之論列給舍之繳收經筵之論答臣僚之轉對侍從之五前啓事中外之囊封函奏下至錢穀甲兵獄訟造作凡有闕政禮者無不隨日以錄日曆所以不可忽也然猶患其出于吏牘或有訛失故歐陽修奏請宰相監修者于歲終檢點修撰官日所錄事有失職者罰之如此則日曆不至訛失他時會要之修取于此實錄



之修取于此百年之後紀志列傳取于此此宋氏之史所以為精確也前元則不然不置日曆不置起居注獨中書置時政科遣一文學掾掌之以事付史館及一帝崩則國史院據所付修實錄而已其于史事固甚疎略幸而天曆間虞集做六典法纂經世大典一代典章文物粗備是以前局之史既有十三朝實錄又有此書可以參稽而一時纂修諸公如胡仲申陶中<sub>立</sub>趙伯友趙子常徐大年輩皆有史才文學歷而成書至若順帝二十六年之事既無實錄可據又無參稽之書惟憑採訪以足成之竊恐事未必盡也言未必馴也首尾未必穿貫也而向之數公或受官或還山復各散去乃欲不材多病如僕者承乏于後僕雖欲仰副執事之望曷以哉舟至嘉興驛足疾大作不能前謹奉狀左右乞賜矜察一獲遂不至未幾用薦署杭州教授召修大明日曆書成將授翰林院官又以足疾辭賜文綺遠還一獲遂于經術所作文率根極理要宋濂亟稱之

夕與客置酒賦詩其中四方文學士若河東張肅會稽楊維禎天台柯九思永嘉李孝光方外士若張伯雨于彥成琦元璞華威主其家其園池亭榭之盛圖史之富暨饗館聲伎並冠絕一時而德輝才情妙虎與諸名士亦畧相當風流文采照映江左嘗舉茂才授會稽教諭辟行省屬官皆不就張士誠據吳欲強以官去隱于嘉興之合溪吳以子元臣為元水軍副都護<sub>不</sub>封德輝武畧將軍飛騎尉錢塘縣男母喪歸緇漢士誠再辟之遂斷髮廬墓自號金粟道人及吳平父子並徙濠梁以洪武二年卒所著詩曰玉山璞篆刻交遊詩自楊維禎而下四十餘家曰卮堂雅集並傳于世

貝璣字廷臣宗德人性坦率不事違拂而篤志好學博通經史百家言善屬文年四十八始領鄉薦張士誠據平江屢徵不就洪武初被薦聘修元史既成受賜歸六年以儒士舉至京師除國子助教太祖嘗坐奉天殿召璣及諸助教趙做錢宰鄭濤等諭曰汝一以孔子所定書訓課諸生若蘇秦張儀由戰國尚詐故得行其說快勿以為教璣等頓首受命嘗慨古樂不作為大韶賦以見志宋濂之為司業也建議立四



學並祀舜禹湯文為先聖太祖既絀其說瓊復為釋  
奠解馭之識者多是瓊議九年以本官改中都國子  
監教勳臣子弟瓊學行素優雖將校武夫皆知禮重  
十一年致仕歸踰年卒有清江集二十卷傳于世  
烏斯道字繼善慈谿人年十八喪父家貧與兄本良  
自相師友窮經學古並為州里所推聞邑人趙借講  
鄉先達楊慈湖之學兄弟往相辨析務究明本心充  
然有得及東南兵起斯道為邑令陳文昭畫策團練  
邑類以安方谷真開府慶元者進者競趨之斯道獨  
起然自遠洪武五年用廷臣薦授石龍知縣考滿入  
覲調知永新有惠政以疾去官士民為立生祠尋以  
事調役定遠居二年故還久之卒斯道工詩古文兼  
善小楷行草及琴棋諸藝有秋吟稿春州齋集行世  
子熙字緝之亦善詩文同鄉鄭駒字千里弟真字千  
之鄭人駒持身修潔為文章溫潤縝密明初聘授郡  
庠訓導遷義烏教諭東道淑人為宋濂所重真研窮  
六籍尤長于春秋洪武四年舉鄉試第一授臨淮教  
諭秩滿入見太祖錫之宴命賦菊綻秋風露脂楓葉  
詩稱旨除廣信教授自號榮陽外史有雜著詩文六  
十卷

唐肅字處敬越州山陰人也通經史兼習陰陽醫卜  
書數之學發為古文簡潔雅興律詩法感唐樂府古  
詩法漢魏至正壬寅奉鄉試以道梗不獲上春官時  
越州隸張士誠肅仕為杭州黃岡書院山長遷嘉興  
路儒學正明師克士誠倒起赴京尋以父喪還洪武  
三年用近臣薦召修禮樂書權應奉翰林文字其秋  
科舉行為分考官尋扈從皇太子謁英陵拜襲衣之  
賜明幣以疾失朝忝例免官歸里六年復謫佃濠梁  
踰年卒年四十四有文集十卷肅或有文名坐徵故  
遷謫以死士類莫不痛之于之淳字愚士幼侍父歷  
游賢士大夫間為宋濂輩所稱許甫弱冠已有琴于  
時為文蔚瞻有俊氣尤工于詩當道屢欲薦引輒謝  
不就國公李景隆聘為子師征行四方悉與之俱  
由是得歷覽諸邊形勝詩益超絕建文二年詔詞臣  
集經史中事為一書考鏡治亂方孝孺以之淳薦帝  
雅知其名即召見賜冠帶推翰林侍讀與孝孺共領  
修書事日以前漢書進讀明年卒于官所著有萍居  
稿文斷諸書同郡謝肅字原功上虞人少與唐肅齊  
名稱會稽二肅博學負氣宣城貢師泰以戶部尚書  
轉東閣海肅日執經辨論深為師泰所器張士誠據



平江肅慨然欲見奇自幼師恭為文深戒之然卒無所遇師恭卒于海軍肅為經紀其喪士誠既城始歸隱故里洪武十九年舉明經歷官福建按察僉事與按察使陶厚仲共劾布政使薛大方寘之法出按漳泉有虎患移文境內之神患遂息坐事被逮太祖御文華殿親鞫之肅大呼曰文華非拷掠之地天子非問刑之官請下法司乃下之吏獄吏以土囊壓殺之有案

卷

趙堯字伯友新喻人也好學工屬文元至正中舉于鄉為上猶教諭洪武二年太祖將修元史諭廷臣曰近克元都得其十三朝寶錄國雖亡事當記載况史識成敗示勸懲不可廢也乃命左丞相李善長為監修官注宋濂漳州府通判王禕為總裁官徵山林道逸之士汪克寬胡翰宋信陶凱陳基曹魯高啓趙汭張文海徐尊生黃麓傅恕王銜傅著謝徽為纂修官而堯與馬以是年二月開局天界寺取元經世大典諸書用資參考至八月書成諸儒並賜齎遣歸而順帝一朝史猶未備乃命儒士歐陽佑等往北平採其遺事明年二月還朝詔重開史局仍以宋濂王禕為總裁徵四方文學士十四人為纂修而堯復與

馬十四人者堯及朱右貝瓊朱廉王彞張孟兼高遜志李懋李汶張宣張簡杜寅殷弼俞寅也先後纂修三十人兩局並與者堯一人而已閏六月書成諸儒多授官惟堯及朱右朱廉不受歸尋召修小曆授翰林編修高麗遣使朝貢賜宴樂作使者以國喪辭堯進曰小國之喪不廢大國之禮太祖甚悅命與宋濂同職史館濂兄事之嘗奉詔撰甘露頌太祖稱善出為績川主府長史卒始與堯同纂修者汪克寬陶凱曹魯高啓趙汭貝瓊張孟兼高遜志並有傳今自宋傳以下附著于篇

宋信字無逸餘姚人敏悟絕倫元時中乙榜授繁昌教諭遭亂歸史事既竣被命典試福建鄉試為文績察有度詩亦清遠有文集行世

陳基字敬初臨海人少與其兄聚受業于義烏黃潛從潛遊京師授經筵簡討嘗為人州諫章力陳元主並后之失元主怒欲罪之引避歸里已奉母入吳教授自給江南用兵元開行樞密院起基為都事轉江浙行省中丞張士信軍事自杭赴吳復參太尉張士誠軍事士誠稱王基獨諫止士誠欲殺之不果已而趨授內史遷學士吳平召修元史賜金而還洪武



三年冬卒于常熟旅舍初士誠與太祖相持基在其幕府飛書走檄語多指斥及吳亡吳臣多見誅基獨獲免世所傳夷白集其指斥之文猶併列云

張文海鄞人與同里傅恕並入史館有詩集行世少師李東陽學士程敏政稱其精于樂府云

徐尊生字大年淳安人七歲能詩十五淹貫百家元史成受賜歸復同修日曆後宋濂乞致仕太祖問誰可代者濂以尊生對乃授翰林應奉文字草制悉稱旨尋以老疾辭還所著有春秋論一卷制誥二卷懷歸還鄉諸集二十卷

傅恕字如心鄞人學通經史洪武二年詣闕陳治道十二策曰正朝廷重守令馭外蕃增祿秩均民田更役法懲異端易服制興學校慎選舉罷權鹽停權茶太祖嘉納之時方修元史命恕典馬事竣授博野知縣政以躬行為先孳孳撫字有古循良風後坐累死謝蕝字元懋長洲人既修元史授翰林國史院編修尋擢吏部郎中力辭不拜歸後起國子助教卒蕝博學工詩文與同邑高啓齊名有蘭庭集弟茶字元功亦能詩有蕙庭集

朱右字伯賢臨海人為文章淵淪深博元末屢舉不

就洪武初宋濂薦修元史史成辭歸已徵修日曆賢到授翰林編修遷晉府右長史九年卒官右好著述有春秋類編三史鈞玄秦漢文衡深衣考誤歷代統紀要覽元史補遺及白雲稿十二卷

朱廉字伯清義烏人幼勵志力學淹通經傳長從黃潛學古文遂以文章名知府王宗顯辟為郡學師李文忠鎮嚴州尤加禮敬延為鈞臺書院山長洪武初元史成不受官歸尋徵修日曆除翰林編修八年扈駕中都進詩十章太祖稱善為和六章賜之已而授楚王經選楚府右長史久之辭疾歸廉好程朱之學嘗取朱子語類摘其精義名曰理學纂言為文謹嚴精密有集十七卷

王彝字常宗其先蜀人父為崑山教授遂卜居嘉定少孤貧讀書天台山中師事王貞文得蘭谿全文安之傳其學遠有端緒常著論力詆楊維禎目為文妖洪武初以布衣召修元史賜銀幣還又薦入翰林以母老乞歸七年坐知府魏觀事與高啓俱被殺所著有三近齋集

李汶字宗茂雷塗人博學多才徵修元史除巴東知縣移南和並有善政晚年歸里以經學啓迪後進



張宣字藻仲江陰人早負才名洪武初以考禮被徵尋預修元史太祖親書其名召對殿廷即日授翰林編修呼為張家小秀才奉詔歸娶年已三十矣六年坐事謫徙濠梁道卒臨終作詩辭父有出世再當為父子此心終不隔幽明句聞者哀之

張簡字仲簡吳縣人也初師張伯雨為道士隱居鴻山元季兵亂以母老歸養遂返儒服洪武三年薦修元史為詩淡雅有陶韋風翰墨亦為人所重當元之季浙東西風物繁華士大夫以文墨相尚每歲必聯詩社聘一二文章鉅公若楊維禎華主之四方名士畢至燕賞流連窮日彌夜詩勝者輒有厚贈臨川饒介為元淮南行省參政居吳中風流好客豪于詩自號醉樵嘗大集諸名士賦醉樵歌簡詩第一贈黃金一餅高啓次之得白金三勛楊基又次之猶贈一鎰一時文會之盛唐宋以來未有也

杜寅字彥正吳縣人與修元史歷官岐寧衛知事洪武八年番賊既降復叛寅與經歷熊鼎俱被害張孟兼浦江人也名丁以字行有俊才而性矜傲不肯下人洪武三年被薦召修元順帝史其秋考成授國子學錄歷禮部主事太常司丞孟兼雅自負能文

叔視儕輩而是時誠意伯劉基以文章有重名未嘗輕許人頗獨喜稱孟堅嘗從容為太祖言今天下文章宋濂第一其次即臣基又次即孟兼其餘臣不知也太祖頷之孟兼為基所稱愈自負然竟無殊擢嘗坐累謫輸作已赦出復官自言于宋濂求薦濂亦才孟兼擬薦之一日太祖欲用趙僧願證問濂嘗見其文否時願證方貽書孟兼論性命濂因言孟兼所有其文太祖悅命濂召孟兼以願證文進太祖閱畢顧孟兼謂濂曰卿門人耶濂對非門人乃邑子也其為文有才臣劉基常稱之太祖熟視孟兼曰生骨相薄仕宦徐徐乃可耳未幾用為山西按察僉事孟兼素廉勁疾惡至是糾摘奸猾令相牽引每事輒株連數十人吏民間張僉事行部凜然墮膽聲聞于朝擢別使移山東布政使吳印者故鍾山寺主僧也太祖驟責之寵眷甚印以見知天子頗自簡責孟兼自負其能以印新進且僧也易之印獨孟兼由中門入孟兼謂己憲司不當入中門乃守卒于杖朔望謁先聖諸生進講孟兼故以語侵印印固已不能堪會有他事孟兼謂印逮制誦箴其僚吏且欲上聞僚吏大怖勸印先發太祖入印言立逮孟兼答之令還任孟兼既



被辱愈憤，即捕為印書奏者，欲論以罪，印復上書言狀，請去位以避孟兼。于是太祖大怒曰：「豈儒敢與我抗耶哉！」今先與爾抗械，孟兼至闕下，嚴詰之，命衛士捽髮交毆，垂死乃棄市。報印曰：「吾除爾害矣，善為之。」孟兼以才傲人，終以傲取禍。士類頗惜之。願證者會稽人李姓，與同邑正傳，並為僧而皆好儒學。善古文，太祖既知願證，一日御武樓，賜宋濂坐，從容問曰：「天下雖定，朕猶垂意宿學之士，卿可舉其人。」濂對曰：「會稽僧正傳者，學有淵源，為文雄贍，新麗而根柢六經，要不可以方外棄也。」日太祖索視其文，濂以文進，太祖稱善，立召見，謹身殿與願證並擢應奉翰林文字。且令長髮，母遽出，賜願證名證，正傳名傳，並復故姓。居數月，證卒，傳尋遷考功監丞。大蒙帝眷，是歲洪武七年也。傳本郭姓，字文遠，後併王家，華克勤，入胡惟庸第，觀巫，惟庸誅三人，并坐死。克勤亦濶流，起家為山西布政使者也。

松江自給，浙帥恭不華，南臺御史且璠舉為行人，又辟為教官，皆不就。張士誠據吳，一時名士多舉附議，署為軍諮，亦不赴。洪武四年，詔徵天下儒士，六年命有司舉人才，又以病免。或問其故，嘆曰：「捧檄為喜，所以為親，祿不遠，養適增悲耳。况今賢良輩出，草莽之臣老死，太平幸矣。踰分之榮，其敢親乎？」晚歲有司聘為教官，非其志也。二十九年，率諸生赴禮部試，讀大誥，賜鈔歸。久之，卒。初，宗儀客松江，躬親稼穡，作勞之暇，休于樹陰，有所得，摘葉書之，貯一破盎，去則埋之。樹根如是，十年積，盎以十數。一日，令門人發而錄之，得三十卷，名曰「報耕錄」。又葺說部一百卷，著書史餘要九卷，四書傳道三卷，並傳于世。元末文人最感其時，以詞學知名者，又有張憲、周砥、高明、吳志淳、朱芾、藍仁之、屠憲、字思廉，山陰人，負才不羈，嘗走京師，放言天下事，衆駭其狂，還入富春山，混濶流，以自放。一日，升高望遠，呼所親語曰：「禍至矣，亟去三日，而冠入死者五百家，始悔不用憲言。」後仕張士誠，為其樞密院都事，吳平，變姓名，寄食杭州報國寺，以殘憲學詩于楊維禎，最為維禎所許，嘗曰：「吾門能詩者，南北凡百餘人，求其似憲及吳下表，華華不能十人。」砥字履



道吳人倫居無錫博學工文詞與宜興馬治善連龍  
往客治鄉治為具舟車盡窮陽羨山溪之勝其鄉多  
富人與治善者咸置酒招砥砥心厭之一日貽書別  
治夜半遁去歸吳與高峇楊基諸人游書畫並工已  
又去游會稽致于兵治字孝常亦能詩洪武時為內  
丘知縣終建昌知府明字則誠永嘉人第至正五年  
進士授處州錄事辟行省椽方谷真叛省臣以明請  
海濱事擇以自從與論事不合及谷真就撫欲留置  
幕下即日解官旅寓郵之標社明太祖聞其名召之  
以老疾辭還卒于家明善詩文所撰琵琶記盛為詞  
家所推志淳字圭一無為州人工草隸優于文學以  
歷歷請安都昌二縣主簿淮南兵起徙家郵之東湖  
省臣奏除待制為權倖所阻入明遂不仕第字孟辨  
莘字人從楊維禎游才思飄逸千言立就精于篆隸  
嘗以所作篆書瘞之細林山中名曰篆塚一時名士  
多為作歌洪武初徵授翰林編修改中書舍人仁字  
靜之弟智字明之崇安人元時清江杜本隱居武夷  
崇尚古學仁兄弟俱往師之授以四明任士林詩法  
遂謝科舉一意为詩後辟武夷書院山長遷邵武尉  
不赴國初內附創徙濠梁數月放歸以老壽終有藍

山集四卷智洪武十年被薦起家廣西按察僉事著  
廉聲有藍澗集

丁鶴年回回人也曾祖阿老丁與弟烏馬兒分巨商  
元世祖征西域軍之糧杖策軍門盡以貲獻遂令從  
征徇下西北諸國及論功以年老不願仕乃賜田宅  
京師奉朝請而烏馬兒累官甘肅行省左丞父職馬  
祿丁以世廢為武昌縣連魯花亦有惠政解官後歸  
塋其地至正壬辰武昌被兵鶴年年十八奉母走鎮  
東沒鹽酪不入口者五年復避地四明方谷真據浙  
東最忌色目人丁鶴年轉徙避匿為童子師或寄居  
僧舍賣漿自給越十載海內大定告牒還武昌而卒  
母以道阻前死瘞東邸廢宅中慟哭行求母告以夢  
乃嚙血沁骨歎而塋焉烏斯道為作丁孝子傳鶴年  
自以家世仕元不忘故國順帝北遁後飲泣賦詩情  
胡悽惻晚歲學浮屠法廬居父墓以永樂中卒鶴年  
有至行而好學洽聞精于詩律楚昭莊二王咸禮敬  
之正統中憲王刻其遺文行世同時元臣不事二姓  
者有李祁張呈祁字一初茶陵人好學善詩文元統  
元年以左榜第二人授應奉翰林文字母老乞就養  
江南改婺源州同知遷江浙副提舉母憂解職隱居



永新山中明師下永新初被傷優卧道左總制余茂  
達人昇歸避正舍禮之太祖下詔徵辟力辭不就卒  
年七十餘茂為刻其文集十卷少師東陽其五世孫  
也置字光弼廬陵人早游湖海為虞集張翥所知至  
正中江浙行省楊左丞辟參軍事遷左右司員外郎  
行樞密院判官天下用兵藩省多怙勢侵牟呈獨詩  
酒自娛超然物表左丞死遂棄官不出張士誠據平  
江欲招致之辭不赴寓居西湖謂友人曰我死埋骨  
湖上題曰詩人張員外墓足矣太祖徵至京深見溫  
摯憫其老曰可聞矣厚賜遣還因自號可聞老人年  
八十三而卒有詩集行世

袁凱字景文松江華亭人也元末為府吏博學有才  
辨居衆中議論發往往屈其座人洪武三年薦授  
監察御史時武臣頗恃功驕縱得罪者漸衆其年十  
月凱上言諸將曉習兵事恐未悉君臣禮請于都督  
府延致通今舉古之士令諸臣早朝後赴都堂聽講  
經史庶忠君愛國之心保族全身之道油然而生至  
于老成宿將或罹過誤宜加矜恕養廉恥收他日驅  
策之効帝納其言始勅省臺延名士直午門為諸將  
說書後帝慮因罪命凱送皇太子獲訊太子多所矜

減凱還報帝問朕與太子孰是凱頓首言陛下法之  
正東宮心之慈帝以凱老精心持兩端却之凱懼托  
瘋疾告歸既而帝遣人密謂之以保狂得免凱上詩  
有盛名性好恢復諧既歸自號海叟每竹戴烏巾倒騎  
黑牛游行九峯間好事者慕之至繪為圖竟以壽終  
初凱在楊維禎座客出所賦白燕詩維禎頗嘉之凱  
微笑因別作一篇以獻維禎大驚賞偏示坐客凱名  
由是起人呼之曰袁白燕

高啓字季迪長洲人博學無不覽尤工于詩家居北  
郭與王行此鄰其後徐賁高其志唐肅宗克余克臣  
張羽呂敏陳則咸來栖止號為北郭十友又以能詩  
號十才子張士誠據吳名士譽集啓獨依外家居吳  
淞江之青丘歌詠自適饒介之丁仲容素以詩自豪  
凡啓詩驚異招致之禮為上客啓謝去仍隱青丘自  
號青丘子詩日益富洪武初被薦偕同縣謝徽召修  
元史並授翰林院國史編修官復命教授諸王三年  
秋帝御闕樓啓與徽俱入對擢啓戶部右侍郎徽吏  
部郎中啓自陳年少不敢當重任徽亦固辭乃見許  
已並賜白金放還初啓在翰林受知于徐酒魏觀等  
賦詩薄有諷刺帝微聞而嘆之未發也及觀來知蘇



州啓方居青丘授書自給觀為移其家入郡旦夕延見甚歡七年觀以改修府治獲譴帝見啓所作上梁文因發怒腰斬于市年三十有九明初吳下多詩人啓尤起軼與楊基張羽徐賁並稱四傑蓋以高楊張徐配唐之王楊盧駱云

楊基字孟載其先蜀嘉州人祖宦遊江左基生吳中遊家馬穎敏絕人九歲能背誦六經著書十萬餘言名曰論鑿試禮部不利會天下亂歸隱吳之赤山張士誠辟為丞相府記室未幾辭去客饒介所明師下平江基以饒氏客安置臨濠旋徙河南洪武二年放歸尋起為滎陽知縣滿居鍾離被薦為江西行省幕官以省臣得罪落職六年又起奉使湖廣召還授兵部員外郎出為山西副使進按察使被讒奪官歸翰作竟卒于工所基工詩初會稽楊維禎客吳中以詩自豪基嘗于座上賦鐵笛歌維禎驚喜與俱來語其從遊者曰吾在吳又得一鐵來矣若曹就之學優于老鐵學也著有眉卷集

張羽字來儀後以字行更字附鳳本潯陽人從父宦游江浙兵阻不獲歸與友徐賁約卜居吳興領鄉薦為安定書院山長再徙于吳與高啓楊基輩為詩友

洪武四年徵至京師應對不稱旨徵還再徵授太常司丞太祖重其文十六年自述滁陽王事命羽撰廟碑辱坐事竄嶺南未半道召還羽自知不免投龍江以死羽博學好古為文章精潔有法尤長于詩作畫師小米有靜居集

徐賁字幼文其先蜀人徙常州再徙平江工詩善畫山水張士誠開府于吳辟為屬未幾謝去復徙湖州之蜀山及吳平以張氏客滿徙臨濠洪武七年被薦至京九年春奉使者翼有所廉訪暨還檢其案惟紀行詩數首他無所費太祖悅授給事中改御史巡按廣東又改刑部主事遷廣西參議以政績卓異擢河南左布政使大軍征洮岷道其境內坐犒勞不時徵下獄竟瘦死所著詩曰北郭集

王行字止仲吳縣人幼穎敏家貧隨父依賈藥徐翁家徐媪老好聽禪官小說行日記數本為媪誦之媪喜言于翁翁授以論語明日悉能成誦翁大異之俾盡讀家所有書遂淹貫經史百家言未弱冠謝去授徒蘇門名大起一時名士咸願與交行議論陣厲據今古常屈其座人臨川饒介居吳自號醉樵為之詩歌者甚衆獨難于一文行曰是非莊騷家言莫勝



其形容即席為說不加點竅介大喜即得既薦之會天下多故未及用富人沈萬三延之家塾每文成酬白金以鎰計行報魔去曰使富而可守則煤礮之慘不及矣洪武初有司延為學校師時訓導無祿猶儒生衣中諸生多執務予心易之取五經迭相詰難行酬答無滯乃始折服郡守魏觀王觀咸禮重行擬薦之不果行亦謝擊官去隱于石湖四方求文者日至居久之其二子後于京行往視之京國公藍玉遂館之于家相得甚歡數薦之太祖得召見後玉被誅行父子亦坐死時二十八年三月也始吳中用兵所在多恃砲石自用行私語所知曰兵法柔能制剛若植大竹于地繫布其端砲石至布隨之低昂則人不能害而砲石無所用矣後常遇春取平江果如其法行蓋自負知兵以及于禍云始高啓有北郭十友行與宋克余堯臣呂敏陳則並與馬克字仲溫長洲人偉軀幹博涉書傳少任俠好擊劍走馬能彈下飛鳥家素饒用結客飲博盡喪其貲迨壯見天下亂思自樹功業乃謝酒徒去學兵法周流無所遇歸而家居蓋以氣節自豪賓客日至時張士誠開府吳中欲羅致之克不就將中以禍用計獲克性抗直好面折人過

與人議論期必勝然操古切令人亦莫能難久而厭之杜門染翰日費千紙遂以善書名天下時有宋廣字昌裔亦善州書遂並稱二宋洪武初克仕為鳳翔府同知卒克臣字唐卿永嘉人早以文學著客越州張士誠奏政呂珍羅致幕下與有保城之功薦列交上無意仕進洽園結茆署曰萊園已而入吳為士誠客及吳城被圍與張瑄華詩酒倡和不絕城破例從濠梁洪武二年放還授新鄭丞敏字志學無錫人元時託于方外為道士洪武初官無錫教諭十三年舉人才不知其官所終則字文慶崑山人元季慨屋授徒以工詩名吳下洪武六年舉秀才授應天府治中俄擢戶部侍郎以閩實戶口出為大同府同知進知府則文詞清麗與高啟徐賁輩並為時所稱孫作字大雅江陰人嗜學善詩文著書十二篇疏東家子詞旨弘博宋濂為作東家子傳元季兵起挈家入吳盡棄他物獨載先世遺書兩篋張士誠聞而廉祿之故以母病謝去客居松江衆為買田築室遂定居馬洪武六年聘修大明日曆授翰林編修乞外改太平府教授召為國子助教尋分教中都踰年還國學權授司業歸卒于家所著有滄螺集同時以博



學著稱者有蔣宮劉永之葉子奇啟奎宮字伯雅其州人三歲喪母哀毀如成人五歲能誦孝經論語左氏傳十歲善屬文從學陳子山子山方銳意釋經宮到諸家傳既得失以進子山異之語人曰敏悟若宮雖汝南慮世叔不足多也自是以博學聞元至正初登第以祖喪歸遭亂奉祖母避地浙中薦授行樞密院管勾銅茶明州判官攝州事明師克平江宮歸附乞放還田里不許被薦擢翰林修撰洪武元年出為蘭陽縣丞兵燹後居民存者無幾宮廣為招徠踰年獲業五十家孫吳捍志興學勸農邑人大和秋滿入朝以疾卒永之字仲修清江人既冠未知學嘗侍其媪練伯升同過婦翁翁以伯升有文譽禮之特異永之內慚歸家發憤就學朝夕不怠數年學大進為詩文清澹古雅篆隸行草亦有師承文譽更出伯升右家世素封賒貸通數郡永之泊然布素日坐一室以翰墨自娛家事一不經意非逢掖世未嘗一接言笑也所著有山陰集子奇字世傑處州龍泉人明師畧地至上書總制孫炎為龍鳳王嘗紹宋正統改紀元政炎甚禮異之用薦為已陵主簿嘗作太玄本旨究通衍皇極之說學者多稱之洪武十一年有司祭城

隍神群吏竊飲緒腦酒為諸生所發株連及于奇亦繫獄乃以瓦研墨有得報書曰草木子蓋以草計時以木計歲以况其生平而傷其言之徒立也其書詞義灑博與所著森東野語並行于世奎字孝章崑山人從楊維禎授春秋有司延訓導州學洪武二年應詔入都試高等將授郡縣職以母老請近地便養忤旨除咸陽教諭念母致疾卒于官年四十有六門人私謚文懿先生弟壁徒步二千里扶其喪歸奎積學勤于纂述有道學統系圖家徐儀陝西圖經閩中名勝集崑山志咸陽志委曲叢稿諸書

孫首字仲衍廣東順德人也性警敏書無所不窺詩文援筆立就詞采爛然負節概不妄交游元季避亂山澤間何真據嶺南開府辟士與王佐黃哲趙介李德並為真所禮遇稱曰五先生將軍廖永忠南征首為真草降表一方遂不受兵永忠辟首典軍事洪武三年始行科舉首與其選授工部織染局使遷虹縣主簿兵燹後瘡夷未起首勞徕安輯民多復業居一年召為翰林典籍為宋濂樂韶鳳彥同輩所稱名籍甚與修洪武正韻九年遣監祀四川居久之出為平原主簿坐累逮繫保築墻望都門首詎全為粵莽主



者以奏有詔召見命誦所歌詩語皆忠愛乃釋之亦  
五年起為蘇州經歷復坐累遣戍遼東已大治藍玉  
黨資嘗為玉題函逆論死臨刑作詩長誼而逝天下  
莫不惜之時門人黎貞亦戍遼東乃得收致貞字彥  
晦新會人坦蕩不羈自放于酒工詩文章為本邑訓  
導後棄去以事被誣戍遼陽者十八年學愈博識趣  
適高從游者甚眾故還卒資所著有通鑑前編綱目  
孝經集善理學訓蒙及西菴集和陶集多散佚不傳  
番禺趙統稱其究極天人性命之理為一時儒宗云  
王佐字彥舉先河東人元末侍父宦南雄經亂不能  
歸遂占籍南海佐才思雄渾為孫資所重資與結詩  
社延一時名士共相倡和論者謂措辭敏捷佐不如  
資句意沉着資亦不如佐佐既歸何真真使掌書記  
參其謀議時李質在肇慶真恐其有異志遣佐資二  
人往說之自是修好不絕質愛士重文學衣冠之士  
多歸之佐還言于真遣使招致由此士以一藝名者  
真分館穀之嶺南人文號為一時極盛真既歸朝佐  
亦還里洪武六年被薦徵為給事中太祖賜朱濂黃  
馬履為歌命侍臣屬和佐傲項立成性不樂樞要將  
告歸時告者多獲重贖或尼之曰少恐之獨不虞悻

命耶佐遂徇二年乃乞骸歸

趙介字伯貞番禺人博通六籍即釋老諸書亦窮其  
奧氣豪邁父母既沒遂無復仕進意行常以囊自隨  
遇景賦詩即投其中絕不為人題咏日往來西樵泉  
石間有司累薦皆辭免洪武三十二年坐累遠赴京  
卒于南昌舟次四子潔絢繹純皆善詩文工篆隸絢  
隱居不出有父風純仕為監察御史

李德字仲修番禺人好學能詩文洪武三年以明經  
薦至京授洛陽典史歷南陽西安二府幕官並能其  
職以年衰乞教乃改漢陽教諭秩滿調義寧時喪亂  
後資舍類地生徒無幾義寧在粵西尤號荒陋德力  
為振舉文教漸興解官歸卒德初為詩好學李白李  
賀孫資笑之曰子真混元皇帝裔孫也晚好洛閩之  
學謂誠意為古聖結心要故嶺南人稱理學必曰李  
仲修云黃哲亦番禺人歷仕州郡以治行稱別有傳



明史卷三百八十七

文苑傳

文苑二

林鴻字子羽福清人少任俠不羈讀書能強記所作詩專尚唐音洪武時以人才薦至京太祖臨軒試龍池孤雁二詩稱旨一日名動長安授將樂訓導居七年擢膳部員外郎鴻性脫略不善仕年未四十遽自免歸與閩縣周元鄭定侯官黃元王棗唐泰長樂高棟王恭陳亮永福王儼結為詩社號閩中十才子無錫浦源素善詩仕為香王府引禮舍人聞鴻名千里往訪鴻誦其詩驚曰此我家詩也遂延入社避所居舍之源卒成名周元字微之與黃元俱鴻門人時稱二元永樂中以文學徵授祠部員外郎黃元字元之本將樂人鴻割謀將樂元以諸生在門下及鴻旋里遂挈家依鴻居侯官以歲貢生終泉州判菓自後閩人稱詩成祖鴻

高棟字彥恢後改名廷禮博學工屬文尤雄于詩雜談笑揮毫而精思力摹者弗能及閩自林鴻力進唐音其徒周元黃元佐之而棟與王恭顏頤其間故閩中推詩人必以五人並稱永樂四年偕恭被薦入京授翰林待詔踰九年始進本院典籍棟兼工書画居

官二十年襟懷高簡善飲酒喜談笑接人無賢愚新故盡然若一以二十一年二月卒于官年七十四所輯唐詩品彙唐詩正聲並行于世

王恭字安中善為詩獲筆千言立就環閩皆山而恭家故貧則為樵往來群山中故自號皆山樵者既被徵年六十餘矣與修永樂大典同郡王儼戲之曰君無似會稽章綬故來耶恭笑謝曰山中柯斧幸自無恙君無深銷我為矣大典成試詩高等授翰林典籍無何即告歸著詩數十卷佚不盡傳

王儼字孟敷父翰常任元抗節死儼方九歲父友吳海撫而教之洪武中領鄉薦入國學陳情養母母泣居喪柴毀廬墓六年永樂初用薦授翰林簡討與修大典時內外儒臣及四方韋布預纂緝者數千人惟儼學博才雄最為解縉所重儼亦高自負目無儕輩以故為同列所忌頗獨推讓錢塘王洪不敢以雁行進洪亦恃才矜傲與儼相得于時詞館有四王之稱謂儼洪及王恭王棗也儼後坐累謫徙交趾復以解縉事連及逮繫死獄中洪字希範八歲能文十八舉進士授吏科給事中改翰林簡討與修大典歷修撰侍詩帝頌佛曲于塞外命洪為序遠巡不敢應詔為



同列所排自是不復進用卒官

王褒字中善孝友重氣誼洪武中歷瑞州長沙兩學教授遷永豐知縣均係課士墮為災禱城隍而臻大  
宗時召修永樂大典授漢府紀善卒于官唐泰字亨  
仲舉洪武中進士官至陝西按察副使鄭定見陳友  
定傳陳亮見隱逸傳

瞿佑字宗吉錢塘人也元季楊維禎遊杭訪佑從祖  
士衡佑時年十四見維禎香奩八題即席倚和俊語  
疊出維禎大嗟賞同邑凌雲翰佑大父行也嘗作梅  
詞柳詞各百首號梅柳爭春佑方年少一日並和之  
遂有盛名洪武中用薦授仁和副學歷臨安教諭周  
府右長史永樂時坐事下詔徵編管保安者十年崇  
值元宵作望江南五首聞者多為泣下洪熙改元英  
國公張輔為請得放還遂館輔家藝歸卒于家年八  
十七佑風情虎逸嘗作剪燈新話及樂府歌詞感為  
時俗所傳又有春秋貫珠閣史管見存齋詩集並行  
于世

錫績字世熙其先洛陽人父煥有學行元至正時御  
史奉為三茅書院山長道梗不能赴遂家浙之小陰  
績好學工詩與鄉人唐之淳毛鉉蔡庸森名時稱唐

錫毛蔡教授鄉里不干仕進家貧轉徙無常處所至  
署榜貴文有所得輒市酒飲客緣手而餐嘗有客至  
呼名久不出怪之其妻方拾破紙代薪一笑而已家  
有西江草堂人稱為西江先生著嵩陽稿詩律及霏  
雪錄子師邵亦篤志經史嘗遊京師徐有貞諸人爭  
欲推薦力辭歸教授弟子知名者甚衆績從兄恕善  
古文及篆隸章草洪武時為福建驛丞亦歸隱越中  
鉉字昂臣受業于唐肅洪武中從成閩中安貧守道  
王帥重之薦為官國子學錄庸字惟中布衣績同邑  
以文學稱者又有王誼鄭嘉李勗羅頌張璩胡粹中  
之屬誼字內政嘗坐累遣戍遠東守帥賓禮之使教  
諸生宣德初特詔翰林預修國史以壽考終于姑工  
部右侍郎嘉字元亨篤行好古母病嘗棄木履不就  
枕鄉人稱柿莊先生勗字文勉卓犖不羈好與文士  
遊鄉先生錫績王誼鄭嘉語之曰爾欲交吾輩須讀  
書乃可感悟力學遂成名儒時稱錫王鄭李頌字儀  
父祖絃伯父周並有文行頌教篤古道書無所不窺  
所著梅山叢書至二百餘卷璩字益之嘗從羅絃游  
經史過日不忘為詩文操筆立就性孝友父跛不能  
行背負終身茅茹甚養之至老人以篤行稱之粹中



名由以字行洪武時聘為儒學訓導永樂初為楚府右長史居王府二十年悉心輔導及卒府中人皆流涕著漢史筆記元史續編行世

薛大年字壽卿臨川人也父同文洪武中第進士歷翰林侍書中書舍人燕王入京師同文迎謁道賜死死後五月而大年生母胡氏撫之成立博學善詩古文崑山葉盛稱其詩謂三十年來絕唱也書得歐陽率更筆意宣德末薦授仁和訓導監司大吏及達官類人道其地者莫不禮重之事母至孝母卒歸葬哀感行路里人到其母子齋行上之有司詔旌其門服

闕分教常州尋遷仁和教諭諸生益習其教多所造就每秋試考文諸藩勝幣交至多以不得為恨景泰六年薦入翰林預編纂未幾得疾遂不起有詩文集四十卷始尚書王直以詩寄錢塘戴文進索與自序音與文進交時嘗戲作一聯至是十年而始成之九年題其後曰公愛文進之區十年而不忘也使以是心待天下賢者天下寧復有遺賢哉直聞其言亦不能薦也及大年疾篤作詩貽直有鏡中白髮誰憐我湖上青山欲待誰句直曰此欲吾志其墓也遂為之志時人共服其雅量云

湯循勳字公讓東旌王和魯孫也有俊才讀書一目成誦能詩負氣好談天下事與人語不合輒罵辱之甚者奮拳搏擊以故人皆服其才而惡其行嘗游江陰見其令不惠于民即率少年直上聽事反縛之狀其罪送上官上官大駭并收下獄居數歲遇赦得釋巡撫周忱慮其生事送補應天諸生甫七日忤尹為所笞循勳走士學門題詩扉上遂棄諸生游江湖景泰初詔求將才忱以循勳應驛召入都試于兵部尚書于謙咨以古今將略及諸史中事循勳應答如流謙大稱異言于朝命授錦衣百戶會方擇人使巡北即擢千戶副楊善趙榮偕行既抵可汗脫脫不花時問中朝事榮對稍遲循勳掀髯對甚悉時翼路岸憤以示無懼諸酋亦異之居二年尚書胡濙等應詔舉循勳將材詔送京營試用尋擢忠義前衛署指揮僉事時瓦剌已講好塞上久息兵而諸將又忌循勳才不令治事鬱鬱無所見乃故意詩酒間日與詞人劉濤王淮輩唱酬為樂京師號十才子天順中錦衣領事者撫循勳循過以聞下詔撤落職為民荷杖出都門故人唁之仰天大哭曰予以一指揮為足榮湯生耶揮頭去不顧憲宗立優故官成化三年以薦擢署



都指揮僉事為延綏東路右叅將分守孤山堡孤山  
最當賊衝又無城郭賊歲數入率得利守將點騎相  
理循劾奉詔笑曰噫吾死矣既至草奏數千言請築  
城聚糧增壯士戍守未報賊大至循勸方病力疾上  
馬率指揮趙吳等禦之陷伏遇害吳走還事聞贈祭  
如制

劉濤字原博長洲人祖彥故事成祖于濬卽為良醫  
父士賓太醫院判濤少敏悟八歲賦溝水詩云門前  
一溝水日夜向東流借問歸何處滄溟是盡頭一時  
目為聖童長侍祖父游學兩京研華載籍兼通天文  
曆數之學有志用世宣德初以文學徵有言其善醫  
者授惠民局副使非其好也正統末京師牛產于五足  
一生于項蹄上出濤占之曰此小人在上四裔侵陵  
之象也尋有土木之變言者交薦不報用久次調太  
醫院吏日益不得志其醫通內外科然耻以自名日  
惟吟咏為事風致高遠善接納雅俗無所擇廣座中  
談辨風生聽者盡傾其詩初學西崑後更奇縱悲歡  
憤嘆一寓于詩與同時詩人湯循如蘇平蘇正沈愚  
王淮晏鐸鄒亮蔣忠王貞慶號稱景泰十才子而濤  
為之盟主循劾尤自豪不可一世然遇濤輒俯首屈

服所著有草窻上下集

蘇平字東衡弟正字東貞海寧人平幼作綉鞋詩人  
呼為蘇綉鞋永樂中舉賢良方正不就與正容游京  
師盛有時譽兄弟並以布衣終

沈愚字通理崑山人博涉百氏善行草曉音律詩餘  
樂府傳播人口或勸之仕曰吾非籠絡中物也業醫  
授徒以終其身有貧賴吳音二集弟魯亦以文學稱  
王淮字伯源慈谿人長身美髯滄賈群籍嘗與湯循  
勸遇于湖州之慈感寺兩人並負才自矜對語移日  
不相下及徵青陵臺事各得其二淮掀髯曰君止是  
予復舉其一歷歷口誦無所遺循勸大嘆服語太守  
岳璠曰此真行秘書也好作長歌下筆輒數十韻造  
語奇麗擅名江淮間所著有大塊集

晏鐸字振之雷順人永樂十六年進士由庶吉士授  
御史歷按兩畿山東所在有聲坐言事謫上高典史  
鄰境寇發官兵不能討鐸承檄捕滅之歸所掠于民  
居常好吟咏有青雲集又註孝經小學及參同契陰  
符經諸書

鄒亮字克明長洲人善為文援毫無停思然少輕俠  
無行嘗薄游為人所擊巡撫周忱爰其才訓誡之遂



折節讀書有時名正統初知府况鍾薦之權吏部司  
務遷監察御史嘗與湯循劾諸人並集循劾奏視一  
世亮每氣凌之已而相折又相好也與劉溥同里詩  
極為溥所推有激芳諸集二十餘卷弟順辰州知府  
亦能詩同時徐震字德重家洞庭世好文墨至震與  
元章並能詩自相偈和或曰震亦十才子之一也久  
之謝宥家歸隱山中焚香下帷雖隣里無行跡家故  
高背有以田宅售者必過其直恐其乏食時或還之  
翰林王鏊與之隣重其操執每過必竟日孫緒官吏  
部侍郎

蔣志字主忠儀真人從句容祖宮見前傳父用文有  
學行官太醫院判受知太宗仁宗浚贈院使益恭請  
忠典其兄主孝並有詩名時劉革憲溥沈崐惲蘇  
雪溪平王金粟貞慶革為詩社志兄弟並與其列志  
所著有慎齋稿金陵記勝績稿小稿詩法鈞言及脉  
訣本義諸書主孝所著有樵林摘稿  
王貞慶字善甫駙馬都尉寧之子也寧在戚里中以  
文雅著貞慶尤折節好士有詩名景泰間十才子貞  
慶其一也時稱金粟公子  
張維字豫源吳縣人少試有司一不利即棄去家貧

落魄而天才豪縱頃刻千百言見者辟易合肥徐誌  
以詩自負憫然謂吳無人眾中自誇蘇臺覽古之作  
人莫能在淮破衣垢帽援筆力和二章付出意表誌  
禁不敢復言明日遁去嘗飲一富人家值牡丹盛開  
主人謂曰子能用中奉梅花詩韻賦百篇乎淮曰能  
信筆成五十首笑曰詩腸枯矣速取酒沃之日未及  
竟成百首及迴文一首衆驚為神性嗜酒朝暮不離  
杯酌一日沉醉墮水死時有陳體方者亦吳人嗜酒  
家酷貧有索詩者但醉之以酒置筆視其旁惟兩命  
數篇並奏或口占疾書不給恒自謂鄙生非狂必我  
也者乃真狂耳嘗于酒所吞一妓請詩百篇當就之  
賦至六十餘卒為所絀將死頸揮野花肩輿適遊田  
間且飲且飲狂醉三日而死子紹亦嗜酒工詩有父  
風名亞于淮晚歲無家恒寓僧寺竟以醉死  
張泰字亨父吳武字以儀並崑山人天順八年試舉  
會試第一殿試第二入翰林為編修泰亦同舉進士  
為庶吉士兩人並擅才情相偈酬為詩名籍甚泰為  
人坦率絕去嗔所然憤世嫉邪酒酣談及當世不平  
事輒激烈奮發賦性沉靜矜嚴自持人罕當其意者  
孝宗在東宮試以修撰充講官暨即位累遷太常少



卿兼翰林侍讀直經筵遇疾乞歸卒于家泰歷檢討  
修撰先欽卒李東陽嘗曰亨父昂儀少同硯席未第  
時已有詩名亨父天才敏絕而好為精鍊奇思硬語  
間見疊出人莫櫻其鋒昂儀意識超詣凌高徑趨擺  
落塵俗難交矯枉過正弗恤也兩人者天假之年其  
所成就不知當居何等而皆不壽以死不亦重可惜  
哉其為名人嗟悼如此泰詩曰滄洲集賦詩曰春兩  
堂集

張弼字汝弼松江華亭人成化二年進士授兵部主  
事進員外郎志操耿耿出為南安知府地當兩廣要  
衝大小長谷奸人嘯聚為患悉捕滅之役重民疲亦  
為均節以時治橋梁道路而毀淫祠百數十區建為  
社學且祀先哲之常泚茲土者風教大興及謝病歸  
士民為立祠致祀弼自幼穎拔善詩文尤工草書怪  
偉跌宕震撼一世張東海之名遂流播外裔為詩信  
手縱筆多不屬稿即有所屬以書故輒為人持去與  
李東陽謝鐸諸人善嘗自言吾生平書不如詩詩不  
如文東陽戲之曰此英雄欺人語也鐸稱其好學老  
且不倦詩若文成一家言有鶴城東海諸稿子弘至  
自有傳

張璠字君玉邳人年十二能詩常手古人詩一卷其  
父見之怒換諸泥濘中璠徐拾取夜讀之家貧授徒  
他鄉每讀至夜分稍倦則與其徒取水喫而使神氣  
復揚乃更讀其勵志若此弘治十二年舉進士年已  
踰艾矣授南京大理評事歷寺副寺正平反多出為  
興化知府政尚簡易善以儒術飾吏治有古循良風  
璠故好為詩嘔心刻脣務去陳言及是政暇猶吟咏  
不廢為郡人林俊所重時相倡酬每登臨山水輒題  
詩岩壁人號為文章太守謀績為一時冠以年漸高  
且雅不善吏事遂乞骸骨乃遣左叅政致仕林居十  
二年詩律益工有白齋集竹里館集行世

戴冠字章甫長洲人好古篤學自經史外方術百家  
莫不綜貫而抉剔必求緣起而會之以理為文章奮  
迅凌轢務出人意表詩亦清澹多諷刺名籍籍諸生  
間下視曹耦莫有當其意者以故人多忌而毀之志  
在經世自其少時即上書有司請毀淫祠及壯益殫  
心世務尚書王恕未巡撫特加愛重每召見輒款語  
移時弘治初冠以年資貢入都恕方掌吏部一見驚  
曰子尚滯諸生耶因訪當今切務冠條上十事皆劇  
切語李東陽愛其文欲薦之不果及廷試名列第一



然例止得教官授鉅興府學訓導考論著述不少急  
初冠為諸生有紹興人來為督學御史頗以文章自  
負而冠竊有所指摘御史聞而銜之及是御史里居  
邇近冠語不相下無何御史卒其家誣冠致之遠落  
職歸冠學博才高迄不獲遇年七十餘疾篤嘆曰天  
夢夢予世汨汨予已予已予豪傑廢死予遂卒所著  
有經學啓蒙禮記辨疑奇字音釋濯纓文集筆記戴  
子諸書凡數百卷

桑悅字民懌常熟人資穎敏書過目輒焚棄曰已在  
吾腹中矣敢為大言銓次古人以孟子自况或問翰  
林文章曰虛無人舉天下惟悅其次悅允明又次羅  
玘為諸生上謁監司書刺曰江南才子監司大駭已  
問知其人延之較書預刊卷以試悅校至文義不屬  
即索筆補書監司乃加禮異年十九舉成化元年鄉  
試會試答策有胸中有長劍一日幾回磨之語遂被  
斥再試禮部奇其文至道統論則曰夫子傳之我昨  
舌曰得非江南狂生桑悅耶復斥不取三試得一榜  
年二十六籍誤以二為六例當得學官固辭不許除  
泰和訓導學士丘濬慕其名召令觀所為文始曰出  
其其悅心知之笑曰明公謂悅不怯穢乎何得若文

而令悅觀濬聞內慙亦不忤也悅既之官濬屬提學  
使者善遇之使者至問悅何故不迎豈有恙乎長吏  
素遭狎侮皆叩之曰無恙自負不肯來使者遣吏往  
召之曰淫雨連宵傳舍且圯守妻子不暇何暇謁上  
官使者坐久益兩使促之悅怒曰始吾謂天下未有  
無耳者乃今有之與若期三日後來復則不來矣使  
者恚欲收之緣濬故不果既三日悅果來則長揖就  
列使者怒厲色訶之悅前曰昔汲長孺不拜大將軍  
至今兩賢之明公奈何薄待琴廓之士因脫帽竟去  
使者不得已下榻留之巡按御史行部召悅說詩請  
坐講講未竟即除履爬足御史不能堪乃令之出尋  
薦之遷長沙通判調柳州不欲行人問之曰宗元久  
擅此州名不忍遽任奪之耳會外艱歸遂不出居家  
蓋任誕鄉人莫不重其文而駭其行初悅在京師見  
高麗使臣市本朝西都賦無有竊以為恥遂賦之居長  
沙著庸言自以為窮究天人之際非儒者所知也所  
著詩文頗行于世

楊循吉字君謙吳縣人成化二十年進士授禮部主  
事善病好讀書每得意則手足踈掉不自禁以是得  
顛主事名一歲中數移病不出為長官所訶弘治初



奏乞改教不許遂請致仕歸年纔三十有一結廬夫  
硯山下課讀經史非精熟不止旁及內典釋官無所  
不通曉性狷隘好持人短長又好以學問窮人至類  
亦不顧清寧宮災詔求直言馳疏請復建文帝尊號  
格不行父母既沒傾貲治墳寢苦墳側每歲率持齋  
誦經百日以報武宗譚南都覓南人善詞曲者伶人  
以循吉對立召至命賦打虎曲稱旨遂易武人裝日  
侍御前為樂府小令然帝以優俳畜之不授官循吉  
以為耻閏九月懇辭獲歸既後召至京會帝崩乃還  
嘉靖中獻九廟頌及華陽求嗣齋儀報聞而已晚歲  
落窶益堅癖自好尚書顧璘道吳以一幣為贄相與  
促膝論文歡如也俄郡守趙璘璘將赴之循吉忽色  
變驅之出曰楚人安得與貴人爭客擲還其幣明日  
璘往謝罪堅閉門不應其性情兀傲如此卒年八十  
九循吉壯歲辭官人高其節南都之後頗為清論所  
譏然好古博洽一時鮮儂其詩文自定為松籌堂集  
他所作又十餘種幾及千卷

點乃嘆曰已矣士固能自責寧當在青紫哉自是益  
博覽為文必以理勝精研六書嘗得篆法于異人李  
東陽見之曰此周伯溫之流吾不及也築快園于城  
東極游觀聲伎之樂善製小令填南北詞棋酒之暇  
命伶童侍女被之新絳盛傳都下武宗南巡優人進  
其詞翰命召見試除夕詩百韻及應制詞曲皆立就  
雅俗雜陳語多諷諫帝數稱善嘗午夜乘月幸其家  
夫婦蒼黃出拜帝命置酒家無供具以蔬笋鮭菜進  
御帝大喜為引滿酣暢而去已而數幸其家御晚靜  
聞垂釣得一金魚宦官爭買之帝大笑失足落池中  
衣盡濕快園中有宸幸堂浴龍池紀其實也賜飛魚  
服尾從還京每夕宿御榻左右將授官固辭會帝晏  
駕而罷歸里二十餘年乃卒年七十有七霖少時嘗  
與吳門沈周游江夏吳偉因寫沈徐二高士行樂圖  
而榜循吉祝允明並為之贊其為名人欣慕如此所  
著有中原音韻註釋續書史會編麗藻堂文集快園  
詩文類選南京志諸書當霖之時南都人以文學著  
者又有陳鐸金琮謝璠

陳鐸字大聲睢寧伯文之曾孫都督政之孫也本下  
邳人以世官家南京鐸嗣為指揮家世尚武而鐸獨



好讀書經傳子史百家衆說莫不淹貫為人風流個  
儻善詩尤工詞曲居第南有秋碧軒七一居精潔絕  
塵通人勝流時過談燕山水做沈周題詩其上入爭  
愛之有香月亭集

金琮字元玉工詩善書為人高簡粹白公卿貴人非  
先施不造其門鄉人倪岳為南京兵部尚書擬薦之  
不果以弘治十五年卒其書初學趙子昂晚更學張  
伯雨精工可愛文徵明極喜之得片紙裝潢成卷題  
曰積玉其後盛時泰彙琮及志詩稱為金陵二隱  
謝璿字子象後更名承舉八歲賦暮秋詩有紫塞風  
寒雁叫霜句聞者驚異後儲巖為南考功結檀園詩  
社引為忘年交學日深博高談雄辯常屈其座人及  
久困場屋退耕國門之南自號野全子有象毫東村  
西游諸稿鄉人顧璘志其墓言金陵有二才子以璿  
與徐霖並稱云子少南字應午舉進士歷御史世宗  
南巡道慶都少南言縣中有先母墓當祠世宗喜從  
之會簡宮僚即用為春坊司直兼翰林簡討久之貶  
台州推官累遷陝西提學副使終布政使亦能詩  
祝允明字希哲長洲人祖顥舉正統四年進士有內  
侍承旨蔡進士有文者四人試以詩俾教小內監顥

與馬既入掖門知之不試而出由給事中歷山西參  
議參政並有聲允明登弘治五年鄉薦久之不第授  
廣東興寧知縣士不知學好機祥允明簡進秀異親  
授以經學俗為稍變群盜據山行剽設方畧捕戮其  
魁三十餘輩邑以無驚稍遷應天通判謝病歸家居  
五年卒年六十有七嘉靖五年十二月也允明生而  
杖指故自號枝山又號杖指生五歲能作徑尺字九  
歲能詩稍長博覽群籍為文章帶有奇氣或當筵詠  
笑援毫疾書思若泉湧尤工書法魏晉六朝及唐宋  
諸名家無不精訪遊名動海內其為人好酒色六博  
善度新聲間傳粉墨登場作劇群優自謂弗如也四  
方求文及書者踵至率醉不見伺其狎將賄杖掩之  
則素紙可得玩世自放惡近禮法之儒亦不問生產  
有所入輒召客歡呼豪飲費盡乃已或分與持去不  
留一錢當其窮乏時點者或持少銀米丐文若香輒  
應之已少饒更自責也既益困瘁每出則追呼索逋  
者相隨于道更用為歡笑資所著有詩文集六十卷  
他雜著又百餘卷子續第正德六年進士仕至廣西  
左布政使  
唐寅字伯虎一字子畏吳縣人性絕穎利與所善張



靈緹酒放懷不事諸生業其友祝允明規之乃墮戶  
討肄者決歲遂舉弘治十一年鄉試第一座主梁儲  
奇其文還朝以示學士程敏政敏政亦奇之遂與相  
往還及儲奉使南行寅乞敏政文以餞先是有徐經  
者江陰富家子慕寅名與同入都通敏政總裁會試  
經賄其家僮得試題事頗章露有忌敏政者發之語  
連寅下詔獄鞠訊寅不承竟坐乞文事誦為吏寅恥  
不就歸家蓋放浪自棄縱情詩酒後緣小故去其妻  
愈不自聊然寅雖家無擔石客座常滿文章風采照  
映江左盡入神品自著其章曰江南第一風流才子  
寧王宸濠聞其名以厚幣聘之寅察其有異志佯狂  
使酒至露其醜穢宸濠不能堪乃放還築室桃花塢  
與客日般飲其中年五十四而卒寅之學務研究造  
化探律曆及邵氏聲音之理旁及壬遁太乙諸數亦  
皆通曉詩文初尚才情晚不甚措意頽然自放謂後  
人知我不在此論者傷之張靈宇夢晉為諸生詩才  
敏捷嗜酒縱放其狂更甚于寅為提學御史方誌所  
黜卒因阮以死

史乃得為諸生尋第弘治十二年進士授工部都水  
主事父憂服闋仍故官分理上供器皿馬入廨携  
米蔬自隨工人掘地得金命貯之庫據有私請者斥  
曰若曹安得污我正德改元移南京武庫主事越五  
年還官工部進虞衡員外郎遷禮部主客郎中出使  
秦中還即疏請致仕廷議重其恬退加太僕少卿歸  
歸十四年卒穆性嗜學歸休之日齋居蕭然日事學  
討或時之食輒笑曰天壤間當不令都生餓死也里  
中有娶婦者夜大風雨滅燭徧乞火不得或言南濠  
都少卿家有讀書燈往叩果然其老而好學如此生  
平著述甚富周易考異史外類抄南濠詩略文略  
諸書穆少與唐寅友善寅之禍穆與有力焉故寅誓  
不與相見吳中人士亦以是薄之  
鄭善夫字繼之閩縣人弘治十八年進士連遭內外  
艱正德六年始為戶部三事權稅浙墅以清操聞時  
劉瑾難誅壁倖用事善夫憤之乃告歸築草堂金紫  
峰下為避清亭讀書其中曰俟天下之清也居六  
載交遊寡絕日晏未欣欣自得有司勸駕乃起為  
禮部祠祭主事進員外郎武宗將南巡偕同列切諫  
杖于廷罰跪五日善夫更為疏草置懷中囑其僕曰



死即上之幸不死嘆曰時事若此尚可覩顏就列哉  
乞歸未得明年力請乃得歸嘉靖改元用薦起南京  
刑部郎中未上改吏部行抵建寧便道游武夷深入  
九曲值風雪絕糧遂得病卒年三十有九為人矜名  
敦行婚嫁七弟妹皆業悉推予之葬母黨二十二人  
所交游盡天下名士虛懷善下故人皆愛而親之與  
孫一元殷雲霄方豪尤友善作詩力摹少陵疾時汙  
濁故多悲憤語性好名山水竟以是隕有詩文集十  
卷

殷雲霄字近夫壽張人善夫同年進士既釋褐歸作  
蓄艾堂聚書數千卷旦夕諷誦以作者自命正德六  
年始謁選歷知靖江青田二縣有能譽徵授南京工  
科給事中十一年武宗納有娠女子馬姓于宮中雲  
霄偕同官疏諫曰聞陛下納馬昂有娠之妹官昂為  
都督取其兄弟數人隨侍宸游竊考前代壞國家生  
禍亂其端非一而內寵恩倖為甚今閭閻之家尚不  
娶有娠之女况陛下貴為天子何取于昂妹而寵樂  
之夫女之不德雖以蔽聰欲之不防實以名譽詩云  
赫赫宗周褒姒滅之蓋傷其以天下之大而壞于一  
婦人也昔李園進有娠之妹于楚考烈呂不韋進有

娠之妾于秦莊襄二國遂至易姓天下後世未嘗不  
痛恨于二主之不察也陛下久無儲嗣天下所憂而  
昂敢以己適人之妹進罪不容誅不早絕之何以解  
萬姓之惑伏願亟出昂妹速正昂典刑宗社幸甚不  
報其年七月卒于官年三十有七為人方峭有立鄉  
人穆孔暉雅稱篤行見雲霄猶畏之曰殷子之恥不  
善不啻負穢生乎好作詩略近善夫而風調避之有  
擬古樂府四百篇其葬也會者千人咸哭失聲  
方豪字思道開化人正德三年進士除崑山知縣歲  
大潦郭門外皆成巨浸民盡逃死不能供徭賦豪解  
帶自繫郡獄上奏乞蠲征獲報可十四年以刑部主  
事諫武宗南巡跪闕下五日復杖之歷湖廣僉事副  
使罷歸豪負才磊落曠達不羈探奇歷勝典鄭善夫  
同好歸隱棠川以詩酒自娛有詩文集行世  
陳沂字晉南鄆人家南京父綱由舉人歷睢陽知縣  
長少通判並有異政沂五歲能屬對八歲能摹古人  
畫十歲能詩十二工舉子業語輒驚人嘗作孔墨辨  
赤寶山賦傳誦人口名籍籍諸生間尚書劉忠喬字  
侍御儲耀即中莊親先後官南都皆引為忘年交至  
正德十二年登第年已及艾矣歷庶吉士編修典修



武宗實錄嘉靖初直講經筵時以議禮故廷臣多獲重譴沂一日講畢進規云望陛下量宏天地俾無知者均沾化育有罪者並荷包容帝為悚聽問輔臣知其名心識之及張璁桂萼用事盡斥詞臣為外僚沂得江西右叅議有能聲遷山東左叅議按視沂莒滕費諸州縣察其災傷為發帑市牛給民墾藝寬其租又捐除種馬運木諸徭民獲蘇息初在江西遇桂萼罷政歸曰恨不留公講筵沂曰內外孰非王臣所視議禮遠成諸人已為叨竊倘得因公放還諸人是即公之留沂也及在山東遇張璁于德州深為慰勞且曰行當召公沂謝曰齊民困甚苟行沂恤災疏勝沂受德也兩人皆不悅故吏部頻推河南福建布政使並却不用稍遣山西行太僕卿再疏丐歸築遂初園杜門著書絕意世務沂書學東坡旁及篆隸繪事咸稱能品其論詩尚以唐人為宗於時大江南北推朱顧陳王四大家謂朱應登顧璘王韋及沂也應登璘羽翼李夢陽共立壇坫沂與韋獨不隨聲附和識者稱之卒于嘉靖十六年所著詩文曰拘虛集其他纂輯又十餘種繼室馬氏亦能詩年八十猶不廢吟咏書頗類沂兼善山水其詩曰芷居集

王韋字欽佩上元人陝西叅議微子也早稟庭訓有器識莆田林俊泰州儲巖官南京並愛重之與同里顧璘陳沂友善相切劘為詩古文詩愛唐風意興蕭遠士林往往傳其警語奉弘治十八年進士改庶吉士以父年高乞便養授南京吏部考功主事從弟為國子生試政欲言文選求簡曹正色曰安有身在銓司為昆弟擇便利乎其執節耿介若此父喪除起兵部車駕主事歷禮部儀制郎中並在南京部與國學相聞事多姑息韋為舉正舊章嚴其約束雖群議譴竊不恤也出為河南提學副使以養母乞致仕乃擢南京太僕少卿未幾母歿韋適抱病爰必慟絕水糞不御者數日遂毀頓而卒顧璘有言欽佩論詩尚才情其言曰唐風既成詩自為格不與雅頌同趣漢魏襲于雅頌唐禮沿于國風雅言多盡風詞則微今以雅文為近體未有不流于宋也故其詩婉麗多致雋永難窮韋未第時夢中聞人咏詩云起來小步傍蘭階花露襲衣寒氣重後館選出春陰題入此二語內閣李東陽批其卷曰此二語似有神助遂獲選于文元亦能詩兼工書畫韋嘗曰生兒貴佳不必仕宦故文元長于詩藻不能應科日



楊慎字用修新都人少師廷和子也年二十舉正德二年鄉試又四年舉會試第二殿試第一授翰林修撰丁繼母憂服闋起故官十二年八月武宗微行始出居庸關慎抗疏切諫尋移疾歸世宗嗣位起充經筵講官常講舜典言聖人設贖刑乃施于小過俾民自新若元惡大奸無可贖之理時巨奄張銳于經既論死或言進金銀獲宥故及之嘉靖三年帝納桂萼張璁言召為翰林學士至六月二人排廷議益力慎偕廷到三十六人上言臣等與萼璁學術不同議論亦異臣等所執者程頤朱熹之說也萼璁所執者冷張氏猶之餘也今陛下既起擢萼璁不以臣等言為是臣等不能與之同列願賜罷斥帝怒切責停俸有差踰月又偕學士豐熙等疏諫既不得命則偕廷臣伏左順門力爭帝震怒命執首事八人下詔獄于是慎及檢討王元正撼門大哭衆皆哭聲徹殿庭帝益怒悉下詔獄廷杖之閏十日有言前此朝罷群臣已散慎元正及給事中劉漢安磐張漢卿張原御史王時柯寶糾衆伏殿乃再杖七人于廷慎元正濟並誦成餘削籍慎得雲南永昌衛先是廷和當國盡斥錦衣胥濫官至是伺錯廷將害慎慎知而謹備之至臨

清始散去病馳萬里德甚巡撫黃衷復促之抵戍而幾不起五年聞廷和疾匹馬間道至家廷和喜疾愈既還永昌聞尋甸賊安銓武定賊鳳朝文作亂攻掠城壘愾然曰此吾效命之秋也乃率僮奴及步騎百餘馳赴木密所與副使張茂謀固守明日賊未攻寧州土舍陸紹先援兵亦至慎促城中出兵夾擊賊乃敗去八年聞廷和訃奔告巡撫歐陽重請于朝獲歸葬葬訖復還自是或歸蜀或居雲南會城或留戍所大吏咸善視之及年七十還蜀有終馬之意巡撫王禹聞之遣四指揮手銀鐙命鎖之以未至則禹已去官慎非久亦卒嘉靖三十八年七月也年七十有二慎幼而警敏書寫目非忘十一歲能詩十二擬作古戰場文過秦論長老驚異入京賦黃葉詩李東陽見而愛賞令受業門下後就督學副使劉丙試丙大驚曰吾不能如歐陽公乃得子如蘇軾既居館中一日武宗下問欽天監及翰林星有注張又作注張是何星也衆不能對慎曰柳星也歷按周禮史記漢書以復預修武宗實錄事必直書總裁蔣冕費宏曰官階雖未及實堪副總裁盡付葉草俾削定常奉使過鎮江揭榜一清閣所藏書叩以疑義一清言皆成誦慎



驚異益肆力古學既投荒多暇書無所不覽嘗語人曰資性不足恃日新德業當自學問中來故好學窮理老而彌篤世宗以議禮故惡其父子特甚每問慎作何狀聞臣以老病對乃稍解慎聞之益縱酒自放嘗以胡粉傅面作雙丫髻挿花令諸妓擁之游行城市諸土酋慕其名用精白綾作襪昇諸妓服之酒闌乞書醉墨淋漓諸酋輒購歸裝潢成卷慎聞之亦不惡也或乘間規之荅言文有仗景生情詩或託物起興如崔廷伯每臨陣召田僧超為壯士歌宋子京修史使麗豎如椽燭或一道也吾豈能執鞭古人聊以耗壯心遺餘年所謂老顏欲裂風景也知者聞而傷之其記誦之博著作之富明與推為第一詩文外稊著至一百餘種並行于世隆慶初贈光祿少卿天啓中進諡文憲元正暨扈人慎同年進士隆慶時亦贈官賜恤同時張舍字用光永昌人父志淳舉鄉試第一成進士歷官戶部右侍郎舍舉正德中鄉試弟今年十六亦舉鄉試第一成進士歷官湖廣按察副使永昌故少文人而張氏父子用文章特起遂為郡中名族舍少隨父宦遊京師與慎同學嘗贈慎二詩慎父廷和見之大稱賞後師事李夢陽友何景明受

其詩法及慎謫永昌日與偈酬其生平知契白首不違者惟慎一人而已年八十餘終其畧山詩選畧山七言律鈔皆慎為點定云

王廷陳字穉欽黃岡人父濟吏部郎中廷陳穎慧絕人幼綴文不假師授好黏竿風為諸戲父扶之輒大呼曰大人奈何虐天下名士正德十二年釋褐選為庶吉士益恃才放恣故事兩學士為館師禮嚴重廷陳伺其退食獨上樹杪大聲叫呼兩學士無如之何佯弗聞也武宗下詔南巡與同館舒芬等七人將疏諫館師石瑄力止之廷陳賦烏母謠大書于壁以刺瑄及執政皆不悅已而疏上帝怒罰跪五日杖于廷時已遷吏科給事中乃出為裕州知州廷陳既不習為吏又失職怨望薄牒堆案漫不省視晝日則裸跣坐堂皇見飛鳥集庭樹輒止訟者取彈彈之民有罪當杖令輸彈九二十即免居恒無所發憤遇因撈掠過當上官行部不出迎亦不託病曰是皆育子足當王生迎耶已而布政使陳鳳梧及巡按御史俞茂堅先後至裕廷陳以鳳梧乃座主特出迎鳳梧好謂曰子候我固善御史即未候之當倍謹廷陳諾之及茂堅止銜其素驕蹇有意裁抑之輒以小過撈州吏廷



陳為泥請茂堅故益甚廷陳怒大罵曰陳公誤我直上堂持茂堅悉呼吏卒出鎖其門禁絕供億且將其奏茂堅大窘賴鳳梧為解乃夜馳去尋上疏劾之適裕人被崇者逸出奏廷陳不法事收捕繫獄削籍歸世宗踐阼前直諫被謫者悉復官獨廷陳以墨吏議不與屏居二十餘年嗜酒縱倡樂益自放廢士大夫造謂多蓬髮赤足不具賓主禮時衣紅紫窄袖衫騎牛跨馬嘯歌田野間嘉靖十八年詔修承天大志巡撫顧璘以廷陳及顏木王格薦書成不稱旨但賜銀幣廷陳才高詩文有名當世雖為人放誕然一時才

士鮮能過之有夢澤集十七卷

顏木字維喬應山人廷陳同年進士歷知許亳二州亦以州民訴奏下獄免官任誕自放亦類廷陳兩人聞之交相得也有故人為監司訪木于家匿不見他日監司有事隣邑有田父荷隻雞斗酒由中道入門者呵之乃木也與監司歡飲而去其才不如廷陳君亦亞之

王格字汝化京山人嘉靖五年進士改庶吉士累官河南僉事分巡河北世宗南巡行宮火遠杖削籍先是唐順之居應城革倡為初唐詩格亦與馬龍官時

年才強仕後得養生術年九十四而卒

胡縉宗字孝思泰安人也正德三年舉進士為三甲第一人時焦芳于黃中居二甲首欲用為翰林因并授縉宗簡討芳敗謫嘉定州判官量移潼川知州三遷為安慶知府值寧王宸濠圍城後瘡夷未起有綏輯勞嘉靖初調蘇州政事修奉縉宗素豪于詩以其暇與諸名士鵬咏游賞徧湖山泉石間才敏風流前後罕儔歷山東浙江山西泰政河南左右布政使十五年冬以右副都御史巡撫山東奏言青登萊三郡間有元時新河南北距海三百餘里舟楫往來輿販貿易民甚便之此歲淤塞不通商農交困其建閘處道跡猶存惟馬家濠中多頑石乃元人疏鑿未竟者今已募民鑿通尚有停口窩鋪淺隘者一百餘里淤塞者三十里乞發官帑開濬永為民利從之尋以故官經理河道言河南睢州考城縣新開孫家口孫祿口黃河支流一以分殺上源歸睢水患一以灌下流徐呂二洪用濟官漕議于孫家口至孫祿口別築長堤而于考城馬牧集諸處修堵決口務築高廣堅實密栽榆柳護之河身既寬土堤亦實大水渙發勢能容受可免衝決散漫之虞而黃河安流二洪順軌運



道庶乎無患帝亦從之十八年車駕南巡迎于磁州會河南巡撫易讚坐供頓不辦獲罪即命縉宗代之其冬以所居公署火并燬符驗勅書落職閒住至二十九年乃有王聯之獄聯河間人初為陽武知縣縉宗令供役行殿不辦怒笞之旋為御史陶欽夔以贓罪劾罷居鄉武斷且毆辱其父良良告之御史閻鄰論死久之良告息詞保候問聯又坐殺人仍論死繫獄聯百方求脫不得以是憾其先後御史胡植馮璋張洽等至是判知帝喜告許謀有以勅宸聽為脫罪地乃搗縉宗逆駕詩有穆天八駿空飛電湘竹英皇淚不磨句為不祥詛謗且言屬之刊布聯不奉令遂假手欽夔劾之鄰植等慮聯以縉宗詩聞乃相率羅織抵伊重辟其詞多誕謾意所不悅咸構入之若都御史劉陽奏政朱鴻漸前知府項喬貴應春推官蔣珊知縣郭成休田甸高儒給事中鮑道明苑馬少卿袁淮等無慮百十人令其子朝策當昨歲冬至日許寬常朝官闌入闕門于班中聲寃帝得疏大怒趣命錦衣分遣官校械繫縉宗等至京下三法司會訊聯詞悉誣縉宗詩皆稱頌非詛謗乃讞上其獄聯仍坐殺人罪朝策假官當斬縉宗等悉赦勿治疏入帝

不悅曰聯孔門之徒何不忠不孝至是縉宗令人刊詩財力非民出而何且疏內欽夔一人稱俱任何也于是刑部尚書劉劄等具疏引罪帝曰爾等迷于死獲縉宗詩既曰稱頌何又有淚不磨語縉宗亦不經心是人臣禮耶禮部都察院奏者以聞是時帝意且不測內閣嚴嵩真人陶仲文申救怒少解及部院疏入手批之曰劄等急于市恩全不以執法為事稱頌之體固如此耶劄斥為民三法司堂官奪俸半歲司官下鎮撫考訊縉宗錦衣杖四十為民餘皆獲宥當是時縉宗年將八十矣其意氣豪邁如故在繫日取獄中鈎械之類作制獄八景詩衆爭掣其筆笑曰作詩當死不作詩得免死耶及杖訖布衣謝縉宗以詩方呻吟中即口占以答人謂其豪氣不減予騰被禍時也所著有春秋本義十二卷詩集十九卷安慶鞏昌秦州秦安諸志九十餘卷

李濂字川父祥符人舉正德八年鄉試第一明年成進士授沔陽知州稍遷寧波府同知擢山西按察僉事嘉靖五年以大計免歸年纔三十有八濂少負俊才時從俠少年聯騎出城博射雉縱游郊原酒酣悲歌慨然慕信陵君侯生之為人一日作理情賦反



人左國璣持以示李夢陽夢陽大嗔賞訪之吹臺濂自此聲馳河雒間既罷歸益肆力于學遂以古文名于時初難受知夢陽後悟其剽竊之非作詩不屑雷同附和深為識者所訐里居四十餘年著述甚富有雋渚集一百卷及汴京遺蹟志行世其後有陳耀文者字晦伯嘉靖二十九年進士歷工科給事中終陝西行太僕卿好古無所不覽明中葉推博學者無過新都楊慎耀文摭其謬誤作正楊以駁之人服其淹洽所輯有天中記數百卷

蔡羽字九遠吳縣人幼孤母授之書輒能領悟長遂淹貫百家善詩古文吳自吳寬王鏊以文章宗匠領袖海內一時名士若沈周祝允明楊循吉唐寅徐禎卿都穆與之並馳吳下文風斯為極盛羽及文徵明黃省曾袁袞王寵陸師道皇甫冲兄弟稍後出才力亦足相頡頏而羽自負甚高譏彈狂詈無全者雖頗推許徵明輩竊自謂莫已若也晚年詩益進有譽以李長吉者大詫曰吾詩求士魏晉上乃為李賀耶其高自位置若此初為舉子業遂于易潦倒場屋四十年晚以國子生赴選與選者雅知其名曰此吾少時所聞善易蔡生耶特授南京翰林院孔目居二年致

仕歸家居洞庭西山自號林屋山人有林屋南館二集姊子徐鱗字紹卿家世素封至父盡破其產鱗早孤依羽以居詩文得其指授長跌宕不羈嗜酒好狹游與黃省曾皇甫汙兄弟善相切磨為詩晚節落魄前所與交者皆沒又與劉鳳張獻翼黃姬水德水善其詩老而益工有集行世

文徵明初名璧以字行更字徵仲長洲人父林叔父森皆舉進士林仕至温州知府森右僉都御史林治温州有善政既卒囊無餘貲吏民醵千金為贖徵明時年十六悉却不納乃修故却金亭以配前守何文淵而記其事徵明幼不甚慧稍長穎異擬發學文于吳寬學書于李應禎學畫于沈周皆父故交也又與祝允明唐寅徐禎卿輩相切劘名日益著其為人和而介巡撫俞諫叔父森同年生也念徵明貧欲道之金謂曰若不憂朝夕耶對曰朝夕體粥固具也諫故指所衣藍衫謂曰敬至此耶徵明佯為不喻者曰適遭雨故敝耳諫竟不敢言道金事寧王宸濠慕其名貽書幣聘之固辭病亟堅卧不起正德末尚書李充嗣來巡撫薦之朝會徵明亦以歲貢生詣都吏部試而才之奏授翰林院待詔世宗初預修武宗實錄侍



經筵歲時頌賜與詩詞甚盛而是時名崇科目無有他途入翰林者故微明意不自得連歲乞歸永嘉張璠者林知温州所造士也時方得勢諷微明王之辭不就楊一清召入輔政微明見獨後一清亟謂曰子不知乃翁與我友耶乃後見我微明正色曰先君素不肖三十餘年苟以一字及者弗敢忘也實不知相公與先君子友也一清有慚色尋與總謀欲徙微明官微明乞歸益力乃獲致仕四方乞詩文及書畫者接踵于道然惟書生故人子弟有求輒應若富貴人難片楮不易得也尤不肯與王府及中人染翰曰此法所禁也周徽諸王嘗以古寶玩為贈不啓封而還之外國使者道吳門望里肅拜以不獲見為恨海內文士無不知吳中有文衡山者其文筆幾流通天下然多門下士屬作微明知亦不禁也優游林泉至風雅享盛名者三十餘年年九十而卒嘉靖三十八年也長子彭字壽承國子博士次子嘉字休承和州學正並能詩工書畫篆刻世其家女嫁王氏亦能詩門人周天球字公瑕亦長洲人為諸生篤志古學善大小篆隸行草微明賞異之微明沒一時豐碑巨碣多出其手隆慶中游京師譙集倡酬之作名下詞客皆

為讓坐而詩名頗為書法所掩云

王寵字履吉吳縣人少與其兄守從學于邑人蔡羽居林屋者三年既而讀書石湖之上二十年非者侍不入城府善病棲息虞山之白鶴寺者又累年守舉進士仕通顯而寵猶滯諸生晚以年資貢入國學僅四十而卒寵性資穎敏善行楷妙得晉法書無所不觀平儀玉立口無俗言其風度汪洋人假之東漢黃憲初受知郡守胡績宗有以千金求請屬者拒不納父怒尤之則跪謝曰人所謂重寵者能自好耳倘以自汙毋乃見輕乎與唐寅文徵明最善寅以女妻其子徵明長二十四歲折行筆與交晚年王雅宜之名滿天下卒不一遇亦自有幽憤不平之感頗縱于酒然其兄歷官副都御史撫治鄖陽而其名頗出寵下論者固不以祿位為軒輊云



明史卷三百八十八

文苑傳

文苑三

李夢陽字獻吉慶陽人父為周府教授因家開封弘治五年赴陝西應舉則諸生已入場矣大言曰場中無解元王者試之賦立就果發解第一明年成進士授戶部主事年二十有二矣才敏氣豪簿書外集名人角藝論文聲籍甚十一年出監三閩鹽課用法嚴勢豪失利被搆下獄獲釋已抗疏言出令失平宮府殊法事涉宦戚中尼不行不報十八年三月應詔上言人君不患無直言之臣嘗患己之不能用人臣不忠言不上聞常患人君聞之而不樂也今陛下布誠心廣言路諭之以悉心誘之以樂聞惟恐知之者不肯言言之者不肯盡豈不出于尋常萬萬乎臣竊觀今之事勢為病者二而不之去也為害者三而不之祛也為漸者六而不可長也請悉為陛下言之二病一曰元氣之病士氣是也孔子曰邦有違危言危行今人不喜人言見人張拱深拊口吻而不吐則以為老成又不喜人直道事圓巧委曲則以為善處轉相則做翕然成風而大臣贊倡之一遇彈劾率廷辨求勝語人曰我非愛官但欲曲直明耳及明矣又恬

然不去此何理也往大臣服除非奉詔不起今大臣服除自起矣尚謂之有禮義廉恥乎此所謂元氣之病也一曰心腹之病宦官是也宦官陰性而狼貪其地逼近又朋比難剪今倉庫錢糧之地皆宦官主之陛下以此輩為忠實耶抑例不可廢耶倘例不可廢每處用一二人足矣今少者五六輩多者二三十輩何也夫一虎十羊勢無全羊况一羊十虎哉今幸有司摘發其奸人僉曰是必不宥且竄斥今數月矣猶聞而不行夫奸未摘發尚有懼心已摘發矣而竟不問彼更何懼哉且皇城之內通名籍者幾萬人亦多矣又選年十五以下者五百人將安之用聚陰性狼貪之徒委行于中而國不危者鮮矣此所謂心腹之病也三害一曰兵害今在京之兵以衛計之七十有餘分為三大營帶甲者數十萬固欲以強本也然至正統己已僅數十年核之止十二萬馬于是有十二團營之名團營至今又僅數十年耳日者遣將北伐拔之不滿萬馬其弓刀不全也騎士則牽露骨馬又施置鞍轡等夫兵數不減于昔食糧有增于今一旦而狼狽若此何也官不恤其軍豪勢多占使遠者近者潛當職者不以報糧籍不開除又壯丁各營其

家老弱士而應難宜其食之者增而用之者絀也夫  
騰驥四衛者非今所謂內兵耶外官既不與稽征後  
又不選用故其人率富豪而氣驕以富豪氣驕之人  
而率以陰狡狼貪之內官茲其害可勝言乎且夫錦  
衣衛爪牙之司也而今官官之家人子弟官之團營  
禁衛之軍也而今內官掌之其把總頭等孰非詭  
託冒官者可遂置而非察乎此所謂兵之害也二曰  
民害其故在斂重而民貧貧者在位澤不下流也斂  
之既重貧者必至稱貸稱貸不足必至鬻子鬻子不  
足必至逃亡逃亡者不還居者又受累矣夫內府供用  
有常數則必有常簿今油蠟皮張諸料較之弘治初  
年費且十倍則戶工二部科派必又倍矣下之州縣  
必又倍矣小民輸納加以秤頭必又倍矣內官監收  
索其賄賂必又倍矣嗟乎民既苦矣當事不肯盡言  
有司束機而肥其家余之何不死且盜也此所謂民  
之害也三曰莊場之害昔高皇帝詔曰直隸拋荒田  
地聽民開墾永不起科民既開墾為業矣今戚畹聽  
奸民投獻謂非其田也聽之朝廷朝廷亦謂非其田  
也賜之戚畹戚畹奉天子命遂奪其田土夷其墳墓  
毀其房室伐其樹木于是百年土著之民蕩產失業

千里之內騷然不寧矣薊州牧馬草場數千頃地耳  
今三遺官勘問矣小民連年勾攝男不束裙女不上  
機賣妻鬻子轉死溝壑者過半矣度今事勢萬無百  
姓侵官之理謂宜置而不問若百年土著之民一旦  
逐之使去陛下忍為之乎此所謂莊場之害也六漸  
一曰匱乏之漸今諸選用兵糜財曠日錢穀吏俯首供  
給莫敢如何稍不繼則軍將委以自解于是始行和  
買和買不足又行它運它運不足復乞內帑臣始官  
戶部太倉銀庫尚有七十餘萬今耗已過半而乞猶  
未止欲不匱得乎今京城內外千觀萬寺亦盛矣顧  
猶不已左右近侍孰非造寺者動作孰非以鉅萬計  
者彼其出以鉅萬則其入不止鉅萬明矣財既聚于  
私室陛下又發勅給費修葺之國安得不匱此漸之  
當防者一也二曰盜之漸今天下雖安然而嘯衆殺  
人焚劫邑聚剽掠婦女者日相聞也設不幸有方二  
三千里之災武庫之兵太倉之粟此亦可為寒心矣  
宜及此時急選良有司悉心撫字且密令整飭城池  
軍馬庶幾有併無患乎此漸之當防者二也三曰壞  
名器之漸王者奉天理民祇此名器而已今乞官者  
官乞廢者廢然其父者陟其子然其祖者陟其孫不



知此何典也如大學士萬安醜穢彰露陛下既斥逐之矣今復廢其子為丞則有功者何勸焉此漸之當防者三也四曰弛法令之漸叢者犯人王禮擅奪番僧貨物損辱國體傳笑外蕃罪狀已具法所不原也陛下何從而赦之以為無罪則固追償其貨直矣以為有罪未聞有罪而赦之者也夫縱罪則長奸長奸則政亂此漸之當防者四也五曰方術眩惑之漸古帝王享國久長者畏天而憂民也非以奉佛法也康強少疾者清心而寡欲也非以事仙道也陛下獨不見梁武帝唐憲宗乎乃今翔寺翔觀者陛下弗止也又詔葬其廢祀不知何所取于此也夫真人太虛無為之名也今酒肉粗俗道士陛下敬重若神尊為真人又法王佛子並肩與出入食珍衣錦不與陛下登極之詔異乎此漸之當防者五也六曰外戚驕恣之漸昔高皇帝制皇親令曰皇親之家不與政及頒祿列爵則又使大責而極富已考其田宅僮奴之制則又不使踰也夫皇親與國至戚也不宜有間乃故制禮以防之者此所以保全而使之安也今陛下至親莫如壽寧侯所宜保全而使之安者亦如侯乃不嚴禮以為之防恐其漬且有日矣今侯招納無賴罔利

賊民白奪人田土擅折人室虛強掠人子女開設肆邀截商貨占據鹽利橫行江湖主威不既替乎替則凌凌則逼太逼則法行陛下此時難欲保全而使之安得乎切以為及今慎其禮防則所以厚張氏者至矣此漸之不可不防者六也疏出中外傳誦而侯張鶴齡及其母金氏交訴帝前訐夢陽十罪且指疏末張氏語為詆斥母后帝乃下之詔獄編修羅玘及言官文章論救帝以咨閣臣劉健曰此狂直不足深罪謝遷曰言難狂其心無非忠愛帝領之及鎮撫以獄詞上帝即命復官停俸三月金夫人猶于帝前乞重治帝怒推案起他日帝置酒南宮鶴齡兄弟入侍帝獨召鶴齡膝語左右莫聞第送見鶴齡免冠觸地蓋以夢陽言戒飭之也已而劉大夏要見帝問近日外議若何對曰近釋李夢陽中外歌誦聖德如天地帝曰彼疏中張氏左右皆言指斥中宮故不得已下之獄後鎮撫疏上朕問當若何一人曰此人狂妄宜杖而釋之朕揣知此輩欲媚中宮必重責夢陽致死朕所以即令復官更不令法司擬罪也大夏頓首稱頌而退夢陽自是名聞天下一日道過鶴齡乘醉大罵揮鞭擊之落其二齒鶴齡隱忍不敢言正德初進

員外郎其冬勅尚書韓文伏闕去劉瑾等八黨且代為革疏瑾深憾之明年正月矯旨謫山西布政司經歷致仕瑾憾猶未已又明年正月撫他事逮繫詔獄欲致之死賴修撰康海救解瑾願欲用之夢陽以病疾力辭海亦為之言乃已瑾誅起故官六年二月出為江西提學副使夢陽故高才負氣又以屢抗權貴有盛名至是益皎皎自樹而楊一清為吏部重其人往往為諸大吏言李視功名若敝屣吾惜其才強起之毋沮撓必使行其志于是夢陽益發舒始至持憲綱與巡按御史爭坐謁總制都御史陳金與約曰公奉勅治軍夢陽奉勅治諸生無涉也禁諸生迎謁上官即謁令弗跪乃振士風務敦實學厲名檢表揚節孝文教大興廉州縣貪墨吏立逐之去視鎮守大奄蔑如也故事諸司五日聚拊巡按御史所夢陽乃廢之又數與御史江萬寶忤萬寶有後言夢陽怒手銀鐺率諸生往鎖之萬寶謹避而已淮府小校有與諸生爭者夢陽笞之為淮王所奏下萬寶按狀夢陽欲脅萬寶遂互相訐奏俱下陳金金以為布政司鄭岳夢陽慮金直萬寶偽撰萬寶劾金奏草以激怒金又欲脅岳執其親信吏令報岳子法與諸吏交通納賄

狀時率王宸濠蓄異志威制撫按監司諸大吏獨浮慕夢陽執禮恭甚夢陽既與諸大吏忤亦倚以自強且為撰陽春書院記宸濠乃助夢陽共斷訛岳即奏岳通賄而因法掠治不已夢陽又私諸生欲于例外多復其家與民訟者不問曲直輒右之以是與參政吳廷舉有隙而吉安知府劉喬亦為所控辱不能堪乃求夢陽短白萬寶并偽為奏草事俱奏之萬寶既掣肘即謝病去廷舉亦奏夢陽侵官不俟命徑去夢陽益切齒喬屢疏劾其賊賄時諸司皆畏夢陽恐睚金亦以軍前多事不暇請盡以諸奏詞付之巡撫任漢及紀功給事中黎奭漢等顧慮遠延不決於是給事中王煥言江西群盜縱橫而各官競送私債無憂國心請特遣使究治乃命大理卿燕忠往會奭按之忠至繫夢陽廣信獄諸生群入訴寃忠不聽召夢陽責數之竟坐欺凌僚屬杖制撫按冠帶聞任而岳喬廷舉俱議罪有差時正德九年五月也嘉靖元年御史周宣進論其交通宸濠得旨速治牒下開封其守重第一隸令坐提隸臂血淋漓坐罵夢陽門夢陽乃囚服詔府送至京師下吏驗治無狀會尚書林俊力救竟坐陽春書院記削籍歸其守猶錄刑部爰書張



夢陽門以辱之夢陽自是不振以八年九月卒于家年五十有八其自號空同學者稱空同先生初弘治時李東陽以宰臣主文柄天下翕然宗之夢陽獨譏其萎弱倡復古學文必秦漢詩必盛唐非是者弗道其黨王九思康海何景明徐禎卿造貢王廷相和之于是有七才子之目而鄭善夫顧璘薛蕙朱應登輩亦皆隨聲嚮附其後吳郡黃省曾會稽周祚至千里致書願為弟子由是其道大昌迨嘉靖朝李攀龍王世貞出復祖述之天下奉李何王李為四大家無不爭效其體而詩文正派實自夢陽而亡迄于崇禎其風始息而國運亦終矣夢陽為人性剛難近自恃其才好上人故人多畏而惡之始與何景明康海邊貢友善其後皆有違言而于景明尤不合屢書相駁王九思薛蕙亦皆離而去之以是晚節益落賓客罕至子枝進士海州判官婦弟左國璣字舜齋舉于鄉嗜酒落拓竟以酒死姊子曹嘉字仲禮舉進士至山西布政使兩人並能詩而性行狠戾夢陽數為所窘云

若堵明年會試以文多奇字不第乃入國學名籍甚此歸祭酒林瀚特賦詩贈之又三年第進士鄉人劉健方枋國衆謂景明必獲館選而健雅惡浮文士以故不與居二年授中書舍人當是時李夢陽康海王九思邊貢皆好古文詞景明悉與之締交數子中夢陽尤雄駿景明後出遂與頡頏正德改元劉瑾竊柄上書吏部尚書許進劾其秉正毋撓語極激烈已遂謝病歸踰年瑾盡免諸在告者官景明坐罷瑾誅用李東陽薦起故秩直內閣制勅房李夢陽獄起衆莫敢直上書吏部尚書楊一清救之九年乾清宮災疏指斥時政言義子不當蓄造軍不當留番僧不當寵宦官不當任留中久之進吏部員外郎直制勅如故錢寧欲交驩以古畫索題景明曰此名筆毋汚人手留經年終擲還之師御史沒京邸奸人廖鵬賄之棺將結歛朝士景明日御史生不苟受今可受汚地下哉倡僚友共歛之竟却其棺尋擢陝西按察副使提督學政時鵬弟太監鑾鎮守閩中橫甚諸叅隨遇二司不下馬景明獨執而捷之自是無敢不避其教諸生若以經術世務不崇文藝進秀者于正學書院親為說經不用諸家訓誥士始知舉業外別有經學習

為一變嘉靖初遇疾乞歸未幾卒年三十有九景明志操耿介尚節義而鄙榮利與李夢陽並有國士風兩人為詩文初相得甚歡名成之後互相詆諆蓋夢陽主摹倣景明則主剗造由是各樹堅壘相持不下兩人交游亦遂分左右袒說者謂景明之才本遜夢陽其詩則秀逸穩稱視夢陽之粗浮剗竊反為過之然天下語詩文必並稱何李又與造貢徐禎卿並稱四傑莫敢軒輊焉獨其持論謂詩弱于陶謝力振之而古詩之法亡于謝文靡于隋韓力振之而古文之法亡于韓大為識者所譏所著雍大紀三十卷何子十二篇詩歌千餘首雜文數百篇並行于世兄景韶景暘皆舉于鄉景韶有孝行仕終東昌府通判徐禎卿字昌穀吳縣人資穎特家不蓄一書而無所不通自為諸生已工詩歌與里人唐寅友善寅言之沈周楊循吉由是知名常作談藝錄論古今作詩之法人多稱之舉弘治十八年進士孝宗遣中使問禎卿與華亭陸深名深遂得館選而禎卿以貌寢不與授大理左寺副以不習法比乞改學職便養當事不許無何坐失囚貶國子博士禎卿少與祝允明唐寅文徵明齊名號吳中四才子其為詩喜白居易劉禹

錫既登第與李夢陽何景明游悔其少作改而趨漢魏盛唐然其故習猶在故夢陽譏其守而未化晚年好養生之說有道士自西南來與語悅之遂究心玄虛謂冲舉可立致已而見王守仁與劇論守仁三不答禎卿悟懇請守仁微示聖學之旨禎卿幡然遂欲從學而時已抱病未幾遂卒年三十有三正德六年三月也禎卿體癯而神清詩銘鍊精警為吳中詩人之冠年雖不永名滿士林談者率與李何輩並稱云子伯紜舉人亦能詩

造貢字廷實歷城人祖寧應天治中父節代州知州貢年二十舉于鄉遂第弘治九年進士除太常博士久之擢兵科給事中孝宗崩疏劾中官張瑜大醫劉文泰高廷和用藥之謬又劾中官苗達保國公朱暉都御史史琳用兵之失其年改太常寺丞出為衛輝知府改荊州並能其官歷陝西河南提學副使以母憂家居嘉靖改元用薦起南京太常少卿三遷太常卿督四譯館擢刑部右侍郎拜戶部尚書並在南京貢早負才名美風姿諳吏事所交悉海內名士久官紹司優閒無事游覽江山揮毫浮白夜以繼日都御史汪鏊劾其縱酒廢職遂罷歸貢好蓄書積至數萬



卷一夕焚之俱盡乃仰天大哭謂甚于喪已遂得疾不起年五十七有華泉集八卷貢所學長于詩弘治正德時朝士有稱十才子者謂李夢陽何景明徐禎卿康海王九思鄭善夫朱應登顧璘陳沂及貢也吳人袁衷曰李何徐邊世稱四傑然邊稍不逮祇堪鼓吹三傑耳世以為然

王九思字敬夫鄜縣人弘治九年進士改庶吉士授簡討正德時劉瑾出翰林為部曹九思得吏部主事不數月再遷至文選郎中瑾誅諸翰林俱復故任九思居職自如無何言官交章擊瑾黨謂九思乃瑾及張綵鄉人故獨得美秩坐謫壽州同知踰年言官再擊瑾餘黨遂罷歸先是李東陽主盟文壇九思初應館試效其詩體遂得首選東陽頗親待之既而李夢陽康海輩倡為復古之說相與訾擊館閣九思欣然從之亦時時有所彈刺東陽不能無憾以故兩遭抨擊皆不為之地九思既壯年放廢無可發憤悉見之于詩又為傳奇雜劇力詆東陽嘉靖初有議召九思與修實錄者或言傳奇中李林甫固指李東陽其引楊國忠乃指楊廷和也議遂寢時康海亦以劉瑾黨被廢兩人居相近時時過從談讌徵歌度曲用相娛

樂九思將填詞以厚資募園工杜門學習盡其技而後出之海尤妙于歌彈酒既酣或彈或歌更奏迭舞雖一時老樂工亦自謂弗如也如是者數十年年八十四而終九思才故高詩文敏捷然獨長于詞曲談者謂不在閩漢卿馬東籬下而閩中人推其詩文以為一代宗匠殆過情之譽云弟九峰御史山西按察副使

康海字德涵武功人幼與郡兒嬉輒為之師父授以書嬉如故怒欲捷之明日課所業無可捷者乃已弘治十一年舉于鄉入國學于書苑而不誦悉其意而道其詞嘗曰經籍古人之魄也有魂焉吾得其魂焉已矣又曰上士恒逸下士恒勞誠虛吾襟求夫博之人而友之則博不在彼而在我矣故其居國學也十九在外日尋友朋而文亦日進十五年以殿試第一人授翰林修撰時李夢陽倡復古學賦排李東陽海與王九思何景明朱應登輩起而應之高自標榜齊氣翕集相與訾議東陽及館閣諸先達詩文由是忌者頗眾正德初劉瑾亂政以海同鄉慕其才欲招致之而海不肯往及夢陽下獄禍且不測其婦弟左國璣曰事迫矣非康子莫能救乃趣夢陽書片紙曰對

山故我惟對山為能故我對山者海別號也而國璣又自為書懇之海曰是誠在我我何惜一往不以活故人乎即往謁瑾瑾聞其來則大喜延之入內且與飲酒語久之瑾曰聞自來狀元無若先生洵為我閩中生也曰如海何足道近來閩中有三傑公知之乎瑾曰何謂三傑曰昔三原王公秉銓能進賢退不肖一也今則有叅勿親信在帝左右者瑾知其謂己並喜因問曰尚有一人其先生乎曰如海何足道此人乃當今李白也瑾固問則曰此不敢言昔高力士輔佐明皇至責倨也而李白乃使之脫靴力士亦不為忤千載以下孰不稱其大度瑾俛首思曰先生豈謂李夢陽耶此人罪當死海即起辭曰此海所以不敢言也瑾固留曰先生但飲酒我知之矣明日即釋夢陽弗治且欲擢海為吏部侍郎固辭而止然自是頗與往來尋丁母憂塗遇盜資斧盡失海揚言此非我物乃太監劉公所寄者所司懼急歛財與之語聞都下人言益籍籍及瑾誅言官交章劾瑾黨海與馬遂削籍為民海既被廢縱游秦中諸名勝已而家居放情肆意徵歌選妓日不暇給嘗于生日邀名妓百人為百年會酒既酣各書小令一闋分送諸王邸曰

此差勝錦纏頭也侍郎楊廷儀者大學士廷和弟也過武功留飲甚歡自起彈琵琶侑酒廷儀從容言家兄此來殊相念何不以尺素通海遠怒擲琵琶槿之廷儀走追而罵之曰吾豈效王維假作伶人借琵琶乞官耶海誼罵親故工于樂府兼通曆象太乙六壬醫經堊術惟博奕鄙而不為年六十有六以嘉靖十九年卒

張鳳翔字光世洵陽人生有異質落筆千萬言左手橫書瞬息盈紙角尚壯舉弘治五年鄉試居七年第進士授戶部主事年少負才公卿貴人求識而無虛日鳳翔亦頗自喜居六年移疾歸未幾卒年甫三十鳳翔與李夢陽同舉于鄉又同官戶部其聲稱出夢陽上而鳳翔頗推遜以兄事之及卒母七十餘歲予七歲貧不能自存夢陽上書孝宗請贖養其母子得旨報可其詩賦有使陵集六卷夢陽以王褒王勃擬之鳳翔之後閩中人文學可稱有張治道王詎許宗魯喬世寧之輩治道字孟獨長安人正德九年進士歷長垣知縣刑部主事與同官亳州薛憲成寧劉儲秀胡侍結詩社都下號為西翰林謝病歸坐大計落職日與康海王九思遊終南鄜杜間相倡和為詩



其持論力詆李東陽而高推崇夢陽以為筆參造化  
蓋閩中人士之論大率如此不獨治道也里居垂四  
十年有太薇前後集詎字舜夫白水人正德十二年  
進士歷工部主事刑部員外郎出為宣府兵備僉事  
引疾歸卒年甫三十六詎風神散朗負氣任俠好為  
詩自通籍至捐館纔九年詩至千六百首名彭樹集  
自以有高才而無責任故多煩促雜技之音宗魯字  
東侯咸寧人詎同年進士由庶吉士改御史歷右僉  
都御史巡撫保定林居十七年京師被寇薦起故官  
守昌平尋以右副都御史巡撫遼東復被劾歸宗魯  
能詩文兼工行草其才足集事所至有建樹然性豪  
縱能自度新聲每夜置酒為樂賓客亦日進同郡何  
棟西蜀楊名俱效之棟官右都御史總督劉遠軍務  
其後房豨妓尤盛而文彩無聞宗魯有少筆諸集數  
十卷世寧字景叔耀州人嘉靖十七年進士官止四  
川按察使幼有異稟日記數千言博識好問迄老不  
衰有詩文曰丘陽集閩中自李夢陽康海王九思後  
作者迭興若呂柟馬理韓邦奇邦靖馬汝驥胡縉宗  
趙時春王維禎楊爵輩彬彬質有其文而治道輩數  
吹之一時號為極盛自時厥後此風遂衰

田汝籽字勅父祥符人弘治末舉進士授行人正德  
四年擢刑科給事中時群奄放濁在位者率躡貨附  
權汝籽獨挺立其間遇事斤斤自信會輔臣虛位爭  
進者類樂從汝籽言當用大臣忠諫去國如韓文等  
不當用匪人被旨詰責七年劾小東布政使夏時及  
一僉事兩知府其人多罷去明年又極論四川總兵  
官時源玩寇殃民至撻辱漢中知府楊一鈞請重加  
逮治有庇之者置不問旋出為江西提學僉事正士  
習勵之以古學時天下學臣皆無閩防印記交承之  
際點吏易以作奸汝籽以為言乃命普給嘗遵勅諭  
奏薦賢知府伍文定同知曹琬等四人及教官十二  
人又薦養病御史宋景及舉人劉養正而劾縣令教  
官不職者十餘人御史及他監司以為侵己共騰謗  
言十二年大計遂坐不及調山西再遷湖廣副使乞  
休去家居十二年卒初官行人時與李夢陽何景明  
崔銑王廷相孟洋輩相切劘為詩古文號中州十才  
子既謝事力田養母杜門讀書嘗慨六經傳注紛然  
靡統字稱句柳思成一家言僅畢周易而已有詩文  
集行世弟汝霖字深甫游李夢陽之門與左國璣齊  
名人呼為田左少登鄉薦十三試不第乃謁選官終

兵部司務亦有詩集洋字望之信陽人景明妹婿由  
進士歷官南京大理卿有集十七卷同里戴冠字仲  
鵬樊鵬字少南並舉進士學詩于何景明冠仕至提  
學副使鵬陝西按察僉事並有詩集

朱應登字升之寶應人童時即諳律稍長通經史  
百家言年二十三舉弘治十二年進士授南京戶部  
主事時劉麟徐禎卿顧璘號江東三才子應登晚出  
遂與齊名歷延平知府陝西提學副使闕正學書院  
選高才生肄業其中至者以數百被論調雲南尋遷  
右叅政罷歸先是劉健當國不喜浮華士李東陽主  
風雅後進有文若石瑤羅玘邵寶儲巖何孟春魯鐸  
汪俊錢福顧清輩咸出其門而李夢陽何景明徐禎  
卿康海及應登乃自立門戶持論往往相左以故官  
途多不達應登才故高性頗傲忽或當筵落筆一掃  
千言在坐者不得交一語由是僚友見如蜚語遂騰  
年五十而卒予曰藩舉進士官九江知府亦有詩名  
當應登時維揚人士以詩文名者又有蔣山卿趙鶴  
蔣山卿字子雲儀真人正德九年進士除工部主事  
與同官何遵等諫武宗南巡下詔撤廷杖謫南京前  
府都事世宗立召復故官歷河南知府調潯州又調

南寧以征思田勞進廣西右叅政罷歸山卿暮年學  
詩弱冠游南京謁顧璘朱應登得其指授既釋褐與  
同年生薛蕙相討論詩律蓋工有南冷休園二集

趙鶴字叔鳴江都人弘治九年進士授戶部主事累  
遷建昌知府為劉瑾所惡謫南安同知常督兵擊賊  
兵敗被執知其賢釋歸遷金華知府有善政權山西  
提學副使丁憂未赴服除改官山東時學校法弛鶴  
嚴為澄汰去者過半士洵洵為流言鶴即謝病不待  
報而行生平嗜學迄老不衰為詩取凡語嘗曰此道  
不宜淺淺則庸晚註諸經考論歷代史正其謬誤有  
書經會註諸書

李先芳字伯承濮州人生而早慧風姿恂都年十六  
選尚公主已而却選當補諸生辭不受弱冠舉嘉靖  
十年鄉試又十六年成進士先芳早負詩名及是與  
吳維岳王宗沐袁福徵謝榛李攀龍輩結為詩社招  
其同年生王世貞入之文酒雅容相得雖甚踰年授  
新喻知縣討平境內大盜論誅殺人巨豪數人吏民  
畏服嘗雪一富人寃其人以覘獻付之藏吏異日發  
之則銀也立叱還之入為戶部主事父服除起改刑  
部是時海內詩人若宗臣張九一張佳胤徐中行及



王世貞革並列部曹悉與之侶酬為樂尋權尚寶丞尚寶多任子先芳素負才倨傲視如嬰兒及冊封德藩即先芳鄉土長吏進謁略不為意還進少卿兩御史出巡方當從尚寶受印日從吏使前先芳詫曰印當授繡衣乃授黑衣耶御史甚恚又嘗以詩詞得遇而吏部及大計其人比而構之坐謫亳州同知並倂倣奴視僚屬苛法繩諸生群相騰謗及遷寧國府同知竟中譏被劾落職歸家故高贊既被黜益治生富甲列郡然為人任使好施遠近多食其德大構園亭畜聲妓時招賓客縱飲性解音律善琵琶雖江東名手無以過也優游林下年八十四而卒初都下詩社本倡自先芳其後李攀龍王世貞名盛互王文柄七子五子一日皆不及先芳不能無憾世貞後為廣五子詩追錄先芳及吳維岳而兩人皆諱言之酒後耳熱少年用片語微挑先芳輒怒日嚼齒不歡而罷鄉人刑伺以御史按吳訪世貞而歸先芳與極論其本末語已直上視氣勃勃發頰頰間拍案覆杯酒衣沾濕其淺中好勝如此所著有大學古本四書解毛詩考正春秋輯疑東岱山房稿四十卷及他雜著又十餘種

吳維岳字峻伯孝豐人伯父麟父龍皆舉進士官監司維岳舉嘉靖十七年進士知江陰縣入為刑部主事歷山東提學副使三遷右僉都御史巡撫貴州有平群寇功以人言論調遂歸維岳初師事唐順之及在部署與先芳革攻詩咸有時名維岳尤為同社推重已而進王世貞于社實弟富之及李攀龍詩名大盛世貞遂舍吳而歸李維岳盛氣欲奪之不能勝乃罷去不復與七子五子之列故世貞明詩評頗貶之予稼澄字翁晉以父任歷官雲南府通判亦以詩名袁福徵字履善松江華亭人嘉靖二十三年進士授刑部主事歷郎中俺答圍京師兵部尚書丁汝襲既論辟欲并殺職方郎中王尚學福徵爭不可坐謫河陽知州稍遷黃州府同知終王府長史福徵詩集甚富每一題輒漫衍百餘首皆拖詰屈不為識者所稱謝榛字茂秦臨清人眇一目喜通輕俠度新莽年十六作樂府商調臨德間少年爭敬之已而折節讀書刻意為歌詩遂有聞于時而游彰德趙康王賓禮之尋入京師脫盧柙于獄朝士多其誼爭與交驩當是時李攀龍王世貞革結社燕市榛實為之長而攀龍次之及攀龍名大熾榛與論生平頗相錫責攀龍遂

貽書絕交世貞諸人或右攀龍力相排擯削其名于  
七子之列然榛游道日廣秦晉諸王爭相延致大河  
南北皆稱謝榛先生攀龍輩難悉之不能窮其所往  
也趙康王卒榛乃歸萬曆元年冬復游彰德王曾孫  
穆王亦賓禮之酒闌樂止命所愛貴姬獨奏琵琶則  
榛所製竹枝詞也榛方傾聽王曰此即先王所作也  
譜其聲不識其人可乎命姬出拜先華射人藉地而  
坐竟十章榛曰此山人里言安足汚佳人王齒請更  
製以併房中之奏王曰幸甚詰朝上新詞十四闕姬  
悉按而譜之明年元夕便殿奏伎酒止送客即盛禮  
而歸姬于榛榛載以游燕趙間又明年冬至大名客  
請賦壽詩百章至八十餘投筆而逝當七子結社之  
始尚論有唐諸家茫無適從榛曰取李杜十四家最  
勝者熟讀之以會神氣歌詠之以求聲調玩味之以  
裒精華得此三要則浩乎渾淪不必塑謫仙而畫少  
陵也諸人心師其言厥後雖合力擯榛其稱詩之指  
要實自榛發之

卧此令至則柎已大醉不能共賓主禮令深銜之柎嘗  
榜其役夫旬日而役夫為墻壓死令捕治柎論死繫獄破  
其家會里中兒為役卒恨柎笞之數百謀以土囊壓殺  
之為他卒解救柎居獄中感奮並讀其所携書作幽鞠  
放招二賦詞旨沉鬱謝榛見而嗟賞之携入京師見堵  
賁人泣訴其冤狀且曰生有一盧柎不能救乃從千古哀  
沈而吊湘予會平湖陸先祖為濬令因榛言平反其獄柎  
得出走謁榛榛方客趙康王所立召見柎禮為上客諸  
宗人以王故事客柎柎酒酣罵座如故及先祖為南京禮  
部即柎往訪之因適遊吳會無所遇遂益落魄嗜酒病  
三日平柎騷賦最為王世貞所稱詩亦豪放如其為人  
李攀龍字子鱗歷城人九歲而孤家貧自奮于學稍  
長為諸生即與友人許邦才殷士儋學為詩歌已益  
厭訓詁學日讀古書里人共目為狂生弗恤也舉嘉  
靖二十三年進士明年請假歸益下帷讀書居二年  
授刑部主事歷員外郎中出為順德知府部內有  
種馬場歲入租于官監司以為營馬牧地增至二千  
七百餘百攀龍為請悉蠲之順德九縣不當真定十  
之三而歲輸工部額徵乃與之埒攀龍力爭得減三  
之一沙河驛卒送過客越永年而抵邯鄲涉百七十



里而遠在邯鄲者亦然攀龍增驛于永年兩縣始不  
告病其他裁濶狹寬民力者甚多上官交薦擢陝西  
提學副使攀龍以所泣地即古西京思以古學倡多  
士而鄉人啟學為巡撫檄令屬文攀龍憐然曰文可  
以檄致耶拒不應會其地數震念母思歸遂謝病故  
事外官謝病不再起吏部重其才用何景明例特予  
告歸構白雪樓于田間東眺華不注西揖鮑山曰他  
無所溷吾目也名日益高賓客造門率謝不見即撫  
按大吏亦然以是得簡傲聲獨故交放許輩見從靡  
間時徐中行亦家居坐客恒滿二人聞之交相得也  
歸田將十年隆慶改元薦起浙江副使改左叅政賚  
表入都道擢河南按察使攀龍至是推亢為和圓方  
互用賓客亦稍稍進無何奔母喪歸哀毀得疾踰年  
疾稍間一日心痛遽卒年五十七攀龍之始官刑部  
也李先芳謝榛輩方倡詩社往與焉時王世貞初釋  
褐由先芳得入遂與攀龍定交相得歡甚明年先芳  
出為外吏又二年宗臣梁有譽來入是為五子未幾  
徐中行吳國倫亦來乃改稱七子當是時諸人多少  
年才高氣銳互相標榜視當世無人以故七才子之  
名播天下已而榛被擢攀龍遂為之魁其持論謂文

自西京而下詩自天寶而下俱無足觀于本朝獨推  
李夢陽諸子翕然和思異口一詞非其黨則詆之為  
宋學雖唐順之王慎中亦不免然七子中獨攀龍才  
最高其名亦最著顧獨心重世貞即諸子亦視之蔑  
如自是天下並稱為王李又與李夢陽何景明並稱  
為何李王李迄數十年猶守其說不廢其為詩務以  
聲調勝而虛氣浮響全無真性至更易古樂府數字  
便掩為己作文則冗長沉晦聲牙戟口讀者至不能  
終篇當其時有識者已多抉摘之而攀龍不悟也其  
自號滄溟有白雪樓集三十卷邦才字殿卿舉嘉靖  
二十二年鄉試第一歷永寧知州德周二府長史與  
攀龍共為詩名海右倡和集評者謂攀龍詩多客氣  
邦才溫厚或過之士僇官至文學士自有傳  
王世貞字元美太倉人兵部侍郎倬之孫右都御史  
行之子也生有異稟書經日終身弗忘十五咏寶刀  
長老稱異舉嘉靖二十六年進士年方十九已好為  
詩古文及官刑部主事入王宗沐李先芳吳維岳等  
詩社名遂起已而諸人多外遷又與李攀龍並招宗  
臣梁有譽徐中行吳國倫輩入之相與紹述何李排  
擊王唐好為大言以撼世世之嗽名者爭附焉蓋世

貞才最高年最少氣最豪地望又最顯而其為人頗  
虛懷善下故其名更出諸人上然其于吏事亦不廢  
累遷員外郎中久于刑曹善判決不畏強禦奸人  
鬪姓者犯法錦衣都督陸炳匿諸家欲貸其死世貞  
竟搜得之炳介嚴嵩以請亦不許及楊繼盛下吏時  
周其湯藥其妻訟夫寃又為代草疏其死也復棺歛  
之嵩益大恨吏部兩擬提學皆不用乃用為青州兵  
備副使青故多盜募壯士教之射申保甲重懸賞格盡  
地為界以義官統之盜即時捕獲者為上不出境獲  
者次之拒不能劫者又次之其始起不覺察者所過  
而巡徼不傳捕者皆罰受賕故縱者立杖死行之期  
年盜為衰息三十八年五月父忤以濼河失事論死  
繫獄世貞解官奔赴與弟世懋議叩關請代諸責人  
語之曰此無益速乃翁死耳忤亦于獄中止之乃僦  
居委巷兄弟日蒲伏嚴嵩門涕泣求貸嵩亦時為緩  
語相寬戒毋激上怒弟不欲遽釋弛邊臣心耳兩人  
又日因服忌道傍遮諸責人輿搏額乞赦諸責人心  
憐之而畏嵩無敢言者明年十一月竟伏屍西市兄  
弟哀號欲絕持喪歸蔬食三年不入內寢既除猶却  
冠帶苴履葛巾不赴宴會務宗隆慶元年八月兄弟

請闕訟父寃言為嚴嵩所害時相徐階左右之乃復  
忤官世貞意不欲出會詔求五言疏陳法祖宗正殿  
名廣恩義寬禁例修典章推德意昭爵賞練兵實八  
事曰此可藉手報主恩矣無何吏部用言官薦以副  
使涖大名世貞猶不欲出李攀龍諸人以大義曉之  
乃起就官大名之俗女將嫁其親族聚而飲食之彌  
月不止娶婦亦然一婚而中人之產去半其遺喪也  
一如嫁娶一喪而中人之產亦去半世貞至嚴定禮  
制俗為之變明年移浙江右叅政湖州久雨富人閉  
糶粟翔貴世貞首捐俸易粟郡縣又縉紳應之而令  
富人入粟給冠服得三十萬石又疏乞改折得十五  
萬石民以不饑尋遷山西按察使以母憂歸服除起  
補湖廣旋改廣西布政使入為太僕卿萬曆二年九  
月以右副都御史撫治鄖陽數條奏乞曰戍守兵食  
事宜咸切大計有奸僧偽稱樂平王次子奉高皇帝  
御容金牒行游天下令郡邑供張世貞曰宗藩有禁  
不得出城而誇張如此必偽也密使人跡之則其人  
以御女術游諸邸崇王賜以梭轎紅杖故所至橫行  
而奸人李汝貴等為之輔捕而訊之則平涼民人賀  
祿也遂服辜時張居正枋國以世貞同年生有意引



之而世貞不甚親附所部荊州地震廬舍多圯引京  
房占謂臣道太盛坤維不寧以諷之王生辱江陵令  
居正婦弟也世貞論奏不少貸以故積不能堪四年  
六月稍遷南京大理卿給事中楊節即論罷之六年  
八月起應天府尹南京科道又交章論罷時同里王  
錫爵忤居正以禮部侍郎家居有女字徐叅議子及  
將出閤自言學仙不肯行徐氏子遂幽憂死已錫爵  
言其女仙去築雲陽觀祀之世貞為作雲陽大師傳  
遂焚筆硯謝賓客與錫爵並稱奉道弟子結廬共居  
修持甚力異時所好圖籍彝鼎書畫悉棄之他人不  
復措意事聞京師人言籍籍于是給事中牛維炳御  
史孫承南交章極論請毀其觀焚其傳刻而承南詆  
世貞尤力章下禮部尚書徐學謨以居正素憾此二  
人將有所行遣慈聖太后聞之遣中官語居正曰神  
仙者何與人事言官乃抨擊之居正意絀事乃寢而  
南京給事中吳之美疏又至報聞而已顧一時名士  
若趙用賢沈懋學及世貞弟世懋咸受教稱弟子聞  
者哂之居正既沒十二年二月起南京刑部右侍郎  
辭疾不赴十二年十月錫爵已東政而同郡申時行  
為首輔乃起南京兵部右侍郎先是世貞為副都御

史及大理卿應天尹與侍郎品皆正三世貞通理前  
俸得考滿廢子十七年六月擢南京刑部尚書御史  
黃仁榮言世貞先任皆被劾不當計俸據故事力爭  
吏部引近例為解已得俞旨世貞竟三疏移疾明年  
三月得請又明年卒于家年六十有五世貞始與李  
攀龍狎主文柄及攀龍沒獨操其柄二十年及聲華  
意氣既足以籠蓋海內而鴻文快筆又足以鼓一世  
之賢豪而奪其氣故天下學士大夫以及山人詞客  
衲子朋流莫不奔走宇下受其品題片言褒賞贊價  
驟起自古文人享隆名主風雅領袖人倫未有若世  
貞之盛者也顧其時論文必西漢詩必盛唐大曆以  
後者勿讀而言不稱其實貌似而不得其神迨其晚  
年攻者漸起世貞亦自悔之而天下猶沿其初習彌  
望皆黃茅白葦致萬曆以後天下遂無古文未必非  
世貞之罪也自號鳳洲又號弁洲山人所著弁洲四  
部稿及續稿多至數百卷又有藝苑卮言弁洲堂別集  
並行于世弟世懋字敬美嘉靖三十八年舉進士即  
遭父變居憂一如其兄父既昭雪始謁選為南京禮  
部主事歷陝西福建提學副使再遷太常少卿先世  
貞三年卒世懋亦好學善詩文名亞其兄世貞力推

引之以為勝己其友李攀龍汪道昆輩因稱之為小  
美有文集五十餘卷世貞子士騏字同伯舉鄉試第  
一登萬曆十七年進士終吏部員外郎亦能文

梁有譽字公實南海人父世騎進士福建按察僉事  
有譽好古嗜學借其友歐大任黎民表輩師事香山  
黃佐學詩古人舉嘉靖二十九年進士除刑部主事  
與謝榛李攀龍王世貞宗臣結詩社其作五子詩首  
榛而攀龍輩次之生平砥礪名行旅食三年蕭然一  
室以念母將告歸或言吏部郎缺已議調有譽笑曰  
吾自欲歸耳豈厭比部而一銓部郎能廢哉竟去  
不顧歸則杜門讀書即大吏辭不見後將游羅浮已  
行而颶風大作止宿田舍三夕得疾還遂卒年三十  
有六有比部集八卷有譽善相人術謂宗臣曰子甚  
貴而無年奈何已自嘆曰吾先子往亦不久于世矣  
後六年臣果卒亦三十有六

建泰議會倭寇薄城臣守西門鄉民被難者幾萬人  
疏呼求入臣令開門納之或言賊且迫曰我在不憂  
賊也復與主者共擊退之尋遷按察副使提督學政  
以強敏稱三十九年春得疾遽卒年甫三十六諸僚  
衆暨士民莫不哭之有詩文集十餘卷王世貞稱其  
詩天下奇秀雄放橫厲又摘其佳句書之屏間以為  
上掩王孟下軼錢劉蓋諸子中之錚錚者  
徐中行字子與長興人舉于鄉入南京國子監典梁  
有譽善已同舉進士為刑部主事尚書顧應祥其外  
舅行也令交李攀龍王世貞遂入七子之社中行美  
姿容善飲酒工諧笑所交盡一時名士莫不喜之獨  
莊事攀龍不敢以友進歷員外郎却中出知汀州府  
廣寇蕭五柝擁眾來犯郭外居民爭避入城守者闔  
之有相陷籍死者中行亟戒勿闔而身坐城下引絙  
別達俾勇循左女循右入第令速斥堠而已屬邑受  
指咸飭兵登陴賊不能破行圍持槊董瑛壘繫系男  
女數百中行遣兵解之盡奪還其俘策賊且走走必  
由高吳道俾武平令徐甫宰伏兵傲破之而盡推功  
于甫宰不自居甫宰竟得優擢尋以父憂歸起補汝  
南會大計坐前刑部事當調士民遮道哭送久之補



長蘆鹽運判官居三月遷瑞州府同知旋擢山東倉事並以母憂未赴起改湖廣巡武昌大盜柯彩鳳者負湖為盜舟數中行掩而斃之得其積貯以賑饑民所活以萬計由雲南叅議歷福建副使叅政按察使遷江西左右布政使以萬曆六年卒官僚屬咸歿士民亦巷哭中行性好客容無賢愚責賤應之不倦故其死也人多哀之有青蘿天日二集

吳國倫字明卿興國人嘉靖二十八年舉鄉試第一明年成進士授中書舍人王世貞等倡詩社國倫最後入遂預七子之列擢兵科給事中楊繼盛死倡衆購送柩嚴嵩假他事調江西按察知事量移南康推官調歸德居二歲棄去嵩敗起建寧同知歷知邵武高州二府遷貴州提學副使移河南左叅政坐大計罷歸國倫官京師時蔡汝楠以四川副使入覲與世貞等會飲世貞高歌其夔州諸詠國倫假寐大斬新聲與歌聲相上下已而歌止新亦止其為人傲慢如此及官河南汝楠適為巡撫待之坦然人以服其雅量國倫才氣橫放蹠踣自負好客輕財歸田之後聲名籍甚噉名之士不東走太倉則西走興國萬曆時世貞既沒國倫猶無恙在七子中最為老壽有甌甌

洞稿前後數百卷

俞允文字仲蔚崑山人也其父舉進士官止大理評事允文年十三而孤十五為馬鞍山賦援摭該博長老異之自是益汲古嗜學工詩文時邑人歸有光以古文名當世允文與之角立常患頽風暑月恒禦纒袷稍寒則以貂胃之年未及強即謝去諸生優游里舍客至焚香凭几竟日無凡語善書諸體皆擅長應酬揮洒頃刻數十函以善病不能遠遊故雖食貧而能保其志王世貞與友善其定廣五才子以允文為首而李先芳吳維岳歐大任諸人次之年六十七而終允文雖與世貞交而不喜李攀龍詩于書不滿淮素于古人不滿郭有道其持論不苟同如此同時俞安期字羨長吳江人善詩嘗作長律一百五十韻贈王世貞世貞為之傾倒已而東訪汪道昆西謁吳國倫咸與結社固有琴縉紳間其狀貌若河朔僉父而才氣豪逸亦一時布衣之傑也所輯唐類函二伯卷詞家尚之

余曰德字德甫南昌人鄉舉入都兵部尚書王以旂延為子師時曹鏡議復河套得旨褒嘉以旂亦以為良策曰德言吾聞茲事實長相主之憂相驕嚴相險

兩人陰為敬魯公且不自保何暇成功名乎已而果  
然以族乃大嗟服及督師三邊邀曰德郊餞至則公  
卿以下畢集以旂肅容迓諸門過贊諸責人曰微余  
生教吾殆不知死所余後日公輩人也由是益有聲  
尋舉二十九年進士授刑部主事再遷郎中出為福  
建副使破延平劇盜徐子堅捍壽寧政和二邑寇並  
有功以忤巡按御史被劾歸曰德初官刑部值李攀  
龍王世貞革結七子詩社已而謝榛被擯梁有譽歸  
卒引曰德及銅梁張佳循補之無何攀龍出守世貞  
為政又引新蔡張九一補之俱名七子世貞詩稱吾  
黨有三甫以此三人皆字甫也繼又並以魏宗汪道  
昆號為後五才子諸子中吳國倫好狎侮以加宗臣  
輒不受加徐中行則受曰德儵然其間亡所加即加  
亦夷然不屑也曰德雖後入而年最長顧獨嚴事攀  
龍于攀龍詩涵噤最深攀龍亦最推許然諸人難自  
相標榜而五子之才又出七子下故當時亦鮮稱道  
之者九一字助甫後曰德三年舉進士以黃梅知縣  
課最擢吏部主事遂入七子之社歷文選郎中南京  
尚寶少卿謫廣平同知累官右僉都御史巡撫寧夏  
裳字順甫蒲圻人諸生時同邑廖道南以舉士家居

責倍甚自負辨博所引說經史連拄諸生口裳獨答  
辨不窮道南為愧服與曰德同年舉進士授刑部主  
事既與攀龍世貞革交自以才不如益刻厲治詩書  
非夜分弗釋歷員外郎郎中終濟南知府道昆字伯  
玉歙人先曰德三年舉進士由義烏知縣歷福建兵  
備副使四十二年倭陷興化副將戚繼光提浙兵八  
千人至道昆一見奇其才與決策進討大破之增秩  
齊銀幣俄進按察使特勅盡護諸道軍明年四月驟  
擢右僉都御史代譚綸巡撫福建時倭患雖衰大盜  
吳平又起道昆與繼光優討平之又明年福州衛軍  
典中允陳謹家人閩謹出解之為亂挺所傷月餘死  
謹故以殿試第一人起家者也給事中岑用賓歸罪  
道昆劾之遂解職候勘隆慶四年起故官撫治鄖陽  
明年進副都御史移撫湖廣神宗立召拜兵部右侍  
郎出閩薊遼諸鎮邊備時繼光鎮薊而李成梁帥遼  
東並負威名道昆與協心籌畫數條上便宜悉報可  
遂朝進左侍郎以終養歸林居二十年年六十有九  
卒道昆與王世貞為同年生因交李攀龍革學為詩  
古文然世貞不甚重之後張居正當國亦道昆同年  
生其父七旬初度舉朝競為頌美之詞獨道昆文當



其意亟稱之世貞乃錄居正指筆之藝苑危言謂文繁而有法者于鱗簡而有法者伯玉于是道昆名大起海內噉名之徒不東走姜水則西走新安又以世貞嘗貳南京兵部並稱爲兩司馬而道昆于詩文實無所解世貞亦深悔之以其官尊竟不能抑也自古文人竊盛名而統繆不成章者無若道昆之甚其所著太函集識者亦不責之

蔡民表字惟敬從化人御史貫之子也年二十舉嘉靖十三年鄉試與茅民表民懷友人吳旦梁牧梁柱臣梁有譽歐大任從學于香小黃佐相倡和爲詩頌南自孫賁王佐等五先生後詩學優興屢應會試不第慨然有隱羅浮之志母趣之仕始就銓授翰林院孔目遷吏部司務執政知其能文用爲制勅房中書供事內閣四十四年改戶部主事轉餉大同復召典制勅屢遷本司即中河南布政司參議俱直閣如故萬曆七年三疏乞休始得請民表性坦爽無城府善書學文徵明得其家法始王世貞主盟文壇進退天下士有績五才子之目民表其一也其詩文曰瑤石山人稿北游稿民表舉嘉靖三十五年進士歷吏部郎中出爲廣西布政司左參政署司事會古田徭賊

章銀豹夜潛入城劫庫民表急召衆禦之從者已散遂遇害民懷歲貢生善詩兼工書畫卒年八十餘有清居集歐大任字楨伯順德人早從黃佐學詩文得其指授由歲貢生歷江都訓導九州學正以母病棄官歸後起國子博士終南京工部郎中大任雖馳騫七子之列而其詩猶存故習不盡變所守故識者有取焉年八十而終有虞部集行世

劉鳳字子威長洲人嘉靖二十九年進士累官監察御史坐事左遷興化推官擢河南按察僉事罷歸以老壽終鳳嗜古博覽苦心鈎索著騷賦詩古文詞數十萬言及他纂輯共數百卷見者驚其浩博名滿一時然其爲文率鉅衍堆積晦昧詰屈至不可句通人弗謂善也其後筆亭馮時可無錫鄒迪光亦以文章名而官皆不甚顯時可字元成御史恩少子也第隆慶五年進士仕至提學副使好爲古文聲籍甚有文集行世而學疎識卑踈收補綴其才更出鳳下迪光字彥吉茅萬曆五年進士歷黃州知府福建提學副使巡撫趙可懷責一諸生迪光怒解官徑去僚友挽之不可得越一日復自還爲可懷所劾巡按御史并劾其不賀聖節詔貶二秩御史葉成還言迪光

以狂悖被論而其貪殘縱恣在先任黃州尤甚不可不重按乃詔湖廣撫按官勘問迪光妻與申時行妻兄弟也竟得釋罪以故官滋浙江旋移湖廣仍督學政其取士不守成格所錄首等或一縣數人或數十人或竟無一人凡所賞識多取科第去後被劾罷歸卜築惠山之下傲歌度曲詩酒驩娛極園亭琴色之樂時邑人顧憲成高攀龍輩方以理學風節相矜尚而迪光獨耽于聲樂故不為清議所容然以文章擅名江左噉名者亦競歸之其前後集三百餘卷繁縟穠艷雖奉快浩富為識者所多重之蓋萬曆中葉（）世貞輩既沒文章之柄無所屬一時高才無如湯顯祖屠隆而皆偃蹇不得志于是迪光與元成乘間而起思狎主文盟類祖隆亦漫推之兩人喜互相雄長而一時無識者亦遂翕集其門兩人益侈然自大以時鮮作者故虛譽溢溢云

用考舊召為南京太僕卿旋改太常未赴聞諫官有言力辭不就時方修神宗實錄僉以維楨擅史才且通籍五十餘年熟諳先朝政事宜領史局給事中薛大中特疏薦之未及用四年四月太常卿董其昌後薦之乃召為禮部右侍郎甫三月進尚書並在南京維楨本緣史事起用乃館中諸臣憚其以前革歷已故不令入館而但起遷其官維楨亦自以年衰明年正月力乞骸骨去又明年六月卒于家年八十崇禎時贈太子太保維楨弱冠登朝博聞強記與同館許國齊名館中為之語日記不得問老許做不得問（）李時王世貞再起主文柄有末五才子之目謂維楨及屠隆趙用賢魏允中胡應麟也性不能飲不喜博奕亦不問家人生產讀書之外泊然無所嗜為人樂易澗遠賓客雜進有背負者窮而未歸遇之甚厚弟維標根戾無狀友愛有加其文章弘肆有才氣海內請求者殆無虛日能屈曲以副其所望碑版之文至焜耀四裔門下士爭招邀富人貴受取其金錢代為請乞亦應之無倦巍然負海內重名者三四十年然其文率意應酬殊乏精彩識者亦不甚重之有大泌山房集一百三十三卷



胡應麟字元瑞蘭谿人父僖雲南按察副使應麟幼而能詩從父宦遊所至輒有題咏名傳都下萬曆四年舉于鄉不第獨王世貞于家盛相推挹世貞喜登其名于末五子之列應麟益自負歸語人曰王公訐我押主齊盟自今海內文士當捧槃盂而從我矣初世貞著藝苑卮言雖黃古今文士一時感傳之晚而自悔嘗曰作卮言時年未四十與于麟輩是古非今此長彼短未為定論但行世已久不能復秘惟隨事改正勿誤後人而已應麟亦為詩藪二十卷奉卮言為準絕凡卮言所入則主之所出則奴之其大指顯千古之詩莫盛于有明李何李王四家四家之中顧龍千古總萃百家尤莫盛于世貞詩家之有世貞集大成之尼父也又從世貞而下推及于其弟世茂暨吳國倫汪道昆之儔謂皆殆聖體貳之才世貞初善其貢使推許備至且生為立傳後乃大悔悟語及詩藪輒掩耳不欲聞而應麟不知也然應麟才故高築室山中貯書四萬餘卷多所漁獵其撰著亦甚富浙東人論文學者必及之

屠隆字長卿鄞人生有異才學詩于沈明臣落筆數千言立就族人兵部侍郎大山里人兵部尚書張時

微奇之共相延譽名益噪舉萬曆五年進士除穎上知縣調繁青浦時招名士飲酒賦詩游覽九峰三泖以仙令自許然于吏事不廢士民皆愛戴之入為禮部主客主事西寧侯宋世恩好詞賦慕隆名將師事之隆不可乃以兄禮事十二年九月世恩置酒張戲大會賓客酒酣客醉淋漓傾倒世恩謂隆先生既以弟畜我異日弟婦將拜太夫人及嫂夫人堂下座客多聞此言已而山人預燕者時為人述其事而世恩亦向人自詡屠先生乃肯與宋生通家刑部主事俞顯卿者素傾險無行嘗以排陷同列為隆所詆顯卿聞而憾之至是訐隆與世恩淫縱詞連禮部尚書隆經拜隆等上疏自理并列顯卿挾仇誣陷狀所司乃兩黜之而停世恩俸半歲隆歸道青浦父老為歛田千畝請徙居隆不許但歡飲三日竟謝歸隆未幾名高睥睨一世及是壯年被放不自聊益縱情詩酒好賓客然家故貧又不善治生家益窘乃買父為活其詩文率不經意一揮數紙嘗答友人書自述其所作謂姿敏而意疎姿敏故多疾速意疎故少精堅長篇短什信心矢口寄戲命兩人對案分拈二題各賦百韻吐嗟之間二章並就又與人對奕口占詩文我占

彼膏者不遠占非不欲求工厭物而姿性使然雖復苦心屬毫擱筆不下亦僅如是耳時同邑余寅與陸友善其為文非構思積月不能脫葉兩人並以古文名而遲速懸絕如此陸既不得志嘗出遊自放後寄情仙釋自詭出世晚年一無所遇為大言以自慰而已初號緯真後更號赤水年六十有三有由李白榆米真南游諸集其未行者有絳雲樓集子婦沈氏天孫翰林宣城沈懋學女也與陸女瑤瑟並能詩陸有所作兩人輒和之陸詩所謂但有圖書運都無針線箱是也天孫卒年二十一瑤瑟二十七兩家兄憲合刻其詩曰留青卮

余寅字君房鄞人生而為拔從里師授書每為所屈及壯益喜讀秦漢以上書發為古文名動一時舉萬曆八年進士授工部都水主事典外蕃賜衣日與承運庫內侍交接易染指寅一準以法歲省三千金人謂余君真水部也遷禮部精膳員外郎進郎中陳正風俗十事出為陝西提學副使直躬行道請錫路絕御史首錄士考置下下最慎鄉賢名宦二祠一無假借遷山東左叅政引疾歸尋起故官滋福建御史林祖述以巡方至寅鄉里後進也每行部輒以自隨寅

不悅遂投劾乞休詔加太常卿致仕寅性高亢居官廉白自持宦索蕭然歸而息交屏迹耻以文章為博名資四方乞文者踵至未嘗輕受其幣年七十七而終寅于一時文士罕所交接獨善吳人劉鳳文章亦多似之每作詩文必積思苦金不輕命筆所著農丈人集盛有時名然艱深詰屈論者或少之同邑以詩鳴者有楊承鯤屠本峻承鯤字伯翼大理丞吳益子少作詩有奇氣里人沈明臣異之贈詩擬以楊德祖名遂著長而詩益工貢入京師作薊門行一日名滿都下嘗以年家子謁王世貞世貞大賞其詩承鯤然竟別去謂人曰以吾詩求王公一序有餘顧王公博大人慈容持片楮求譽輒津津環容口即覽儒賈客人人自謂王公知己其知己多矣吾尚容廁其間哉又曰王公論歷下忠篤有餘胡鑿不足歷下持說道所得者郭郭平歷下謂李攀龍也其不詭隨流俗如此有西清碣石二集本峻字田叔兵部侍郎大山子好學有為才以父任歷官福建鹽運同知持身廉白不名一錢時方用師朝鮮巡撫金學魯需餉急本峻言閩中鹽引舊歸勢家勢家昂其五轉售商人故商病而公家亦絀今誠盡給商人稍減其直則利歸



公家學曹從之果贏萬金自是遂為永利居三年移辰州知府以慈惠得民會播州皮林逸用兵饋運無乏當叙功而本峻性好客門外車騎交錯後堂日置酒上官聞之不悅移書其父執謂曰叔家有園亭絲竹足娛賓客此吏事不足煩遂罷歸本峻風流蘊藉工詩文善談笑至老不廢書或言公何自苦答曰吾于書饑以當食渴以當飲久仲以當枕席愁寂以當鼓吹無所苦也是時任予以文學行誼著稱者獨本峻及常熟履汝履人無間言著有太常典錄及詩文稿十餘種

董其昌字元宰華亭人父漢儒有學行其昌初就塾此夜父從枕上授經志能誦記舉萬曆十七年進士改庶吉士授編修皇長子出閣充講官因事進規皇長子每日屬之坐失執政意出為湖廣副使移疾歸起故官督湖廣學政士論不附黃州生儒數百人鼓譟毀其公署其昌拜疏求去帝不許而令有司按治其昌卒謝事歸起山東副使登萊兵備河南叅政並不赴光宗立召為太常少卿掌園子司業事天啓二年擢本寺卿兼侍讀學士時修神宗實錄命往南方采輯先朝章疏及遺事其昌廣搜博徵錄成三百餘

本做史贊之例繁以筆斷書成表進有詔褒美明年秋擢禮部右侍郎協理詹事府事尋轉左五年正月拜南京禮部尚書時政在奄監黨禍酷烈其昌深自引遠踰年請告歸崇禎四年起故官掌詹事府事居三年屢疏乞休詔加太子太保致仕又二年卒年八十有二贈太子太傅福王時諡文敏其昌天才俊逸少負重名于書畫亦並擅絕初華亭自沈度沈紱後若張弼陸深莫如忠及子是龍皆以善書稱其昌後出超越諸家獨探源妙始宗宋米芾後遂綜晉唐諸帖而變化之畫亦集宋元諸家之長行以己意瀟灑生動非人力所及也精于品題四方造請無虛日尺素短札流布人間爭聯寶之又雅通佛理蕭閒澄脫終日無俗况人擬之米芾趙孟頫云同時以善書名者臨邑邢侗順天米萬鍾晉江張瑞圖時人謂邢張米董又曰南董北米然三人者不逮其昌遠甚論曰明初之文自金華義烏而外遘得胡翰蘇伯衡而下若而人其學固各有師受要皆出入經史自成一家庶幾所為作者之林與厥後才子高名標榜日眾考其先後唱和不過以聲調取長筆藻競俊號為銳意優古僅得其皮毛影似而已豈誠有當于昔人

著述之精微與至于牢騷悲憤發為吟嗷之類竅  
地聲啁啾細響大雅有作夫豈其然而最下者則又  
假行陳腐觀之令人嘔噦一時無目者未嘗不驚趨  
之狂逸虛聲徒取譁俗可耳命之曰文不大愧乎傳  
曰道德本也文藝末也本末二者無衡決弗通之理  
奈何至截而異之善哉宋金華文原一作實為揭其  
要領而東鄉艾氏文勅文妖諸說更足併學者之箴  
規苟並聞而弗觀則其去道為益遠矣嗚乎文亦豈  
易易也哉

明史卷三百八十九

循吏上

循吏傳

有國家者必首重吏治吏治弗清即民事胡由而理  
明祖懲元末積弛之弊銳意振刷故馭吏特嚴設峻  
法以絕貪戀高爵以獎異海內嚮風舊習丕變列辟  
相承三考六計並留神激勸之典令甲增修廉隅交  
厲而濯磨自見者未嘗不聞達於九閣久任優陞行  
之不倦無戒於前代錫金增秩之錄準故成私之間  
吏淳民樂饒有漢宣之風蓋亦其積累而然者也神  
廟之初純事綜核固亦時宰救敗之宜而為之已甚  
則頗傷嚴急嚴急之過轉而墮弛消長相乘勢所必  
爾浸焉淫焉官方利毀職業曠捐求其救我蒸民殫  
心菲屋者寧幾人耶啓禎之季變故頌興吏道多雜  
民生日蹙以至誅求水火災害交并虐我則仇成疾  
視其長上而莫救矣嗟乎吏治攸關如此是惡可不  
重加之意乎

陳灌字子將廬陵人幼孤事母孝見元季政衰棄書  
學兵法環所居築塲樹木人莫測其意數年樹森鬱  
成列遠近盜大起募壯士結屯其中一鄉賴以全陳  
友諒據江西其將熊天瑞招致灌與俱至九江知友



諒不足事去之明太祖克武昌灌因羅獲仁詣軍門  
上謁歷陳定亂安民策太祖善之即用為湖廣行省  
員外郎累遷大都督府經歷從徐達北征既下泰州  
留灌繕城功竣除寧國知府是時民遭變久不知禮  
義灌至建學擇師選子弟教之問民疾苦禁蕪并蕞  
欺隱所剝戶帖帝取為式布天下宣城田瀕江者歲  
苦水患為伐石築堤作水門時蓄洩遂為永利屬邑  
秋糧率不入官廩虛籍其數以上灌察知屬言將以  
某月日覆按民間爭灌輸公帑皆滿及期閱實不刑  
一人有益麥舟坐死者四十八人灌曰此愚民因舟  
飄抵圻延取之非行劫也坐為首者一人餘悉減死  
灌風采凝峻持守嶢然為治則尚寬大故人皆愛悅  
之洪武四年謁告歸省召至京病卒其後有袁旭者  
字廷輔江西樂安人由進士為江津知縣有異政正  
統元年用大臣公舉擢寧國知府旭善撫綏深得民  
心學校公署橋梁道塗無廢不舉而民不知勞十年  
華治行卓異賜織金衣寶鈔宴於禮部仍還任其年  
六月督學御史程富劾旭教飲民財妄興工作且杖  
死無辜宜按問帝怒下剋按御史覆核未報旭亦許  
富挾私及其不法事章并下法司俱宜褫奪命編旭

保安州為民雷翰贖還職旭先已連繫竟死於獄已  
而剋按御史王震言旭杖斃平民無實狀會旭已死  
不問旭雖被許而死然宣州人語賢守者必曰袁公  
為建祠奉祀  
方克勤字去矜浙江寧海人幼有神童稱焉志洛閩  
之學窮探力索寢食為廢元末海寇起行省命吳江  
同知金剛奴募民為水軍克勤上謁曰民窮為盜即  
未為盜者亦蠢蠢欲動奈何授之以兵是謂增盜非  
禦盜也金剛奴怒不答既而水軍果中道叛殺領護  
者散而從盜金剛奴踰垣走折一足始悔不用克勤  
言亦幾都事劉基從侍御史至台州招撫克勤上書  
陳勸珍之策不宜姑息基雖善其言亦不能用也洪  
武二年浙東既入版圖詔郡縣立學有司辟為訓導  
勤於政迎來學者日衆尋以母老謝歸四年太祖聞  
其賢徵之詣政府固辭執政不許命就吏部試名列  
第二特授濟寧知府錫之冠帶既至專務以德化民  
民有不便令詣府自言日引耆老與坐訊問得失大  
興學校親為講課屬縣悉立社學凡數百區兵燹之  
後儒教復興弟子繁籍者二千人惠後法不均與民  
約列丁產為上中下三等每役折為三有徵發視差



等吏不得緣為奸郡城壞當役軍繕修指揮私其軍  
方要月役民萬餘治之民不得田哀號城下克勤奮  
曰民困不救焉用二千石為哉密聞之中書省即日  
詔罷役先是久不雨克勤祀先通禱神祠夜則涕泗  
外祠下誓不雨不還及是詔下雨隨注民歌曰孰罷  
我役使君之力孰成我黍使君之雨使君勿去我民  
父母五年秋隣境蝗克勤省愆減食藉首顛天逆夜  
聞空中有聲燭之乃蝗飛蔽天去郡獨有年永嘉侯  
朱亮祖督舟師數百艘北征至濟寧水涸不可動令  
役夫五千浚河督以軍法克勤不忍煩民泣禱於天  
夜即大雨水深數尺舟竟去克勤為政以風化為急  
不喜近名常曰近名必立威立威必害物吾不忍也  
庭中必陳刑具懸一革鞭亦不輕用其始至也戶僅  
三萬稅萬餘石三歲後稅至十四萬石戶增六萬有  
奇所部二州二十縣家有儲蓄野無餓殍牛羊雞犬  
散被郊坰桑麻榆柳彌亘田里諸祠廟壇壝公廨郵  
舍河渠隄防之屬靡不繕修一如令甲八年入朝太  
祖嘉其績賜宴禮部遣還郡諭之曰政成當顯用先  
是曹縣知縣程貢以不職為克勤所嘗銜之是年八  
月許克勤於朝詔道御史按問御史貢故人欲實其

奏廉察兩月無所得乃捕吏卒酷掠之誣以私用倉  
中炭葉時方十月因米嘗附火帶則苦公字實非私  
用時帝用法嚴竟被逮民號呼若失父母至則下獄  
予孝孺上書政府請代政府不為奏遂輸作江浦明  
年空印事起又被逮至十月竟死於西市年五十有  
二克勤篤於孝友方亂時徒跣負母避山中血流至  
踵訓兩弟終身未嘗失色與人交河見肺腑自奉簡  
素一布袍十年不易行縣以食具自隨隣郡守因童  
子進二木瓜答童子而還之鄉人為饒陽令以得雁  
預書却不受同列以事奪俸朝夕延與共食久而不  
衰晚年益畏慎畫所行事夕必告於天俯仰皆無愧  
作論者謂克勤非獨循吏亦醇儒也子孝聞孝孺孝  
聞十三喪母蔬食終制孝孺自有傳  
吳履字德基蘭谿人受業鄉先生聞入夢吉通經能  
文善工書法李文忠分省浙東聘為學正已有司舉  
於朝授南康縣丞周知民情倘有所摘發一絲驚伏  
履乃更為寬大視民若子民有訴俾前與語或援丞  
裾相爾汝弗責也嘗徵調召大姓坐廡下聽人人自  
言德善由是民愛丞若父而黠吏不敢為奸縣令周  
以中初視事召民轉輸不時至躬詣鄉耆之一人走



入山出語詬訾吏卒激怒令欲盡誣一鄉民圖賄已捕七人置之獄嚴捕其餘人情大駭屢聞急脫七人械俾還告父兄無恐乃往白以中以中益怒曰民衆辱我而君釋之輕我耶屢曰犯使君者一人爾其鄉人何罪且法乃天子法豈使君釋怒具耶倘急而生變奈何以中語塞乃已為丞六年遷安化知縣初豪民以世亂集衆為兵天下既定兵皆散獨豪長易氏佑勇率所部入山自保江陰侯吳良至議發旁縣兵進討屢曰易氏自述死未有反狀奈何激之使生變乎若往招當必來不來用兵未晚也良聽之而事平無何良議籍故兵之為農者民大恐屢召耆老諭之曰侯所籍者兵民不與也取其願為兵者數人而止府檄造戎衣屨力爭曰安化民貧而俗暴恩之且恐叛安可責之如他縣乎令格不奉命其罪小奉命而致亂其禍大不敢辭小罪陷大禍也事乃已居三年遷知淮州民畜官驢四十匹郡守嫌其寡息少欲責償屢曰驢所產止此安從增且國家富極四海為吏者宜培養民生去其疾苦寧少數匹驢耶守感其言并他縣已徵者亦罷之山東民多以羊牛代秋稅屢與民計曰牛羊有死瘠患不如輸粟便他日上官令

民送牛羊陝西驅走二千里多破產淮以文粟獨完已而郡牒徵淮千人部送鄰縣牛屨曰民送已牛難勞不怨今代他人脫道中牛死難當償者郡無以難也屢為吏不求威名以愛利為本尤重獄事有訟召而面直之釋其怒乃已不忍置之於獄獄晏空越二年會改淮為縣召還淮民遮道號泣乞其屨歸事之既至京遂謝病去  
顧光遠蘇州嘉定人元末為鎮江掾太祖下鎮江從入應天監大軍倉出納三載授江西行省理問從征陳友諒督餽運有功擢龍陽知州招流亡祛蠹弊民賴蘇息越二年改知泰和州龍陽老穉遮道號泣既至泰和知其民好訟難治乃為長榜勸諭諄切民爭來觀觀已去不訟者十之二其他來訟者俾思三日然後投牒未及三日去不訟者又十之六其真負冤者始為疏理悔而願止者聽之甫兩月民不復訟吏畏其精敏亦不敢舞文病民境有虎患時方禁軍器民無以禦許於光遠光遠草檄告之神虎為遠遁久之部內大治與人頌之丁祖母艱入京留翰林編大明律書成復命監造天下均工圖籍始還鄉持服尋起為廣東行省郎中外載士馬內拊通逃賞罰明信



遠適翕然居二年召拜吳王府副相留京師生誥誤  
繫獄遽疾卒光遠性淡泊所居廨無長物食取充口  
衣取蔽體而已初學詩於楊仲宏工七言近體有蔗  
境吟稿教卷行世先光遠知泰和者為安慶吳去疾  
有惠政州人語良牧者必以二人為舉首云

廖欽字敬先吉水人好學通經術洪武四年應召至  
京試才學優等授河內縣丞以忠信導民未幾化其  
俗縣當孔道民疲於供億欽嘗以己力助之稅務侵  
課錢連坐者衆悉逃匿太行山欽曰民寃矣急之益  
不可得盡緩諸示我以期不效併責我上官聽之乃  
列侵課者姓名榜於市使人招之民素信欽皆還集  
未及期課足罪皆獲釋而他郡械繫者至相屬於道  
民益德欽曰微我公我其獲免乎八年調吳江丞吳  
江故有隄護田數千頃歲久而壞害於耕事聞命有  
司修築期甚迫同官畏其難咸假他事避去欽怡然  
任之即詣隄所計工費召父老諭之曰隄成利在民  
不成禍在我爾其免諸於是民爭相赴工如期而竣  
後去任值河內虧課錢三千有奇典守者以誣欽欽  
不辨謫役鳳陽河內吳江民聞之咸為助役獲釋歸  
無何里中無賴子搆欽兄弟咸就逮欽謂弟曰我兩

人尚不幸如老親何莫若我任事爾歸尚得事親不  
然俱斃無益也弟不可兄弟相讓於庭主者為動容  
由是弟獲宥謫欽遠戍數年以老病故還道經河內  
民見之曰是我昔日廖父也欽始曰我商人非爾丞  
乃聚少長爭識之羅拜於前欽不能隱競持酒敬為  
壽明日又各齎饌遺之頃吏至數百欽辭不受民固  
請欽拒益力民懇請百方欽知不可卻一夕避去同  
時以縣佐著聲者又有周舟高彬劉郁紀惟正杜漢  
舟永嘉人洪武時為寶慶之新化丞明敏有治才廉  
勤奉公門無私謁覈民貧富為三等徭役惟均故民  
不擾而事易集訟獄文牒不假手吏胥故下不敢為  
奸數年流亡盡獲境內晏然以績最推吏部老功主  
事既而民相率詣闕言自舟去職縣政復擾民不安  
業乞令舟再任帝喜命禮部宴賞而遣之彬為歸安  
丞以註誤連坐其部民赴闕言彬在職公廉未嘗以  
事擾民民獲安業乞矜宥帝即還之郁為曹縣主簿  
得民心亦坐累被徵者民楊德等伏闕下稱其廉勤  
愛民立命還任惟正為衙山主簿剛正有為潔廉自  
守為同列所忌因事陷之逮至刑曹得白即擢陝西  
右叅議復官霑化典史為民所愛嘗坐事當徙霑化



人詰闕言獲廉幹得民心帝歎曰典史小吏耳而得民心如此良吏也其即還之

高斗南字拱極陝西徽州人貌魁梧語音若鍾洪武中由薦舉授四川定遠知縣才識精敏多善政為士民所懷形之歌頌二十九年與知府永州余彥誠知縣齊東鄭敏儀真康彥民岳池王佐安肅范志遠當塗孟廉及丞懷寧蘇億休寧甘鏞當塗趙森並坐事先後被徵其耆民奔走闕下具列善政以聞太祖嘉之賜襲衣寶鈔道還并賜耆民道里費諸人既還任政績益著尋舉天下廉吏數人斗南與馬列其名於彰善榜聖政記以示勸九載績最擢雲南新興知州亦有惠政新與人愛之不異定遠居數年以衰老乞歸薦子禮科給事中恂自代成祖許之年七十而卒恂字士信博學能詩文嫻騎射有文武才既官新興從大軍征交趾有協贊功師旋卒於官彥誠德興人初知安陸州以征稅愆期當就逮其父老伏闕稽首言彥誠雖緩於催科實勤於撫字乞還之安陸終惠小民太祖即賜宴加賞遣還職其父老亦預宴久之以課最擢知永州府至是復以善政獲原郡有搆賊據深山肆鈔掠彥誠為出榜撫諭賊詣府自歸民獲

安業終河東鹽運使敏初知齊東有政聲二十四年坐事被逮其部民數十人稱敏廉勤有惠愛守闕下求宥帝即宴勞復其官且賜鈔百錠衣三襲居數年考滿入朝部民復走京師乞再任帝從其請宴賞而遣之及是再獲宥政益有聞彥民泰和人洪武二十七年進士先知青田詞儀真後歷巴陵天台並有美政永樂初罷歸至洪熙元年御史巡按至天台縣民二百餘人言彥民廉公有為乞還之天台用慰民望御史以聞宣宗歎曰彥民去天台二十餘年民猶思之其有善政可知乃用為江寧縣丞億廉森三人既釋還明年復當逮縣民又走奔闕下頌其廉勤帝亦釋之當是時太祖方操重典絕羣下守令坐少故輒逮繫聞其賢亦即遣還且加賞賚有因以超擢者二十九年知縣靈璧周榮宜春沈昌昌樂于子仁丞新化葉宗並坐事逮訊其部民咸叩闕頌其善政太祖喜立擢四人為知府榮河南昌南安子仁登州宗黃州由是長吏兢勸一時多循良之績馬榮字國華蓬萊人初為靈璧丞有惠政坐累逮下刑部其耆老群赴輦下稱榮賢帝即賜鈔八十錠綺羅衣各一襲命禮部宴祭及耆老而還之無何即擢榮靈璧知縣民益



樂其寬惠既知河南亦有聲民婦失物不知盜名訴於榮榮密語之曰汝歸但罵府官不捕旁有嗔怒者即以聞婦如其言果有嗔者一訊即伏郡中稱神後建言稱旨擢河南左布政使

葉砥字履道上虞人好學有志行洪武三年舉進士為定襄縣丞兵燹之餘民未安業砥勤於撫字流亡來歸八年坐累謫徙涼州處之怡然曰吾無愧於心足矣杜門為學士大夫遷謫者咸宗之大將宋晟知其賢延為子弟師建文元年群臣交薦且言其學宜任史事乃召為翰林編修又有薦其堪任風憲者改廣西按察僉事用法平恕獄無冤滯吏畏而民愛之行部遷江有言峒獠入寇者衆洵洵奔逸訊砥少避砥曰我去縣官必遁城誰與守下令料丁壯聯保伍以待獠亦不至永樂初又坐誣被逮籍其家止故書教館事白還之仍命與史事書成改考功郎中為尚書蹇義所倚會修永樂大典命別總裁仁宗在東宮又簡侍講惺九載秩滿錫四品服俸砥以年老求去不許乃自言於尚書曰砥老矣願得一小郡自效遂用為饒州知府先教化後刑罰與利去弊摧奸植良咸盡其力每水旱齋沐教禱必獲有年謂饒風

俗厚民易治訟者必以理論遣不付法曹久之政清民安戶口滋息士之取科第者亦視昔增培以十九年八月卒官年八十郡人聞之無少長皆毀畫哀所著有南行志山諸藁

史誠祖解州人洪武末詣闕陳鹽法利弊太祖納之授汝上知縣以廉平寬簡為治民愛戴之永樂七年太宗北巡遣御史考覈郡縣長吏賢否還言誠祖治第一乃賜璽書勞之曰守令系流宣化所以安利元元朕統御天下夙夜求賢共圖治理往往下詢民間皆言若吏苛急能副朕心者實鮮爾敦厚老成恪共乃職持身勵志一於廉公平賦均徭政清訟簡民心悅戴境內清安方古良吏亦復何讓特推爾齊寧知州仍視汝上縣事其益共乃職慎終如始以永嘉譽欽哉并賜內醢一尊織金紗衣一襲鈔千貫御史又言貪吏虐民無若易州同知張騰遂徹下獄誠祖既得旌益勤於治土田增開戶口繁滋益編戶十四里太宗過汝上欲徙其民數百家於膠州誠祖奏免之屢當遷職輒為民奏留闕二十九年竟卒於任士民哀號留塋城南歲時奉祀其時縣令以久任得民者又有吳祥李信祥蠡縣人永樂中知蒿縣為政寬和



流民自歸者二百餘戶境有猛虎劫賊為患祥慶禱於神未踰歲獲虎二十餘賊亦散去宣德五年三考績最當遷民群詣闕下丐留詔增二秩還任其後屢考屢留閱三十二年而卒邑人莫不哀悼信臨汾人永樂時由國子生授遵化知縣性慈廉撫民若子民不敢欺宣德五年亦以秩滿當去天子從士民請增秩留任其後屢當遷輒為士民奏留閱二十七年始擢無為知州以年老不欲赴遂乞歸老稚泣送載道房岳滑縣人宣德間為鄆縣知縣政平訟理事集民安正統三年九載課最吏民乞留英宗從之亦增秩贈金治縣二十餘年竟卒於任

彭豫字叔介泰和人受業鄉先生劉霖學行有聞洪武中兩被薦徵詣京師皆以疾辭建文時就聘為萬安訓導以上書言事擢香山縣丞地遠俗罵為政者多尚猛豫獨以寬久而民皆化服衛卒豪橫奪民良田豫毅然曰卒敢擅奪民產耶田不還吾必不貸卒知不可犯悉還之有大猾恒持官府短長衆皆搖手不敢詰豫悉寘諸法奸究斂跡歲大旱諸人禱不應豫曰安有文具而可以格天者即齋戒致禱越二日澍雨沾足明年復旱豫再禱雨亦如之民居火延及

官廨豫向火叩頭風反火滅民不悅學雖設庠序數十年生徒尚不知章句豫親為講授誘掖不倦數年後遂有豫賓與登仕籍者在職六年以老疾致仕旋卒豫事親孝執喪三年不御酒肉人未嘗見其啓齒遇鄉里子弟必誨以禮義忠信故其施於一邑亦多愷悌之政云

錢本忠武進人讀書通法律舉人才歷知故城元城西縣有治禁改知吉水豪民宿吏素為民患者捕其魁從遠方邑中肅然新壇壝學舍集諸生躬為教督旌別勸率政務清簡不任刑有盜聚山谷時出寇掠郡守議加兵本中單騎詣賊壘曉以禍福咸相率縛賊首自歸本中勵清操門無私謁妻子布衣蔬食裁足朝夕以誥誤罷官父老奔走號泣乞留不獲郡人胡廣時在內閣力保之得還任民間本中復來空間井迎拜如見父母以永樂九年二月卒民哀墓留墓告水爭負土營墓焉

劉孟雍名熙以字行南昌人洪武末舉賢良授龍溪知縣縣與潮州接境山谷深險有陳永定者負固為寇時出剽掠累歲不能制孟雍至設策擒獲之一境以寧先是為縣者率庸昏吏得肆其奸徭役失均民



多流徙孟雍震其戶之虛實而差等之有所徵發民不告病由是相率來歸乃勸農桑輕刑罰禁淫祀崇禮教扶善抑奸邑以大治秩滿遷安州知州龍溪民群赴闕下狀其善政乞留之乃命以知州秩遷治龍溪永樂十八年卒民為肖像立祠同時朱瑄張準吳春亦以治縣有聲瑄龍溪人為鄒縣知縣明敏有吏才雖洞悉民隱而性寬厚有容葺學舍建宗聖書院亞聖寢廟以興教化歲凶脫銀帶捐簪珥易粟賑饑每循行郊原勸民耕植貸以牛種由是地無遺利家有益藏其斷獄以情刑不妄施或用鞭中貫以綿老釋莫不受戴以永樂十一年八月卒官縣人為哭泣罷市隄崑山人舉賢良為建安知縣持己端潔政務愛民諸可以利民者必銳意行之歲饑乞以鈔代賦大疫乞蠲徭徭朝旨皆報可自准液任邑無失所之民以永樂二十一年卒民懷思不忘春建安人由進士任婺源知縣縣道賦數年春委曲勸諭民皆樂輸歲大蝗春引咎自責蝗皆赴水死興學養士輕徭省刑頌聲四起永樂二十年卒於官士民皆巷哭謝子襄名襄以字行新淦人建文中由薦舉授青田知縣有惠政永樂七年與錢瑯知縣黃信中開化知

縣夏升並九載課最當遷其部民相率訴於上官乞再任上官以聞帝嘉之即擢子襄處州知府信中杭州升衢州俾得治其故縣子襄治處州聲績益著課農桑興學校篤意愛民郡有虎患歲且旱蝗子襄虔禱於神大雨二日蝗盡死虎亦遁去有盜竊官鈔子襄投檄城隍神盜方閱鈔密室忽疾風捲墮市中盜即伏罪民鬻牛於市將屠之牛逸至于襄前俛首若有訴問得實捐俸贖還其主有寇據山谷為亂朝廷發官軍二千討之一郡洶洶子襄力止軍城中毋出而自以計掩捕之果獲其魁餘解散子襄性廉謹歷官三十年不以家累自隨稱一時良牧以二十二年五月卒信中餘干人先知樂清縣有奸人始其寡嫂至京誣告鄉人謀叛而已潛逸去有司繫其婦以聞詔行所司會鞠信中廉得其情力詆為誣獲全者甚衆有盜殺一家三人獄久不決信中齋沐禱於神遂得真盜遠近稱之其知杭州亦有異政升鹽城人既擢知府御史嚴待民信力役惟均民樂趨事為時良吏又有陳永年者子襄同邑人由戶科給事中出為惠安知縣亦以廉謹稱邑有蝗蝻傷稼一夕輒盡數十畝永年仰天嘆曰政失致災令罪也民則何辜俄



有群鳥啄食之蝗遂殄歲乃大稔改處州遂昌知縣政亦有聞在官二年卒

劉綱字文紀禹州人第建文二年進士除陝西府谷知縣政教善舉頌聲大作遷陝西寧州知州初爲府谷頗尚威嚴及至寧以久故之地因俗爲治稟民播種之方隆學校均徭賦興屯練武廢墜具興以內艱去代者已至民詣闕乞留詔乘傳還任綱益慎獄緩罰民不忍犯州有龍尾湫時出光怪遠近以爲妖綱伺其光動手射之應弦而滅洩其水巨壺也一日行野中值橫石爲砥馬驚不敢度諦視之則范仲淹所撰秋仁傑碑也即起整之立祠祀焉後丁外艱考績者數皆以州人奏留仁宗朝特賜璽書褒異進四品俸服嘗至京師帝親召問勞以酒饌時人以為榮正統中以老乞休章款上始得請年七十矣居寧三十四年規模整肅如一日去之時哭聲震野寧舊有六君子祠祀秋仁傑以下嘗爲刺史者至是生祠綱其中改曰七君子祠綱家居十餘年寧民間道踵至其卒也多糞糧教予者明興以來爲州之久得民心之深無綱如也子昂舉懷才抱德不赴孫宇官大學士贈綱如其官

胡壽安字克仁歙縣人建文中舉於鄉入國學歷事吏部授信陽知縣調獲鹿並有政績以內艱歸永樂十一年服闋起補新繁首延父老詢邑中利病而罷行之每歲春躬行原野勸民耕植遇田畝荒蕪或廬舍圯壞者輒詢其窘乏所由爲之資給常舉宋陳襄教民格言勸導民間子弟多懼然從化歲久旱田時盡裂齊戒禱神大雨霑足性淡泊布衣糲食如未仕時寢處止一紙帳後圃種蘆菹教畦使車往來採以供客或充餽遺禮其子來省兩月烹二鷄壽安怒譴責之其子後亦率化三宰大邑未嘗攜妻子或言公之名美矣奈妻子何壽安笑曰吾輩讀古人書時不思建立名節及登仕版以玩好聲色敗者衆矣矧婦人女子其性猶水一以金珠錦繡蕩其心彼將敗我而竊取故不欲其爲身累也聞者以爲格言十五年考績赴京民遮道泣送者千數事竣遂告歸同時石啟宗江西樂平人以薦舉爲歙縣知縣守官廉謹人莫敢干以私而臨民平易不尚威嚴尤善決滯獄人稱神明歲旱禱之即雨及蝗生祈於城隍神蝗盡殄歲屢有秋小大樂業以永樂六年卒官人咸哀慕又有許譽者長山人洪武時爲儀封知縣居官廉能政



尚平起部民愛之惡邑人好游惰嚴為禁戒自是墾田日增盜賊弭息永樂元年三考績最當遷去其民相率叩閣乞留太宗嘉歎即賜襲衣寶鈔遣還又三年遷武昌知府

葉宗行松江華亭人讀書尚氣節永樂中東吳大水松江尤甚以黃浦下流壅塞水無所歸宗行上書請棄故道濬范家港引浦水入海禁民無私作壩以遏其流帝善其言命往從尚書夏原吉相治事竣原吉薦其才擢錢塘知縣民用徭重宗行定法俾民自占甲乙書於冊循次役之遂均詞訟稀聞不尚威嚴未逾年翕然稱治一日庭前有蛇蜿蜒若有祈訴宗行曰若豈有冤乎吾當驗之蛇徐入餅肆燼下發之得屍乃肆主利其財而為之者遂伏辜嘗行江中忽舟重不能進視之有屍掛於柁蓋里中人殺而沉之者亦捕其人抵法仁宗在東宮聞其名戒所司不得輕侮按察使周新風采嚴峻獨重宗行嘗候其出潛至邸舍視之惟銀魚膳一裘他無所有新歎息攜少許去明日召宗行共食曰此君家物也飲之至醉用已儀仗導之歸時呼為錢塘一葉清十五年營建北京宗行督工匠往役卒於途新聞之悲悼累日為文以

祭錢塘吏民無不歎息泣下者

周原字彥廣繁昌人洪武十八年進士授辰州推官調吉安時知府及同知通判皆缺人原以一身兼數職才識明敏而治以公平庶務畢舉獄訟疏決無滯民負冤積歲不白者至原而悉白不旬日園圃為空後坐累免用薦起為蒲臺知縣有商被盜疑其主人已誣服原覺有冤緩其獄而察之果得真盜入服其明飛蝗入境原禱於神一日大風兩蝗盡死歲以大稔士民莫不愛之改浙江新昌知縣治如故操亦為下所愛秩滿遷磁州同知永樂二十卒於官民咸哀慕原通籍垂四十年其官彌遷彌下而志不少變所在見稱士論尤多之同時以下條著績者州判官則有易州張友聞壽州許敏許州王道縣丞則有靈璧田誠安平耿福祿嘉定戴肅大名賀禎主簿則有昌邑劉整襄垣喬育典史則有貴池黃金蘭深澤高文諸人友聞以冗員當汰部民言其律已廉處事公勤於撫字乞改督本邑馬政仁宗納之敏佐壽州善持已愛民民奏乞擢用即用為本州同知通九載課最當遷民狀其善政乞留進秩還任誠丞靈璧滿九載父老恐其遷去乞闕言誠居職廉能撫民有道乞還之



百姓詔以州判官秩仍准丞事福祿兩以冗員當汰皆為部民所留最後又當汰民相率言福祿佐安平守法奉公視民若子賦役均盜賊息田里獲安今當去職民失所倚且見在縣令有疾求去乞即用福祿以活百姓宣宗嘉嘆即擢為安平知縣肅丞嘉定惓惓愛民後以冗員調山東平陰嘉定民一千三百餘人共乞還任帝即從之頑在大名屬廉隅善撫郵吏民戴之洪熙元年冬以三考稱職當遷秩民伏闕乞留詔即擢大名知縣整在昌邑以舊官還任當去部民言整有善政能恤民瘼載吏奸請留之昌邑帝可之育以九年考滿詣京其耆老言育持己廉謹撫下仁慈乞還棄垣終惠百姓詔進二秩還任金蘭既九載課最貴池父老赴闕下言其賦政寬惠有愛民心請留任仁宗曰能致民數千里奏留是不負朝廷任使矣即用為貴池知縣文官深澤能持己惠民民奏乞擢用宣宗嘉悅立擢深澤知縣

貝秉彞名恒以字行上虞人永樂二年第進士授邵陽知縣地僻民頑前令治尚嚴秉彞獨用寬和民咸愛戴歲餘以祖喪去獲丁母憂服闋改知東阿地當衝要素若使客往來秉彞規措有方民以不擾有冗

弟相訟曉以大義使退思兄弟皆悔謝歲早禱雨立應蝗生引咎責躬蝗退散獻議於朝請行平糶法為倚荒計帝嘉之下其議為他郡縣式壇廟費舍用不營舉鄉社亦皆立學時徭行田野觀民耕獲驗其勤惰而勸懲之縣西南有巨浸每春夏霖潦輒泛溢為田害秉彞欲開渠納諸大清河僚佐持不可曰法不得擅役民秉彞曰吾以利之也有罪請獨任之及渠成得沃壤數千畝流亡來歸者甚衆帝北巡命山東民供饋餉他邑令皆憚行秉彞獨毅然就道與民共勞若逆師旋無一民失所性喜綜畫凡廢鐵敗皮朽索故紙悉收之工匠暇輒令煮皮為膠鑄鐵為杵搗紙索為糶貯之庫車駕屢北巡勅使督建葺殿悉以所貯濟用民力為舒有薦其廉公堪任風憲者徵命已下耆老百餘人詣闕乞留乃還任二十一年三考績最當遷耆老獲詣闕乞留詔進二秩仍治東阿民間秉彞復來權迎數十里嘗坐累罰役京師時有令役滿即復官民競代其役凡三罰三代之其得民心如此以宣德元年十一月卒官僚屬胥史及邑中縉紳士民咸哭之慟議留奠東阿其子固辭乃已其後有葉騏者亦為東阿知縣有賢聲正統三年以九載考



最入都縣民群列其善政乞留下所司核言皆有徵乃可其奏

王源字啟澤龍岩人永樂二年擢第授庶吉士改澤知縣修學舍禁長堤勸民及時嫁娶革其爭財之俗教上書論事被詔徵入都又論時政得失忤旨下吏會赦獲復官益盡心民事奏免逋負歲饑輒發粟賑救坐是被逮民爭先輸納得贖還時有蝗不入境兩不出疆之謠秩滿召為春坊司直即侍諸王講讀一日進講王他顧源正色規之王為改容遷衛府紀善授松江府同知奏蠲積逋數十萬石鋤豪民釋冤獄政聲甚著以母老乞終養歸服闋除刑部郎中宣德十年五月英宗踐阼做先朝制擇廷臣十一人為知府賜勅及宴乘傳行源得潮州府廉明愷悌大得人和乃新覺序立社學黜貪殘獎廉惠政教善舉城東有廣濟橋修二十餘丈歲久圯壞源欽民萬金重築之以其餘建亭設先聖四配十哲像刻藍田呂氏鄉約擇民為約正的約副約士講肄其中而時借僚索董率馬西湖山上有大石為怪源命鑿之下果獲石骷髏怪遂息乃琢為碑大書潮州知府王源除怪石河東山有韓愈祠源建亭祠左朔望輒懸己像又自

建書院刻詩文於內會杖一民致斃民之子訴諸朝并以築橋建亭諸事為源罪章下巡按御史不為辨遂逮繫至京罪當贖徒潮人相率叩閣乞還任乃復其官士民間其再至鼓舞遠近歲滿考績詔進二秩尋以年七十乞休潮人奏留不獲立祠祀之所著有書傳補遺異端辨偽卷集陳獻章有言吏於潮者多矣其有功而民思之前惟韓愈後則王源同時有王昇者源同年進士亦由庶吉士出為安福知縣扶善疾惡以民瘼為己憂甫七月境內順治以舊官至改知羅田民泣送載道泣羅田三載百務具興士民頌其廉惠歷大理評事左寺正獄平允宣德五年冬詔簡廷臣為知府少傅楊士奇薦昇乃賜勅出知撫州至官政尚寬簡民情大和九載秩滿部民三千餘人乞留詔增二秩還任尋以疾歸昇生平澹然無欲惟養一鶴自隨暇則鳴琴歌咏人擬之趙清獻云程溥福字本德東莞人永樂二年進士除青陽知縣有惠愛縣近九華山虎恒為患溥福齋戒移檄山神虎即殄久之移新淦亦有善政入為刑部主事進員外郎為尚書魏源所器正統元年七月詔舉廷臣堪任郡守者源以溥福應乃擢南康知府溥皆利弊者



去疾苦省刑罰禁橫征民情胥悅先是歲歉民有擅  
發富室倉粟及收取漂流官木者前守恚坐以盜當  
死者百餘人溥福閱實悉杖而遣之地濱鄆陽湖舟  
過風濤苦無所泊為築石隄百餘丈往來者便之嘗  
游廬山北白鹿洞書院兵燹後廢為瓦礫慨然歎息  
即倡衆興復且延師訓其子弟期望躬詣講授自是  
文教日興考績赴部以年老乞歸侍郎趙新先巡撫  
江西稔其治行大聲曰程君此邦第一賢守也胡可  
聽其去懇請累日乃許之辭部之日父老手携金帛為贖悉  
却不受衆挽舟涕泣不忍舍因建祠湖堤上祀之又  
配享白鹿書院之三賢祠三賢者唐李渤宋周敦頤  
朱熹也溥福生平剛方廉謹入仕三十餘年始終一  
節稱一時良吏焉

闕下乞留帝益嘉之命進二秩如其請置歸善政益  
著同時稱良二千石者又有吳致文徐孔奇致文浙  
江平陽人永樂四年進士除刑部主事有能聲出為  
九江知府改建昌奉職公勤一志愛民請託無所容  
奸弊悉絕念官田賦重奏乞折徵布帛闔郡稱便以  
宣德五年二月卒官吏哀悼若喪所親孔奇豐城  
人永樂十二年進士授刑部主事調北京行部又改  
行在刑部以清慎著聲出為嚴州知府布衣蔬食下  
無所擾其視民若子弟惟恐傷之待僚屬若朋友不能  
者教之未嘗輒加之罪與除利弊夙夜惟勤列城莫  
不愛戴宣德八年入覲卒於京師民為巷哭罷市  
李信圭字君信泰和人洪熙時舉賢良授清河知縣  
勤於拊循招徠流移課其耕墾縣瘠而衙官艘日相  
衝役夫動以千計前令請得沐陽五百人為助然去家  
遠艱於衣食信圭請免其助役代輸清河浮征三之  
二兩邑便之俗好發塚縱火逞其私忿信圭設教戒  
十三條令里民書於牌月朔望儆戒之且令書其民  
勤惰善惡以聞俗為之變歲旱蝗禱於城隍神蝗不  
入境宣德三年奏言本邑地廣人稀路當衝要日發  
民挽舟丁壯既盡役及老稚致妨廢農桑前年兵部



有令公事亟者舟予五人緩者則否今此令不行役夫無限有一舟至四五十人者完威所加誰敢詰問或遇快風步追不及則沒其所費衣糧俾受寒餒乞申明前令哀此憚人從之八年春又言自江淮達京師沿河郡縣悉令軍民挽舟若無衛軍則民夫盡出晝夜以俟而上司又不分別襍泛差徭一體派及致土田荒蕪民無蓄積稍遇歉歲輒老穉相携緣道乞食實可憫傷請自儀真抵通州盡免其襍徭俾得盡力農畝兼供夫役帝亦從之自是他郡亦蒙其澤正統元年三考俱稱職用侍郎章啟薦擢知蘄州清河民詣闕乞留命以知州理縣事民有湖田數百頃為淮安衛卒所奪民代輸租者六十年信圭奏之詔還之民民有因饑糶食人一牛者御史論死八人信圭曰以八人償一牛可矣也言之朝得免者六人明年四月久雨傷麥五月淮水大溢沒廬舍畜產甚衆信圭奏請賑貸并停歲辦物料及軍匠厨役濟河人夫朝旨亦報可南北往來道死不葬者相枕藉信圭為三大塚日遣人拾瘞之民有事不遺卒追呼但與為期皆自赴有爭訟諭之以理令退省多感悟而罷善政流聞民戴之若父母惟恐其去十一年冬以尚書

金漢薦擢處州知府其在清河已二十二年矣使者持符至俾即上道民無少長皆流涕追送處州方若早信圭至輒雨民大悅未幾卒於官清河民聞之咸哭盡哀為立祠奉祀

徐士宗浙江山陰人永樂間為貴溪知縣適縣圯於水士宗夙夜經畫重建縣治學宮及諸公廨下無所擾民因積逋奏請徵布以紓之田疇衝沒者奏蠲其稅歲旱蠲以積饑則設策賑救數年田野盡闢戶口日增治行冠於列郡宣德六年三考俱最民惟恐其遷去郡走京師丐留帝嘉之命增二秩選任明興至宣德正統間民淳俗富吏易於為治而其時為吏者又多勵長者之行以循良死稱其以秩滿奏留者多不可勝紀今畧舉數人列於篇孫浩永樂中為邵陽知縣遭喪去官洪熙時陝西按察司言浩前為邵陽撫字不怠庶公有為吏畏其威民懷其惠今所屬咸寧閩知縣必得如浩者方能稱職乞聖恩調任宣宗嘉歎即命起復赴咸寧浩果以稱職闕起擢辰州知府薛慎知長清大得民心以親喪去洪熙先年九月長清民知慎服闋相率詣京師乞再任吏部尚書奏以聞且言長清別縣知縣已久即如民言又當更易帝曰必其不如慎故民復求舊國家置守令但



欲其得民心苟民心不得難屢易何害遂還之吳原知吳橋有異政洪熙中以九載考績赴部縣民八十餘人詣闕言原勤於撫字賦役平均民生樂業乞留任帝即從之陳哲為博野縣民大愛之以舊官還職解去宣德元年部民懇訴於巡按御史言舊官才德不逮哲遠甚惟哲有父母斯民之心乞還之博野毋令小民失所御史以聞帝亦報可暢宣知泰安以母憂去民群訴於副使鄭瑩言宣為政廉能撫民慈惠科徭平流徒復訟獄清簡盜賊屏息倘別除他官民將失所瑩以聞仁宗命服闋還任宣德改元宣服闋吏部以請帝曰民欲之監司言之固當從况有先帝之命乎其即還之劉伯吉為碭山有惠愛亦以親喪去及服除碭山民守闕下求再任吏部言新令在碭山已二年矣帝曰新者守舊則民不復思今久而猶思其賢於新者可知矣遂易之孔公朝永樂時知寧陽清廉直幹惠綏小民民深戴之坐與同僚飲酒忿爭並遣戍部民屢叩闕乞還皆不許宣德二年詔求賢有以公朝薦者寧陽人聞之又相率叩闕乞再得公朝終惠百姓帝顧吏部塞義曰公朝去寧陽已二十餘載民數教奏乞不已此非良吏耶可即與之郭完

知會寧潔廉正直一志愛民嘗責一奸人反為其人所許遂被逮里老三十餘人走數千里伏闕下訟寃乞還完帝亦報許其他若內丘馬旭相廬楊信北流李禧洋縣王輔保安張庸獲鹿吳韞扶風宋端皆以九載奏最為民乞留即加秩久任以故吏稱其職民安其業循良之風於斯稱盛焉張宗璉字重器吉水人永樂二年進士改庶吉士預修永樂大典授刑部主事奉命錄囚廣東多所平反仁宗初簡廷臣為東宮官擢左中允宣宗嗣位進大理寺丞尋清軍福建勅諭毋在民縱奸宗璉一奉勅書行事民以不擾常有詔求賢即中允鍾以宗璉應帝曰人皆舉下僚鍾獨舉吾近臣何也會常州府缺同知遂以命之宗璉性淡泊居官不携家一室蕭然既莅任職專督農行視河渠教以蓄洩法親履壟畝察其勤惰而勸戒之時坐阡陌與農夫相爾汝如家人未嘗加以笞辱遇老疾鰥寡尤垂意焉所至飭學校正士習導以禮義士民翕然歸心及御史李立來清軍請於兵部曰常州必得張同知共事乃可部遂以委之立殘驚新刻意務得軍凡軍戶絕者必取同姓或姻婭及承佃產業之人酷刑使承役怨聲載途

宗璉教與爭立怒威氣詈宗璉不為屈爭之愈力坐是憤鬱疽發於背以宣德四年十月卒官列城聞之奔走弔哭祭奠者彌月不絕暨喪歸素衣冠送者數千人江陰民為祠祀焉

以為養士論莫不高之

衛岳字世瞻汝寧西平人洪武中舉於鄉肄業國學三十年詔選諸生通治術者赴啓事府議事衆咸推岳岳往教陳時政切直不迂所司以聞遂擢湖州府同知約已惠民布衣蔬食常祿外一無所取嶺海間翕然稱廉建文四年遷西安知府有惠政以內艱去服闋改知慶陽治如故操同僚諸婦常會飲岳妻與焉諸婦冠服華美金珠爛然岳妻荆釵布裙而已既罷意色慚阻岳笑謂曰汝何坐曰首席曰既居首席又求服飾華好富貴可兼得耶永樂十年朝覲至京以言事件旨誦成交趾慶陽西安民間之爭入都呼閣乞賞岳以終其惠凡千餘人奏入不報仁宗初下詔求賢御史表銳鹽運使何士英指揮范智交章論薦起江西南城知縣以舊官選任改南豐祿薄不足贍常於官舍種蔬以自給家人或有愠色輒曰不猶愈充軍時耶正統四年以侍郎何文淵薦擢桂林知府在職五年廉慎愷悌終始若一以老致仕歸貧無



明史卷三百九十

循吏傳

循吏中

李驥字尚德，郟城人。六歲而孤，能自勵於學。舉洪武二十六年鄉試，入國學。居三年，簡授戶科給事中。時閩市譏商旅，發及囊篋，驥奏止之。尋坐事免。惠宗嗣位，薦起新鄉知縣。招流亡，給以農具，復業者數千人。建文二年，內艱，去官。民相率奏留者數四，不許。服闋，改知東安。課農桑，勤綏輯，事有病民，輒請於朝，罷免之。邑故荒墟，狼為患，有嫠婦子噓死，訴於驥。驥禱於城隍，深自外責，明旦狼死於其所。侍郎李昶等交薦擢刑部郎中。常陳崇教化，重農桑，卹民瘼，省科徭，董版籍，育賢才，養軍士，寬馬政，擇守令，汰冗員，褒廉能，抑倖進，通鈔法，十餘事。多見採納。旋坐累，謫役保安。洪熙時，有詔求賢，薦起監察御史，操履益堅。未嘗以經惠難改節。又陳經國利民十事。仁宗嘉納。宣德五年，巡視倉場，軍斗高祥盜倉粟，驥執而鞠之。祥父妾言祥與張貴等同盜，驥受貴等賄，故獨罪祥。刑部侍郎施禮遂論驥死。驥上章自辨，帝曰：「御史既擒盜，安肯納賄，倘納賄，祥亦不發矣。」命偕都察院再訊。驥果枉，帝乃切責禮，而復驥官。其年十一月，擢廷臣出為郡守。

驥與馮授河南知府，奉勅以行。驥通籍，垂四十年，教經憂患，至是始得一郡。乃興學校，時地利均賦，役審度量，政教並興。時境內多盜，為設火甲一戶，被盜一甲，償之。犯者大署其門，曰：「盜賊之家。」又為勸教，文振未鐸，以徇之。自是人咸改行，道不拾遺。歲旱，率父老禱於嵩山，兩立應。帝郡民訟失平者，咸來求質，各心服而去。郡有伊王府，王數請贖，不從。中官及校卒虐民，又為驥所抑，憾甚。及冬至，令驥以四更往陪位，行禮。及驥如期往，誣以後期，執而桎梏之。次日乃釋。驥奏聞，帝怒，貽書讓王府中丞奉長史典儀，悉逮置於理。驥持身端恪，晏居雖几席必正，嘗曰：「細事既正，則達之他務無不正矣。」公署後植松竹梅數樹，嘯咏其中。因曰：「彼三友而益我一老，得非四友乎？」遂號堂為四友。淮郡六年，一日與賓客宴於四友堂，談笑而卒。年七十。僚友士民赴吊，咸哭失聲。

趙登字從善，祥符人。舉永樂二年進士，授禮科給事中。明年以言事謫四川忠州判官。在職十餘年，公廉有惠愛。遷雲南新興知州。宣德改元，用薦擢浙江湖州知府。益屬清操，吏民畏服。安吉州有貴姓者，豪橫數奪人田園，子女有司莫能制。登諷人訟之，列其罪狀。



以奏竟徙其家而還其所奪於民部內蕭然同知李  
迪嗜酒狂縱至裸袒公堂登劾奏之遂下於理時有  
修舉義倉之令登勸諭大戶出粟得數萬石增建廠  
倉貯之為定出納之法自是水旱有備正統初九載  
秩滿已解去部民追思其德相率懇於巡撫侍郎王  
瀚乞再任瀚聞於朝下諸司覈實詔加二秩遷任先  
後在官十七年政聲大著士民歌頌之歸卒於家天  
順時登同里岳璠亦知湖州有惠政官田賦重與民  
田料額不一吏民得緣為奸璠疏利病於朝定正耗  
之則遂為永利其治績與登相埒滿九載遷去其民  
為之語曰賢守趙岳治行卓犖

李湘字永懷泰和人永樂中由國子生理刑都察院  
以才擢東平知州篤志愛民常祿外一無所取勤於  
治事訓戒吏民若家人然未嘗輕施笞罰有所徵發  
必覈丁產厚薄城東有大村蠲源出岱山兩濼輒為  
民患奏發丁夫隄之州及所轄五色地多荒蕪力督  
民墾闢公私皆實遇儉歲恃以無困增修學舍崇興  
教化即壇廟公宇用或不新會舊官遷任將解去民  
群訴於朝乞留帝從其請成祖晚年數北征令山東  
長吏督民轉餉道遠多死亡惟東平人無失所奸民

有為驛牌長及任訊察之役者積為蠹弊湘斥之其  
人怒伺湘過無所得以奇飲民財許於布政司縣民  
千三百人走訴巡按御史暨布按二司力白其寃耆  
老七十人復奔伏闕下發奸人誣陷狀及布政司繫  
湘入都又有耆老九十人隨湘稱枉通政司以聞下  
刑曹閱實乃復湘官而抵奸民於法既還善政益敷  
上下相親若父子淮州十餘年至正統初詔大臣舉  
郡守尚書胡濙以相應遂擢懷慶知府東平民輓留  
不可得扶携老幼送數十里懷慶有軍衛素挾勢  
厲民湘隨事裁制不見聲色旬不敢犯居三年政教  
修明士民交譽無間言遘疾卒年五十七

趙豫字定素保定安肅人燕王起兵既下保定豫以  
諸生督賦守城永樂五年授泌陽主簿未上擢兵部  
主事進員外郎內艱起復洪熙時進郎中宣德五年  
五月簡廷臣九人為知府豫得松江奉勅往時衛軍  
恣橫豫執其尤者杖而配之邊衆遂帖然乃一意拊  
循與民休息雖獨咸得詣府言情擇良家子謹厚者  
為吏訓以禮法不威而嚴下亦不忍欺尤重儒術待  
學官以賓禮至要途顯人未嘗降意寡嗜欲絕宴游  
疾俗尚琴奕玩好見之未嘗寓目均徭節費減吏員



十之五巡撫周忱有所建置必與豫議及清軍御史李立至帛務益軍勾及姻戚同姓稍辨則酷刑榜掠人情大擾一時訴枉者至一千一百餘人鹽司勾竈丁亦累及他戶大為民害豫皆上章極論之咸獲蕪息時有詔減蕪松官田重租豫所轄華亭上海二縣減去者十之二三人情大悅正統中九載考績民五千餘人列狀乞留巡按御史以聞命增二秩還任及十年春大計群吏始舉卓異之典豫與馬賜宴及襲末遣還在職十五年清靜如一日上下皆化刑獄大省其去郡也老穉攀轅不得行留一獲以識遺愛後配享周忱祠方豫始至患民俗多訟每訟者至好言諭之曰明日來衆皆笑之故有松江太守明日來之謠及訟者踰宿忿漸平或為他人勸阻多止不來人更服其有識始與豫同守郡者若蕪州况鍾常州莫愚吉安陳本深温州何文淵杭州馬儀西安羅以禮建昌陳昂並嶽嶽著名跡而豫尤以愷悌稱故當時論者謂鍾輩為能吏豫為循吏云豫之先有黃子威者以永樂二年知松江吏民畏愛歲大水躬履鄉邑撫卹賑救民忘其災以母憂去任其後更三守民猶念之宣德元年大理卿熊概視省至民一千餘人言

子威居身廉潔治民有方賦性無虧獄訟不作乞還之松江概以聞帝報可治行如初  
范希正字以貞吳縣人讀書有吏才宣德三年縣巡檢譚復薦希正端敏誠篤才堪撫民有詔召之即用為曹縣知縣波政嚴明下不敢欺而小民多被其澤有黠吏挾取民財且縱火焚及公廨希正執下獄械送京師吏反誣希正他事亦被逮縣中老穉莫不垂涕於是民八百餘人奔走闕下訟寃通政司以聞未報會侍郎許廓奉使過曹縣父老百五十餘人亦遮道號訴廓以達於吏部吏部奏之帝即釋希正還寘吏於法希正既還善政益著及考績北上民懷其惠爭持金帛贈遺悉却不受有里正伺希正獨居急趨入投重賄以出希正追不及明日召之其人懼而逃即召其父語之曰君子不以昭昭信節不以冥冥墮行可攜而子金去遠近益信其廉正統中九載考績曹人狀其善政乞留所司覈實詔增二秩還任十年冬巡撫張驥請析曹縣置曹州即以希正知州事報可時百務初始希正悉心經畫諸地池街市學校壇廟廨宇建置惟新民不知擾十四年秋邊事起朝命徵官馬急民無以償洵洵思寃希正集里老慰諭為



設策買補九十餘匹民益歡悅其治州一如治縣大  
得人和又再考乃引年致仕州人立祠祀焉

彭遠字務本南昌人永樂中舉於鄉歷官淮安知府  
政務惠民宣德七年淮南北大饑流民四至遠相隙  
地構舍以居大發廩粟日給二糜且稍寬賑禁負搭  
者不坐所全活以萬計民間故之牛為假貸予之農  
務大興府知事陳道潛私致當省罪囚錢帛囚有銜  
遠者詎遠與道潛同受賕并誣遠在豪家毒其警死  
於獄且受賕不驗酸死者屍下御史訊已得証用狀  
止坐遠縱道潛罪部民恐其罷去相率奏遠准政廉  
勤守官無玷乞還之小民而督漕總兵官王瑜亦為  
民代請通中官李德奉使過淮淮人擁舟大呼乞懇  
天子還我賢太守德以聞帝即令復任久之政益流  
播課績為江北第一賜勅旌異以正統六年超擢廣  
東右布政使俗尚浮屠習華侈有親死久不葬者遠  
設禁令限以墓期不數月民悉從化居官勤慎寬和  
政績甚著歸卒於家

范表字恭肅豐城人永樂十九年進士除浙江壽昌  
知縣公正仁恕民情翕然開荒田二千六百畝興水  
利三百四十有六區境內大治正統五年三考報最

當陞擢邑人群頌其德政丐留御史覈實以聞朝命  
許之尋以外艱去服闋起知汝州亦有令譽居官以  
清節自持惡衣惡食妻子告乏亦不顧吏部尚書王  
直察舉天下廉吏數人表為第一性至孝廬父墓瓜  
生連枝有白兔三常馴擾墓側鄉人莫不高其行同  
時有俞益者餘杭人永樂二年進士時方博徵名儒  
修永樂大典益與焉書成授靖安知縣廉平為治上  
下安之親喪服闋改知潛山其地僻陋鮮學者躬為  
教督勤於民事拊循有加兩為縣令垂二十年其持  
已愛民始終若一其學長於春秋屢分考鄉試會試  
明於鑒別以宣德九年卒官貧無以斂吏民哀慕而  
助給焉

劉永字克修江西大庾人永樂十六年進士授刑部  
主事歷工刑二部郎中嘗從工部侍郎羅汝敬巡歷  
陝西又從刑部尚書魏源巡視塞上並有贊畫功正  
統二年以大學士楊溥薦出為荊州知府遼王國子  
荆王貴烺大肆不法永屢與抗王怒執而笞之永因  
盡列其法虐事奏聞於朝王亦許永凌侮永遂被逮  
已而事白命還任王卒廢為庶人永廉正有為恩惠  
兼濟豪強畏服而小民無或失所四年母喪去官部



民三千五百餘人乞留任上官以聞即命奪情視事  
永誠心愛民諸可以利民者靡不興舉以故二州十  
一縣之民戴若慈母共建生祠奉祀乃至武夫悍卒  
亦罔不率化十一年父喪當去軍民一萬八千餘人  
懇乞再留衛指揮段安等亦以為請吏部言奪情非  
舊典帝曰民既欲之其勿遂但後不為制以十三年  
六月卒官聞郡聞之若喪所親拜哭於府門者日數  
百人全時郡守稱得民者更有尹宏徐鑑許敬軒鄭  
述鄒良諸人宏字克寬歷城人由貢生歷官泉州知  
府廉公愛民盡心教養歲旱虔禱於神雨輒降歲以  
大稔正統七年十月卒於官郡人號慕若失考妣省  
像祀之及柩還留葬其衣冠於城東歲時致祭墓下  
鑑字子明宜興人歷官戶部郎中宣德五年被薦奉  
勅知瓊州府廉靜寡嗜欲以教化為先務不尚威嚴  
節財用蠲逋負興學課工導民樹藝民情翕然地多  
異產中使誅求不已鑑性剛不可犯先後歷四使咸  
為欽哉武將利黎人所有多激變邀功鑑鎮以無事  
黎亦安堵居四年惠政大敷其卒也郡人哀悼祀之  
九賢祠敬軒天台人永樂中以國子生與修五經大  
全授禮部司務擢儀制員外郎宣德五年與鑑並受

勅出知汀州府興學勸農輕徭賑饑推強植弱士民  
歸心焉恭政陳羽行部至寧化用大杖擊死平民又  
逼取死者財物敬軒奏彈之宣宗語都御史曰監司  
郡縣表率當奉職循理此人常杖死一隸今又以貪  
暴為厲吏所殫給惡甚矣乃令巡按御史逮治敬軒  
為政寬猛並濟常以賢良薦程原慶朱振等於朝以  
貪殘劾祝永昌等五人置之理部內大治卒於官行  
李蕭然士民爭贈之治遂設奠述字季述莆田人永  
樂中舉進士授刑部主事宣德時出為惠州府通判  
民居率茹茨竹椽易致大患述教民陶瓦構木環之  
以塔身往督勸不贍則資給之火患遂絕正統七年  
按察使郭智等薦其行謹才優擢南雄知府務興利  
去患修浚陂溉田五十餘頃復業者二伯餘家憫庾  
閔役夫久困以推鹽餘息代民催役又修嶺路以便  
行旅遠近頌之稱一時良吏焉良江西樂安人永樂  
十三年進士授松溪知縣縣有銀礦為民害良奏罷  
之尋調知邵武縣亦多惠政宣德末九載考績其民  
乞留命增秩再任正統元年用大臣會薦擢衛州知  
府歲饑便宜發粟賑濟民甚德之良性鯁直不憚豪  
貴而撫小民則以慈故所在有聲謝政歸著有四書



楊言存養錄

戴浩字彥廣，鄆縣人。永樂十七年舉於鄉。宣德時授東昌府通判。有清操，常督河渠，有巨商覆舟死，遺貨數百緡，為棺斂之。召親屬，返其貨，清臨清，旃獲寶器貯之倉庫。他日中使至，言為己物，即驗而還之。遠近莫不嘆其廉。正統八年三考報最，用薦擢雷州知府。仁恕清勤，事無過舉。新學校，增弟子員，扶善鋤奸。築海隄，浚河道，鑄用大興。嘗遇早，仰祝曰：願減十年之算，祈三日之霖，雨果降。聽事產芝三莖，以外艱歸。服闋起，永州再丁內艱，起。鞏昌為政，愷悌軍民，以和適。有邊警，浩安內禦外。一郡賴之。歲大侵，擅發邊儲三萬七千石賑貸，為上官所劾。浩拜疏請罪，曰：願以臣一人之命易千萬人之命，景帝原之。而令民速償，上官趣之急。浩曰：瘡痍未復而趣之，不如無賑。請約三歲還償之。明年復早，禱之三日，即雨。關山孔道，寇時劫掠商旅。浩設方畧，殲之。道路無虞。浩初在東昌，民歌曰：戴別駕，公實惠吾僕。廉慎忘躬克，致年豐。及是，關山賊寇鞏昌人，又歌曰：君侯守邊惠政無前，我行我道蕩蕩便。便其為民欣戴如此。年近七十，拜疏請老。已啓行，民請闕乞留，有詔許之。還至潼關，會英宗

復辟，仍令致仕。卒年九十三。子櫛，連城教諭。櫛子鰲，鯨鯢並進士。鰲尋甸知府。鯨福建叅議。鯢廬撫。四川右副都御史。鰲工部主事。浩同縣王瑩，字宗器，舉於鄉。歷官刑科給事中。宣德五年冬，奉勅為肇慶知府。興除利弊，切於愛民。城西失火，延及民居，瑩稽首籲天，火隨滅。修水利，興學校，禮賢下士。士民交頌之。正統初，奏言文廟從祀諸儒，既黜楊准、董仲舒、吳澄，誠百世盛舉。然性惡之荀卿、短喪之杜預、尚祀廟庭而宋儒若胡安國、蔡沉、真德秀，猶未獲祀。誠為缺典。乞勅下禮官議行。又言外官不職者，許軍士傳送京師，以下犯上，大傷國體，不可不速禁。朝議並從之。九載滿，進秩二等。移知西安治如肇慶，稍濟以嚴越三年致仕。

袁旭，字廷輔，江西樂安人。永樂十三年進士。除江津知縣。民困宿逋，旭出已貲代償，富民聞之，爭相捐助。積逋以清。新學校，弭盜賊，廉明公慎，大得民和。及秩滿，當代縣民懇留於朝，詔許還任。久之，以憂歸。正統元年，用大學士楊士奇薦，擢寧國知府。旭好興作為，民久遠計，乃置均徭冊，以恤孤貧，設義倉，以備賑貸。重建學宮，杜鹿甲諸郡。他壇壝，公宇無所不增，新而



秘宛溪二石橋尤永世利然旭善拊循雖存興工役民不告病十年春大計群吏始舉卓異之典天下郡守止五人而旭與焉賜宴及襲衣寶鈔以還其年六月督學御史程富劾旭教飲民財妄興大役且杖死平民宜按問章下巡按御史覆核未報旭亦許富挾私及不法事章並下法司俱宜褫奪時無救援者命編旭保安州為民富輸贖還職旭先已被逮竟卒於獄其幽憤詩曰報國有心懸白日蓋棺無面見黃泉讀者悲之其後御史王震言旭杖斃無辜無實狀而旭已死矣旭雖被許而死然寧國人語賢守必曰袁公為立祠祀焉

孫過字際時福山人宣德間由進士為戶部主事正統中以大學士楊溥薦擢徽州知府均徭清獄修學勸農政績甚著初屬邑造弓矢歲費鉅萬過力省之計八百金而足後遂為例景泰元年以外艱去民奏留之旋丁內艱民復奏留不報服闋再知徽州四年冬大雪三月明年夏滂秋旱禾麥盡傷民群起行劫過擒獲數十人勢猶未止因上章言狀乞大發粟賑貸朝議從之過盡心撫卹振採有方民復安業有聚眾不時散者御史欲兵之過請導騎往諭眾即解去獲

免者數百家境內多山民田產入不足供一歲之食先令轉粟京師率易之於他郡勞費殊甚及是過請徵銀解部公私皆便久之政通人和百廢具舉所部休寧歙縣生瑞麥多至七十餘本有一莖三穗四穗者過以獻於朝天順初九載秩滿郡民復相率乞留命晉秩三品仍視郡事過愷悌慈祥言出見信治郡十八年最得民心天順末擢江西右布政使轉河南為左成化五年給事中蕭彥莊劾吏部尚書李秉并及過老疾不退乃令致仕徽州人立生祠祀之己請命於朝載之祀典有司春秋致祭卒年七十九同時楊禧雲南太和人永樂中為昌黎知縣盡心民事政化大行宣德四年三考績最當代部民稱其持已廉撫下惠乞還之昌黎詔進二秩如其請再閱三考政聲益彰擢慶遠知府公廉仁恕如其治縣時正統末亦以三考當代屬縣民具陳其德政乞留帝可之而進其秩二等景泰二年總兵官武毅等稱其撫字勤勞詔加右叅政仍知府事又數年以老疾告歸加右布政使

燕雲陝西咸寧人宣德末由舉人為曲沃知縣勤恤民隱而除其患閩邑咸戴之己日府檄下徵羊數百



為公用雲不忍擾民託言己病日置宴民間之爭奉  
羊為壽聞日而足即謝不取其得民心如此以親喪  
解職服除起補陽曲陽曲人愛之不異曲沃九載滿  
爭伏闕保留詔增秩二等遷治陽曲正統十一年用  
巡撫于謙等薦擢潞州知州亦以善政聞景泰初御  
史謝琚言雲及霸州張蕙並著廉能聲宜加珍異為  
列城勸下所司廉之三年夏坐事當調部民三百餘  
人詣闕奏其賢即令還任雲治二縣一州慈祥寬簡  
理公事如其家未嘗輕施鞭撻故所至得民同時知  
州以治行稱者有楊祕周健張需王約諸人祕宣德  
初知徐州有異政九載秩滿民不忍其去先後詣巡  
按御史乞留凡七百餘人即軍衛將卒亦列狀懇請  
御史言於朝下吏部核奏乃進二秩遣還再歷九載  
民益習其政既去而歌頌不衰健錢塘人永樂九年  
進士官御史坐言事謫交趾下洪知縣宣德中歷全  
州知州勤於民事大著聲績正統八年三考皆最當  
遷部民千餘人走訴巡按御史乞再任御史以聞帝  
從之進秩二等其後政愈有聞需知霸州抑奸豪興  
遺利政績尤著正統十年舉治行卓異宴於禮部賜  
寶鈔襲衣既還任有牧馬於湖者為民害需執而治

巡按長走想於中官王振璫下錦衣獄請戍邊時  
論或不平然莫敢救也其後州人稱良牧必首需約知  
定州得民譽景泰二年春丁憂解職民二千五百餘  
人言約持身端謹汝政公勤瓦剌入寇多方捍衛境  
賴以安乞還之百姓景帝報可約既還善政益著五  
年夏撫按官列狀以聞賜誥旌異

郭雨正統初為常熟知縣勤敏善理劇甚得民心民  
素患差徭南召父老諭曰令爾輸米四石準役一歲  
可乎父老頷首曰往者一歲之役費至五六金今如  
明府言止一金耳奚不可乃為倉貯之以給役費歲  
終鈞考費止三之二遂減下歲之輸民益歡悅僚屬  
有事於鄉者嚴與之約以食物隨行過期即繼之俾  
勿擾下其惜財愛民皆此類也縣產軟粟南食之而  
甘嘆曰後必有以此進貢者為吾民永世害矣命悉  
拔之十二年以老致仕父老及宦於朝者交章乞南  
還任英宗許之當正統時縣令為民奏留者益衆其  
治行卓然可稱者更有張環徐榮何澄田玉諸人環  
沁州人正統元年知平山縣善撫字訟簡盜息戶口  
日增乃修學廡學校壇廟官廨無所不新而民不  
知勞九載滿士民留之為政秩後任景泰初毋憂去



又相率乞留命奪情視事久之卒官士民哀號罷市  
榮知藁城有惠愛以親喪去官既服闋藁城耆老百  
餘稱榮廉勤奉公吏民畏服見在縣令昏耄不任事  
乞還榮藁城終惠百姓事下御史覆實乃還之景泰  
初九載秩滿部民復狀其善政乞留天子亦報可澄  
四川人正統初為安福知縣廉靜慈祥外若無為而  
內有區畫趙撫趙新以為不勝任奏除代之部民不  
服走懇憲司弗納乃相率走闕下陳澄善狀乞留詔  
下巡按御史覆覈果若民言乃令還任澄既還築寅  
陝浚渠道復密湖之舊水利大興去弊除患如治其  
家民大愛之秩滿當去侍講劉球為民代請乃復留  
王內江人正統時知桐鄉善郵民隱有實政時浙閩  
用兵徵需繁重王經畫有方民以不擾及丁父憂縣  
民訴於上司乞奪情視事朝議不許既服除縣民復  
以為請趙撫周忱亦奏保帝乃可之當是時英宗承  
仁宣之後加意吏治長吏優治行為部民乞留者率  
從其請或增秩久任或即行超擢其坐事及遭喪去  
者部民保留亦輒報可故一時吏治淳厚有先朝遺  
風焉然其間亦有作奸者如宣德七年河南府奏永  
寧稅課大使劉迪以舊官還任當去乃封羊置酒邀

耆老請留乞下法司論治帝諭吏部曰朕意四方奏  
留必出公道今觀此人言可盡信耶然人品不同亦  
不可因此盡疑他人古云衆好必察卿等其留意迪  
遂下吏未幾漢中府同知王聚亦張宴求屬官奏為  
知府事聞帝曰此亦無耻甚矣身為上官乃卑詞下  
氣請託屬吏此豈士大夫所為耶其并屬官罪之蓋  
自時殿後民間奏留率下所司廉實不復專倚信如  
曩時矣  
何聰淮安海州人宣德中為四川長壽典史有能聲  
以父憂去服闋改除山東長清正統八年長壽缺知  
縣民五十餘人走數千里至京師言聰前為典史勤  
敏公廉民皆悅服乞即以為縣正帝曰聰小吏去長  
壽已十年民猶思之不置此非循良選耶其即命  
之聰再赴長壽恤孤貧興學校息訟弭盜務惠民  
益愛戴全時楊貢為交河典史得民心會知縣林俊  
遷去父老奏貢清正勤能乞代其職章下吏部尚書  
王直以貢發身掾史格之帝曰民既奏保宜順其情  
若拘以資格用人之途狹矣卿等其體朕意遂授之  
貢果以稱職聞又有安郁者字從周臨潼人為四川  
蒲江典史歲大旱郁齋沐顛妖積薪柴極觀下誓不



兩即自焚至期果大雨民為之歌曰安從周政何優感天兩歲有秋昔無衣今有裘正統十年部民群赴闕下稱郡廉能堪任縣令帝即從之其後政聲益著同時下僚襍職為部民奏留者甚衆如張楨上海縣丞也民以撫字有方乞用為知縣趙撫周忱為請吏部以未及九載難之帝曰民之所欲不可拂也即許之積果有善政王懋本吳江縣丞也初以判員當汰民稱其勤慎廉能得留已丁憂服闋需次京師會縣缺正官民走伏闕下請即用懋本吏部以掾史出身持不可帝曰懋本既有去思安計資格其從之第毋著為令熊觀歷城縣丞也九載滿民言觀持身廉謹政尚寬平今縣令缺官乞以觀代吏部言法不當從帝曰吏之賢否視民之向背民於令之去不加意而惓惓於觀其賢不肖可知矣遂許之汪浩養利州判官也上官趙肆等稱浩撫馭得宜乞久於其職永綏一方吏部以為不可許帝曰治蠻俗不可拘常法其聽之王思是泰州判官也職專馬政得民心會同知缺員民一千九百餘人乞用思是補之吏部言思是秩未滿且同知已別除人帝曰為民牧而得民心正宜超擢示勸何以例為遂河其奏古初熙陽主簿也

監司考其老疾送之吏部縣民不服相率叩閭言初泣職期年清謹任事化服峒徭實非老疾乞還之小民下剋按御史廉問果如民言乃還初而奪監司俸半歲李保雲南安州琅井剋檢也其鄉老言本州俱羅舞和泥為蠻襍種頑獷難馴向無土官約束多致流移徭賦莫辨自保署州事賦政公勤民胥向化流移獲歸如擢任本州土官實慰民望吏部言此州向無土官難從其請帝曰卿守舊固善但古人為治在順民情可從所奏遂用為南安判官蓋當是時天子猶留意民瘼每有格外之舉而下情亦無不達故四方承風吏治鬱起憲孝而後其風遂衰黃瑜字仲美臨桂人正統九年舉於鄉授兗州府同知歲歉行視屬縣發廩賑貸後值水火築堤捍禦民甚得之天順初以治行高等賜封誥獎勵無何部民頌其賢請用為知府御史及布按二司核實以聞帝即命之尋以父憂去時兩廣徭寇猖獗都御史葉盛薦知肇慶府地當兩粵之衝徭賊時至城下民不獲安業瑜訓練民兵先事為備屬邑無城者城之曉示諸蠻許自首服戒有司無擾由是境內獲安成化初御史韓雍薦於朝詔增秩一級九載滿撫按三司連



章叙其政績請加官再任帝從吏部言書其勞供  
更歷三載以聞既三載滿治行益著乃加廣東右叅  
政仍知府事瑜蒞肇慶十五年剔蠹釐奸政無不舉  
士民歌頌之同時又有兩黃瑜並以治行顯一為江  
西南城人亦舉正統九年鄉試知四會縣尋以憂歸  
天順三年起補開建邑無城常有寇患瑜植木柵以  
守後改建磚城親挾弓矢禦寇一邑賴之成化二年  
上官薦其治行尤異起擢雷州知府時承饑荒之後  
盜賊充斥瑜盡心撫字數載間盜息民安軍民胥悅  
秩滿亦加右叅政仍蒞府事一香山人景泰七年舉  
於鄉知長樂縣改建學校日進諸生討論有兄弟相  
訟者開導之皆涕泣相讓而退以直道忤上官浩然  
求去民輒留不得立祠祀焉孫佐為時名儒  
何淡字中美廣東順德人天順元年進士授濱州知  
州值旱蝗之後以勸相耕農為首務有病民者一切  
罷之糧役以貧富為差書為由帖預給之得以救麥  
布帛折納由是賦不督而集取呂氏鄉約教民榜鄉  
擇一老人親為講說俾勸誨其間里季一稽考有不  
率者召鄉老泣謂之曰吾不能化若與若不能化鄉  
其罪均然吾罪首也倘三犯當自劾去矣各慚謝而

退有過相責讓訟為之稀乃新學宮修禮器聘師儒  
日夕教督始士習鄙悍至是甲第鬱興廉明仁恕政  
務畢舉以內艱去士庶泣送幾萬人知其清貧贖錢  
二十萬為贖又謂淡素廉必不肯受乃付一耆老令  
瑜境至臨清致之淡正色固拒耆老還悉散於眾不  
匿一錢蓋化於淡也後肖其像祀之龔遂祠服除入  
為虞衡員外郎擢漢陽知府教民力農乃築陂堰資  
灌溉興學課士一如治濱時士多成就久之遷貴州  
右叅政時生熟苗相攻郡縣騷然撫按集議將用兵  
淡獨請撫之會朝命下如淡言撫按即撤淡往車騎  
深入諭以威德皆釋甲還里尋以親老乞歸淡居官  
三十年貧至不能舉火知縣吳廷舉稱為吳隱之流  
亞常調給之卒年七十五  
吳澹字源深增城人自幼端恪嘗讀書一室有婢戲  
於旁澹怒白於母必出之乃已第天順四年進士除  
弋陽知縣慕古循良風日集諸生講道助其不給置  
義倉儲粟萬石周民惻獨中官鎮守者奇飲不經他  
人莫敢抗澹獨每事裁之曰寧我受譴毋虐細民嚴  
早徒跣禱烈日中雨即降民間利病興除殆盡而自  
奉泊然一介無取民戴之若慈母成化三年撫按官



舉清治行尤異賜封勅獎屬及其父世父之以御史陳遷薦遷饒州府同知清操如故里居郡御史高明率六縣之民奉為郡守命未下而卒貧無以為殮士民共購之且建祠祀焉

吳孟休瓊州定安人景泰七年舉於鄉成化中授廣西賓州知州政濟寬猛吏民畏懷州有八寨蠻肆寇掠急之則散緩則復出州人苦之孟休單騎入寨開示禍福許入城市貿易第不得帶弓矢刀劍蠻人悅皆羅拜願受約束一境遂安上官交薦進秩二等私治初以親喪去官八寨蠻及南丹賓州二衛所將卒相率陳狀願得孟休還任總督秦紘以聞孝宗許之州益大治時有程觀者臨桂人成化元年舉於鄉私治初為廣東龍水知縣地與猺獞鄰最號難治觀善撫馭民猺感畏既以憂歸民嘗思觀服將闕總督劉大夏請增其秩還任乃以為肇慶府通判仍知縣事正德初觀以疾求退總督潘蕃言龍水積苦猺寇自觀蒞任每親抵賊巢推誠撫諭賊多從化有不服者輒用計摧破之他所施設亦務盡心勤能最著不可聽其去宜再進一官旌之詔加本府同知改縣事如故觀建五十九峇籍其人為峇兵而東兩置兩營

分官兵戍守遂無寇患又闢荒田九百頃墾水圳四十八所民歌頌之

陳銅字堅遠南京人成化元年鄉試授蕪陽知縣藉丁稅多寡均定徭役招流亡闢荒田數千畝置養濟院積義倉粟省刑簡訟杜吏奸居一年庭無煩寃乃修文廟建社學興孝弟禮義之教民俗為變沅湘二江合流域下數決壞民居銅募民采石甃隄自南門迄西門亘千丈水乃不為害邑南山屋間有路狹甚辰沅諸軍戍靖州夜行多墮死屋下銅督郵兵積薪燒之沃以鹽石暴裂拓舊路丈許緣以鐵絙行者便之將新縣署忽大水漂木數百至工遂成銅病民憂惶禱於神皆願以餘年益銅壽病愈過市父老察其肥瘠以為欣戚鄰境猺與民爭田不決上官檄銅往銅開譬切至衆咸欣服任滿當代民乞留於朝不許送者攀泣為立生祠遷長沙通判察吏民所苦苛禮冗費悉刊除之決疑獄出寃民民祠於家監修吉王府程工節用倍省其費議復岳麓書院白吉王得故殿材成之故蹟以復私治九年以母喪歸尋病卒長沙人聞之無不泣下請於監司從祀岳麓書院初銅居長沙時黔陽民歲遺子弟一人聞安否後知其



琰為巷戾罷市子沂官翰林侍講自有傳同時有陳  
綱者字文舉潮陽人成化初由國子生需次吏部議  
者以兩廣多盜請不拘鄉里得官其鄰郡乃用為高  
州石城知縣時強賊正熾民戶流亡土田荒蕪殆盡  
綱盡心民事勞瘁安集流亡復歸又招新民附籍給  
田使耕歲凶發粟賑貸善捕盜盜發輒得請於上官  
奏減逃絕漁課米七百餘石閩邑戴之八年總督韓  
雍及鎮守巡按諸臣聯章奏薦擢高州府通判俾從  
副使孔鏞撫治徭民雍重其才每檄置幕下咨以軍  
事遇戰輒出入陣中能得士死力賊聞其名多遁去  
群徭未服者綱不憚瘴癘跋履險阻綏懷拊循徭俱  
向北十四年總督朱英等止其功詔賜銀幣尋遷鎮  
遠府同知亦有能聲卒於官民咸哀悼  
王媽字存敬黃巖人成化十一年進士除深水知縣  
巨猾席勢武斷捕獲論死境有湖可田督民築堤遂  
為良田中官來視馬例有賄獨不予居三年入為  
刑部主事進員外郎弘治三年擢興化知府部內多  
縉紳或虞難治矧察其好禮乃盡出古意為之嚴祀  
典旌節孝延禮名儒崇興古禮類非俗吏所為憫俗  
婚喪過侈為定中式書勸戒文俾里老時時開諭弗

率則舉按以懲吏卒攝人肆虐則示訟者以期俾自  
請後期有答民得無擾賦稅更徭更多彘智親自  
經畫俾受成業無所預監司更驛法非人情矧譬止  
不可則疏復其舊有寇犯漳州守者議調興化軍往  
援矧以衛軍但可自守竟不遺前政多因循學校壇  
宇公廨道路河渠悉廢矧為之更新而民無所費  
久之風弊清獄訟息盜賊屏跡治行為一時最以十  
一年十月卒官僚吏及士民咸哭失聲留其衣冠葬  
葆塘山下且立祠祀之  
厲昇字文振無錫人由國子生為浙江青田知縣縣  
居萬山中地固硠礚又承葉宗留亂後民貧而捐號  
難治昇治之有方民感其惠初有周姓者與磐石衛  
卒訟積五年矣昇聽之數語遂服出而泣曰今屬公  
早至安有是哉境內銀礦發監司臨視議歲入貢有  
術者謂山木大秀所產必廣昇折之曰金能剋木若  
金氣既盛木何由秀監司不信同列勸昇從之昇曰  
如吾民何申辨數四必寢乃已鎮守中貴以稅礦歲  
一至所費不貲昇供億無缺而已于他費大省以故  
民獲安業乃勸學興賢旌舉節孝禮文亦彬彬焉昇  
屢欲請老輒留於民後入覲遂乞歸民聞欲追留已



抵家矣乃立碑紀績且祠祀焉既沒衆設祭哭於祠所同邑殷貴字南金亦由國子生為廣東陽山知縣縣窮僻少文貴至即為講律令俾知趨避大書為善最樂四字鏤板給之有兄弟爭田者反覆開諭皆感泣去過死囚必求其生路不得已焚香告天而後決之獄中置一響板約曰寃未達者擊之有所徵召書片紙於門咸如期至恩信旁達閩邑歸心焉以勞感漳吏民祈禱無虛日其卒也為罷市巷哭

丁積字彥誠寧都人成化十四年進士授新會知縣至即師事邑人陳獻章尊其所聞而行之其政以風化為本而主於愛利不憚權貴中貴梁方者新會人也其弟長橫於鄉既重責民逋復訴於積積追券焚之且收捕繫獄由是權豪屏迹見俗尚奢侈申洪武禮制參以朱子家禮定為中制擇耆老誨導月朔進問於庭優禮其能者而懲其不率者嚴賭博竊盜之禁榜門示恥良家子游惰不事生業者聚之廡下使日誦小學書親為解說真變化其習謹祀事牲牲酒禮必極精潔肅然將事若神明陟降然故事民出錢輸官供役名均平錢其後吏貪獲令甲首出錢供用曰當月錢貧者至鵝子女積一切杜絕甲首輸均平

錢畢即歸田無復事歡若更生俗信巫鬼為痛毀淫祠嘗以辨寃忤上官下之獄民號泣欲為營解積書示之曰心苟無愧禍福非所圖慎毋重吾之不德久之事亦解十八年大旱築壇於圭峯頂祈夕伏壇下者八日體憊甚雨亦大澍然積自是得疾遂卒年四十一士民相聚哭於途有一嫗夜哭極哀或問之曰來歲膺甲首丁公死吾何以聊生其德化入民如此相與祠之

田濟麟遊人舉進士成化六年累官大名知府改真定至即祛吏弊卹民瘼興學勸士勦強扶弱政聲漸起明年大疫施藥以療死無依及屍暴露者給棺瘞之歲又大凶斗粟百錢民有餓死者濟不待報聞倉賑貸又出粟三萬餘石半價以糶遂無騰貴之患乃巡行所部州邑察其不足而補助之凡發粟二十七萬餘石頒犂大作性剛直不屈勢要定國公弟徐永宜擅殺佃人濟即彈奏請戍邊率山武強民十餘人被誣為盜獄已成為辨釋之軍衛有訟滋以至公不待捕而自至部檄徵派羊禾鷄鶩諸物為具奏汰其半遂為定制其他請於上官寬民力節浮費者不可勝紀泚政八年部內大治同時有沈性者字士葵會稽人



景泰二年第進士授御史英宗復辟陳保天命固人心停末務減冗員擇守令汰僧道六事語極切直已而簡廷臣為知府性得寧國陞辭召入便殿諭勉之既至剗剔蠹弊一以惠利為本民苦役繁令諸在官供事者歲輸銀一兩給軍需即放歸力農民大稱便歲大祲賑糶粟減價以糶訟至立斷獄無繫囚令行禁止民更悅服如意學校親為講授居八年課績為南畿第一巡撫劉孜以狀聞賜封誥旌異未幾以父憂歸遺疾卒

章忱會稽人成化十五年由進士為臨城知縣首答民隱凡民所欲惡以次興除一以愛養休息為務歲大饑民多流竄忱招徠撫輯給以種食而免其征徭歸者接踵久之旁邑流民願附籍者亦數十戶賦券稅煤有久不別白者悉為條格以清其欺隱城北泥河出源泉流甚博豪民掘之用利忱率眾築堤引水灌苗又教民為桔槔以濟高阜邑自是有水利鄉鄙舊無醫藥有病專事禱穰忱檢方書修藥餌施之且諭以醫禱緩急全活不可勝計修學宮具祭器諸壇壇館舍亦無不新既又市隙地創社學及陰陽醫學郵傳養濟院各一所皆不勞而事舉暇則督課諸生

訓以孝弟忠信之道歲春令民會男女節其婚嫁之儀不得論財賄民是以鮮怨曠訟者至為明示曲直勤以講信修睦多自慚引退上官非公事役民忱堅不奉令亦終不能害久之遷太僕寺丞去士民為立去思碑

王汝績金谿人舉於鄉為福建政和訓導九載考最用大臣薦擢絳州知州土隳賦重人鮮知學而健於訟前此長吏未有滿考者汝績謂民富則教行而訟自息乃勸民耕稼蠶桑勿奪其時盡墾不食之土俾各種所宜而督責其偷惰者不數年民業饒給遂大修學宮篤興禮教更廣延師儒訓民間子弟風化之美延及隣邑民以事至前者悉告以敦本節用孝悌禮讓之道懇款篤至民多感化自是爭訟衰息獄戶屢空盜賊亦絕有所徵發但書片紙示期民自奔赴田里宴然無追呼之擾犬不夜吠嘗有蝶生將害稼為度禱於神蝶即滅民有積歲流移者聞新政寬仁皆扶老携幼而至汝績益加拊循俾樂生與事人情大悅景泰改元九載滿民相率詣上官乞留汝績力止之乃已將行以暴疾卒士民莫不哀悼同時張廉字惟清陝西咸寧人永樂末舉於鄉授刑部娼磨歷



臨汾縣丞蒲州判官並有聲正統八年蒲州缺知州部民狀廉賢能乞即用之御史暨布按二司聯章為氏請吏部言躡等難允帝曰能得民心即良有司正宜旌擢示勸何躡等之有遂擢任之廉乃剗積弊自家及官皆有檢飭教民作業以時與民以信凡賦調不督而集力扶善良推豪猾其於學政尤加意久之政平訟理公庭寂然日課吏讀律曰非徒使知畏法且令不暇游惰耳治蒲十餘年未嘗行一非法事遭內艱去軍民復合詞乞留朝議不可而止以天順二年卒於家子昂官至侍郎自有傳

明史卷三百九十一

循吏下

循吏傳

田鐸字振之陽城人成化十四年進士授戶部主事歷員外郎中弘治二年四川饑奉命督米五萬石往賑事竣復命坐誤遣勅中語謫遂州知州時經寇亂前官設巡視鄉正與老人機兵下鄉詞事名為刺奸實病民鐸至悉罷之視事三日即齋沐禱雨兩隨降有奸吏六人積為民患杖而逐之盜數發至入州城行劫鐸設策捕獲益增壘堞申門禁盜遂屏跡州濱江民病涉建大小二十四橋三溪山高而無徑鑿之為途民免登涉者十五里東南江有洲八十餘頃居民樵採畜牧其中為豪右所據鐸奪而復之民流他邑遣人招徠諭以免役三載且恣耕山地不增賦額復業者無算取前賢懿行為圖說懸之旌善亭刻望令老人聚童子誦習而以時講於州庭人多歸化監司行部訐無投牒者深嗟異之每謁文廟必與諸生講論經史廟廡圯重為修葺汝州八年政聲章徹上官屢薦推廣東按察僉事理屯田鹽法久之遷四川右叅議不赴以老疾告歸正德時劉瑾羅織士大夫有言鐸前理鹽政簿牒未明瑾遂矯詔逮赴廣東



未就道而獲伏誅或勸鐸君年已八十二可無行鐸曰若爾吾汗幾終不白矣行次九江遘疾卒聞者莫不悼之

楊護泉州人梁儉大和人成化中相繼為臨高知縣臨高隸海外瓊州為長吏者率無善政兩人皆廉明寬仁恤民如子父老謂自來縣令無如此兩人者護承累任苛虐之後一反其所為然事至能燭物無遁情訟非大事道歸令更思多感悔中止獄無滯囚吏不敢需民一錢其初至若無甚殊異行之數年民俗大安後遭讒去職儉代之民戀護如慈母贖者填門辭之不能止儉嘆曰吾當屈揚君以慰吾民之心乃置一冊門下命贖者書名須臾冊滿持以示護勸納之已而就道縣中老釋送三十里外至舟次者殆千人儉益嘆異歸詢左右悉循其舊無所變異民愛戴一如護訟者至但批牒尾付之令自呼彼訟者無不如期至終不道一卒擾民秩滿赴京考績還渡海舟覆溺死縣人聞之若喪考妣為結魂帛相率赴海濱招魂迎置縣中朝夕哭奠且循俗禮修七七齋以報德其獲人心如此自兩人後無復有善政可稱者矣故臨高民益頌兩人不衰

李緝餘干人弘治十四年舉於鄉以會試乙榜授常州儒學訓導擢濮州知州緝仁恕明決善伸滯恤枉而詳練於世故人不能欺大都與民省事務求安全州若河患歲調民修築力不堪緝免其役但徵後錢以待事公私便之稽覈丁產盡得所隱漏定為上中下三則而役始均修學校親為講授諸生有廬墓以毀死而妻殉之者請於朝祠祀焉大旱民絕食亟發廩賑救民忘其饑秩滿移泉州府同知民好訟難治每有疑獄及積案不可究詰者下緝訊無不立決民赴愬上官多願下李二府屬縣同安豪猾健聞緝往署事諸奸相戒無犯攝守興化亦有善政嘗嘆戎伍勾捕之弊曰古者罪人不孥今法充軍下死罪一等奈何令獨子疇戶遠戍數千里外故緝行法獨恕獲保家室者多遷魯府長史以去民留之不獲為立石頌德而濮州人思之尤深立生祠祀之

曹祥字世奇太倉人家貧為人贅婦力學久不售其姪有先舉於鄉者外姑薄祥不以為婿教祥即併日食不從外家乞憐久之外姑悔稍割田與之謝不受當廩於庠以讓其貧友弘治中舉鄉試念母老就建陽訓導遷懷安教諭集諸生貧者百人飲食之相與



講學課文規以古誼傲弗率者鳴鼓罪之督學副使邵銳獨賢祥舉以風八閩居六年除浙江新昌知縣為治洞坦不設鈎距訟者片言而決或捷之至十輒止摘訟師尤無良者逐之境外俗苦嫁女生女多不舉祥為定程式而嚴禁厚嫁及溺女者俗為之變比去官縣人之育女者以千數皆携以送祥祥築長堤捍溪水取一石最重者自負之曰以吾為準自辰至酉罷亦以吾為準吏民競趨不閱月堤成使客至不飭厨傳曰奈何瘦民以取媚以故過客鮮稱之仙居應大猷時為吏部郎獨稱其嚴不苛察不細峻不激挫不折為循良第一撫按薦章亦屢上及九載滿當遷以母年益高不赴部考績母喪終遂不復仕祥官新昌久多善政然絕口不自言一日有御史過祥里修刺入謁則新昌呂光洵也坐定自言其父故邑豪蒙公捷之於市祥色動光洵曰微公教誠吾父安得終為長者公去吾邑十餘年士民戴公猶一日也為竟夕談而去里居服食粗惡社門簡出鄉人莫不嚴重之卒年八十二

父順元攷政皆舉於鄉敏舉進士終戶部主事敕以正德十二年擢第授刑部主事嘉靖初伏闕諍大禮繫獄廷杖獲釋歷員外郎即中善決獄為尚書胡世寧所器八年遷饒州知府斥舞文吏讞獄務得情出無辜者百餘人歲凶請於上官特蠲常賦嚴儲水法修預備倉幸排門夫役令下人皆稱便增築鄱陽白馬隄浮梁胡白梁民不擾而事集常議鑿井濟因渴忽泉湧東廡下士民謂仁化所感名之曰應德泉暇則詣學集諸生講授置藉以紀善惡而時周其匱乏凡廟器射圃咸為修治弦歌俎豆蔚然可觀月朔令父老集社學訓誡子弟以所浚官田為館穀資且下其法於屬城俾以為式義士節婦並見褒禮淮府官技橫恣稍加誡諭即謝過求自新諸舊例歲可入已者悉為墜草上官謀治行為列郡最士民咸歌頌之十一年詔造郊壇磁磚列期七十日或言以土為質飾之以磁可速就較不可曰若爾是上欺天子也匠不能運辦致愆期遂逮赴詔獄謫貴州婺川典史渡江遇盜舟人皇賊殺搗坐自如盜見其無所有嘆異而去行次袁州遺疾卒敕雅好義理之學內行修謹為士論所稱



程焯字文純南城人正德十一年舉于鄉授景州學正訓士務砥名節上官重之命主灤洲書院選十八庠弟子從之學嘉靖初充浙江鄉試考官以母憂去服闋補曹州遷松江府教授蹈履繩墨以身為鵠御史行部視學一生於講求致頌美獲紙倍他人焯惡其佞俟御史出取紙散於他人斥責之改益城知縣縣濱海民多冒竈戶避徭役覈正之旱蝗民饑力行賑恤有寃獄論死者十九人為之申雪築堤捍決渠建水次倉便轉運諸為民興除利弊務殫其力稍遷上元知縣縣居都會民靡政繁權豪多掣其肘焯一意利民無所撓中貴以事至者貪恣甚焯夫廩外無他供具中貴怒欲辱之焯抗陳民難威焯為沮民居近孝陵者以誤殺苑中獸罪當死焯白之法官得末減諸散荒錢平市直酌公費後入咸守為法時霍亂官南京尚書有惠政民為之謠曰禮部霍亂天有日上元程焯月無雲言其纖塵不蔽也考滿入都携兩蒼頭跨驢而行里正知其貧費八十金追贈焯笈曰好百姓憂父母餓死耶揮鞭徑去歷南京刑部員外郎即中出為貴州鎮遠知府去煩苛寬市糶公聽斷抑暴橫清郵傳節供億毀淫祠建社學善政具舉聞

九年轉陝西苑馬寺少卿馬政久壞焯力為釐剔不下堂者五日夜宿樊漸清疾作致仕去焯入朝四十年初終一節所至必有頌聲既歸以先業讓其兄獨居一樓兒子又鬻其半至作藤自障云  
湯紹恩字汝承四川安岳人父佐弘治初舉進士仕至叅政紹恩以嘉靖五年擢第十四年由戶部郎中出為德安知府尋移紹興為人寬厚長者政持大體不屑苛細人自不忍欺性儉素內服疏布外以父所遺故袍襲之居身清白然未嘗以廉自矜始至見郡學墮且頽敬為擴內新之樂舞久廢特延他郡道士之知樂者為飭器習舞自是聲容可觀廣設社學錫朱子小學書禮蒙師訓之期望師率童子進謁則親為講授召僚屬觀其肄習而賞勞焉士大夫不知家廟制錫家禮頌之俾有所準歲大旱徒步禱烈日中雨即降緩刑罰恤貧弱旌節孝民情大和其最稱永利者則為三江閘所轄山陰會稽蕭山三邑之水盡匯三江口入海旱則傾瀉為災澇則泛濫滋患且潮洑日至其來也擁沙而入其退也停沙而出天久不雨則潮益深入而沙益積如丘陵一遇濤瀾則水為沙阻不能驟洩良田盡成巨浸當事者不得已決塘



以馮之塘決則憂旱歲若修築無已時紹恩徧行水道至三江之口見兩山對峙水灌其中喜此下必有石根余其於此建閘乎取於上下咸言不便紹恩意堅募善水者探之下果有石脉橫亘兩山間遂銳意興工先投以鐵使蛟龍畏而遠徙次填以石繼以籠盛菴屑沉之使鰐鯢不敢穿穴工有端矣屢為潮所衝不能就怨謔煩興紹恩不為動曰毀則吾築基愈固何慮不成乃禱於海神潮不至累日工遂竣修五十餘尋為閘二十有八以應列宿於內為格閘三曰經濼曰撞塘曰平水以防大閘之崩潰閘外兩涯則築石堤四百餘丈扼潮使不為閘患既成刻水則於柱石間俾後人相水勢以時啟閉自是水田盡變為沃壤三色方數百里之間無憂水旱矣士民德之立廟閘左歲時奉祀不絕紹恩累遷山東右布政使致仕歸年九十七而卒初紹恩之將誕也家人咸夢紹興城隍神來謁及生有我蜀僧過其門予之飯請名僧默計曰當以紹名他日地有稱紹者其將承是兒恩乎因名紹恩字汝承後果符其夢云

主詔字孟宣歷城人由鄉舉為定州知州畿內地且近邊徵發旁午號難理詔有才略諸務統緒乃更

約法開示誠信未幾登弊殆盡久之獲釋息政化大行蜀生道其境者遺橐裝百金訴於詔詔第往當有為汝守者往則果見一人守之生曰感君盛德何不攜而去守者曰人有棄子於道者我侯不忍為流涕活之我忍懼金致君流落於侯之境哉卒還之御史來按部粹入獄見止二囚深嗟異注上考州田多汙萊民貧不能市牛為做武侯木牛法用以耕力得半牛治州三歲遷開封府同知會朱仙鎮盜起附尉氏詔即往擊命卒設伏扶溝約舉賊起而夾攻賊果向扶溝中伏敗執訊而還河決金相寺口病於漕議者請自撥繼口至清河口百餘里大發卒塞之計伐薪買石費卅七萬詔往治拊循徒衆以身先之下人競勸舂鉶雲舉三月而工成費不盈萬命增秩一級尋以母喪歸服除遂不復出

徐九思貴溪人舉嘉靖四年鄉試久之除句容知縣始至吏民見其朴訥易之甫三日一吏出空牒用印納囊中九思搜得詰其故群吏叩頭曰此為一親故補牒非賄也九思曰吾不治賄治竊印者耳畫法按之而戒僚佐毋受訟且捕治諸用事吏於人常恐一邑肅然每訟者至必命與親識議和和之不得則



以理論道間一杖之教不<sub>能</sub>十然於豪猾革不盡法不止也其催科預為期期而不至始遣里<sub>長</sub>責之終不命一卒下鄉隸卒列庭下如木偶無所資衣食多自引去乃平重役定糧籍均轉輸汰浮費事事為民便利民大愛之縣當孔道使客日至民不勝其困九思載額夫三之二馬三之一亦未嘗不給有廢園數十畝率吏卒莖治藝蔬菓畜雞豚且鑿池種魚取以奉過客一不煩民縣東西七十里為通衢車馬踐踏塵土日<sub>積</sub>可三尺許遇雨雪泥濘至沒股頽仆相繼九思<sub>節</sub>公費<sub>焚</sub>以石行旅便之縣有三茅山世<sub>崇</sub>以奉<sub>教</sub>教道中官方士來設醮費不貲時頗歲饑歎民方相九思搜故牘知有鹽引錢向貯於府請出以供費不知擾已而歲益侵較騰貴九思多方振<sub>一</sub>邑以蘇有十七人因荒行劫捕得真之法曰此非饑民乃宿盜也善視諸生貧者資以膏火而不肖者則懲之又方於事上不為府尹所喜尹所遣胥徒索吏賄不得取酒話於庭九思怒執而笞之尹亦怒曰是不有我也他日以永康侯之帶徵教讀呂某九思報曰呂某者賈人子不習書不足辱侯<sub>尹</sub>益怒<sub>巡</sub>撫丁汝夔奉命賑荒所<sub>下</sub>令<sub>潤</sub>畧不可行九思多

格之汝夔愠諸生先見<sub>懲</sub>中<sub>以</sub>蜚語父老聞之率數千人見汝夔訟九思賢至泣下且曰<sub>除</sub>令吾儕已填溝壑矣汝夔意不可回衆遂大哭且詆諸生無恥汝夔意稍解入都以語尹尹曰是獨項專抗上官為名殺之便會汝夔入佐院事奏報荒政刺及九思章下吏部核尚書熊浹曰吾素聞句容令賢何顛倒也考功具以先後薦刺上而吏科亦劾汝夔奏報指延舉刺不當遂坐錮秩而九思獲留積九載始遷營繕主事<sub>以</sub>不忍其去爭迎致於家置酒請教九思<sub>以</sub>教父老惟勤儉忍三字可久耳九思生<sub>惟</sub>嘆青萊嘗繪一菜於堂曰古人有云民不可有此<sub>乞</sub>士大夫不可無此<sub>味</sub>至是父老鏤所繪菜而書勤儉忍三言於上曰此徐公三字經也在工部當築外城而城址侵錦衣陸炳園衆憚其威欲避之九思不可卒分圖為二督稅荊州減額三之一商旅多出其途課更<sub>羨</sub>悉貯之公帑而去進員外郎督<sub>臨</sub>清磚廠舟北上者不問勢要率令附磚工部尚書吳鵬鄉人恃鵬勢<sub>免</sub>九思曰此法也法不自尚書出<sub>乎</sub>尋以都水郎中治張救漕河漕河與<sub>鹽</sub><sub>池</sub>起而不相接故漕水溢則泛濫為<sub>田</sub>患九思議築城木橋於



沙灣保二水相通漕河溢則有所洩以入海而不病田少則有所限而不至於涸工成遂為永歲時趨文華督師江南勢張甚所至長吏趨承恐後九思獨遣一吏持贖侯之云即有事沙灣不敢離也文華見止空饋無贈遺謫罵投於地後九思遷高州知府辭不赴而吳鵬已改吏部文華亦還京師遂相比欲做大計然之考功即持不可則以年老令休致家居二十二年年八十五而卒句容人立祠祀之子貞明自有傳唐音字希武進人幼多疾父令從業業醫音雖處醫肆而朝夕讀書不倦已與從叔順之同學遂全舉嘉靖七歲鄉試鄉先生毛憲講洛閩之學於道南書院音受業其門尋聞崑山魏校講學吳門許會試不赴往從之游盡得兩人指歸造詣日遠久之謁選得雞澤知縣地固瘠歲又不登值俸谷南侵時當倣儻民益艱音均節裁省思所以紓之而才瞻力勤務在必行其志一切變警置不問朝議市馬民不願鬻於官他縣多以威取音獨不忍上官督之急則投劾請去民間爭出馬半日而足其肥好更為諸縣最御史巡鹽者欲為雞澤劉御史建坊音以時出獄之御史怒逮責其主吏音遂稱病乞休上官交慰乃強留而

建坊事亦止巨指范項橫行里閭一夕持鐵簡入陳國卿家推之死淫其少妻比隣群起縛之音始如法而尋瘦死推官以為疑欲翻其獄音力爭且請斥竟如前擬縣有小寨浮圖二堡上官為防秋計令修之移民入保他縣奉行至有役民數十里外舍農業操審紳者民不勝其苦音念寇騎未必至此而先自擾乃陽示奉行陰緩其期迄獲免巡鹽御史惑商言配鹽勸銀於縣溢歲額清軍御史覈絕軍產僉民補伍音皆持不彀時天子好齋醮巡撫以下建醮呂公祠以祝豐穰獨不往音方於事上而如意小民尤盡心於獄訟無飲案無留贖獄無滯囚科徭必均不以貴勢屈法得無所逞其奸以三十一年十二月卒於官素無遺貨士民莫不哀悼子一舉舉鄉試第一尋舉進士官南京吏部郎中亦有名同時縣令著聲者有林一陽陳交一陽字復夫漳浦人早有志聖學言動一準諸禮以嘉靖十三年舉於鄉久之授濟南府通判持身方介不為上官所喜論霍丘知縣縣人素不知學獨好為吏其隸兩都及四方者至四五百輩家居則操縣令短長與抗禮令為所敗者二矣一陽至志正之士無明師雖習吏不知法度一陽親為



指授文風稍振地阻山出饑糶糶救之奸不絕一陽患之曉以務本保身之道誠意切至人多從化徭賦故有籍前令受賄行私籍遂有亂一陽力為整正乃修學校行鄉約立保甲革私秤積公膺政教大行士民謂數十年未有也以不善事上官遷王官去既去而民思之立祠以祀者六七所初御史耿定向督學南畿於所部守令數百人中獨重一陽將論薦會坐事解去不果至萬曆初定向以都御史巡撫福建而一陽已歿乃檄漳州行縣勒石表曰霍丘良令林君之墓雖禮致祠又列其生平懿行移督學憲臣祀之柳賢槐交字汝同常熟人幼有至性父疾祈天願代父忽夢謂曰感汝子至誠假汝數歲所生母教為嫡母凌辱交孝敬不衰嫡亦感悔同學生私購法書與儕輩傳寫交奪而焚之及長學行有聞舉嘉靖二年鄉試屢不第以生母老謁選為永康知縣待人以誠吏民化之亦不忍欺邑當衝要郵駟告病交大為裁損民獲安業而使客噴有煩言交亦不顧俗好溺女嚴為設禁賊湯姓者為亂挺身往諭立散其黨疑獄久者多為平反不受勢豪請託坐此中浮言調知興寧地襟徭種時為患交與諸之深勉十餘人率

其黨歸命現向新民歲大旱糶糶去禱雨隨降他邑皆無呼為陳侯雨上官亦異之建靈雨坊紀其事嘗積穀數千石至是出以濟民民忘其饑邑枕山多虎教民編竹為戶禦以藥弩虎遠他徙上官察其廉能教有褒薦竟浩然告歸興寧人作歌頌之家居惟耽嗜經籍益以清德重於鄉

龐嵩字振卿南海人嘉靖十三年舉於鄉講業羅浮山從遊者雲集二十三年歷應天府通判建治中先後凡八年府缺尹屢稱其廉始至值歲饑上官命督賑委悉需洽公囊既竭備之巨室富家全活者六萬七千餘人乃獨積遺糧征徭勸勞株復業者又十萬餘人留都所在民若役重則力為調劑執法堅不畏強禦嚴冒濫優免戶及寄居客戶說稱官戶寄庄戶女戶神帛堂匠戶俾悉出以供役民困大蘇江寧縣葛仙永豐二鄉頻遭水患居民蕩折止存七戶嵩為治隄築防得田三千六百畝立惠民莊四召貧民佃之流移盡復聽訟無細大必以情屢剖冤獄戚晚王滂舉人趙君罷占良人妻殺人嵩皆置之法居間者百方拒不納早遊王守仁門淹通五經至是集諸生新泉書院相與講習成就為多歲時單騎行縣以盡裝自隨一疏片楮不以煩民爾爾其鮮有舉其職者至



嵩以善政特聞一時頌為循吏天云府在六年京察  
例而獲與外察嵩謂非體職請止之遂為永制遷南  
京刑部員外郎進郎中諸曹詳習法律吏得錄為奸  
嵩素諳練為撰原刑司刑祥刑明刑四篇曰刑曹志時  
議稱之出為雲南曲靖知府亦有政聲居二年忌者  
中之察典以老罷而年僅五十後從湛若水游學益  
有聞卒年七十有七應天曲靖皆祀之名宦葛仙鄉有  
專祠于一蓼一德並舉於鄉

張淑礪孟縣人嘉靖二十年進士除歷城知縣縣居  
會城供億繁又歲比不登募兵戍邊征輸苛急淑礪  
應之有為民不知擾乃輕徭緩徵務與休息歷城地  
瘠而賦不均民多流移為獲原隰視土媿惡以登下  
其賦數額著籍民始不以稅瘠為子孫憂諸轉輸供  
張送迎舊僉民數十家分值率破產長吏因緣為奸  
歲終僉派得賄即縱而役其無賄者民重困淑礪憫  
之稍徵其役錢入官自辦什器惟帳得轉相為用而  
賄胥不敢欺隱五六年弊政一旦如洗使客至未  
嘗鈔厨傳邀譽折獄務得情實不尚威嚴咨民疾苦  
聲震不厭嘗曰吾四載於茲縣署有未經之跡而未  
始一日忘葺屋月旦與諸弟子設俎豆說詩書坐鄉黨

者倍於昔由是士悅民安流于來集蒸蒸有太平之  
象焉

劉修己字以敬新蔡人嘉靖二十六年進士授吉安  
府推官為人樸直不為上官所喜將殿其課知府靳  
學顏力保持之語之曰忠信篤敬四言吾生平學而  
未能君第勉之勿憂齟齬也修己敬受教民好訟按  
鞠明決日夕手撰獄詞不他寄耳目或上官有所輕  
重第唯唯及上爰書必中情法不少徇上官或不聽  
即留旬月不上俟其自解久之上下相孚獄無不平  
上官更以才委任相屬嘗攝吉水事吏故持遠年  
積贖相難以說能否修己涉目即曰此事已竟吾不  
召而汝自來何也吏計沮相戒不敢結庭中為清邊  
餉使使者來督道他邑鞭撻取辦民不堪修己不忍  
與民為期民相謂曰公素庇我我奈何累公不旬日  
畢輸無一人受杖者每受訟牒詰得其情俾出休外  
舍或旬餘不召人始疑其少斷久之多悔悟去不終  
訟訟日以簡修己為推官強半居吉水其在府一言  
無所假及蒞吉水則三尺童子可以牽衣告語故吉  
水之人視其來去以為欣戚聞代者至不問其賢否  
輒為齟齬修己感疾留府輒眼其不來已而聞計莫



不奔廷號澤即深山婦孺亦賊數掩澤若喪所親府中臨其喪者亦至失聲其極民心如此先是有危獄者黎陽人由進士為吉安府推官剛毅有大節直道行志雖貴勢不撓屬縣安福苦虛賦縣人郭守益請於朝下獄任其事微聞故籍過察土宜具得奸究欺隱狀乃下令丈量時匹馬歷巖整冒風雨突至田間驗之賤者不敢逞其計乃三其籍以防奸四其壤以定賦而賦役始平微竟以勞瘁致疾卒於官貧無以歆士民莫不痛悼

劉世亨字以進臨川人嘉靖四十四年進士授涇縣知縣始教厲歲侵賦缺額法當調用巡撫林潤因民請奏留之乃盡心拊循汰冗費蠲苛徵賦有期役有等歲時行鄉落勸民力耕建社倉教以積貯歛散法民墾荒田聽自利勿禁婚喪賓宴則去其奢靡民食稍足為立鄉約約有長長有副申聖諭六言而推廣之以彰善癉惡月朔延見諸生考問德業鼓鐘間作聲詩繼之士風為盛乃逐訟師祛宿蠹吏胥畏法察若負霜豪猾亦屏迹慮盜賊竊發令鄉募武勇以巨室主之分布要害賊發輒斃輒獲封內晏然博有虎為患操文禱於神負子遠去誘鄉民儲水備火治

隄防繕水事無不周於是民情天和愛若慈母以治行高徵為吏部主事縣民無老少相率走數百里泣送四境皆建祠祀之官終吏部郎中

龔起鳳字瑞周崑山人嘉靖三十七年舉於鄉以會試乙榜授定州學正起鳳本以貧仕乃不受諸生贈遺資月俸自給河南聘為試官監臨御史顏鯨欲指故事考第之起鳳曰以師聘而以弟子試何居不受考鯨不悅抑為同考官比閱卷士皆從外簾取起鳳怒曰外簾得取士內簾何為數為鯨爭鯨心異之頗與商甲已自是兩人頗為知己頃之擢大理司務穆宗登極勅恩司務以秩卑不獲封父母起鳳偕同儕疏請獲報允寺中群吏例輸貲於鄉有貧不能輸者屬起鳳徵之起鳳不為徵鄉怒答其隸起鳳亦答堂吏報之卿益怒自劾且劾起鳳無堂屬體吏部楊博心善起鳳而重違其長謫嚴州府教授甫五月遷杞縣知縣一意愛民諸所興革直行己志獄囚三百訊問多寃者止留十二人餘悉縱遣即上官勾捕執弗與頌令有不便者輒格之商丘大猾恣睢殺人賄其令為脫罪監司檄起鳳覆獄未至二十里令出迎甚恭囑起鳳毋竟至縣密遣人致千金起鳳大怒舉囊



提其顛流血被面竟窮治伏辜縣有馬夫價五百或謂令得自取起鳳貯之庫熾供郵傳資自月俸外毫釐無取官舍蕭然兩蒼頭不勝困先後逝去夜自闔門而寢處之晏如御史按部至供張陋甚寒夜鑪火弗繼衙之出俸金自市起鳳亦不顧監司召謂之曰按君嚴重可令坐折足狀耶對曰茲瑣事令安從知監司為掩口御史怒故久於祀欲伺其陰事竟不可得乃撤開封長吏盡集祀考覈以疲之事竟語之曰吾知若廉但不任治劇吾為若移之對曰令即不可荷一肩行將去耳何移為御史竟注不及當調遂治行祀故事有賢令去父老率其子弟盛儀從擁令游衢巷乃聽去至是爭集縣廷請游起鳳辭不得從之嫌齊不為而出萬衆歡呼各手瓣香行歌前導即委巷無不至如是累日不休既去鍊白金三伯迨五百里送之周王聞其賢亦有厚遺皆力辭不納歸四年卒鄉人共殯殮之

胡友信字成之德清人隆慶二年進士授順德知縣自前令俞思誠貪虐後蠹弊百端歲賦率奸人攬輸其取於民贏常十三稍以解入哨長吏輒置不問其輸於官者往往沒戶曹胥橐中民行賄即逋百千不

舉否則毫釐以聞恒被咎責故爭賂胥謂之月錢而公賦反不入致民貧為盜剽劫公行友信至嚴為禁革賦入悉自主不假手戶曹與民約歲為三限多寡得自輸輸不取贏民一歲造縣門不過三日由是民無妄費而公賦以盈頃聲大作時海寇發官軍往討民間驛騷部內烏洲大洲素為賊藪諸惡少又詞察縣官為賊耳目友信悉釣得之先捕治諸惡少而以勁卒搗賊巢誅其魁餘黨解散鄉立四應社一鄉有警三鄉鼓而援之不援者與賊全科自是賊不敢發值歲次凶民寧饑死無敢為惡者巨寇往來海上亦戒無犯順德云初友信慮民輕法故收之以嚴每獲賊輒以醋灌其鼻或投諸淵久乃出之聞者震聳為之誦曰山有虎邑有胡無撩其鬚後令行禁止更為寬大或旬日不苦一人其治縣如家故輒修墜輒舉學校城池咸為更新友信素工舉子業與歸有光楊起元湯顯祖齊名自是集諸生日談文義文教亦興撫按上其治行將內召竟卒於官士民莫不盡哀立祠奉祀

張淳字希古桐城人隆慶二年進士授永康知縣吏民踴適告罷七令淳初至抱案牘尺餘窮之訟者數



千人唱集淳剖決如流事無留滯一縣賊服盜盧十  
八能飛走白晝攫庫金集其圍之須臾遁去捕十餘  
年不獲巡按御史以屬淳淳期以三月月檄數十至可  
必得也御史目笑之已而檄至淳佯曰盜不知何許  
人何永康為即永康避之矣安從捕寢不行其後屢  
檄應如前盧聞之喜居永康不復避淳廉知盧與吏  
婦通密呼一隸謂曰爾許吏負爾錢吾當斷償乃夜  
召吏曰御史知十八通而婦今拘而夫婦死矣吏大  
哭乞活淳仰思良久曰汝可以身繫獄自稱不得償  
隸錢願以妻代繫盧聞必來汝醉之酒吾潛以壯士  
相隨盜成擒可免也吏如指盜果至壯士乘其醉亟  
斷手足盧技窮受縛及報御史僅兩月耳御史驚問  
狀淳曰此巨魁左右皆其耳目前所以屢檄不報者  
緩之耳御史大喜稱善永康人有睚眦嫌輒誣訟入  
命淳得其情有訟即單騎驗無實坐之自是無誣  
訟者歲早徒步禱三日即大雨隣邑璞乾如故初久  
旱時劫掠公行下令劫奪者死有奪米五斗者立杖  
殺之四境帖然或曰奈何以五斗米殺人淳笑曰固  
生也所殺者死囚耳其政德教後刑罰人咸愛之  
入為禮部主事宗室諸名封費常不貲淳請於各撫

按稽叢宗室便之歷儀制印中謝病去居七年起建  
寧知府遷浙江按察副使城廵抗嚴道有召募兵數  
千將散之軍中洶洶謀為亂兩臺以問淳淳曰是僑  
悍者留則有用散則叵測不若通一軍而汰其老弱  
則食足兵強不為亂矣從其議遂定官終陝西右叅  
政卒年七十二  
焦瑞字伯賢南京人家貧投徒自給然束修之饋必  
程其學而後受有終歲不受一錢者曰彼未有益也  
萬曆初以恩貢生為靈山知縣時一條鞭法嶺南已  
行十餘年有司以僻遠里甲之供如故瑞至首罷之  
民始有更生之樂地多叢篁密菁群盜嘯聚其內督  
府檄推官劉子麒勦之賊執子麒將加害瑞急率眾  
往救賊驚拜曰此真吾父母奈何犯之遽歛衆去乃  
拔子麒進兵擊斬其夥竟不上功賞亦不及嶺表去  
京師遠仕者率取珍寶以自潤漁利之孔百端瑞一  
無所問縣產熊胆天竺黃花石諸物上官不時徵求  
瑞皆却不應民恐其獲罪成額輸納緩其怒瑞固不  
聽然竟其去亦無取靈山一物者時賊猶窺伺瑞慮  
武備廢弛日集士訓練以深為的射中即賞之由是  
諸卒聽勸賊不能近見士子不勤學躬督課之日久



靡倦時張居正枋國有司賦斂苛急民多繫累嘆曰  
吾安忍以民命博一官乎遂引疾告歸素止八金抵  
半道而卒靈山人莫不哀之

劉世光字晦卿山陽人萬曆七年舉於鄉授英山教  
諭十四年遷趙城知縣治獄明決旁縣民有訟成願  
下趙城以內艱去服除補沈丘民貧不善治生歲稍  
歉輒束手待斃世光曰民以食為天可不預為計耶  
做古常平社倉法城內外置倉七所勸富民出粟實  
之不足則益以公廩羨餘擇耆老有士行者司其出  
入月朔親臨驗視自是凶荒有倚野無餓殍二十二  
年潁州歲凶貧民倡亂突至沈丘居人倉皇議請兵  
世光曰此饑民欲得升斗活且夕耳用兵多殺無辜  
吾當自撫之乃單騎議其壘賊露刃相向世光叱曰  
吾劉沈丘也特來活汝不速降將安逃死衆告以饑  
故世光曰吾故知汝輩非好亂吾有社倉七所為沈  
丘民備緩急類民即吾民也當輸粟食之慎毋動  
則兵來勦汝矣衆羅拜聽命世光歸即發粟賑給衆  
歡然散去世光以狀白上官時承平久上官諱言盜  
反督過之世光憤即投劾歸士民攀留不得為立祠  
奉祀世光制行端方以孝弟淑其鄉人奉為楷範

所著有青黎館集子一臨年十六先其父舉於鄉第  
萬曆十七年進士歷知常山長興信豐三縣所至興  
學校勸農息訟有政績以不善事上官故所如不合  
卒於任一臨後舉進士歷顯仕者獲三世五人人謂  
此丘厚德之報

陳幼學字志行無錫人萬曆十七年進士授確山知  
縣政務惠民積粟至萬二千石以倚荒懇粟田八百  
餘頃給貧民牛五百餘頭種子三百餘石覈黃河退  
地百三十餘頃以賦民里賴不能於者授給車八十  
餘輛置屋千二百餘間分處貧民增養濟院新獄舍  
建公廨八十間以居六曹吏俾食宿其中節公費六  
百餘兩代正賦之無徵者栽桑榆諸樹三萬八千餘  
株開河渠百九十八道水利大興邑素多盜嚴行保  
甲法盜為屏迹國初州縣皆設旌善申明二亭紀民  
善惡至是久廢幼學特復之嚴為彰彈旌孝子表節  
婦民知勸戒歲早禁屠沽潞府中使出其境索肉不  
得縛縣吏擊傷役夫令校尉四入諱於庭幼學怒執  
而杖之錮內使於館舍絕其飲食內使窘哀訴乞去  
乃釋之歸而謀諸長史欲害幼學長史力為解事竟  
已布政使劉渾成里居其弟燦成助妾殺妻幼學治



如律渾成爲詩不能得行太僕卿陳耀文縱家人犯法幼學捕治之兩人怒汝寧知府丘度慮幼學得禍言於撫按調繁中牟二十一年冬抵任值歲饑議勸輸有宗室出粟百石爲倡因獲三千餘石設廠煮糜自明年正月迄五月乃已時河南大荒他邑亦煮糜療饑巡按御史道左右爲丐者通嘗請邑糜稱中牟獨善會神宗發內帑遣使行賑幼學策馬走赤日中躬爲給散不假手吏胥民獲實賜至秋成飛蝗蔽天亟下令捕者予粟得蝗千三百餘石乃不爲災縣故土城卑且圯給饑民五百人粟俾修築工成而民不知役縣南荒地多茂草根深難墾令民投牒者必入草十觔未幾草盡得沃田數百頃悉以畀民有大澤積水占膏腴地二十餘里幼學疏爲河者五十七爲渠者百三十九俱引入小清河民大獲利大莊諸里多水害於耕爲築隄十三道障之給貧民牛種居室貧婦紡具俱倍於確山越五年政績茂著以不通問權貴當考察拾遺掌道御史擬斥之其子爭曰圯自中州來咸言中牟治行無雙今予殿何也其父爲停筆而意猶未已其同官陳登雲曰盍聽之天乎乃書幼學及他縣令名入瓶中探之終不得始已及將行

取給事御史聚議諸應格者悉有品題至幼學俱推筆不下一給事問故咸曰吾不識陳中牟也給事具言中牟治狀乃得中考爲刑部主事中官採御園菓者怒園夫也適執其母閉之室中中官夜起視之其母大詬不止中官怒擊之立斃棄其屍河中事覺幼學爲具奏得旨逮治竟寘之法嘉興人袁黃者妄批削四書書經集註名曰刑正刊行於時幼學惡之爲駁正其書且抗疏論列疏雖留中其所鑿板遂被毀二十八年以員外郎恤刑畿輔出於疑三百餘人還朝進即中出爲湖州知府甫至即撲殺豪惡奴凌采一郡大快有施敏者士族子楊陞者亦人奴也橫於郡中有司不敢何問幼學將先治敏敏覺走之太倉跡捕得之置諸獄敏度不可解語所親曰但得移獄即生傾貲賂貴人以囑巡撫巡撫諾之伴譽幼學風力而撤敏親鞫幼學知其故執不發敏愈亟執愈堅巡撫怒幼學亦怒曰黠奴何敢如是即杖殺之敏獄詞連中書舍人潘廷圭故尚書李嗣子也幼學以其捨惡亦將治之廷圭揚揚入都遇人輒謾罵幼學言之巡方御史疏劾之廷下獄其他奸豪爲民患者復論殺十數輩部內肅然獨楊陞以畏禍欺迹不急治



久之念已去官陞必復遲遂捕之陞亦謀移獄脫死有告以敏前事者陞大悔曰吾死矣果置之死郡中為之謠曰公來如砲施敏理害公去如雷揚陞飛灰然幼學疾惡雖嚴其於細民人人得進見言情為去煩苛調欲惡務求所以安全之諸孝子節婦善人廉吏無所不旌揚而詰盜弭奸法皆嚴密由是人知向方一郡大治三十六年淫雨自四月迄於五月平地水深數尺禾盡死幼學率僚屬跪雨中虔禱泣下霑襟乃大施荒政屬邑有倉粟者全先發後聞請蠲貸停力役招流移給棺槨施藥餌諸可以救民者行之恐後凡活饑民三十四萬有奇頌聲益作巡方御史將薦之敏其治行推官閻世科列上三十六事御史以聞詔加按察副使仍視郡事初幼學以均田事見惡於巨室後舉卓異忌者齟齬之削不叙且謀奪其官賴政輔葉向高保持獲免至三十八年始以副使督九江兵備時幼學年已七十其母尚在遂以終養歸母卒不復出天啟三年起南京光祿寺少卿改太常少卿俱不赴明年卒年八十有四中牟湖州並祠祀之世科字伯登山陽人萬曆三十二年進士授湖州府推官治獄明允佐幼學拯荒多惠政歷戶部郎中督餉遼左

始至軍儲告闕暨三載秩滿乃有羨贏遷山東右叅議兼僉事督遼東寧前兵備踰年以親老告歸久之卒

樊玉衡黃岡人御史玉衡弟也幼有巨人志聞入談海忠介事慨然曰我當師此人人生何用取多三間茅屋擁數千卷書足老矣萬曆三十二年舉進士有欲薦之入館者辭不應或問之曰館職非不佳第謀之者不啻攫金白晝耳投商城知縣舊徵賦必集鄉民諸保伍家保伍與吏比為奸所費半公課玉衡召民約曰吾知諸保伍害民欲罷之而言不便者十九是為千金裘而與孤謀也爾能不保伍辨乎民權應曰諾已果先期辨遂盡罷諸保伍每受訟令訟者自相拘不道胥徒民裹一日糧即畢訟去乃為息訟歌悟囚軟使人以木鐸徹於路監門號於里獄卒歌於囹圄時時自引訟者與講孝弟禮讓囚夜半聞歌聲無不流涕思改行訟獄大減汝穎間多黠豪持官吏短長上官欲得郡縣事輒飛書千里有所要不遂即中以蜚語官吏莫敢詰玉衡捕誅其魁七八人豪得歛跡有園叟訴人竊茹玉衡曰暮夜余安知令潛以竹絲繫茹腹明旦市茹半竹絲召其人詰之曰何為



竊某處若其人驚服相戒不敢為竊中貴開採者所至州縣哀金錢伏謁惟謹王銜殺煤具言邑中無鑛狀及中貴至則鳴騶乘輿入其館民千餘人從之中貴氣奪成賓主禮而退已令人募之金剛銀臺兩山竟無所得中貴怏怏去久之詞繁崑山俗好訟牙儻起高樓縣前治酒殺借訟獄為市王銜治踰年幾無訟酒家徙去秋兩害稼自駕小艇視災傷與饑民對啖菜粥朝議方急逋停守令俸崑山積逋至二十萬王銜曰民逋賦時我甫十餘歲耳今其人或老且死我寧惜數月俸不以紓民力耶止不徵民益樂輸恐後居六年舉治行卓異將擢吏部主事命未下聞父病即解職歸初王銜知商城或以自奉太苦寄書及之報曰吾所苦者德化未至耳若衣無重絛食無兼味囊無餘錢此造物為我先去其苦也昔海忠介為令五閱月而廳事闕寂命六曹吏歌詩自娛吾竊升斗改歲笑而事不休能不媿所聞乎比歿兩縣皆祀之學宮副使董其昌督學湖廣私謚曰孝介先生蓋以配海忠介也弟王銜從學於漢川張緒以行誼聞陳洪謚字龍甫晉江人崇禎四年進士除南京戶部主事明年由員外郎出為蕪州知府蕪州田賦甲天

下逋積歲積值時軍興考成法峻或勸洪證急催科逋已罰笈曰民有餘力自樂輸將不然徒敲撲無益吾豈以民命博一官哉自是每歲鐫秩洪證不顧行之自如耗羨贖銀悉為禁草頻歲旱蝗民益困洪證獨去煩苛務與休息性慈和非重犯不施鞭撻訟者令自拘願息者立遣去久之士民悅服號為陳母又疏陳佛多繪像祀之上官知其賢教有莠薦十三年舉卓異終以賦頰不登錫級至盡逐落職白衣視事期年歲畢輸否者解職然吳中即承平時賦猶不能足至是民力益訕洪證亦終聽之賴廷中多議其治行雖嚴旨頻下而官終不易明年大饑粟湧貴富家咸閉糶奸民聚黨數百人以告糶為名公行剽掠洪證密捕渠魁三人杖殺之人情大定於是發廩賑貸勸富人平糶價遂不增乃大興工役修學校繕城堞浚河渠日役千餘人使少壯者藉以得食而老弱婦女則煮糜哺之民免於餓吳江民因饑致變撫按檄洪證往撫往即解散無何又變再命往洪證曰此當自定何煩再行果如言流寇犯安慶督府檄關門外居為防寇計洪證持不可曰寇遠未必至奈何先自擾後卒無事閱其績有請改九賢書院為魏忠賢祠者先止擬



成洪黷曰罪有大於此者乎置之死常熟奸民許其  
卿故侍郎錢謙益故給事中瞿式耜於朝下三府會  
訊同事者難之洪證殺然曰烏有奸民妄上書而有  
司附會成獄吾當獨任之遂平亭以上會奸人伏辜  
事獲已洪謚居官廉嘗服敝衣視事偶得一新衣吏  
民輒駭視曰我公何以得此政聲流聞言官頻有論  
薦十六年入覲撫按以逋賦多請除代被旨嚴切衆  
謂必獲譴顧天子素知其廉擢登萊兵備副使未赴  
京師陷山東地亦失乃赴南京時福王已嗣位用為  
太僕少卿明年旋里久之卒

袁葵字向一東明人崇禎四年進士授夏縣知縣廉  
潔有治才流賊萬餘猝薄城土陴不尋丈一邑惴恐  
葵從容設奇斬數人賊即引去洪洞劉令譽時為御  
史善其政白之當道調繫洪洞夏人走二千里伏闕  
上書請留不報夏人匿其輿馬與洪洞人格鬪至不  
得行既抵任值歲凶請蠲租一年勸富民平糶別置  
社倉賑饑出見棄兒於道者輒命收哺後皆以袁為  
氏內艱歸起補壽光地濱海土瘠所貢王府歲祿即  
鞭笞不能足葵立法緩征民更樂輸有大猾殺人寘  
之死藪要力持拒不聽治聲日聞給事中凌義渠欲

薦之柳衙舒山東餉葵寓書所知曰齊民疲矣一夫  
且不忍况刑六郡為遷除地乎遂寢已念其父不置  
因請告歸杜門邑養置義學義田贍族黨之貧者歲  
屢饑盜賊滋起出粟以濟困乏首倡議甃城士大夫  
有難色葵持愈力及工竣他邑數被兵東明獨賴以  
完葵知天下將亂日夜練鄉勇儲糗糧為固圉計寇  
至偕邑令寢食城上賊不敢逼丁父憂未幾卒銓曹  
起刑部主事葵已不及聞矣

陸運昌字夢鶴仁和人崇禎七年進士除吉安永豐  
知縣地新被兵逋賦以十萬計運昌甫拜命即詣闕  
上書乞寬貸帝嘉之下所司議行田賦之入舊惟戶  
曹為政有司利其奇羨不復會計賦益不登運昌至  
首除其弊擇富民端謹者司出納而藏其籍於署內  
手自校警吏終日抱牘無所與賦遂以清因捕其尤  
不法者數人寘之重典而簡他曹吏易之自是無敢  
奸法者俗好誣告殺人爰書未具輒率衆掠其家運  
昌痛懲之訟為衰止捕胥獲盜每株連良民而盜魁  
卒不可得運昌精心訊鞠不使誣攀民自是無枉濫  
其為人平易近民即細民得盡所欲言又以餘力修  
學校藏書庾習民擊刺治行冠一時吉水李邦華知



其賢裔於廵按御史調為吉水知縣永豐民留之不得相隨至界戢手罵吉水人汝奈何奪我賢君為建祠學宮之側吉水田與賦不相準甚者無田而有賦民周正淑懇於朝乞丈量運昌以丈量擾民大集一縣之人令互相辨難既而多言不便運昌曰前言便與今言不便者皆非順民情者也下令民實無田有賦及賦浮於田者悉自言為取河壩棄地非民業者代其賦其賦不及田者寧失之輕其事狀奏報帝可之一縣大悅境內多山他邑盜結巢其中為行旅患運昌擇機警少年託為遊閱布耳目發起主名時有擒獲盜畏之多徙去有陳求者衣捕香衣過劉棟棟作食勞苦之求伴醉墮懷中露棟名棟大恐走懇歸命運昌召求問曰聞劉棟者盜魁汝頗踪跡否求言實聞然未識其人也運昌曰彼曾飲食汝汝忘之耶且懷中牒何為者求氣索不能對立抵罪人以為神隣境寇攻宜春去吉水僅百里運昌以城卑薄而女墻高不利守捐貲改築中程凡一月而樓櫓具賊亦不至諸宗室暴橫通輟快其舍人子徐堯久恃勢作奸運昌收案寘之法諸宗室為請不聽且持宗正條戒諭之乃誓伏秩滿將內召以母憂歸自傷不及

視舍瓊巖甚後漸得疾遂卒弟鳴時鳴隆並舉於鄉子培進士自有傳  
史能仁鹿邑人崇禎間以舉人授山東新城知縣屬清操布衣脫粟僅給朝夕性慈惠民循法網每惻然拯恤十三年大饑死者累累能仁見之泣下急索私索無一錢乃解所繫帶付質庫易粟富民聞者爭願出粟能仁并發倉賑貸之民賴以生凶荒之後疫大作存問者輒死無敢至門者能仁操藥餌徧歷其家雖風雨不為阻全活者亦衆一日蝗飛蔽天為文祭告蝗即去境有年時四方大亂寇數萬猝來逼城能仁登陴誓衆與吏民共甘苦衣短後衣探甲胄冒矢石禦之城獲全尋調繁淄川士民如失慈母傾邑泣送其在淄川復以治行著擢御史未任歸途遇流賊檢其囊僅錢數百兩縣德政二軸賊嘆息曰廉吏也捨之而去歸則教授里塾卒無孑遺之古廟中牧兒日擲瓦礫其上戲曰打清官久之積為巨塚至今稱清官塚云同時盛王贊字子載長洲人崇禎十年進士授蘭谿知縣繁已愛民不漁取一錢聽獄訟摘發如神入覲舉卓異時詔天下有司陳所在利病王贊陳南糧難駟盜賊三事帝褒納焉縣當孔道民疲於供



德力為裁損先是御史喬可聘以廵方出其境王贊不治供具及索輓舟夫則執手版立兩中大聲曰東作方興縣令請以身代可聘遽乘肩輿去十五年御史任天成亦以廵方至王贊待之如可聘適遇颶風不為輓留舟為風所撼天成遂大怒飛章劾其貪汙詔褫職下撫按治代天成者左光先心知其寃終以天成故擬杖以聞章下刑部尚書徐石麒具陳王贊所以得罪之故請還其官而御史唐兆恒先已論薦吏部乃議起用王贊適以內艱歸未幾國變遂不出王贊為諸生時家酷貧日不能再食及通籍後其貧如故後隱居田間茅屋數椽日課童子自給鄉人莫不重之

高承延秀水人父道素由進士官工部郎中嘗督造桂王府第後久雨後宮圯者數十間宮人多死坐棄市承延舉崇禎十三年進士除遷安知縣縣近邊十年之內三被兵又頻歲旱蝗有司催科急民多流移承延至寬征徭斥耗羨除贖錢絕苞苴首獄訟廣招徠不半歲復業者千七百戶明年春民大饑力舉荒政全活多乃教民做江南桔槔法鑿溝開渠引水灌田闢汙萊三千八百餘畝是年冬漕艘阻凍天津遠

左缺餉上官徽州縣輸天津粟濟之遷安當輸四千石承延以縣小力爭獲減其半又念去天津遠率數石而致一石令民費錢至山海關易粟轉輸閩外以漕粟補償或代明年正賦省浮費萬計奸民多寄產於撫寧侯朱國弼嘉定伯周奎駙馬都尉葛煇都督田弘遇家稱為四姓佃戶以避徭役抗賦稅承延力絕之且欲上聞四姓懼田得還籍他奸民冒行伍漏差科者擒治數人亦相戒不敢犯十五年吏部察其廉能調繁寶坻遷安人波送載道寶坻近輦轂多中貴豪倚倚之為奸絕治不少貸其他剔除蠹弊一如遷安至十一月

大清兵入內地所過城邑皆克獨寶坻圍之九日堅守不下明年四月師旋復環攻二十有四日終不下事聞帝嘉其功命優叙通州故有轉漕剝淺船三百艘其民奏派百二十艘於寶坻承延以縣去漕渠百里例不當派請免之而稍輸貼費得如議考功即劄廷諫者通州人也以梗前議惡之會解嚴後補行大計注承延才力不及調之涇縣寶坻民泣送如遷安至涇亦有惠政南渡時遷工部主事旋以養母歸久之卒同時治縣著聲者有蔣萊彭長宜萊常熟人崇禎



十年進士歷知南海建安二縣以廉能聞建安當孔道郵傳病民悉裁以法隣邑建陽以署官誅求激變奉檄馳諭之即定時寇氛日熾人情動搖茶傑糶糧修戰守且籍壯士數百訓練之屹若雄鎮上官交薦擢禮部主事未赴聞都城陷遂棄官歸長宜海鹽人崇禎十六年進士明年授上海知縣時天下大亂巨室禁結奴聚黨劫主人索鬻身券因焚室廬搜其資巡撫擒斬數十人遣兵戍川沙修怨者告捕益急長宜請巡撫罷兵謂首惡既誅宜停追攝且民變非寇盜比有司治之足矣巡撫從其議長宜分別昭雪獲免者甚衆民逋賦多畏鞭撲恒賄吏祈免而賦愈不登長宜第勸諭勿予杖知府讓之對曰與其督責而飽吏索易若寬之使悉入公家乎民間感悅賦入倍他日慈祥廉正大得民和歲餘遭國變歸士民思之不置祀之名宦祠

論曰循良者撫綏教導之謂也簿書期會不與焉若僅以鈞距為能鋪張奏績或矯廉取惠博市離虞此皆俗吏之彘彘者耳豈第君子顧如是乎明也課吏雅近於古士生其間縮綬臨人亦皆有學古入官之意故雖繭絲保障措注或殊而撫字帶來之間往往

儒術亦頗見焉如陳灌方克勤李騏趙登田鐸楊護而下諸人者所居必靖所過必思遺愛流風常在人口方之龔卓珩亦無多讓也已且夫井田學其道相因故必厚生正德而後可以為治究而圖之皆良有司之事也馬遷不云乎奉職循理何必威嚴孟堅亦曰謹身帥先居以廉平可不嚴而民化嗚乎如保赤子心誠求之此何如事而可以聲音笑貌為哉得是意也可與言循良之義矣



孝友上

昔先王以六行教萬民曰孝友睦婣任恤民乃衆著於敦篤之行矣歷稽史傳必標懿蹟以厲流風蓋斯為王化之本而人心風俗之所著也明太祖詔舉孝弟力田者畀以顯秩又令正官與耆民以禮遣孝廉之士至京師其百官聞父母喪者不待報許即去官英宗詔同居共爨五世以上有司勸報即與旌表武宗令舉孝義者文武官及科目出身不得與又詔官給銀其家聽自樹坊表仍優恤丁百官有親喪者皆不得奪情著為令世宗詔孝子已旌年及六十者冠帶榮身自餘申明訓誥未嘗不詳諄焉夫愛敬之情匪由勸獎而一代風教所尚亦有可觀感以興者與今考累朝所旌表姓名其見於國史云其事親盡孝或廬墓終喪者洪武時則有上元徐真童姚金玉直隸龍江衛丁歪頭懷寧曹鏞徐州王僧兒廣德姚觀壽廣武衛陳禮闕桃源張任江浦張氏勝奴上海沈德溧陽史以仁丹徒唐川北平東安王重樂亭杜仁義妻韓氏昌平劉驢兒湖廣祁陽郝安童山東寧海姜瑜汶上侯昱長子王德兒河南孟縣李德華孫魏

敏廣西臨桂李文永樂間則有大興王萬僧如東光回滿任金吾右衛張法保何黑所後衛包三武功中衛蔣小保周阿狗錦州衛趙興祖旗手衛周來保大年前衛清忠保安衛徐宗賢羽林前衛孫志漢府左護衛許斌江寧浦阿任沈得安嚴分保上元馮添孫邵佛定上海沈氏妙爾儀真韓福緣江陰衛徐佛保府軍衛潘良兒後衛王保兒潘丑兒水軍右衛黃阿回廣武衛劉玉蘇州衛張阿童廣洋衛鄭小奴大河衛朱阿金興武衛張彥昇龍江提舉司匠張貴明佛保聶廣江西永新左興兒武寧陳仲賢山東濟陽張思名山西安邑張普圓河南永寧王仕能陽武劉大重寶負貳陝西膚施陳七兒宣德間則有直隸慶都造靖南樂康祥楊鐸內黃崔克昇江寧張繼宗定遠王綱舒城錢敏徐州章文友歸德衛任貴山東堂邑趙巖汶上馬威山西翼城劉原真河南太康順孫陳智鈞州楊壽陝西綏德衛王永四川安岳李遇中正統間則有大興劉懷義直隸元城谷真邢臺劉鏞獻縣崔鑑通州孫雄昌黎侯顯新樂孫禮定興魏整交河田瑗柘鄉張本永年楊忠永清右衛穆弘武驥左衛成貴江寧顧心舒城王紹胡紀廬江張政武述



胡長寧徐州金壽 豫桐城檀郁宿州郭興湖廣麻  
 城趙說山東聊城裴俊費縣葛子成樂安孫整冠縣  
 陳勉臨清賈貴却城郭秉東平張琛德州張泰平陰  
 王福緣山西猗氏王約高平王起孝王遜介休楊智  
 興縣郭安河南杞縣高胡太原軒茂良鄭州邢恭祥  
 符李斌陝西鳳翔石玖膚施劉友得張信邠州郭元  
 延安衛薛廣四川南川吳仕坤景泰間則有直隸威  
 安張憲威縣傅海邠州岑義鳳陽李忠徐州朱環宿  
 州郭興李寬泗州衛蔡興浙江龍泉顧佛僧龍游徐  
 洪湖廣武昌衛吳綬靖州衛方觀山東鄆城李遠朝  
 城王禮聊城朱奉河南洛陽閻禹錫天順間則有宛  
 平龔然勝直隸遷安蔣盛永清賈懋唐縣冠林大寧  
 張英平山衛房鎮忠義衛鍾通潼關衛楊順通順素  
 六合胡深合肥張俊浙江杭州姚文弟得山東德州  
 尹綸東昌許通山西臨汾績鳳絳州陳壘陝西同州  
 侯智醴泉張連西安前衛張軫雲南太和楊寧金齒  
 衛徐訥成化間則有大醫院醫生郭本順天萬盛直  
 隸永年秦良無極李愷開州任勉陳璋贊皇劉哲平  
 山李傑刑臺井澗豐潤馬敬栢郡高明真定賈文平  
 鄉張翔永平朱輝武平衛成綱楊昇隆慶左衛衛瑄

宣府左衛何文玘濟南衛藍瑄遼東劉定劉昂江寧  
 盧雍徐州吳友直路車張棟山陽楊是順孫王鑑滁  
 州黃正無錫秦永孚仲季合肥沈鍾六安黃用賢沐  
 陽夫儉休寧吳仲成懷寧吳本清沛縣蔡清浙江杭  
 州金洪黃巖項茂富陽何訥西安鄭得慶水葉伯廣  
 海寧董謙江西餘干張憲永豐呂盛湖廣汪浩江夏  
 傅寶監利劉祥湘陰邵敏山東東昌張鏡莘縣李志  
 李忱孔昭趙全恩縣王弘汶上張廊堂邑王權陽穀  
 錢通阜縣徐州聊城王安孫良歷城王允曹州黃表  
 張倫臨清劉瑞山西壽陽吳宗大同楊茂張瑞澤源  
 王誠平陽衛楊輔安東衛王經河南許州曾濬信陽  
 王綱袁洪汲縣張琛封丘陳瑛光州劉進羅山王賓  
 衛輝徐寧西平尹冕新鄉王興確山劉政長葛羅賈  
 陽武蕭盛弘農衛習潤陝西涇陽趙謚駱森趙樾澄  
 城李茂洋縣武全甘州毛綱華陰周祿保安李端四  
 川合州陳伯剛廣西臨桂劉本雲南姚州高紫潼弘  
 治間則有大興錢福宛平姜琮直隸青縣張俸南和  
 張彪曲周趙象賢長垣王鼎開州甘肅馬宗範蔚州  
 孟振遷安韓廷玉元氏王懋天津衛鄭海武平衛王  
 矩遠東李用霍丘徐汝楫海州徐謚邳州丁友懷遠



許本志劉澄寧國吳宗周頌上王瑚鳳陽張全張欽  
王澄嘉定沈輔克山徐協祥豐縣周澤徐州權宇楊  
輔績漢許欽英山段弘仁蕭縣唐鸞浙江錢塘朱昌  
仁和陳璋妻錢氏餘姚黃濟之桐廬王瑁江西樂安  
謝紳南昌黃建安福劉珍豐城徐壽靖安陳伯宣陳  
恩湖廣寧鄉劉端湘陰甘準祁縣張機福建閩縣高  
惟一龍溪王葵祿山東谷珍莘縣白濤鄒平莘恕堂  
邑李尚質益都冀琮文登劉鑑臨清王佑寧海卜懷  
山西陵川徐河徐瑛平遙趙澄澤州宋甫李用裴春  
興縣白圩古解州李錦陽曲薛敬榆次趙履危留衛  
李清河南儀封謝欽祥符陳鏗史經西平張史佐唐  
縣李擴登封王祺嵩縣杜端裕州劉宗周閩鄉薛璋  
洛陽章瀚鈞州陳希全新鄭張遂知縣黃錦陝西咸  
寧楊時教澄城李表涇陽熊玳張憲隗西李琦雲南  
太和楊謫仙正德間則有直隸高邑董瑒葉城劉強  
定州趙鵬吳橋段興新城李瑟青陽李希仁江西進  
賢趙氏鄰珍湖廣善化陳大用福建侯官黃文會邵  
武謝恩山東長山許嗣聰聊城梁陞曲阜孔承夏日  
照張曼山西臨汾李大經河南新鄭王科陝西蒲城  
雷瑜嘉靖間則有直隸趙進南直隸蔡元鏡孝孫李

九疇太湖呂映沛縣楊冕丹徒啟士望浙江龔墨王  
晁孫懋慈窳向教江西徐冠雄曹栢湖廣永州楊成  
章福建吳毓嘉孫炳山東宮守禮山西大同溫鉞河  
南李豫馮金玉趙謀任鏗劉一魁孝婦韓氏安氏陝  
西黃驥趙璋四川李應麒又有旌表天下孝子鮑燦  
陸文徐憶等國史不詳其鄉里隆慶間則有直隸大  
成李彪靜海周一念周斐遷安楊騰松江馮行可河  
南新鄉張登元四川順孫楊茂勛廣西興業何世錦  
崇善何理萬曆間則有直隸韓錫深州林基清豐侯  
燦河間吳應奎安州邵桂平山邢雲衛邳州張鎮華  
亭楊應奎楊應祈高承順山陰孔金子良太湖顧槐  
六安何金浙江遂安毛存元江西余翰都昌曹珊新  
建琪傲舒泰會昌歐于復鄱陽李岐湖廣費應進光  
化蔡玉蔡佩黃固唐治福建浦城徐彪泉州劉璣王  
煬儒士王文昇山東馬致遠冠縣申一琴一琴山西  
岳陽王應科河津侯鶴齡河南歸德賈洙密縣陳邦  
寵舞陽楊愈光汜水王謙陝西劉燧涇陽韓汝復寧  
州周大賢四川孝女解氏又有馬錦張誥杜惠孝女  
楊氏等不詳邑里天啓間則有直隸秦強先自正晉  
州張簡高邑孫喬南直隸上海張炳介高淳葛至學



旌德汪景宗小陽張致中歙縣吳榮讓孝童女胡之  
 憲玉鐵浙江慈縣馮象臨江西吉水郭元達宜春鍾  
 名揚映江黃國賓萬載彭夢瑞萬安羅應齋樂安曹  
 希和湖廣孝感施文星福建歐軍陳榮晉江丘應賓  
 浦城吳昂山東禹城楊士鴻泰安范希賢曹縣王治  
 寧曲阜孔弘傳德州紀紹堯山西聞喜張學孔河南  
 陳州郭一肖虞城呂桂芳浙川何大縉陝西華州孫  
 絕祖四川梁山李資孝貴州銅仁楊通照通杰皆表  
 其門曰孝行共同居教睦者則有洪武時龍游夏文  
 昭四世同居成化間霸州秦賁建德何永敬蒲圻李  
 玘句容戴麻俱七世同居石首王宗義五世共爨饒  
 陽耿寬累世同居宿遷張賓八世同爨安東蘇勒潞  
 城韓錦李昇永州唐汝賢豐城劉志清俱六世同居  
 弘治間密雲李珣合肥鄭元陵川徐梁五世同居慶  
 都黃鎮定遠衛韓鵬俱六世同居孝感程昂七世同  
 居泰州王玉八世共爨正德間山陽丁震五世同居  
 嘉靖間石偉十一世同居萬曆間蕭梅七世同居滌  
 州盧守一六世共爨太平楊乙六累世同居皆旌曰  
 義門旌門列之其事蹟尤著者別為傳云  
 劉謹浙江山陰人洪武中父坐法戍貴州時謹方六

歲問家人貴州何在家人以高南天指之報朝夕向  
 之拜後淳淳十旬懼然曰貴州雖遠萬里天下豈有  
 無父之子哉遂治裝時淇葵初服道路艱險家人沮  
 之不聽閏六月抵貴州卒苦萬狀遇父于烏撒亭砧  
 相持號慟父病瘁謹告官請以身代而國法成違者  
 年十六已上嫡長男始許代時謹未成丁而伯兄謙  
 先以督運死京師謹次子也非例於是歸携兄子以  
 往顧兄子幼謹請以身與兄子共代弗許則又歸悉  
 鬻其貲凡三往百計謀所以歸父者乃卒奉其父以  
 歸及歸家蓋貧謹力耕甘旨晨昏必極其歡學使者  
 上其事于朝

劉氏真定新樂人朝太初妻也太初元時為知印洪  
 武中例遷和州軍家以行劉氏事姑至謹姑在道  
 病劉氏刺臂血和湯以奉姑疾愈至瓜州復病亦如  
 之比至和州太初卒劉氏種蔬以給食養姑尤謹又  
 二年姑患風疾不能起劉氏晝夜侍姑側驅蚊蠅姑  
 體腐蛆生席間又為蠶蛆蛆不復生及姑病篤劉氏  
 號呼神明剖股肉和粥以進姑復甦越月卒劉氏殯  
 舍側闕中欲還舍至子舅墓哀號五年不能歸洪武  
 十五年太祖聞之遣中使賜衣一襲鈔二十錠官為



送其喪歸塋旌表其門復其家徭役

甄氏北平灤城孝夫妻事姑孝夫與其弟異居一日姑往次于家甄氏隨行不忍去姑側姑力遣之還甫三日甄氏心驚奉體流汗意姑疾也亟往省之果有以疾來告者甄氏緣塗拜禱至姑側侍湯藥旬日而愈後姑壽九十一卒既葬甄氏廬墓三年旦暮悲號不輟里人稱為孝婦洪武十六年詔旌其門  
王中河南登封人性至孝母沒廬墓三年日食釘粥旦夕哀莫未嘗櫛髮易衣墓側無水浚井四丈餘不得泉中環井再拜額天泉忽湧出鄉里以為孝感洪武十六年詔旌之

李英邳州人年十五喪父家貧力作養母劉冬寒必溫衾席母嘗病疽英為吮之數日而愈母又病滯下英取糞嘗之味甜心切驚悸尋卒日夜號哭廬墓三年洪武十六年事聞賜旌

徐允讓浙江山陰人遭元末亂與妻潘氏奉其父安走避山谷間遇賊斫其父允讓抱父呼曰寧殺我幸釋我父寇即捨安殺允讓將辱潘滿給曰我夫死從若必與若能焚我夫屍則無憾也賊以為然聚薪焚其夫屍火方熾潘即投烈燭中死賊驚嘆去安得終

其天年洪武十七年有司聞太祖以允讓能捐生以代父死潘氏能全節以盡婦道命旌異之

張宗魯河南鈞州人四歲失明年二十遭亂負母路氏逃難其妻扶掖以行歲餘宗魯費卜以為養日給不足妻採野菜以繼之事平宗魯奉母還故鄉竭力供養母卒仍求其前母曹氏沈氏遺骸合葬父墓洪武十七年禮部以替子而有孝行請表其門從之  
周炳河南舞陽人事母焦至孝母嘗病篤炳呼天禱神求以身代遂愈後病痢思食禱肉炳求之不得忽一瘴入其家即以供母病復差人以為孝感云洪武十七年旌其孝行

張拾遵化人幼喪父力作養母元末兵亂身隸軍伍每晨必拜母而往後暮歸亦如之夜則俟母安寢乃退母嘗病盲旦夕焚香額天卧冰上匝月母目復明洪武十八年旌表仍蠲其軍役

顧仲禮保定人幼孤事母至孝嘗遇歲凶負母流移他郡供養備至七年始歸遇蝗起仲禮行田間泣曰蝗食吾苗吾何以為養俄有疾風吹蝗去苗得不傷母卒仲禮年已六十廬墓側三年悲慟如一日洪武二十四年表其門閭



李德成來水人親早亡德五念劬勞之恩搏土肖像日奠飲食奉之如生一夕夢母墮寒水間挽之不得既寤與妻王氏徒跣行三百里至昌平墓所卧水七日時天大雪冰為融釋會徵孝廉有司以德成應詔授光祿寺署丞至洪武二十七年復旌其門

朱照浙江仙居人母楊性嚴諸子稍不如指輒撻之照事之盡恭不致母怒父季用以薦知福州府洪武中詔盡逮積歲官吏為民害者季用任僅五月亦被逮病痢不堪受楚照惶懼守視時告枉令嚴甚戍極邊者三人抵死刑者四人照奮曰吾無計脫吾父訴不訴等死耳萬有一父緣訴獲免就死無憾父僚同逮者交阻不聽具告枉狀太祖悲傷其意赦季用復其官同時以例復官者十四人皆謝季用曰微君有孝子吾屬皆歸黃土矣已而照感病死季用傷照亦死

陳圭浙江黃巖人父叔弘為讐家告其罪當死圭訴通政司曰圭為子不能誅父陷不義圭罪當死冀原父使自新事聞太祖喜曰不意今日復有孝子宜赦其死俟天下朝覲官至使播告為天下勸刑部尚書開濟奏罪有常刑不宜屈 啓僥倖路乃聽圭代父

死叔弘誦成雲南聞者歎五過孝而惜其死焉

錢瑛江西吉水人祖本和以駕行稱瑛少孤年十三中省試元末亂瑛奉其祖及母避難遇賊先縛本和瑛奔訴弄縛之本和哀告其孫瑛復訴請身代不已賊憐而兩釋之方是時其母亦被執而妻張氏從屏伏中窺見即出迎謂賊曰姑老矣請釋而縛我賊縱姑縛張既就繫擲袖中錢與其姑訣曰婦無用此矣且行且睥睨其姑稍遠即罵賊不肯行賊持之急益詬詈賊攢刃解之有司凡三薦瑛以親老辭親沒終身悲痛本和故所築樓瑛每登輒流涕名之曰思樓子遂志中進士官山東僉事

祝大昌浙江麗水人事母孝母沒號慟幾絕殯在室煬人不戒于火勢烈甚莫能救大昌伏母棺號哭誓與棺俱焚火忽自滅既葬肯二親像于堂祀之如生事兄公亮如父家事大小必問白後行公亮出大昌不敢專席而坐弟公直沒號哭頃仆久乃蘇建家範數十則教誠子姪莫敢不率每旦序食堂上氣象雍睦三世一體怡怡也

翟嗣興常熟人事親孝母病積氣百藥不治嗣興剗股肉作羹以進母不食已五日忽盡瘳之氣疾如失



一日母思食菱時菱始花刺與解衣入菱湖歷覓之腰脛赤腫號呼顛神俄得三菱以奉母既而家益貧嘆曰事急矣株守不變如父母何稱貸貿易悉心計索大裕凡父母所欲無不致也喜賑貧乏有王姓者素賢而貧卧疾莫能興雞初鳴則輿往以錢投窓隙而去氏有告糴者鷄衣百結嗣興受其直五千保問曰若欲糴十千耶遂如數與之歲大儉四方多未依者嗣興擇旁舍居之會厲氣作病者相枕席每晨躬携粥藥撫視賴以全活者衆後遇疾恐馳慮盡圓圍揭屏間目之卒年八十四子莊官至參政

鄭鉅浙江浦江人其家累世同居幾三百年即元使者余闕為書來浙第一家者也父大和主家時鉅日侍左右操權度助之父卒鉅繼主家事守成法益能以義勵其俗鉅卒從兄銘次當主家以從子渭賢告先祠讓之渭亦固辭因虛其席者久之銘事母黃至孝母嗜鰥魚會有疾倉卒不得徧求之以進乃瘳銘卒從弟鉅主家方嚴有禮度父病適喪妻不敢及強色笑進湯藥父卒一恸幾絕三日鬚髮盡白或勸再娶謝曰鉅見後母戕骨肉者多矣忍令兒陷之耶年未四十竟不娶增修家範親疎翕然遵化有家務群

趨並赴難勞不懈不知其事非己出也諸子弟盡趨功夜聚坐棟筆新講學論道更餘始休諸婦惟親女工守教不使預家政渭弟濂以田賦推擇為長入覲太祖問治家所以長久之道濂對曰守祖宗家法不聽婦人言而已太祖稱善賜之果濂拜賜懷歸別分家人帝聞而嘆美欲官之辭老不任遇聖誕節捧香詣闕拜賀每慰勞之時富室多以罪傾宗而鄭氏數千獨完會胡惟庸以罪誅有訴鄭氏交通者吏捕之兄弟六人爭欲行浞竟往濂方以事至京迎謂曰吾家長當任罪浞曰兄弟年老吾自往辯爭入獄太祖召兄勞之曰有人如此肯從人為非耶宥之賜酒食洪武十四年推浞為福建左叅議居官有政聲太祖患習俗流偽欲益尊顯鄭氏以風天下會御史嚴震五疏薦詔拔其子弟年三十以上者畢赴闕推濂為春坊左庶子同時有王氏者亦善家法選一人曰懇為春坊右庶子鄭氏固多賢子弟而濂弟沂歷禮部尚書從子幹為御史從弟洪為江西照磨有能聲消好學篤義源剛介有志節好施與濤有文學淵事母孝母病逾年抱持不離側臂患疽不能坐跪進藥膝為生肌母病革思食西瓜既食而卒終身不忍食瓜



居父喪絕而復甦者數四杖而後起服雖閔遇忌日  
哭奠如初喪漢主家建文四年旌表門閭漢入朝謝  
御書孝義家三字題其旁曰賜浦江鄭洪而識以精  
一執中之印燕兵既入有告建文帝匿其家者遣人  
索之先是廳事列十櫃五貯經史訓子孫五貯兵器  
併不虞使者至所發皆經史乃寘其半不啓而勝以  
鈎墜整穀乃得無事人以為至行所感云成化十年  
有司奏鄭永朝世教行義命復建孝義之門以旌之  
趙讓山東肥城人事母孝傭力以養母沒廬于墓旁  
有猛虎狎至讓無懼容虎弭尾去又有盜夜入讓廬  
見其哀若反遺之鈔讓埋土中不用永樂二年旌其  
門

張翼山東泰安人父母卒皆蔬食廬墓三年有慈烏  
數百旦暮悲鳴墓樹亦三年永樂九年詔旌之又有  
張珠貴州赤水衛人官御史父母卒俱廬墓三年致  
群鳥芝草之感

謝定住大同人年十二隨母周行林薄中遇虎噬其  
母定住奮力擊虎母子俱無恙永樂十二年有司上  
其事召至京師成祖親問而嘉之賜鈔二百錠米十  
石仍表其門

趙鍾直隸江陰人年六歲父以禦賊被害隨母吳氏  
避難遇兵母子相失鍾賴父故人收育之比長痛失  
其母疏于天編求之得于鄞縣奉母還併極孝養母  
沒結廬墓側洪熙元年詔旌之

趙祥永平人永樂中侍父百戶亮任金山年十四為  
倭所掠轉商日本其國王知為中原人召侍左右改  
名元責為土官然心未嘗一日忘中國也屢諷王入  
貢宣德中與使臣抵京上疏陳情臣風遭擄抱蒙痛  
心死生路梗流離困頓生還中國夫豈由人伏乞賜  
歸省侍帝意在柔遠不欲遲留之遣令還國許給驛  
暫詣金山獨其母存耳不識曰吾兒耳陰亦赤瘧驗  
之信抱持痛哭悲動隣里未幾重違上命別去祥至  
日本終以聖意國王乞之仍令入貢中前請詔許襲  
職歸養祥母子相失二十載又有華姦之限得遂其  
養難矣祥事母併極甘旨母卒哀毀骨立喪葬甘以  
禮

趙紳浙江諸暨人父禮讓高郵州學正秩滿携紳入  
京舟次武城禮讓失足墮水紳隨躍入以救水急舟  
駛父子俱死明日得其二屍紳猶手持父臂不脫宣  
德五年旌其家



洪信文汝西博梁人事母陳至孝母病衣不解帶此卒葬植兩雪信文攀柩號泣兩雪為齋廬于墓側刻木為母像朝夕跪奠事死如生者十有三年盧德化年表其門又有王俊城武人母沒既葬手刈草苫舍于塋側野火延焚將及俊向火叩頭慟哭火及塋樹而止正統三年旌之張讓陵縣人母史失明朝暮焚香跪跪年復明正統五年旌表劉準唐山人父喪廬墓火延墓樹悲號告天火遂熄正統六年旌表楊鼓歸德衛人母沒停柩隣火鬱攸敬撫柩哀慟風止火滅正統十三年表其居

史伍直隸內黃人父萱任廣東僉事卒葬南海縣和光寺側伍時年幼母王攜以歸比長常以父不得返葬為憂母語之曰爾父棺內置大錢十枚母卒廬墓終喪往求父棺寺以被水淹沒泣禱于神忽有老人以杖指示寺址徧發其地果得父棺內有錢如母言載歸與母合葬復廬墓側有鵲結巢馴擾不驚正統六年旌其門時有羣鴛者升陞人母卒廬墓有野鹿當痛哭時亦悲鳴若助哀者先引子遊于廬前如家畜然巨蛇蟠于門視之不怖似有所守眾以為孝感亦于是年旌表

吳順山西朔州衛軍父病閉結醫治罔效順紙投道以通又嘗糞甘苦以審安危父思雉肉適求弗得憂形于色忽有雉飛入其室捕以食之疾遂瘳父歿廬墓朝夕哀奠鹽醬不入口者三年正統十四年旌其孝行

高興合肥人父亡水漿不入口者三日每哭泣則群鴉數百飛繞其舍及至廬墓鴉亦隨之巢于塚樹服闋還家有白鳥數百與鴉鶴迴翔舍上久之方去人以為孝感所致天順二年旌之同時旌表者郭陵解禮父母俱替飲食動息無不由禮左右承奉久而不懈親沒廬墓三年有危馴集上祭米儉居喪負土成墳有雙鶴來巢枯枝復築郭陵張緒祖母劉卒喪奠合禮有赤蛇蒼兔蜂蟬馴擾之異蒙城汪泉平湖沈琮和州薛良廷安栢英皆有白鳩烏鵲芝草之祥玉田李茂母喪廬墓有二狐穴于旁龜蛇周旋左右不去人咸謂誠孝所感云  
龐景華上元人母疾刲股為糜以進果瘳又嘗病痢刲股如初嘗糞苦謂其妻曰吾母不死矣果復瘳隣火延焚顧天乞哀所居左右前後灼盡無餘獨其母卧室三間無恙天順三年旌其門母年九十而



終廬于墓側有盜夜至聞其足聲曰孝子也遂散去有慈烏集松栢窠芝產附砌

榮瑄廣東瓊州人與兄瑋俱以孝友著聞天順四年賊據瓊城瑄兄弟扶母走避遇賊瑋謂瑄曰事急矣並死何益我以死侍母汝急去庶幾一人養母幸也瑄去瑋與母為賊所獲欲脅以行不從則以刃臨母瑋叩頭曰能免母願得相從遂陷賊中官軍至瑋走出被執送主將將就刑瑄趨至叩頭流血泣請曰兄以母故陷賊母老家貧恃兄為命瑄弱不任事向者遇賊本不圖生用兄言以免長恨不得代兄死今乃遂所願願殺瑄存兄養母主將不察竟殺瑄聞者皆痛惜之

宗祉浙江金華人母盲不能視物紙其翳膜久之復明天順七年旌異之黃文任丘人甫四歲父以商出閩四十四年不知所止文長徧訪至鄧州遇父同與母完聚天順七年獲美孝行又有周尚文東安人父目失明露香額天朝夕紙之數日復有見母卒廬于墓次蔬食飲水每忌辰輒三日不食有賊十餘騎突入墳內見其哀經號哭勒馬旋視竟不思害而去王遠定州人父喪廬墓夜有賊入遠解衣遺之賊持去

後夜復送還曰公孝子吾不忍也俱于天順八年旌之

柳芳直隸武清人母沒哀戚甚因首跣足負土成墳有白鳩巢于冢木藝麥隴旁有一莖兩穗之瑞廬墓三年不忍去復留三年成化三年表其間同時旌表者建德蔡廷璠母盲竭產調貧祈福于天後母目復明開州甘澤鳳陽周緒俱茅守墓有蒼烏青蛇馴逸異草叢生大同焦鑑父沒廬墓有白狐遊狎野蠶作繭菲落間神機營揮指方榮母喪廬墓側每早赴教場採閩畢即躬負土營墓群烏翔集又嘗啣一金錢遺之

沈志歸德衛軍祖母瘡發左乳肉潰生蛆志憂泣取蛆燻之曰寧食吾心勿傷吾祖母啞去膿血瘡竟愈父患風疾額天祈滅已年一紀以延父壽及父卒計其時造盈一紀已而母亦卒忠號痛幾絕廬墓終喪成化九年旌其孝行

史惠福建晉江人童時即知愛敬家無餘計而養母極滋味母病甚醫藥弗效祈天以身代遂愈母卒廬墓三年鄰壤田禾累歲豐稔人稱為豐年山又有二白鳥來集冢樹人皆異之稱為白鳥墓成化九年旌



之同時有長洲朱穎父卒負土成墓盧于其側暴雨  
墳裂哀慟懇切明日復平十一年旌表奉化陸洪災  
沒苦無石甃墓感夢得石于餘結廬墓次十四年旌  
潞州張倫開州侯英張昂俱親喪廬墓有甘泉白鹿  
白鳩白兔之異十五年各旌表其門江夏周璽有慈  
烏入墓猛虎繞墓十七年旌表

何宇新廣東博羅人幼失父事母至孝鄉人稱之毋  
汝貧不能墜聞者爭致賻遇積雨不止及輓車成塗  
隨在輓晴雨若為之迂避者既墜縛草廬墓側夜有  
二虎蹲其門左右馴如也旦去夜未每浹旬則易二  
虎猶爪代然宇新忽得危疾鄉人昇歸治之虎乃去  
疾愈還墓側虎復來遂狎焉若素慕者家畜一黃犬  
三五日輒候墓所宇新欲有所需即書片紙繫其頸  
家人見之具條繫使負還墓前嘗有慈烏翔集冬月  
梅先實竹孫枝駢出人咸以為孝感弘治元年詔旌  
其門後舉鄉貢入南國子監人見其近禮尚結麻經  
帶以示終身之喪云嘗遊陳獻章之門獻章遺以詩  
曰遠舍烏成陣終年虎卧門山梅初並蒂冬竹又生  
孫蓋紀實也五年詔用孝子之已旌者授南京光祿  
寺署正遷宗人府經歷請告展者卒于家

張時厚六安州學正母喪廬墓三年遇雷雨懼驚其  
母輒環冢自呼曰鬼時厚在屋有烏鳥翔集狐兔馴  
伏弘治三年表其家正教政類上人廬墓三年徧謝  
墓隣至高氏家雷雨大作繞戶振垣雷從教政坐下  
穿屋成穴而出數里村舍盡壞高氏宅獨全人傳為  
雷避孝子

沈理直隸嘉定人母病日或云平旦以舌舐之可愈  
理如法行之三年果獲明父有瘡疾偃僕不能起立  
理日夜扶持不離左右聞有李神鍼者能起痼疾強  
要致之李欲為灼艾理以身試痛甚恐父不勝因請  
止是夜父夢神語曰吾感孝子意為汝鍼之鍼下驚  
汗疾遂瘳弘治八年詔旌異之又有石馬潭源州學  
正居父喪廬墓遇大雨山水泛漲勇仰天哀禱水至  
墓分為二道弘治五年旌其閭

吳宗益廣東歸善人與弟宗義皆好施類出私財助  
有司賑濟得授其父冠帶宗義卒其子璋能承父志  
周急賑貧歲數以其父遺金送官以充賑貸更捨施  
地十餘畝籍之于官為義塚設義學三所延師以訓  
鄉人子弟歲時資給之水鄉民無居者與之船病者  
投藥死者給棺槨仙諸橋觀澤諸路多其所修築者



守法以開旌為孝義之門

應綱浙江永康人為歸德訓導幼喪父事母至孝嘗  
溪錢塘江舟覆同載者俱溺綱以母老孀居禱水中  
若有援者得不死人以為孝感正德元年獲異之

歸鉞早喪母父娶繼母有子鉞由是失愛父偏袒鉞  
繼母報索大杖與之曰徒手傷乃力也每令饑食將  
熟故以糞逐去鉞數困匍匐道中比歸父母相與言  
曰有子不居家在外作賊耶報復杖之屢瀕于死依  
依戶外不敢入俯首竊涕鄰里莫不憐之父卒繼母

損不納因負販市中時私其弟問母飲食杖致甘鮮  
焉正德中歲饑繼母不能自活鉞往泣奉進母肉自  
慚無所資從之鉞得食先母弟而已有饑色弟辱卒  
繼母終身怡然鉞少餒而黃而體瘠族人呼為菜大  
人族子有歸繡者亦以負販養母至孝與弟紋緯友  
愛無間緯以不法坐繫繡力為營救緯又不肯檢犯  
者數四繡報獲持之終始無愠容繡妻朱為製衣必  
三襲曰二叔無室豈可使部君獨被完潔耶里人稱  
為歸氏二孝子

羅璋江西吉水人工部侍郎汝敬之孫也以廢撥官  
歷常州府同知所至有善政居母喪廬墓螺子山下

三年寄隨一白犬主哀亦哀主息亦息小故無虎至  
是一虎渡江周旋瑩次狎犬為侶璋偶卧疾其杖竹  
倚壁生棧葉一白鴉為鳩鳴久而不去墳生芝荷華  
生于原

容師懼廣東香山縣人父羅癱疾師懼侍奉朝夕不  
離側正德中寇掠其鄉師懼負父而逃寇追之急父  
麾使避去師懼泣曰父子更相為命去將安之既被  
執賊奉火灼其父師懼泣請代賊舍其父遂就焚死



孝友下

歸可正嘉定縣學生嘉靖中倭亂可正負祖母以窶  
 天雨泥濘不得前卒遇賊賊惡見婦人欲殺其祖母  
 叱可正去可正哀懇以身代賊不從比刺可正以  
 身覆祖母併殺之太倉王在復與兄亮煮走避倭逢  
 次相失在復已脫倭二里許展轉尋父見父被執急  
 趨叩頭祈免倭以刃背擊其父即以身翼蔽之倭怒  
 揮刀父子首並墮而手抱不解

李文誅崑山牛員性孝友父寢室被火文誅驚號突  
 入抱父不得出父子俱死火息檢發見其屍擣獲其  
 其父馬王應元武隆人力農以養父一日父醉卧應  
 元往于田其家失火急趨至烈焰燭天身濡泥水出  
 而後入救之者三號火中抱父死唐治華亭人父  
 喪殯于堂而隣居火起治盡出資索募人出其父柩  
 而人心駭亂無應者或挽之出泣曰父柩在此我死  
 不出火息後所居巍然獨存而治竟以薰灼伏棺死  
 棺上背成血掌痕許思新水人夜半隣家失火思驚  
 出徧尋母不得復突入遂與母俱焚火止人視之煨燼  
 中隱隱見曲肱抱其母云

毛彥恭浙江遂安人祖希成好行義篤于倫叙誠于  
 睦勿析產傳至彥恭族愈蕃男女二百餘口恐不能  
 繼乃創立同居家規鷄三號男女齊起問安于家長  
 各就東西舍操作漏下始罷去自冠婚喪祭及衣被  
 饋食纖悉必均中外營勦不敢忤復建義倉立家廟  
 遠方來學者延師以教且贖給之兄弟五人共營一  
 墓中穿其墳使氣不隔而別瘞妯娌于山之麓曰欲  
 使百年後兄弟魂魄猶相依也嘉靖十三年旌為六  
 世同居義門建坊免徭如例每夜東西操作燈火焚  
 焚無敢懈怠私室歲時男女候家長從東向舍簾帘  
 出有新婦月餘驟見其婦不甚辨倉皇欲避者其家  
 規嚴肅如此又有小西長治仇鴉六世同居食凡男  
 女數百人鄧烈婦貞女二十三人萬曆二年旌曰高  
 義無為丁華一兄弟五人恐析居相與誓天折梅  
 五枝共接一本各識之祝曰如一枝枯即某有異心  
 後五枝俱秀實鄉里驚嘆謂友愛所感號五果下氏  
 丘緒浙江郵縣人生母黃既生緒而為嫡母余所逐  
 適江東包氏未幾轉適他所不復聞問時緒幼或微  
 詔以母故報教不自勝事嫡母余至孝久之余亦  
 心傷之愛若己出余病革與緒訣曰我即死汝無忘



若母矣當是時距黃甚時二十年所者不可跡忽十  
夕夢人告之曰若母蓋在台州金鰲寺前云次日與  
一人憇于途詰之則包氏故養馬廝也即以母所向  
曰有周平者嘗悉其事今已成京衛矣緒之女兄嫁  
于王以進士候選在京適焉王為訪久之未得也  
一日有避雨于王邸門者聞其聲鄰人也而呼之即  
所謂周平者也延而問之知黃適台州李副使之子  
緒得報即裝而之當時李已故無嗣而所後者族子  
也漫不知前事緒傍徨掩泣于道有見而傷之者曰  
此間有東門王四老者齒踰耄矣故嘗業媒氏某往  
詢之則知黃居李無依而復遺仙居吳義家明與再  
往詣王老叩其詳而其夕已暴亡矣吳仙居之巨族  
緒至其里歷嗣數十家既而入吳東初之家怪而問  
之因感其意而留止馬有媼氏聞所留止者異鄉人  
也惠而咻焉東初詰之故媼即黃故主母也頗憶前  
事然不詳所往呼蒼頭問之云達金鰲寺前去歲經  
之棺已殯寺旁矣緒以其言與妻符也信之且行且  
泣期得一向棺為慰道適一牛觸墜于溝則與夫馬  
長之門也駭而出問所從長曰吾前與一婦至晉雲  
蒼嶺下殆是也緒至嶺下徧物色之依依行委蒼中

忽一老嫗佇立于門探之為鄰人也告以所從來嫗  
亦轉詢丘氏耗令馬知其為母也抱持悲號問里某  
不感動所傳寺旁棺者則其妣氏也所遭陳翁無子  
而家貧多負緒還取金償之并迎翁以歸併極奉養  
嘉靖十四年賜額孝行  
張鈞山西石州人父為賊所掠鈞馳一駟賊中號及  
求父肩中流矢裹瘡前行至則父已死賊矣哀痛幾  
殞盡飲父血水漿不入口者三日悲哀而死張承相  
少孤事母孝賊至負母而逃為賊所得承相抱母叩  
頭號泣賊怒俱殺之抱母首而死于博幼孤奉母以  
孝聞母居村舍博從城中受書賊破城博號泣求母  
母已被執道遇之奮氣取石擊賊賊就剖其心殺之  
母得遁去張永安父為賊所逐永安持棍救之擊傷  
二賊父得逸去身從後獲之被數十創而死溫繼宗  
沁州學生貧苦而孝父沒不能葬日夜居守賊將至  
咸勸避之以父殯不肯去賊至禦之中矢死柩旁俱  
以嘉靖二十二年旌表其門閭  
鄭饒石原人母謝為流賊所掠饒年十六哀痛不自  
禁挺身入賊壘縋之曰吾欲丐吾母豈惜金吾幼金  
皆母所瘞也願代歸母取之吾在此母豈忍不以金



未賊以為然拘讎而釋其母然其家實無從得金也  
繫自幸脫母在賊中言笑自如官軍至賊欲解去以  
前語詰讎遂遇害嘉靖中有司置祠祀之並建坊旌  
焉

唐儼廣西全州人父蔭知彬州歸老于家得危疾儼  
時年十二迎醫不能療潛封臂肉進之父尋愈後父  
沒儼哀毀甚見者傷焉遊學于毫妻鄧氏年十八奉  
其姑于家篤孝儼嫡母蒙疾鄧曰吾夫以臂肉療  
吾舅吾獨無以療吾姑哉乃剖右脇肉以進而蒙疾  
亦愈儼聞母疾馳歸至則無恙矣儼謝其妻曰此吾  
分也當亟召我子何自若為鄧曰子事母婦事姑有  
二道哉方危急之際雖召子何及且事必達于又安  
用婦儼事生母宋與嫡兼隆而衣食稍殺焉曰禮不  
敢踰也後蒙宋俱沒儼朝夕號慕廬于墓次三年寢  
苫負土虎豹縱橫其間不為怖也日取薪水甚疲憊  
收相其勞卒謝遣之觀風者欲上其事于朝辭曰事  
親以盡吾心耳名于儼何有使儼以親故得名非儼  
志也嘉靖中有司奏之表里宅焉

劉靜江西萬安生員幼孤家貧事母孝遇賊欲殺其  
母哀懇身代賊橫槩利之母釋靜死尸七日不變後

其母享年八十萬曆元年旌其門又有無錫浦邵賊  
繫其父邵以首迎刃而死父藉以免家花林上元賊  
掠其總母李出城上元從城上持鎗一躍而下直奔  
賊壘刺殺二人賊避其鋒立出李遂去城乃得全俱  
萬曆四十三年旌表

柳蘭女山西芮城人父逢春母謝氏相繼亡遺二妹  
俱幼一弟甫三月蘭女痛家寒弟妹無依誓死不字  
絰織以嫁二妹婚娶弟婦謀弟力農以終其身萬曆  
二年旌曰貞孝

曹必和江西南昌人母盲以香紙之復明親沒廬墓  
三年萬曆元年賜旌金鯉雲南大姚生員毋楊氏患  
癱晝夜焦勞忽夢神人授方惟蒲公英可治鯉博訪  
得藥果愈後母沒廬墓三年撫庶弟六人俱以恩萬  
曆五年命旌美之

趙重華雲南太和人父廷瑞遊江湖間久而不歸方  
出里門時重華僅七歲及長詣路引于知府以出族  
黨交阻之不聽榜其背曰萬里尋親別馬里系及父  
年貌數千紙所歷都會州縣偏貼之已而曰聞武當  
之山名天下吾父好名山當或過之且聞山之靈故  
神于是踰漢沔而西禱之武當經太子岩岩之陰有



字曰嘉靖四十四年十二月十二日趙廷瑞朝山至此重華讀之慟曰吾父果道此今吾過此月日復同可卜相逢矣遂書其後曰萬曆六年十二月十二日趙廷瑞之子重華尋父至此由南陽賴壽東涉淮泗以沂江寧訖無所遇過三茅峰禱于神夢神謂曰汝父未死遂從丹陽經常州被盜攫其資所遺者獨前請府路引耳且行且乞遇一老僧呼問其故笑曰汝父誠未死客無錫南禪寺中語訖老僧忽不見乃趨至南禪寺果遇其父出路引示之相與携笈而慟寺中他客遊者皆相向助泣留數日乃還雲南又有海陵張起幼遭兵亂與母相失起晝夜悲泣求行四方三十年過母于濟陰奉以歸

王原文安人方在襁褓父珣以困于里使避之他鄉不告妻以所往妻張氏撫原乳以居及長問知父故輒痛泣自傷既娶婦月餘跪母前曰兒將訪父與偕歸母曰兒過矣父去家二十載生死不可知兒安之原仰天號曰天下豈有無父之人哉泣與母別徧走燕趙齊魯郊薳盡則行丐于市或累日不得食而原持志彌堅一日經登州田橫島禱于神祠感果夢因轉入衛輝抵輝縣薄暮風雪甚宿于野寺門外

而寺名為夢覺原心動曰天其或者協吾夢乎侵曉一童子出見而駭問之原曰吾文安人尋父而未曰而父何狀曰生數月而失父不識狀母為我言其畧然去父二十餘年當不相似矣童子引而謁其師師知寺中執爨者亦文安人也召與相訊其人曰而父為誰曰王珣曰爾非小字某者耶曰是也曰吾即王珣也于是父子相抱持而慟然珣絕無歸意曰若翁赤貧何以歸見鄉人不益為而母子蓋耶原以頸搶地哀號眾僧共相曉譬原竟與珣偕歸自是終身色養珣年八十四而卒原卒年亦如之原生子六人孫十有五人曾孫二十有二人應霖應期並舉進士其後簪纓不絕萬曆初詔旌其門閭

夏思直隸桐城人甫九歲父龍病瀕危思涕泣不知所出禱于天刻左股一鬻烹羹以進父食之遂愈翼日思創卧父詰之乃知向所食者子羹也驚而號曰奈何生父故死兒乎隣父老趨視嘆異聞于官知府胡麟先一夕夢王祥來謁詰朝得申孝子文純曰孺子殆祥後身乎命名子孝字以志祭胡植藉為縣學生月給廩餼父沒哀慟幾絕既塋構茅廬一椽于墓次獨居朝夕莫哀聞于野虎嗜桐梓山才樓自如



服闋方奉主反室人稱爲孝馬

楊輔直隸太和人貧躬耕養親聞四川有無際大士悟道辭親往訪之途遇一老僧問所往曰欲見無際曰見無際何不見佛曰佛安在曰汝第還過某邑衣履者即是也遂還無所遇暮夜至家叩門其母聞聲喜甚披衾倒屣出戶乃向老僧所言佛狀也由是竭力事親註疏孝經數萬言引証群書極談性命現滴既乾欲起取水輒已盈池不知其故

王世名浙江武義人父良爲族子俊爭產毆死世名恐檢傷父屍不忍就理伴聽其輸田議和田所入輒易價封識私繪父像及己像帶劍侍懸窓空朝夕拜泣購利刃銘報讐二字母妻不知也不習舉子業惟手書忠孝格言一編佩之己而生子甫數月撫之告母妻曰吾已有後可以死矣母妻亦不知所謂也一日俊醉歸世名乃迎而禱所購刃立碎其首遂疏于衆歸白母出其向所封識祖直赴縣請死縣官義之謂曰檢若父屍驗有傷若止慮坐子孫擅殺行兇人律世名曰吾惟不忍殘父屍以此死則抵之何檢爲縣官猶欲曲宥之世名曰此非法也非法無君何以生爲遂不食而死

阿寄淳安徐氏僕也徐氏昆弟析產而居伯得一馮仲得一牛季寡婦得阿寄阿寄時年五十餘矣寡婦泣曰馬則乘牛則耕踉蹌老僕乃費我藜藿阿寄嘆曰噫主謂我力不若牛馬耶乃晝夜營生示可用狀寡婦既替珥易銀界寄則入山販漆期年而三其息謂寡婦曰主無憂富可致矣歷二十年積貲巨萬爲寡婦嫁三女婚二子厚具奩聘延師教二子既輸粟爲太學生而寡婦則衰然財雄一邑矣阿寄疾且死謂寡婦曰老奴牛馬之報盡矣出枕中二楮則家計巨細悉均分之曰以此遺兩郎君可世守也或疑其私蓄者竊恐其篋無寸絲粒粟之儲一媪一兒僅蔽緼掩體而已

張清雅潛小人家貧力學養親崇禎十年張獻忠犯潛山清雅以父老卧病守之不去無何父死甫殮賊入室欲剖棺視之清雅以兩手據棺號泣賊斷其臂仆地幼子超藝泣求代賊復斫之父于俱死棺得不剖時超藝年十五耳僕雲滿具兩棺殮之殮畢亦不食死

襄陵王冲殊性至孝母季年八十一得危疾不能餅藥刺股肉爲糜以進又剪鬚和肉屑雜香蕪之以禱



于太后池下取膏之數日而瘳天順元年賜勅獎諭  
女清澗縣主孫輔國將軍徵鏞婦王氏俱有孝行成  
化十一年獎諭

安昌王膺輔父以王音望得風疾膺輔侍奉湯藥晨  
夕不離以王嘉之成化九年跪乞旌表禮部覆奏親  
藩旌表舊未有例帝特賜書褒之

襄王範址性篤恭為鎮國將軍時生母病疾晝夜侍  
卧不離湯藥必親供饋候痊安始歸私室未幾母復  
中風優厥範址觸地呼號禱神求以身代刲股肉作  
汁灌口中乃甦景泰元年教授以狀聞遣書獎諭之

後封襄陵王成化十年年七十五每祭掃猶躬自負  
土培墳哀慟誠切復膺獎諭

聖丘王長子成鈺為孝弘治七年賜勅獎諭

鎮國將軍鍾銘鍾鈇俱有孝行弘治十年賜勅獎諭  
沂陽王誠淵天性孝事父端懿王繼母張克盡孝道  
父母有疾衣不解帶食不下咽湯藥必親嘗每夜稽  
顙北辰求以身代父堯哀毀幾絕夜苦枕塊不飲酒  
食肉將葬時雨久泥濘王禱于天葬日天果閉霽恐  
號送塋徒步往返四十餘里葬畢復大雨次年墓上  
生嘉禾一莖雙穗嘉瓜一蒂兩實又有慈烏異禽環

其墓栢日夕哀鳴執喪三年如一日又以母妃馬不  
遠養進服茹素二十七月弘治十四年賜勅獎諭  
鎮國將軍當漢事父鄒平王孝事後母如所生其子  
健鏞亦以孝稱正德四年賜名曰世孝

鎮國將軍當灑事親孝正德九年賜勅獎諭  
輔國將軍成鏗夫人李氏事姑王盡孝姑疾齋戒禱  
神祈以身代姑爰則先灸臂試痛姑在床禱親扶持  
盥櫛食飲烹洗者十年夜不解帶居喪哀毀過禮幾  
絕而甦嘉靖五年賜建坊旌表

鎮國將軍成鏞有孝行親覲結廬墓側負土壘塚晨  
夕跪泣不絕嘉靖六年勅諭獎費

伊王訢淳事母魏孝嘉靖十年賜銀幣羊酒獎勸  
晉王知烱性至孝事嫡母郝妃生母彭甚謹母妃堯  
號慟幾絕執喪盡禮有素芝產于寢宮白鶴盤旋祭  
祈嘉靖十年賜勅獎諭

原武王朝瑜孝行著聞萬曆二十六年詔旌美之  
衡王常溥有孝行萬曆二十八年賜勅嘉獎  
奉國將軍廷珪事親孝萬曆三十八年旌表其第  
奉國將軍東積孝事母夫人沈氏日失明東積侍奉  
湯藥日夜祈天數年母目忽明如舊萬曆八年旌其



門曰孝行

鎮國將軍在鉉天啓二年旌表孝宗

通山王濫錫天啓五年旌表孝宗

論曰孝友篤行乃宇宙之常經而生人之庸德也。有所不足不敢不勉。違問其他乎。即草木禽魚禎祥靈異。殆亦偶然之事。未可據以為徵也。况乎表厥宅里。樹之風聲。此又朝家之盛典。則然仁人孝子之用心。豈其嘗所計及者哉。大抵至性所天。眈懇惻怛。固自有感。慮閭會之理。不然通神明而格天地。聖人胡為此。鋪張揚厲之辭。以詔天下。後世耶。良亦道所不誣者耳。

明史卷三百九十四

列女上

列女傳

奇考詩美共姜春秋紀伯姬此外則寥寥焉當是時先王之風未墜也而胡以若是母乃太史或失職歎自漢書至五代傳記列女半列才藝而王凝妻斷臂一事歐陽修僅載之馮道傳中若是乎貞烈之風未易覩也明興崇尚節義直省巡按督學御史歲上其事烈女節婦被旌表者不下萬餘人下逮末季通都大邑窮鄉僻壤遠近殘掠皎然不污死于盜賊者所在都有嗚乎何其盛耶甲申國變殉京師者附載諸忠臣傳中今採國初以來列女最著者其於篇蓋亦猶劉向之意也

却氏花雲妻陳友諒犯太平雲死却泣曰夫死吾不獨生然不可使無後以三歲兒煒屬侍兒孫遂赴水死孫抱兒逃為友諒軍所執至九江密以簪珥屬漁家翁之友諒軍敗孫脫身竊兒渡江濱軍奪舟梓孫氏及兒投之江會附斷木浮入蘆渚取蓮實啖兒七日夜半有老人雷姓者引達太祖軍孫泣拜太祖亦泣寘兒膝曰將種也賜雷老衣忽不見月娥西域人職馬祿丁女蕪湖葛通甫妻少聰慧通



經史義入葛門長似盧服其德率諸婦諸女受教太祖渡江六年漢兵東下郡邑恟甚盧曰太平有城郭可恃使月娥率諸婦諸女避郡中未幾城陷寇兵肆掠月娥抱所生女赴水死諸婦諸女咸驚愕曰姆死義成憐可俸生乎亦相與投水中凡九人郡人於故居之南黃池里作巨穴同葬題曰十女墓

諸城小陰人洪武初父士吉被誣論死及二子炳煥皆罹罪城方八歲晝夜號哭與舅氏陶山長奔南京上新時有令凡訴寃者非卧釘板勿與勘問城輾轉釘上幾斃事聞勅之成一兒城傷重卒里人為肖像配曹娥廟

郭真順潮陽周伯玉妻幼淑慧精數學能詩文元洪避地居村寨衆欲推伯玉守事真順令勿往及後寨衆爭長果殺其所立寨人故多積粟真順勸伯玉散之惟日夜索紉人莫喻其意比賊至諸積聚盡焚伯玉自引索與妻子俱繫賊謂所捕商不顧因得遁去復居漢頭寨太祖定天下命指揮俞良輔南征真順作俞將軍引遮道上之且言寨人無逆狀良輔覽詩大喜釋其寨勿問真順壽至百二十五歲姚孝女餘姚人適吳氏父死迎母何養于家洪武中

母去汲被虎銜去女追掣虎尾不止虎脫虎負痛舍母而逝後正統時臨海有陳小奴者夫王三苟採薪歸為虎所扼小奴持門柱追擊虎逸去三苟死小奴嚴正自持人稱曰女御史豪家適娶之投姜叢潭死又二十餘年至成化間武康蔡孝女隨母入山林藥虎攫其母女攀樹枝格鬪行三百餘步虎舍母攫女血上噴丈許竹葉皆赤虎竟舍去

唐方妻新昌丁氏女名錦奴生而頂端七螺畧涉書史洪武中方為山東僉事坐法死妻子當籍沒部使者按籍取之押平見丁色美託借梳挑之丁擲梳於地竊謂家人曰此輩無禮必逐辱我不若預死以全節也肩輿行至陰澤崖峭水深丁從輿躍出赴水衣屨不能沉復從容以手蔽裙而沒人稱其處曰夫人潭

福清李廣妻盧佳娘歸廣十月廣暴卒盧號慟絕復楚悉齧廣口鼻惡血既殮及輓僵仆家人抱持之但曰吾從夫地下矣積五六日潛自經時洪武十八年也其後縣游政妻倪氏亦以殉夫死石孝女新昌人父潛洪武末坐事繫京獄妻吳依父家以居時孝女尚在襁褓一日潛逃歸匿吳家吳兄



茅懼連遂殺潛投大窖中吳不敢哭女既長問母曰  
我無父何也母告之故女悲憤不已永樂初女年十  
六舅氏主婚以配其族子女告母曰殺我父者吳也  
父讐非能報奈何又為之婦母曰事不我從奈何不  
答及嫁禮賓未畢雉經室中死衆皆驚詰其母母仰  
天哭曰吾女之死為父讐也號慟數日亦死有司聞  
之為治赦潛者之罪

貢池翁氏侍中黃觀妻也燕兵迫觀出募兵死詔以  
其妻女配象奴夫人取釵環給奴出市酒者遂携二  
女趨南門齊公橋母投上流二女投下流後得之斗  
門橋下母女三人執手一處人皆異之有司殮以棺  
不敢瘞萬曆中修撰焦竑始封樹之

陳和妻高氏武邑人和早亡遺子剛幼高氏奉翁姑  
甚孝既沒以禮殯葬時年五十矣法謂所親曰妾翁  
姑葬矣妾父于洪武間歿于虞城旅葬城北猶憶妾  
母以柔木小車輜同埋識之此還家母亦死兵弟幼  
且懦吾欲往昇父骸歸而合葬其可乎即日往虞城  
塚累累不能辨高哀及捧弗絕以髮繫馬鞍逆行日  
朝及夕至一小塚忽駭重不能進移而視之所識車  
輜宛然觀者皆嘆息高氏卒負骸歸與母同葬

戚家婦者不知其里氏甫合鬻夫暴後婦疑之哀投  
門外汪中汪在寶應縣至今稱戚家汪云  
馬氏吳縣余佈妻夫死無子馬年少姑欲奪其志有  
田一畝半得粟故不與婦馬不為動姑納其聘一夕  
歎吹臨門馬入室自經死几上食糠粒尚存

萬姑名義額字祖心邗人祖斌自定遠以義兵歸太  
祖為萬戶北征戰死阿魯渾河父鍾伯兄武仲兄文  
仲死國事母曹及兩嫂陳吳並孀居未有子吳遺孕  
僅六月義額且暮額天泣曰吾萬氏已絕願天界一  
男續忠臣後我當共撫之已而吳生男名之曰全義  
額善甚遂矢志不嫁人曰子將家女嫁即為命婦又  
可給全何徒自苦義額正色曰吾忍視一家孤寡而  
獨享其樂哉於是與母嫂竭力紡績資全誦讀騎射  
全有過報告母庭立切責之全跪謝旋改然後已以  
是全卒稱儒將世其家先是錢塘有胡守貞者以不  
嫁撫其弟宗信之孤貢與弟妻王志清相依守貞曉  
字學每日鬻書以供薪水計足三人食即闔門治女  
工浙之服義額者多並稱守貞云奉化趙大娘年十  
八未字父母相繼亡弟全幼聞胡萬二姑風亦不嫁  
以撫全成化中全子禧孫椿請士大夫歌咏其事邑



人楊守陳進題其間曰四忠三節一義之門  
程烈婦揚州胡尚綱妻也尚綱嬰危疾烈婦割脰肉  
未進尚綱死因不食二日時方有身或曰母死可延  
夫程烈婦曰吾知之不幸生女徒數日苟活耳乃獲  
食彌月生男明年殤復絕食越二日其姑撫之曰爾  
去父母家二百里爾死爾父母且責言于我奈何烈  
婦曰然可急迎之然終不食日飲米湯匙許而已父  
母遣幼弟至婦曰是可白吾志矣自是滴水不入口  
姑對之泣則曰兒再嫁則當哭此何及耶出奩中藥  
珥令姑治後事復視曆曰十八九日良日也吾所割  
脰肉尚以反和置床頭吾死可傳故處遂死  
陳氏女者祥符人年十八字楊瑄未嫁天順五年瑄  
卒女請死父母不許私剪髮屬媒氏往置瑄懷汴俗  
聘時女家以金鑄女生年月日縫米綺上界男家號  
定婚帖於是瑄母以定婚帖裝女髮懷瑄以莖女遂  
素笄縞衣亡何父母謀改聘縊死後五十年瑄家  
改葬瑄而求陳氏令馬二骨朽矣髮與定婚帖獨完  
葬二年岐嶺了瓜產墓上  
莊氏海康民吳金童妻也有容色成化初廣西流寇  
劫掠莊氏隨夫避難新會傭作劉銘家銘見莊氏欲

犯之屢誘不從乃遣鄉人梁狗同其夫捕魚因推入  
海淹死越三日莊氏見夫不還求之海濱得屍識之  
即歸携女赴水抱屍而沒翼日三屍隨流送銘門土  
人感異蹟而祭之然莫知銘故也後梁狗洩其事有  
司乃捕銘論死  
嘉定張樹田妻宣氏樹田素狂悖不見禮及病死宣  
誓以身殉時里人沈思道亦死其婦孫典宣以死夫  
相要各分尺帛孫自經或勸宣曰孫與夫相得故以  
死報汝何效馬宣嘆曰予知婦道不知夫之賢否也  
卒縊死  
無錫成氏登封訓導充輔妻也成化中輔游學靖江  
成從馬江水夜溢家人倉皇升屋男女裸成曰安有  
男女裸而可與俱生即止不升屋水退家人求之坐  
死榻上  
長治王氏鎮國將軍鈺總室也七歲失恃流嫁三  
十餘年不歸寧撫前夫人女不啻所生及鈺終  
其身但御縞素作女範十篇一曰婦德二曰婦言三  
曰婦容四曰婦功五曰修身六曰節儉七曰事舅姑  
八曰奉祭祀九曰母儀十曰慈幼文並古朴淹雅可  
觀覽云又有周氏者鎮國將軍陽鉞妻也陽鉞卒自



繼以從正德三年旌曰貞烈許附葬

李氏晉江人永寧衛指揮李正之女弘治初蕭山徐  
黼分教晉江妻周卒于任娶為繼室未幾黼遷閩縣  
教諭疾作不能赴既萃謂氏曰吾負汝吾死善事後  
人李泣曰君既不諱我分當從死所以未許者子一  
元弱不可以委他人要當扶襯返里撫子成家庶他  
日可見君地下也黼驚起曰有是哉吾當力疾為謝  
據枕欲作拜困頓而罷因檢所積箱中金手授李遂  
死李計父母將盡取黼金迫女返室乃扁黼篋篋加  
封識立界齊長丁儀使告邑令以故而藏諸庫然後  
計于父母父母亟率眾至則室已罄矣不得已姑聽  
李治喪比還行有日復誘歸家禁其僮婢出入使不  
得去氏曰是何難吾不能全吾子猶可全吾身乘間  
縊于室其媵急救之得甦李曰媵意甚美然父母不  
聽我終死耳其父母無可奈何縱使還蕭山舟瀕發  
丁儀始從邑令以庫中裝束李父母但悵然而已既  
歸厚葬黼及周氏而躬操作蠶織以治家產所居祭  
一小閣沐浴則登之而去其梯歲暑必重衣孀居凡  
七十有三年撫子孫四世壽八十有八乃卒  
章銀兒蘭竊章滿却女也滿却死銀兒獨與母居弘

明史 卷三九四

治中母疾鄰居火銀兒出視衆疾呼令避銀兒曰母  
病何可避也亟送入廬烈焰忽覆抱其母同死  
陳氏武進人朱昱妻也孀妻死昱疾復殆陳泣曰  
母既亡主父臨盡妻少不免見奪請先死遂繼弘治  
中旌表是時旌表者自進士孫景雲妻鍾氏舉人曹  
文表妻潘氏以下凡十人皆以殉夫死又黃偉妻張  
福真亦以殉夫死知縣金洪將聞于朝偉父茂以家  
貧辭故弗及

唐責梅責池人弘治中適朱姓夫貧且弱有姑悍而  
淫與富商私商悅責梅色賂其姑使誣婦淫責梅勿  
勿聽加以箠楚亦不聽乃以不孝訟于官通判毛玉  
墨吏也受商賄刑責梅幾死矣商猶冀其從己也令  
姑保出人曰子辭其可以免責梅曰全吾名而揚姑  
之惡非孝也自經于後園梅樹縣三日尸如生後梅  
花盛時人常見責梅往來樹下云先是正統中吳縣  
有王妙鳳者其夫行賈妙鳳獨與姑居姑有污行一  
日與所私飲呼妙鳳挈瓶酒入姑所私戲牽之妙鳳  
怒引刃自斷其臂其父母欲訟之官妙鳳曰死耳婦  
安得訟姑遂絕其後嘉靖年間嘉定有張貞女嫁安  
亭汪客之子父子昏愚其姑適女與群惡少亂女



誓死不從久之姑念惡少強犯女女大呼殺人持鎗奮擊乃止明日姑又盡召諸惡少閉門縱飲夜半殺女因舉火焚室欲滅尸迹會鄰里救火者闖門入見死人大驚報縣官為捕姑及諸惡少俱論死縣故有烈婦祠女未死前三日祠旁人聞室中鼓樂聲又見火炎炎從柱中出入以為貞女兆焉

滁州施氏彭禾妻正德元年禾危疾不起握手訣曰疾德甚必死而無子擇壻而嫁母守我也施泣曰君不知我乎我願先君死及禾歿遂經死

真丘郡主伊王姊適儀賓蔡昇昇死以頸觸墻死正德中旌其坊其時有女而殉者則河內趙剛女有婦而殉者則輝縣孔氏六合畢氏富陽林氏綏德劉氏荊州衛雷氏有母死而殉者則進賢趙郡珍先後並旌表云

史貞女杞縣人正德初許同邑孔弘業未婚而孔卒欲往殉之母不許女七日不食母持茗強之飲適雙城墮杯中死女曰物尚如此母獨不諒人即翼日母乃製素衣鷄裳送之孔氏老稚從觀者如堵女曰適二姓者勿入我室於是慚而去者十二三至暮自經死白氣縷縷騰屋上達旦始消

注魏莊晉江諸生楊希閔妻也正德初希閔死無子欲自經家人禁之魏莊度不得聞聞萊菔有毒能殺人屬人求之家人欲慰魏莊日購數百朵踰月再祭日魏莊自為祭文辭甚悲夜五鼓煎所積花飲之天明死

齊妙善京師人年十五歸工部主事餘姚姜榮為妻榮以勅劉瑾從興化府通判改瑞州攝府事正德四年華林賊起寇瑞榮潛兵東門將扼其險而賊自西門突入執其妻倪及諸婢時妙善居別室急取太守印投荷池盛服前曰太守統兵出東城擒賊爾等旦夕投首安得執吾婢賊聞之色變意其夫人也釋倪及諸婢而獨肩輿昇妙善出城妙善視賊稍遠微語與隸盛豹曰我欲藉汝告太守印處我常脫汝印在荷池中我自此前行過井死矣即呼賊曰是人不善昇可縱之易善昇者賊從之行至花塢過井妙善曰吾渴其飲吾賊爭赴井汲妙善下輿謂曰吾聞男女授受不親幸稍開吾自取飲賊又從之妙善至井傍躍入賊驚去豹入城告榮取印又引至花塢覓井果得妙善屍越七年郡縣上其事詔建特祠以祀賜額貞烈祠有二一在花塢一在城東迎恩門迎恩祠則



配以高安婦女死賊者曰塞口熊氏女責貞曰新使  
張榮一妻蕭氏曰太平門黎玉亮妻殷妙慶曰雲罔  
况夔妻曰廖足貞曰坡山朱應恢妻曰陵上黃暖妻  
辛氏曰港西朱治一妻梁鳳貞曰斜橋熊武六妻胡  
氏曰社山朱丑四妻熊以桂凡十人  
薛氏固原人董鑾妻也賊破固騷執薛欲污之薛抱  
女赴井死正德七年都御史叢蘭上其事詔旌之蘭  
又奏定遠婦女自盡者居氏丁氏等五十六人詔刻  
石旌善亭以彰貞烈其年又旌賢聖雒陽縣婦丁氏  
女徐雪梅等三人居二年再旌沙河大名魏黃諸縣  
王玉梅等十一人皆遭寇亂不辱以死者也亦有新  
淫野閨秀從姑出走遇賊閨秀請釋姑去而以身從  
賊信之姑行遠閨秀罵賊遇害後人至其死所輒見  
黑氣如車輪  
楊氏鄭人年十九適忻王玉死楊恸死而絕三日乃  
蘇遂斷髮自誓食必于柩側玉嗜鯉忌日必設鯉一  
歲河潤偏購不得楊方悲慟忽漁父持鯉至以一金  
得之徐畢而後得金魚腹中  
林端娘既寧人字陳氏未嫁而夫死林將死之父曰  
而雖字未帶也何死為端娘曰帶與字莫擇父曰塔

貧孰收爾身曰身也乎哉曰塔貧孰彰爾名曰名也  
乎哉遂往雉經死塔家青陽山下女將盡奔前山鳴  
三晝夜時高郵女子劉粉兒錢塘女子潘聖姑俱求  
嫁殉夫與林並稱于世

南安陳宗球妻史氏夫死刻期誓殉猶為姑釀酒姑  
曰新婦豈有多日尚為釀耶對曰政為日短故釀以  
奉姑耳將縊告弟曰兒有喪幸無葬棺

黃璣妻陸氏長洲人璣沒其母陰受聘將嫁之陸私  
嘆曰違親非孝也再醮非節也遂雉經

樂平胡氏名責貞生時父母欲不舉曹氏之母陳教  
之歸與子同乳且曰俟其長而配焉曹子年十八父  
母亡家益落責貞父將奪姻富家女曰我鞠于曹婦  
子曾分姑媳恩母子也可以儆寒素乎依從姑以居  
正德十二年冬其兄乘間變以歸視以求聘金寶將  
卜日行女知不免潛縊死

孫氏衛廷珪妻吳縣人隨夫商溇陽正德末宸濠兵  
陷九江廷珪往龍阮未歸或勸孫逃孫謂其兩女金  
蓮玉蓮曰汝父不在逃將安之今賊至矣奈何女曰  
生死毋相離當為父全此身耳於是母子赴河死  
餘于江氏夏璞妻也正德間賊至抱方晬弟走不得



脫賊將縛之江曰願從將軍願吾父年老惟此一弟幸全之賊以為信令置所抱兒行至侯橋頭大罵賊投橋下死

潘氏海軍人年十六歸許釗生子淮期年而釗卒既殮潘為戶自經死兩日有姬過之曰是可活也投之菓果魁族伯某素與釗隙欲不利于孤構勢家奴數十人夜破門入將劫潘潘冒風雨負淮逃衆追之前距大河追者至數十步潘呼天而慟投于河適有獨木浮至憑以渡得達母家及淮年十九歸于許踰年補博士弟子娶婦連生五子時潘氏五十宗人相聚稱慶其族伯亦來潘曰氏所以得有今日賴伯玉成也日淮酌卮酒飲伯卒爵北向拜曰未亡人三十年未瀕死數矣而願強生獨以淮耳今幸成立且多子未亡人復何憾語畢入室頃之宴畢諸宗人同淮入謝則潘已縊矣有司表其墓曰貞母許

葉氏蘭谿人嘉靖中適神武中衛舍人許仲伸家素饒以不檢廢且盡借葉出投所親道死通州氏守尸晝夜哭或饋之食或饋之金俱不應竟餓死屍傍

楊氏桐城吳仲洪妻仲洪卒家貧弟欲嫁之楊曰即餓死必與弟姑俱歿不能奪數年家益匱弟謀于其

父母將以償債楊曰夫呼曰累弟姑不孝無助于貧不仁夫節不義我一婦人而得三罪不如無生咽髮而死

張氏蕪湖庠生繆奎妻歸奎四年未有子奎病垂危為張等自託張泣曰夫以我有二心乎有子則守志以奉主無子則縶身以殉夫吾有以處此矣視湯藥已沐浴更衣先縊翼日奎始卒合葬葬羅山

王烈婦上元人夫汪嗜酒廢業僦居江東門與姊家相望烈婦日塞戶績麻自給天雨屋漏持蓋手續不休夫適烈婦與博徒李姓亂烈婦奔母家夫適令歸烈婦又逸告其姊夫復追之還婦度不能免夜投水死死之夜大風雨屍不漂沒

慈谿沈氏六節婦章氏祚妻周氏希魯妻馮氏信魁妻柴氏惟瑞妻孟氏弘量妻孫氏琳妻沈思橋界觀海鳴鶴之間家眾二十人皆號善聞嘉靖中倭寇上鳴山燬鳴鶴縱橫蹂躪沈氏屢殲賊奪肉掠賊志之甚丙辰夏賊大至沈氏豪誓于衆曰無出婦女無策貨財誓以死守章氏亦集族中婦女誓于內曰男子死聞婦人死節無為賊辱既而賊入章先出投水周馮繼之柴方為始孀刃即前砍賊旋自刃孟孫為



賊所得奪刀自刺死懸橋之難沈宗婦死者三十餘人六人尤烈

張氏秀水張祖女年十四歲受同邑劉伯春聘伯春負才名未婚而死女聞訃號泣截髮誓不他適自為詩祭之持服三年服闋不食旬日亦死其詩曰妾身未識良人面良人何事先云亡胸中厭飲五車史想為地下修文郎妾欲追隨同殉葬垂白翁姑尚在堂小叔呱呱方五月伶仃孱弱真堪傷妾本儒家寒素女感君一聘守綱常妾身不此河漢星妾身不似天邊月千秋萬古無盡期此情此義何時竭

羅舉妻張氏王珣妻黃氏俱沙縣人嘉靖三十九年寇亂黃遇賊赴水死張與妾及妻子俱被虜賊見張美欲犯之不從中途張解髮自縊賊斷之張解行縊賊又斷之徒跳驅入營賊首大悅欲留之張厲聲罵賊曰不畏死耶吾殺汝妻張引頸曰請代妾留之撫兒賊曰吾殺汝兒張引頸曰請代兒以存夫信賊命牽出殺之張先行畧無懼色賊尚猶豫張罵不絕口遂遇害賊相顧愕然曰世乃有此女

政和貢士游餘妻張氏生子女各二人季女及笄未嫁嘉靖中盜起鄰邑多被圍張數語女曰婦道惟節

是責值變有溺與中終聞讓曰婦言不祥無喪而悲者幾張曰使婦能此不祥祥莫大焉居無何政和陷張呼女曰者前誨子女笑領即入井張亦笑而入與化劉氏二女嘉靖四十一年被倭所掠繫路傍祠中倭飲酣過視所掠婦女得二女問之姊妹也倭先取姊姊厲聲曰我名家女肯污賊乎倭不解詢通事具以對倭知其不從然尚撫背作款曲女怒罵益甚時日暮倭方縱火女趣赴火死已復侵妹妹又大罵必脅之不動倭強犯之女乃令通事告曰吾固願從俟婦骨燼乃可否則不忍倭喜負薪蓋火火熾女又赴火死其年倭又掠松溪長潭松溪人江華妻葉氏葉之弟婦陳應娘俱為倭所執繫之一繩兩人各抱幼女帶繩赴潭水死同時有林壽妻范忠女者匿廖墩山塢亦為倭所得忠女誓死不從賊怒殺之及其幼女

幼溪身女夫其姓氏鄧茂七破沙縣匿草間為二賊所獲遇溪橋貞女曰攜我過橋者我從之賊爭趨挽至橋半貞女視溪流急奮兩手拽二賊並墜俱溺死賊又掠大田東岩寨民郭氏婦方有身為賊所驅婦抱幼兒投首尺巖巖兒俱碎亂石間胎及腸胃迸



出賊皆驚嘆曰真神婦瘞之而去

沈末妻會稽張氏妻潘氏末擢給事中未有子張自  
家置潘入京至通州會末以劾嚴嵩下獄張謂潘曰  
吾已矣汝年少且未見主人翁盡擇所便乎潘跪曰  
主抗節夫人苦志婢子獨非人乎因流涕沾膺誓以  
死守末在獄十八年張數伏闕乞哀願以身代末甘  
不報家故貧二人日夜力女紅給索饋久之末被宥  
遂同歸里末既繁久家益落張身執汲炊而令潘適  
寢隆慶初末卒竟無子

沈袞妻會稽胡氏袞父鍊見前傳初袞聘胡合卺有  
期矣而適父難二兄袞袞俱死總督楊順復移連袞  
及其兄襄繫萬全都司獄中欲置諸死酷虐萬狀會  
順被劾去得釋然袞自是遂病嘔血旬旬扶父喪歸  
服闋始婚胡年已二十七踰六月袞疾大作知不起  
獨心念胡胡知之曰君母以我為念向者吾父兄疑  
君疾意有遠巡我義不肯回脫有不幸所甘心矣袞  
遂卒胡哀哭不絕即同產非時不見也年五十一得  
疾家人將迎醫胡不許曰木心人手豈可令外人視  
哉不藥而卒

莆田蔡本澄妻戴滄婦十四適本澄居二年本澄以

世籍成遠來念隨隨歸少買妻以行戴父與約曰五  
年不歸吾女當嫁矣許之及期父語清如約清泣不  
從獨居十有五年本澄歸生一子未晬相繼亡殞父  
憐清無依潛受吳公瑞聘清聞之曰人呼我蔡婦何  
乃吳也請父絕婚公瑞訟之知府陳表判令守節旌  
曰寡婦清之門同郡歐茂仁妻胡氏亦以守節著內  
外重之或郡有疑獄人白太守可問胡寡婦太守以  
問婦報一言而決

邵氏邵方家婢也方丹陽人負氣任使自號樗朽子  
家僮數百指婢年十六七最勤謹方令視其子儀時  
大學士徐階高拱並家居方走告階曰公誠予哉三  
萬金再相可得也階不測拒之乃走告拱如告階拱  
如言予之方扶之入京師以通大瑞陳洪不數月拱  
召自是方益驕無何大學士張居正當國素惡方因  
授指巡撫張佳循令常州知府捕殺之并逮其子儀  
時儀甫三歲捕者閉儀及婢于室局而守之以待旦  
諸生沈應奎者方女夫也義烈士將往救儀會推官  
邀飲卜夜應奎恐逢且不救宴歸亟踰城馳五十里  
抵邵家夜過半矣門者倦而假寐應奎踰墻入及戶  
見婢方太息泣下得沈即來應奎倉卒前婢大



驚毒即以儀授之。推官首曰：邵祀在子矣。此子生，婢子死，無憾。應奎即匿儀去，而又疾馳五十里入晨。推官謝夜飲，過醉，旦日捕者失儀，榜掠婢，終不言。或告守曰：應奎匿之。推官大笑曰：嗟乎，竟我應奎夜飲，余晨又竭余也。會事寢，婢撫其子以老。

李氏，邵陽人。夫安尚起商河南，死。氏聞計，賣家產盡償夫債，且自置一棺及夫櫬，歸乃告其族黨曰：並瘞二棺，闔戶將繼鄰婦，欲留之。排闥曰：而夫尚負我，何遽死耶？氏乃啓戶曰：吾資盡，余何待！一日居，一日紉，雙履往曰：此足償矣，歸而縊。

安福王世昌妻易氏，分宜人。始嫁時，世昌病已篤，奄奄十餘月，易事之不少怠。世昌死，除喪，猶縞素，姑憐之，謂子尚處子，可終累乎？易跪曰：是何言哉！先君許我王氏，即終身王氏婦矣。自是獨處一樓者四十餘年，乃卒。

江夏歐陽金貞，歐陽格之女也。幼受孝經，列女傳，史畧，許聘羅欽，仰格之官。拓城欽，仰從馬，後格丁，艱歸。次儀真，欽仰墜江死，金貞年十四，驚又欲赴水，父母不許，又欲自縊，父母曰：汝未嫁，何得爾？金貞曰：女自分無活理，即不死，纏身稱未亡人，即剪髮，繫欽仰。

右侍以賒抵家，望羅，羅父母曰：婦以事姑，姑失子，何可并令無父也？願歸羅，以畢所事，父母從之。既有求姻者，父格作詩貽之曰：生來原有家，老去終無主，可憐重可憐，揮筆淚如雨。金貞得詩，大哭，及格補官，淳安陞，廣元令，而姑已病卒，金貞乃歸寧，又有諷之他適者曰：事姑畢矣，更何待？金貞曰：我昔賒羅，即時有一束髮，纏其手，誰能取髮還我，則易志矣，遂止。

蔣氏，松陽葉三妻。三貧，負薪為業，病篤，執茶手訣曰：及我生而嫁，茶遽梳洗，更衣，陰抽刀，告三曰：我嫁矣，刎頸，仆地死。

蔣氏，丹陽人。姜士進妻也。幼喜讀書，弟文止，方就外傳，每夜歸，輒令誦日所授書，悉能記憶。久之，能文，其父常比之李易安、朱淑真。氏輒擊，感曰：易安失節，淑真惜夫，何可此兒也？歸士進，數年，士進病瘵死，蔣屑金和酒飲之，并飲鹽，由其父數奔救，得免。不食者十三日，父復飲之，藥又不死，禮部尚書姜質士進從父也。知蔣嗜讀書，因多置古書于其後，所令輯魏晉以下諸女宗事，續劉向列女傳，蔣許諾。然家人併之，強一日，令于士進，總帳前，掘坎埋犬缸，貯水，令滿，笑謂家人曰：吾將種白蓮花于此，于是日輯書，其旁書將。



成思濡首缸中死所著續烈女傳及丈夫文四篇夢夫賦一篇傳于世

建寧楊玉英涉獵書史善吟咏年十八許適官時中既聘時中有非意之獄父母遂改受黃聘玉英聞之嗚其婢曰吾豈有佩囊布鞋諸物異日以遺官氏於是自經死目不瞑時中聞之往及以手掩之乃瞑定海倪氏郭諸生陳襄妻也襄卒婦無子而貧力作以養姑人慕其美遣媒白其姑婦煎湯自濟其面又以烟煤塗傷處遂成奇醜歷二十年姑卒即哀慟不食死

劉氏二貞女汝陽人父劉玉生七女家貧力田膏至壠上嘆曰生女不生男使吾扶犁不報其第四女第六女聞之惻然誓不嫁人著短衣代父耕作日以菽水承惟及父母卒二女即居為垣不離親側陸慶四年督學楊俊民知府史桂芳詣其舍請見二女年皆適六十矣

嚴氏高明人陸慶中賊掠其兄妹將亦兄氏跪泣曰父早喪母堅守惟此兄也殺之祀珍矣請以身代賊憫然為納必既而欲污之則曰釋吾兄吾從汝及兄去女抗不從賊怒割腹而死

陳伯妻黃氏江寧人年十八歸伯父死母他適氏苦諫不從一日母歸省女氏閉門不見母慙去後伯疾篤氏誓不獨生一日姑扶伯起坐氏熟視曰嗟予病至此乎吾無望矣之電下碎食器刺喉不殊以厨刀自刎而卒

郭恒妻楊氏澶閩衛人萬曆初恒客游湖南久不歸父議納他聘女不可斷髮以居築墻繞室穴以通飲食二十六年恒歸乃成禮

楊氏寧國縣人夫饒窮單衣溺死湖中楊招魂葬之誓不嫁保二子成立雖冬不衣袷萬曆初年八十竟單衣入宅旁池中坐以死

丁氏五河王序禮妻郭氏弟序壽妻萬曆間序壽客于外為賊所殺郭氏方孕生子閏月投繯死時丁氏適生女泣謂序禮曰叔不幸客死孀復殉棄孤不養責在君與妾也今妾初舉女後尚可生子孤亡則叔嗣斬矣且負郭心序禮然之遂棄女乳姪未幾序禮亦死氏無子撫姪成立王氏得延

尤氏崑山貢生鏞女嫁諸生趙一鳳夫死欲殉之念二孺子襁褓為饑食亡何二孺子復孺憫曰可以從我夫矣乃為夫營葬而少年有貌其色者私議之婦



聞而大吃手按自血亦漬以石灰日立枯葬一鳳畢  
即日置一棺卧其中三日死

既寧孫氏幼解經史字吳廷桂萬曆中廷桂死夜徒  
步往婿家挾納未雙金雀見舅姑拜畢坐柩側不離  
次期必死吳家故貧好事者助勞使市姜木孫郤之  
曰木美適夫非禮也以椁積米乃許之遂縊死書衣  
帶中云男無附尸女毋啓衣

方孝女莆田人父瀾官儀制郎中卒京師孝女年十  
四無兄弟與其叔扶柩南歸渡江舟覆柩浮風濤洶  
怒人莫能救孝女仰天大哭遂赴水經三日屍與柩

同泊南岸

鄭氏安陸趙銍妻性剛烈言動不涉非禮有饋茶餅  
者問之云琴也適人怒而誓命傾之銍戲曰勿嘗人  
爾夫幸不死耳鄭正色曰君奈何疑我後銍疾將死  
屢迴視鄭鄭曰君竟疑我乎自經于牀榻銍出淚而  
絕

李氏東鄉何璇妻璇客死李有色父迫之嫁以簪刺  
耳而死

吳氏潞州諸生盧清妻清父母歿于臨沼寄瘞旅次  
清復死于汴吳聞清死泣曰吾舅姑妻骨于北良人

項命于南天乎何茶毒至此即以幼孤托女兄而鬻  
次女為裝資先抵臨沼覓舅姑瘞處不得號泣中野  
忽一丈夫至則清先在臨沼所授徒也指示之收二  
骸又之汴負夫骨還三喪畢舉孝正劉崧言于知州  
馬暉為贖其女厚恤之

解氏女寧陵人年十四同母浣河濱母溺水女號泣  
自投水中俄其兄至涸而得之母良久方甦女已死  
手挽母衣弗釋兄哭撫之曰我來母已生矣手始解  
王枚舉妻彭氏安丘人未嫁夫歿誓不再適雖縣丁  
道平密囑其父欲娶之彭六日不食道平乃止心敬  
其節烈後聞彭疾革贈以棺彭語父曰急還丁氏棺  
地下欲見王枚舉也遂死



明史卷三百九十五

列女傳

列女下

倪氏歸安人許聘陳敏敏從征不返訖傳已死倪守志不嫁敏閨五十載而始歸成婚時倪年六十一敏年六十八矣

項愛姐秀水人項忠六世孫也少字吳江周應祁愛姐白哲如玉鬢髮委地既長解琴瑟通列女傳事大父母及母極孝身浣水調食侍女或曰此婢子事何以煩尊則曰爾曹當不如我我不為疲也萬曆四年愛姐年十九矣聞應祁病瘵即持齋日燃香禮佛願以身代一日謂乳媪曰未嫁而夫死奈何曰未成夫婦改字無害女正容曰昔人許一劍尚不忍負况身耶應祁卒大母慮愛姐有他故令其母鏡入視女與母坐意色甚平母釋然而去入夜諸婢皆寢愛姐獨起以素絲約髮場内外衣盡縞而紉其下裳大書于几曰告父母兒不得奉一日雖為周郎死矣又取平日所御琴鼓之終曲遂縊兩家父母哀其志為合葬李氏壽昌人年十三受翁應兆聘應兆暴亡女聞赴告舅姑請立嗣復乞一小樓設夫位坐卧于旁舅亡家落紡績以養姑未幾姑亦亡萬曆十七年隣人火

延燒首餘家近小樓隣婦勸之避李曰此正我投命時也抱夫木主侍焚須臾四面皆燼小樓獨存馬節婦平湖人適諸生劉明年劉死翁家貧利婦再適百計控之婦嘗閉門自經繫絕墜死矣或解之獲蘇翁陰納沈聘使其妻誘婦出令女奴抱持遇沈舟舟迅發氏投河不得乃疾呼天救我聲未絕風雨盡晦疾雷擊舟欲覆沈懼亟旋舟運之事聞于縣縣令氏假寓學舍官贖之以老王氏東莞人葉其瑞妻萬曆十四年大饑民鬻妻子無算瑞將鬻氏憐氏家貧成載其人俱來入門見氏羸甚其瑞泣語之故且示之金氏曰果爾君得自活吾行矣有身無憂無室善自愛即慨然登舟無悅色及發寶潭躍入潭中死舟人走報其瑞其瑞趨至哭數聲死忽躍出去所投處逆流上數十步吳進學妻劉氏吳進性妻楊氏俱博平人進學疫死既葬劉夜縊墓所未幾進性復疫死楊一恸幾絕姑讓嫁之楊曰吾何不如妣耶亦沐浴縊方氏金華軍士妻也軍士嗜酒敗家死殯城北濠上亦無依即殯處置棺寢處其中幾則飲于濠久之不復出或視之死矣郡守劉誰為封土祭之

譚氏南海方存業妻生子三月而存業亡悲號欲死  
母姑憐而止之及子七歲就塾喜曰今可遂吾志矣  
中夜縊死

李氏穎川衛人適陳州陳海夫死氏竭蹶事姑姑患  
痺嘗思蒲筍步出三十五里採于蓮池驟雨時行至  
氏所而止

吳江妻餘姚李氏女勇與夫俱染疫死家貧李紡績  
養姑及幼子有黃某者謀娶之賄夫族使餽其姑佯  
稱李母暴病肩輿迎李既及門非父家也姑亦至布  
几席使成禮李曰所以不嫁者為姑老也姑許復何

言然妾自夫歿未嘗解帶今願一洗沐又聞聘財幾  
何姑以實告曰亟懷之去姑在我珠報報也張喜從  
其姑行即其湯入浴久不出闔戶視之縊矣

錢塘劉烈女少字吳生嘉鍊年十九鄰有富兒張向  
官屢窺之一夕緣梯入女呼父母共執之俟旦訟官  
張之姪倡劉女賈紹阿官脅取財物人多信之女泣  
告父母曰賊污我名我當訴帝求直矣即自縊盛暑  
待驗暴日下無屍氣嘉鍊往哭女目忽開流血淚數  
行訟師丁二方為阿官畫策女憑于二曰若以筆汚  
我我先殺汝二立死時江濤震吼岸崩數十丈皆謂

女死所致官遂殺阿官及其姪

張輝雲蒲城人許字俞檜萬曆中檜被誣繫獄女謀  
諸母欲以妝奩佐獄中費母不可曰汝未嫁安用為  
謀女意志方食以碗擲地不復語入暮縊死

謝玉華番禺人適同邑曹世興世興為羊城塾師甫  
婚即往館所無何歸病死婦誓不改適族人議分祭  
田以贖之或以婦年少恐難終守俟葬畢令歸母家  
以告婦婦佯諾及期別諸妯徐入室閉戶自刎家人  
亟穴板入則流血滿衣尚未殊見人至亟以左手從  
劍處探喉出右手引刀割之遂絕

桐城張氏夫死無子張經于床母救之奮身起引斧  
斫左臂家人奪斧抑而坐之辱門張贖悶不語家人  
稍退張遽出投于寒冰冰堅以首觸竅而入遂死  
須氏吳縣人少有姿里中黠之會夫死一市爭娶焉  
氏泣曰人利我夫死而妻我不猶殺吾夫耶市兒聚  
謀將擄之氏驚奔母母懼不敢留送于姑姑懼如母  
投婦婦益不敢納泣而歸自經死  
江氏蒙城販人妻也夫死不能殮隣諸生合錢助棺  
次日為移葬率眾至其家聞然無聲氏已經死矣趨  
視甕旁飲食畢具蓋以待昇棺者



劉大緒妻金氏通渭人年十六適後後病風痺食杖  
之浴于溫泉遇暴風雨山水發後不能動令金急走  
金疏泣不舍與夫偕溺死屍流數十里而出乎猶挽  
不釋云

潘氏華慶諸生程銜妻華慶訓導陳紀召素善銜及  
遷文易教諭以白金二百寄銜久之紀召銜符死或  
曰金可有也潘曰利人之有不義敗夫之名不仁及  
紀召于至還之封識如故後有長治郝雍波妻孔氏  
亦還雍友所寄數百金粵人黎遂球作節婦遂金詩  
並錄程郝二婦先是正德中有漢陰婦常氏者如空  
園得客遺金翼日還之客感其義事常如母卒守以  
為難

許氏松江人夫嚴飲博無賴萬曆中僻居西湖莊貧  
日甚諸博飲為嚴謀曰而婦艾曷不令倚門可以得  
長物嚴從之告婦婦叱之一日諸博徒携壺至至婦  
走隣鄰家泣撫懷中女曰而父不才吾安能醜顏俟  
汝長大乎少間闔戶嫗現之刎頸什地矣

徐領姑宣城人少字施之濬年十五美而黠時祭酒  
湯賓尹家居橫甚其從叔一恭恃勢強聘為女父不  
許賓尹大言曰我不奪必女為叔配非夫也屬所司

攝女令斷歸一恭先遣奴賤之濬及媒約于郡門以  
脇女是時領姑被攝方次城東旅舍聞之懼不免夜  
投池中死出其屍顏色如生衣上下俱縫紉觀者歎  
息泣下莫不嗟賓尹衆欲舁領姑棺置睢陽廟廟祝  
不可解之神三卜皆吉于是衆大譴曰睢陽忠臣領  
姑烈女故當見許也遂昇至廟左廡郡守張德明為  
立祠城東而邑人刑部尚書徐元恭以同姓主喪平  
者雲集賓尹為之氣奪

臨武李中姑桂廷風妻也萬曆四十二年姑鄰氏疾  
疾垂斃李憂悼聞有人言乳肉可療者因焚香禱電  
神旬刻一乳即吞仆于地廷風呼藥不至出視見之  
大驚呼救駭傾城市莫知療者俄有僧踵門曰以室  
中靳艾傳之可愈如其言果甦僧不復見

侯官林萊姐恭政林舜道女許都御史長樂陳者于  
長源既納幣長源卒萊姐請于父欲赴陳執喪父為  
違于繼陳父答曰以凶歸而不忍以好歸疇與主之  
盡侯喪除萊姐大悲吃曰是欲緩我奪我志也遂不  
食死

呂氏雲夢諸生閔陳諫之妻也事舅姑以孝謹聞崇  
禎初陳諫叔閔坤妻安氏以殉夫死呂每嘆曰婦義

當如是矣未幾楚冠起雲臺望風潰竄呂謂其夫曰  
虐焰方張其終能免乎吾殆從方氏姑地下矣取魚  
網結通體甚固俄而冠至俘之俾縫衣呂投剪破賊  
而罵曰賊敢辱我鍼繭乎賊怒磔之投于水  
崔氏斷河王錫田繼室也崇禎二年賊破城氏與眾  
訣曰義不受辱但幼女呱呱未免遺恨耳涕泣乳其  
女既飽將縊為家人所持有頃兵及門眾俱奔散氏  
倉皇繫索門樞縊于戶後恐兵見其貌也

鎮撫劉光燦妻李氏高陵人夫沒氏寡居四十九年  
崇禎四年城陷年七十九矣其家掖之走不可曰未  
七人棄先君室當何往語未已賊露刃入氏即取力  
自刺流血淋漓賊狀其烈予飲食怒不受以梳擊賊  
罵曰吾國家命婦忍死四十九年今噉賊食耶遂遇  
害

柴氏夏縣孫貞妻崇禎四年夫婦避寇入山寇搜山  
見氏縊之遂執其手氏嚙其手肉棄之曰賊污吾手  
又拔其肱復嚙其肱肉而棄之曰賊污吾肱冠曰置  
之氏愈罵不絕寇怒反殺之

潁州諸生張雲鵬妻董氏董聞之女雲鵬病氏禱天  
請代割臂為藥食雲鵬已雲鵬病漸平氏約以三日

殉雲鵬投紅悅為訣氏號泣受之越三日結悅就縊  
侍婢救之恨曰何物奴令我負三日約自是水漿不  
入口至七日頓足曰違矣即得無疑我局戶縊死  
王氏懷寧諸生蔡用賓妻涉書史善詩十六歸蔡不  
數年而賓卒誓不他適苦節六十年會家被火用賓  
棺尚在王號呼求出之無應者或勸之避曰未亡人  
無夜出理且我以貧故不能葬夫令夫殯我安得不  
共之遂焚死時年八十四

楊氏清苑劉壽昌妻年十九夫卒誓殉以姑病無依  
未及死母家來迎卒不歸聞三十年姑卒既葬號于  
夫墓曰妾今日相從矣遂絕粒家人問遺言曰姑喪  
繪以布素

林興岐妻張氏臨清人興岐亡張欲縊舅姑慰之曰  
爾死如孤何氏以衣物倩乳媪育其子三月知子已  
安媪遂不食死

浦延瀾妻王氏蓬萊人年二十守節崇禎五年李九  
成等叛城陷其叔至氏家問所向曰吾豈向患難中  
求活遂縊

鄆陽宋氏諸生陳丹餘妻崇禎六年賊至被掠并執  
其女迫之入空屋屋前有古槐母女抱槐泣曰吾母



予死旬日下哀世受汚暗室中予大罵不行俱被害  
李氏陳氏霍丘令黃日芳二妻也崇禎八年正月流  
賊圍霍丘日芳方賈計薄入郡二人相謂曰主君未  
還城必不守我兩人一死謝主君耳密線縫内外衣  
甚固藏陷相携赴藏天澗死越三日日芳至號哭澗  
側兩屍應聲浮出其二月別賊破蘄水諸生何之旦  
妻李氏被執逼之去不從賊怒斷其頸婢何未抱李  
幼女守哭不去賊奪其女阿來伏地以身庇之賊刺  
數十創婢女俱死見者無責賊皆賞涕

和州萬氏儒士姚守中妻來州知府萬慶女孫也生  
六子崇禎八年城將陷恸哭嬌姑前因命諸婦曰我  
等女子也當為夫死節厲諸子曰汝等男子當各散  
存宗祀何注為長子承舜泣曰兒讀書知忠孝願為  
厲鬼殺賊何忍母獨死遂負母投塘諸婦女孫相隨  
死者十數人賊去求屍共聚塘坳無一相離者是時  
又有用賓妻尹氏王用賢妻杜氏王用聘妻魯氏  
王用極妻戴氏劉臺妻王氏皆于城破時拔劍以茅  
自刎巡江御史趙祠曰五烈又有幼女者夫其姓氏  
匿明倫堂後遇賊牽之伏地不行賊曳其足大罵賊  
怒走解之并州之烈也

史茂妻谷氏崇禎中茂贅于谷父行教家數日隣人  
宋思傲責于行教見谷氏美繆言前責實聘物訟之  
官時知縣馬從龍新蒞事專聽斷獄始鞠思慄知  
其誣杖而遣之及谷下階茂前扶之谷年少慙于隸  
人推讓使速從龍望見以為意不屬茂也立呼還改  
獄新歸思思立擁谷去谷母隨至思舍谷呼號求以  
斷髮為母道茂乘間縊死從龍聞之大驚捕思思已  
遁茂感妻義終身不娶

賢黃知縣宋德成妻姜氏臨清人隨夫之任值寇入  
署姜投井賊出之逼令食姜罵曰待官兵擒汝醢汝  
脯汝吾當食汝肉以誓剔一曰示賊曰吾廢人也速  
殺為幸賊怒殺之

桐城王氏高文學之妻崇禎中文學早喪父道莫來  
予王哭之哀父曰無過哀事有三等在汝自為耳王  
輟哭曰何謂父曰上死節次守節三則恒人耳王絕  
粒七日而逝

石氏石守仁女年十七隨父寓五河崇禎十年流寇  
突至執女將汚之女抱樹厲聲罵賊數人牽之不解  
斫其兩手為如初又斫其足罵愈不絕既仆地賊就  
視其衣女口嚙賊指斫其三舍血升許責賊而乃死

賊積薪焚之其後所焚地血痕炳然兩則燥場則濕  
村人掘之土皆深赤色三尺許始盡

通判趙士寬妻崔氏平度人隨夫官潁州圍賊陷城  
士寬赴井死氏携二女登樓自焚

陳氏海感諸生唐烈妻崇禎十年從夫避難賊突至  
夫子奔散陳獨行山谷間山岩人識之曰非唐氏姬  
乎事迫矣亟入岩陳問吾夫至乎曰未也又問吾子  
至乎曰未也陳泣曰我筑筑一婦人夫存亡未可知  
依人以生不義棄夫之難不忠失志與義何以為人  
乎不入少選賊大至見殺

隨州馮氏諸生梁凝禧妻崇禎十年八月賊至乘舡  
而逃至西河賊追之急登岸奔魏家峇木達賊已近  
氏謂凝禧曰君無子有老母可速逃請朝于此地尋  
我凝禧遂逃次早果得氏屍于別處

潁州劉梅女許聘李之本未娶之本沒女泣告父曰  
兒當歸李部以念吾弟幼且持三年服以待弟之長  
也然後殉遂盡却鉛粉親教弟讀書越一年梅潛以  
許田氏期重陽納米女聞之夜開篋取李幣挑灯製  
衣衣之而縊知府謝詔為臨其喪觀者如市其日田  
氏亦未祭方縣承灌瓦盆剝然碎躍起丈餘遠擗墜

如蝶莫不震駭

廣濟唐氏潘龍躍妻龍躍携妻子避寇靈果山崇禎  
十二年賊突至盡執之刃脅龍躍金帛唐氏跪泣乞  
代夫賊不許女翼大亦跪泣乞代夫不許唐氏遂  
投于穢女從之賊愴甚意動釋龍躍

惠道易妻白女清澗人夫亡氏方有娠欲殉以人諭  
之曰胡不待舉子以延夫嗣氏泣曰非不念良人無  
後但心痛不能待耳七日不食而死

霍思妻劉氏深州人憲制劉俊之女思為上蔡知縣  
河南賊方熾思濟濠築城期以守預與劉訣劉泣  
曰脫賊妾當同死因築臺官解令登望牌晚及城破  
思殉節劉望見賊入即下臺縊未絕拔簪刺心而死  
莊氏棲霞知縣周彥敬妻也亂起鄉男女竄入穴莊  
氏難之曰無別彥敬強之曰不入且及莊曰我難無  
禮不難死引刀自裁彥敬終身不復娶

張鐸妻于氏汝州人崇禎十四年流賊破城入其宅  
氏謂兩婢曰等死耳苟殺賊而死猶不失為義烈婦  
奮杖前擊踏賊三人賊怒并至遂遇害

盧氏潁州王翰妻崇禎十四年夫志疫氏語夫曰願  
從死聞者莫信夫死氏乃親成錢以瘞曰我當死但



方暑無衣棺忍再累親戚逢之秋成耳聞者大咤之  
及秋氏盡糶田間穀具衣余餘市酒蔬祀夫墓歸又  
市梨數十進姑及妯娌語人曰今可死矣夜半自縊  
張一桂妻邵氏鄒縣人與妻李氏偕避亂遇賊賊欲  
劫李行邵罵曰亡夫以妻托我豈受賊辱乎賊怒殺  
之李給賊曰我琴珥埋井旁取之然後從汝賊聽之  
至則投井賊亦入井援之李被髮極罵卒賊衣欲令  
并死賊不能張拔刀刺李而起

仲節女湖州人隨父賈于楚漢陽陷賊執仲具馬扶  
之上仲不肯往賊曰身往何如頭往仲笑曰頭也遂  
斷其頭

宗循芳妻江氏魯山人崇禎十五年流賊之亂與長  
男進士麟祥妻袁氏率孫女孫婦九人登樓俱令先  
縊乃引刀自刎

熊氏贛州知府李周華妻蓋臣妻也隨夫之父任中道  
遇張獻忠陷武昌匿林中為賊所得氏奪賊刀自刎  
賊舍之去隣姬見其未殊救活之未一年李自成東  
奔氏隻身竄山谷會蓋臣未尋婦復為賊所殺氏聞  
哀慟三日曰我夫為我而死我獨生耶遂縊死  
大興張氏進崇禎以樟妻也隨任商丘值李自成攻

城張置薪樓下集婢女樓上令俱縊而屬其子樊于  
乳媪曰父命不可知宗祀惟此子是賴令往匿民家  
遂縊家人舉火燼焉

長治郭氏宋體道妻崇禎十五年遇任國琦之亂同  
居婦恚露體羅跪郭匿不出賊搜得之復不肯跪賊  
怒詰之郭瞪目曰跪亦死不跪亦死何跪焉白刃交  
下大罵不絕

劉氏府尹顏素家孫婦也崇禎十五年其夫往南京  
亂兵夜掠江市劉孑身出避見男婦雜走慨然曰婦  
人非保姆不出吾敢亂奔乎遂投江死

朱氏無為人徐華璋妻華璋有妹名京未笄崇禎十  
五年流寇破城朱氏方孕趨入井謂京曰吾腹大井  
口狹可推而納之京曰唯納華茂呼曰吾父母安在  
乎吾伴嫂死方躍入

金一龍妻黃氏餘姚人一龍早夭黃截指自誓立從  
子為嗣與姑相依崇禎十五年奸民熊廿六欲妻之  
母家利其財給黃歸送于熊黃請括所有以償聘金  
不許因引刀自刎未絕其姑聞之亟來視黃曰吾未  
即死者欲見姑耳今復何求遂探喉以絕有司為珠  
熊廿六焉

胡氏諸城人年十七歸諸生李敬中崇禎十五年秋  
中沒胡氏哭甚哀比三日既整遂不哭家人咸怪之  
胡從容盥櫛出拜舅姑告曰新婦不幸失所天無子  
將從死者地下不得復事舅姑幸強飯自愛他日叔  
有子為七人立嗣歲時奠麥飯足矣其姑泣曰吾何  
忍哉新婦奈何舍我其母管亦泣曰吾何忍哉女奈  
何舍我交止之胡泣對母曰女豈不念母顧為人婦  
義不得顧私復顧姑曰姑有小叔未寂寞也兒決矣乃  
焚香告樞起命家人曰洗令母近男子遂入室自經  
母與姑搥門痛哭不顧而死同時有博平高氏夫死  
將殉執姑手泣曰婦不能事舅姑反以孤孫為累然  
婦從夫正也幸勿過傷遂縊死  
胡敬妻姚氏劉應景妻丘氏高文煥妻乾氏並孝感  
人崇禎十六年李自成分兵下孝感姚乘舟避難南  
湖泣不已或曰賊不殺人姚曰我畏其不殺也明日  
聞賊舟將入湖遽携二婢投水丘為賊所執不從賊  
以油漬衣語同類曰此婦強將蕪之丘哂曰若  
謂溺死焚死與刃死有異乎官兵至若求如我得哉  
賊怒遂蕪丘乾年十九守節垂四十載矣及亂從子  
壽請避小岩乾曰吾老矣豈可復出此門投後園池

死是時孝感人張挺然者受賊偽命為掌族其妻黃  
氏泣止之不聽黃携十歲兒匿青山岩挺然百計招  
之終不去挺然寄其子金簪黃怒投之曰何為以賊  
物污髮無何賊敗挺然走死襄陽黃卒撫其子以老  
賴南怒妻蕭氏萬安人南叔早死無子遺一女時寇  
亂蕭築隱室夜則携女與俱一夕盜突至母女抽刃  
擁門誓曰寧化魯氏婦立若殺賊我刃豈不利耶賊  
怒焚之母女皆燼

何氏臨武諸生廩抱義妻也崇禎十六年何為賊所  
執絀以病疫賊懼而釋之及賊退家人為何稱善何  
泣曰匿身不同歎以面目對賊雖幸免污辱如墜廁  
之人終有穢臭奈何卷耶恣恣不食死

深澤王氏孝廉采愈亨妻崇禎十七年兵變愈亨投  
井氏偕子婦韓氏相率而縊

邵氏曲周李純盛妻崇禎十六年姑姊妹姪俱避  
亂洞中邵為兵所得問洞所在邵給之先行至井旁  
投井死洞中人俱獲免

貢士張國綏妻楊氏安定人崇禎十六年冬賊黨賀  
錦攻安定綏與同知劉躍龍議丁壯禦賊女子運石  
以濟楊與劉妻為倡民間婦從之共運石須臾四城



皆滿及城陷場死難樓旁家人獲屍兩手猶抱石不脫

雷氏同州諸生劉長庚妻也賊陷潼關將及州長庚傷衣中拜家廟誓殉國難召雷及所生女曰汝年少當從吾死對曰妻之志也日暮長庚携甕酒佩刀與雷及其女登樓縱飲長庚且飲且歌雷取壁上箏彈而和之意氣自若夜半長庚拔刀視雷曰可以行乎雷曰妾請死取刀自刎長庚解所繫絛縊于梁女方七歲橫刀于壁以頸就刺而死

安福王筠妻劉氏知府鐸女也鐸事見前傳氏自幼穎敏能書又工擘劍年十四歸筠筠死撫姑文度以居佩刀不離寢所北京陷劉聞之憤憤破產募義兵勤王時有指將張者淫虐移檄責餉劉挺身詣棘門張作色待之劉按所佩刀大言曰君索我金帛乎吾囊索盡輸朝廷矣君欲圖不執乎有斬頭寡婦在張色沮不敢逼

宛平王氏劉應龍妻年十六歸應龍應龍亡氏事姑撫子守節二十年流寇入都泣拜姑曰有長孫事吾母婦死已決携幼子沈于井

穎州于氏鄧任妻任家素貧抱病六閱月氏供醫藥

費罄珥指盡及疾篤惟存聘簪二枝氏以一給任髮以一自給抱任頸哽咽曰妻必不負君且令噬指為信夫沒三日履又有緇川成象妻王氏夫死不食而卒

睢州諸生湯祖契妻趙氏故名冢女知書有志節崇禎十五年流賊破太康抵睢州既破氏即自縊及投井皆為家人所救氏復誓曰不死非烈也死不以時非義也賊入其家將牽氏去氏厲聲呵曰若曹悖逆至此行當伏天誅矣尚敢脅我奮罵不絕賊怒遂遇害

皇清順治中詔旌其門

陶女孫士毅妻謝氏吳昌祚妻並當塗人時北京淪陷諸鎮駐江上亂兵大掠黃得功兵掠當塗見陶有珠色縛而脅之陶曰義不以身辱兵怒磔之并殺其母復得謝于苜田謝抱樹大罵又磔之昌祚終身不再娶劉良佐兵掠和州攻朝陽洞諸生張侶顏妻王氏方匿洞中見事急以子屬母即挺身跳崖夫體皆碎高傑兵掠儀真執李鐵匠妻田氏驅之上馬至小橋下馬田給兵牽衣以渡臨中流曳兵赴水並溺死左良玉兵掠樊口擄一女抱置馬上女嚙兵手齒入

骨其黨殺女兵亦立斃明年歲己酉宿松城潰諸生  
吳之瑞妻張氏擲石死懷寧城潰諸生韓鼎偕妻劉  
氏守芳姑柩不恐去兵掠其女劉日女使投池旋亦  
被殺江都城潰諸生程煜節妹程娥姐未字與孀母  
劉俱縊劉妯娒鄒胡亦同死女祖母之適林者姑之  
適李者俱投井死號曰程氏六節史著馨妻張氏撫  
孤子而泣曰嚮也撫孤為難今也全節為大自沈于  
水諸生曹復彬妻楊氏長女箬文次女箬紅為三縷  
次第就縊孫道升縊室曰蘭氏年五十四矣再縊乃  
絕其弟之婦曰王氏曰古氏其女曰四曰七曰存其  
女孫曰吳王之媳曰丁氏其從孫之妻曰董氏董之  
婢有祖母曰陳氏寄居于孫先後皆死張廷銓妻薛  
氏聞城陷縊廷銓之妹曰五被掠不從見殺桐城錢  
永銓妻方氏從夫避寇亂寓南京已又避入三吳  
方見世亂懼不免嘗作詩有願作吳江一段波之句  
其年八月遇亂兵抱女赴水死嘉定破則黃道弘妻  
母女三人同入于井將入時其長女曰母先必念二  
女不如先之媿妹亟入而後其母縊之松江破則諸  
生楊毓藻妻陸氏陳復舒妻楊氏俱以避亂被掠赴  
水死丹陽于氏適荆溱溱父大澈被兵所襲死于謂

溱曰請殺妾母為亂兵所污溱慟哭從之又明年歲  
丙戌方國安潰兵掠江浙淳安方希文避地西坑偶  
他出其妻項淑美獨居亂兵突至縱火其婢挽淑美  
衣欲與俱出淑美正色曰死于兵與死于火等耳死  
火不慮亟令殺幼子逸而自取希文所藏書堆左右  
高與身等坐其中遂燔死賊退希文歸見書燼成堆  
呼妻一慟灰立散得淑美骨是時廣東西尚堅守不  
下嘉魚熊開元避地舟次程鄉蒿口值大兵已至夫  
岸而陣其妻徐謂開元曰當使公見妾死急出船赴  
水某日得其屍衣履皆家縫云自馬阮亂政宗社覆  
亡其間兵燹所及深巖窮谷貞女烈婦視死如歸者  
奚可勝道嗚呼泯滅不傳多矣  
論曰臣不二君女不二夫此天地間達道也不幸身  
遭危難惟生死以之耳更復何說乎世衰道微衣冠  
七尺尚昧昧於此何況裙釵中憫之子耶然而荒陬  
愚婦陋巷小姬往往率其天真孤懷獨矢絕非一切  
境遇所能奪是豈作而為之者哉顧捐生抗節亦匪  
細故矣當其湯火在前從容赴蹈冰霜凜厲哀動鬼  
神讀柏舟黃鵠之歌不禁淒然泣下矣而頑鈍無耻  
者曾莫知循者以自感憤抑獨何哉抑獨何哉



明文卷三百九十六

隱逸傳

石隱非義也長沮桀溺與耦木頑石何以異故曰疾固也然肥遯無不利聖人不更許之乎上九不事王侯高尚其事後有作者亦且聞風而起矣

張介福字子祺自懷慶徙家吳中少受學於許衡制行不苟自以二親早終無仕進意家貧冬不能具夾襦或遺以紵絮不受雖纖介必以禮至死不移張士誠入吳有卒犯其家危坐不為起命導之他所發其藏不應以刀斫其面傷仆地醒復取冠戴之坐自若卒怪以為畫乃見異物驚走去又恐或發其墓往廬焉士誠聞而欲致之不可使其弟往問語以無樂亂無貪天福無忘國家饋之力辭病且死謂其友曰吾志慕古人未能萬一惟無汚于時庶幾哉遂卒

徐舫字方舟桐廬人幼輕俠好擊劍走馬蹴鞠既而悔之學為科舉業又曰此如蠹書蟬老死故紙中豈有窮期棄去學為歌詩睦故多詩人唐有皇甫湜方干徐凝李頴施肩吾宋有高師魯滕元秀世號睦州詩冰舫悉取而步驟之既乃出遊四方交其名士詩益工行省叅政蘓天爵聞其賢將薦之舫笑曰吾詩人耳可羈以章絃哉竟避去築室江皋日苦吟于雲

烟出沒間脩然若與世隔因自號滄江散人宋濂劉基葉琛章溢之赴召也舟溯桐江忽有人黃冠鹿裘立江上招基而笑且以語侵之基望見急延入舟中琛溢競來謹謹各取冠服服之欲載上黟川其人覺之乃止濂初未相識以問基基曰此桐廬徐方舟也濂故知其名因起共歡醪酌酒而別舫詩有瑤林滄江二集年六十八以丙午春卒于家

倪瓚字元鎮無錫人也家雄于貨瓚強學敦行工詩善書畫性好客四方名士日至其門所居有閤曰清閔幽迥絕塵藏書數千卷皆手自勘定古鼎法書名琴奇畫陳列左右四時卉木縈紆繚繞而其外高木修篁蔚然深秀故自號雲林居士時與客觴咏其中為人有潔癖盥濯不離手偶俗客造其廬客去必為洗滌其處四方求縑素者踵至瓚亦時應之至正初海內無事忽散其貲分給親故時人咸怪之未幾兵興富家悉被禍而瓚扁舟箬笠往來震澤三泖間獨不罹其患張士誠聞其名累欲鉤致之逃漁舟以死其弟士信致幣乞畫瓚又斥去士信恚他日從賓客遊湖上聞異香出葭葦間疑為瓚也物色漁舟中果得之扶之幾斃瓚終無一言及吳平瓚年老矣益屏



慮釋累黃冠野服混迹編氓以洪武七年卒年七十

四

楊恒字本初諸暨人幼姿性絕倫外族方氏建義塾聘名師館四方遊學士恒往受諸經輒領其旨要發為文章峻潔可喜遂有聲郡邑間浦江鄭氏者義門也延為子弟師晨夕誨以道義語必稱引古人諸生亦馴習其教閱十年退居白鹿山戴後冠披羊裘帶經耕煙雨間嘯歌自樂因自號白鹿生太祖既下浙東命樂鳳來知州事鳳請為州學師恒固讓不起鳳乃令州中子弟即其家問道政有缺失輒貽書咨訪恒告以利病裨益為多後唐鐸知紹興欲辟起之復固辭宋濂之為學士也擬薦為國子師聞不受州郡辟命乃已恒性醇篤與人語出肺腑肝相示事稍乖名義輒峻言指斥家無儋石而臨財甚介故鄉人教子者率指恒為指法焉同時有陳泗者義烏人幼治經長通百家言文章喜馳騁初欲以功名顯既而嘆曰人生百歲能幾時所難遂者適意耳他尚何恤哉乃戴青霞冠披白鹿裘不復與塵事接所居近大溪多修竹自號竹溪逸民常乘小艇吹短簫蕩槩空明中吹已叩舷而歌悠然自適人之見之者真以為世外

人也學士宋濂為傳其事

吳海字朝宗閩縣人也元季以學行稱值四方盜起絕意仕進深自韜晦洪武初守臣欲薦諸朝力辭免既而徵詣史局復遺書所知力辭嘗言揚墨釋老聖道之賊管商申韓治道之賊裨官野乘正史之賊走詞艷說文章之賊上之人且勅通經大臣會諸儒定其品目頌之天下民間非此不得輒藏坊市不得輒鬻如是數年學者生長不涉異聞其于養德育才豈曰小補因著書一編曰書福以發明之與永福王翰善翰嘗仕元數勤之死後翰果自裁海教養其子偁卒底成立平居虛懷樂善有規過者輒欣然立改因頌其延賓之所曰聞過為文嚴整典雅一歸諸理後學咸宗仰之有聞過齋集行世同時陳亮字景明長樂人博學善詩文明興洪永間累詔有司徵遺佚或推轂亮亮曰昔唐堯在上下有箕穎吾投跡明時遊戲泉石于願足矣安敢望任作請陳搏傳詩見志結草屋滄洲中與名士王恭高揀輩為詩友日相過從或往還三山為九老社以此自終

王賓字仲光長洲人也淹通經籍善醫然不肯為富貴人療治里巷及方外士招之輒携藥往赴明太祖



法網峻急仕者多不保首領負貌故俊乃佯狂以藥點其面及上下肘股皆成瘡痛鬢兩角短衣芒屨策杖行里井間或箕踞道旁露體爬癢時人見而惡之薦紳知其賢亦莫敢引薦賓殊自得也終身不娶奉母至孝知府姚善賢而造之賓隔門語曰勿驚老母遂踰墻逸去他日善却騎從獨往始一接焉據坐受拜若師弟子然善欲薦之終不敢發言年七十疾革抱母不釋已死復蘇連呼其母乃絕奠後室中夜半聞呼母聲母曰我在此答曰兒捨母不得如是數聲母慟哭久之始息孫時勉亦以醫名時勉子毅祥自有傳

韓奕字公望吳縣人為人端雅貞靜雖居市廛若處岩壑嗜讀書無所不覽少有日晡筮卦得蒙知疾不可療遂扁其室曰蒙齋絕意仕進與王賓友善偕隱于醫建文中姚善未知蘇州折節下士聞奕名特詰之奕不與見于中門布簾內自言不在善乃去一日伺奕在掩入其室奕急避之楞伽山善隨至則已泛小舟入太湖矣善嘆曰韓先生所謂名可得聞身不可得見也吳中高士以奕與賓為稱首云同時王履字安道崑山人篤志問學善詩文兼工繪事學醫于

金華朱彥修盡傳其術著醫書畧百卷多前人所未發洪武十六年秋往遊華山作圖四十幅記四篇詩一百五十首說者謂自有華山以來遊而能盡畫而能記記而能詩者履一人而已隱居不仕以壽終唐豫字用之廣東順德人也父奎洪武初舉經明行修為增城教諭遭寇難不屈死豫少從孫資學善詩文傷父非命作蓼莪亭志痛與同邑周祖生周祖念劉子羽劉子高何淮友號平步六逸皆德行醇謹衣冠嚴偉為人所欽嘗相與作鄉約十條諸修身理家奉公睦隣之道畢脩鄉人皆信而行之豫子璧亦有文行母替不能自食壁晨夕飲食之動遵禮法盛暑未嘗去衣冠教里黨子弟必令端立正坐出入中規然後授以句讀或以為迂壁曰文藝末也不叔放心何以受教一時薦紳欲薦之以母老無兄弟為辭參議陳贊待以賓禮及改太常執手別曰君吾三益也虞原璩字叔固温州瑞安人也博涉經史成祖朝以善書薦與修永樂大典書成將授官以母老辭歸宣德時知府何文淵時乘小艇訪之相與辨難書史商榷時事各極權而罷一夕文淵忽至坐語久之不覺夜半村落無從覓酒文淵笑曰醴可代也乃出新醴



佐以蔬韭對酌劇論時人謂之醋交同邑李德基亦以善書應薦母老辭歸文淵亦禮敬之粟飯藜羹未嘗不飽時語人曰吾守溫州于瑞安得二隱君子焉賀確字存誠其先隴西人明初徙明州再遷南京行古而醇學博而粹少事舉業試有司一不利即棄去曰是不足以盡吾學也遂肆力于古自六經子史至天文地理醫卜之書無不殫究為文辭有古氣視一切世事無足當其意者于勢位名利漠如也與薦紳為古道交自視恒歛然而能忘人之勢或語及古今成敗人物賢否政治得失則援古證今纒纒不倦學士周叙以其有史才薦修遼金宋三史力辭不就卒年九十三有友菊詩集八卷

杜瓊字用嘉吳縣人生而孤育于母稍長俾從同邑陳繼學能自刻厲遂博綜古今兼工書畫為文章醇實不浮事母至孝有司欲以上聞瓊辭之而請旌其母母遂獲旌嘗封股愈母疾秘不令人知知府况鍾稔其賢兩薦之固辭不出宣德景泰間朝廷屢下求賢詔所司輒擬薦瓊知不可奪益禮重焉晚得宋朱長文樂園吟嘯其中容非故人弗得通嘗戴鹿皮冠携方竹杖出遊朋舊間道遙移日歸而菜羹糲飯怡

怡如也自號鹿冠老人學者稱為東原先生卒年七十九會葬者千餘人門人私謚曰淵孝子敕舉進士官御史

邢量字用理長洲人隱居葑門以下筮自給日作一二卦即閉肆不與人接性狷介終身不娶與人無將迎足跡不出里門不畜奴婢敗屋三間青苔滿壁折錫蔽席蕭然如野僧長日或不舉火客至相與清談而已其學自經史外凡釋老方技之說無所不通卧榻之側書卷狼籍文章簡古亦不苟作僉事陳祚致政歸嚴峻不交一客惟挾冊就量質疑吳寬以侍郎旋里柱叩其門量曰吾方執爨未有童子應門奈何寬乃假隣家小机坐門外俟其終食乃進有郡守索觀其詩量曰古有采詩無獻詩吾豈以為羔雁哉因削其外門人朱存理僅得其數篇其後有邢參者字麗文或云量族孫也亦高隱不求仕進為人湛默好讀書教授里中徐禎卿祝允明輩咸與交家貧無以資朝夕晏如也早歲喪妻遂不復娶獨居自遠嘗遇雪數日不能炊有故人訪之方兀坐苦吟口不言饑第誦所得句自喜後遇淮雨復往視則屋之三角已墊方怡然執書坐其一角不墊處亦累日矣禎卿評



其有四懿稱爲有道君子云量同邑沈誠字希明生稍後隱操亦高雖居通衢隣人莫識其面朝士有欲見之者因謝不納誠記誦淹博問無不知而著述非所長故鮮傳道之者

陳海雍清江人潛心古學迨世無悶自號龍潭老人推爲崇仁吳與弼所知陳獻章受業于與弼問易義與弼曰過清江可叩龍潭老人獻章如其言往謁海雍方策笠耕田雨中乃延至家對榻信宿辨析疑義獻章嘆服而去海雍語其子曰吳先生非愛我者劉英字邦彥錢塘人少受學于夏時正臨川聶大年爲杭州教授見英奇之引爲忘年友景泰中郡邑交辟以母老固辭築室于甘泉多修竹榜其室曰竹更號賓山卒于弘治元年年七十二新安程敏政稱其孝友似黃山谷高蹈似魏清逸曠達似揚鐵崖爲志其墓同時張淵字子靜歸安人本農家子家無一書年十四已抗顏爲童子師間出歌詩示人吳興詩人丘大祐唐維勤咸嗟服淵長髯美目儀觀撲野人未之奇及酒酣興發落筆俄頃數十紙始皆驚異文章議論有槩于懷輒流涕或至抗聲慟哭世以方唐衢與吳人杜瓊沈周史鑑善晚館于鑑家得疾舁歸卒

年五十八

張尺字守度臨海人父璣官涿州同知沒無以爲歛尺少孤無田廬族人使爲行童曰我儒家子貧則餓死耳焉從外道躬事樵蕪傭書自給布政使秦敬者父故人也行部至台召爲掾不可遣之金不受問所欲曰欲讀書耳延與其子同學尋舍之去敬亦不能留也平生與世無求與人交必有終始鄉先達陳選謝鐸黃孔昭輩咸稱其標節如古人郡守葉贊顧璘羅僑先後待以賓禮璘至榜列之以風六邑之士始尺父沒時求一棉衣弗得尺遂終身不衣帛垂老結數椽幣之以錫父墓碑卒年八十七無子郡人黃紹輩葬之其父墓左縣令王欽爲樹碑所著詩曰蓼蟲吟趙元銘字廷時台州太平人好讀書務實踐不事章句孝友嫻睦人無間言嘗客錢塘館人女夜奔峻拒之人以元銘言行無愧古人以趙古人稱之先後守令若素道卞隆葉贊陳相並加禮重譽爲羣鳥之鳳衆獸之麟里人黃孔昭在吏部貽之書曰執事肥遯山林誦詩讀書凡所以修諸身刑諸家施諸鄉國者無一不在規矩內方之古人賢爲無愧鄰有君子久不能知又何以知天下之賢哉孔昭每稱諸縉紳間



于是學士李東陽寄詩曰京國由來不計春  
抹芝人遠夢應頻天門拾得青鸞尾  
寄與山齋掃白雲白雲者元銘自號也  
年九十以正德八年卒

李孔修字子長南海人混跡闒闖自號抱真子  
里人張詡知其賢引入陳獻章門下一日  
輸糧於縣縣令異其容止問姓名不答第  
拱手令吃之曰何物小民敢與官長為禮  
復拱手如初令益怒答之五終不置對獻  
章為作詩記之父沒廢母出嫁誣孔修奪  
其貲比對簿俛首不辨所司迫之則對曰  
母言是民當受罪所司徐得其情乃大禮  
敬好讀書尤善周易能詩亦工書畫破  
廬敗甑攜食不繼未嘗投合于時居恒  
著管寧帽朱子深衣入夜不遠二十年  
不入城市間出門則遠近聚觀以為奇  
物然至兒童婦女無不重其人稱之曰  
子長先生吳廷舉久官于粵與為布衣  
交卒無子按察使李中叅議王洙經紀  
其喪邑人霍韜葬之西樵山西樵人祭  
社以孔修配孔修性淳樸世多以不慧  
之事附之或問孔修廢人有諸陳庸曰  
孔修誠廢則穎子誠愚霍韜曰白沙抗  
節振世之操惟孔修及張詡謝祐不失  
李中曰孔修有古林逋魏野種放蕪  
雲卿之風其為名人推許如此祐字天錫

孔修同縣人既師事獻章聞主靜宗旨即築室  
葵山下棲焉貧甚併日而食糲不掩脛晏  
如也世途名利一不置其懷卒後同門湛  
若水祠祀獻章以祐配伍雲字光字新會  
人少負氣無所推讓既受學陳獻章痛除  
舊習約己以進曰不自樹不如死也山南  
有大江自以意為釣艇置琴一張及諸供  
具遇良夜乘艇獨釣或設茗招獻章共啜  
雲長嘯賦詩獻章叩舷和答悠然忘返後  
即所居北巖為廬杜門息交讀書其中別  
于白沙築草屋三間往來居之為人篤孝  
友嚴祀事鄉人莫不重之同時何廷矩字  
時振番禺人為諸生以文行為督學副使  
胡榮所器及見陳獻章即棄舉子業從之  
遊時當鄉試榮使使邀之毅然不赴所著  
存羊錄十卷多本之周禮揚黼雲南太和  
人也好學讀五經皆百遍書工篆籀兼  
好釋典或勸其應舉笑曰不理性命理外  
物耶庭前有太桂樹縛板樹上題曰桂樓  
偃仰其中歌詩自得躬耕教畝以供甘旨  
但求親悅不顧餘也注孝經數萬言引證  
羣書極談性命字皆小篆所用硯乾將  
下樓取水硯池忽滿自是為常時人咸異  
之父母沒為傭營葬葬畢入雞足棲羅漢  
壁石密山十餘年壽



至八十子孫迎歸一日沐浴令子孫拜曰明日吾行時至果卒既歿見其自外而入大笑曰揚翰先生今日纔了事也

史鑑字明古吳江人學通群書尤熟于史為文章紀事有法詩不屑為近體所居水竹幽茂亭館糾連客至陳古彞鼎法書名畫欣賞窮日好著古木冠曳履揮塵愉然若仙為人嚴正凡所為無弗依于禮者頗究心當世務河渠賦役之屬悉窮其利病壯年上書縣官請除巫覡正風俗晚歲務清曠築小雅堂方床曲几晏坐終日或累月不詣城郭足跡不踰百里外然江浙間人無不知有史明古者郡縣守令亦皆禮下之王恕巡撫江南備禮延見諮以世務深器之同郡吳寬取為石交年六十三以弘治九年卒

吳綸字大本宜興人風神散朗操履修潔嶢然自踈于埃壒之外非其人弗與非其道弗受非公事未嘗一入城市遇風日晴好雨雪初霽有興遊溪山間一蒼鹿一白鶴夾輿而行馴擾不逸鄉人遙望之輒曰吳隱君來也扁舟往來吳越必携鶴鹿自隨至深林窮壑濯木修篁輒徜徉吟咏不令主人知或知之輒逸去終不言姓名築別墅于山間南曰樵隱西曰漁

樂道遙於其間自號心遠居士喜作書遇名人墨蹟必日臨數過往往為人取去間閱古方書為人治病亦多效家產不踰中人然好行其德過吳門必訪隱士沈周流連浹旬餘無所詣正德中子仕登進士為戶部主事封綸如其官年已七十有七矣又六年而卒

吳琬字汝秀長興人家世高貴琬獨退約不近聲利隱蒙山五十餘年窮獵經史百家自號甘泉子嘗葺三才廣志史類文編凡千卷

孫一元字太初不知何許人人問其邑里曰我秦人也嘗棲太白之巔故號太白山人或曰其母娼也幸秦王而生王不敢子之或曰安化王宗人王坐不軌誅故變姓名避難也一元妾性絕人善為詩風儀秀朗蹤跡奇蹟玄巾白恰携鐵笛鶴瓢遍遊中原齊魯南涉江淮歷荆楚抵吳赴所至賦詩談神仙論當世事往往傾其座人鉛山費宏罷相訪之杭州南屏山值其晝寢就卧內與語送之及門了不酬對宏出語人曰吾一生未嘗見此人時劉麟以知府罷歸龍霓以按察僉事謝政並客居湖州與郡人故御史陸崑善而長興吳琬隱居好客三人者並主于其家琬因

招一元入社稱苦溪五隱一元于是買田溪上將老  
焉舉人施侃雅善一元勸之娶乃妻以妻之妹張氏  
一元自是有家矣久之生一女而卒年止三十七琬  
等葬之道場山

張詩字子言順天人本農家李氏子八歲時育于宦  
家張氏閱三十年始知乃痛自悲悼覓得其兄弟哭  
諸父母之墓議歸宗終以張氏無子遂仍其舊初學  
舉子業于呂柟學詩文于何景明試有司令自持坐  
其詩遣家僮代之主者不可遂拂衣去終身不復試  
詩才故高至是益肆力于詩自號崑崙山人翰林江  
暉馬汝驥廖道南諸人咸與訓和名日起乃訪呂柟  
于解州又訪之南都直上會稽探禹穴還過大梁訪  
李夢陽又之汝南視何景明疾相守七日景明卒乃  
返京師所至探奇覽勝一發於詩嘗遇孫一元于武  
林一元自誇其佳句詩掉頭大笑一元為之奪氣詩  
笑謂坐客今日崑崙壓倒太白矣所居一畝之宮擇  
隙地種竹風雪飄蕭欣然相對興至跨一蹇驢任其  
所之中途風雨饑寒亦不改悔必窮極佳山水而後  
返狀貌魁傑戟髯如武夫人以燕山豪士自之晚節  
退然若愚未嘗雌黃一人所著罵鬼諾髮吳琳七子

諸篇雄奇變怪草書亦狂放有力卒年五十  
方太古字元素蘭谿人少受經于同邑章懋年十八  
走粵東謁陳獻章歸而廢經生業專志攻詩尋往弔  
獻章遂縱遊名山川過吳門與楊循吉沈周都穆文  
徵明及孫一元輩為詩酒社既而入閩有舉人林楚  
者一見莫逆作錦囊十咏贈之一時名人若林瀚林  
俊之屬咸相引重晚好黃白術歸隱金華解石山即  
晉徐仙煉丹處也結樓真接居之九年老乃返寒溪  
故里自號寒溪子監司及郡縣長吏多造廬致敬其  
為人負氣高自位置性迂緩好潔作詩頗類郊島大  
率感時憤俗之意為多

朱存理字性甫長洲人與同里朱凱字堯民者並抗  
志不仕終日挾冊呻吟以博學聞郡中人以其所居  
相近而行業又相類也稱之曰兩朱先生存理少學  
於里師覺其所業非出于古人遂謝去從杜瓊先生  
遊學日以積聞人有異書輒購求期必得乃已工楷  
書作詩雅潔務出新意所纂輯有經史鈎玄吳郡獻  
徵錄名物寓言鐵網珊瑚野航漫錄鶴岑隨筆總數  
百卷初與凱並饒于貧以讀書不問生計晚歲至無  
以自給正德七年凱卒明年存理亦卒自兩人沒吳



中故實往往無所于徵後學莫不歎惜之先是存理館荻菡王氏夜吟月上得句云萬事不如杯在手百年幾見月當頭喜極大叫亟叩扉呼主人起為誦之主人亦大喜取酒更酌極歡而罷明日主人張且設戲樂通邀吳中善詩者賞之流連數日始散一時風流盛事如此

沈周字啟南長洲相城里人也祖澄永樂間舉人材不就所居曰西莊日置酒款賓人擬之顧仲瑛伯父貞吉父恒吉並有隱操構有竹居无弟請書其中工詩善畫下逮滅獲亦解文墨周少學于邑人陳孟賢乃陳五經繼之子學有淵源周得其指授年十五遊南都作百韻詩上巡撫侍郎崔恭面試鳳凰臺賦援筆立就恭大嗟異有郡守以賢良應詔筮易得邀之九五遂決意隱適書無所不覽文學左氏詩學白居易蘇軾陸遊字學黃庭堅尤工于畫評者謂為明世第一而周風神散朗骨格清古所居有水竹亭館之勝圖書鼎彝充牣錯列四方名士過從無虛日風流文彩照映一時片楮流傳寶若拱璧自是沈石田之名聞天下周內行醇謹奉親至孝父沒有勸之仕者對曰若不知母氏以我為命耶奈何干拜斗之祿遠

離膝下也母與鄰媪歡媪家被火無所棲母以為念周亟延與母居晨夕奉之若母母乃大喜鄰家有失物而誤認周家物者輒推以與之曰乃君物耶其人既得物而來歸則笑而納之曰非君物耶家無贏貲好周人之急天寒雨雪望里中哭無烟者即遣僮致之粟曰吾不能獨飽也居恒厭入城市于郭外置一徑寓有事一詣之遠近輒喧傳曰沈先生來矣候之者舟闕河干有盛車騎來者則遜謝不納晚年遁聲匿跡惟恐不深先後巡撫王恕彭禮咸禮敬之欲留之幕下並以母老辭歸有郡守徵画工繪其屋壁里人疾周者入其姓名遂被攝或勸周謁貴遊以免周曰往役義也謁貴遊不更辱乎卒供役而還已守入觀銓曹問曰沈先生無恙乎守不知所對漫應曰無恙見內閣李東陽曰沈先生有贖乎守益錯愕復漫應曰有而未至守出倉皇謁侍郎吳寬問沈先生何人寬備言其狀乃知即向時畫壁者也比還先謁周于里舍再拜引咎索飯飯之而去周以母故終身不遠遊母年九十九而終周亦八十矣又三年以正德四年卒所作詩文書畫並為世所愛重云  
施鳳字鳴陽吳縣人伯父槃舉進士第一官修撰早



卒鳳姿性絕人嘗讀道旁碑一覽輒志歸而書之不  
失一字以所業謁尚書倪謙謙大稱異介于督學御  
史陳選選得之喜甚曰從吾遊者多矣好古不隨流  
俗鳳一人耳誨之曰科第易得成一名為難鳳于是  
有志理學已而戴珊來督學政遣縣丞敦趣入試鳳  
以病辭固召之又辭自是不復應舉屏居墓舍鑿池  
闢圃養魚種竹四時佳果藝植有方其實獨茂食貧  
礪行非其義不取故袴敗帷十年不易亦不垢汙孝  
友恭遜雖僮僕輩亦化之其鄉有盜語其僕曰歸告  
爾庄吾不爾犯也山中多淫祀鳳一切屏除戒其家  
勿用釋老法享祀悉循古禮與鄉人王鰲友善鰲為  
傳其事以風世焉

養後人者吾安得食之家徒壁立而多賢豪長者遊  
然不肯一言干謁人有所饋非文字交雖升斗弗受  
時相真言嘗聘為記室辭不就嚴嵩罷相以身後託  
奉百金為壽亦謝不納丰儀玉立醉益恭謹口不掛  
人臧否鄉人莫不愛重之年六十二預卜死期儵然  
而逝所著有隆池山樵集是時吳中多隱士其以文  
學著者又有岳岱顧元慶岱字東伯先世以武功官  
蕪州衛遂家焉至岱父始好讀書闢草堂于陽山去  
許市數里花木翳然修竹萬挺岱嘉隱其中自稱秦  
餘山人中年北遊恒岱還覽留都名勝歷探匡廬天  
姥天台雁宕武夷之奇遂不復出性狷介不妄交人  
能詩亦善畫所作詠懷九十六篇為時所稱元慶字  
天有家近許市其兄弟咸織畝治生元慶獨好詩書  
自經史以至叢說多所纂述所居在大石山麓因自  
號天石山人藏書萬卷擇其善者刊之署曰陽山顧  
氏文房年七十餘猶吟誦不倦

錢穀字叔寶吳縣人少孤貧失學長自礪欲讀書而  
家無書可讀則受業文徵明門下盡讀其架上書間  
點染為繪事大得前輩沈周筆意由是名日起過從  
者履相接而穀雅不善治家家益貧其嗜書益甚聞



客有善書雖病必強起借讀手自繕寫幾至連屋所  
編輯有三國文類南北史接言隱逸集長洲志三刺  
史詩續吳都文粹又哀集吳中先賢悉為之像手錄  
其志傳而聯綴之一室中琳琅照座下及几榻亦必  
摹勒宋元名人手蹟婆婆把玩以自愉快性復勁直  
不能容人所交士大夫皆能貌之以氣稍不當意拂  
衣徑去竟以布衣終有子允治字功甫貧而好學酷  
似其父年八十餘猶映日鈔書既卒無後其父子所  
著書遂皆散佚與穀同受業徵明者有陳淳居節  
淳字道復穀同縣人祖璠仕為副都御史淳既從徵  
明遊以文行著善畫能寫真詩取適意不求工自號白  
陽山人節字士貞亦吳人少遊文氏之門有聲里中  
家故隸織局織造中官孫隆聞其名召之不赴隆怒  
破其家乃僦居半塘一室蕭然所交多山人袖子性  
落落寡諧半菽不繼吟嘯自如工詩亦善畫年六十  
竟以貧死所著詩名牧豕集

卷自號少潛至祖辰亦饒隱德時春潛小圃已屬他  
人獨老屋尚存庭中古松一株雜花數本青苔滿階  
景色幽靚雖居闌荆扉晝掩寂若空山祖辰掃地  
焚香備然自得間作小詩及畫自娛而已居恒未嘗  
妄詣一人風日晴美則偕友人閒步蕭寺然性介潔  
友雖同志不輒肯一飯也優遊閒適年七十四而卒  
鄉人文震孟作姑蘓名賢小記以世隱稱之時有蔣  
乾字子健者亦吳人破屋半間隱居虹橋一介不苟  
八十年如一日縣令江進之表其廬為東海冥鴻  
高澂字宗呂侯官人早善屬詞不樂進士業嘗言文  
章牽合比偶猶留鬚眉以傅脂粉無足學也遂絕意  
進取結霞上之居自號石門子又號霞君子善詩工  
隸草八分畫亦臻逸品家貧嗜酒日酣飲狂叫青遊  
造之迫而後見畫不輕作醉時授以練素輒欣然揮  
灑與閩縣傅汝舟遊鄭善夫之門並有名時人為之  
語曰高垂腹傅脫粟言斷斷中歌曲善夫且死囑以  
詩文妻子汝舟字木虛自號丁戌山人年二十棄諸  
生肆意古學作文奇崛至不可句中感好神仙遂別  
妻孥採鞋箬笠編遊吳會荆湘齊魯河洛間以終所  
遺詩集王慎中為序行之弟汝揖貧而好學長吏辟



為諸生不就。意詩歌時稱。傳先汝舟卒。

即瑛字仁寶。和人也。幼孤長。為諸生。不屑治科舉。業獨好古學。會多病。遂無意仕進。督學憲司猶欲推輓之。卒謝不出家。故餘財自奉。母外悉以購書置。生產不問。貨日以落。瑛無所顧惜。乃啟大屋列高几。苑坐。諷誦其中。抉剔幽眇。辨古今同異得失。而著為書。有識者咸服。一時監司大吏若顧璘王尚綱萬潮輩咸與締交。名籍甚。而瑛性侃直。言議不能阿貴人。亦時托脫論天下事。奉母孝。兩刲股愈其疾。幼時兩姊媢利其資。謀危之。百方後死。皆指歛之所。著詩文若干卷。訂正孝經大學格物傳各一卷。萃忠錄二卷。壽史案錄六十卷。七修類藁五十五卷。並為學者所稱。吳孺子字少君。蘭谿人。兒時父不用經史課習。獨授杜詩一編。遂好為詩。有賸田頃許。父沒。盡易。硤礪鑿溝引山泉繞入厨下。以此耗其產。中歲妻子死。盡棄其餘資。購法書名畫。游江湖間。僻好山水。遇水石有奇致。坐對累日不肯去。性巧所規製必精絕。搜抉珍怪。凌斷谿絕。壑以必致為快。嘗游雁宕。絕糧取啖。蓋巖四十日。始返。踰天台石梁。採萬歲藤。屢犯虎豹。製為曲。抗可憑。而寐以教。樵易大瓢。摩挲鑄錫。夜室有

光。遇荆溪盜。發其篋。無所得。怒碎其瓢。抱而泣者累日。王世貞為作破瓢道人歌。所至。僦居僧寺。自炊一銅灶。飯不足。則哺糜。佐之以齏。語人曰。免我低眉向人。覺飽。逾梁肉耳。孺子既善詩。更善寫花竹禽鳥。歲不過一二紙。求之輒不可得。晚交無錫孫繼皋。卒于其家。

聞龍字隱鱗。鄞人。尚書洲之孫也。生有至性。五歲喪母。哭聲感路人。事父定省中禮。既就外傳。不肯治經生業。常手高士傳一編。喜著山林服。當授產。腴者悉讓其死。念父垂老。非善調藥。餌不克延。年乃覃思醫術。遂精通其理。父每晨輒切脉。察容視其安否。調飲食。進之。履則耳屬于門。揣聽喘息。以為常。父沒。哀毀過禮。以早背母。每忌日必哀經哭。祭盡哀。終身蔬食。性好山水。不欲離父膝。下出未嘗踰百里。惟遊四明山。曾過旬日。當事重其人。每干旋及門。輒謝不見。日惟書卷自娛。里人屠隆嘗言鑑水。聞隱鱗作天際真人想鑑水者。即龍所居鑑湖也。卒年八十一。所著詩曰幽貞草。行樂吟。同時汪禮約字長文。祖玉。會都御史。父坦。以門資。出仕。文行著。稱禮約。即尚書洲外孫。與龍為外兄弟。善詩文。工書法。既承家學。復學詩于



鄉人沈明齋曰益有名嘗一入京師遊于國學即棄歸隱于大雷山房大雷山者唐隱士謝遺廬所居為入四明山之口汪氏世居其下父坦更築室山椒高雲宿棟飛泉澌戶景色幽異禮約隱其中廿年坐卧一樓雖妻子莫睹其面樓上適設楮筆于左偏開一穴下置五石大缸扁其外每一詩成輒按之而擲諸缸內禮約詩既工書又精楷積藏缸滿家人發視好事者爭攘取之自是得流傳人閱其他撰著甚富既沒悉散佚無存者

蔡學用字子行鄞人父括官中書舍人生學用于官舍兒時作對語輒驚人父沒无盡發遺資客游京師不知死所學用事母孝撫兄孤踰于己子既絕意仕進好為詩與友人聞龍揚承鯤李生寅論詩過從無間風雨後里人謁選入都邀學用與俱學用竊念謂可因此覓无骨許之至則杜門吟誦絕不通輩下人乃間行覓无遺骨果得諸寺廡下題識宛然慟哭即携其柩歸垂老家屢空處之晏如生寅且死囑其子德豐曰我死後必歲奉蔡先生穀十石終其身是歲德豐以遺命致穀學用不納曰吾無以報亡友脫君家他日不澁是負先人命也不若今日辭之以善故

人始終聞蔡皆嘆服年七十得微疾即自剋死期聞龍輿之訣曰若先生今日此中當無愧怍學用笑曰故人知我至期召家人前起坐曰伯翼待我久可以逝矣遂瞑伯翼者承鯤字也有詩十卷藏于家生寅字賓父亦以詩名

李瑋字偉卿鄞人所居在城東村世為農舍北有古松二株可五百年物虬龍偃蹇蒼翠可掬瑋父曰雙松居士好積書與城中名士交日嘯咏此二松下至瑋好學能盡讀父所藏書發為詩輒有雋語父沒始出遊直抵京師踰年而返時盛傳王李七子詩競相倣倣瑋嘆曰此繁聲也今舉一世趨之古意日亡矣既歸杜門著書期盡洗俗學歸于大雅前後論著積數十萬言家有遺田衣食纔給樓居五楹臨傍水竹外為菊圃每秋高花綻輒標一幟曰酒熟花開高懷者來一時故人遂俱駢集瑋以夜色更佳適難燭菊中行吟坐酌不間晨夕春時芍藥花發招客亦然里中傳為佳事瑋雖隱居顧留意鄉國利病嘗著國課論東錢湖賦臚列農田水利事甚詳識者重之既年踰九十作七連一篇自言歷九百餘甲子而神氣不衰好學如裁手足其詩文十餘卷曰桑麻集為里中







崔子忠字爾奇母京師人貌清峻言詞簡質為諸生好讀古書善繪事居關中蓬蒿翳然凝塵滿席詩花養魚香然遺世興至則揮毫作畫妻及二女從點染亦有生趣間出以遺同志者豪貴人用金繒購求掉頭弗顧也少時師事萊陽宋繼登與其子玟及其族人應亨全學後為吏部郎念子忠貧囑一選人以千金為壽子忠不納謂應亨曰子念我當解案相贈柰何令我居間全學少年尚不識崔生面目耶致官給事中數求畫不應誘而置之室中謂曰更浹日不聽出則子之盜魚盆花且立槁矣子忠不得已寫與之別去抵鄰舍使童往取曰所寫樹石踈畧且增飾致忻然畀之既得立碎之而去友人史可法解巡撫歸詰其舍見晨炊不繼留所乘馬徒步返子忠鬻于市得四十金呼朋舊轟飲曰此廉吏所贈非盜泉也數日而金盡凍餒如故所作詩文尚奇與董其昌謂子忠人品詩畫俱非近代所有國變後避居委巷有周之而不以禮者却不受竟以貧餓死

論曰士君子潛躍隱見惟適於宜危亂不居何莫非潔身之義然或時平而冥冥道喪而栖栖人各有懷又未可以濳會論矣易曰履巽坦坦幽人貞吉此其

蘊藉亦宜量哉而或託於慷慨以自廢放則又其苦衷之所激而難與為言不然純盜虛聲靦焉充隱不過效終南之捷徑而已寧足多乎

方技上

記曰凡執技事上者出鄉不與士齒蓋微之也然工  
執以練則猶藝事耳故百家衆技之說苟善用之亦  
或有濟於時而其人亦從而見焉所謂雖小道必有  
可觀者矣明興二祖在軍中頗尚占候一有巧中則群  
馬稱之嗣是卜筮星相考流挾篋以聘代有其人醫  
家於人事尤切專於其術用顯當世者亦多茲取其  
著者各輯為帙以資觀覽龍門子特傳扁倉而龜策  
日考反在其後殆此義也夫

張中宇景華臨川人少過異人授教學與人談禍福  
多中太祖初以御史大夫郎愈薦召侍左右時帝方  
率師下豫章中至賜之坐問曰予下豫章兵不血刃  
此邦之人自是少懸息否對曰未也且夕此地流血  
廬舍焚燒殆盡鐵柱觀當亦在煨燼中所存惟一殿  
裏四月指揮使康泰友一如中言頃又言國中大臣  
將有變宜預防無何平章邵榮奏政趙繼祖伏甲北  
門欲為亂事覺伏誅一日帝祭山川百神覆舟山下  
問中何如對曰吉天馬西重似拜且舞祀訖馬忽人  
盜作舞狀

中兩重語

中兩重語續陳友諒圍豫章去月不勝帝伐之召  
問中中言五十日當大勝亥子之日獲其渠帥其戰  
必在南康帝命中從行舟次孤山無風弗能進中以  
洞玄法祭之祭已風大作遂達彭蠡戰湖中之康即  
山時常遇春偏軍深入敵舟圍之數重勢甚急中曰  
無憂亥時當自出亥時遇春果潰圍出連戰輒大勝  
溺死偽吳王陳友仁將士死者無算友諒後中流矢  
卒降其衆五萬自始戰訖受降僅五旬戰地則康即  
與南康小異耳始豫章受圍帝問以何日解中對在  
七月丙戌報至乃乙酉蓋日官算曆是月常差一日

實則解圍在丙戌也其占驗奇中若此中為人狷介  
與之遊類佯狂玩世者言稍涉倫理輒亂以他語時  
時愛戴鐵冠人稱為鐵冠子云  
冷謙字敬武陵人一云錢塘人元中統初偕劉秉  
忠從沙門海雲遊秉忠後仕元為丞相謙則讀書不  
輟尤善於易精邵氏經世天文地理律曆諸家言最  
善鼓琴遊雲川與趙孟頫觀唐李將軍畫戲模倣之  
驟得真筆意又游江淮間遇異人獲授丹術童顏綠  
髮數遊廬壑間至元末約年已百數十歲容顏姣好  
如曩時太



友貧甚謀<sub>之</sub>密呼至耳<sub>語</sub>曰某室有贏金若干  
吾孱若至彼取之但慎毋過取過則與若俱不利矣  
因畫門於壁間一鶴守之令其人自叩叩則雙扇洞  
然其人驚喜躍入金寶滿室中目迷心眩頓忘謙所  
誠恣取以出誤遺路引於室中他日內吏以失金告  
并以引聞詔據引名捕之既至下法司嚴訊其人遽  
呼曰此冷謙教我也乃命併逮謙謙遂中謂逮者渴  
甚幸飲我一甌水吏與之且入甌中身漸隱不見吏  
皇遽俯而呼曰公母然戒吾族矣甌中隱隱作聲曰  
若無苦第攜甌至上前可也既至帝呼護護輒應帝  
曰若輩出吾且赦若謙對臣懼誅死不敢承帝大怒  
立命碎甌甌迸裂試呼冷謙則千百瓦同時並應自  
後遂不知所終

袁廷玉名珙以字行鄞縣人高祖鏞宋末進士元兵  
南下鏞不屈死烈焰中全家赴水死者十七人有兩  
義僕匿其孤得存數傳至寧老仕元為翰林檢閱即  
廷玉父也廷玉幼能讀父書迨壯益朗雋洛伽山神  
僧別古崖者善相人廷玉薄遊海上僧一見奇之詫  
曰此子目光如電法當以術顯勸從已遂先令仲視  
目光自畫<sub>時</sub>然後布赤黑豆<sub>滿</sub>室中念辨之又夜燃

五黍<sub>絲</sub>縷窓<sub>外</sub>使東月光<sub>命</sub>刺之<sub>皆</sub>中乃授以術  
且屬曰子相人名當出我上慎為之母泄也其術候  
夜三鼓或五鼓罷<sub>燕</sub>兩炬與占者對坐數移炬左右  
視得其氣色後參以干支占驗百無一失當廷玉在  
元時聲已藉甚公卿間所相會都堅不花李木魯育  
普顏達失暨南臺大夫普花帖木兒諸人禍福悉奇  
中明洪武初見姚廣孝嵩山寺中大驚曰公令之劉  
秉忠也廣孝時隸<sub>燕</sub>邸密語燕王亦令廷玉著籍併  
召其子忠徹與俱廷玉至王操弓矢雜衛士九人拉  
廷玉酒壚中飲廷玉乍見王遽引裾長跼呼殿下九  
人者故抑揄之笑所言妄廷玉持益力王遽起入宮  
召廷玉問所以知狀廷玉對曰殿下操弓挾矢時臣  
望見殿下指爪<sub>皴</sub>而瘦龍形也臣以是知之燕王喜  
益令廷玉前<sub>乃</sub>疑<sub>詭</sub>良久曰殿<sub>下</sub>年四十<sub>髯</sub>當過<sub>齊</sub>  
必為太子真主復叩頭賀王益大喜心固已自負矣  
及廷玉在外遇<sub>燕</sub>邸列校散卒又往往以公侯將相  
許之玉聞恐語洩姑遣廷玉歸王即位遂召廷玉官  
太常授忠徹鴻臚寺序班賞賚甚厚既嘗北京廷玉  
官扈從父子俱出入禁廷時人榮之一日議立儲時  
帝意微有屬先使廷玉相仁<sub>德</sub>還報曰主也相宣



宗則曰天子萬年帝意乃定忠徹相法善如父初在  
燕王府中王宴北平諸臣使忠徹報爵侍進上榻相  
之宴畢忠徹言都督宋忠工部侍郎張曷都指揮謝  
貴都督僉事耿璣左僉都御史景清相法皆當刑王  
笑曰果爾則汝父言誠信矣太祖小祥當遣世子入  
行禮王問忠徹曰世子與郡王誰可行者對曰古者  
使必有介當同往不獨使朝廷不疑且可覘知動靜  
遂偕行已聞郡王當留王憂甚謂忠徹曰果留汝不  
得生矣對曰不敢逃死然殿下準頭黃明驛馬氣動  
若雲行日出不致艱阻世子必與郡王同回也既而  
相繼至因知朝廷事甚悉王大喜賚忠徹金帛加等  
永樂八年駕自北回皇太子為蜚語所中命榜午門  
東宮所處分軍國事皆不允行仁宗憂甚而疾帝命  
忠徹同蹇義金忠往視之還奏曰面帶青藍驚憂之  
氣也願皇上寬之收午門之榜病可立愈成祖從之  
凡監國處分允行一次太子聞之立起餐息如常十  
六年吏部郎周訥自福建還以靈濟二仙神應言於  
尚書方賓賓信之遂以上聞帝命往迎神像及廟史  
曹辰孫以至築宮奉之每有疾輒命以符藥進詭言  
二仙所書其藥皆椒桂楮熟物也服發熾失聲延疾

王墜一日忠徹與御醫陳敏等侍忠徹曰此為大  
疾虛逆之症實靈濟宮符藥所致也侍醫以保和聖  
躬為事何不用藥治之帝曰仙藥不服服凡藥耶忠  
徹叩頭而哭內侍馬靈住對才與亦哭後宮聞者皆  
哭帝大怒命曳二內侍出杖之且曰忠徹哭我我遂  
死耶忠徹趨伏階下待罪久之始解二十二年帝北  
征駐蹕沙河前疾復作忠徹復以為言且勸帝回鑾  
不聽遂有榆木川之變忠徹雖得父相法然性不如  
父坦直與郡臣有隙或緣相法於上前齟齬之正統  
間坐於殿下獄年八十餘仕至尚寶司卿而廷玉則  
仇奭負節概毋他賜與人交原本孝弟以道法輔相  
法而行生平於九流百氏無不精涉尤酷好為詩歌  
仰天擊缶搖筆豪吟紙虱虱不休所居前後皆種柳  
樹人稱為柳莊先生

皇甫偉和睢州人精天文推步學永樂中成祖北征  
仲和以占表忠徹以相此兩人常在軍不離帝左右  
帝一日至漠北不見敵將還師命仲和占仲和曰今  
日未申間敵當從東南來王師始却終必勝忠徹對  
亦如之日中不至對如初帝命械繫二人以待頃之  
敵大至帝親將戰登高望之召總兵譚廣曰東南不



少却乎亞魔廣去率精兵直前敵馮足敵稍退既病  
風揚沙兩軍對陣不相見敵始引去帝驚以為神授  
仲和欽天監正英宗北狩時仲和年已老矣瀕行學  
士曹雋問曰胡王兩尚書率百官諫矣駕可得止乎  
仲和曰無庸紫微垣諸星已動矣曰然則奈何仲和  
曰盍先治內曰却王不既監國乎仲和曰不如立儲  
君土木之變敵薄城下城中人皆哭仲和視之曰勿  
憂雲向南大將氣至敵退矣明日楊洪石亨果入援  
也先退一日退朝有衛士從仲和相仲和笑謂曰子  
家中方有事奚暇從吾相乎衛士返則家人正相問  
或問仲和君何由知之仲和曰彼時遣鵲聞屋上其  
率臆占事而中多此類  
朱祚字永年寧海人性聰警九歲能詩永樂八年以  
秀才徵試事詹事府尋為鎮遠侯家整教官十三年  
進元霄觀燈賦帝喜賞賚有加由是知名洪熙初用  
袁忠徹薦擢行在中書舍人宣宗愛其詞賦特權翰  
林院修撰秩滿陞尚寶司少卿命教中貴人祚為文  
授筆立就負氣好直言晚頗悔之因號默齋以自警  
生平善談命言人禍福多中者  
胡洪字任之寧波人少時授術於江西門者張生正

純中游杭後受易於汴梁人某翁用是以下筮名景  
恭初都御史張楷征寇鄆茂七至闈軍中以弘從所  
言事多中儒士杜瓊數失子筮得坤之初爻弘曰子文  
運旺當有兩男趙御史忠筮得坤之師弘曰當發策  
決科司風憲至某年日月當罷官且生子祀叅政瀨  
筮得比三五爻動弘曰君臣遇合必官黃門後皆果  
然私尤善相并拆字常遇二人於途俱應省試弘云  
二君一當售一有服不得入闈既驗後或且問之則有  
服者所立處遠有汲水人過水與立為泣故知有哭  
泣之事售者問時偶有一人在其傍人與立為位故  
知其將得位也又有士人將應試書一串字以驗吉  
凶弘云大吉君且聯捷串者兩中也他應試者亦書  
此字以問弘云君其有心矣心如串為患其殆將疾  
病乎後皆驗  
全寅字景明安邑人寅生而替學京房家言父清故  
武弁也避雲中缺寅與俱三邊將吏有吉凶事輒就  
寅筮寅與筮輒中人皆呼為全先生全先生之名滿  
軍中己巳秋英宗北狩遣鎮守大監裴當就寅筮寅  
筮得乾之初九曰是為乾之巽乾君象龍神物四初  
變應也龍潛蟻必以秋應以壬午決歲為庚庚者更



也庚午仲秋車駕其還乎還則必幽勿用故也或羅應馬或之者疑之也還七八年必獲辟并火王丁壬合也歲丁丑月壬寅日壬子其合乎後其言果驗初寅為雲中遊而忠國公石亨方以恭將守雲中與寅善至是景皇帝嗣位亨總京營以寅從也先袂英宗入閤都城戒嚴寅筮之曰無能為也且彼氣驕與戰必克也先果敗去既也先果欲奉英宗還廷臣堅以為詐不肯發使迎寅獨以大義切責亨議乃定駕果得還英宗還居南宮一日錦衣指揮盧忠上書告變景皇大怒既殺中官阮浪猶窮治不已忠妄意大罵責召寅筮寅叱曰咲汝奴死不足贖矣筮為忠懼為佯狂後英宗復辟遂誅忠召寅官之寅固辭弗受帝乃鑄金錢十八文製象牙筒貯之為筮錢以賜寅又賜魚牙金酒杯一弄白金彩幣無算適寅父潛以指揮僉事鎮徐州帝曰寅得無隨父往乎其授寅錦衣衛百戶居京師寅復固辭帝不許寅以一藝師抉卜筮起家當景泰天順間飛屐擊鼓徧謁長安諸貴游聲稱乃出諸貴遊上然旦夕操著揲筮僅僅為人決摘禍福而已絕未嘗有所干請人亦用是多寅居恒遇古今圖籍必令人在旁雜誦垂老不倦為人機

警便疾南宮奪門之事決於俄頃實寅之力居多石亨怙寵而驕寅每挾筮以諫弗聽俄而石彪事發遂逮及亨寅年八十餘始卒然寅暮年決筮所占驗恒不如前當寅游石亨家同時有瞽目童先亦為亨門下客挾圖識誘石亨反亨不聽其計拂衣而去寅子三鑿錦衣衛百戶鑿治易為進士業銳善書法官內殿中書

王奇字世英天台人初為諸生治尚書旁通易詩二經善精天文卜筮星數之學蓋往往得異人授云一再試有司不利抑鬱不自得遂落落無所短長或謂之曰天下大矣豈無一人知予者何浮沉里巷為盍遠遊以肆志乎遂偕友人北遊館涿縣董司寇昱家為經師主人廣其才欲以死之子妻之奇掉頭曰非吾耦也辭而去至京師有跋奇於吏部尚書尹旻者奇拂然曰彼尹公其如我何遽拂衣歸游金陵既又游京師扁舟芒屨凡匡廬彭蠡并汾梁宋中原淮泗蒼莽之區無不歷也晚而東歸故浪於吳越間乃老奇雖扶術遊然生平極孝友下屢所得錢盡付弟為養母費母年九十餘常為兒子戲以將母歡有果餅匿諸懷中歸而獻之作人猶捐漿不苟非其義雖千金







盼擬念信手而應縱橫前後悉達肯綮松溪此說寡  
言恂恂如儒者既得其傳於十山絕不見圭角非遇  
甚迫則不發時有外家違誠者與其徒袒裼扼腕噴  
目語難而松溪攝衣冠不露肘誠喜授受顯名當世  
而松溪嘗自匿人求見輒避去誠之弄技進退開闔  
各有序而松溪法直截嘗曰一掌一痕吾猶輕之胡  
暇作此變變閒事倭亂時少林僧七十輩至海上求  
松溪松溪匿不與接好事少年憇憇之僧寓迎風橋  
酒樓松溪與少年窺其搏而失晒僧覺遮之曰必欲  
試者頃呼里魁合要死無所問松溪孱然中人僧皆  
魁梧雄健熟視易之許為要松溪乃衣履袖手而坐  
一僧跳躍來蹴松溪稍側身舉手送之如飛瓦度窟  
中墮重樓下幾死嘗被監司徵使教戰士竟不肯曰  
吾盟於師者嚴不授非人也不也一日踏青郊外諸少  
年要諸路請試其技固不許還及門諸少年喊門者  
無入松溪閉之月城中羅拜曰此地無觀者願卒受  
教松溪不得已許之門多圍石可數百勦者命少年  
累之松溪稍支以瓦而更累一於其上祝曰吾老人  
無他長為五劈到底供諸君一笑可乎於是側左手  
劈之三石皆分為兩松溪終身不娶無子事母以孝

聞其法不輕授人必慎試再三知其誠信始許納贊  
負拳名五十年得其法者業繼美一人而已繼美傳  
吳崑山周雲泉單思南陳貞石孫繼棧崑山傳李天  
目徐成岳余波仲吳七郎陳茂私雲泉傳盧紹岐思  
南傳王征南貞石傳董扶興夏枝溪繼棧傳崇元明  
桃石門僧耳傳尾國亡之際征南猶能以其伎事錢  
僉院肅樂於江浙支吾喪敗者近一年  
利瑪竇字西泰歐羅巴人萬曆九年自本國航海九  
萬里入中國貢耶穌像萬國圖自鳴鐘鐵絲琴等帝  
嘉納之命給廩餼賜邸舍以居并令禮部尚書馮琦  
叩所學則以嚴事天主謹事國法勤事器算對所云  
耶穌譯言救世者陡斯則降生後名陡斯造天地萬  
物無始終形際漢哀帝二年庚申誕於如德亞國童  
女瑪利亞家稱耶穌耶穌居世三十三年般雀比刺  
多以國法死之死三日生三日昇去其教耶穌曰  
契利斯督法王曰俾斯玻傳法者曰撒責而鐸德奉  
教者曰契利斯當祭陡斯以七日曰米撒於耶穌昇  
天降生等日曰大米撒所言誕妄不經畧如此然其  
為人深湛多思善算法考測躔度為巧曆所不能建  
所製器若簡平儀龍尾車沙漏遠鐘之類尤擅絕當



世瑪竇紫萼碧眼面赤色如朝華既入中國則襲衣裳修揖讓循循妮妮以儒雅稱兼通醫其友人鄧玉函曰吾國中刺草木不以質以露露用銀錫蒸之取以療病人輒奇效每嘗中國草根則已知葉形花色莖實香味將徧擷而次第蒸之取其露以驗成書未果也萬曆三十八年瑪竇卒詔以陪臣禮葬阜城門外二里嘉祐觀之帝祔而葬於左即玉函也生平著有幾何數學諸書瑪竇亡主其教者為龐迪我龍華民氏

明史卷三百九十八

方技下

方技下

滑壽字伯仁先世襄城人元初其祖父官江南自許從儀真而生壽壽幼警敏習儒書於韓說先生日記千餘言操筆為文辭充工樂府京口王居中名醫也以方術游儀真壽數往叩之居中曰醫祖黃帝岐伯類其言多闕佚不傳所傳惟素問難經耳子其習之壽讀卒卷乃進請益曰素問之為說詳矣獨書多錯簡篇次無緒吾將分藏象經度等凡十二類抄而讀之難經又本素問靈樞之旨其間榮衛臟腑與夫經絡輸穴辨之博矣而字句缺誤吾將本其義旨注而讀之何如居中雖然曰甚矣子之善學也吾守師說者子能變通師說者子過我子他日定以醫名世自是壽學日益進又參考張仲景劉守真李明之三家而會通之出以試病所向無不中肯綮既又傳鍼法於東平高洞陽盡得其術壽嘗言人身六脈雖皆有繫屬惟督任二經則苞乎腹背而有專穴諸經滿而溢者此則受之宜與十三經並論乃取內經骨空諸論及靈樞篇所述經脈著十四經發揮三卷通考隧次六有四十有七他如讀傷寒論抄診家樞要痔瘻



滿及醫韻皆有功於世壽年七十顏色如童孺時行步踴捷能食酒人有疾爭欲得壽診視以決生死人有請無問貧富皆往治所治病雖祁寒暑雨弗憚也治而瘳或不能報謝亦弗與校以故知名吳楚間在淮南曰滑壽在吳曰伯仁氏在寧越則曰櫻寧生云戴原禮名思恭以字行金華人以御醫事太祖左右試藥有奇效帝心重之每風雨輒免朝燕王病瘵他醫治既愈輒復發原禮視他醫所用藥良是顧不知所以復發狀則問王何嗜曰嗜生芥原禮曰得之矣投一劑王夜暴下視之皆細蝗也晉恭王病原禮治之愈已復發王薨帝大怒逮治王邸諸臣原禮曰臣常奉命療王王飲臣藥者數矣臣固常奏王王之病在膏肓即復作不可治也帝乃釋王邸諸臣洪武三十一年帝病大漸輦至左順門治他醫侍疾無效者至原禮獨寘不問曰是家仁義人初其家故儒至原禮究心醫學乃徒步至義烏從朱震亨游醫遂精震亨即世所稱朱丹溪也丹溪之學得諸武林羅大無大無得諸荆山浮屠氏浮屠則又河間劉守真門人劉太有滄州翁呂復者嘗論諸醫有曰扁鵲醫如秦鐵燭物妍媸不隱又如奕秋遇敵著著可法觀者亦能

測其神機倉公醫如輪扁斲輪得心應手自不能以巧思語人張長沙醫如湯武之師無非王道華元化醫如庖丁解牛肯綮無碍其造詣入神雖欲師之而不可得孫思邈醫如康成著書詳於訓詁至其自得之妙未容遽以示人味其膏腴可無饑矣龐安常醫能啓扁鵲之所秘法元化之可法使天假其年所造當不在古人下錢仲陽醫如李靖用兵度越縱舍卒與法會其始以顛顛方著名亦由扁鵲之因時制變耳陳無擇醫如老吏斷獄不免移情就法許叔微醫如顧愷寫神神氣有餘特不出形似之外張易水醫如濂溪圖太極分陰分陽至欲指圖為極則近畫此添足劉河間醫如索駝種樹所在全活但假冰雪以為春利松柏而不利於蒲柳張子和醫如老将對敵或陳兵背水或濟河焚舟不善用之非潰即北李東垣醫如獅絃新絃一鼓而竿籟並息膠柱和之七均由是而不諧矣無他希聲之妙非間指所能知也嚴子禮醫如歐陽詢寫字善守法度而不尚飄逸終之漢晉風格王德膺醫如虞人張羅廣絡原野而脫兔殊多詭遇獲禽無足算者張公度醫專法仲景如蘭齋賦詩每有少陵氣韻復明初人亦有醫名



韓與字公茂蘇州人與從弟夷字公達俱精於醫洪武中與以戴原禮薦為燕府良醫正王即位命為太醫院判院餘陟院使數從帝北征臣僚在位者卒遇疾得與藥輒愈每行輒隨駕一軍皆有喜色有患傷寒者身熱舌黑思得坐井中以為快衆謂熱症與曰此陰極似陽惟熱劑可愈衆皆咋舌而推重與名不敢遺聽進四逆湯一劑即安一日過病家其人曰此陣有產婦血暈而死惜君來遲不及救之與曰死幾時曰半日矣與請往診之曰此尚有生氣未死也以水沃其頭面胸腹盡五斗而目微動再灌一斗許扶其齒飲以藥手足漸動至哺而能言治之遂愈一富人無子多畜侍姬常用溫熱種子之劑久而不效與曰此由多服熱藥焦枯腎水耳遂下之令以黃連天門冬諸物為服食後舉數子又有患嘔血者三年形瘠神消日進糜粥三五口已瀕於死與曰此蹶傷所致醫但滋其陰非也予以抵當丸下黑而靛者數升加以調補彌月平復嘗曰素問靈樞難經本草傷寒論醫門之四書五經也原病式東垣十書格致餘論醫門之史漢八大家也然非精通易理明於天人之故者不可以為醫醫豈小道乎既老薦夷自代召

授御醫繼亦進院判院夷孫襄字克贊能世其業擅名吳中與沈周祝允明為至交倪維德字仲賢吳縣人家世以醫顯維德幼即嗜學治尚書發為文辭奕奕有奇氣一日廢書嘆曰遇合有命曷若精家學以活人遂去業醫其學專以內經為主後得金季劉完素張從正李杲三家書讀之一出而用藥如神周萬戶子八歲患昏耗至不識饑飽寒暑燥莫能出聲時以土炭塞口中維德切其脉曰此慢脾風症也脾主藏智脾慢則智短急以疎風助脾劑投之瘡盛架閣妻左右肩臂患奇瘡且蔓及頭面維德診其左脉沉右脉浮且盛曰此酒食滋味所致投以劑旋已林仲實患熱疾日入則止兩則否日午則更劇如是者二年症得之內傷陽氣不升陰火漸熾故熱隨日出入為進退維德以東垣飲食勞傷治法療之病乃瘥他所療異疾甚多不具載維德常言劉張二氏治疾多主攻李氏惟在調補中氣蓋隨時推移不得不然故吾為人治一疾必上察天時下稽地理又參之以人事然後出而治人百不失一其與人子造門求劑者既以藥予之復問曰若倉猝家得母之養器乎亟擬以贈蓋室中西北隅所積藥錯



瓦鈔累累其立心仁厚如此距胥門西二十餘里有山曰勅山饒巖岫花竹之勝築室其下居之自號勅山老人暇則具扁舟載酒詣與二三賓客徜徉山水間年七十五而卒時為洪武十年著有眼科原機啓微若干卷校訂李杲試驗方若干卷行世

葛乾孫字可久蘇州人父應雷故名醫也乾孫初學儒書以應有司試不利父乃以醫書授之乾孫稍學醫取精醫顧不屑為人治病或治之則又大效一人傷寒不汗大發狂乾孫梓置水中良久出之裹以重繭汗大下乃愈一富家女病痿痺衆醫莫能治迎乾孫乾孫笑曰是不難命悉去其室中香奩流蕪之屬掘地為坎昇女寘其中鋪其扉戒家人屏伺其外久之女手足自動大聲呼家人啓扉入投以藥立愈蓋此女平昔素嗜香脾氣為香所蝕故也乾孫狀貌魁梧膂力絕人好擊刺戰陣法以至陰陽曆律靡不精究尤善以干支推禍福常自推祿命謂其友人曰方今中原多故豪傑盡起而吾不得與命也六氣淫厲命犯城池塔殆將死矣一日見健兒擊犛子取挽之歸而嘔血乾孫嘆曰我命來年當死今則未也服大黃四兩愈明年果卒吳醫之知名者乾孫後有劉賓盛

寅沈以潛王敏寅與敏別有傳其以顧顛醫名者則為錢瑛云

盛寅字啓東蘇州人初戴原禮之游吳也方埋名為木客而吳人王賓者固心知之日從之游真得其術原禮笑曰吾之所不足非財也且若獨不能從我遊耶賓笑謝曰僕老不任弟子行他日原禮出賓竊發原禮書讀之遂得其傳將死以授寅寅故與韓叔賜從賓學作古文既得原禮書慨棄古文不學專學醫永樂中為縣醫官與吳江梅某並坐事逮繫入南京蓋則駕已幸北坐發搜木天壽山監工某候者見而奇之令主書算先是有內使督花鳥江南者主寅家病脹寅愈之適遇諸途中使驚曰盛先生固無恙耶予所事太監某正苦脹盍與我入視之既入視授以藥太監立愈一日成祖西苑射太監往觀成祖遙望見愕然曰謂汝死矣安得生太監具道所以生之狀并盛稱道寅吳中人名醫也立召寅寅方與梅某緩步長安門外詔使趣以常服入見授御醫帝養黑白二猿其一病使寅治之寅視曰豚已不可為帝怒併猿械繫之無何猿死帝由是益信任寅一日雪霽與叔賜等召見便殿帝譚及白溝河戰勝狀氣色殊厲



寅曰是屬有天命耳帝微不憚立起視雪寅復咏唐人詩長安有貧者宜端不宜多句叔賜退咋指語曰君御前妄言吾屬無准類矣須臾傳呼上賜御膳至他日與叔賜對奕御藥房值駕來兩人欽拜地下伏叩頭謝死罪帝曰是何害命終之且坐以觀寅三勝帝喜命賦詩詩又立就帝益喜即賜寅象牙棋盤并詞仁宗在東宮張皇后為太子妃地道不通衆醫以任身賀寅入診獨謂不然疏破血方及劑以進東宮大怒立命繫寅禁中當寅之頌繫也閤門皇怖曰是殆殊死或曰且籍沒洵洵懼計不知所出及三日後紅仗前呼護擁寅還卹舍賞賜殊厚則妃服寅藥血大下疾頓瘳矣寅向與袁忠徹俱為東宮所不喜既愈妃疾度怒稍解一日微窺上意固猶未釋然寅大恐求出為南太醫院宣宗即位復召用之無何卒初寅最直御藥房忽昏眩欲死暮有入療寅者莫能應一華澤醫人應之帝問狀其人曰寅空心入藥房猝中藥毒能和解諸藥者甘草也以療之當愈及試果然帝厚賜遣之

悟六歲有贈塾師以萬年松者師令賦之授筆立就曰使者采西嶽採松云萬年佳名雖自好何不長奉天師大奇之父沒渡江至句容因家焉家世自祖父以上俱業醫至用文益精其術洪武中以薦入太醫院院判戴原禮者名醫也他醫罕有當其意者見用文獨心喜之為言於帝授御醫永樂中待仁宗皇帝於東宮常問用文攝生之要對曰在養正氣又問卿醫效輒緩云何對曰聖人云無欲速東宮善之帝雅知用文勤命設宴以勞之又命工部營邸第以居辭不受二十二年用文疾且革手繕錄以進曰臣老病填溝壑負皇帝大恩伏願清心寡欲善自寶壽以安天下帝發奏悅歎御筆慰問及卒遣官治墳塋仁宗即位贈太醫院使諡恭靖子四叔子忠字主忠尤知名兼工詩當用文炳亞而成祖遣使問卿後誰可代卿用文以吳人沈以潛對以潛後亦以醫顯於朝王履字安道崑山人篤學有志行隱居教授學醫於金華朱彥修盡得其術嘗謂張仲景傷寒論為諸家祖後人不能出其範圍且素問云傷寒為病熱言常而不言變義猶未盡履乃脩常與變作傷寒立法考又謂陽明篇無日痛少陽篇言胸脇滿不言痛太陰



篇無啗乾厥陰篇無囊縮必有脫簡乃合作傷寒三百九十七法極論內外傷經旨異同併中風中暑辨明溯河集標題原病式一卷百病鈞元二十卷醫韻統一百卷履生平博極羣書能詩文友畫師夏圭遂工繪常游華山絕頂作圖四十幅記四篇詩一百五十首至今傳之洪武初為秦府良醫正卒祀鄉賢履故有叔阿留能解主癖驚叫險絕皆其主之所欲言亦甚奇

王敏字時勉晚苦耳聾又別號聾齋蘇州人敏居母廢此月生至老猶顛顛未合父早世家落遂從韓先生伯承學醫問先世所藏方書輒隨口答處一室抄且讀不少休韓先生器之曰王生過我御醫盛宣者敏先入門下士後致仕居里門憐敏孤貧呼語之曰吾昔受業於子先人今還授子遂留其館下讀書業益大進敏治病察脉辨色即能知病所由來投以劑無不愈者所療治率本東垣丹溪不立異微近效不乘人之危希厚利不斥言他醫之誤術己名即有效詭云吾偶中耳聾人治病惟治權貴人尤難炙手翁執望影爭馳庸醫閤堂攻補雜下一難也豪門巨室蟻視平流藥肆著囊尤為簡賤二難也室羅侍膝口恩

鮮醜嗜好多端中氣積弱三難也顧獨無以難敏敏所至雖豪貴爭以客禮待之所治療又奇中敏固不以能做他醫他醫卒心服之以為非我所能及也為人療病五十年積一百十八籍件繫之為藥案敏生平尤廉介不苟取嘗客劉都御史一富人子饋白金數十斤鳴以閔說立却之曰敏提一藥囊出入都御史鈴下療病之外他無所預也今顧交通賂賂為富今囊橐劉公其謂我何劉廉得之益重敏

許紳字大章其先嘉興人曾祖宗昇由太醫院醫士扈從成祖之燕因家馬紳少習儒書以家世業醫故乃殫心醫術術益精私治五年充官帶醫士正德十一年選供事御藥房嘉靖元年陞御醫凡奏藥輒有奇效歷陞左通政既又診療皇太子有功擢通政使冊立皇太子禮成陞禮部左侍郎明年加工部尚書二十一年而西苑宮人之禍作時變起宮闈事閔君父紳診視亟用桃仁紅花大黃湯進退念既受朝廷厚恩如投劑不效當以死報方惴惴待命果恩間辰刻進藥未刻帝忽作聲下紫血數升申刻能言又連進平氣活血藥三四劑帝平復錄紳功加太子太保禮部尚書先是神風患脾疾至是大作病間帝遣中



官至神第傳諭曰若許尚書好來者召之來紳問召力疾往至西安門命輿以入至迎和門中官扶行至帝前診視進藥承旨乃退越旬日帝賜白金一錠備酒醪湯藥復以御製靈符并乘一真人所書符給之紳自度萬不能起乃輯錄經驗方一部并疏本院官醫教員以進帝降手勅云覽卿昨奏情詞忠懇甚戚朕懷卿雖年老疾病人之常有何至遂如所云宜加意調養用今火旺生土之令必旬日漸平勿生他疑也兼賜生胃扶真之劑勅名忠愛方又賜白金絲緞米饌亦茹諸物紳聞命感泣比疾革伏枕謂人曰余之疾曩西苑用藥時驚憂所致悸入心視百藥罔效余即死得主上萬壽死不恨遂卒帝憐之諭祭九壇謚恭僖廢一子官生

葛林字茂林錢塘人善小兒醫成化中充太醫院官初武宗在襁褓一日癩作張太后召林診視進藥一匕疾愈賜白金絲幣俾與上公宴汪戶部有子患痘時年二十五矣汪故知醫謂無害林視之默然五日而足七日而靨林又默然十四日痂盡落汪笑曰林誤矣林曰其在彌月乎至彌月汪置酒高會并召林若相誦讓者林視其足底有痘痂隱膚內曰吁其百

日哉百日果暴死汪大驚問故林曰夫痘受形之餘毒也毫世未盡皆足以死人是疾初發自腎吾固知之發之不暢症在必死既知其流於足底故緩而至百日也汪始歎服楊少師子當暑而驚疹之氣且絕矣林曰無傷也且并可不可藥楊曰奈何林曰吾所用者天上雲耳雲生則凄凄欲雨陰氣舒而陽鬱消以清利物煮水蒸於上其可瘳乎如法治之及暮兒已戴前庭累官院判著杏塢秘訣

李洪字成章六安衛千戶善騎射兼精於醫舒有病頭痛不可忍者雖震雷不聞王珍之曰此虫啖腦也合殺虫諸藥為末吹鼻中虫悉出病愈浙有病痿不能行者王曰此疾在腠理非僅藥劑能奏效乃熟藥二桶置缸中俟稍温令病者坐缸內次第洗之半响汗大出立愈一孕婦嘔血幾死王診之曰此名子痢依方製劑外家竹瀝愈其針灸尤知名兩京號神針李

陶華字尚文餘杭人治疾有奇效一人因食羊肉胸馬瘕結不可下諸醫請方華令服砒一錢諸醫駭堅不肯用投以他藥服不效亟始用華言一服立吐而愈諸醫問故華曰羊血能解砒毒砒得羊肉則不殺



人而向亦得此乃吐此兩制法也衆始大服華最善愈奇疾他醫所不能治華治之於傷寒尤精論者謂張仲景以後一人然為人嗜利慕權勢病家非富厚巨室不能致人以是少之

薛鎧字良武蕪州人少為邑諸生兼工醫所治病必本五行生剋不沾沾按故方著書甚多惟保嬰撮要最行世私治間徵入太醫院子已字新甫尤精方術正德中遷御醫權南京院判嘉靖中進院使著家居醫錄十六種人多傳之

周漢卿松陽人以醫名括蒼蔣仲良左目為馬蹄所感睛睛弩出如挑他醫曰絲絡損法當替漢卿笑封以神膏越三日目如初武城男子病胃痛不可忍奮擲乞死漢卿以藥納鼻竅中俄噴出赤血寸許口眼悉其痛旋止東白馬氏婦有娠歷十四月不產厄瘡且黑漢卿診之曰中妖下之藥有物有金魚永康應某腹疾恒疴僕行漢卿解衣視之氣衝起腹間者二其大如臂刺其一若然鳴又刺其一亦如之加以按摩疾遂愈長山徐姬遺癩疾發時手足顛掉羸裸奔走或歌或牽曳如木偶漢卿刺其十指端出血愈虎林王氏女生瘰癧環頭及腋凡十九竅竅破白滯出趣

就木矣漢卿為剔竅母餘悉以火次第烙數日盡結痂痂脫瘡愈烏傷陳氏子腹有虫捫之如器或以為奔豚或以為癥瘕漢卿診之曰不然腸離也用針燭之刺入腹三寸許膿隨針迸出有聲愈諸暨黃生背曲須杖行醫皆以風治之漢卿曰血滯也刺兩足崑崙穴頃之投杖去其捷效如此

張順字養正吳人醫名吳中中年以醫廢順為人峭直負氣岸雖兩目瞽猶閃閃如巖下電周文襄忱鎮撫三吳尊貴甚顧獨賓禮順所譚說侃侃無有拘順治疾以保護元氣為主多用參朮著奇效在御史病疾氣短順曰此之謂支飲法當汗汗之愈長洲王如器病傷寒他醫謂熱症順曰是極寒法當用附用附亦愈高都御史尚達患久咳或以為感冒或云肺癰順曰胃氣傷正氣損似外感而實非投之補劑瘥順又能預到年月日立決人死生李百戶慶患嘔血諸醫咸在順後至問曰諸君以為何如皆曰未死也順曰諸君好為之吾去矣去數十步慶死北客計其患瘥火客素善飯順曰是殆不可為客大怒斥順為妄言越半月客果卒其奇中多此類然順所療病實有出人意外者一人患羸疾羣醫爭用三白湯順至亦



用三日湯其家大曰前數用之卒不效奈何顏白子  
勿言姑試之曰服而愈卒亦不解何故也

晏傑字由奇武進人世業醫傑更博通音鳥鳳竇占  
經子平家言及精金丹內外術正德中掌院李宗周  
薦傑等八人入御藥房或有疑傑庸醫者適帝病喉

痺令試之一服而愈帝笑言人所謂庸者顧如是邪  
遂得奉帝一日射獵還感血疾乘虎園虎騰蹕驚  
帝傑投藥輒愈每愈帝一疾輒進傑一官前後賜傑

綵幣白金無算帝所遊傑未嘗不從至常枕傑卧三  
律遷院使帝欲南巡傑固諫繼以法帝怒遂不得從  
行帝南還次臨濟夜夢見傑召之帝見傑而泣傑亦

泣從還至通州江彬請帝復幸宣府時帝疾甚傑私  
謂諸太醫曰且診上脉幸可及還而若至宣府脫有不  
諱吾與公等有死所耶奄然之乘間說帝帝意動不

行彬因時時從傑問帝疾狀傑詭曰帝尋愈矣駕還  
京帝崩江彬誅傑亦歿仕去傑既薨老家居不復為  
人療病之三親故有奇疾或施醫而不能活者時以

推傑傑聞欣然一往至則病寢愈居畢謂說老莊輒  
飄飄有遺世獨立想自署為陽穀瑤谷者谷神或曰  
陽谷東海仙太結廬處此數時求職與重門故舊推

歌彈棊飲食意其相娛樂酒酣耳熱輒出帝賜彪虎  
裘以奉人曰此先皇帝所以故老臣也又出寶刀可  
操其環摩摩取之曰是名補春刀亦往年賜物余老  
矣無能為也已置刀歎息泣下沾衣遂罷酒久之卒  
帝命益舉進士官給事中

汪機字道和門人越國公華後也父渭以醫名機  
少悉邑諸生試輒不利父命之曰汝不聞范文正公  
有言大丈夫不為良相即為良醫倉公扁鵲能活

人何必仕道為也機悟棄而學醫先是其母病頭痛  
頭眩千餘拜他醫雜治不效至是機以藥進母立愈  
父晚年三得疾亦立起機大喜旬資益研究軒岐

家言以治疾無不奇中亦入病咳痰咯血機診之曰  
此病屬脾肺腎三經熱則傷肺勞傷脾脾為肺母  
母病由子愈傷者勞傷腎為肺子子傷而母愈傷

法當用增減清暑益氣湯以承三錢為君或曰明  
醫雜著者安此病喘嗽而誤服人參者多不治斯  
言謂何機羨應曰醫者意也人參雖溫雜之他藥中

則反為他藥用血藥引之則從血藥藥引之則從氣  
法之熱則熱佐之寒則寒藥無定性顧所用何如毋  
從流者方也服其劑月餘果愈一人病吐瀉水米不



入口者七日自揣必死時方仲夏機診之脉八至而  
數曰是宜以暑治其人家素封或以暑從何入難之  
機曰裏垣不岳乎遠行勞倦動而得之為傷熱高堂  
太裏靜而得之為傷暑此正合靜而傷暑之說但暑  
邪在表宜用溫熱湯邪深入宜用清涼遂以人參白  
朮湯進先服少許良久始盡一杯三服後減去石膏  
知母加入參至四五錢一月後平復如初一人病痢  
畏見黃狗在前則痰厥仆地良久甦機曰畏陽分狗  
陽物黃注色胃屬陽注虛則木火所乘又諸脉皆屬  
然則故用擊異物法當實胃駕肝遂以參耆歸朮陳  
皮神麩茯苓麥冬荆芥飲之月餘乃安一婦病發狂  
機曰二陽之病發心脾二陽胃與大腸也忍饑過勞  
胃傷火熾延及心神脾意擾亂法用獨參湯加竹瀝  
飲之瘳他所治俱此類家居神門石山南里人呼為  
石山居士其徒周臣許忠輯有石山醫案所著有重  
集脉訣刊誤內經補註本草會編諸書  
李育大字汝化杞縣人少為諸生因母病徧覽方書  
大悟遂去學醫可大醫以奇勝不沾沾泥古方一婦  
年四十餘大梅指忽腫因僵仆不能起可大診之此  
月信至而道為冷水觸也用膏歸甘遂湯愈一婦產

後決勝醫云產後戒服參可大曰此孤陽絕陰也非  
服參不可加蘇木為湯飲之喘立止又可大診脉能  
知人昔為高軒鄭拱里居聘可大治疾決其旬月間  
當大拜後果驗於是李可大醫名籍籍大河南北間  
尋以失醫院授修職郎朱錦衣子甫一歲晝夜啼不  
止可大隔戶聞啼聲曰啼而不哭痛也用桔更調乳  
膏准之兒乃不啼老婦有年七十餘中酒氣絕者其  
子以為已死趣就亦矣可大至急止之曰吾能起若  
毋取并泥塗老婦心坎上用黃連葛根湯飲之果甦  
於是人愈籍籍似可大為能起死人可大曰吾非能  
起死人也彼症自非死法耳李進士病虛損且患痢  
腹痛異常可大用人參五靈脂治之他醫曰二物相  
畏奈何可大曰不用相畏而後能相使乎藥下果愈  
諸生董養性發熱口乾久之咯血醫家以為虛竹大  
診之曰君脉結氣鬱症非虛也用紫蘇子香附益智散  
服而愈董大奇之終身學醫為可大弟子他若寧縣  
尉病傷寒可大投以附子愈鄆陵陳知縣亦患傷寒  
乃用竹茹犀角湯雅也亦愈陳後巡按河南追思可  
大欲有以酬之而可大則既卒矣蓋至今中州人往  
往稱李神醫云



廖希雍字仲淳常熟人為日電目載翳如世所貴利  
 人翳俠者能詩歌及醫案書審國家治亂消長之故  
 熟於西兵格闘其所以為勝負之端恒與客談說古  
 今揣摩戰陣風發泉湧大聲雍然欲壞墻屋又工形  
 家言尤精醫善本草之學以為上古三墳書其未經  
 秦火者獨本草耳神農本草經朱氏醫之六經也名醫  
 增補別錄朱墨錯互醫之証疑也本經以經之別錄  
 以歸之鑽極沈研剖理解著本草單方一書摘抉  
 軒岐未發之秘東垣以果未食有也希雍以醫名世  
 歷四十年所全活人無算然生平經濟實不盡於醫  
 每當酒酣再熟輒慨然大言傳稱上醫醫國三代而  
 下諸葛亮之醫漢王猛之醫秦此其遠也以宋事言  
 之熙寧之法泥成方以生病者也元祐之政執古方  
 以治病者也繼述之小人不診視病狀而強投以高  
 頭狠毒之劑則立斃而已其立論如此僑居長興後  
 徙金壇老焉菴宜興山中  
 陸游字雲龍錢塘人宗預初武科精於醫婦鄭氏  
 昨病憊憊不辨人事夜見一紫衣年少者繞床言明  
 血陸先生來贊明父延琦並掃閣陸姓則大驚而持  
 跪去輒知故知是者數矣一日琦來父告以故琦

微塵授筆書陸游在此命懸床土宗遂絕張甲患嘔  
 血每秋嗽發發則委頓嗜睡諸醫以為血症琦診之  
 曰此肺有積垢也必藥吐之出一血塊頭足皆其端  
 燔然動則視去耳琦曰子豈慢使土人肺院中邪甲  
 乃悟向者墮水昏絕及甦喘滿沙常以此時入也  
 李氏兒市痺腰如手諸醫以食積治琦曰不然此  
 蜘蛛蠱也摘蜘蛛煉藥吞之即愈南村有老翁入山  
 採藥獲一石此澤可愛疑之忍僵什同行者莫知其  
 由時診其脈曰脾毒矣取大鏡置床下昇老翁其上  
 灌酒暈數劫蒸之移時而醒為言觀石之故人以  
 箭為神采婦張氏病熱壯日胎氣上衝目瞑牙閉脈  
 與期娘遊使母按其腹炙手如火琦命取山泥和井  
 華冰泥投正煎燥梨類湯泥熱氣漸消孕竟無恙琦  
 於方書自素難以果無所不讀讀一過輒終身不忘  
 於其治病多神解非僅以按方投藥為能也性冲淡  
 終身無怒容中亦嘗言失過矣其內行修整更多隱  
 德父病劇血告天願以身代出過夫婦相持而哭者  
 聲甚哀前長將訣嫁以供進耗亟歸取室中簪珥代  
 贖喪婦獲完隣婦少寡琦視病往來其家一日婦稱  
 病危送之客室批以情琦曰君子豈以冥冥墜行哉



拂衣而起後召勿復往

張介賓字景岳紹興小陰人父福定西侯客介賓年  
十四即從游京師時奎慶石工醫術介賓就之學盡  
得其傳以為今人以血氣臟腑寒熱言陰陽此皆後  
天之有形者非先天之無形者也病者多以後天戕  
耗天治病者但知有形邪氣不顧無形元氣自劉河  
間以暑火立論專用寒涼其害已甚賴東垣論脾胃  
之火必務溫養救正實多丹溪出立陰虛火動之論  
寒涼之弊又復盛行乃手註本草以闡之特詳於參  
附之用又慨世之醫者茫無定見勉為雜應之術假  
兼倚以伴中措和平以藏拙虛而補之及恐措之為  
害擬創定以消實而消之又恐消之為害擬制之以  
補若此者以藥治藥猶未遠又安望其及於病邪故  
其為人治病多方重劑莫不應手霍然牛時謂病者  
病其內治過大節皆厚幣致也其所著類經綜彙  
方家辨林微義凡數十萬言歷四部而後成又以  
應病如應敵作新方以陣為執畧以破之介賓博學  
於醫之外象數屬緯璣義律呂皆能究其底蘊在遠  
陽道中聞柳馬者歌聲聒耳介賓以此發聲也不出  
五年遂其危乎已而言驗所親問以近事介賓曰我

夜觀乾象宮車殆將宴駕天下從此不孔矣未幾神  
宗崩介賓遂返越又二十年始卒同時有趙獻可字  
養葵定海人與介賓未嘗相見亦以養三焦之火為  
言所著醫貫往往與之相合

論曰自漢以來五行休咎穿鑿傳會已極好事者群  
竊其餘緒以誣世誣民孔子不語怪神良有以也如  
九統家言實鄙俚無足道學士大夫窮於其說歎大  
惑不解時君嗜好偶偏入而不察即事變煩興其大  
者至有關於宗社存亡生民理亂之故如張中素珠  
皇甫神和全實等皆之徒皆其人也漢黃之術本以  
察不然素問難經靈樞經亦豈堪盡信至於單方  
秘授為害更深世亦可鑒而寒熱辨證之劑庸醫亂  
提亦未嘗不以人命為戲也故必其人明理慎行  
講求有素若滑壽純雜德將用文丞敬陸琦張介賓  
諸人庶幾可與嘗試矣雖然亦豈易得也哉



明史卷三百九十九

外戚上

外戚傳

國家之爵祿寵利加乎其臣以人才為差等而外戚由姻昵蒙恩其所以希寵微澤恒非俊乂勲勞之所可及固其地分宜然也惟其以地分為依憑于是乎怙心狡圖者至千數典章蘊崇禍亂在漢則呂氏之為王與王氏之五侯是也而饜饕癡蕩之徒則觸罟投網使人主不得不賊憚而徇法則丁傅梁竇之屬所謂西京七族東京六姓是也自是之後援為烟戒每存斂制而興廢善惡則存乎止所以取乎下與下所以承乎上者而已善乎東漢馬后之抑外氏封也曰福祿重疊如再植之木其根必傷至孝之行安親為上此教言者可謂洞徹貫宜者已唐之長孫宋之曹后皆其儔也而陰興武攸緒之佞能先幾速咎有足多焉明興高皇帝無外家三尺之裔以故王爵廟號雖極隆于楊徐而朱印自功臣外無兩者至若李隴西繇尚主而僭爵要小岐陽大勲所推本文皇入纂而中宮仲氏乃開焉夫固憫其凶收其悃而執經者猶疑之然以中山之勲塞天地家有兩公祚及百代不為過也其本末世次在中山傳及公侯表中昭

皇后母儀奕世幾于文妣以故張氏得封二伯其後外戚家至有自侯而進公者自保傅而至太師者然其極不過貴富其樂不過宮室狗馬聲色其威怒不過行里閉離匹而已壽寧建昌以太侈而輒膚繫儻肅帝因申明考功悉裁諸世封者獨定公以中山故彭城惠安以昭皇后故且半援惟幄汗馬焉蓋累朝法制森密而賢后如孝莊之遜謝慈聖之裁飭與古懿範同風抑東禮之官譏議之職間遇朝廷恩數踰溢未嘗不執憲典而爭故雖鄭氏奪嫡之謀其禍中于肺腑滕理元弟宗族交通傾軋而猶尚陽施抑遜內憚公忠有所忌而不敢恣睢以顯行其毒殆夾持匡救之力居多焉若夫貞徽亮跡出乎叔親之間在遜國則徐輝祖以仗義幽辱梅殷以拒命橫死在國亡則張慶臻劉文炳合門自燔鞏未固黃絕殉命豈不足以振頹綱而樹名教雖守道砥節之儒何以加哉夫同一外戚也非其人則為梟為獍其氣力易以竊資而養亂得其人則為麟為鳳其羽毛適以重國而表倫匪是則恪順徐靜澤于典雅以保延家族而承天子睦婣序名詎于不哀庶幾上下兩得也哉因考外戚之事蹟可紀者著于篇



楊王陳公逸其名世居揚州無子長女適李氏次淳  
皇后公既卒以季氏甥為後洪武二年追封揚事  
王王夫人立祠太廟東遣大臣代祀其明年中都守  
臣上言伏惟陛下追眷陳氏本乏脩宗更迷兆域軫  
心揮涕日夕靡遺臣等旁詢父老徧歷村墟得公塋  
地在下縣盱眙丘壠如故是宜加樹華表兼創廟祠  
臣又聞人言公本維揚尺籍當宋祚將傾扈蹕遠遯  
既次南海帥隕君崩卒徒俱溺公亦舟破中濟脫死  
海島招携瘡殘匍匐沙際累石支釜調糜苟活已而  
食盡自分喪軀適旁有死馬衆欲烹食公方傍徨夢  
白衣人謂公勿食馬肉吾舟挈汝恍惚未信俄夢如  
初是夜櫓聲入耳若寤若寐復有紫衣人杖觸公勝  
曰舟且至柰何不起公驚立熟視身在艤中食頃颺  
發舟如輪轉公夙詣巫呪叩齒揮神須臾風波靜恬  
檣柁寧捷同舟謝公共進酒食北至通州送公登岸  
歸於故里厭棄弓矢假藉符術避地盱眙津里鎮久  
之始生二女季即皇太后也作配仁祖誕育聖躬公  
卒年九十有九臣等無任嗟異伏惟宋元之交華綱  
塗地戎貫滔天神宵攸鍾軋靈未殞皇太后之有朱  
乃陛下之有母也豈偶然哉臣等謹昧死奏帝曰朕

固已聞之矣因命中書省為朕外王父揚王立廟盱  
眙墓次遣太常卿陳昧往奉安神主祭以太牢肆祭  
器悉白金所造仍製王袞冕王夫人冠服焚之設祠  
祭署奉祀一人復洒掃戶凡二百一十家世守王墓  
有司用歲時行祀禮且諭翰林學士宋濂文其碑其  
先所立太廟東故祠遂詔有司撤之云

徐王馬公逸其名孝慈高皇后父也洪武二年追封  
徐王媪鄭王夫人繼又念王無子與揚王並祠太廟  
東皇后親奉安神主及祭其祝文稱孝女皇后馬氏  
謹奉皇帝命致祭於考妣云云四年五月宿州新廟  
成帝召禮部尚書陶凱諭曰皇后德懋塗辛功高任  
姒佐朕布衣永清寰海實惟慶宗發此靈淑惟后父  
馬翁世籍宿州閔子鄉少事耕農長負膂力疾惡如  
仇拊順若狎墟中敬憚莫敢頡頏元末使氣殺人藏  
命定遠已而江淮驛騷避地轉徙謀諸室人鄭乃以  
愛女託於好友郭子興子興豪俠首難收召民兵朕  
適歸麾部稍著勲庸乃館朕甥廬薦成嘉禮曰吾女  
馬公季女也惟吾夫婦愛如己息音本嗣徽祥由天  
定朕時敬諾周旋有年及登大寶遂正軒龍業有誌  
褒贈翁媪矣於是物色嗣崑並遭困天朕感悼益深



用即王塋關地作廟奉安神靈禱有司祇供祀事汝  
凱宗伯實司人鬼其次第朕言刻諸貞石凱再拜受  
命二十五年設祠祭署奉祀祀丞各一人以王外親  
武忠武聚爲之復洒掃戶九九十三家其他禮文悉  
視楊王云先是帝嘗訪得后之親族將授以官后力  
謝曰國家爵祿宜與賢士大夫共之不當於妾家且  
引前世外戚以驕佚致禍帝善后言賜金帛而已故  
馬氏訖無貴顯者

郭德成濠人也兄興弟英皆以功得侯事具名將中  
德成有女弟入宮爲寧妃德成事帝爲駙騎舍人世  
多難因自晦于酒一日帝召授府都督懇辭不受帝  
變色曰朕念爾親且舊又兄弟皆封獨爾未顯故畀  
爾職爲爾榮奈何乎辭德成免冠泣且拜曰臣狂愚  
性懶嗜酒又酷嗜卧不識緩急倘任職不理上殺  
我矣人生不過多得錢飲美酒取意自適耳顧榮顯  
無爲也惟上裁幸帝喟然曰善人善人舉若此吾刑  
可措矣立賜黃封百畧助舍人飲他金絲稱是一日  
侍宴後苑醉匍匐免冠謝髮禿落帝笑曰醉風漢毛  
髮如此非傷酒過耶盍戒諸德成叩首曰臣猶厭其  
多且盡剝始快帝嘿然德成悟觸忌諱乃大怖出即

盡削其髮披僧衣入狂呼唱佛不已帝謂寧妃曰前  
謂汝兄獨戲言乃實爲之非風而何已而黨事起死  
者相屬德成益狂蕩不檢以壽終

彭城侯張麒河南永城人誠孝昭皇后父也洪武中  
女爲燕世子妃授兵馬副指揮尋卒洪熙元年贈彭  
城侯諡恭靖子景初從成祖靖難戰永平大寧有功  
擢指揮同知建文三年援薊州又從梁銘戰白河上  
陷陣有功遷都指揮永樂中調金吾右衛再調管帶  
衣衛旗手二十二年妃正位中宮進左都督洪熙改  
元封彭城伯與世券正德三年卒景弟昇靖難時以  
舍人守北平授正千戶永樂初遷指揮金事十二年  
從出塞至忽刺忽失溫遇敵有戰功二十二年遷都  
督同知尋進左都督宣德四年罷都督任勅曰卿舅  
氏至親而日理劇務不遑暇逸矧兵政之重吏或以  
欺謾連逮不問則廢法問則傷恩朕夙夜在念圖善  
始終可輟都督府事官職俸祿悉如舊庶稱朕優禮  
至親共保富貴于無窮之意正統五年封惠安伯與  
世券先是宣宗奉太后謁陵景昇從太后召見論以  
謹飭保家祚惟期望奉朝請不得預聞政議景昇  
家本謹厚以太后故益凜國法罔敢踰越故恩澤兩



封久而不替嘉靖八年釐恩澤侯以彭城惠安軍功得嗣如故其世嗣具世表中崇禎間慶臻嗣爵申中京師破慶臻盡散其家財以予親戚交游置酒與其家人聚飲積薪四圍合家燔死

會昌伯孫忠字主敬山東鄒平人孝恭皇后父也初名愚宣宗勅改今名洪武末以太學生擢介休主簿改調永城皆有惠政民愛之陞鴻臚序班宣宗即位孝恭方為貴妃得帝意授忠驃騎將軍中軍都督兼事賜錦衣犀帶宴宣武門既孝恭立為后封會昌伯帝后數臨幸其家忠妻董氏教召入多賜予貴盛寵渥無與為比正統中后為皇太后忠生日太后遣使往為忠上壽會祭酒李時勉忤王振意枷國子監諸生三千人上書請赦不得乃走會昌所祈為言忠附奏皇太后曰臣犬馬年今歲生辰殊不樂彼年生辰公卿為賀國子李先生亦來李先生君子也坐有君子乃重今聞枷國子門不得來故不樂耳使者入奏太后太后驚問帝祭酒貴臣也奈何囊頭今元男生日不得祭酒坐無重客元男不驩帝立釋之命即賀忠家士大夫皆再往為壽車馬填溢里閭太學生徒及都人士聚觀相顧嘆息傳為盛事忠為人謙謹好行

其德宣宗欲為忠起新第忠固辭賜以女弟近也擇人而嫁之成山侯通奪爵不自贖分以賜田鄉里故舊多賴以存活人稱忠長者年八十餘卒追封會昌侯諡康靖子繼宗嗣伯天順元年以奪門功進侯加祿二百石與世券追封忠安國公改諡恭德家人冒功得官者二十餘人帝以太后故革諸蒼頭官官諸子弟如故五年總兵討曹賊加太保經筵侍班國有大事與會議祖制外戚不預政繼宗以勲德特膺異數弟顯宗自其父忠時已驕橫至是坐法繼宗為請帝不悅謂大學士李賢曰祖制外戚不得預政太后初以人言防衛須戚里令繼宗典兵至今悔之賢曰孫侯醇謹無他腸第後不得為故事耳成化元年再革奪門功特旨繼宗侯如故卒贈鄭國公諡榮襄子璉嗣卒子鎮嗣避英宗諱改名銘

都督錢貴直隸海州人孝莊皇后父也祖整從靖難授燕山右護衛副千戶父通以白溝河滄州泚河功陞指揮使初貴以指揮使從太宗北征宣德十年陞都指揮僉事後陞中軍都督同知十二年卒賜祭葬如例子欽為錦衣帶俸指揮使與弟鍾從北征沒于土木欽無子鍾遺腹生子雄雄字士英天順元年陞



都指揮使累官都督府同知朝廷念貴夫人陳氏老賜莊田百頃者再成化八年加封陳爲太夫人雄不言臣襲伯父致職欽既受贈臣生父鍾與母王氏尚未蒙恩帝特允推恩爲錦衣衛指揮僉事王氏封恭人以鍾殉王事故也成化十五年雄卒年三十訃聞賜寶鏹萬緡遣治葬事初英宗閔后族卑微每欲胙之茅土孝莊輒遜謝故終雄身不及封拜雄卒子承宗爲錦衣指揮已又於前軍都督府帶俸憲宗念累朝外家皆受封爵乃如例進推誠宣力武臣榮祿大夫柱國安昌伯食祿千石予世襲嘉靖五年卒上輟朝一日賜祭九壇遣官治喪事諡榮僖子維圻嗣爵尋卒承宗母以庶長男維垣請吏部裁之授錦衣帶俸指揮使已而維垣又乞嗣伯制曰外戚無功坐享重職非古帝王報功之典朕甚不取廷臣屢建議愛國重名器也下九卿議羣臣上言外戚之封非古制且祖宗來非軍功不拜洪熙以後轉相承襲祿米愈增國用滋訕魏定故佐命元勳即彭城惠安亦軍功居半承宗不得與比帝然其言勒維垣停伯不得襲著爲令

寧國公周壽昌平州人孝肅皇后弟也父能以女入

宮侍英宗爲貴妃生憲宗官至錦衣衛正千戶能卒壽嗣天順八年陞左軍都督僉事憲宗即位尊貴妃爲皇太后壽以元舅召見授都督同知成化三年封慶雲伯明年詔給莊田六十餘頃時方禁陳乞而壽挾恩冒請帝竟許之未幾賜推誠宣忠翊運武臣特進榮祿大夫柱國食祿千石與世券八年充正使持節封藩王時工部主事謝敬督呂梁洪壽欲多挾客船故難之互鬪致傷壽許敬諸不法事敬坐除名七年十月進爵爲侯帝復擢其弟指揮或爲都督同知千戶忠爲指揮舍人整海讓誠剛禮爲錦衣衛百戶皆世襲當是時周氏一日蒙恩者數人顯燦莫埒焉十二月庚申勅吏部曰朕自繼統以來治道鉅細惟皇考是法矧尊親之誼崇所自始此古制也贈慶雲侯周能及夫人甄氏實我聖母所自出而封號未崇朕甚惡焉其贈能爲奉天翊運推誠佐理武臣特進光祿大夫右柱國太傅寧國公諡榮靖甄氏爲寧國夫人因賜壽勲誥如父官歲增祿二百石弘治元年孝宗即位加大保增祿百石時敬皇后弟壽寧侯張鶴齡貴顯橫戚里中擅阡陌市廛之利壽與爭至聚衆鬪爲有司所糾帝令各具狀以聞壽猶貪求無



已皆曲從之正德三年查革先朝傳陞武爵壽子姓周瑾等八人與焉壽請乞得旨還職卒年六十八贈寧國公諡恭和壽性謹厚其使藩府及印馬皆稱旨平居簡出不交賓客故能以富貴終子瑛嗣初弘治中壽得賜寶坻地宅二千餘頃故會昌侯孫繼宗之遺產在焉建昌侯張延齡繼宗壻也亦受地二百餘頃與壽接壤數訟爭當是時延齡勢張甚壽悉讓其地而自請地于未安務正德末並入為皇莊嘉靖初年詔皆給主于是兩家各請其故物瑛仍符所賜寶坻地然瑛好貨更過於父至截商專利為御史所糾周氏謹厚之風微矣

長寧伯周或孝肅皇后仲弟也與兄壽皆以外戚授錦衣衛正千戶陞指揮使太監懷恩傳陞為都督同知成化三十三年封長寧伯世襲歲祿千石明年賜特進給券誥弘治元年加歲祿百石十八年進太保十二月或自請侯爵部臣言封爵重典其以恩授皆出特旨未有如或之自請者帝是之當是時或方與東光縣民訟由為臺諫所糾乃自陳乞其特恩恣縱如此武宗立復為子姓乞恩帝命其子瑋瑋錦衣衛指揮使瑛瑋瑋正千戶皆世襲瑋瑋特授錦衣衛百戶

正德三年卒猶以不得列侯為憾子瑋瑋瑋卒子大經襲大經卒子世臣降授錦衣衛指揮同知時嘉靖二十八年也或以太后故封爵傳再世至是始從降黜例云

都督王鎮宇克安應天上元人孝貞皇后父也祖任南京義勇衛千戶父鳳博大長者好延接士大夫時魏驥為南京吏部尚書清望特著好別白君子小人頗不為權貴所悅鳳獨與交莫逆而驥亦時時隰就之鎮承家訓為人益厚重清謹有父風天順六年以恩授金吾左衛指揮使尋陞都督同知成化四年進右都督帶俸嘗奏乞軍伴隨從兵部言事非令甲帝特命以十五人予之封其父鳳為右都督鎮與父先後卒鎮為椒房之戚履榮寵而廉慎不改其舊終鎮之身不敢受封蓋恂恂篤行君子也弘治五年進封阜國公諡康穆子三人源清濬源初嗣父為錦衣衛都指揮使後陞都督同知成化二十三年封瑞安伯食祿千石與世券弘治五年進侯增祿二百石已加太保太傅增祿三百石進封其父鎮為阜國公母段氏阜國夫人自三代以下皆進祿侯爵妻及繼室並封侯夫人嘗與慶雲伯周壽私忿構訟帝釋不問母



段氏請中兩淮常股鹽許之故受地獨少源旁占民產爲給事中王恒劾奏會有詔禁外戚侵民田源因還民所占緝治其減獲焉弘治十四年以不赴郊壇奪俸與耕籍田行五推禮源行事雖時溢禮法之外然亦無大過故終身恩寵不衰嘉靖三年七月卒贈太師諡榮靖子橋嗣清以恩授錦衣衛正千戶累官中軍都督同知弘治十年封崇善伯食祿千石予世券十八年加大保增祿三百石嘉靖十三年四月卒妻周氏爲子極乞恩襲封不許降授錦衣衛都指揮同知濬字禹勳成化中以恩授錦衣衛百戶弘治三年陞千戶累官左都督正德二年封安仁伯尋卒武宗輟朝一日諭祭十六壇英賻甚厚贈安仁侯濬與兄源清並受封爵大端謙慎在戚畹中以賢稱子桓嗣

伯食祿八百石而諸弟誠智信先後授官有一歲再遷自舍人至都督者天順元年奪安平伯爵降附軍前衛指揮僉事智府軍前衛指揮同知喜山指揮僉事廣林錦衣衛正千戶誠俱削官閑住成化十八年六月安子玉上言賢妃誕育景帝乞賜其父祭墓詔與祭了壇

都督汪泉不知其何郡人景帝廢后汪氏祖也初襲其父浩職爲行在金吾衛指揮使正統十八年孫女爲邸王妃十四年十二月邸王即皇帝位妃爲皇后陞泉都指揮同知而官其子瑛爲錦衣衛指揮使瑛后父也景泰元年推恩以瑛弟璽爲南京錦衣衛帶俸指揮僉事瑄爲錦衣衛正千戶二年進泉左都督指揮使瑛右都督當是時汪氏驟貴怙勢作奸占武清民田及招納四方游手奪商賈財貨等事爲給事中林聰所劾景帝不問聰等固請乃下瑛錦衣衛獄會后廢泉亦失寵詔籍泉所占田及私收漁澤之利三萬兩沒官天順元年降泉仍爲金吾左衛指揮使瑛仍爲中軍兵馬指揮而璽等悉奪職閑住五年泉孫代職

指揮使杭昱景帝杭妃父也景泰三年妃立爲皇后



昱陞錦衣衛指揮同知尋陞指揮使帶俸不視事天  
順元年降副千戶初昱子聚以后兄授錦衣衛正千  
戶子敏孫宸皆金吾左衛試百戶聚在景泰間至是  
敏宸皆削籍

都督唐興不詳其世系有女爲景帝貴妃寵冠後宮  
興以恩澤給世券爲錦衣衛帶俸指揮僉事尋遷本  
衛指揮使已復爲左軍府右都督先是中官傳旨以  
隆平東鹿縣清水河地賜興既而隆平民白清等稱  
爲己業興訴于朝民終不服比收獲互相爭奪民有  
至溺死者復以爲言景帝命執民杖遣之後興亦以  
衆怒難犯自言食祿之家不當與民爭利以其地歸  
之官天順元年英宗收興下錦衣衛獄論死改戍河  
南興借宮闈之寵賜予最多人稱金穴而所授官遠  
過汪氏杭氏興以橫恣不檢故及于禍云

指揮使萬貴諸城人憲宗貴妃之父也少年嘗爲諸  
城吏坐事謫編戶霸州以貴妃歷官錦衣衛指揮使  
頗知禮法每受賜予輒憂形于色曰吾起閭閻爲掾  
史編尺三寧知有今日哉蒙天子恩備戚屬子姓武  
弁蟬聯然福過災生未知所稅駕矣時貴妃擅寵作  
威福宮中比肩事上者多爲所齟齬至謀不利於孝

宗生母紀氏而貴子喜爲指揮使通爲正千戶連爲  
副千戶皆怙恩恣橫貴每見其子驕佚屑越賜物則  
戒之曰官家賜物皆著于曆他日復來索取汝無以  
爲償矣諸子聞之皆笑爲迂成化十年七月卒贈  
祭葬視常例有加十四年二月進喜爲都指揮同知  
通爲指揮使達爲指揮僉事皆世襲而通尤橫甚請  
中鹽兩淮多所陳乞詔皆予之通子諸萬中行二時  
稱其官皆稱萬二云通少貧賤與兄業賈逐什一之  
利一旦驟貴閭閻無賴子弟見其勢燄薰灼爭相附  
和誘以作奸犯科諸寶石玩器競爲奇巧以邀厚利  
外倚通而中恃貴妃爲與主中璫若韋興梁芳輩復  
左右之每市一物償輒空內庫不足以償嘗遇給直  
從內庫輦金錢出絡繹道上不絕見者駭嘆而諸璫  
第宅服用僭擬王侯于是國家之帑藏日虛民生日  
困矣通妻王氏出入宮掖大學士萬安附爲同宗陰  
遣婢僕時時至王氏所通殷懃候起居朝中希進之  
士屨趨其門妖人李孜省輩以金丹符水之術由通  
得幸滋躋卿貳于是朝廷之官常素矣通淫放無節  
平居未嘗衣冠有徐達者妻色美通收爲奴而與私  
焉後通卧病適達與妻語通聞之大怒遂噎咽而死



帝猶寵眷不衰曲賜誥命明年傳陞喜爲都督同知達爲指揮同知又有萬祥萬從善萬牛兒者皆得推恩爲都指揮使及指揮僉事從善甫二歲爲通庶子牛兒四歲則通養子也憲宗崩言官劾其罪狀並及宮闈事孝宗不忍深求僅奪喜等官并追先朝所賜誥命賚予及支內帑物直果如貴言

壽寧伯張懋敬皇后父也成化中后爲皇太子妃授鴻臚卿后正位封壽寧伯立東宮進侯卒贈昌國公子鶴齡嗣侯弟延齡亦以建昌伯進侯當是時二張橫甚時時入禁中一日窺御帷內臣何文鼎持大瓜箠之幾死帝亦不罪文鼎至奪民田廬請官奪舍又豪奴姻親凌官府篡獄囚莫敢詰市津龍斷皆二張人于是給事中吳世忠主事李夢陽各疏劾幾得罪他日帝遊南宮二張夜入侍酒皇后皇太子金夫人迺還出游帝獨召大張膝語左右咸不聞遙見大張免冠觸地自是稍斂戢正德中鶴齡進太傅嘉靖中大張以定策功封公然釁內積益怵怵自謹矣尚書胡世寧言宜保全外戚不宜使後世謂外戚封公自陛下始已而正昭聖皇太后號名占徽號太后旨勿賀而二張多擬釁嗜利奔走其門者生短長語

言朝廷大疑之於是奸人劉東山上疏言二張有逆謀帝令考漢薄昭故事下考竟法司恐傷太后心疏言二張諸不法皆前朝事乃逆謀無跡奏從末減帝怒諸法司咸得罪再訊延齡坐斬鶴齡與南京錦衣指揮勒閑住帝念昭聖當有言乃寬而昭聖竟不問錦衣都指揮王佐力推勸東山亦反坐荷校死

慶陽伯夏儒毅皇后父也父瑄好義與嫫族故舊通有無聞殍死及無告者輒買棺掩骼稱長者儒資稟淳厚濡染家訓以勤儉忠厚爲尚涉獵書史非人不交父寢疾三年躬湯藥不離左右夜焚香額天以身代以毅皇后恩授中軍都督府都督同知進慶陽伯賜誥券益敦謙慎服食不改其素朝暇未嘗輕出戶庭凡厲民踰節之事一切不爲至子姓臧獲皆遵約束不敢恃恩澤爲驕縱門庭肅然京師外內若不知其爲外戚家縉紳卒然遇之不問亦知其爲慶陽也正德十年卒子臣嗣

昌化伯邵喜浙江昌化人孝惠皇太后弟也父林寓杭州太后初入宮爲宸妃林早卒太后有弟四人曰宗曰安曰宣曰喜宣早卒宗亦再傳而絕及太后爲貴妃生興獻皇帝及岐雍二王成化中喜得推恩官



錦衣衛百戶憲宗崩議革武弁之傳陞者喜與元百戶安與焉正德二年喜上疏陳乞詔復原職尋陞指揮使無何以奏乞莊田爲侍卽陳金所劾世宗入繼大統尊貴妃爲壽安皇太后喜以定策迎立功進封昌化伯食祿千石與世券明年卒諡榮和子蕙嗣五年卒無子族人爭嗣下吏議繼又令武定侯郭勛大學士張璁等議言邵氏子孫皆絕今爭襲者乃旁枝不當嗣帝特令邵杰嗣伯杰安之孫也獻皇在憲廟時爲安乞恩稱母弟故卒命杰云後帝以廷臣言盡革外戚封邵氏爵亦停

泰和伯陳萬言大名人爲諸生嘉靖元年昭聖皇太后旨選萬言女爲皇后先授鴻臚卿再加都督同知賜第黃華坊二年萬言辭所賜第詔卜第于西安門外給事中鄭自璧等言西安門外新宅已官鬻之民不宜奪與萬言不聽帝乃爲之起第經費數十餘萬勞役數千餘人言官余瓚等抗疏不省已復封萬言泰和伯授其子紹祖尚寶司丞尚書喬宇等爭之俱不報三年萬言奏討莊田以贍家口又乞武清東安地各千頃詔戶部勘空閑地土給之給事中張漢卿上言賞予過多則恩數而爲借陳乞太繁則法傷而

爲棄借則濫棄則弛皆非所以遵憲典保貴戚訓臣民也泰和伯陳萬言起身寒儒聯姻帝室襁眷之初方望其躬自檢修不忘儒素爲諸戚模範顧不自愛惜日事貪冒去歲深冬雪沒急起大第徒役傷疲咨怨之聲盈傳載路方今四方災沴相繼江淮餓死之人窀穴掩埋動以萬計萬言曾不是念今復求給莊田夫小民一廛之地一畝之田終歲耕作猶苦不足以養私室其不至流離散亡者幸有咫尺畦田以保懋其心今又折割而畀之貴戚之家不亡不盜不可得也按求討莊田歷經言官奏論憲宗孝宗朝飭諭禁止新政以來又中約束萬言知成諭諄切却復故違奏討規紀法何等乎自萬言被有優旨遂至轉相效尤紛紛噴請俱奉查給之諭夫邦畿之田圖版有數若又並起吞侵小民豈尚有生產乎伏望割恩以義杜漸以法一切裁抑令保延爵祿毋干憲典幸甚言極爲愷切帝竟以兇莊曹村橋等地八百餘頃給之七年皇后崩萬言恩漸殺而法網亦浸飭焉安平侯方銳字廷器江寧人嘉靖九年銳長女選爲宮嬪以恩授錦衣衛鎮撫尋陞正千戶既而位中宮陞銳都指揮使扈從車駕南狩道拜後軍都督府左



都督既封安平伯復進封安平侯實食祿一千七百三十石銳帝自韜戢帝嘗賜之第僅取足為息不欲大為營造服用自常賜外未嘗過求由是廷中推賢年六十卒子承裕嗣

固安伯陳景行字希哲江西建昌人高祖政以軍功為百戶世襲調通州右衛遂家焉景行雖出介胄家性嗜學弱冠為諸生高等女選入裕邸冊為妃授錦衣衛正千戶隆慶改元太后正位中宮晉爵固安伯食祿千石萬曆嗣位上皇太后徽號益祿二百石賜肩輿又以皇子發祥益祿三百廕諸子官爵有差性朴茂愿恪每遣祀宗廟山陵及持節冊封妃嬪諸大典禮必齋戒而後將事尚方非時之鮮衣玉帶玉兼金上尊拜賜輒惶懼如不能承聞居援引古人事以戒諸子嘗曰吾讀漢史至絳灌等為諸寶擇師傅賓客卒之長君少君並為退讓可謂有大造于實氏若輩其慎交遊毋昵匪類則長有今日矣其持盈守謙如此年七十卒訃聞太后哭之慟帝為撤樂賜東園秘器諸鐵寶幣帛等物諭祭十六壇官為繕塋仍予贈諡祠額而兩宮母后中宮妃嬪暨潞王藩主所賜猶疊不絕皆異數云子四人昌言錦衣衛都指揮僉

事嘉言錦衣衛指揮使善言名言並錦衣衛千戶名言娶德平伯李銘女孝懿皇后女弟也安國公李偉字世奇其先山西平陽人曾祖政從文皇帝靖難軍占籍順天之泃縣遂為泃人童時與奉兒嬉里中忽羽衣過其前驚語人曰此男骨相奇偉當位極人臣宜善視之祖罔常摩其頂曰聞先人言我上世累德數百年後當大發豈在茲乎遂命其名曰偉從羽衣之言也嘉靖二十四年春偉夢空中雲五色承輦旌幢鼓吹導之下直達寢所驚寤倉皇攬未起猶隱隱若車騎紛綸狀比舍皆聞之冬十一月慈聖皇太后生里中異香彌旬不散司候言后星見燕分直帝城東南其地女家多喜自負莫能當之者已避警携家入京居數歲女選入裕邸四十年顯皇帝生乃悟羽衣言與嚮所夢悉徵隆慶改元冊立東宮推恩加中軍都督府都督同知是年顯皇帝登太寶尊兩宮聖母為皇太后晉爵武清伯歲食祿千石賜乘肩輿尋益祿百五十石大昏禮成推尊上兩宮聖母徽號益祿百石皇子生晉爵武清侯官兩子皆都督偉蒙恩眷寵榮無與比而小心畏慎慈皇太后猶時訓飭之偶小不率一日召入仁德門跪于地而



宣諭切責之以是李戚晚賢聲日益著與士大夫處無崇卑務折節為恭敬未嘗干以私縉紳積重者多與之游先後蒙被恩澤所賜第宅莊田金幣寶鑑之類既美溢而自奉甚約凡狗馬聲伎珍綺玩好之具泊然無所嗜歲入租庶下輒指示諸子此顆粒皆出國恩毋溢費又揭聖母所賜謙謹持盈寶翰于庭曰懿訓昭然爾輩宜恪守履車在前可鑒也諸子奉教命循循一軌于禮度萬曆十一年卒贈太傅安國公諡莊簡尤為異數云子三長文全次文貴並中軍都督府左都督三十年帝以聖母慈恩特進武清伯文全為武清侯文全卒男錦衣衛指揮僉事誠銘襲爵崇禎之末以國用匱乏為憂閣臣薛國觀首議勸借言在內惟戚晚非上獨斷不可因以武清為言遂傳密旨借四十萬金誠銘死督其子國安國安死繫治其家人產房入官國安女字嘉定伯周奎孫嘉定請于后后曰人當患難無絕婚禮但取此女歸勿擣持一物諸戚晚合詞請寬不許于是戚晚人人自危後皇五子病亟見慈聖李太后于空中俄憑而告者手百言帝大懼停追仍給還產房復武清爵

遷入正中宮位授偉錦衣衛都督六年給房價銀一萬五千兩莊田五百頃進封永年伯支祿崇禎初尋命文書官傳諭內閣欲將偉弟男加恩授職輔臣擬偉弟俊男棟各錦衣衛正千戶頃之復傳諭正德間皇親夏助等俱授錦衣衛指揮使等官世襲今何涼薄輔臣張居正等言世宗皇帝悉已釐革臣等改擬偉男棟授錦衣衛指揮僉事弟俊授錦衣衛正千戶至世襲則祖制昭垂臣等不敢奉詔越次日帝復遣文書官傳諭令按德平伯李銘事居正等執奏如初帝允之

鄭成憲大興人鄭貴妃父也妃既寵冠後宮父子宗族列爵輝連多驕橫敗度見之臺省彈劾帝置不問十七年帶俸都督同知成憲卒于國春請襲父職部議承襲非制帝竟授都指揮使給事中張希皋上言指揮使下都督一等例不承襲會典昭然成憲既居極品國春又得崇階貴妃家如此皇后家當何如乞收回成命以示節制不報是時妃欲立福王為太子既要帝于大高玄殿貯盟誓玉合為信而鄭氏之屬如鄭承恩鄭福成鄭國賢鄭養性咸交結諸臣時帝座奪適之形彰明較著以故皇長子出閣冊立大



典父虛一時公論沸然鄭氏既陰移大權而欲陽示  
遷謝以塞清論沽美名二十九年國泰疏請冊事  
宮并論貴妃服用過侈帝以其言狂瀆諭閣臣知之  
而閣臣沈一貫奏言國泰之意一則欲開揚貴妃之  
賢使無訛語一則欲自保福祚使無後患正見小心  
敬畏所宜褒嘉以成其美至云太子不立天下震動  
萬古綱常所係宗社安危所關尤剖肝至忠之言皇  
上宜加採擇臣謹再擬冊立冠婚及皇子分封擇日  
具儀之聖諭以進不報而承恩亦以儲位久虛為言  
詔奪衣巾為民居亡何妃得呂坤閨範序而刻之致  
憂危竑議諸說彈射四起大抵指斥妃戚圖危國儲  
之謀于是承恩復上疏陳辨攻科臣戴士衡全椒知  
縣樊玉衡指為妖書乞窮黨與是時帝震怒大索遂  
有曠生光之獄嗣國本雖定福王亦之國而梃擊見  
告羣疑愈深蓋終帝之世鄭氏之意無日不思問鼎  
亂正也及帝崩猶以遺詔進封貴妃為皇后孫如游  
楊連等執奏數四而鄭養性知公議難犯亦具揭裨  
部乞收回封后成命云

堯帝甫四齡及御極思慕之傷容貌不得見而新樂  
祖母徐尚在遣畫工赴新樂第詰徐太母嬪繪奉后  
御容自大明門迎入百官吉服俯伏道左百姓聚觀  
者以億萬計咸呼聖天子仁孝帝步出歸極門跪迎  
隨冊封光皇帝選侍郭氏為定嬪張氏為柔嬪李氏  
為恪嬪遣輔臣范復粹等捧冊行禮以三嬪皆太后  
舊同事能記憶真容也于是封徐太夫人進瀛國孫  
新樂侯文炳都督文燿文煊文炤俱叙賚有差甲申  
三月十九日新樂聞宮中有變乃拜徐太夫人曰身  
受國恩不可辱徐太夫人年九十一矣挺身赴井嬪  
派男婦從之者十六人新樂以土掩之同弟文燿登  
樓闔門焚其賜第自縊而死

張國紀河南諸生熹廟懿安皇后父也后性莊直知  
國體數于帝前以顛倒舊章為言一日帝幸后宫見  
几上書一冊問何書后對曰趙高傳帝默然忠賢聞  
之恨次骨遂造蜚語謂后非國紀女因孫二女也黃  
鼓幾搖聖聽會妖書事發曠生光既伏誅而復有匿  
名變告揭北安門列忠賢反狀及佐命七十餘人忠  
賢疑國紀及被斥諸臣為之益設邏卒教誨人謀與  
大獄盡殺林下秉正諸臣而由國紀以搖動中宮事



成則以魏良卿女進于是府丞劉志選御史梁夢環各疏泰國紀罪狀誣以通宮婢稱懿旨驚探諸事內皆丹山之穴藍田之種直指斥中宮而欲言肘腋重臣殫忠弼亮協贊中興而為伏莽之人投間抵隙宜窮竟以彰國法詔國紀革去伯爵回籍省愆忠賢意不愜思齟齬益力一日伏壯士教人于便殿帝御殿搜得之身挾利刃帝大驚下殿衛忠賢計譴后父國紀圖立信王為不執謀之王體乾體乾曰主上凡事憤憤獨于兄弟夫婦間不薄脫有變吾屬無噍類矣忠賢乃止至殺所伏者以滅口崇禎初忠賢誅定逆案罪志選夢環坐傾搖母后逼逐戚臣律大辟示斬嘉定伯周奎蘄州人莊烈愍帝后父也后生蘄州之封門從父居京師天啓七年選為信王妃崇禎改元后正位奎賜第在封門崇禎十年戒諭皇親駙馬不安分義擾民者許言官糾劾又諭奎田弘遇袁祐尤非他比宜先率禮為諸戚臣倡弘遇祐皆責妃父也袁妃無寵祐亦曲謹奉法弘遇好結納縉紳皆樂與往還其年太子加元服出閣講學明年癸感入心楊嗣昌為兵部尚書上言占主中宮后妃歷舉漢光武明帝時月食火星不為災其論明帝永平則云是年

立皇后馬氏德冠後宮此語援引不倫科臣何措取之曰臣不知嗣昌何所指斥且心為明堂前後星昏太子之屬恐奸人踵邪說以危東宮宜以為戒是時田貴妃擅寵幸弘遇教犯法交結朝臣謀傾中宮漸有萌芽巫咸所占妃妾有謀后者天道信可畏何措精內學恐嗣昌險詐將結椒親以固權免禍故先事折之田妃居承乾宮承乾中供帳悉弘遇臚列以進古玩時器及壁間字畫無不精好妃又洞音律管絃琴奕事事工到以是寵遇獨渥帝嘗誇妃技事于后且曰后獨不能此乎后正色對曰妾本儒家惟知蠶績且妃從何人授指法乎帝色動他日以詰妃妃言幼從母學得旋召母入宮雅善鼓琴帝意始釋甲申賊逼京師帝按籍令勲戚大璫輸助軍餉道內官徐高諭嘉定伯周奎為倡奎謝無有高泣諭再三不應高憤然起曰外戚如此國事去矣多金何益奎不得已奏捐萬金且乞皇后為助及京師破賊拷索之抄得五十二萬



明史卷四百

外戚傳

外戚下

李貞盱眙人後徙臨淮尚高帝姊長公主元季中原鼎沸遂破家貲推牛豕會鄉里守望居無何亂兵入境時淮東猶爲死守貞挈家避地淮東久之聞帝在滁陽乃携其幼子文忠西奔出入亂兵中幾不存活達滁陽見帝文忠年十六沉毅有勇智帝甚愛之命從征討兵下嚴衢婺處諸郡文忠開闢於嚴州以經畧郡縣之未附者貞自金陵往就養張士誠遣其部將由烏石山犯嚴州及諸暨兩月不解嚴人大恐貞乃權掌軍務令文忠引兵擊敗之帝發兵平兩浙命文忠以所部兵水陸並進取杭州貞復權掌軍務兵出桐廬俘其守關之卒俘卒至嚴見城中勁兵悉出陰有叛志貞覺之因饗其衆至醉悉擒之送京師帝甚喜文忠兵所向克捷杭州平留文忠鎮守貞復來就養又明年爲洪武元年帝即皇帝位封貞恩親侯初貞將避兵淮東而皇姊薨追封爲孝親公主勅有司具喪禮還葬先隴帝欲朝夕見貞賜第內城西偏召就第加特進榮祿大夫駙馬都尉右柱國曹國公追封孝親公主爲曹國長公主貞年近七十既就第

勅免朝常贊拜不名帝幸其第賜宴皇太子諸王亦常往存問貞踴躍不自安但以手拊心曰恩深重言莫能報五年命文忠北征授左副將軍以行師出嶺北過五月捷音未至帝頗爲憂召貞入便殿諭意貞進曰天生聖人承中華運海內盡歸職方彼區區餘孽假忘沙漠不足憂捷音行且至矣願勿勞聖慮朱幾文忠果奏凱還車駕復幸貞第賜宴惟甚貞以表謝并辭祿賜表曰臣伏蒙聖恩以孝親公主之親寵賜府第自揆何能叨榮至此臣生長田疇弗勤稼穡惟知食力何望顯融初中原兵起室家無存携子避難命危朝露豈意生全惟陛下興師仗義應天順人四海歸心羣雄率服臣之父子幸遇聖明脫塗泥於衽席濟垂絕而更生收養板庭待以肺腑幼子文忠蒙然童穉扶樹教育俾能成立指授神筭鎮守邊陲未効纖毫以裨聖治幸會武功之成亦預分封之例祿食一品位列上公下至愚駉小孫景隆亦叨職侍衛衣冠焜燿於三世恩澤滂沛於一門揆今食祿之家未有過於臣者緬思往時之艱苦豈意今日之榮華陛下憐臣之老賜以免朝屢蒙車駕之幸臨時沐皇儲之眷顧寵錫每頒於天府恩禮復厚於子孫方



今朝廷清明法度具舉官不虛設祿無倖食臣每存知足之戒恒切盈滿之懼臣之俸祿在所當辭伏望聖聰俯察先臣所請庶幾情悃獲伸稍違素餐之愧蓋貞以國家爲念子雖在側不以爲喜或奉命征伐四方久勞於外亦不以爲憂是年春三月文忠扈從秦王晉王之國至六月還貞得疾忽不能言帝聞大驚卽幸其第執貞手問曰還識朕否貞仰笑以對帝洒泣嗚咽不能止有頃帝還宮中使相繼問遺至是堯年七十有六帝震悼輟視朝三日車駕臨奠追封隴西王謚恭獻十有二月庚申筮於盱眙縣靈跡鄉斗光山之原從長公主兆發引之日車駕復往望哭於西城樓貞駕於孝敬太夫人性嚴貞微忤其意輒加叱責貞嘗侍食值太夫人怒投其食器於地貞徐拾之食如初恭敬愈至有弟四人父既沒求分財異居貞語之曰父沒而母在苟分財異居老母得無不可於意乎先人田廬老母百歲後隨所欲取之吾不較也及貴顯姻族流散者必請於帝而收之嘗言人生貧賤富貴當不改所守一旦富貴而忘貧賤君子不爲也不時賜衣幣必緝之雖一帶佩亦必藏以待用或奉養太豐輒不自安召子孫集於前懇懇言未

遇時事以曉之曰吾家素涼薄叨沐上恩以至於此今日方以勤儉化天下吾爲戚里之長苟事奢靡何以勸率汝曹念之其儉約蓋本於所性云郭鎮字彥昂臨淮人父英以才勇善戰從高帝定天下爲時名將封武定侯鎮故大家伯父子興以軍功封鞏昌侯追封陝國公而姑氏復爲高皇帝妃鎮以勲戚子弟資貌潔修儀度詳謹朝謁之際帝屬目班行獨心喜焉洪武二十二年遂遷尚永嘉公主賜金玉帶鞍馬金繡衣九襲拜駙馬都尉歲食祿二千石時年甫十七好學工詩熟於禮法每命練兵綜事於外恭勤不懈中外稱之建文元年堯於賜第年二十有八事聞天子輟視朝三日斂及英皆遣官祭諸王亦遣祭英子三人曰蘭蕙荃皆帝所賜名李謙舒城人尚永平公主事見公主傳趙輝江都人以蔭授府軍前衛千戶直黃城內門文皇帝偶見之奇其貌遷尚寶慶長公主歷事六朝眷遇隆厚宣德間降勅有練達老成之褒正統間命掌南京左府事尋委奉祭孝陵景泰初欲請纓報効以殺醜敵以紓痛憤朝廷嘉其忠勤成化十四年卒輟視朝一日英祭如例輝人物修偉能知文學好賢禮



士然窮奢極欲而克享年壽或其有得于養生之術云

石璟昌黎人府軍前衛千戶林之子尚順德長公主正統十四年督官軍隨駕北征天順五年曹欽謀逆璟率衆赴敵擒達賊脫脫帝聞特加獎勞成化十四年命往南京奉祀卒命有司營塋

井源直隸邢臺人以洪熙元年尚嘉興大長公主爲駙馬都尉宣德三年帝謂吏部曰駙馬不務詩書通古今曉忠孝仁義之道必至急情驕縱何以保富貴先朝駙馬皆有學錄講經史訓飭理義今可擇端重儒者爲源師資遂以訓導李鳴鶴爲學錄源受學焉正統初帝大閱武命諸將騎射受命者數千人源擊弓躍馬三發三中帝大喜撤上尊賜之觀者相謂曰往者王振閱武紀廣驟進三級今萬乘閱武豈但一杯酒已耶竟無殊擢十四年源從駕土木死之追贈鉅鹿侯諡榮愍弟淡嗣爲錦衣衛指揮金事

周璟字德章美姿貌廉靖詳雅天順間遷尚書慶公主憲皇同母女兄寵愛亡與比賜金珠玉帛以積而璟持儒行篤好文史能爲詩日從翰林名公請受業益奉賓客器用磁漆脯修取諸市中三子侍側獻

觴布席竟日不敢休贈遺諸死暨從子不虛歲復掌宗人府事弘治間卒年五十子忠錦承衛指揮使兼都指揮使賢指揮同知序千戶

樊凱字大振安陽人少給役至縣令見其狀貌驚令學凱長身玉立美須髯成化初遷尚書德公主凱與周璟同鄉主行又同凱慕璟爲人襲其行事璟傾心與友凱亦能爲詩成化間命統禁兵日介宵陞殿侍衛正德初劉瑾用事自公卿以下莫不折節而凱獨不屈嘗曰凱幸託主爲朝廷肺腑威縱自輕奈辱主何所統卒王某者瑾鄉人也有心疾凱教掠治某知瑾惡凱值瑾出東華門某稱寃狀列凱受禁卒銜且多私役者遂罷凱侍衛凱善論事有治畧河間諸郡民貧役繁生子越兩人即閹之是時責俸者父死列土封伯所養富埒卿相民益多其俸每歲終禮部納用數千人不與者猶數千入部中詳自尚書以下反避匿凱曰此已無家故志意極憤誠得發遣使事藩王嚴禁後勿得閹不二年此患息矣論圍營軍曰軍木半私役矣不即受錢代人役或負擔以生速操弱劣敗夫取具臨時食頃罷十早有緩急非但不可賴亦不能集置於都城東廣郊指揮以下將兵士各卒



保伍毋得他出給兵符爲信且守且練有事命往統之斯強幹而制枝矣子琦瑤俱錦衣衛指揮同知琮百戶安陽人又有李謙李堅宣德中皆尚主子孫古居安陽者其世莫得而詳也

林岳字邦鎮其先浙江寧海人洪武初徙寔京師隸水軍左衛成化間年十七選尚德清大長公主授駙馬都尉賜誥命及玉帶蟒衣蓋自始被選廷謁入觀兩宮賜賚優厚皆異數也弘治間天子有事南郊命分守長安右門迨正德命乘肩輿出入年三十八卒岳溫雅不以富貴驕人與士大夫處敬恭不怠身長鹿次薦

崔元字懋仁太原代州人尚永康大長公主事詳公主傳

鄔景和尚永福公主事詳公主傳

李和尚肅皇帝寧安大長公主子承恩襲左都督天啓間忤魏忠賢意坐僭用團龍服金面壽喜龍盒引盜乘輿服御物律斬承恩所有故肅皇帝賜物也獄上稍引八議忠賢矯旨竟生死忠賢以緝獲功賞單酒賜勅獎諭

楊春元固安人萬曆二十四年尚榮昌長公主主孝

端頸皇后女也三十二年春元上疏自陳輒易故衣拜於府門肩輿出都而去東廠奏聞帝大怒遣錦衣衛官趕伴回京諭責其父教子無方并罪習禮官鮑應鰲大學士沈一貫等言朝廷之用臣不可以專用法况義無可絕則法難盡行情當曲體則事宜委悉春元係皇上貴婿尚主十載生子四齡而直欲棄職歸田必其難堪之甚或有左右之間皇上宜推恩待之降肺腑之密情詳察其府中內外離間不法之人而整頓更易之則廢降之初心不孤伉儷之永懷可洽帝聽其言秋禮部奏駙馬春元悔過讀書習監期滿詔復任朝恭回府居住

冉興讓義縣人神廟第七女壽陽公主鄭貴妃出選駙馬時帝垂簾目之貴妃侍側進選者三人其二顧氏子京師人一興讓也二顧氏子白玉大簪帽極細亮髮可鑑輕綃霧縠而興讓衣故衣著圓羅帽淡撲無可人意帝向妃指而頷之中選者乃興讓也四十年春卦冠長安右門去帝怒革其父職奪教習部官賈之鳳俸一年時興讓被辱閣叟具奏帝問狀閣復奉殿之於東安門公主三奏不得達帝反繫治其家心興讓以是去給事中范濟世上言駙馬上之愛婿



無故而辱何人不可辱公主上之愛女訴不得聞何人可聞總之皇上靜攝有年即聖子神孫情意瀾絕讒構易生不可不塞其源也臺省勳戚皆以為言輔臣亦言紀法凌遲非所以服人心重國體壅蔽已甚處置夫平何以訓後俱不報十月錦衣衛奏言訪尋與諫於葛洪山伴回中途託疾遷延詔詰責送國子監習禮一年

鞏永固字洪圖順天大興人尚樂安公主事詳公主傳

論曰外戚之患固以西京為鑿矣然而東漢之梁冀唐之武楊接踵相師畧不知懲抑獨何與宋室雖云嚴正迺猶母后臨朝戚屬進用未為盡善明祖審于利害熟計安全諸係戚畹之列第崇名號勿予事權嘗謂侍臣曰人主不牽私愛苟干政典一繩以公則外戚之禍何由作以故二百七十餘年外家號稱循謹如郭德成之任達孫忠之淳行萬貴之先見俱不失為守謙知足之倫矣大抵法紀申明恩故罔貸即上官禹山之孽奚自而萌哉然而漸積陵夷驕縱叠見怙私扞罔往往不絕如壽寧建昌者流毒蠶間閭公私受禍則防微杜漸豈可不加謹乎哉

明史卷四百一

奸臣傳

奸臣上

愈壬之生也不知是何肺腑明明分義不憚公然肆之以迄作奸犯科無所不至大都皆患失之一念為之故曰鄙也易曰履霜堅冰由來者漸固知元惡大憝何代蔑有在上者辨之早而防之深自不至于大段城裂耳不然者養癰益毒一潰即亡矣以云救乎借曰天網恢恢恢貫盈必殛然剪袪刈刈所傷亦多殆未可以為常也明代巨奸指不勝屈跡其滔天之勢未必不始於涓涓是可取而鑒矣

胡惟庸定遠人洪武初任寧國令時太師李善長聚政為同里薦擢太常卿累官至中書參政與善長深相結以兄女妻善長從子祐日往來行權賄事帝嘗以事責善長因問相于劉基謂楊憲汪廣洋皆不可次及惟庸基曰小犢耳將債隸破犁惟庸卿之楊憲敗帝卒用惟庸與汪廣洋同相基大感曰使吾言而驗也其如蒼生何因憂憤成疾基嘗言於帝既聞之間有隙地曰浚洋為鯀盜藪立巡檢以控扼之甚民非便也相率挾戾卒叛基使子璉上書奏之皆不先白中書惟庸迺使刑部尚書吳雲劾基以浚洋路山



南海有王氣欲圖為基地民弗與則建立司之說以  
害其人致激變下有司惟庸請加以重辟又欲逮其  
子璉帝不聽第令移文使基知基馳入謝俄有疾惟  
庸規帝念基稍息乃陽與好扶醫來視疾基飲其藥  
覺有物積胸中如拳石間以白帝帝未省也竟不起  
蓋惟庸自楊憲誅寺任為丞相丞相權至重諸司封  
事先白後以聞有不便者徑屏去不奏四方奔競日  
至丞相門武臣諛佞者多附丞相饋金帛名馬玩好  
不可勝數其不附己者憐之至死禮部員外郎吳伯  
宗剛直不屈惟庸惡之坐以事遣鳳陽伯宗乃疏  
庸罪狀不宜獨任恐滋久為國大害得召還而魏  
公徐達深嫉其奸邪常從容言于帝惟庸陰誘達  
者福壽為己用英以圖達通為福壽所發其定遠傳  
宅井中忽生石笋出水高數尺使者爭言為丞相瑞  
應又言其祖父三世塚上夜有光燭天惟庸益自喜  
會惟庸家人為奸利事道閩榜辱閩吏吏奏之帝怒  
殺其家人惟庸謝不知帝又究故誠意伯死狀責汪  
廣洋同在相位惟庸所為多不法知而不言十二年  
廣洋誅惟庸懼其明年惟庸子米馬奔入魏路中馬  
死惟庸殺魏路者帝怒命償其死惟庸請以金帛給

其家帝不許惟庸蓋懼有逆謀詎言井中醴泉湧帝  
將臨觀之駕西出守門監雲奇走衛蹕道勒馬有所  
言氣方勃舌鴟不能達意帝怒左右極之奇去斃臂  
已折猶指賊臣第帝悟登城視之帷中有刀劍林立  
狀乃遣兵圍其第一一就縛于是御史中丞涂節告  
惟庸反并其盡死劉基事辭連吉安侯陸仲亨平涼  
侯費聚二人皆有罪被誅惟庸因陰謀誘脅二人往  
未交密二人過惟庸家酒酣屏左右言公等數被誅  
一旦甚之奈何二人惶懼無所出惟庸因告以己意  
且令其收輯軍馬以俟皆從之惟庸因與御史大夫  
陳寧謀邀至省中閱天下軍馬籍令都督毛驥取  
士劉遇賢及七命魏文進等布為心膂而太僕寺丞  
李存義善長之弟惟庸之婿父也惟庸令存義陰說  
善長善長驚愕曰爾何出此言滅族矣存義不敢應  
去之旬日惟庸復謂存義成事當盡指淮西地主太  
師善長驚不許既而嘆息起曰吾老矣恣瀆之所為  
存義還告惟庸惟庸喜因過善長善長延入內惟庸  
西南坐善長東南坐屏左右款語遙見領首而已而  
皆不得聞惟庸因使指揮林賢下海招倭約掠庫兵  
納倭舟中因其入貢而以為援河南人封績者收元



臣來歸帝官之不受遣還鄉又不去坐彌戍遣惟庸  
道封績書請因以臣元引兵為內應時高爾雅降中  
書省吏亦以惟庸陰事告帝命羣臣更訊惟庸辭窮  
不能隱遂論死又以徐節本為謀主事不成始上變  
告併誅節

陳寧者茶陵人其始為小吏通經有治才從軍至金  
陵館軍帥家帝命諸將各言事軍帥武人不能言寧  
代為書帝覽稱善召見擢江南行省掾史德知蘇州  
後為御史大夫常奏事帝御東閣方櫺髮望見寧命  
止之櫺已乃出其見禮也如此亦嘗同宋濂召入  
酒殿賦君臣間宛然家人父子也然寧性暴恚其  
蘇州也烙人以趣餉帝責其酷其子孟麟亦數諫寧  
寧怒杖殺之帝曰寧於子如此何有君父寧聞亦懼  
後帝與廷臣論刑罰寧曰法重則人不輕犯吏察則  
下無遁情帝曰不然帝王平刑後獄天下自服未聞  
商鞅可克舜也寧慚退尋復與汪廣洋劾奏李善長  
罪帝宥善長惡寧切惟庸為徐節所告謂與寧謀叛  
至方中同聞天下軍馬圖籍論死乃下詔言寧淫昏  
不率坐視廢典以致並相惟庸黃緣為奸枉法惠罪  
撓政誣賢宣示天下

焦芳泌陽人天順中進士李賢以同鄉故引入翰林  
芳事賢若屬養同列羞之性猜狠無文衆盡畏其口  
或語為安曰不學如芳亦將為學士乎安曰馬得知  
芳聞曰是必彭華間或我刺華長安道初命翰林纂  
修文華大訓為東宮進講獨華等數人為之芳不與  
心耻馬時嘗諍報摘其疵曰某當作某蓋誤芳素此  
尹果父子及尹敗坐繫詔撤既出敗桂陽同知芳疑  
出華安銜兩人者入骨弘治初陞霍州知州尋陞四  
川提學副使上書乞憐尋調湖廣副使所以謀復翰  
林百方時宰畏之不得已陞為南通政以憂居家會  
李傑亦故出自翰林以南京祭酒服闋待除徐溥欲  
還傑故署劉健不可曰焦芳日夜伺此今日援傑它  
日能拒芳邪溥不聽及傑入芳兼程至亦授太常少  
卿兼學士未幾陞禮部侍郎日于眾中嫚罵健芳在  
禮部行文書有不可意即引筆抹去不問白尚書職  
政吏部則馬文升為尚書老臣矣亦時時嫚侮之若  
陰結言官使抨劾素所不快及在己上者力求入閣  
謝遷抑馬亦怨遷每言及餘姚江西人鞅大罵也正  
德初戶部尚書韓文疏論會計不足詔廷臣集議會謂  
理財無奇術惟勸上節儉而已芳知帝左右有竊聽



者大言曰庶民家尚酒用度况縣官耶諺云無錢簡  
故紙今天下通租何限不足簡察乃獨損上帝聞之  
喜又升去遂以芳代之會八中官集上戲樂給事中  
劉淮陶諧等極諫韓文王鑿亦欲總上疏疏當首吏  
部走告芳芳曰我大臣也知格君心而已既上召諸  
臣左順門芳故曳履徐行曰今日之事為首者當之  
乃又泄伏闕謀于瑾瑾深德焉使遷去瑾接入內閣  
凡瑾所以濁亂海內變置舊章皆芳道佐之芳過瑾  
稱千歲公公自稱門下每事先得瑾意乃出言若一  
口四方賂瑾者先賂芳立應矣芳于黃中亦做狠不  
學舉進士廷試芳謀得狀頭李東陽王鑿為真二第  
首芳言瑾徑授翰林簡討又一年驟改編修然尚時  
時以予不得狀頭移怒東陽罵詈之瑾聞曰黃中昨  
在吾家吾試之揭詩甚拙顧恨李耶瑾怒翰林官做  
已欲盡出之外張絲勸不可及纂修孝宗實錄成瑾  
復持前議絲復力為勸瑾意良平而芳父子與其私  
人簡討段冕輩文致諸翰林密授瑾是以有擴充政  
事之名芳大都惡南人其于江浙尤甚既德憑瑾裁  
江西解額著令餘姚江西人毋選除京朝官即見一  
南人選一北人進報喜雜尚論古人亦報喜北而詆

南寄為南人不可為相圖進瑾其與修孝宗實錄也  
亦以筆惡南人若葉盛何喬新彭韶謝遷皆天下所  
推長者名卿芳肆情誣毀又自喜負曰今朝廷之上  
無如我直者始張絲為御史時芳薦以悅瑾意可共盡  
利既絲為尚書芳父子納賂為人無虛日絲不能滿  
其意遂有隙而段冕者見芳勢衰轉附絲盡發其陰  
事互搆于瑾瑾大怒先是上官岑濬沒入家口當給  
賜大臣芳聞濬妾美求得焉嬖之與其妻反日至于  
操刀芳病時黃中與其妾亂瑾對人常顯斥芳也真  
鑄平禮部以黃中充頌詔使瑾復沮黃中不與行芳  
怒乃乞歸予致仕瑾敗革去散官月米黃中黜為民  
芳居第宏麗治作勞數者趙風子等盜起至泌陽火  
之發害仆墻多得藏金馬掘其先人塚墓雜燒以死  
盜骨曰使無擇也求父子不得取芳衣冠被庭樹面  
縛如首罪狀歷數之使犀盜糜之以白刃曰吾得手  
珠此賊死不恨矣風子臨死呼市中吾非反者恨焦  
芳父子二賊謀劉瑾為亂欲誅之以謝天下未能也  
然老賊予已屈辱之小賊速誅為介介耳劉二漢亦  
曰吾死固當吾家所行後縣張絲始絲焦芳絲與我  
極刑芳晏然何也



劉宇禹州人。舉幹魁偉，自知縣擢監察御史。累官至右副都御史，巡撫大同。用法多鈎距，所至剛愎自用。然亦有能，嘗鑿品字窖制鐵子砲，以禦邊。孝宗以為才，正德中以邊警陞右都御史，總制宣府大同軍務。奢靡無度，奏帶僕從數百人，責有司供張不貲。至邊，尅減邊儲，首以萬金賂瑾，使其子俸拜瑾為父。瑾自是賂千金者不復留視，遂論修邊功，賜金帛。廢子錦衣百戶，召入掌院事。加太子少保，勅未出而宇已至國門矣。宇恃橫恣，御史有所拂輒鞭朴之。瑾以為能，擢兵部尚書，加太子太傅。時許進為吏部尚書，瑾因事去，進遂以宇代之。尋加光祿大夫，柱國，少傅。屢受玉帶蟒衣之賜。宇在兵部，賊賂狼藉，轉吏部，縉紳之醜不逮。偵帥乃甚，悔曰：兵部自好，何必吏也？張綵為選郎事，皆繇綵。宇尸位而已。綵既遷，宇益憤。瑾乃復轉綵為侍郎，佐之。瑾才綵甚，亟欲援之。尚書不思罷去，宇加宇大學士，俾入內閣。先日瑾詣閣中，賀宇為瑾置酒，其明日，縉曰：此地容彼入耶？宇聞，疏乞省墓歸。人謂宇偃然黃扉，不及曹元流毒善良不及焦芳也。元大寧前衛人，徒以與瑾葭莩之舊，繇山東布政使，四年，五遷吏部尚書，兼文淵閣大學士。

日對人踏錠市井鄙語而已。瑾誅上言，願宥不職之罪，聞更生之門為太平之民守先人之墓，其言甚哀。詔許致仕，頃之，燕為民元老，無子而盛治第，京師每從瑾所飽飲，出意氣甚得瑾歡，取所藏遠禁服用，竊夜焚之。未幾貧悴，遂市其居賣，家自作墓誌曰：即死誰銘我。

張綵，鞏昌人，美丰儀。弘治末年，官吏部文選郎，為馬文升司屬。文升稱其精敏，公當亡何，給事中劉蒞論其顛倒選法，綵引疾不辨而去。士論高之。劉瑾搜求告一年以上者，盡籍其籍，綵赴京補舊官。時瑾好私其鄉人，綵既為瑾同鄉，京師諸公多薦之者。瑾蓋有意綵，綵未知。既謁朝，尚書許進問曰：自河下來矣，綵曰：何為河下？河下瑾所居也。居數日，乃往見瑾。見綵狀貌，蓋喜，迎笑曰：好鄉里。好鄉里，外官多不知事。朝後，即來知者，謂彼自來不知者，謂我要人如是。鄉遠來最得也。居亡何以遣才，陞右僉都御史而合水韓昂者亦繇瑾陞。戶部侍郎與綵同廷謝，昂先謝，老不任拜，起又吃吃不能致詞。谷張魏馬革屏後，羣笑之。瑾甚愧曰：且看此人。既謝，皆歎曰：好男子。好男子，以不負所舉矣。綵歸過瑾，瑾設酒肴，預侍曰：今日非都



惡我顯被老韓羞殺因挽竟日絲為選即時奪其鄉人撫州知府介妻平陽知府怒妻又欲奪之怒不與遂陷恕公罪送妻始得論減其性資柔悅善依瑾故愛之至其綜覈敏練亡如也既遷都御史吏部尚書劉宇不能舉其政未暇偵枝告瑾瑾未兩月復遷絲吏部侍郎又亡何轉絲代之絲自以起部官不兩歲至尚書因請瑾辭瑾厲色曰公已二十年名進士有何不可昔太祖用布衣為宰相皂隸為知府但要舉其官耳我不曾拘私要錢為朝廷用人何管遷驟絲不敢再言復自擔曰事及孩兒誰不會抱此時但能有所轉移少息衣冠之禍百凡付諸天耳絲與朝士言稱瑾才畧過人常呼為老者進退人才不率舊章惟瑾意然絲言瑾亦無不聽時乘間為諸公居間亦有之瑾嘗謂絲祖法最嚴今乃久廢我故欲大振之絲從容言曰明公所見甚高但祖宗痛懲貪汚今乃未免示人人生百年為期受用能幾最可重者竹帛垂芳享之不窮不才家居見有司條件科歛當時為盡入明公之案到京徐察乃知未然是怨則歸公利過于衆何苦乃爾公自不用誰敢多取取既不多人當自服祖法不難振也瑾曰做冢宰教我幾誤一生

卿今內外堆積身後好了他人我自落得箇馬名平乃盡暮夜辭金故事于大門之外御史歐陽雲給事中吳儀少監李宣指揮趙良背以多賂瑾為瑾所黜罷御史節饋瑾未至瑾先發之捕獄論死瑾謂絲曰驚驚不喫驚驚肉今也喫了南京祭酒某求轉亞卿南北直隸提學一求大理少卿一祈免察各賂千金以上三人管秀才掌風化乃如此不知敗壞多少好子弟皆黜之始士大夫見瑾門盡辭金皆笑既乃知絲絲又言于瑾曰公左右多駟財壞事瑾如所舉名盡逐之然絲平日雖知政瑾瑾疎同類同類以為絲教之絲有所推舉恐不先白內閣諸公諸公亦倚焉一日瑾涕泣語絲曰始谷張諸人患外臣籍我輩推余當之余以身殉天下所摧折衣冠多矣今天下之怨皆集于余諸人晏然享之余未知所稅駕也絲因辟左右曰今上未予勢必立宗室子若長且賢公受禍矣不如援幼弱者公長保富貴亡憂也瑾曰善居數日忽變曰無以宗室為吾自立耳絲告不可瑾怒以茗盃擲絲絲不敢言瑾敗奉旨下都察院獄捕問于門前坐絲與瑾同叛絲劾曰皇天后土太祖太宗可鑒此心絲書生二十年位至尚書更復何望



乃思及此在上皆請書明志孝請各求之于心謹雜  
死所親信子姪尚在請加追問有何指證左驗何必  
問絲縛乎打二十棍押回獄五十餘日卒已有旨與  
楊玉石文義等判屍長安市  
嚴嵩者分宜人童言宿生頓悟絕人瘦削而神甚王  
溫如也始為翰林請歸鈴山請書十年乃出其為文  
章清潤雅乘交遊皆知名士士以此趨之嘉靖中積  
資至禮卿即以賄被劾然和嫺稱上尋入內閣年六  
十餘矣萬科第先夏言位次之言每傲然括嵩上而  
嵩事言甚謹嘗共終第第請言酒言辭不見嵩布  
虛坐展卷臨讀嵩見嵩平娥下氣于是言以嵩為伏  
已不之防也世宗既用河套事怒言嵩故厲聲抗聞  
上所言大驚公平日乃不如是既而見帝極低言極  
權自用言誅而嵩為首相矣始帝尊事上真西苑壇  
而顯命輔臣冠道士冠詣壇上香言不奉旨嵩獨籠  
紗帽而入既詣壇脫帽見冠上香言故以以得罪而  
帝乃內親嵩嵩既為首相念自幸于天子即朝夕直  
苑中板房不敢洗沐私家天子稱嵩忠勤數賜賜銀  
記每召對便殿輒至夜分賞賜頻繁躡等嵩相二寸  
許年暮青詞精心從上奉真而以朝政內委其于世

嵩凡九卿科道官有所請則曰小兒識天下大體可  
與商世蕃以父任為工部侍郎授諭有機智頗記識  
往煤是時四方多故世蕃遇疑難事皆能援已然參  
所見以對其父嵩依所對以聞上時時契上意嵩蓋  
謂世蕃能世蕃嗜酒充誕姬妾滿前倚父寵竊國柄  
無忌受四方財賄累數百萬有不得其意者陰借上  
旨殺之於是嘉靖之季嚴氏之勢震天下然帝在位  
久要威福自操事事上意嵩承夏言之後不敢有  
可否間有所左右直傲引其詞而已世蕃既外引嵩  
所左右者示威福于下卿非嵩所欲殺者天下亦  
競指嵩矣嘗請上建道恩殿其里中以奉貯所賜真  
像及先後諭札江西都御史張岳給千金為之布按  
兩司為請蓋岳報不肯曰此之為多矣岳寒骨稜稜  
有馬羊一張而已嵩貽書謝岳公伯夷之築也林一  
新者以僉事分巡嵩僕有不法執笞之一新入賀京  
師嵩甚加敬禮其能重賢士大夫若此也乃有駟懸  
卿趙文華數輩為世蕃狎客光祿寺少卿白昂常者  
至以粉墨塗面供世蕃歡笑文華拜嵩為乾子尤密  
數從世蕃干預朝政外貪橫于有司中朝恣睢公卿  
聞於是嵩名益汙辱世蕃賍私狼籍濁亂綱紀京師



稱大小丞相嘉靖末債帥儒將大壞邊事時論皆以  
咎嵩嵩為相二十餘年年八十餘帝雅意望壽考數  
問嵩卿如何長生以是久見留嵩父子誦讀以欺上  
貪污以率下守法度者以為固滯巧彌縫者以為有  
才勵廉介者以為矯激善奔走者以為練事而天下  
之士風壞矣嵩妻死帝厚其卹典過故事而世蕃不  
欲扶柩還嵩乃為請曰臣老不可一日無世蕃侍所  
之令世蕃無守制世蕃挾容曲宴擁姬妾日歌舞世  
蕃子效忠安坐京師兩廣都御史為上功曰在軍門  
殺賊效忠死以次孫世蕃叙為錦衣千戶而嵩家  
僮羅龍文列銜中書世蕃紳間矣家僅年世蕃所暱  
士大夫之無耻者競呼年孝山先生不敢名也刑部  
郎中徐學詩都給事中厲汝進錦衣經歷沈鍊南京  
御史王宗茂兵部郎中楊繼盛周冕給事中吳時來  
刑部主事張翀董傳策先後論劾嵩皆及于謹繼盛  
至坐誅沈鍊揀入獄人爰書論死朝野搢手莫敢復  
及嵩嵩結納諸奄人偵西內動靜朝夕數至嵩隨銀  
緡裘金勞之因得以將迎上心上所欲為唯唯從順  
上雖微知世蕃外所為念嵩極媚不欲發久之方士  
藍道行以箕進帝問箕今群臣孰貪箕下書相嵩貪

天子心動矣外莫知也御史鄒應龍避雨一內侍所  
內侍為應龍言應龍遂發嵩父子前後事曰如臣言  
不實願斬臣首以謝嵩嵩乃以得罪令致仕去世嵩  
成烟瘴地世蕃子鵠及龍文皆遠避充軍年錮于獄  
而有鴻為民使侍嵩老嵩既去天子思嵩佐奉其謹  
悒悒不樂世蕃揣知上意在也營金左右毀道行道行  
亦生下獄論死世蕃不之戍所大治家第南京御史  
林潤劾言其南通倭北通邊且為亂天子於是即令  
潤家逮世蕃下刑部獄籍嵩財產守巡官至嵩家點  
簡嵩從旁視之嘆曰世蕃宋知至此籍時珍玩無算  
白金湯器饋者自署辨名其底其穢籍如此世蕃短  
項肥體眇一日久繫獄珠不知上意欲殺之一日鍊  
拘縛之江西司世蕃曰吾死矣緹騎之士標白幟押  
赴西市騎往來長安道世蕃行至某處報報入上前  
既誅不知其屍所在而嵩出宿于野寺亦病死  
趙文華慈谿人秀才時為人授館既舉進士授兵部  
主事蔚有文名坐豪宕不飭謫東平州同知後為南  
京稽勳主事改刑部主事歷陞通政使拜嚴嵩為乾  
子久之吏部尚書萬鏜推為鄧陽巡撫文華不善補  
外會兵科右給事中朱伯辰論文華邪媚奔競寵賂



滋章卿黨縉紳合營共部亟宜罷黜以重臺憲文華乃言通政使朝廷左右之官例不外補萬鎰意在士臣族所親言官論劾必去臣乃快帝怒黜鏗并伯辰為民文華留如故頃之陞工部侍郎倭大毒江南文華上禦倭七事首言倭居海上宜禱海神帝方尊事上真文華言令帝意帝為之罷兵部尚書蘇豹命文華視師江南文華負挾恣睢賄貨殃民稍睚眦立摧折之是時禦倭者南京兵部尚書張經帝委為大帥得便宜行事開府辟召經慷慨平賊顧所倚大將何卿沈希儀老不可用經進慄猶之徒果往速退連戰不利望實不無損文華與浙江巡按御史胡宗憲兩自喜負謂經不足辦賊倭願指凌其上而經夷然不與深計文華疏劾經坐誅文華謂倭無足滅也日夜與宗憲督戰而倭益猖獗復委代經者周琬病不任而浙江巡撫都御史李天寵頗嗜酒帝罷琬為民天寵坐論死而宗憲代天寵矣時江南倭有二一出掠于溧水一據華亭之陶宅溧水倭南下至浙墅閩蘇松巡撫都御史曹邦輔恐其合陶宅倭與僉事董邦政托而殲之文華欲據為功趨至浙墅而邦輔已奏捷歟大恨與宗憲自將浙兵約邦輔以直隸兵會勦

陶宅已許敗文華掩而不言反劾邦輔邦政未協邦輔不得叙浙墅功而邦政亦下總督都御史逮問其賂事中濟斌先後訟邦輔功言文華欺誣負荷命帝不問也七何倭未日盛浙東西破軍殺將朋書狎聞文華乃知賊未易卒圖遁擊曹克新總兵俞大猷有小捷文華遂有歸志遽言賊解請還闕許之是為嘉靖三十四年明年文華還顧倭日甚不能蔽即言臣還時南寇大都滅獨零賊未盡耳帝疑之問萬壽為文華對時代統總兵者楊宜文華因言宜不稱帥獨宗憲可以代之帝又為之罷宜也吏部尚書李默推代宜者不用宗憲以他名上默自其為即時受上知所至皆上特簡用是不附萬並惡文華時時於公卿間沮折之文華大恨至是密奏默黨逆不容誅又部試選人策目引用漢武唐憲誇訕無君帝大怒遂默詔獄論死卒用宗憲代宜而文華為工部尚書矣已而江南倭猖獗日甚帝已遣兵部侍郎沈良才獲視師示江南萬乃教文華自以意請復往而內言良才不勝任也帝復以命文華時賊勢已衰則與宗憲竟平之其明年歸為工部尚書如故會方士製首花酒曰仙酒文華以進言臣師尚常服之是以壽帝問



萬萬不知即對臣之能老不知其故非聞仙酒也萬惡其不白已也詰文華文華叩首謝罪萬怒呼左右拽出令門者毋為通文華日憂懼不知所出從世蕃乞憐為白夫人以其兒也宥之一日萬置酒堂上諸義兒及世蕃侍立文華遠望不得入乃由路左右伏軒檻下酒中夫人曰今日何少趙氏兒萬曰阿奴那得在此夫人因婉雪之萬色微和文華竊望遠走入伏席前涕泣萬遂留侍飲然意未慊也至是帝賜文華衣文華飲世蕃所歸醉拜賜帝聞激不憚而是時已覺其在江南缺蹟狀正欲斥之會修燬殿不趣辦遂命回籍隨以子錦衣千戶恩憚上疏犯所禁遂革文華及恩憚官遠戍之中外大快文華嗜酒病益被斥後偶捫腹五臟悉出而死

明史卷四百二

奸臣下

奸臣傳

魏廣微南樂人父允貞神宗朝為御史頗著直聲自  
有傳廣微成萬曆三十二年進士官翰林天啓初日  
侍講讀尋陞南京禮部右侍郎時魏忠賢弄權與客  
氏肆虐宮中漸及外廷廣微以同姓故久附忠賢二  
年冬枚卜前資者孫慎行威以弘忠賢力持用廣微  
三年入閣辦事四年左副都御史楊漣劾忠賢二十  
四罪忠賢頗懼乃輔臣韓爌為之地爌不從乃令廣  
微調旨漣疏中有門生宰相語廣微謂其侵已恨之  
遂先下忠賢辭職疏併極溫諭次日漣疏下切責不  
少貸由是忠賢有所欲為廣微稟擬或稱中旨以行  
之首輔葉向高無所展布強半注籍去吏部謝陞知  
時政日非亦去且以書規廣微史記事黃汝亨各以  
大義告廣微皆拒不納冬十月有事太廟帝冕而升  
百執事咸集飲福受昨且畢廣微踉蹌入拜跪吏科  
給事魏大中劾其無禮廣微上疏辨御史李應昇奏  
廣微當退請父書保其家聲毋倚三窟與言官為難  
廣微見疏擲于地不食者二日欲廷杖之請至何以  
見乃父于地下語氣歎而止楊漣之劾忠賢也有謂



廣微者曰楊連攻魏公波及閣下公知其故予曰不知也曰既者楊連造意者左光斗潤色者繆昌期吾為閣下足了此事矣廣微首肯遂與盟尋令御史陳九疇發其端因會推復理移宮舊案改入封疆証以受熊廷弼賄獄成吏部尚書崔景榮革一疏坐廣微寓中迫之申救廣微不得已為之上疏竟斃楊連左光斗繆昌期等于獄後復逮李應昇掠死之併極慘毒焉趙南星家居三十年起復入朝謁廣微南星故與廣微友善乃以父執自居廣微力排之削奪其黨山西巡撫郭尚友承其意証南星戍之初廣微入相以己意用墨點縉紳冊分差等目為邪人葉向高韓爌何如寵錢謙益成基命繆昌期姚希孟陳子壯侯恪趙南星高攀龍楊連左光斗魏大中黃尊素周宗建李應昇等六十七人密達忠賢以漸擯斥優手書所欲欲用黃克纘王紹徽王永光徐大化霍維華阮大鍼等五十六人指為正人以次擢用五六年間生殺予奪悉如廣微所持一時善類驅戮無遺五年八月乞休命馳驛歸里使致于家愆帝立治忠賢罪天下以廣微通謀為恨焉

崔呈秀荊州人萬曆四十一年成進士初授行人後

擢御史天啓四年巡按淮揚有狼籍肆吏科都給事魏大中發其醜遺事回道左都御史高攀龍劾罷之呈秀乃青衣持賂叩忠賢結為乾子忠賢大悅出中旨先勅復職呈秀之通中賢也由許東爨東爨故石元雅家奴于呈秀為居停主呈秀與結忘年交凡有所白皆東爨密達之忠賢天鑒錄則東林及東林之黨所謂真心為國不附東林者呈秀諸人也同志錄點將錄以裨史休偽名字配諸君子乞東爨傳進忠賢聞之喜曰崔家愛我替我出氣報仇也奉為聖書諸所不快呈秀旬刻或教人劾之高攀龍袁化中魏大中朱廷禔革無得瓦全者五年陞大理寺丞尋陞工部右侍郎監殿工忠賢以督工為名日與呈秀相見輒屏人密語良久乃去自是益密又不藉東爨矣忠賢日不識丁呈秀教之修三朝要典紅丸槌擊移宮指為楊左諸人罪案藏于皇史宬又上言東廠勤慎急公清廉勵操錫年例免風通宜褒美自是頌忠賢功德者不絕呈秀欲為忠賢建祠荊州荊州道司士容不聽遂士容掠之幾死王家棟者御醫士也棟上林署丞出入呈秀門時戶部主事于志舒因家棟通賄呈秀得除吏部而懷來兵道丘志充求陞太僕



家棟為往呈秀家夜遇厥下獲其賂呈秀乃以誣其  
隣禮部尚書李思誠思誠不知也其巧于卸罪類如  
此六年陞工部尚書兼左副都御史七年陞兵部尚  
書少傅兼太子太傅仍兼左都御史奪情視事不用  
縑墨既竊兵柄復搃國憲威權重矣嘉宗崩羣臣入  
臨忠賢在喪次日且腫無所言群臣出少之獨呼兵  
部尚書入屏人語移時秘不得聞或曰忠賢欲自塞  
呈秀以時未可故止恐帝既位錢嘉徵許可徵吳鴻  
業劾呈秀及其子鐸登鄉薦事呈秀罷歸薊州列姓  
婁羅諸珍異器縱飲一卮輒擲壞之飲已自經其  
子鐸試僅成二藝削籍戍邊廷議呈秀死有餘辜斬  
其屍于薊州

爭升允儒曰朋黨之說小人以陷君子先朝可鑒帝  
此之禮部以錢千秋試卷呈帝責謙益謙益引罪而  
出乃相廷儒延儒力援體仁明年亦入政府初魏崔  
逆案輔臣錢龍錫王之表崇煥之獄起言路謀借崇  
煥以報龍錫因龍錫以羅及諸臣則廷儒體仁王之  
會編修黃道周疏救廷儒意稍解乃釋龍錫事詳龍  
錫傳中嘉善錢士升龍錫門生也頗結體仁以傾延  
儒值太監王坤疏攻廷儒體仁則陰助之廷儒故歸  
而體仁首相矣何吾騶文震孟欲擢工科給事許譽  
卿體仁與吏部尚書謝陞難之陞遂糾譽卿震孟嘗  
論庶吉士鄭鄭當遷除固拂體仁意至是擬陞疏止  
奪譽卿體仁不可揭上而吾騶震孟俱罷矣鄭鄭  
總母大學士吳宗達女弟也鄭薄于宗達故宗達訐  
之體仁惡震孟併怒及鄭以宗達揭入告卒磔鄭其  
實鄭無杖母事也體仁逐震孟頗引士升為證士升  
亦助體仁至是體仁併欲去士升借士升弟士晉事  
擬旨下之士升亦引歸語詳士升傳帝論因素服召  
閣臣商確體仁無所平反惟依違唯諾而已禮部侍  
郎陳子壯嘗過體仁體仁稱主上神聖臣下不宜異  
同子壯曰公以將順廢匡救恐非善則歸君之義體



仁意阻其固寵得君蓋此術也自入相後攻者無虛日而劉宗周一疏尤適肖體仁行事狀然黨同之說中于上心攻者愈多任之愈固崇禎十年六月不得已罷免仍賜金幣遣人護歸蓋帝憤廷臣苞苴無狀體仁故為刻厲以自表見遂始終信之而生平黨邪排正諸事行之未嘗有迹因王柄陰為所假帝不之疑也疏謚文忠蓋亦帝意云

馬士英責陽人萬曆四十七年成進士授南部主事天啓初由陝西司印中出守歷履州河南大同三郡崇禎三年擢山西陽河副使五年巡撫宣大總督太監王坤論其罪遣戍故太常少卿阮大鍼為營救宥士英起為兵部侍郎兼右僉都御史提督鳳陽十七年流寇告急詔分別鳳督士英等加實署三月十九日京城破帝繼煤山南都兵部尚書史可法等方謀迎立遯疑未決也士英得北中消息預令阮大鍼竄福邸謀挾四鎮為援道書可法可法答有福邸三大罪五不可之議士英執以為可法後日罪五月朔以四鎮兵擁福王南下改元弘光士英專國諸未有所舉士英乃廷薦阮大鍼知兵賜冠帶陞見高弘圖請下九卿會議士英曰會議則大鍼必不得用弘圖曰

非阻大鍼舊制宗堂必會議乃見公耳士英曰我非受賄何所不公後為大鍼奏辨言忠賢之逆非聞賊此且攻弘圖曰廣諸人獲持舊局卒用大鍼為兵部侍郎時左都御史劉宗周赴召首言大鍼進退關係江左興亡而士英陰尼之不得上湖廣巡按黃澍承天守併太監何志孔入朝求召對既入澍向糾馬士英奸貪不法志孔亦佐澍言其無上諸事士英稱疾出直而以金幣餽福邸舊奄田成張執中等語弘光曰王上非馬公不得立茲逐馬公天下議王上皆恩矣且馬公在閣諸事不煩王上可以優閒馬公去誰復有念王上者弘光然慰留士英澍後連上十疏稱自古未有奸臣在朝而將帥能成功于外者毋因一時之才情傳辨誤信小人使黨羽既盛禍患驟至又云自魏瑞竊神器以來賈醜令禍附逆之人與薦逆之人皆有賊心乞懸諸日月以除魍魎士英乃趨澍去外與大鍼暨楊維垣等謀將盡殺東林人內與弘光飲酒演劇賣官鬻獄或夜半書士英堂中云聞賊無門匹馬橫行天下元光有年一元五掃中原求其人不可得亡何聞

大清兵至宿遷有請視師江北者士英疏稱



大清兵難屯河北然流賊之勢尚張不無後慮遂  
投鞭問渡乎都督陳弘範使北還稱

大清兵旦夕南下士英惡之曰有四鎮在何慮馬左  
良玉舉兵東下檄數士英罪狀士英懼專理部事不  
入直遣諸將禦之時

大清兵亦至淮揚弘光諭士英曰左良玉非叛今宜  
守淮揚不可撤江防士英厲聲指諸臣曰此皆良玉  
死黨為遊說寧君臣皆死于

清不可死于良玉之手嗔日大呼有異議者斬諸臣  
咸為咋舌良玉病死其子夢庚率兵至采石南軍敗  
之授聞晉大鉞等太子太保未幾

大清兵破揚州士英令各門下開辰開中封不數日  
弘光乘夜出奔五鼓士英奉母后召黔兵護衛走浙  
經廣德州守趙景和聞之曰彼不奉君而奉太后詐  
也且兵無紀律特賊耳奈何使賊賊吾民於是閉門  
設守士英攻其城破之執景和謂之曰汝反耶景和  
罵曰爾為大臣不同心捍禦封疆專事門戶一旦敗  
壞又棄而鼠竄今死汝手吾不及鄭虎臣矣遂殺之  
大掠而去所過淫掠人不能堪  
大清兵抵杭士英又率所部奉弘光母后至紹紹人

士猶未知弘光所在原任九江僉事王思任上疏言  
士英竊太阿肆無忌憚窺上之微而中之上者飲則  
進醪醪上悅色則獻妖淫上喜音則貢優鮑上好玩  
則奉古董以強場事托史可法又心忌其成功而掣  
扼之每一出朝招集七類責官鬻爵四方狐狗服錦  
橫行茲事急矣自擁重兵不戰不守稱護太后之駕  
聖駕獨不當護耶請斬士英之頭以為誤國欺君之  
戒又上書士英閣下政本自由兵權獨握不講戰守  
祇知貪黷酒色違君門墻同黨以致人心解體士氣  
不揚叛兵至束手無策強敵來先期以走急宜明水  
一盃以謝天下時紹立魯王監國張國維首泰士英  
誤國十大罪士英懼不敢入見

大清兵渡江決計獻魯王為降計乃遣人守魯王守  
者病魯王得脫士英等擁殘兵數請隆武出閩隆武  
不許後士英適至台州山寺為僧  
大清兵搜獲之斬于延平城下家口百餘悉給旗丁  
阮大鉞懷寧人曾祖鷄居桐城為浙江巡撫有惠政  
防倭靖寇浙人祠之而大鉞輕浮慆狡好作淫詞穢  
說不根之言自謂才華出人不可一世然有所批運  
輒成禍端故鄉里惡之萬曆四十四年成進士授行



人天啓元年考授戶科給事中三年陞吏科右給事  
中以憂家居與僉都御史左光斗同里有隙吏科都  
給事闕宜補大鍼廷議大鍼貪邪遂授魏大中輔臣  
魏廣微謂大鍼為正人薦之魏監又以李魯生薦大  
鍼等十一人復起用與諸奸相結光斗大中皆被陷  
多大鍼意也六年以殿工加太常少卿七年魏監誅  
大鍼論忠賢之罪且辨要典勒入臣名始附之又思  
脫之也御史毛羽健劾其黨邪明年削籍論城旦罪  
暴于天下而大鍼居鄉鳴騶坐與偃蹇如故南中士  
大夫憤將達之御史成勇以上聞太鍼疑周鑣王之  
恨之刻骨自是氣愈沮遂作酬誣瑣言以自解說匿  
迹南門牛首山不敢入城市奄奄待盡矣無何流賊  
破北京  
大清驅賊定陽馬士英迎福王監南都鍼故與士英  
善士英謂其知兵薦之賜冠帶陞見奉朝大駭高弘  
圖姜曰廣呂大器羅萬象居北恒陳良弼王孫蕃左  
光先尹民興皆遠疏糾之不聽萬象疏有大鍼實未  
知兵恐燕子箋春燈謎未見枕上之陰符袖中之黃  
石語蓋指大鍼所填詞曲而鐵之也及召對稱旨陳  
聯絡控扼進取接應四着長江兩合三要十四陳遂

用為江防兵部侍郎尋陞兵部尚書賜蟒服一日百  
官望祭先帝大鍼獨後至且呼且哭曰致先帝殉社  
稷者東林諸臣也不盡殺之不足以謝先帝乃與士  
英投意鎮國中尉朱纘誣姜曰廣史可法等謀叛又  
議前任巡按左光先罪先光斗弟大鍼讐也又併  
逮周鑣雷縉祚于獄縉祚亦與大鍼有隙故及之又以  
揭中最高切齒者十人上之曰此擁戴珞藩以圖不逞  
者又造為八十羅漢七十二金剛之日曰此羽翼也  
將一網盡馬士英曰時事方急姑緩之四月左良玉  
表甲東下南中震恐大鍼以為雷周所構不除之將  
為內應中夜飛片紙賜死  
大清兵抵南都弘光竄太平府二十里外大鍼未見  
欲入太平太平民不納走浙江  
大清兵抵金華破之大鍼迎降督軍貝勒收令內院  
辦事至順昌得大鍼與士英等請隆武出閩為內應  
疏大鍼知不免方遊山自投崖死仍戮其屍  
論曰惟庸革當太祖之世雷霆日月奚所容奸而乃  
恐不畏死自取覆宗可不謂愚乎若宇絲蒿志徒鋪  
設遂忘身家殆穿窬之徒耳廣微呈秀甘心塗面父  
事刑餘以濟一時之慾迄于馬阮猶黨獲不休顯狂



益甚其亦醉生夢死之尤者乎此輩獲罪神人固皆  
旋卽誅戮然殃民蠹國寸斷莫赦其辜矣嗚乎後之  
視今猶今之視昔可勿戒哉可勿戒哉

明史卷四百三

佞倖上

佞倖傳

從來邪佞之夫其性柔媚為術工巧苟在上者嘖笑  
一差卽乘機以入其始進也或以材技或以給使或  
以玩好聲容或以浮屠方術浸淫沉灌溺而不返至  
於虧損主德濁亂朝常禍世傷民後先一轍如鮫冠  
貝帶參乘同席廟主祠官出入永巷載在簡冊何嘗  
不臭聞千古而有明之世亦實繁有徒則擬其傑魁  
以彰炯戒殆亦無容或已者與

紀綱臨邑人為諸生時成祖以燕王起兵過其縣綱  
叩馬請劾王與語悅之綱善騎射便辟詭譎善釣人  
意嚮先發以為功王益愛幸授忠義衛千戶既卽位  
擢錦衣衛指揮使令典親軍司招獄帝由藩國起內  
疑羣臣反側欲重法繫之既委任都御史陳瑛滅建  
文朝忠臣數十族親屬被戮者至數萬人綱覘帝指  
廣布枝射於都城內外日摘發臣僚及民間陰事上  
聞帝悉下綱治報深文誣詆以稱帝意帝大以為忠  
親若肺腑永樂八年秋擢都指揮僉事掌錦衣如故  
綱既承帝眷威震朝野遂恣意貪虐用指揮莊敬表  
江平王王謙李春等為羽翼相倚為姦浙江按察使



周新廉直人也綱索賄無所得遂誣逮以死帝所怒  
內侍及武臣當下綱論死者輒將至家具洗沐好飲  
食之陽為言見上赦若罪誘取金帛且盡更數日忽  
刑于市其人死皆反恨數使家人偽為詔下諸方鹽  
場勒鹽四百餘萬還復稱詔奪官船二十牛車四百  
輛載入私第弗予五印獄中唱持大賈數十百家廢  
其財乃已詐取交趾使珍奇辱吏民第宅田莊藉故  
晉王乾沒金寶計諸所直以數百萬又從籍故吳王  
多所隱匿還輒服王冠服高坐置酒命優童奏樂奉  
觴上壽呼萬歲諸所用器物僭侈如乘輿嘗喜道姑姿  
首欲買為妾恨為都督薛祿所先過諸大內持鐵鑊  
祿首腦裂幾死祿恚不敢言道憲都指揮啞失怙木  
不引避坐以胃費事極之死多腐取良家子年十八  
以下數百人充左右詔選妃嬪既試可令楚出侍歲  
綱輒錄其尤者內之別室莫敢問吳中故大豪沈萬  
三富敵國洪武時已論死籍沒所滿皆尚富其子文  
度患為人所持因綱舍人蒲伏見進黃金百兩白金  
千兩及龍角龍文被奇寶異錦願得從僕御到為外  
府歲時供奉綱許之乃語文度徵吳中好女充後庭  
不為數文度因是挾綱勢什五而中分之亡誰何者

綱頭為豪暴而帝不知寵信蓋至遂懷不執志多蓄  
七命造刀甲弓弩萬計冀得所欲當端午帝射柳司  
柳鎮撫龐瑛者綱私人也屬曰我故射不中若折柳  
鼓噪以規眾意瑛如其言果無糾者綱喜曰是無能  
難我矣為謀益叵測十四年七月中青鞞綱者白蔡  
其端命給事御史廷勅下都察院按治具有狀即日  
磔綱于市籍其家家屬無少長咸戍邊且列其罪狀  
頒示天下其黨散江謙春瑛等誅謹有差  
門連豐潤人襲父職為錦衣衛百戶性機警沉鷲正  
統末以指揮呂賁薦進千戶理鎮撫司刑久之遷指  
揮倉事坐累解職景泰七年所親劉故掌衛事為之  
黃緣後以故官佐理衛事兼鎮撫理刑天順改元與  
奪門功進指揮同知旋進指揮使理刑如故五月連  
言一人不能兼兩職請解其一命若任理刑有浙人  
謝通者為千戶佐連理司事其人請書諸大體用法  
仁恕連倚信之過重獄多平反一時有罪者以下禁  
獄為幸朝士翕然稱連賢然其時英宗好知外事倚  
錦衣官校為耳目由是連果得進果本由校尉趨走  
連前及為帝所任頗恣肆連怒力逐之而果旋復任  
用與連並列勢且出連上思傾連連畏之惴惴不敢



縱及石亨死有詔盡革奪門功達及果言臣等進秩  
俱出特恩非以石亨故優詔留任四年冬謝通卒未  
幾掌衛事都指揮僉事王喜罷達遂代之仍兼理刑  
明年七月曹欽反果被殺達以守衛功進都指揮僉  
事掌衛理刑並如故達自是勢愈張帝委任亦愈密  
帝性英察自冲年踐阼政即尚嚴整獲辟益苛急思  
以峻法絕群下小人革由是得進用果既死達無所  
憚且欲踵其所為詔帝遣使偵中外不法事於是旗  
校通四方告訐者亦日盛中外重足而立帝益以為  
賢寵任益至外戚都指揮孫紹宗及軍士六十七人  
冒討捕曹欽功賞白金達發其事詔紹宗及其從子  
六人陳狀餘皆下獄盜竊戶部山西司庫金巡城御  
史徐茂劾却中趙昌主事王珪徐源疎縱昌等上言  
今官民家被盜咸罪應捕人不聞罪被盜之家茂不  
能嚴督巡捕反劾臣等何也將盜已被獲達因言御  
史職當糾彈昌等反挾奸妄奏不可不罪遂皆下獄  
謫官六年九月達言天下囚犯盡下本司而獄舍皆  
少囚不能容請以城西武邑庫隙地增置獄舍從之  
御史樊英主事鄭瑛犯驅罪給事中趙忠等報不以  
實達劾其徇私亦下獄謫官給事中程萬里等五人

輪五塗聞隸衛軍士妻怨冤萬里等以奉戒日例不  
奏刑名格之達遂劾諸人蒙蔽詔即下達按問已劾  
南京戶部侍郎馬諒左都御史石璞掌前府忻城伯  
趙榮都督周知范雄張斌年老昏憤諸人皆罷去裕  
州民奏知州秦永昌貪暴多杖人死且嘗衣黃衣閱  
民兵帶怒命達遣官覈之遂執至京籍其家陳貨于  
外庭命群臣共閱諸大臣請即正法乃殺之而榜示  
天下并逮布政使侯臣按察使吳中以下十人及先  
後巡按御史吳玘等四人下詔獄臣等還職停俸三  
年玘等謫縣丞御史李蕃巡按宣府有言其擅健軍  
職用軍容迎送者命下詔獄尋荷校長安門外數日  
死御史楊璉巡按遼東韓祺巡按山西校尉言其妄  
作威福即命逮至京荷校于道祺亦旋死校尉又言  
陝西督儲秦政妻良惡豪戶不輸賦用大杖水浸火  
炙而撻之遂徵下吏獲輸贖還職湖廣叅議李孟芳  
陝西按察使錢博福建僉事包瑛陝西僉事李觀四  
川巡按御史田斌雲南巡按御史張祚清軍御史程  
萬鍾及刑部郎中馮維孫璣員外郎貝鈞給事中黃  
甄皆為校尉所發逮捕下獄瑛自以守官無玷為小  
人所誣不勝憤自縊死其他多至遣戍當是時校尉



所至如豺虎鎮巡以下因不惕息魏遠恐後湖廣諸  
生馬雲被罪落籍赴京陳情不遂詐稱錦衣鎮撫奉  
命監親布政使孫毓等八人信之咸具聘致祭已而  
事覺法司請還問毓等奉詔服罪乃宥之其一特威  
嚴如此先是遠欲行督責之術其同列呂責教之曰  
武臣不易犯如曹欽可鑒獨文吏易裁耳遠以為然  
故文吏得禍尤酷既為帝所寵任權勢隆赫同列甘  
下之獨都指揮袁彬恃帝恩不為下遠深銜之彬妻  
父千戶王欽籍彬勢雖人財遠廉知之奏請下彬獄  
法司論彬贖徒還職遠猶未快有趙安者初為錦衣  
力士常使于彬後謫戍鉄嶺衛遇赦還政府軍前銜  
至是有罪下詔獄遠使言改補府軍由彬請託而得  
于是復捕彬榜掠誣彬受石亨曹欽及諸干搨者  
贈遺用官木為私第索內官督工者磚瓦奪人子女  
為妾諸不法事獄已成未上軍匠楊墳素為彬所愛  
擊登聞鼓訟冤語侵遠詔弄下遠治當是時帝委信  
內閣李賢視朝左顧則命賢右顧則命遠遠害賢罷  
又以賢嘗諫校尉恣橫深疾之摺于帝曰是嘗受陸  
瑜金酬尚書者帝疑之不召可半歲遠令校尉伺朝  
覲官言鴻臚序班多索其賄即執序班二十餘人繫

獄發規之曰罪一二人足矣何盡繫也且此曹索取  
幾何若錦衣官校動以千萬計遠不悅時四方奸人  
多詐買校尉索財物遠遣人捕之賢又規之曰校尉  
得財多故人競買之不然何以至此遠益惡之念朝  
臣惟賢與彬為帝所信可以進言害已欲并去之及  
是榜掠頃詰之曰汝豈知為此必有教汝者頃知其  
意在賢即謬曰此李學士策我遠大喜立奏聞請法  
司會鞠頃于午門外帝從之遣中官裴當監視遠欲  
執賢并訊當曰大臣不可辱况此小事耶及訊頃頃  
仰曰吾小人何由見李學士此實門錦衣教我吾安  
敢誣李學士且累袁錦衣遠色沮不能言彬亦歷數  
遠納賄狀法司畏遠不敢聞坐彬罪絞輸贖頃罪斬  
帝命彬贖畢調南京錦衣而禁錮頃時七年十一月  
十三日也明年正月英宗疾病遠知東宮局丞王綸  
必柄用預為結納無何憲宗嗣位綸敗遠坐調貴州  
都勻衛帶俸差操甫行言官交章論其罪命遠還群  
臣廷鞠論斬繫獄沒其貲鉅萬指揮張山同謀殺人  
罪如之子序班升從于千戶清塔指揮楊觀及其黨  
都指揮牛循等九人謫戍降調有差後當審錄命貸遠  
死發廣西南丹衛充軍卒



迹果者安平人也初為錦衣衛校尉陰鷲殘忍能通  
素績指揮劉敬門連等倚為腹心天順元年正月英  
宗獲辟方大治奸黨果即縛錦衣百戶楊瑛謂為聚  
永親屬無亡以私怨執千戶劉勤于朝班奏其誣上  
兩人並坐誅其兇暴無畏忌如此與濟伯楊善薦其  
才授本衛百戶以捕妖賊功進副千戶又以曹吉祥  
薦權指揮僉事帝為治尚嚴慮群臣比黨行私欲寄  
耳目于存右伺察中外之不法者念武臣獨果強毅  
敢任即以屬之果既承帝旨數據拾群臣細故濫及  
無辜坐罪者甚眾朝野側目英國公張懋太平侯張  
瑾外戚會昌侯孫繼宗總宗弟錦衣都指揮紹宗並  
侵官田立私莊果彈奏之懋等皆服罪有詔切責還  
其田于官其莊人悉下吏責戚震悚石亨恃寵而驕  
肆為非法帝漸惡之果即伺其陰事三年秋亨從子  
彪有罪下獄命果偕僉都御史王儉赴大同械其黨  
都指揮朱諒等七十六人果因發彪弟慶擅乘官馬  
索飲饌嘗辱泰將及萬全都指揮何楫采歲擅耕順  
聖川官地諸事諸人亦獲罪還朝進指揮同知明年  
正月果奏亨怨望愈甚與從孫俊等日造妖言頃先  
祿寺火亨曰此天也畜無賴二千人餘嵩伺朝廷動

止觀其心實快快懷不執亨遂付廷訊旋下獄死帝  
既除石氏益倚任果果亦益發舒日遣校尉偵事四  
方所至張聲勢索財賄巡撫總兵以至監司守令富  
家大戶莫不震恐多具酒餼選聲伎以樂之且厚饋  
祈免即親藩郡王亦然久則以無所賄者執送門連  
連輒鍛鍊成獄無或脫者兩人又充期督責必欲其  
多獲罪人故是歲天下朝覲官陷罪謹者眾其奉命  
逮捕者尤暴橫每至一州縣輒破數大家在京則占  
良田攬課稅請托公事莫敢誰何由是四方奸民詐  
稱校尉出入乘傳縱橫往來勒取財物平人受害無  
所控訴既而果等亦知之恐致激變言于帝命都察  
院出榜嚴禁然而果等所自違者終不能止也彭城  
伯張瑾以贖其妻稱疾不朝而與成國公朱儀武安  
侯鄭宏等會飲于私第果劾奏之詔瑾等自陳瑾等  
畏罪奏不以實復為都察院所劾帝雖宥之諸臣為  
惕息果所遣校尉報寧府弋陽王奠壘母子淫亂果  
即以聞帝誠異遣中官李廣駙馬都尉薛桓偕果往  
勘廣等還奏其誣寧王奠壘等亦言無佐證帝怒責  
果果懼罪力執如初帝竟賜奠壘母子死方并死出  
甯而大作平地水深數尺眾始知其冤帝亦不能詰



果也初弘農衛千戶陳安與同列相殿新于指揮使李斌斌不為理安怒欲奏陷斌斌文致安罪入獄錕殺之安家訴冤下巡按御史邢宥覆鞠斌懼厚賄石亨適按察使王傑在京亨囑傑言于宥薄斌罪于是檢屍者皆言安實自殺宥乃坐斌擅執軍官贖紋還職至是校尉言斌素藏妖書謂其弟健當有大位欲陰結外蕃為石亨報讐果以聞遂逮斌等下錦衣獄籍其家門達遂坐斌謀反帝兩命廷臣會訊衆畏果不敢平反斌兄弟竟寘極刑坐死者二十八人為奴婢者四十六人時論以為枉果本由石亨曹吉祥進用既得寵遂背之亨死後復伺吉祥及其從子昭武伯欽陰事密奏之吉祥父子大恨五年七月欽舉兵反先往果第呼出斬之取其首以去無何事平贈果指揮使果妻請其子襲職兵部言果無汗馬功法不應襲帝愍其死特命優給指揮僉事俸而門達日益用事方果得志時慮為怨家所攻朝退杜門絕跡非素厚者不敢干以私故為帝所寵任云

馬良其先宿問人世為金吾左衛指揮使遂家京師良襲祖職積官至後軍都督僉事曹欽之亂良預有功賜蟒服玉帶進都督同知憲宗即位坐結內侍王

綸滿廣西從軍自効成化二年黃緣得召還協守南京明年入理前軍都督府事四年三月出為廣西提兵官明年十一月改鎮貴州尋卒于任良姿表俊美初以幼童侍英宗于東宮及長益親暱天順時武臣得寵者良為最凡行幸必從一日狩獵于南苑早朝罷群臣俟送午門外見有乘馬從午門中道內官夾侍而出者後復一人騎而出衆皆愕然諦視則前乘馬者乃良也良後喪婦不數月即續娶鼓樂連禁中英宗聞之謂左右曰良喪偶未久何以即娶夫婦之情胡薄也自是寵遂衰不復召見然良雖見幸未嘗假以權勢故亦無大過云

李汝省南昌人初為布政司吏考滿待選京師販事發當為民匿京師不歸知憲宗好方術四方奸人多緣是得官乃從人學五雷法厚結中官梁方錢義以符籙進帝試之驗特旨授太常寺丞時成化十五年四月也御史楊守隨給事中李俊等交章劾汝省賦吏不宜典郊廟百神之祀乃致上林苑監丞然帝寵幸日隆賜金冠法劍及印章二文曰忠貞和直曰妙悟通言有所奏請密封以進汝省益採取淫邪方術上獻與方等表裡為奸漸干預政事十七年八月擢



右通政寄俸本司仍掌監事故者既入司置酒宴其僚右通政王親輒之不加禮致者怒進密奏于帝明日即左遷太僕少卿自是人咸畏之無敢忤者故事寄俸官不得預郊壇分獻帝特以命致者禮官及臺諫亦無能執奏矣十九年九月進左通政自梁方以邪說惑帝引進方士由是鄧常恩趙玉芝凌中顧珏及僧繼統輩官皆尊顯然權寵盡出致者下時有李文呂者自言曾遇異人傳鉛汞鍊銀術帝命中官試之闕五月不就乃杖之五十斤還故里又有高宗諒者以扶鸞進乃偽為丹藥云神人所降服之長生不死為中官所覺詔革其右至靈與其黨三人並奪官為民此其偶敗露者其他黃緣奄監附會邪說希進者總踵不絕其年十二月給事中王瑞御史張程等極言其弊乃貶致者二秩為本司左丞議其他貶黜者又十二人以塞中外之望焉明年十二月復以為左通政二十一年五月星變求言九卿大臣各具疏皆言傳奉冗官之弊而六科十三道言之尤切帝頗感悟貶致者上林監丞其他冗濫者令吏部錄上其名時以傳奉得官者至二千有奇部臣奉詔自勦戚功陞廢叙外錄上五百餘人帝為留六十七人餘皆

斥罷中外大悅而致者緣是益疾廷臣思所以構之時主事張吉員外郎彭綱亦以星變詆致者並構隨之其年十月復以為左通政仍掌監事帝眷之彌優乃構吏部尚書尹昶及其子侍講龍骨獲譴又假扶鸞術言江西人赤心報國于是致仕副都御史劉敷禮部郎中黃景南京兵部侍郎尹直工部尚書李裕禮部侍郎謝一夔皆因之以進間採取時望若學士楊守陳倪岳少詹事劉健都御史余子俊李敏侍郎徐溥李嗣大理卿張錦少卿馮貫通政黃孔昭祭酒劉壘悉密封推薦縉紳進退多出其口一時執政大臣萬安劉吉彭華亦從而附麗之勢焰熏灼不肖者多奔走其門通政邊鏞之為倉都御史李和之為南京戶部侍郎皆其力也江西巡撫閔瑤司經局洗馬羅璟兵部尚書馬文升順天府丞楊守隨皆其所排擠者朝野為之仄目而致者揚揚不顧也二十二年十一月吏部奏左通政缺員命擢致者通政使右通政陳政以下五人遞進一官先是王親以忤致者見柳同僚咸謹避之致政等悉緣以進秩然時張文質方以尚書掌司事通政故未嘗缺使也明年二月復擢禮部右侍郎掌通政如故八月憲宗崩孝宗嗣



位言官交章論劾請戍甘州遇赦當還中官蔣錄乃言罪不當宥復械至京下詔獄致者不勝撻掠以是年十二月瘦死

慈航江夏人出家為僧以秘術因渠方以進授僧錄司左覺義大蒙恩眷十六年冬敕賚所賜獲持勅往湖廣九峰寺乞往來付乘傳續食許之其母朱氏本娼家女請旌其孝行禮部言旌表必有司陳奏本部行憲司核實乃得旌請下所司如故事帝即命旌之十九年進右善世壽命為通玄朔教廣善國師賜袈裟數珠日進邪說百端誘帝為佛事度僧徒有所奏請無不立從乃建大永昌寺于西寺通從民居數十百家費國帑數十萬諫官噤不敢言二十年十月刑部員外郎林俊劾方引用妖僧左道惑上殫竭內藏貽毒生靈請斬二人以謝天下帝怒下俊錦衣獄杖三十請判姚州俊既被譴朝野並疾繼統繼統亦自虞禍及乞歸養母并乞空名度牒五百道帝悉從之且命母終即起供職帝性好異教嗣位之歲即以道士孫道玉為真人成化四年封西番僧劉已堅參為萬行莊嚴切德最勝智慧圓明能仁感應顯國光教弘妙大悟法王西天至善金剛普濟大智慧佛劉寶

已為清修正覺妙慈普濟護國衍教灌頂弘善西天佛子大國師又以其徒鎖南堅參為淨修弘善國師端竹也夫為淨慈普濟國師竹錫詰命諸僧以秘密教得享服食器用僭擬王者出入乘輿與衛卒執金吾仗前導公卿貴人莫敢不避道每召入大內誦經呪撒花彩讚吉祥錫予駢蕃光祿日給酒饌醮牲至再錦衣玉食者幾千人中官見輒跪拜諸僧坐而受之取荒塚頂骨為數珠編篋為法枕用以進獻都人為之仄目六科給事中魏元等嘗切諫不納禮官以華人假冒者多議清汰劉已堅參授永樂間故事乞免詔兼先習番經有度牒者已之無者悉汰自後華人不得習番教然不能止也尋進封劉寶已為法王封班卓兒藏卜為弘修淨成悟法輔教闡範善應灌頂圓妙西天佛子大國師十七年又封領占竹為萬行清修真如自在廣善普慈弘慶妙應掌教翊國王覺大濟法王西天圓智大慈悲佛二十年冬又封西天佛子劉失藏卜劉失堅參乳奴班丹鎖南堅參法幹領占五人為法王其他授西天佛子大國師國師禪師者不可勝計羽流如號真人高士者亦充滿都城大國師以上皆賜金印真人亦賜玉冠玉帶玉



主銀章其濫如此自天子崇信異教于是四方無藉之徒悉假方伎奔走京師而繼曉亦得乘其時竊國師之號至二十一年正月言官極論其罪始勒令為民進還誥勅度牒而諸番僧猶不勤孝宗登極言者交至乃詔禮官議汰禮官言大慈恩大隆善大能仁諸寺法王至禪師四百三十七人刺麻諸僧七百八十九人華人為禪師及善世覺義諸僧官一百二十人道士自真人高士及正一演法諸道官一百二十三人俱銷賬點認法王佛子降國師國師降禪師禪師降都綱自講經以下落職為僧悉遣還本土進奪誥勅印章儀仗諸法物真人降左正一高士降左演法亦進奪印章及諸玉器僧錄司止留善世等九員道錄司留正一等八員餘皆廢點自是異教為清而繼曉以科臣林廷玉言明年六月復逮治罪當大辟刑官援赦例減死為民復為言官所駁卒棄市天下快之

鄧常恩臨江人趙玉芝番禺人並曉方術常恩因中官陳喜進成化十七年十月由道錄司右生重舉擢太常寺卿常以符呪愈孝肅太后疾賜印章曰素籒陰陽玉芝因中官高錦進累官太常寺丞以修玄谷

立世經天人歸德頃十九年六月起授本寺卿亦賜印章有所陳奏封識以進又請註玉皇經未就丁母憂特賜祭葬所司言常守制命奔喪畢即起視事乃大治瑩域制度踰等還朝與常恩及李孜者相倚為奸聲勢甚盛顧江陵中不知何許人江初給役大德顯靈宮習扶鸞術假神降言禍福黃緣中官達于內庭累遷太常寺丞十七年五月進少卿踰月喪母請賜祭且給贈誥故事四品未三載無給誥賜祭者憲宗特予之吏部尚書尹旻因請并贈其父以省再給十九年五月進正卿其二子經綸亦以父術進並官太常少卿中以善書供事文華殿為鴻臚寺序班十七年十二月擢中書舍人明年四月遷太常寺丞九月進少卿又明年十一月進正卿供事如故群小遷擢之驟未有若中者踰月以諫官言復為寺丞帝性優柔踐位踰月即命中人傳旨用工人為文思院副使自是相繼不絕迄于晚年其弊尤甚蓋當是時中人為政內府諸監局及在外僧房道院廣集道書佛經稗官雜曲及閭巷猥說召人繕寫皆以中人領之錄成上進備以珍玩輒隨輕重得官以故左右近習各樹門戶爭奇開新籍以取寵所得賄賂亦不貲而梁



方為甚每一傳命姓名滿紙主爵者至應接不遑拜  
恩私室者相望于道時謂之傳奉官文武僧道多至  
數千人朝野駭嘆而帝有請必從了不為意也二十  
一年正月言官極論其弊以故省及常恩等為罪魁  
且曰諸人每祈雨雪不效則極其褻侮偶或自降輟  
燭為己功尤不可不罪乃取致者上林監丞常恩本  
寺丞而王芝玘中等並如故其年十月復以常恩為  
太常卿錫之誥命先是有沈政者為岳州府通判以  
繪事寅緣中人政順天府通判供奉內庭尋擢太常  
少卿既進用思以奇計取寵請歛天下貨財充內府  
之用帝怒曰政不守本業妄造事端何也必有主使  
者命錦衣衛杖而訊之獄上謫廣西慶遠通判都人  
快之又有郭宗者由進士為刑部主事以善篆刻為  
中人所引權尚寶少卿日與市井無賴者伍趨走關  
廷心慚且恨漸以成疾竟不起有張善吉者常為兵  
科左給事中坐事謫耀州判官秩滿赴京久不調用  
秘術干中官高英以達于帝得召見因自陳乞復為  
兵科都給事中士論以為羞乃至大學士萬安亦獻  
房中術固寵其他無耻之徒稍負一技者莫不攀援  
中人以進一時人情若狂而何瑾罪為最瑾辱結中

人陳喜得為錦衣百戶乃引進群小納賄求官而已  
因以為利遂改文資為尚寶司丞他如丁永中以道  
士為禮部侍郎副銅陳敷楊通以工匠綱為工部侍  
郎數太常卿通太僕卿朱奎任道進以文筆殿供事  
奎為大理卿道進太常卿任傑李景華楊杞以方技  
雜流傑景華為通政使杞為太常卿張苗以承差為  
通政使黃大經以織篆文為太常少卿謝轉以善捕  
鬼為鴻臚主簿而太醫諸雜流如主侍郎通政太常  
太僕尚寶者不可悉數即萬祺倪謙錢溥周洪謀之  
加侍郎劉友之加尚書吏部尚書尹冕之加太子太  
傅諸尚書殷謙周洪謀施純劉友張鵬張瑩劉昭之  
加太子少保亦出傳奉名器之濫于斯為極至孝宗  
嗣位始用科道言盡汰傳奉官謫常恩王芝玘中大  
經戊邊衛十一月以中官蔣琮言復逮常恩王芝及  
大經轉下詔獄坐交結近侍律斬妻子流二千里詔  
免死仍戍邊



明史卷四百四

佞倖傳

佞倖下

江彬宣府人初為蔚州衛指揮僉事正德六年畿內盜起京軍不能制調邊兵彬以大同遊擊隸總兵官張俊麾下過薊州殺一家二十餘人誣為賊以功得賞後與賊戰淮上被三矢其一著面鏃出於耳拔之更戰武宗聞而壯之七年賊漸平遣邊兵還鎮大同宣府軍過京師搗之遂不遣彬因錢寧見帝帝眎天痕呼曰彬兒健能爾耶彬仗點強狼而狀貌魁碩有勇力善騎射喋喋談兵帝前帝大悅擢都指揮僉事出入豹房同卧起嘗與帝奕不遜千戶周麒叱之彬竟簡騏驎死於是左右皆畏彬彬與帝微行數至教坊司進鋪花氈帷百六十二間制與雜宮等帝出遊幸皆御之時寧勢薰灼見彬驟進意不平一日搏虎召寧寧縮不前帝弗樂彬急趨進虎方迫帝彬力撲乃解帝戲曰吾自足辦安用爾寧他日潛短彬帝不應彬亦知寧不相容顧左右皆寧黨始欲藉邊兵自固因盛稱邊軍統悍京軍脆弱請互調京邊軍內外搽練言官文諫大學士李東陽疏陳十不便皆不聽於是調邊東宣府大同延綏四鎮軍統外四家縱橫

都市民被其患每圍練大內間以角觝之戲帝戎服臨之與彬聯騎出鎧冑相錯幾不可辨八年命軒泰領敢勇營彬領神威營改太平倉為鎮國府並遣兵建西官廳于倉武營彬前從寧果討賊殺平民冒首功給事中潘瓊覆實以聞置不問未幾賜彬國姓令鎮國府兵俱入西官廳操練彬與泰並提調不妨營務十年三月遷都督僉事彬乘帝喜並言萬全都指揮李琮陝西都指揮神周勇略並召侍豹房同賜姓為義兒茲積慶鳴玉二坊民居造皇店酒肆建義子府又設東西兩官廳于禁中視團營領以泰等四人統義子四鎮軍彬兼統之帝自領群奄善射者為一營號中軍晨夕馳逐呼噪禁達九門甲光錦綉照耀宮苑帝時臨閣名過錦諸軍悉衣黃單甲泰琮周等冠遮陽帽帽上飄天鵝翎者三翎次二翎兵部尚書王瓊得賜一翎冠之下教場自矜殊遇彬既心忌寧欲導帝巡幸遠寧便自擅為奸因數言宣府樂多美婦人且可觀邊叢馳騁瞬息千里何鬱鬱居大內為廷臣所制不得自由帝然之十二年八月即急裝微服出幸昌平大學士梁儲蔣冕毛紀追止之不聽至居庸閣御史張欽聞聞以死諫帝不得出乃還數



日復夜出先令太監谷大用代欽止廷臣追諫者帝因得度居庸至宣府彬為建鎮國府第志筆豹房珍玩女御實其中彬從帝時時夜入人家蓋索婦女以進衛士樵蘇不給致民廬為薪而帝樂之忘歸稱曰家裏未幾幸陽和迤北五萬騎入寇集諸將禦之諸將王勳等力戰至應州寇引去斬首十六級官軍死傷者數百人是日微勳乘輿幾殆猶以提開京師帝自稱威武大將軍朱壽又自稱鎮國公所駐蹕稱軍門中外事無大小白彬乃奏或璽格至二三歲前後切諫者無算都給事中石天柱至刺血上疏帝用彬言悉置不省帝在宣府迎春彬令俳諧戲劇飾太車數十輛載諸伎女而以群僧雜坐其中車既馳令諸伎執圓毬交擊于是僧伎頭互相抵觸有墮車下者帝視以為笑樂十三年正月還京數念宣府不置二月彬復稟帝往因幸大同聞太皇太后崩乃還京發喪將葬如昌平祭告諸陵遂幸黃花宮雲諸路所至多掠良家女先幸御建數十車在道日有死者左右不敢白猶載以隨永平知府毛思義忤彬意下獄謫官典膳李恭疏請回鑾指斥彬罪未及上彬聞遽逃恭死詔獄帝駐大喜峰口漁獵將致朵顏三衛花當

把兒孫等納質宴勞御史劉美元陳四不可不報帝既還下詔曰近年北寇犯順兵政廢弛特命總督軍務威武大將軍總兵官朱壽統率六軍期于翦滅命彬為威武副將軍錄應州功封彬平南伯子三人錦衣衛指揮泰安邊伯琮周俱都督陞賞內外官九千五百五十餘人冒賞賜以億萬計彬又導帝遠歷邊塞乃復由大同渡黃河次榆林至綏德幸總兵官戴欽第納其女還由西安歷偏頭關抵太原大徵女樂有劉良女者晉府樂工楊騰妻也以能進遂大寵幸載歸彬與諸近幸侍母事之稱劉娘娘十四年正月自太原還至宣府命彬提督十二團營帝東西遊幸凡歷數千里乘馬腰弓矢涉險阻冒風雪從者多道病帝無倦容尋還京而南幸之議起刑部主事汪金疏陳九不可且極言耐酒當戒帝不省時帝日夜耐飲嘗以杯杓自隨或酒未及溫輒飲之羣小利帝昏醉伺稍醒復以酒進故金疏切指之帝又自稱總督軍務威武大將軍太師鎮國公遂降勅南幸廷臣百餘人伏闕諫彬故激怒帝悉下獄多杖死者彬亦意沮議得寢會寧王宸濠反復贊帝親征下令諫者處極刑命彬提督贊畫機密軍務兼督東廠錦衣官校辦事



是時張銳治東廠錢寧治錦屏彬兼兩人之任權勢  
莫與比遂尾帝以行尋間止寧令董皇后役寧不得  
從八月發京師至保定巡撫伍符張宴行酒相與為  
藏闈之戲符探得闈帝不悅投之地飲符數瓢符醉  
頹然乃大笑至臨清山東守臣進宴宴草略帝笑曰  
慢我何甚及宴巡撫王瑚獻觴步緩帝日之神周林  
瑚謂上意不測明日復宴治河都御史龔弘恐帝悞  
以為瑚趨進自言姓名彬從旁厲聲叱之莫并罪二  
人帝不為動初帝之南發也劉姓疾未及從約以玉  
符召帝渡蓋濟橋馳馬失符大索數日不得至臨清  
遣使召娘娘以無信約不肯行帝倉皇自束單舸疾  
歸載娘娘南道遇叅議林文繼舟見其妻美即奪去  
十一月至徐州彬先飾龍舟迎旌旂蔽天順流東下  
漁清江浦再漁汜光湖者累日彬不時矯旨有所徵  
索動輒以縛長吏通判胡琮懼自縊十二月至揚州  
即民居為都督府中官吳經先至適入民家刺處女  
寡婦破垣毀屋哭聲夜震遂收諸婦女于提督府有  
愧恚自經者帝數織城而命神周取鷹犬泰州即東  
衙草場大獵三日以劉姬諫稍止復漁于儀真新開  
初令中官張雄等選妓至是窺闈之取其半入舟至

南京十五年正月迎春傳諸黨如宣府彬率遣兵數  
萬縱橫跋扈威國公朱輔見彬長跪魏國公徐鵬舉  
及公卿大臣皆側足事之惟秦賢尚書魯宗與應天  
府丞寇天叙挺身與之抗彬氣稍阻六月辛牛首山  
諸軍夜驚訛言彬欲為逆久之乃定而是時彬又欲  
導帝幸蘇州下浙江抵湖湘南京諸臣伏闕極諫彬  
欲激帝重譴之其黨勸阻乃止時宸濠就擒繫舟江  
上數訛驚將為變帝心疑閏八月發南京九月過淮  
安至清江浦漁于積水池舟覆被溺遂得疾初車駕  
之西巡也大星隕地震黑霧晦冥入太廟風雷大作  
燭盡城宣府大冰雹如盤既及將南征陰霾晝晦禁  
中水溢壞橋下鐵柱及在南京有物綠色如猪首墮  
帝前其拘留婦人之所滿壁若人頭倒懸者災警併  
至而彬不少懼致帝遊略無度帑藏空虛海內耗損  
車轍半天下六宮怨嗟卒之儲嗣乃至泛舟被溺致  
損帝躬付彬導之至此極也十月至通州彬尚欲勸  
帝幸宣府矯旨召勳戚大臣議宸濠獄又上言賴鎮  
國公朱壽指授方略擒宸濠逆黨中宗遠等十五人  
乞明正其罪乃下詔褒賜鎮國公歲加彬祿米百石  
廢一子錦衣千戶時中外題家無敢稱鎮國公名者



彬在帝前談笑無忌至是以羣臣為戲指斥若敵已朝野益駭異會帝體倦甚左右力請還京彬議乃寢至京矯旨改團練營為威武團練營自提督軍馬令秦周琮等提督教場操練及帝崩廷和用遺命分遣遣兵罷威武團練營彬內疑稱疾不出稍陰布腹心哀甲觀變密令秦詣內閣探意廷和以溫語慰之彬聞稍安乃出成服廷和密與司禮中官魏竊計因中官溫祥入白太后請除彬會坤寧宮安歡吻即命彬與工部尚書李鐸入祭彬禮服入家人不得從事竟將出中官張永留彬鐸飯宮外太后遽下詔收彬彬竟亟出至西安門門閉尋走北安門門者曰有旨急提督彬曰今日安所得旨排門者門者擁之遂被執換其積且盡收者至縛之有頃周琮並縛至罵彬曰奴早聽我豈為人擒世宗即位磔彬于市周琮與彬于勲杰蔡照俱斬繪處決圖榜示天下妻楊氏幼子然女千金萬金貴金發功臣家為奴時京師久旱遂大雨彬奸貪狼籍從幸南北所至索虎豹犬馬珍異及四方難致之物諸司競以賄焉免而琮周琮聲勢亦積賄無算至是籍彬家得黃金七十櫃白金二千二百櫃它珍瑤不可數計

錢寧不知所出或云鎮安人蔡驚太監錢能家為奴能發之冒錢姓能死推恩家人得為錦衣百戶正德初由事劉瑾因得幸於帝寧性獯狡善窺伺人主意又善射拓左右考帝喜賜國姓為義子四年十一月傳陞錦衣千戶瑾敗以計免歷指揮使掌南鎮撫司累遷至左都督掌錦衣衛事與詔獄言無不聽其名刺自稱皇庶子引樂工臧賢回回人于永及諸番僧以秘戲進怙寵自恣請于禁內建豹房新寺集諸伎樂酣縱為樂復誘帝微行遊幸無度寧日夕侍豹房帝常醉枕寧卧百官候朝至補莫得帝起居但密伺寧寧來則知駕將出矣諸司事必問自其所順指恂恂承奉小向背輒請中旨徑行時太監張銳領東廠緝事橫甚而寧與詔獄勢最熾中外稱曰廠衛觸之立禍有校尉閔三法司道上司務林華士不避華杖之校語不避評事沈光大林繁之寧奏校尉乃隨駕之後擅杖繫不赦遠光大華下錦衣衛考訊點光大為民降革一級外調錦衣千戶王汪者與寧親暱扶勢縱恣捷人至死負外郎劉秉鑑持其獄急寧怒匿注于家而屬東廠發刑部他事尚書張子麟亟造謝寧立釋注乃已自是廠衛勢益赫校卒至部院白事



對卿佐輒稱老尊長卿佐亦屏顏禮之太僕少卿趙經初以工部郎督乾清宮工乾沒帑金數十萬家蓄豔姬甚盛未幾經卒寧佯遺校尉治喪迫經妻子扶柩出姓妻帑藏寧遂據而有之中官廖堂鎮河南橫甚弟錦衣指揮鵬倚兄勢肆惡無忌為巡撫鄧庫所劾詔降級安置鵬懼使其嬖妾私事寧遂得留任寧每休沐必宿鵬妾家寧既得志造佛寺于石經山窮極壯麗邀帝遊幸數日乃還于永安六歲為都督養子錢傑錢靖等俱冒國姓授錦衣衛官寧念貴富已極而帝無子思結強藩自全計無如寧王宸濠宸濠亦私結寧營復護衛屯田寧顧兵部尚書王璠有威名可倚藉與璠深相結璠時著單刺帽帖裡衣入豹房侍帝飲酒寧又遣人往來宸濠所謂帝星已明王有異相事必成成則已封公如徐魏公達而推璠如李韓公善長寧又令宸濠數進金銀玩好于帝謀召其世子司香太廟為入嗣地又以玉帶絲紵附其典寶萬銳歸詐稱上賜凡宸濠所遣私人行賄于京皆王戚賢家率由駢連寧由寧達帝左右廷臣亦多納宸濠賄吏部尚書陸完尤與之密及宸濠反帝心疑寧寧懼乃白帝收紫宸濠所寵虛孔章而歸罪賢賢

滿成遠行未百里使校偽為盜殺賢以滅口又致孔章瘦死其自全然卒中江彬計帝南征留寧居守寧私求危從駕既出始得旨彬復問止之使董皇后從在道盡白其通逆狀帝曰黠奴我固疑之今果然遂羈寧臨清馳收其妻子家屬帝還京祿縶寧與陸完雜諸俘行駕前籍寧家得玉帶二千五百束金十餘萬兩白金三千箱胡椒數千石他珍貨無算世宗即位傑寧于市繪處決圖榜示天下養子傑等十一人皆斬于永安幼免死妻李氏妾劉耐驚張碧桃何碧杏侍兒玉寶瓶劉牡丹發功臣家為奴初寧攬權納賄廷臣奔走恐後有因以致樞要者為臣武弁持重皆乞鎮守總兵官無不如志都察院經歷錢友父事寧使宦伺察有議己者即先斥逐之人或有急因反賂寧亦輒得解

許泰江都人都督寧子襲職為羽林前衛指揮使中武會舉第一擢署都指揮同知尋充副總兵協守宣府正德六年七月調遣兵勦賊泰與邵衣江彬俱在行其年九月泰等敗賊于霸州之平口斬數百人追擊于東光半壁店再敗之未幾復敗賊于棗強之三老集及薛官屯擒斬踰四百濬楊虎黨也十月賊劉



六寇曹州恭興馮禎卻永擊寇斬首三百乘勝進之  
獲擒斬十八百人明年正月賊犯蠡縣及臨城恭等  
近在清苑不敢擊為巡撫蕭翀所劾詔停其俸既而  
賊奔衛輝恭為所敗總督陸完以聞降勅切責五月  
完復劾其調赴萊陽運道不進給事中張瓚等亦劾  
之詔革署都督僉事新銜仍以都指揮同知辦賊九  
月賊平進署都督同知邊留邊兵不遣與彬日侍上  
左右賜國姓大得恩寵歷遷至左都督十三年冒應  
州功封安邊伯明年寧王宸濠反帝將親征以恭為  
威武副將軍偕中官張忠率禁軍先往未至而宸濠  
已為王守仁所擒恭欲攘其功疾驅至南昌窮搜逆  
黨士民被誣陷者不可勝計誅求刑戮閭井騷然甚  
于宸濠之亂蘇守仁功所以排擯者百方執伍文定  
嘗辱侮至留江西久之始旋師世宗即位廷臣交章  
彈劾文定亦偕以虐民妨功狀上聞乃下獄論死尋  
實緣責近減死戍邊

所喜至是論西征功中官谷大用馬永成子弟皆封  
伯德以義子之首故亦得封明年十一月詔賜東閣  
太平倉為德私第德請改為公館戶部尚書孫文華  
之謂積貯大藏費國家工役萬萬計正統末京師戒  
嚴議者欲移通州糧盡入京倉頃者盜薄文安去通  
州一日有欲復中前議者豈可因目前無糧改為公  
館臣承乏戶曹此而不言它日聖心悔悟雖如臣重  
譴亦無及矣不聽已而竟改為鎮國府駐宣府兵世  
宗即位從諫官言下德獄奪爵為民

馬昂正德時歷大同延綏總兵官坐事劾免親復用  
一女弟色美嫁指揮畢春有娠矣十一年三月因江  
彬白武宗取入豹房以善歌能騎射解胡語大得幸  
中旨推昂右都督與弟昺昺賜蟒衣內度大璫皆  
昂昂為勇賜第太平倉東旬日間聲勢隆赫時帝在  
位久儲嗣未生忽納有娠之嬪中外疑賊于是六科  
給事中呂經十三道御史張淮等公疏切諫御史徐  
文華給事中殷雲霄又特疏力爭皆不報帝後從數  
騎幸昂第飲酣召昂妻昂忤旨帝怒而起昂懼遂謝  
病急賄近侍張忠進其妾帝喜待昂如初權昺都指  
揮昺儀真守偕昂喜過望再進美女四人謝恩寵賚



益澤有王滿堂者霸州民王智女姿態殊麗江彬進之豹房大被寵幸尋致歸數感異夢謂有趙萬興者未聘當大責進士張鉉扶妖術聞其語即偽稱萬興滿堂遂從之入山東嶧縣作亂官軍平之斬鉉獲滿堂復召入寵幸如故世宗即位請昂兄弟成遣出諸女還其家

陸炳其先平湖人祖塋以軍籍隸錦衣衛為總旗父松襲輝職從興獻王之國安陸選為儀衛司典仗事世宗于潛邸及世宗入承大統松以從龍恩遷錦衣副千戶累官後府都督僉事協理錦衣事炳武健沉鷲長身大色行步類鶴人見而畏之舉嘉靖八年武會試授錦衣副千戶十五年松卒炳襲指揮僉事典領象房尋進署指揮使掌南鎮撫司十八年二月帝南巡至衛輝夜四更行宮火從官倉猝不知帝所在獨炳負帝出御乘輿帝自是愛幸炳累擢都指揮同知二十四年閏正月遂代陳寅掌錦衣事帝初嗣位掌錦衣者為朱宸未久罷代者為駱安安罷代者為主佐佐有賢聲大猾劉東山之訐張鶴齡兄弟賴佐得保全佐卒代者為陳寅佐寅皆從興邸未以從龍恩見用寅亦謹厚不為民害安佐寅皆居職八年至

炳而權勢乃熾遠出諸人上未幾擢署都督僉事十二月又以緝捕功擢都督同知炳驟貴其全列多父行炳陽故事之而徐以計去其易已者又能得時相憂言嚴嵩歡以故日益重帝擢授兵馬指揮為御史所繩詔不問憂言故暱炳一日御史劾炳亂鹽政擅榜禁小錢諸不法事言即欲擬旨逮治炳窘行三千金救解不得長跪泣謝罪乃已炳自是疾言次骨及嚴嵩與言構炳助嵩發言所與邊帥閩節書言罪至大辟嵩德炳恣其所為且引籌畫閩通賂賂炳勢益張後仇鸞得寵威震天下凌嵩出其上獨憚炳炳亦曲奉之不敢與鈞禮而私出金錢結其所親愛得鸞陰私及鸞病亟炳盡發其不軌狀帝大驚立收鸞勅印鸞憂懼死至剖棺戮屍先是炳已進左都督三十年錄擒哈舟兒功加太子太保至是以發鸞密謀加少保兼太子太傅歲給伯爵祿三十三年七月命入直西苑與嚴嵩朱希忠等供奉焚修出乘肩輿入則馳馬恩寵益隆三十五年三月賜進士恩榮宴故事內閣尚書都御史上坐錦衣列于西帝以炳故特令居二品之末明年二月疏劾司禮中官李彬侵盜工所物料及內府銀錢以數千萬計私役軍士營墳墓



借擬小陵大不道帝怒下彬鎮撫司拷訊移刑官定  
罪典其黨杜泰等三人輪斬餘遣戍有差籍其貲銀  
四十餘萬金珠珍寶無算都人快之尋加炳太保兼  
少傅掌錦衣如故故事三公無兼三孤者僅于炳見  
之炳狡黠多智善迎合帝意出司巡徽入典直贊自  
郊廟以至諸禱祀皆得與馬親貴尊寵群臣莫二任  
豪惡吏為爪牙多布耳目鉢兩之奸悉知之富民有  
小過輒收捕榜掠文致成獄沒其家所夷滅者不可  
勝計積貲數百萬厚自奉養營別宅十餘所成極壯  
麗分置妾媵其中鐘鼓帷帳不移而具四方佳麗處  
皆有莊宅棊勢傾天下其時嚴嵩父子盡攬六曹事  
漁取無厭炳為調停其間無所不聞說四方文武大  
吏爭走其門每歲所得亦不貲而其結納權要周旋  
善類亦無所吝當是時帝數起大獄縉紳無辜逮繫  
者先後接踵炳器為調護多獲保全又折節士大夫未嘗  
構陷一人以故朝士無甚惡之者三十九年十二月卒于  
官帝哀悼手詔稱炳為國發逆盡忠直特贈忠誠伯  
謚武惠祭葬有加官其子輝為本衛指揮僉事命都  
督朱希孝經紀喪事護其家皆異數也隆慶初用鄉  
史言下法司窮治遂削炳秩籍沒其產奪釋及弟太

常少卿煒官復坐贓數十萬繫繯等追償久之貲盡  
無可追者萬曆三年釋上章乞免輔臣于謙廷奏請  
帝以問張居正等傳言炳救駕功且曰律非謀反叛  
逆奸黨無籍沒者况籍沒者不追贓追贓者不籍沒  
今二罪並坐似非律意帝憫之遂獲免  
邵元節貴溪人也幼喪父母出家為龍虎山上清宮  
道士從其師范文泰受龍圖龜範元始太虛之學又  
師事李伯芳黃太初成盡其術寧王宸濠召之辭不  
往遂放浪江湖間世宗初嗣位感內侍崔文等言即  
好鬼神說日事齋醮諫官屢以為言不納嘉靖三年  
徵元節入京見于便殿大加寵信伴居顯靈宮專司  
禱祀明年兩雪愆期元節屢禱有驗帝益異之又明  
年二月封為清微妙濟守靜修真敬元衍範志默東  
誠致一真人統轄朝天顯靈靈濟三宮總領道教錫  
金玉銀象印各一褒寵俸至六年乞還山詔許馳傳  
未幾趨朝九年正月有事南郊命分獻風雲雷雨壇  
預宴奉天殿班二品贈其父為太常丞母安人并贈  
文泰為清微崇元守道凝神湛默履素養和演法輔  
教真人賜之祭且賜元節紫衣玉帶廷臣喋不敢言  
獨給事中高金一言之即下詔獄十一年勅建真人



府于城西初以其孫啓南為右正一曾孫時雍為左  
至重至是改啓南太常寺丞時雍太常博士歲給元  
節祿百石以校尉四十人供洒掃賜莊田三十頃蠲  
其租又遣中使建道院于貴溪賜名仙源宮既成乞  
假還山中遂奏言臣馳傳至山東為魯橋驛巫所抗  
率居民毀辱抵教亭遇李員外舟舟懸內閣牌獲為  
舟人所侮乞懲究帝大怒悉逐下獄李員外者內閣  
李時從弟收也時上章引罪收等迄獲譴未幾遣錦  
衣官召之令撫按諸司教趣上道舟至路河命中官  
迎入賜以蟒服及蘭教輔國王印寵眷益隆帝既深  
信道教頗釋氏十四年夏大興隆寺穴不復重建  
遂移僧錄司于大隆善寺禁諸僧修齋俗事禁中有  
夫善佛殿供金銀淫褻諸佛像并金銀寶函貯佛骨  
佛牙佛首等物及支離傀儡凡一百九十六座其重  
萬三千餘觔皆元世所遺也帝見而惡之明年五月  
召郭勛李時表言入視命毀之以其地建太后宮宮  
諸勅有司瘞于中野帝曰朕思此物智者以汙穢不  
欲觀愚者詫以為奇異必欲尊奉今雖瘞之將來寧  
無盜發以惑民者不如盡燬之以絕其本言等稱善  
乃燬之于通衢數百年穢物一旦悉去時論快之先

是以皇嗣未建數命元節建醮以夏言為監禮使文  
武大臣日再上香七晝夜始罷越三年皇子疊生帝  
大喜數加恩元節拜禮部尚書賜一品服其孫啓南  
徙陳善道等咸進秩并贈伯芳太初為真人十八年  
二月帝幸承天元節以病不能從一日晨起方登壇  
作法忽語其徒曰吾心怔怔然殆將逝矣恨無由一  
見至尊語畢而卒年八十有一帝聞為出涕即日勅  
所司議恤贈少師賜祭十壇遣中官錦衣護喪還宥  
司營葬用伯爵禮已而禮官擬謚祭靖不稱旨再擬  
文康帝遂兼用之曰文康祭靖前此未有也元節無  
他方術祇因帝好齋醮而元節勤事不懈遂眷顧不  
衰故南官至太常少卿善道亦封清微闡教崇真衛  
道高士隆慶初削其秩謚  
陶仲文初名典真黃岡人好神仙方術常受符水訣  
于羅田萬玉山邵元節微時亦往求其家嘉靖中由  
黃梅縣吏為遼東庫大使秩滿需次京師寓元節邸  
舍時元節年老思乞身未得會宮中黑青見元節治  
之不效因薦仲文于帝帝試之良驗嘗以符水噴刺  
絕宮中妖菑故太子患痘禱之而瘥帝深加寵異十  
八年二月南巡元節病不能從以仲文代次衛輝有



旋風繞駕不散帝問此何祥也對曰主火命禳之曰  
禳之無益茅當謹獲聖躬耳是夕行宮果火宮人死  
者甚衆帝益異之三月詔授神霄保國宣教高士錫  
以誥印九月諭吏禮二部或皇祖定制歲舉祈謝天  
地神祇大醮為民求福今郊真人既沒此典不可久  
廢其封仲文為神霄保國弘烈宣教振法通真忠孝  
兼一真人領道教事食正二品祿父母及妻贈封如  
制先是帝勤于為治日必拜天自章聖太后葬訖遂  
倦于勤臨御日稀大臣鮮得進見明年八月欲令太  
子監國尚事靜攝太僕卿楊最疏鍊甕之杖下自是  
廷臣震懾大臣若夏言程鑾張萬華惟務諂媚取容  
而神仙禱祠之事日亟矣俄以仲文于世同為太常  
丞塔吳濬從孫良輔為太常博士其年十一月帝得  
疾漸瘳嘉仲文祈禱功特授少保禮部尚書久之加  
少傅仍兼少保食正一品祿仲文起筦庫不二歲驟  
登峻秩恩寵且出元節上朝野駭異乃請建雷壇于  
鄉縣祝釐聖壽可之以其徒臧宗仁為左至靈馳驛  
往幣而黃州府同知郭顯文監之工費不貲有司不  
能時應宗仁以聞帝怒誚顯文吳川典史遣工部郎  
何域代幣趣益急公私騷然御史楊壽節中劾顯言

及之給事中周怡陳時事有日事禱祠語帝大怒悉  
下詔撤拷掠錮之十年吏部尚書熊汝霖箕仙印削  
其籍自是中外爭獻符瑞而焚修齋醮之事無敢指  
及之者矣帝自二十年遭宮婢之變即移居西苑日  
求長生乃至郊廟不親朝講盡廢君臣曠焉不相接  
獨仲文得時時進見見輒賜坐稱之為師而不名心  
知臣下必議已常蓄怒以待每下詔旨必多憤疾之  
辭廷臣益莫知所措而匪人如顧可學戚瑞明朱隆  
禧輩咸得緣是以進其後妄言以不冠香葉冠積他  
業至死而嚴嵩以虔奉焚修蒙異眷者二十年致朝  
無正人士鮮諫論皆由帝好神仙致之也二十三年  
十一月大同獲謀者王三帝歸功上玄加仲文少師  
仍兼少傅少保故事三孤無一人兼領者僅仲文見  
之明年八月仲文請詣太和小建醮祝聖壽命兼傳  
符壽運朝又明年八月以聖誕加恩進封神霄紫府  
闡範保國弘烈宣教振法通真忠孝兼一真人改給  
誥印二十六年詣度天下道士二萬四千人許之俄  
以六載滿授特進光祿大夫柱國兼支大學士休廢  
于世恩為尚寶丞仲文尋往王屋天壇小建醮還請  
賜初設官為供祀事遂設提點一人如其請明年八



月復以聖誕加恩給伯壽俸授其徒郭弘經為清微  
輔教志靖宣誠高士王永寧為清微輔道翊範通真  
高士並錫之印都御史胡縉宗之下獄也連及數十  
人禍將不測二十九年春京師災異頻見雨土兩燬  
霾霧四塞不睹天日者凡三月帝疑之以咨仲文對  
言慮有冤獄得兩方解俄法司上縉宗等爰書帝  
恚從輕典果得兩乃以平獄功封仲文為恭誠伯給  
事中張秉壺言至尊慮先民瘼躬薦德馨休徵之  
應良不偶然仲文安得貪天功為己力于是仲文疏  
辭帝報曰卿祝釐保國祈禱雨暘數著明效若鞠獄  
非卿事也以此為謝似非宜可需後命至八月聖誕  
竟中前命歲祿千二百石弘經永寧封真人仲文乃  
進先後賜資月俸凡萬金及幣二百疋助遣費帝優  
詔褒納仇鸞之追殺也下詔稱仲文功增歲祿百石  
蔭子世昌國子生三十二年仲文言齊河縣道士張  
演昇建大清橋濬河得龍骨一重千斤又突出石沙  
一脉長數丈類有神相臣已助募萬五千金猶不足  
乞佐以內帑帝即發銀如俸文所募時建玄殿于泃  
廣太和山既成遣英國公張溶往行安神禮仲文偕  
顧可學建醮祈福明年聖誕加恩蔭子錦衣百戶當

是時帝並求長生日夜禱祠不絕簡文武大臣及詞  
臣當意者入直西苑供奉青詞其人率不次起權于  
是詞臣皆舍本業爭上巫覡之說以取媚而海內無  
藉奸人若段朝用龔可佩藍道行王金胡大順藍田  
王之屬咸奔走闕下以燒煉符呪之術熒惑天子天  
子悉收而用之莫得延年却老然其人不久皆敗獨  
仲文恩寵日隆久而不替一時縉紳亦有藉以干進  
周寵者致黃冠羽服之流充塞都下又創為二龍不  
相見之說至青宮虛位者二十年此則仲文之罪也  
三十五年上皇考道號為三天金闕無上玉堂都仙  
法主玄元道德哲慧聖尊開真仁化大帝皇妣號為  
三天金闕無上玉堂總仙法主玄元道德哲慧聖母  
天后孝烈皇后為九天金闕玉堂輔聖天后崇仙妙  
化元君帝自號靈霄上清統雷元陽妙一飛玄真君  
後加號九天弘教普濟生靈掌陰陽功過大道恩仁  
紫極仙翁一陽真人元虛玄應開化伏魔忠孝帝君  
再號太上天羅天仙紫極長生聖智昭靈統元證應  
玉虛總掌五雷大真人玄都境萬壽帝君明年仲文  
有疾乞還山許之乃獻還歷年所賜蟒玉金寶法冠  
及白金萬兩且言臣幸蒙恩子孫甥壻咸獲顯榮慮



身後不能保帝約其所獻優詔慰諭仲文既歸帝念之不置明年六月遣錦衣官存問賜賚優渥且命有司以時加禮改其子尚寶少卿世恩為太常丞兼道錄司右演法供事真人府仲文得寵二十年位極人臣然小心慎密不敢恃寵恣肆故始終眷顧不衰年踰八十以三十九年十一月卒帝聞痛悼葬祭視郡元節故事特設榮康惠肅世恩後至太常卿隆慶元年坐典王金偽製藥物下獄論死仲文秩謚亦追削既朝用合肥人以燒煉術干郭勛親進用勛試之良驗朝用因言所化銀背仙物用為飲食器當不死勳信之即製為器一日帝諭勛朕躬修秘祝以謝蒼穹向用仙銀器盛食今欲設二親几筵上不得及八廟欲通奉又迫期難辦若何勛即以所製器百餘進之曰此亦高士所化仙銀也帝大悅增勛歲祿百石陶仲文因薦朝用于帝時大工頻興度支告訕朝用獻萬金助甕壇工費帝嘉其忠授紫府宣忠高士食正五品祿朝用既受奉請歲進數萬金資國用帝益喜已試其術不驗其徒有王子岩者害朝用寵攻發其隱慝日閱仲文所仲文懼為已累上章自理請收繫于岩責朝用歲辦數萬金供司空費帝曰黃白之術

自古有之然非真有道術者不能卿初薦朝用以其足代民膏血耳屢試不效彼自作奸何預卿事予岩朝用俱執付鎮撫拷訊先是朝用所獻銀印出勛幣以幻術攝之者既事敗帝亦沒跡勛其明年勳亦下獄朝用乃脅勳賄極死其家人復上疏責奏帝怒遂論死時有胡尚充者麻城人自稱中書舍人偽為真人恭誠伯文牒詣雲南定遠縣取龍涎香至則于石峒懸崖間集徒役結梯而上從石乳隙中取物三段云是龍涎見有鱗甲異物風雷變態之狀以幣勳大吏爭相饋遺黔國公沐朝弼亦厚賄之事聞達下詔獄亦論死有江得洋者龍虎山道士也自言奉詔詣四川鶴鳴山掛榜撫按以下俱行重賂遂至荊州持勳令有所需求郡守詰得其奸收獲所販少女及馬羸以數十計從行者七人俱抵法得洋逃去又有奸徒矯詔往雲南鷄足山建醮者自稱真人府外教梁進材巡撫呂光洵信之命有司設供具事竣疏聞帝怒令錦衣緝捕竟不可得蓋是時方士勢張故奸人詐冒如此

龔可佩嘉定人出家之崑山為道士為人穎悟無所知識衆咸厭賤之然習道書能通曉道家神名帝方



度事焚修可佩來京師依閩仲文居仲文薦之帝得召見遂娶妻有室家諸大臣撰香詞者時從可佩考問道家故事俱愛之得為太常博士已而帝命可佩入西宮教宮人習法事累遷太常少卿一日帝詣西宮問可佩何在奄人不悅可佩者諱之曰可佩但嗜酒升安肯教宮人帝怒使使偵之使者妄報可佩已醉員外郎邵峻所帝益怒即執下詔獄并遠峻俱杖六十可佩竟杖死峻亦奪官時嘉靖四十一年九月也峻與可佩故無交一時無敢白其枉而可佩屍暴露河側為群犬所食迄無收恤之者

藍道行方士也以扶鸞術得見帝自言能役鬼物懸判吉凶帝大信幸之有所問輒密封遣中官詣壇焚之所答多不如旨帝以中官穢褻中官懼交通道行啓視而後焚之答具如旨帝喜因問今天下何以不治道行假箕仙答曰賢不竟用不肖不退耳問誰為賢不肖答曰賢徐階楊博不肖則嚴嵩又問果爾上仙何不殛之答曰留待皇帝自殛帝心動會御史鄒應龍劾嵩跪上帝即放還已嵩詞知道行所為欲殺之厚賂帝左右發道行估寵招權諸不法事遂收下詔獄坐斬竟死于獄中

胡大順者陶仲文同縣人黃緣仲文獲供事靈濟宮仲文死大順以奸欺事發詔斥回籍其後覩復用偽撰萬壽金書一帙詭稱呂祖所作得之鸞筆且言呂祖授大順三元太冊用黑鉛取白名先天水銀鍛之則成青霞玉粉神冊服之却疾不老遣其子元玉從妖人何廷玉賚入京因左演法藍田王左正一羅萬象以通內官趙樞獻之帝曰王者鐵柱觀道士嚴嵩罷歸至南昌值聖誕廷田王為帝建醮田王自言能書符召鵝嵩試之驗會御史姜儆訪法秘至嵩索田王所藏諸符錄進獻曰王亦自以召鵝諸術託儆附奏得召為演法與萬象並以扶鸞術供奉西內因交歡樞時帝方幸此三人故廷玉厚賄之以進帝覽其書問曰既云箕書扶其者何不來然未明言召之也田王等遂詐為聖諭徵之至則屢上書求見且求圖書及建宮地帝語徐階曰胡大順又至必曰王等因朕問及妄召之來昨令扶箕曰不降自藍道行下獄遂百孽擾宮若有使之者今大順可復用耶對曰此輩皆無賴小人不畏國法而田王尤甚觀其妄自傳諭可知至扶箕之說惟中外交通間有驗者否則茫然不知以浮詞支吾而已今宮孽已久似非道行所致



且不能必其用後孽遂不生臣謂宜治之以法帝悟遂報曰曰王無狀去冬代廷王進水銀藥遂詐傳密旨徵取大順不治無以徵將來階對水銀不可服食詐傳詔旨罪尤重倘置之不問群小益無忌互相朋結恐釀大患乞聖明速斷乃命執大順田王萬象等下錦衣獄不知其奸由楹也此錦衣上獄詞帝疑其不實有意寬之以問階階曰詔旨至重倘聽其矯傳他日夜半出片紙有所指揮將若之何此不可不重治乃下諸人法司令重擬楹具密奏區殿楹中伺間出伏帝前為諸人申理帝大怒付司禮拷訊具得其交通狀遂付法司與大順田王萬象廷王元王並論死繫獄時嘉靖四十四年五月也楹尋瘦死帝以逆囚當頸戮怒所司不如法奏請責對狀尚書黃光昇等引罪詔停司官俸獄吏論如律是時有前朝後朝之說前朝所進者諸司章奏也他方士雜流有所陳請則從後朝入前朝官不與聞故無人摘發賴帝晚年漸悟其妄而政府力為執奏故諸奸獲正法云王金者鄆縣人初為園子生以疇此殺人罪當死知縣陰應麟雅好黃白術聞金有秘方為之解得末減金遂逃之京師匿通政使趙文華所以仙酒獻文華

謂服之却老文華以獻帝及文華視師江南金落魄無所遇一日帝于秘殿扶箕言服芝可延年遂使使採芝天下四方來獻者殆無虛日盡積于苑中中使常竊出市人復進之以邀賞賜金因厚結中使得芝萬本聚為一山號曰萬歲芝山又偽為五色龜欲因禮部以獻尚書吳山素知金無賴且悉其詐偽狀不為進及山罷職金遂自進之帝大喜諭禮部龜芝五色既全五數又併豈非山仙之賜乃遣官告太廟禮官表煒率廷臣表賀而授金太醫院御醫時嘉靖四十一年四月也先是總督胡宗憲獻白鹿者再帝喜曰一歲二瑞天眷也命告謝玄極寶殿及太廟進宗憲秩百官表賀已宗憲獻靈芝五白龜二帝益喜賜金幣鶴衣告廟表賀如初不數日龜死帝曰天降靈物朕罔疑處塵寰不久也准王獻白雁二帝曰天降祥羽其告廟嚴嵩孫鶴獻玉兔一靈芝六十四藍道行獻瑞龜道中官獻太廟廷臣表賀未幾兔生二子禮官請謝玄告廟表賀許之是月兔又生二子帝以玄恩重示延生之祥特遣謝玄告廟兔賀已而又生子四其四各生二子又生五子皆稱賀其他若西苑嘉禾頭陵甘露無不告廟稱賀者當是時陶仲文已



死穢高亦罷政蓋道行又以詐偽坐誅法宮中數見妖孽帝春秋高意色色不樂中官思所以娛之因設詐詔帝四十三年五月帝夜坐庭中獲一桃于御帳後左右言自空中下帝大喜曰天賜也修迎恩醮五日明日復降一桃其夜白兔生二子帝益喜謝玄告廟未幾奇虎亦生二子于是廷臣表賀帝以奇祥三錫天眷非常手詔褒答時遣官求方士于四方至者日衆然帝知其多妄亦不甚信獨先是豐城人熊顯進仙書六十六冊但賜冠帶銀幣即遣還至是方士趙添壽進秘法三十二種醫士申世文亦進三種詔但留覽竟無所寵錫金思所以動帝乃與世文及陶世恩陶做劉文彬高守中偽造諸品仙方養老新書七元天擒獲國兵策與所製金石藥並進其方說秘不可辨性燥非服食所宜帝御之稍稍火發不能愈然世恩竟得遷太常卿做太醫院使文彬太常博士無能發其奸者及世宗大漸道詔歸罪金等命悉正典刑五人遂論死繫獄隆慶四年十月高拱柄國盡反徐階之政乃宥金等死編口外為民

顧可學無錫人舉進士歷官營繕郎中正德十二年出為浙江左叅議言官劾其在部時侵盜官帑可學

懼黃緣獲休致去家居二十餘年鬱鬱不得志蕪穢進用矧世宗好長生而同年生穢高方柄國乃厚賄高自言能煉童男女洩為秋石服之延年却老高為言于帝帝即遣使賫金幣就其家賜之可學詣闕謝遂命為右通政寓高家為煉秋石嘉靖二十四年京察可學自陳吏部議休致帝以有調獲勞特旨留用其年八月起拜工部尚書明年八月以聖節推恩改官禮部二十七年復以聖節加太子少保尋乞假還塋詔許馳驛還朝遇聖節再加太子太保時戚瑞明亦以方術承帝眷然頗知耻閉門不通賓客可學則揚揚自喜請鳩公事納苞苴不從則脅持其短人咸畏而惡之三十五年帝惑箕仙言謂用芝草為藥長生不死手詔問禮部古用芝入藥今產于何所求之可得否尚書吳山博引本草黃帝內傳漢舊儀王充論衡瑞命記言歷代皆以芝為瑞然服食之法世未有傳即所產之地亦未敢預擬乃詔有司採之五嶽及太和龍虎三茅齊雲鶴鳴諸山且訪之民間無何宛平民獻芝五本帝悅賚銀幣自是臣民來獻者接踵于道是時又有採銀礦採龍涎香之命使者四出紛擾諸方官司督趣急于星火論者咸歸咎于可學



仲文馬可學尋以年老乞休三十九年八月卒詔賜祭葬謚榮僖端明廣東饒平人舉進士改庶吉士授開封正德十四年出為浙江提學僉事歷南京尚寶卿嘉靖六年擢春坊左庶子兼翰林院侍讀居二年以經筵進講詞氣迫促獲遷故官累遷右副都御史督南京糧儲未幾劾罷家居十年謀再起乃自言通曉藥石服之可長生由陶仲文以進帝以問嚴嵩嵩亦贊之遂召為禮部右侍郎尋拜工部尚書其改禮部加太子少保皆以聖節加恩與可學並命然二人但食祿不治事供奉藥物而已端明歎歷中外頗負才名晚由他途進用士論耻之端明亦內不自安久之引去以二十九年卒于家賜祭葬謚榮簡隆慶初與可學並視官等謚有朱隆禧者崑山人由進士歷兵科都給事中順天府丞坐大計被黜二十七年陶仲文赴太和山隆禧邀至其家以所傳長生秘術及所製香納祈代進仲文還朝奏之帝悅即其家賜白金飛魚服隆禧入朝謝恩親留用帝以大計罷閒官例不復起但加太常卿致仕隆禧既還復以時進獻帝益悅居二年聖節推恩加禮部右侍郎仍致仕會有違警詔舉廷臣知兵者仲文乘間薦隆禧帝曰師言固當但

祖宗法不可廢卒不用既卒其妻請卹典為禮科所駁禮部亦執不予帝特諭閣臣隆禧所進方藥香納朕服之至今可特予之不可例禮臣乃受命隆慶初視官帝晚年愈欲長生求方術益急而仲文可學輩皆已死意不自得四十一年冬乃命御史姜儆王大任分行天下訪求方士及符籙秘書儆江南山東浙江江西福建廣西廣東大任畿輔河南湖廣四川山西陝西雲南貴州兩人徧行採訪以四十三年十月還朝上所得法秘數千冊方士唐秩劉文彬等數人皆庸妄無異術帝特以名收之異遇其真乃擢兩人侍講學士賚銀幣秩等賜茅京師儆不自安尋引退大任入翰林不為同官所齒隆慶元年正月言官劾兩人所進劉文彬等已正刑章宜并罪吏部言儆等奉命採訪似非希覲但其巡方時頗遺物議法宜奪職從之論曰佞倖之害至方士尤甚憲世二宗雅號英主未便昏庸而致者常思元節仲文之革以醜齋鄙事焚惑矯誣遂乃恣縱猖狂震駭天下此之文成五利家有遊子嗟嗟荒誕恠迂之說蓋自昔而譏之矣勿論恭時甘泉汾陽寶鼎徒滋擾費即老人牽狗萬歲山



呼誰其見之而誰其聞之堂堂天子披素羽而立白  
茅未知成何觀象而五芝九莖一茅三脊亦豈人間  
服食之所宜哉嗚呼蓬萊方丈徒虛語耳黃帝不死  
何有豕耶二宗之篤信不疑抑已過矣

明史卷四百五

宦官傳

宦官上

嗚呼宦寺之禍人國至酷烈矣自漢唐而下明為甚  
焉明太祖立國之初深戒前代之弊著為令曰內臣  
預政者必誅故其時監局雖設而未嘗有權藉之寄  
牙距之助也不數傳而內臣竊柄之事漸積而起其故  
何與蓋以乘其間而其君遂忘祖宗之訓而漸之以  
謂此皆其平時親信者耳何事權之是靳乎故嘗內  
托布府外恭帷幄即一旦召敵弄兵乘輿淪陷衆生  
籠偏喋血禁門皆恬焉弗以為悔也憲武以還羣閹  
並與奸黨互作搜括進奉之計詔獄羅織之刑游畷  
巡幸之娛盜賊宗藩之變閭閻愁嘆宗社顛危乃至  
倒執太阿威劫人主爪牙橫布諛佞盈廷推刃及於  
嬪嬙分茅濫於孺豎賢人君子相與痛心疾首莫可  
如何而其受禍且極漢唐之所未有嗟乎是豈祖宗  
之法制有未盡歟抑積漸凌夷弗振之過也曷曰開  
國承家小人勿用書曰盛於先王成憲其永無愆明  
實不監於先王而小人是用三百年来宦寺之害與  
國相終又何恠耶聊舉其人以識一代之失與從前  
畧等云



雲奇南海人洪武中以內使守西華門時丞相胡惟庸居第距門甚近欲謀逆詐稱所居井湧醴泉邀帝幸其第奇刺知之馳驅告變走獨乘輿急勒馬銜氣鬱舌駭不能通帝甚左右搗蓋亂下奇右臂將折猶奮指惟庸第帝悟登西皇城樓顧見丞相第中壯士裹甲伏屏間數匝亟發禁兵圍捕之而後召奇奇已氣絕矣帝悼奇死非罪忠弗白詔贈內官監少監賜葬太平門中山王墓左有司歲時致祭嘉靖間南京守備中官高隆王堂等援上其事於朝特贈司禮監太監

鄭和雲南人成祖靖難時常以內官敢戰者數人為裨將和與馮戰數有功及成祖正位遂授太監使典兵永樂三年帝欲招徠遠人將大賚西洋通道於絕域諸番賈採琛異命和率海船百餘兵三萬人由福州五虎門出經數萬里所至二十餘國往復幾三十年自占城西南通國以十數蘇門最遠自蘇門而往通國以六七數柯枝最遠自柯枝而往通國亦六七數天方最遠和悉徧歷錫蘭山王不共輒破其國俘至以獻威宣海外諸番皆震怖納款所取未名之寶以鉅萬計而天堂印度之國亦附職方和前後凡三

下西洋故人謂之三寶太監馬或又言建文君出走帝疑其在諸國故使和踪跡之然和數返竟亡所得而帝亦殂矣仁宗洪熙元年復命和領下番軍守備南京與太監汪景弘朱卜花唐觀保協理營務遇大事則與襄城伯李景隆駙馬都尉沐昕計議而行自是內官典兵及守備南京皆自和始也和在靖難時內官與同將兵者王彥名狗兒王安即不花都益驥即添兒李謙即保兒雲祥即猛哥由嘉禾即哈剌帖木後皆以功授太監賜今名而惟和最顯其時又有劉馬兒太監馬兒本名永誠以帝掌御馬監事後歷鎮西陲有功故邊人呼馬兒太監云為人性忠謹善騎射三扈成祖北征皆為偏將宣宗朝命往偵漢底人遂謀又帥師征兀良哈斬捕過當正統九年同成國公朱勇率精騎萬人復出征兀良哈再奉命監鎮甘涼教出兵塞沙漠間會其渠帥以下景泰末召還總督國營南城之謀永誠披甲勒兵以從英宗復位賜勅褒諭官其嗣子聚為錦衣指揮而永誠典京營兵至成化初其從子為指揮千戶者又數人自以滿盈是懼辭職歸社門不出其疏上其屢朝所賜產第祿俸從之嗣子聚後積功至左都督又以征西功封



寧晉伯皆非由永誠恩永誠沒天子欲追封伯爵聞  
臣以亡例寢之仍賜祠額曰褒功初正統中永誠奉  
命征兀良哈時大監曹吉祥亦率萬人出界嶺口及  
南城事起永誠又與之同功而吉祥旋以反誅永誠  
獨壽終有令名故內官之久典兵而亡過者惟鄭和  
及永誠世稱鄭三寶劉馬兒馬  
馬騏不知何所人成祖命豐城侯李彬鎮交趾騏為  
監軍初定交趾歲貢扇萬柄翠羽萬個騏錄是為貪  
虐交人苦之尚書黃福稍示裁抑騏遂誣奏福有異  
志帝知其妄曰此君子不容於小人耳置不問左恭  
政馮貴者有方畧善撫輯流移得土兵二萬人皆勁  
勇習戰數有功騏忌而奪之軍民益怨騏而交趾去  
京萬餘里帝亦亡由知其過也仁宗即位始召還居  
亡何騏矯旨下內閣令翰林官書教付騏復往交趾  
開辦金銀珠香本院官覆奏仁宗大驚曰朕安得有  
此言卿等不聞其前在交趾荼毒生民乎交趾自騏  
還一方如解倒懸今又可遣耶彼近在內多方請求  
朕悉不答誠恐詔書不信且壞大事耳由是遂罷遣  
而騏竟不誅及黎利之變恭政馮貴竟以兵寨戰死  
騏之遺害也交趾自騏激變後反者數起朝廷屢討

之不能定宣宗遂用楊士奇言棄之以封黎利為明  
失交趾自騏始

黃儼江保者仁宗為燕世子時內侍也以讒險無寵  
於仁宗乃陰結漢庶人及趙王為奪嫡謀建文三年  
燕王靖難師起次德州世子居守朝廷遣錦衣衛千  
戶張安持詔諭世子舉北平降即許以燕王位世子  
不發封而縛安送軍前儼保等已先遣人馳報燕王  
曰朝廷與世子通密謀矣王方疑未決俄而世子所  
縛安及書至王嘆曰嗟乎幾殺吾子也及成祖都燕  
仁宗已正位東宮居陪京二人時以蜚語交構南北間  
屢被切責官僚黃淮等皆坐繫十年賴仁宗孝謹得  
免即位後儼保始伏誅  
沐敬建文朝太監也狀貌魁碩好直言人皆以為愚  
後從成祖征阿魯台踰大漠經月不與兩遇師久駐  
思歸而帝方銳意深入諫者多被譴敬言之益切帝  
罵曰反蠻敬仰視對曰反蠻固不知孰是也帝怒命  
曳出斬之敬辭色不為動帝嘆曰我家養人皆若奴  
豈不有益釋之師亦尋返  
金英宣宗朝司禮太監也與興安並有時名其居恒  
親信用事亦不相下帝嘗賜英及范弘免死詔又賜



英銀印記卷過日隆正統中英以大璫奉使南京北  
還公卿咸出餞江上大理卿薛瑄獨不往英歸帝問  
南公卿孰賢對曰僅大理卿薛瑄耳時以英為知人  
十四年英宗北征命英輔郡王居守及乘輿被遮北  
兵乘勝陷邊關將直薄都城中外大震郡王命英召  
廷臣問計侍讀徐理以占象倡言南遷英叱之使人  
執理出且太言曰敢言遷都者上命必誅之次日于  
謙跪上議同英遂入言於太后勸帝委任謙決意戰  
守而人必始定及景帝將易儲先以金帛啗廷臣間  
示意左右十日謂英曰七月二日東宮生日也英叩  
頭曰東宮生日乃十一月二日也蓋帝所言謂見濟  
英所言則憲宗耳帝為之默然而當日廷臣不能爭  
也英素有學識明於國家大計然自己己之變主振  
袂殺范弘亦歿於難英遂代振掌監事頗以權賄聞  
景帝惡之命言官論其不法教事詔斬英家僮一入  
執英付都察院鞠之左都御史陳鑑言英縱家人挾  
勢多支官鹽廣受賄賂擅陞指揮韓忠等為都指揮  
僉事內使汝住為長隨奉御都指揮孫鏗為都督校  
尉劉信為百戶工部尚書石璞結王振得官英受璞  
賂以保其位又在呂貴使仍理錦衣衛事皆大奸惡

宜不拘常律處以極刑籍其家獄具帝命禁錮英而  
宥忠鑿璞等英由是遂廢而其言論建白則人多傳  
誦之與安亦同禮太監也景泰初也先入寇攻德勝  
門勅安同示讓舒亨等整理軍務先是邊警日至廷  
議紛紛成山侯王通欲濟禁京師外城壕以自固安  
鄙之不答而與金英于謙策畫戰守計已而北兵為  
寧等所敗亦引去六月也先遣其泰政完者脫欽持  
書來議和且言迎復羣臣多請從之時景皇帝已即  
真意甚不憚朝退與安復出傳旨厲色謂廷臣曰公  
等固欲答使且言孰可行者孰為文天祥富弼其人  
耶吏部尚書王直而折之安語塞乃始以都給事中  
李實往勸書已下但言報禮而不及迎復實大驚詰  
內閣白之遇安安語曰汝奉黃紙幹事他何與馬蓋  
遣使雅非安意也於是易儲之舉人遂疑安有謀天  
順元年言官誦言誅之帝曰安本當死其姑宥勿使  
視事安才畧雖不及英而廣正過之但以沮迎復為  
時所薄又性溺佛氏臨卒命粉其骨為浮屠以充供  
焉蓋其力主戰守保護于謙則與英同有社稷功謙  
嘗病景帝使安視之見謙喪妻不且娶止宿朝房留  
一養子侍而服食甚菲因嘆息去請於帝輟尚膳品



賜之謙須竹漚和藥帝為幸萬歲山代竹或言其太過安曰試舉在朝不要錢不愛官爵不問家計日夜為國家分憂如于公者再有一人否衆皆服其言謙之身處危疑以卒成大功者以英安二人贊之於內也

范弘初名安交趾人永樂中交趾陳氏為其臣黎季犛所篡帝命英國公張輔討平之師還選交人之童而秀異者赴京備閣寺之用弘與馬入侍殿廷儀度閑雅占對詳敏成祖特愛之稍令受讀遂能博涉經史善筆札命侍仁宗於東宮歷長隨奉御宣德改元司禮太監金英薦之於帝脩道其所長帝為易名名陞司禮監左監丞屢賜綵幣及金銀器五年遂進司禮太監與英共事又同受免死詔久之英益慕其為不言私姿骨不凡留心問學來自遐方屢膺聖眷有出谷遷喬之美非塵俗可比也每稱之曰蓬萊吉士弘因以自號馬由是同輩皆譽之無間言正統中宣宗實錄五倫書皆令弘典其事凡經筵講義及制誥之出於四方者亦多所裁定宦官之以文詞見重于時自弘而外蓋未嘗有也然性剛正遇事未嘗有私計四年從駕北征死於土木之難中外惜之景泰元

年追叙舊勞賜鈔五萬貫葬於香山永安寺之側寺弘所建也

阮安一名阿留交趾人永樂中內侍為人廉介有才智歷事累朝頗見寵異尤長於工作文皇帝建都北平事出算剗安獨盡心規畫城池九門及大內官殿府部諸司之制悉嚴整壯麗工部諸曹即皆拱手受戒不能易也正統元年同尚書吳中都督沈清督造三殿已而治楊村決河皆有功先後賜予極厚安悉輸之官備營繕景泰中河決張秋復命安經理卒於道家無子婚之畜焉

王瑾字德潤初名陳蕪交趾人也永樂間充內侍宣宗為皇太孫蕪劇夕侍有保抱功帝即位陞御用監太監賜合姓名從征漢教人選賜玉帶金鞍鹿馬及金帛寶楮等四方征伐每使與軍事賞賜累巨萬嘗賜詩章範金印記四曰忠肝義膽曰金貂貴客曰忠誠旬勵曰心跡雙清又以兩夫人賜之養子陳琳亦授官令從其姓曰王椿至景泰中瑾以先朝舊宮監被養尤篤常有疾詔太醫院官費御藥物視金帛飲饌道使慰問者相望於道既卒予葬祭賜鈔五十萬官其從者并予祭遇無比初瑾嘗宣宗朝有內侍襄



琦者令其屬阮匡豫等十人出外以採辦害民事覺帝凌遲琦而斬斬廷等於市又廉得中官裝可烈及馬俊唐受祐罷不法事先後並置極典帝乃諭瑾曰朕自即位以來念內官隨侍勤勞恩待甚厚故令謹守法度永享太平不意琦等孤恩負德越禮犯分欺瞞朝廷受人囑托私遣內使出外假以幹辦虐害地方索取財物寃結下民怨歸公上非朕欲罪之殺身之禍實有自取爾其榜示諸內官內使及小火者能守法度上不待罷作或下不害民取財者鬼神佑之若違法越禮務為貪虐鬼神不佑爾法不赦蓋是時幾人防範猶未盡也而宣宗習見祖宗家法雖賞賚不貲而刑辟亦用貸理獨以舊恩恩謹無過得保其寵欲自欺和而後王瑾富貴榮顯傾動一時民間遂多有自官以希進者

妻獻飲於瑤瑤醉忠竊之攜入尚衣監白平令校尉李善上變言上皇與少監阮浪皇城內使王瑤共謀獲位使浪送瑤以袋刀賞忠與為外應帝大怒下浪瑤及忠於錦衣衛獄窮治之瑤與浪義子趙縉皆坐凌遲浪被極刑死終不承一人事漸解忠尋謫柳州千戶英宗獲位遣官收忠平磔於市贈浪太監王振山西蔚州人少選入內書堂讀書侍英宗於東宮為局郎以黠慧得幸帝即位命掌司禮監呼為先生而不名時輔臣方議開經筵而振首以武事稟帝是年冬詔振偕文武大臣閱武於將臺以私人指揮紀廣為第一推都督俞事正統改元帝親大閱試諸將騎射以三矢為率駙馬都尉井源三發皆中帝大悅撤上尊酒賜之觀者曰往年王太監閱武紀廣驟遷今天子自來顧一杯酒耶自是人始趨振而太皇太后張氏方委政大學士楊士奇及榮溥等三人振不得逞嘗從容語士奇曰朝廷事多賴三先生然亦高年倦勤矣後當如何蓋諷之使去也一日太皇太后御便殿三楊學士及英國公張輔尚書胡濙皆被召入朝帝西面立太皇太后顧謂帝曰此五人先朝所簡貽皇帝者凡事必與之計非五人言不可行也



須臾召振入太皇太后顏色頓異曰汝侍皇帝多不法今當賜汝死女官遂加刃振頸英宗跪為之請諸大臣皆跪太皇太后曰皇帝少年豈知此輩禍人家國多矣我聽皇帝暨諸大臣貸爾此後不得重于國事也居七日楊建食事廖謨杖死驛丞事下法司楊濟敬坐謀抵罪士奇引因公致死律互爭不决請裁於太后振乘間言曰濟與驛丞士奇與食事皆同鄉未免有私但抵償過重因公過輕宜對品降調太后然之振自是始稍稍決事侵內閣權六年十月三殿工成宴百官振以宦者例不得預帝使視王先生何為振市大怒曰周公輔成王我獨不河一坐乎使還奏帝為感然命閣東華中門聽振入振至問故曰詔命也及入百官皆望風拜振始悅明年太皇太后崩楊榮先卒士奇以子稷故不出濟老病主畫諾而已振遂跋扈不可復制初太祖嘗立鐵碑宮門禁內臣干預政事振盜去之而作大第於皇城東又於宅左起智化寺旬撰碑文以祝釐八年四月雷震奉天殿鴟吻侍講劉球應詔止言十事有親政務以總乾綱語振惡其刺已下之獄使錦衣指揮馮順文解之火理少卿薛瑄園子祭酒李時勉皆素不禮振振遂以

事陷瑄論死幾不免而時使勉荷校園子監門語詳諸人傳中人心益憤皆目攝振內侍張環顧忠錦衣衛卒王永以匿名帖發振罪狀詔即磔於市不許覆奏由是朝廷進退誅賞之柄一出於振自公侯勳戚諸大臣而下悉呼為翁父朝臣以攫金進謁者輒得美秩而兵部尚書徐僊侍郎王祐都御史陳鑑王文等事之尤謹每長跪白事振坐受或加譴呵至不敢仰視威重薰赫震於中外其從子山及林皆得奢錦衣都督指揮官白金文綺專數褒美凡可慰振意者亡所靳十四年瓦剌七先遣使以二駝人貢馬報稱三千振怒減其馬直使者恚而去先通麓川之後振以抗議征討喪師冒功未幾又復啓釁北邊邊人知其禍皆莫敢言七月七先大舉入寇振遽挾帝親征廷臣交章諫不聽從駕官軍五十萬人命下二日即行八月師潰於土木帝北狩振為亂兵所殺英國公張輔尚書鄭瑄王佑學士曹鼐張益等皆死事具英宗紀內是日敗報始達中外洵羣臣皆慟哭請族振殺其黨馮順及王毛二長隨於廷斃其從子玉山於市王氏無少長皆斬籍其家得玉盤百面珊瑚高六七尺者二十餘株金銀六十餘庫錦綺珠寶無算



天順元年英宗復辟詔復振官刻香木為振形葬之命祀智化寺賜額曰旌忠初帝之在鹵庭也侍郎李實以通問使入見問何以寵王振至此帝曰此固由朕不能燭奸然振未敗時羣臣無肯言者今日皆歸罪於我也至是振敗已八年而復有追卹之典

郭敬者大同鎮守太監也素與王振善大同地直北邊敬又交通迤北諸部為奸利每歲多造銅鐵箭鏃貯甕中以振意遺瓦剌使臣輒以良馬報振及敬英宗北征西寧侯宋瑛駙馬都尉井源率兵三萬為前鋒次陽和為敬所制師殲焉帝至大同羣臣劾敬失律狀振矯旨不聞及乘輿臨懼罪潛遁至京下獄坐凌遲處死詔固禁之籍其家

曹吉祥北直灤州人王振之門下也性兇狡嗜利而未嘗通文墨為司設監太監正統初麓川思任發叛王振力主用兵吉祥為監軍九年命吉祥率精騎萬人同成國公朱勇分道征兀良哈十三年寧陽侯陳懋平鄧茂七於福建命吉祥率兵監神機營火器於是內臣始有監鑰之名吉祥每出輒遣速官勇悍善騎射者隸帳下師還遂為師卒吉祥由是得高死士有藏甲馬十四年土米之變景帝立英宗返國居南

宮為太上皇吉祥與太監劉永誠並總禁兵景泰八年帝疾亟武清侯石亨密結吉祥各率子弟親丁與都御史徐有貞等夜叩南城迎上皇復位天順改元諭奪門功陞吉祥司禮監太監官其嗣子欽從子鉉允鐸錡等皆都督欽尋進封昭武伯諸達官及門下冒陞賞者甚衆吉祥與亨日出入禁中所陳乞得請乃已未幾二人以爭寵貳御史楊瑄張鵬等交章劾二人不法狀亨疑內閣李賢徐有貞有所主使因以語數吉祥曰今在外惟我在內惟爾而諸人欲相排爾一旦上意不測奈何二人遂乘間泣訴於帝帝怒命悉收諸御史下獄又逮繫李賢徐有貞都御史耿九疇等會京城大風雹獄稍緩瑄鵬得戍邊李賢等降調七月承天門災帝命閣臣岳正草罪己詔極言權奸蒙蔽吉祥等以為謗訕遂被誅凡所誣陷帝皆委曲從之曹石之交獲合然而帝意已潛移矣及李賢覆入閣帝屏人召與語賢曰權不可下移也又嘗語及奪門功賢言奪門二字豈可以傳示後世帝大悟吉祥等遂見竦四年春石亨謀逆為錦衣指揮還果所奏下獄死諸以亨冒官者俱黜惟隨吉祥者未動吉祥愈不自安教集諸達官宴犒金帛錢粟恣所



取諸人亦惟恐吉祥一旦敗而身隨之相與為死黨有馮益者吉祥之客也一日欽密叩曰自古宦官子弟有為天子者耶益曰君家魏武蓋中官節之後欽大喜始有異志會欽家人曹福來教出外市場欽懼事洩使人追執而榜掠之為言官所劾帝召欽切責因降勅徧諭廷臣先是亨敗時帝亦降勅事相類而逆景又伺之甚急欽度不免適字來冠甘涼帝命懷寧侯孫鏗率師西征吉祥使其黨掌欽天監湯序輝庚子日昧典視朝遣將欽因擁兵入而吉祥自以禁兵為內應先一夕召諸達官伯顏七等飲其家厚贈之漏下二鼓都指揮馬亮慮事敗潛欽家逸出走告恭順侯吳瑄時瑄以陪祀罷孫鏗以陞辭俱宿朝房間變於長安右門隙入跪以聞帝遽繫吉祥於內而命皇城及京城諸門毋開欽知事洩自馳至還景宅值景方出即斬其頭使甲士殺左都御史寇深於西朝房大學士李賢亦候朝至聞戶外洶洶聲驚而出刃中其肩欽至此止刃者持景頭示賢曰今日直為此激變非得已也已而舍賢攻東西長安門往東彌呼不得入縱火焚之殺恭順侯吳瑄於道時天漸明西征兵亦集鏗率之逐賊自辰至午斬鏗於陣

鏗子軌遇欽奮刀砍之欽被創甚以數騎走安定齊化諸門門盡閉復竄歸督家衆戰諸軍奮呼而入欽投井死鏗被殺盡屠其家明日帝出吉祥磔於市獲逆磔欽鏗鏗等其黨伯顏七先湯序馮益皆伏誅時天順五年七月也初吉祥用事時有賀三老者欽妻父也見欽勢盛絕不與通欽嘗欲為求一官亦不可欽誅其姻戚奸黨皆盡惟三老以守正獲免指揮馬亮以告變官都督也

韋吉憲宗時老閹也能通書史識大體溫雅誠篤雖儒生亡以過帝使給事太子家為典醫即孝宗為太子時方九齡吉侍起居惟謹太子所誦大學中庸論語諸書吉皆口授暇則閑說五府六部及天下民情農桑軍旅又極言自古宦官專權誤國之說亡所諱曰吾老矣安望他日富貴但使天下有賢主足矣太子甚嚴之帝嘗賜東宮五莊吉曰此不當受天下山河皆主所有何莊為徒奪民衣食為左右之利而已一日太子從內侍誦佛經吉適至太子驚曰老伴果矣即以孝經自攜吉跪曰主得無念經乎曰無之讀孝經再閱頤首稱善曰佛書恠誕不可讀也每東宮出講必先期迎請諸講官講畢必具茶慰勞備至局



丞張瑞以為過吉曰尊師重傳禮當如此故孝宗雖賢有罪吉侍東宮左右無敢以非義進者

懷恩山東高密人兵部侍郎載倫族父太僕卿希文之子也倫侍宣宗於皇太孫時以諫獵忤旨宣宗即位倫以嫌被誣死連逮希文籍其家恩以幼被宮為小黃門賜名曰懷恩初受學於翰林學士錢溥能通典故性忠鯁憲宗朝命掌司禮監時汪直領西廠勢傾中外梁芳章與黃賜及尚銘等並居中用事恩班在諸閣上獨以持正無稍顧忌諸閣亦心敬憚之雖見帝未敢加害也會員外林俊劾梁芳及僧繼曉得罪下詔獄帝意且不測恩叩頭爭曰自古未聞有殺諫官者我祖宗朝皆以容納直言致盛治今將以為儆臣死不敢奉詔帝大怒曰汝與林俊合謀誣我不然彼安知我宮中事舉御視擲之不中怒而仆几恩免死跪覆伏地曰臣不能復事陛下矣命左右扶出東華門恩使人謂鎮撫司曰若等誦事梁芳傾俊俊死若等不得獨生遂引疾徑歸卧不起已而帝意解數遣醫勞問恩俊得減死遷星變降詔黜傳奉官御馬監太監王敏請於帝乞毋動馮房傳奉帝許之敏特疏謂恩拜庭下恩徐曰起起病足不能為禮問何言

敏曰已得旨馮房傳奉可毋動也恩大罵曰今日星變專為我輩內臣壞法彼外官何能為今甫欲正法汝又壞之他日雷將擊汝首矣因指其座曰我不能居此汝來居之敏素貴歸而一夕憤恨死章瑾者以進奉寶石求為錦衣鎮撫帝命恩傳旨恩曰鎮撫與天下之詔獄極武臣之美選也奈何以貨得之帝曰汝乃違我命耶恩曰非敢違命懼違法耳帝改命單昂傳之恩曰倘外廷有諫者吾言猶尚可行乃諷兵部尚書余子俊曰第執奏吾為公從中贊之子俊謝不敢恩曰吾因知外廷之無人也是時惟南京兵部尚書王恕每規切時事恩歎曰天下將幾斯人而已以故恕嘗論劾宦官賴恩左右之以免於既及帝暮年頗惑梁芳及昭德宮言將易儲間召恩微示之恩叩頭曰寧陛下殺臣毋使天下之人殺臣也伏地哭不起帝不憚而罷恩退杜門不出遂黜居鳳陽者崇即位復召恩掌司禮監時初開言路言者過數多并內臣為刀鋸之餘單昌大恚恩曰我輩本刑餘之人被言是也何怒焉時刑部侍郎何喬新夙負人望聞臣萬安忌之薦為南京刑部尚書恩詣闕詰曰新君即位正宜使親近賢人君子喬新奈何陞去南京



安嘿然因力勸帝逐萬安而起王恕掌吏部一時正人相繼擢用恩之力也居司禮兩月而卒帝為震悼賜祭葬以顯忠名其祠焉

伯玉者咸化初嘗為鎮監守大同教以事干侍郎彭璉亦數見拒後璉卒玉悼惜不已每對人言輒嘆服之或從曰公何從知劉公曰劉侍郎在日吾時干以事一切見拒豈無所恨耶久而思之劉公所執者是吾非也王在大同甚久及病革嘆曰大同兵精地險甲天下吾國家後戶也夫我乃死矣後來者何人其勿壞我所為倘乎遂卒

汪五大藤峽徭種也初為昭德宮內嬖以便黷得幸陞御馬太監憲宗十二年黑背見宮中未幾有妖人李子龍者與太監常含通教雜諸宦豎入內久之謀為變伏誅帝心惡之始銳意欲知外事密令直將校尉二人出入探聽人尚未之覺也都御史王越獨知之與結驪明年命設西廠以直領之列官校刺事直引錦衣百戶常瑛謀與大獄恣意為羅織權勢出東廠上遠建寧衛指揮楊華與其父泰為仇家所告命官往勘未報華潛至京匿奸夫中書董璣家璣求解於瑛瑛方刺事未得即結華盡鈎得其納賂狀報

直曰此故少師榮之曾孫資巨萬殺人亡命不可失也直喜即捕華璣等拷訊詞連華叔兵部主事楊士偉命旗校即拏以果并搗掠其妻妾婢僕寃振地畢立死獄中泰論斬士偉等皆諫官而郎中武清樂章行人張廷綱布政使劉福皆以微嫌奏收案問朝士惴惴不自保京師騷然大學士商輅率同閣劉珝等上疏言狀請罷西廠帝震怒命太監懷恩至閣詰責輅等執奏如前已而兵部尚書項忠會諸大臣疏亦入始命罷之退直歸御馬監謫瑛於宣府中外相慶如更生而帝意殊不釋也時御史戴縉以九年秩滿不得遷希旨盛稱汪直功不宜罷帝遂命直復開西廠以錦衣千戶吳綬為鎮撫出司禮太監黃賜陳祖生於南京初西廠雖罷帝猶數召直訪以事且命擇一善章疏者為之輔直以吳綬對因言閣部諸疏皆出黃賜陳祖生意為楊華報復耳帝大然之遂擢綬而黜賜等直勢益張而綬之惡更甚於瑛詞察苛暴人不堪命五月直誣奏項忠勒為民又誣言官劾罷刑部尚書董方左都御史李賓及尚書薛遠侍郎滕昭程萬里等大學士商輅內不自安亦求罷去乃以其黨王越為左都御史加兵部尚書布政使陳絨



為右副都御史巡撫遼東十五年秋帝命直巡邊督  
察奸弊率飛騎官校日馳數百里遠近震駭巡河御  
史主事等官皆拜焉者府州邑吏或追謁不及動遭  
撻撻執南京鎮監軍力朋發巡撫半俸贓巨萬悉收  
下獄論戍由是邊方諸郡御史皆具軍禮鎧甲案鞫  
以迎望塵伏謁趨走白治供張上酒食至遼東陳鉞  
郊迎蒲伏厨館飲饌獨盛於諸方左右醉飽皆有賂  
直大悅時遼東撫諭侍郎馬文升亦在獨不為直禮  
而又數與鉞忤直遂奏戍文升坐以激變當比之時  
直威福傾天下而性狂躁年少喜兵堅越陳鉞乘間  
訛之使立邊功以自固會直方欲征遼東藝伏當加  
陳鉞以始謀力為怨怒直遂用撫寧侯朱永總兵而  
自監其軍師還永遂冒封保國公鉞陞右都御史直  
加祿米三十六石王越益心艷之使直詐稱亦思馬  
犯邊詔保國公永同越率師西討仍以直為監軍越  
與直率輕騎趨太同謀鹵帳在威寧海峯老弱乘夜  
襲之斬級四百以大捷聞越亦冒封威寧伯直加祿  
米四十八石永以出他道不當鹵七功而還已而伏  
當加祿遼東亦思馬寇大同皆聲言復仇殺掠軍民  
數十萬匿不以聞惟遼東巡按孫珍發陳鉞之奸直

竟論戍之於是天下之切齒於直者無不以王越陳  
鉞為稱首流傳禁中有直非二鉞不行之語雖天子  
亦聞而哂之始稍稍悟語在阿丑傳而未有能正言  
其罪者會王越威寧捷還有盜夜入西內竊御用物  
詔追賊甚急東廠尚銘獲之以聞帝大喜厚加賞賚  
直惠白尚銘吾所薦用之人乃敢背吾獨擅其功耶  
銘懼乃廉得直與越選軍時直頗洩禁中語銘即以  
其語奏之因盡發其交通不法事帝始踈直而惡越  
十七年秋命直率兵同越赴宣府擊賊遣賊退直請班  
師不許徙鎮大同而盡召大同游擊將軍及京營將  
士還獨直與越共事直既久在邊陲不得返罷日衰  
言官及閭臣萬安等始奏罷西廠而大同巡撫郭鏗  
復言直與總兵官許寧不和恐悞邊事帝乃調直於  
南京御馬監降勅切責而直之奸狀始盡露矣於是  
科道官言直大罪有八一孤負聖恩忍心欺罔二妄  
報功次冒濫陞賞三侵盜錢糧竭府庫四排斥善  
良引用奸邪五擅作威福驚疑人心六蓄納無籍同  
惡相濟七交結朋黨紊亂朝廷八輕挑強寇擅開邊  
釁御史徐鏞等亦疏請亟正典刑以為奸臣之戒帝  
乃命法司叅奏降直奉御革王越伯爵編管安陸州



吳綬成邊尚書戴縉陳鉞為民直擅政不及七年毒流朝野其黨惡亦極一時奸人之權皆得全其要領以沒惟韋瑛後坐他事誅時以為失刑天下聞而恨之阿丑憲宗時小中官也善詛諧帝嘗宮中內宴鐘鼓司以院本承應為過錦戲丑每雜諸伶中作俳語間入時事帝輒喜或時作問之以為娛而丑顧心疾汪直弗置也一日於帝前作醉人罵酒者一人佯曰某官至如故又曰罵至矣亦不止其人曰汪太監來丑叩頭曰死罪臣見廷臣皆懼汪太監爾帝嘆之時都御史王越陳鉞皆諳事直直每倚之為死黨丑乃自為五狀犯武弁持二鉞踉蹌而行旁一人曰汝何非鉞不行也曰吾將兵惟仗此二鉞耳且吾鉞皆有姓名一為王越一為陳鉞汝竟不知耶由是始知直等交通狀其他因事規切者尚多皆此類也然天子亦優伶畜之而當時以為有諫諍風

詞察日益苛密京師富人太姓輒以事羅織之必得重賄乃已未幾銘復謀入司禮監諸大璫皆素畏銘因去爵訖之而帝亦寢覺其奸褫職居之南京尋籍其家得贓私區萬輩送內府者累日不絕乃復命南京守備太監杖之百充孝陵衛軍銘既被罪去有錦衣軍餘貴鐸者告銘曾誣其子宗源死罪受金百兩銀三千兩珠玉寶石無算其黨皆有賂都察院奏銘已斥南京諸捕其黨置對帝曰宗源事經問道銘賊已入內府矣其置餘黨勿問時謂銘一事而狼戾如此以為罪浮於法云

陳準廣東順德人常與懷恩善以清約平恕見稱尚銘敗帝使準代領東廠準既素疾銘所為悉召諸黨按諭之曰有大逆者若告我非是則有司事若無與毋相潤也中外皆安之會權璫有欲入人罪者令東廠按其事準心弗忍顧托於勢不得白遂巡數日聞門自經死

梁芳為憲宗朝內侍甚見親信其權任不如汪直而貪婪諛佞過之時昭德宮萬貴妃寵冠內庭芳獨先事承意得其寵與常輿比而出入用事妃既驕貴服玩珍飾窮極奢麗芳等益務為淫巧日市四方美珠



寶石以進奉邀賞資其黨錢能韋春王敬等爭假採辦為名出監大鎮徵求無藝費嘗至鉅萬帝不問也妖人李孜省僧繼曉皆以左道為芳所引徇帝大治佛寺宮觀為禱祀事怪誕不經帝益惑之二人皆驟尊顯貴重芳詭言呈錄異書而陰與二人者招納權賄鬻官爵廩養僕隸賈賈賤技屠狗販繒之流悉取中旨得美秩有脫白而至大常卿者累至數千人謂之傳奉官十九年陝西巡撫都御史鄭時首疏罪狀芳被降會是年冬早無雪天子親禱於郊不應而微聞鄭都御史去陝時陝人哭送之如父母始大悔稍厭芳所為詔自後內侍傳旨授官不論有無勅書俱令覆奏乃行召吏部查傳奉官降黜千餘人下六人於獄次日遂雪中外快之然亦不誅芳也刑部員外林俊憤然上疏請斬梁芳繼曉以謝天下幾死詔獄二十一年帝以星變求言論芳者數十人帝怒悉不報而陰疏其姓名於屏將因事斥之自是利歸權倖國用不敷人皆怨芳莫敢言初內府有積金十帑景帝時費用甚侈英宗在南內聞之曰累朝所積其盡乎及復位跡之金微缺英宗為節蓄數年復其舊蓋是帑帑俱盡帝嘗引芳等指示之曰康帝帑藏是實由

汝二人與不敢對芳曰臣為陛下起諸祠廟及顯靈宮皆以造後世齊天之福豈為康帝帑然起曰吾已矣不汝與計後必有與汝計者蓋指孝宗也芳退而大懼或進計曰公何憂之甚今上鍾愛與王而昭德宮亦有寵蓋詔昭德勸上易儲上必聽是昭德無子而有子與王無國而有國也如此則富貴可長保豈直免禍哉芳大以為然入言於昭德使諷帝帝許之懷恩力諫不聽會泰山屢震占者言應在東朝帝懼而止及孝宗立言官交章奏其罪降芳少監居南京尋以太監蔣琮言下之獄與亦斥退正德元年羣開用事與復司香太和山蕪分守湖廣行都司給事中周璽御史曹來旬疏言成化中興與梁芳等亂政今明詔初草天下守備內官備弊端復作何以全大信於天下兵部尚書劉大夏亦言興於成化間引用險邪進用奇巧大壞朝廷之法先帝嗣統之初斥興不用臣民稱快今泰陵之上未乾而姦邪之黨復進恐於聖孝不為無損宜如給事御史言亟賜斥逐俱不報由是芳廢而興復見收錢能為雲南鎮守太監居滇中最大怙勢贖貨所為多不法初奉命以出途經貴州其從行宦舍驛驛為



民患巡撫都御史陳宣惡之奏請通行取回兵部覆  
奏從行人數皆特旨所定惟行巡按御史禁治之而  
乞會能有疾按臣郭陽既能剛果有為宜仍留鎮滇  
人皆嗤之而能以梁芳故日益肆遂私與安南通使  
求賂焉十一年安南國請改道由雲南入貢詔弗許  
臣而能遣指揮使郭景泰事京師言安南有捕盜番兵  
犯境請數國王戒約朝廷因命景齊改往舊制使安  
南者道出廣西能令景由雲南入以玉帶蟒衣絲織  
犬馬弓箭諸物道安南王受其餽遺甚厚比還誘其  
貢使仍道雲南安南王亦欲乘間啟邊命一首長以  
兵尾其後景紹使者請先行白閩吏因脫歸能獲遺  
景與指揮盧安等徧歷千崖益密諸土司求索寶貨  
至逼淫叢罕弄孫女許以開宣撫司治事景未返而  
安南使者至格不得入邊民以為安南人入犯皆驚  
竄境內大擾三司及總兵官遣人諭之再三其衆始  
還而朝廷未之知也後三年有男子自安南來言嘗  
見一指揮使將三十餘人至安南以犬馬諸物餽主  
事聞詔下巡撫及巡按御史究問遂以南戶部侍郎  
王恕為雲南巡撫使察之恕至即令按察使捕景景  
懼投井死沒其寶石械同行者送京師奏至都察院

請差刑部郎鍾蕃往會三司官按其事并建能還京  
通治之明年蕃等劾報言巡撫王恕所奏能交通安  
南諸姦私事皆實帝特宥能降教切責命罪其下九  
入而指揮姜和李祥皆潛匿不就速能獲上疏為二  
人求寬言祥和皆歷事邊方有勞為恕所誣陷帝竟  
從其奏未幾有言守礦千戶三人私礦課者能不俟  
奏請遽穢繫之三人者懼以礦課千餘兩饋能能意  
不滿遂召都指揮方明等同臨問以巨挺杖殺千戶  
一人為巡按御史甄希賢所劾死者家人亦訟其事  
於朝命錦衣衛及刑部審刑官會巡按御史同鞠得  
實通劫能等事下都察院時都御史主越素附中貴  
人知能與芳政相倚為姦而又以通安南事揣帝意  
方右能竟緩其獄置不問  
韋春王敬者亦芳黨也春為廣東市舶太監得專洋  
利縱賈胡與諸番通徃來聚珍寶富厚傾其同輩又  
詭稱造辦貢物請以廣南均徭餘戶六十隸市舶司  
布政使彭韶上疏請罷之詔予其戶之半會梁芳弟  
錦衣千戶某者亦在廣採取禽鳥進貢廣人苦之韶  
獲上疏言狀忤旨調韶貴州春益恣與番人馬力麻  
西域撒馬兒罕諸貢使為姦利而是時布政使陳遷



廉正剛介過於詔事多沮抑不得行遂以事誣奏選  
選被逮道卒語在選傳中自是官廣南者皆懲詔選  
事莫敢發其奸弘治初孝宗使太監蔡用訪孝穆太  
后親族於廣南用與春安舉李父貴兄弟以應事覺  
用降小大者春以老疾免罪降左少監回京敬成化  
中為內官監太監性傲詭好左道有妖人王臣者善  
幻少為姦盜被擒傷腰人呼為王癩子凡物經其目  
輒竊去又能取人財物投水中俄出之袖敬獨篤信  
之黃綠得見帝授錦衣千戶未幾故奉帝命使湖湘  
江浙及蘇常諸府自奏帶隨行者十九人臣與馬臣  
遂倚敬為暴所至多虐吏民而敬敬詐作詔書括江  
南書畫古器玩奇絕者攫取殆盡聚白金十餘萬命  
工鑄為巨錠二千臣乃自多取美女為淫亂又集蘇  
州諸生使抄錄妖書不應令有司追捕欲加捶辱諸  
生攘臂大詬將伺而梓諸遠江南巡撫都御史王恕  
惡之具疏奏聞會東廠太監高銘已先發其事下都  
察院鞠問得實命斬臣仍於被害州郡梟示敬克孝  
陵衛淨軍

州縣官吏有酷虐者輒以其刑刑之嘗行經學官諸生  
請入謁原嘆曰我等名教罪人也何面目見先聖哉居  
數年移鎮福建民遮道乞留不可得會河南宣府撫按  
官各奏稱河南鎮監監忠宣府鎮監劉清皆崇己愛民  
宜賜杖獎諭兵部覆議併言福建鄧原浙江麥秀二人  
皆為輿論所推請亦如例賜旌仍遍諭諸鎮使知感發  
詔曰可二人聲名由是播中外馬帝嘗召兵部尚書劉大  
夏入對問歲儲不給財安在大夏曰臣嘗撫廣東具知廣省  
歲廉與中鎮歲索不能相當帝密然久之曰求必如鄧原  
麥秀者用之不然毋寧已也後每遇差道內臣帝亦時  
時舉其姓名問曰得如此二人否其見知如此正德初原  
疏請謝事福建軍民懇於巡按御史乞奏留之御史以聞  
時羣小在側多乞恩求出鎮竟擢而代之自是以後至者  
殊求無藝閭井騷然煩費矣閩人由是益思原  
蕭敬字克恭福建南平人英宗初由內書堂為長隨  
入侍便殿適帝勞賜近臣金鏹填集敬執簿握筭登  
答無少差謬帝以為有心計頗倚任之會端午節帝  
閱騎射宮中呼敬前曰知爾能文亦曉武事否耶敬  
頓首受命據鞍三發皆中遂大有寵擢御用監左監  
丞賜璘玉珍器尋陞太監奉使荆襄以清約聞憲宗



立敬以裕陵司香起內官監督理倉儲進司禮監僉書命勅武岡州諸藩大獄歸奏皆稱帝崩仍乞司香裕陵私治二年司禮員缺左右皆言老成練事無如敬者復使掌司禮與機務凡冊封大婚山陵喪祭閱視園營諸大典燕閒賜問如警帝甚重之十八年遂與閣臣劉健等與聞顧命時武宗初即位嬖聞人劉瑾等八人狎游亡度敬諫曰梓宮在殯鐘鼓之聲日聞於外謂天下何不聽時外廷皆聞帝有所幸八人而莫知其名敬潛書一紙使小豎致諸劉健健入言之帝怒問主名健無以對八人曰此必蕭敬也共譖毀之亦卒不行未幾復召入賜坐璘許乘肩輿禁中愈益貴重及楊一清為相敬嘗以帝命至閣事有得失一清托敬附奏敬以語侵敬敬不為動世宗入立敬年八十餘尚侍左右精敏健駛如少年既告老猶給人夫月米歲時賜時鮮如故年九十一卒喪葬之儀同於勳戚皆異數也敬歷事五朝多所匡正儼然內廷重臣同輩悉不敢與齒亦屢被人言數起數罷雖天子亦疑之孝宗嘗與尚書劉大夏語及中官曰朕左右如陳寬者已不必慮李榮庸劣不足慮惟蕭敬悉故事朕所須問第未嘗假以事權耳宸濠

之變張永發其交通罰銀三萬兩亦終不能禍為太監共六十四年入司禮後亦五十餘年門下大瑞百餘人從孫韶散俱登進士黻縉錦衣指揮又工詩及草書善鼓琴溫恭下士好菘與而未聞其有奢僭事每見諸近侍田園地宅非京師輒嘆曰此豈我輩福哉則其賢亦有不可掩者

戴義號竹樓成化中為司禮太監時憲宗頗好琴奕而義精於琴善楷書南中有一良家婦挾琴徧遊諸省會無有出其右者至京師聞義名請通謁外郎既定期久之義以休沐出就外郎延南婦入坐之簾外不交一語義援琴先效曲甫終南婦泪雨下面無人色取所挾琴即指前碎之拂衣去終身不復言鼓琴其絕技服人如此敬出義門下故亦善鼓琴及書法而多識朝典過之

何昂者餘杭人也性儉素好讀書忠直敢言弘治二年為長隨嘗上疏言事其畧曰竊見錦衣官校以行事得陞蓋緣國家立法之初人心未定權為此攝伏奸雄之具非欲守此為常也因循成例本衛官多不壹教百糜費廩祿年久益繁夫乞恩傳奉本非治世美事而祖宗建官本意也皇上御極之初下沙汰之



令中外稱快但漏網猶多近來復有黃緣臣聞官可  
俸得則朝廷不尊祿可乞求則官爵不重伏望聖古  
令壞事之源懲姑息之弊特教吏兵二部文非考中  
本等程式武非軍功行事陞者請一切革去帝命下  
所司格不行而左右多側目昂矣時張皇后家驕貴  
特甚壽寧侯兄弟怙恩祈請出入宮禁無忌孝宗嘗  
與二張飲起如廁除冠坐上二張戲戴帝冠又倚酒  
欲與宮人亂昂心忿之一日二張入褰御帷欲有所  
動昂叱曰此何所爾敢窺伺持大瓜箠二張幾斃帝  
置不問張皇后銜之昂復上言二張私入宮掖觀燈  
禁城非祖宗法度大不取亡人臣禮事當按治且言  
皇上若用臣臣必有以報帝怒下昂錦衣衛獄究主  
使者榜掠倫至昂曰有二人但不可得而按耳訊者  
考姑言之曰孔子孟子也於是給事中龐泮御史黃  
山等各上疏論救帝曰昂輕率上奏自薦求用朕繫  
之內事耳爾等何由知責令對狀奪其俸六月而禮  
部主事李昆吏部辦事進士吳宗周言內官何昂因  
言獲罪言官營救非有私也陛下不惟不宥昂罪而  
反推究不已不惟不聽言者而反致詰所由昂一近  
侍臣直言之禍至於如此甚非陛下求賢之美德也

既而戶部尚書周經以為請亦被詰責而張后竟授  
意太監李廣杖殺昂昂死帝復思之命諭祭而勅其  
文於碑  
張敏字輔德福建同安人世居涪州正統十四年沙  
龍起敏季父益彬率衆保其鄉里為仇家所誣訴之  
朝命逮強壯者戍邊官其幼丁送京師敏與兄本慶  
等泣不食與馬尋選入內庭敏以年幼給事憲宗於  
東宮性慎密恭謹無過遇事直言未嘗外洩憲宗即  
位敏朝夕侍左右寢必具衣冠至于夜輒起以待由是  
絕愛幸之命操練騰驤四衛官軍善理十九房馬政  
教幾勅敏總督團營先後賞賚蟒衣玉帶金鞍轡諸  
物不可勝記歲增祿米三十石又召工畫敏形用璽  
識其歲月賜之特除其家戍籍兄本以御馬太監守  
備南京慶以司設太監鎮浙江並見信任其族驕益  
貴強無比而是時帝春秋高未有子昭德宮萬貴妃  
專寵驕妒後宮希得進見有紀淑妃者已有身托病  
退居安樂堂生孝宗懼欲溺之敏大驚曰今止未有  
皇嗣詎不遽聞何忍棄之以屬西宮廢后吳氏敏時  
時市餅餌哺皇嗣孝宗已六齡敏密結昭德宮司宮  
太監段英使乘間言之而未有會一日敏為帝拂髮



帝引鏡嘆曰母得夫而未子敏伏地稱死罪曰萬歲  
有子也帝叱曰毋妄言朕安得子敏言狀曰西宮皇  
子六齡矣帝喜曰急示我由是孝宗得見為皇太子  
語詳后妃傳中已而敏疾作帝使醫治之已死痛悼  
不已賜銀幣為殮具遣司設御馬二監治喪詔以冠  
帽牙牌玉帶殉葬孝宗立追論敏功降重書褒美官  
其家人死子暉以慶唐為光祿寺少卿苗累官通政  
使列於大九卿苗子定亦登進士諸子皆至錦衣衛  
指揮同知及千百戶賜敏通州塋地三百畝置守塚  
二十人其報養之厚如此或曰敏之死也萬貴妃恨  
之吞金而亡

李廣孝宗時司禮太監也亡他技能惟以燒煉及邪  
淫術干帝而致與土木假符籙禱祀以神其說皆梁  
若敏智也嘗自起大第用左道私引玉泉水經鏡前  
後不為皇太子立寄子壇名曰煖炕其事詭異為妄  
不可信帝獨心好之太常卿崔志端真人王應祚等  
稱廣教主主人而廣為之傳陞官職求賜玉帶轉相  
煽誘諸皇親貴戚皆父事廣未臣鎮帥以下至將之  
為公廣遂以傳奉授官如成化間故事四方輸餉  
賂先入其門者擅奪畿內民田及中納盜利以鉅萬

許得極詛聞不道給事中葉紳列其八大罪請置之  
法御史張縉等亦上章劾奏帝命下所司而廣任事  
如故十一年廣勸帝建毓秀亭於萬歲山亭成而幼  
公主患痘廣欲以符水禳馮宮中人皆咎廣未幾清  
寧宮災日者言廣術不精建亭年月犯歲忌也太皇  
太后恚曰今日李廣明日李廣致此禍災屢朝所積  
一旦灰燼矣廣懼而自殺既死帝疑其家有異書使  
中貴人求之得一路簿以進內多列公卿名觀黃白  
米或數百石及數千石帝大驚曰廣食幾何且朕常  
逆廣家豈能容是米哉左右曰黃白者金銀也顧相  
與為隱耳帝始悟言官張朝用丘天祐等請出簿籍  
令法司究問有旨交結李廣之人許指名以聞疏下  
或見壽寧侯門夜有肩輿十三乘求解者其姓名始  
稍稍聞中外於是言官再疏稿發文武大臣數十人  
會南京給事中御史劾疏亦至並請收付詔獄窮治  
時帝已入壽寧侯言諸大臣知其事不竟遂與言官  
相攻置爭至累月不能止帝皆不同及都察院覆奏  
請籍廣資產亦不許其事遂寢先是廣初死時太監  
葉昭為廣請神輅祭葬帝許之大學士劉健等言廣  
之犯罪惡貫盈賊贖暴露皆謂聖心昭鑒必正其罪



乃賜之祭葬又予祠額誠恐上累聖德下拂人心其於國典政體所關非細既而內傳利穎姑已祭來得宜撰進蓋帝意終眷廣也

蔣憲大興人事孝宗掌印綬監頗涉書史教言事帝且厭且喜之李汝省遣戍遇赦當還琮獨言汝省罪大不可宥械至京下獄拷死中外快之帝以其言近正亦甚悅命守備南京行至德州言都御史張昂於真定河間等路千有餘里築長垣掘濠墾欲以禦盜其地沙曠土疏一經風雨高下皆平徒勞苦民亡益帝是之又言張家灣至儀真增設巡河官數多宜汰而令所在官司兼領便吏部難之帝命查永樂以來各官名數部議絀遂革沽頭主事及江南巡河即中帝大以為能琮遂勝欺用日甚初南京沿江蘆場軍民開墾納課及各窩廠採供柴薪成化初江浦新生沙洲六段縣人先後告官承業以補沉江田數其餘地及官房酒樓等悉令出租輸守備廳太監黃賜時其人獻於三廠盡收其利而民間額課如故孝宗即位詔書方授占田土悉令歸民縣人屢奏下御史姜相等覆按時琮已視事移謁使仍歸三廠館等劫琮以守備重臣與民爭利用揭帖而抗詔書因

利其十罪請下於理刑部尚書何喬新獲後南京行勅琮止既條析館所言況及御史劉愷方岳及南諸司過失且謂尚書何喬新主事曾望宏皆汝省同鄉而館亦汝西人因臣嘗劾治汝省代為報復得奇并究而是時南京遣有後湖勸田事先是洪武初設黃冊庫於後湖中非公事不得至惟戶部官同給事中一員守之及是湖漸淤塞墾作田稍通往來司庫主事盧館給事中方向於洲旁墾地種蔬伐蘆葦易銀為公用時司禮太監陳祖生謫居在南奏之疏下法司方會官於後湖勘事遣太監郭鏞以使兩廣至南京乘官舟過湖觀之遂以擅游禁地為御史孫繼等所劾鏞還京自辨因言府尹楊守隨劾向錦事失所出御史不劾奏黨比不公帝遣太監何穆大理少卿楊護偕往而館及琮更相奏訐不已館疏四上琮六上並付穆等嚴治言琮館所奏多不實請並加逮問法可以謂無諸人狀狀而琮等續奏報仍行穆等重勘於是館及御史金章劉進孫繼紀傑曹玉謙肅徐禮余濟皆就逮而琮所占官房酒樓地悉還之官獄上帝以館等構詞奏訐不顧大體守隨等為事不實皆降級調用而宥琮祖生不問御史伊宏張賓各



上疏爭之謂如按事者言則琮與言事者皆當下獄如都察院議則俱合待勘罪同法異難以服人且以一內臣而置御史十人於獄臺院為空傳之將來實爭大體不聽吏部尚書王恕言琮獨蒙宥人心不平宜追還前旨以消物議且言諫者奉旨皆以已發落為言夫事有不當雖十考之不為過古之從諫如流者豈皆未發落者乎帝曰守脩重臣不宜輕動亦不允由是衆議詳然而琮之勢日重矣七年琮復奏兵部郎中委性承修運河諸不法事給事任倫郎中盛洪御史劉倬往勘未報琮輒奏倫等潛易案卷及兵部員外袁燦侵欺船價事俱連性復遣太監趙忠大理少卿馮中錫核治會廣洋衛指揮石文通奏琮借役殺人開掘聚寶山傷皇陵王氣下忠并核皆實性落職琮免死充孝陵淨軍初琮許性時疑有二大臣庇之揚言欲併發其罪二家懼因文通欲奏琮潛令增入開掘事始得正其罪焉琮為南中縉紳之禍者七年其先以口給得利數傾陷人至是亦卒為人所陷雖罪廢實未蔽法也

明史卷四百六

宦官下

宦官傳

劉瑾陝西興平人本姓談依中官劉某者以進遂冒之說稱賜姓焉為人陰鷙有口辨弘治中坐法當死得免居嘗鬱鬱每切齒諸文臣而獨慕王振之為人其狠戾蓋天性也武宗立瑾執役鐘鼓司與魏彬谷大用馬永成丘聚羅祥高鳳張永等俱以東宮舊恩得幸與帝共卧起晏游號為八黨而瑾尤最用事孝宗遺詔中華內官監鎗及各城門監局並格不行時時為帝言弘治間事權皆歸內閣司禮監朝廷徒具虛名天下鎮守內臣皆賄司禮監推舉今後令代者各貢金萬兩不猶愈于賄司禮乎帝然之諸中使皆入資出鎮多索取官庫物肆意誅求無復忌憚又奏置皇莊七所于畿內後至三百餘處民不勝擾元年正月瑾已陞內官監命總三千營再提督團營委用漸大日集帝微行舞唱角觥射獵以為娛視朝屢輟中外章奏多不報災異疊見五官監楊源以星變陳言杖滿元于道閣臣劉健等屢諫不聽連章奏請誅之帝覽疏留中命太監陳寬李榮王岳同至閣議發瑾等南京閣任一日三至健以為未盡厲聲曰先帝



執老臣手付以大事今陵土未乾而使嬖倖若此他日何面目見先帝地下寬等辭去而岳亦素惡瑾等所爲獨心是閣議會戶部尚書韓文率九卿科道叩闕力爭岳將從中應之吏部尚書焦芳泄其謀諸閣大懼帝爲不食明日召諸大臣入左順門榮手前疏示之曰有旨諸先生愛君憂國言良是第奴儕事上久不忍即置之法幸少寬上自處耳衆震懼莫敢出一語榮謂尚書文曰此舉本出自公公云何文曰今海內民窮盜起水旱頻仍天變日增上始踐祚狎昵羣小文等備員卿貳無所逃責語雖直而氣不勁榮哂曰疏備矣上非不知第欲寬之耳衆蹙然而退是日諸閣益窘業求南京安置閣議猶持不下岳與司禮太監范亨徐智奏曰外廷多官論劾不可不從帝不得已允之將以次日發詔捕瑾等至夜分瑾率其黨直趨帝前環跪伏哭頭觸地流血曰非上恩奴儕輩碌飼狗矣帝色動瑾進曰害奴輩者王岳耳岳前謂諫官有言即言及閣議時又獨是閣議此其情何也且狗馬鷹犬何損于萬幾今左班官敢譁而無忌者司禮監無人也有則惟上所欲而人不敢言矣帝大怒立命瑾入司禮監收岳亨智等充南京淨軍次

日諸臣伏闕知事已變于是大學士劉健謝遷李東陽皆上疏求去允之而東陽以絨黥獨留進太師立用焦芳入內閣追殺岳亨于途據他事罪韓文落職時給事中呂紳劉澂上書請留劉謝二臣不聽南京給事中戴銑御史薄彥徽等皆言二臣先朝元老不宜輕去因及晏朝微行遊宴射獵諸事帝命悉逮送鎮撫司獄杖闕下爲民主事王守仁御史陳琳以疏救杖誦南副都御史陳壽亦以疏救除名又惡主事王綸附劄大夏御史潘鑄附王岳郎中李夢陽代韓文草疏並勒致仕夢陽尋復下獄幾死爲朝臣逮繫詔獄者相屬錦衣衛官牟斌知其無辜每善視之瑾怒杖而錮之南京而大臣若馬文升劉大夏楊守隨張敷華張昇閔珪皆相繼去位獨用一焦芳在內閣主謀議又劄爲新例罪無輕重類決杖戍邊或罰米至數千百石動以細故枷人尚寶卿崔濟副使姚祥給事安奎御史張或等皆濱死而後釋之列劉健謝遷韓文等五十六人爲奸黨榜示天下逞志報怨莫可誰何先是瑾初入司禮監時帝悉取天下章奏付之剖決瑾故多構雜戲于帝前伺其玩弄久輒彙諸章奏瑣冗者進帝厭而麾之曰吾用爾何爲爾一



頌朕耶瑾自是徑自裁決不待報聞又以素闇文義用其妹婿禮部司務孫聰華亭諸生張文冕爲幕客每擬旨多至數百言有不可解者焦芳潤色之東陽亦知其謬俛首而已又引私人曹元劉宇楊玉曹雄毛倫等列置要津用石文義沈彬左堂郝凱于錦衣衛以丘聚主東廠谷大用西廠而瑾所自領者名內行厥尤極酷暴入者百無一全也府部諸司事無巨細先以紅揭帖取進止偶都察院奏繳宣旨中有劉瑾傳奉字瑾怒罵之都御史屠瀟率羣屬跪階下謝罪自是章奏內稱劉太監而不名文武官陞辭回京朝見畢皆赴瑾宅見辭叩頭爲一拜禮大權一歸于瑾矣一日早朝御道上有匿名書言瑾罪惡瑾下殿入班詰問莫敢承遂傳旨執五品以下官三百人跪奉天門聽處分時酷暑多僵仆烈日中者至暮悉送鎮撫獄次日知內官所爲乃釋之一時文臣垂首喪氣惟恐獲罪四年追論劉健謝遷爲民健子某偕南通政程文遷弟主事迪子編修丕皆除名會詔舉懷才抱德之士以餘姚周禮四人應瑾謂四人皆遠同鄉場旨下鎮撫司鞠治欲連籍遷家東陽力勸得止仍令餘姚人毋得予京官占城國使人亞劉者本江

西人以犯罪坐極典焦芳素憾江西尹直彭華因言江西俗多玩法其人亦不許任京職且減其科額之半增于山東陝西河南山西又奪馬文升劉大夏許進雍泰等官尋假主官岑猛事成大夏肅州連及者六百七十五人瑾嘗惡諸翰林慢已孝宗實錄成例當進秩焦芳因嫉之假以擴充政務除素所忌吳一鵬等十六人爲員外主事等官吏部郎張綵止之不能得綵故以鄉舊爲瑾所嚙未幾即代劉宇爲吏部尚書親信用事更出焦芳上矣初瑾贖貨無厭凡升黜官吏讞決獄情惟賄是視公差入覲責賂各以差等給事中周鑰差還過淮安貸于所知不應自刎舟中而卻夔亦以查延寧功次度亡以應縊于署都給事中許天錫欲發瑾納賂狀不敢至懷奏縊于邸舍綵言于瑾曰今天下諸司朝覲及公差復命官其所餽遺往往貸于京師豪家則悉取庫金償之歛怨貽患大爲公累瑾然之始下令禁察餽遺而巡按御史胡節少監李宣侍郎張鸞錦衣趙良等反以賂瑾得罪因遣御史八人查盤天下錢糧以飾其跡又稽逐年故積糧草缺少汜爛者倍值追償自巡撫部中州郡吏逮治者數十人轉相攀染無不立碎其家瑾



方以爲弊竇肅清苛察日甚因戶部奏送各邊年例銀兩謂國初無其事邊儲亦足遂一切停止議者以爲國初屯田大墾商人開中輸邊故常足自屯田久廢商人不輸粟塞下而入資戶部戶部每歲分送各邊謂之年例瑾遂分遣御史清理屯田每邊驟增至數百頃橫征苛斂設巡鹽巡捕等官中外騷然盜賊蜂起復于城南建宣明宮壞民墳墓廬舍數十里寬號戴路天下之欲劄办于瑾者什室而九維其同黨谷大用馬永成等皆以請求不遂怨次骨又欲逐張永于南京而永才智素出瑾上計不行語詳永傳瑾禍遂從此始矣五年四月安化王寘鐫反寧夏馳檄以誅瑾爲名命起都御史楊一清率師張永爲監軍討之師出而寘鐫已禽一清知永與瑾有憾遂密與定計誅之永許焉比還帝戎服迎之東華門既獻俘置酒勞永瑾等皆侍及夜瑾退永出寘鐫檄數瑾罪狀因奏其不法十七事帝已被酒悅首曰瑾負我永曰此不可緩矣緩則奴輩皆蓋粉陛下安所歸乎馬永成亦助之乃命長隨四人往帝乘馬隨其後瑾在直房聞喧聲問爲誰曰上在也瑾披青蟒衣以出遂被執夜開東華門繫于菜廠分遣首校封其内外私

第次日晏朝人始微聞其事莫敢言及帝出永奏示內閣發瑾鳳陽猶未有意誅之也己而親籍其家得偽璽穿宮牌五百衣甲弓弩及衾衣玉帶違禁物又所常持扇飾以貂皮藏利匕首二金銀數百萬珠玉寶玩無算帝始大怒曰瑾果反矣趨付獄於是六科給事中謝紉十三道御史賀泰列奏入命多官訊鞫于午門外刑部尚書劉璟素畏瑾噤不能出一語瑾大言曰公卿皆出我門誰敢問我者皆稍稍引退獨駙馬都尉蔡震折之瑾仰脉曰若何人忘我德震厲聲曰我國威何賴于爾瑾曰汝不嘗求我罷領上直軍乎震曰此樊凱非我也呼左右前批其頰拷掠之獄上命拘于市凌遲三日梟其首榜獄詞處決圖于天下諸怨家爭以一錢購其肉一鬻有得而生噉之者先是瑾未敗時常招致術士俞日明俞倫俞子仁等出入其家妄稱其姪劉二漢者當大貴瑾遂有不軌謀禁中外災異勿奏兵仗局太監孫和數遺以衣甲兩廣鎮監潘午恭昭又爲私造弓弩瑾皆受而藏之會是月瑾兄都督景祥卒公卿吊賻聞咽東華私第時瑾夜禁甚嚴星出後犯者至死有中夜竊聽者聞兵甲聲鏗然相繼京師聞巷私語籍籍言八月十



五日傾朝送奠，瑾將爲變，適張永直奏以是日獻俘，瑾使緩其期，欲俟事成而併禽永，或泄其謀，永即日盛陳軍容以入，瑾愕然被收之。夕，密旨封瑾第，曳景祥柩棄于路，焚其尸，蓋先葬期僅二日也。瑾既誅，二漢同親屬劉傑等十五人斬于市，錦衣指揮石文義、楊玉及沈彬、張文冕等皆伏誅。阿附大臣劉宇、曹元、焦芳父子罪止除名，餘皆以次斥降。惟張綵以病死，于獄仍到其屍，家屬流嶺南。蓋帝下詔罪瑾時，有文官緘默順從，俱非得已，今皆貸之，之語而綵嘗教瑾，疎其同類，內官衛之，故得禍獨酷也。己而有旨，凡瑾亂政害人，事例令各衙門查革改正。工部奏請毀瑾京城內外祠亭、石器，帝不許，奪其堂司官俸三月。蓋是時瑾雖誅，而內臣用事濁亂朝政如故云。

魏彬爲御馬太監，劉瑾掌司禮時，引用其黨分領東西廠總諸營兵柄。彬得總三千營五年，瑾誅，遂代瑾掌司禮。監益貴，頗用事。帝又命馬永成傳旨，凡朝廷大事，須魏彬同議。是年八月，論平寘，錫功封其弟英爲鎮安伯，贈其父母勢傾一時。尋又與江彬結婚，婚內外盤據，柄司禮者十二年。雖凶狡不及瑾，而太監張忠、于經、蘓進等相依倚，爲姦利流毒四方，皆其黨也。

嘉靖改元，彬內不自安，爲其弟英辭爵，然仍官都督同知。世襲錦衣指揮使，給事中楊東義言彬著名八黨，附和逆瑾，結姻江彬，固寵怙勢，罪不容誅，乃掩其滔天之惡，全其弟世襲之官，非所以示天下也已。而給事徐景嵩言魏彬及谷大用在先朝，初附逆瑾，後黨江彬，交相引援，竊弄威福，並宜置之典刑，以謝天下。給事吳巖亦言彬不宜仍令供職，其弟魏英亦不宜止革伯爵，且併及安邊伯許春等。帝命執奏等送都察院鞠治，而彬仍置不問。嘉靖十年始以御史蕭淮言革其弟姪義子官爵，彬仍得閑住以去。

谷大用亦瑾黨也，由御馬監太監提督西廠，尋兼督勇士營四圍軍營。時瑾方以苛察督責中外，大用阿意分遣官校四出刺事，偏州下邑見有華衣怒馬，作京師語音者，輒驚以告，有司密賂之。又于安州奏立鷹房草場，侵奪民田無數。及見瑾已誅，始上疏辭免。西廠事務未幾，帝復欲使大用領西廠，閣臣李東陽力諫，乃寢。六年流賊劉六、劉七等大掠山東，直隸諸總命大用總督軍務，同伏羌伯毛銳、兵部侍郎陸完等討之。太監張忠爲監鎗，先是都御史馬中錫等既亡，功諸中官以謂此事非書生所能辦，遂使大用駐臨。



清君中調度而召邊將許泰邵永江彭勳暉等各領兵入征內地彬等緣是有寵危從巡遊號四外家兵此其始也已而伏羗伯毛銳戰敗失亡其將軍印徽還京以大用故置不問而大用亦自耻其無功反奏稱副總兵許泰劉暉遊擊將軍邵永屢有新獲都御史陸完嫻于戎務請亟行賞賚意尚邀取封拜如寧夏例而兵部議以爲賊首未禽羣賊未殄宜俟事平另敘議上大用仍得賜勅獎勵蓋帝亦恐拂其意也及賊過鎮江狼山颶風覆舟賊馬適陸完兵至攘之以爲功于是遂加完太子太保封大用弟大寬爲高平伯而先是平寧夏時其弟大玘已得封永清伯至是一門凡二伯焉養子小校冒陞賞者不可勝紀而大用實無他能專事欺罔而已毛銳之敗大用憑堅城擁兵不救每官軍追賊則爭取其所棄金帛賊逸去則割良民級以土功先後邀獎勵十餘次斬賊萬計費帑金二百餘萬而正賊無一獲者世宗入立大用獲以危從功賜白金千兩幣二十給事中間閔上疏極論之帝納其言而大用之寵始衰尋降奉御居南京召還守康陵復起用嘉靖十年大用已死始追論籍其家產焉

張雄者父銳嘗以後妻言逐雄自宮遂惡其父既貴不與之見同輩勸之雄立庭中垂簾杖其父二十已乃相抱而泣遂爲乞恩超授後府右都督吏部尚書陸完言雄忠謹勤慎受知聖明加以祿養亦不爲過詔令銳帶俸朝參後雄掌司禮監銳居東殿並得侍豹房有寵雄常受寧王宸濠賂遺萬計與之謀復護衛既聞濠將爲變乃密授意御史蕭淮奏之復與張忠勸帝革其護衛寧王由是遂反銳則專以訶察奏訐爲事嘗因捕獲妖賊功加祿米一百二十石每畝置邏卒諸鄉怵愚民爲非得即奏發獲重賞因假緝事侵撓諸司稍拂其意輒以事連及人尤畏之張忠居霸州號北張性兇悍正德九年命率兵從張永防邊數冒功每誇武藝帝前帝頗惑之霸州盜張茂居與忠隣茂嘗厚結忠忠弟畜之所越貨半入焉茂因得賂焉永成谷大用等雜其家人出入禁中至豹房觀帝蹴鞠無所忌有河間參將袁彪者方急攻賊茂窘求援于忠忠置酒松第招彪與茂東西坐舉酒屬彪字茂曰此實吾弟也今後好相看毋相扼也又舉屬茂曰袁將軍與爾好自今勿復擾河間彪畏忠不敢誰何及御史甯杲捕獲茂鼻盜劉六劉七等



行賄求免忠復借馬永成請于帝必獻銀二萬兩乃  
赦之羣盜計無所出聚眾反中原荼毒忠之爲也宸  
濠之變忠與戚賢錢寧輩皆嘗交通及賢寧敗忠獨  
免更欲因以邀功會帝南征師次良鄉忠邀帝幸其  
第而王守仁捷至忠與江彬勸帝勿受俘宜縱濠而  
自禽之帝亦欲假此泝湖湘俘江漢遍歷蕪杭江浙  
間觀中土諸繁麗聞之大悅至南京張永力止之仍  
命忠率邊兵萬人同江彬等勦捕宸濠餘黨撫按鎮  
守以下悉聽節制忠益恣行威福鞭撻守令殺無辜  
爲濠黨沒入其財貨民不勝擾焉嘉靖十年以蕭淮  
奏劾同張雄張銳執送都察院鞠治忠後復論死  
劉允爲司設太監正德十年左右稱西域有僧能前  
知謂之活佛遂倣永樂宣德間鄧成侯頭使例遣允  
乘傳迎之以珠琲爲檣幢黃金爲七供賜法王金印  
袈裟其他雜賜以鉅萬計內府黃金爲之一空勅允  
往返以十年爲期得便宜行事所帶鹽茶之利亦數  
十萬允未發前蕪至臨清糧艘皆遜道及八峽舟大  
不得進更造鱗艘相連二百餘里至成都歲餘始行  
日支官廩百石他物稱是又治八番物料直二十萬  
鎮巡爭之歲爲十三萬率四川衛所甲兵千人俱輸

兩月至其地所號佛子者恐中國誘誘不出允部  
下欲脅以威番人夜襲奪其寶賂器械以去士卒死  
傷過半允乘良馬疾馳僅免亡其勅書空函馳奏乞  
歸而帝已沮矣

于經者與吳經蕪進並以太監侍豹房最親曠用事  
于經性尤貪黷首以財利誘帝創開皇店于九門通  
州宣大諸鎮權算舟車徼及擔負之利亦不得免然  
歲進僅八萬兩其餘侵牟所入亦甚不貲常建香山  
碧雲寺自治瑩域置庄動至數十萬皆出內帑帝亦  
常幸焉及帝南巡經危從未嘗離左右十五年九月  
帝過淮安漁于積水池舟覆溺焉歸而感疾食飲多  
不當意經狎寵應對忤旨帝怒曰此豎愚戇至此其  
置內書堂使翰林官約束之俟其出言能慎乃以聞  
時經已年長且不解文義至則俛首與諸小內豎肩  
終日默默也遂卒不得見帝以死至若比昵爲姦虧  
損帝德者則吳經蕪進爲尤甚帝之至揚州也進使  
經先馳至揚選民居壯麗者改爲提督府將駐蹕焉  
又矯帝意刷處女寡婦民間洶洶有女悉令適人且  
逃匿乘夜爭門出不可禁知府蔣瑤請於經經怒曰  
汝小官敢爾汝頭願欲斫耶揮之去經始知寡婦及



娼戶家夜半遣騎卒數十人啟城門縛舟駕至燃炬通衢光如白日經徧入其家梓諸婦以出至破垣毀屋亡得脫者哭聲震遠近乃以諸婦分送苑寺自是諸婦家爭以金贖歸貧者悉收提督府有憤恚死者及帝北歸得疾臥豹房左右惟蕪進及陳敬在謂之曰朕疾殆不可爲矣爾等可傳司禮監官以朕意達之皇太后天下事重其與輔臣審處之前此事皆由朕而誤亦非汝衆人所能與也其不欲歸罪羣下如此故宦官之禍終武宗之世不能去世宗入立重者發孝陵充軍或司香弟姪封爵皆奪惟張永以誅瑾功見稱世宗初降奉御後復召入團營焉別有傳張永北直新城人初與劉瑾等號八黨瑾既得志掌司禮監永總神機營並居中用事瑾剛戾愴邪日甚毒流海內而永故多智頗好附正人雖貴幸無大過久之漸惡瑾所爲遂與之貳正德五年三月瑾伺間言于帝將調永南京俟奏可即日逐永就道榜諸禁門不許復入永覺之直趨御前訴已無罪爲瑾所害俄召瑾至語不合永即奮拳毆瑾谷大用等勸止之帝命諸寺人置酒解和由是瑾永始自相圖矣四月安化王寘鑑反帝命永及右都御史楊欽清往討臨

發帝爲幸東安門戎服送之命兵部給康金關防金爪鋼斧以行責寵亡比瑾益心忌之而帝意方向永不得間蓋欲俟其出而除之耳及師出寘鑑已禽一清因勸永誅瑾計已定永遂率其部曲五百騎撫定寧夏即馳還獻俘奏誅之語具瑾傳永以是聲望出諸閣上用一清之謀也初永西征時師次靈州欲奏瑾不法事一清曰二公皆帷幄重臣公今在外不宜輕起叢端永厲聲曰先生不知吾何畏彼哉一清曰彼方在帝左右有言能保其必達乎且扶蕪父子之親蒙恬之有功卒墮趙高之手不可不慮也永大然之已而知瑾頗聞其言將不利永幸其歸速而爲謀其秘故卒爲永所制于是大學士李東陽等奏言旬月之間二難交作悉底平定皆太監張永之功遂封永兄富爲泰安伯弟容爲安定伯而人亦快永之能誅瑾也無賢愚皆頌之永益自勵思力矯逆瑾奢僭之非嘗以窮苦魚菜四字爲題使閣臣李東陽楊廷和等賦詩刊布中外然是時中原羣盜已大起矣內官魏彬谷大用張忠張銳及邊將江彬許泰等曰漢帝以武事游宴亡度宸濠之亂都御史王守仁已擒濠彬及張忠等勸帝使永趨守仁還綱濠鄱湖中俟



帝親與遇戰禽之以示武守仁至浙江爲永所遮不肯與相見守仁知永賢徑詣之叱門者入坐其臥榻上大呼曰我王守仁也來與公談國家大事永一見氣奪既聞其言忠憤慷慨稍就之然尚未遽下也曰公何爲國辛苦如是盍早投我懷中守仁曰豈有投人王節使耶公投我懷中則可與共成國事耳因言江右荼毒已極若王師南征亂將不可復弭永大悟因曰永此行爲羣小在側保護聖躬非爲操功來也公所懼與俱來者當歸我守仁乃以俘付之永至南京見帝具言守仁忠且有大大功勞不可掩而江彬數短守仁會方與帝奕戲永曰是亦賴守仁不然江西變且不測主人安得樂此帝曰方欲遣校逮之永曰何也帝曰彼嘗與寧王有私耳永曰甚善帝問之曰逮謀反者豈不甚善但恐不真耳彼真反者人方捕之來獻我又疑其同反而逮之是爲反者復仇也他日誰肯爲國家出死力以已亂乎且守仁昔以論瑾遭酷訊而無屈詞今試問上左右有能與瑾有對者耶因遍詢侍者皆謝不敢避去彬語塞復跪帝曰今即不逮守仁試召之倘不即來則反真矣永使急足馳告守仁守仁聞命即與使同至帝憫之復爲彬

所沮然帝意則已解矣乃復使永至江彬聞寧王故府財物永至禁從人不得登岸畧與檢括即還京人以此益賢永世宗入立諸閣皆廢斥永亦閑住嘉靖八年大學士楊一清奏言永在正德五年討定真鑄餘黨撫安軍民回京奏誅劉瑾朝野稱快宸濠之亂武宗南征張忠許泰以搜濠黨爲名誣引善類永多所開釋一方以安回鑾之日彬手握重兵以從人心惶惑而卒不敢萌異志者獨畏永耳及武宗晏駕遂以計禽彬防奸制變內臣若張永者誠不易得而置之閑散良可惜也乃起永掌御用監提督團營兼神機營操練永至是凡一掌司禮三縮御用監綬三督團營并總大兵兩扈帝領樞密節制撫鎮便宜行事祿米加至三百餘石父兄弟姪貴盛傾一時而名不衰先是權璫用事者柄司禮則振瑾屢典大兵則吉祥直米幾皆及于禍故終不及永

李芳事穆宗爲內官監太監帝即位之初芳以持正頗見信任工部尚書徐果匠役也以營造蹴官八座其屬冒太僕苑馬少卿者二人布政司叅議二人郎中員外郎三人官鴻臚光祿者百餘人芳首劾下部議悉汰之芳又請葺上林苑監增設襍役免祿百十



人裁光祿增用白熟細粳米四千五百石，白青鹽三萬勛，又酌減工部物料歲輸大內九千，其節省多類此。帝性恭儉，故芳言悉當帝意，而是時司禮諸閣有滕祥、孟冲、陳洪，方寵倖用事，皆不便芳言。人人思側目矣。會帝亦時好遊幸，三人者爭傾國帑，制奇玩以悅上心，作鼇山燈為長夜之飲，帝甚溺之，數不御朝。羣臣少得望見顏色，首輔徐階亦喋無一語。于是祥等益思攘臂弄威福，而芳獨切諫不已。帝心亦厭之，祥等復多謀孽其短，帝積不能平，忽金錦衣官執芳杖八十，繫刑部獄，待決。尚書毛愷言：「刑人，予市與衆共之，匪特使死者不冤，亦令生者不犯。」芳罪狀未明，莫知所坐。帝曰：「芳事朕無禮，其錮之。」芳錮諸閣，益橫。凡先朝故事，聞所不便者，即以其言廢革。其所便者，即已汰漸次求復。諸司執奏，帝輒罪其抗違。而三人因得以次言事，取中旨如響矣。先是，司禮太監黃錦廢其姪黃浦錦衣都督，以罪革錦，死。祥請帝起用浦，且為錦用其族人黃保等六人，以錦衣官守墓。祥嘗創私第，用廠木，任意裁斷。工部尚書雷禮不能制，言于帝，帝不悅。令致仕去。孟冲有私人為上林苑監，海戶王印許奏之。冲傳旨徑下鎮撫，外訊治編戍。

印而法司不與聞。帝嘗命肅府輔國將軍繆績墳襲封為王，部議以繆墳為懷王從父，不得繼襲，而陳洪入其賄力主之。部議竟不能奪。又其時織造之使數出，初年費四十萬金，次年洪復請加六十萬，解例不如意，改詔取新樣，難之。而傳買珠玉帖，屢下，即皆諸中官出囊私藏物，高價侵牟，不可問。內庫嘗以空頭劄傳示戶部進銀三十萬兩，一燈費至三萬金，一事旬日間六更明旨，駸駸似正德時事矣。帝有事于太廟，諸巨畜皆冠進賢冠，祭服從各進饋，益以次上食，爵賞辭謝與六卿埒，而溫綸溢其上。廷臣以論劾得罪者，初年則太常少卿周怡得外補去，其後科僅石星、李己、陳吾德、御史詹仰庇、尚寶司丞鄭履淳皆廷杖削籍。祥等三人，其弟姪廢官錦衣指揮千百戶者各二十人。洪弟都以千戶掌鎮撫司陞錦衣指揮使，芳在獄二年，刑科舒化以熱審請始釋。充南京軍馮保號雙林神宗朝司禮太監也。保嘉靖之季已陞文書房秉筆，穆宗不豫，召閣臣高拱、高儀、張居正等三人入受頌命。次日始命保掌司禮監及帝崩，神宗十齡保居中用事，遽傳大行遺詔云：「閣臣與司禮監保同受頌命，聞者大駭，而首輔拱故憐在，陵人自以



得與憑几言毅然欲總宮府權以裁抑諸中貴人然與居正俱負氣不相下也一日內使傳旨至閣拱曰旨出何人上冲年皆若曹所為吾且逐若曹矣保大驚居正亦欲逐拱覲首輔遂與保合謀六月望日召諸大臣集會極門保傳旨勅拱休致即日就道緹騎兵番圍繞左右拱踉蹌乘一牛車去未幾有男子王大

臣者袖刀入乾清宮被獲帝付保鞠治居正密報曰可借以除高氏也保使家卒辛儒給大臣酒食衣以蟒袴佩二劍劍首飾猫睛異寶送繫殿中而屏語大臣曰第言高相君怨望使汝行刺懼罪先首其致即當官錦衣賞千金不者榜掠死矣尚書楊博御史葛守禮聞之過居正阻其謀而受計錦衣都督朱希壽令校尉誘大臣吐實當免死語詳博傳及會審風霾晝晦東廠理刑官皆懼曰天意如此可不畏乎保引大臣問誰主使者大臣瞪目仰視曰爾使我乃問也保氣奪復問爾言高相國何也曰爾殺我我則豈識高相國希孝復詰其蟒袴寶劍曰此馮家卒辛儒所予耳保益懼希孝曰爾欲污獄使耶遂罷保密以生漆酒瘖大臣而斬之獄遂解由是舉朝皆不直居正而惡保也五年居正值父喪謀奪情以保為內援

悉杖謫諸言官凡居正所忌者保為斥遂致盡又引罪犯徐爵內官張大受出入禁近日以招納權賄為事會居正卒保復使爵索其家名琴七張夜光珠九珍珠簾五金三萬兩銀十萬謂其子簡修曰此上意所取也然是時帝已年長親政矣帝初嬖宦者孫海客用等慈聖皇太后召戒而斥之內庭惟保為大璫而居正倚保有震主威帝雖優禮二人心弗善也及是頗聞其交通有姦利事益不平時東宮舊監張鯨者乘間說帝傳旨令保私宅居住帝允之已復謫奉御居南京御史李植江東之等各疏言保罪惡極宜賜顯戮于是遂籍沒保及張大受徐爵楊等家產收保弟佑姓邦寧等並戾死獄中保亦卒元江南

馬先是帝弟潞王之婚也內庫稱所需珠寶未備慈聖問以為言帝曰辦此不難近年廷臣亡耻盡獻張馮二家耳故馮遂繼張籍沒也

殷內官者年七十餘不知何許人保害高拱時先以漆酒瘖王大臣而密以拱行刺上聞殷直前奏曰高拱故忠臣何為有此又四顧保曰高翰子是正直人張居正忮刻必欲殺之我輩內官何須助彼保大沮

太監張宏亦力言其不可帝意遂解拱得免



張宏廣東人號南張公繼馮保爲司禮監張鯨掌東  
廠宏之門下也神宗優禮宏不如馮保而推心則過  
之嘗命閱視京營被春遇其後帝稍倦勤左右羣小  
爭以財利盡帝心宏不敢諫鬱鬱不食而卒鯨獨剛  
懷寡合而心慕聲勢權利事其逐馮保也惡保久任  
而專思奪之故數勸帝帝心憚保未決曰汝第爲之  
若大伴上殿未朕不管曰皇上有旨馮必不敢違也  
由是保黜而鯨得掌東廠兼內府供用庫及宏卒遂  
掌司禮監又任其司房邢尚智貪黷亡厭耽于聲色  
帝以潛邸舊恩特庇之言官李沂首疏論劾帶杖謫  
沂而出鯨于外宅南京御史俞咨禹請復李沂官而  
正權閣張鯨之罪帝報曰已有旨鯨退矣自是帝多  
以疾不視朝南北諸大臣多有疑張鯨不用遂廢朝  
政者吏部尚書楊巍言皇上久不視朝則羣臣猜疑  
愈甚臣以爲宜加珍攝少俟秋爽臨御與閣部諸臣  
商確時政則上下協和羣心胥慶豈但釋中外之疑  
而已哉時十七年六月也八月復召鯨入內庭供事  
吏科都給事中陳與郊等言皇上親見張鯨罪過罷  
歸私第以允天下之公望何乃出不終歲而復入乎  
一歲之中隨退隨進盈廷苦口悉付流水此邦家大

憂也御史賈希曾亦言鯨倚邢尚智擅作威福賄賂  
大彰今尚智已問重辟鯨安得無罪其仍處之私宅  
便已而南吏部尚書陸光祖科道徐常吉王以通等  
疏亦至皆不聽是年十二月大理評事雒于仁復上  
疏極諫言陛下朝講不御政務廢弛皆酒色財氣爲  
之累也因進四箴其箴貪財者有曰李沂之瘡痍未  
平而張鯨憑錢神復入此其病在貪財者也帝覽之  
怒甚不語者良久明年元日召輔臣申時行等入毓  
德宮手劄于仁疏示之命削其籍曰此疏不可以付  
外廷仍命鯨跪聽申時行等戒諭之自是鯨遂爲士  
大夫所薄寵漸衰退廢數年而卒尚智亦永  
陳增神宗朝礦稅太監也神宗十六年嘗遣中使禱  
祠五臺山既還奏言紫荆關外廣昌靈邑可定礦砂  
作銀冶爲奸民張守清擅其利帝以語大學士申時  
行時行請勅撫按禁戢帝不得已命塞礦洞違守清  
伏法然是時朝廷殿工未就又內府織造召買珠寶  
之今日下帑金珠不給也二十四年有府軍千戶仲  
春者請開礦助大工帝遠從之諸大臣多言開採非  
便大學士張位以爲利出于天地之自然可益國而  
無病民帝大以爲然于是言礦穴者爭走闕下上書



皆隨奏隨遣用中貴人數十輩悉賜勅給閱防挾參  
隨旗校四出增送同府軍指揮曾守約開採山東增  
始至即以阻撓劾福山知縣韋國賢下獄而益都知  
縣吳宗堯言增用上行私益都舊有鉛砂無銀礦增  
勅採者代輸遲則逮及妻孥吏民驚懼帝下宗堯鎮  
撫司拷問則其籍巡撫都御史尹應元奏增二十大  
罪亦奪俸明年命增兼徵山東店稅自是諸閭閻權  
醜司木廠稅課皆領于羣閣增復與臨清稅監馬堂  
爭稅帝為曲意和解使堂稅臨清增稅東昌而增益  
橫不復可制矣其黨程守訓全治張大亨等外徐宿  
達淮揚抵南京蘇浙所過招集豪猾為奸利殺殺人  
亡敢問者巡撫直隸都御史劉曰梧奏言奸人假托  
詔旨擅置官屬往來京省竊弄威福道路宣傳有武  
英殿中書程守訓稱奉密旨凡有大商巨室違法致  
富及官民軍舍懷藏珍寶者悉聽告發臣初不信此  
至則旌蓋車馬填塞街衢列金書欽命告密牌四甲  
士翼而趨戈矛劍戟擁衛如鹵簿以奸人全治為中  
軍別踞高艦邏卒數百出匿名文書指甲為乙曰此  
富而違法者曰此家藏珍寶者皆被銀鑄囊三木覓  
而過都市索賂多者萬金少亦不下數千百如儀真

監生李長材京商王懋信淮揚高汪方全諸巨姓無  
不立碎其家守訓方且之金陵之蕪湖又過其原籍  
歛縣門建一坊曰帝心簡在宴游賞賜之費動以百  
金私置婢妾妄稱進御又號于眾曰我天子門生部  
院不得考察督撫不得糾彈及臣細訪其人則市井  
無賴屠沽淮上竊伎而逃者也不審陳增何故認為  
姪僭以致猴冠虎翼薰灼如此利盡一人怨歸君上  
伏惟陛下大奮乾斷肆守訓全治于市曹臣知籍沒  
一守訓即可得數十萬金且可以為假詔虐民之戒  
也疏入不報已而經理兩淮鹽務內監魯保恭奏守  
訓及張大亨等挾勢詐害淮商阻塞鹽課帝始竊責  
令陳增勸明回奏至其諸道委官如劉英等數殺人  
劫財姦民婦諸不法狀帝皆不能詰也三十二年八  
月鳳陽撫臣李三才報稱稅監陳增搜獲參隨程守  
訓王維忠等多藏匿奇珍異寶龍文借越諸物及家  
人所供賂銀四十萬兩始命三才械守訓等至京究  
問而增已死天下以為失刑焉  
陳奉者御馬監監丞也性狠戾敢于為惡出同輩上  
二十七年奉命徵荊州店稅兼採興國州礦洞丹砂  
及錢廠鼓鑄事奉既兼領數使每假巡歷驛驛諸道



所過鞭笞官吏剽奪行旅楚人怨次骨焉八月奉自武昌抵荊州商民隨而譟者數千人爭以瓦石擊奉賴道臣防護得免奉遂誣奏荊州知府李商耕推官華鈺荊門知州高則翼鼓衆倡亂帝為遠治鈺而降商耕等會與國奸民言徐鼎等開唐相李林甫墓得金器及黃金數萬帝命奉括送內庫奉因勒民賠償且悉發諸墓求之楚人益憤明年黃州漢陽二郡民詣撫按臺門訴奉臺門不敢啓無與理者奉復使荊州衛王指揮開礦殺城不獲責主簿脅取庫金邑人怒擊之指揮走免餘盡溺之江中武昌兵備使馮應京者廉明強直人也列奉十大罪上之被降因廷臣請復應京官遂命革職已而奉復開礦襄陽知縣王之翰以地近顯陵拒之奉遂誣之翰併及襄陽通判邸宅推官何棟如廷臣復有白其無罪者帝曰前見科道官多黨救馮應京近又救王之翰等其遣官併逮應京等米京寃治未幾湖廣巡撫支可大言應京被逮之日百姓羣聚呼號欲逐陳奉奉盛陳兵衛殺二人擁入楚府命參隨三百人引兵追逐復射殺數人傷者不可勝數奉見民怨已深亦自願還乞即撤回不報及應京已去奉大書應京名榜其罪狀于

通衢衆遂大怒羣聚欲殺奉奉匿楚府踰月不敢出執其左右耿文登等六人投之江又恨巡撫曲獲陳奉縱火焚其棘門三郡耆老李之用等復叩闕言應京之忠清陳奉之貪墨哀呼乞命而內閣科道章日數上皆不聽及江西稅監李道言奉在楚水則阻塞舟商陸則攔截販賣病國剝民徵三解一帝始下詔切責奉以工部侍郎趙可懷撫楚遣官伴奉回京為奉既至科臣陳維春言奉凌逼親藩以惡言侮襄王妃挾詐重賄前後盜匿稅銀不計其數乞追贖正法而給事郭如星亦言巡撫趙可懷伏謁陳奉遣官護送奉之多賊與所陳兵器一切不以上聞是支可大縱匣外之虎而可懷憚匣中之虎也宜置奉于理而罷可懷帝覽疏不懌數日復降諭曰陳奉遵旨伴送回京少俟自有裁處何乃各官紛紛牽扯浮言誣害良善郭如星陳維春姑念言官降邊方雜職馮應京邸宅等俱送鎮撫司打問來說應京尋釋歸數年卒之翰斃于獄可懷以庇奉得褒美益帝之遂非如此高淮遼東稅監也初為尚膳太監神宗于諸稅監言事無不得請者諸稅監怙寵驕恣恐民不順多挾兵衛以自固淮及梁永為尤甚為淮素聞文義常因勸



事誤指有司移牒中有譏罵語帝為立罷有司聞者  
咲之委官廖國泰激變土民淮誣繫諸生數十人巡  
按御史楊宏科救之不能得已而淮部下參隨楊承  
恩等詐財事覺始得旨問擬仍以淮同臨會勘帝之  
狗庇中官皆此類也萬曆三十年淮請復遼東馬市  
願歲進銀二千名馬五十巡撫趙楫言遼東舊有馬  
木二市馬市設于廣寧木市設于義州向經停罷自  
萬曆二十八年臣與邊道諸臣奏請復設酌撫賞之  
宜絕窺伺之釁中外帖然遵行已久而淮忽有此請  
此殆欲規重利撓事權也疏上帝但賜淮蟒衣事竟  
寢八月兵部尚書蕭大亨言于帝曰近見稅監高淮  
類題本內有鎮守協同關務之銜不勝駭愕臣惟遼  
東之有鎮守所以保障巖疆山海之設關臣所以禁  
詰姦宄或會官廷推或坐名題補始得奉專勒行事  
淮雖傳奉特旨不過曰遼東礦稅征收馬市方物尚  
膳監太監耳自礦稅而外于鎮守關務不得妄干而  
淮儼然竊之勢將威福自由機宜中制鎮臣所為保  
障者淮則藉以交通閹臣所為禁詰者淮則藉以欺  
誑貽禍邊關誰執其咎臣姑無遠論即如近者馬木  
二市此與淮何與乃以虛詞聳聽妄邀蟒衣之賜即

此一事已足見其欺罔恣肆之漸而可使之稔惡而播  
虐耶帝謬曰高淮協管關務前有屢旨其仍遵旨行于  
是言者攻淮甚急淮益募死士出塞射獵戎服坐麾下  
遣人持黃票龍旗走朝鮮索冠珠貂馬自率甲騎數百  
馳詣京師貴重賂以求典兵關門有警輒擁家卒官軍  
自衛退則與諸邊將爭功又以索馬前屯致衛兵激而  
北投為諸將遮回而山海關內外叛卒數千人盡甲而  
操擺塘揮血誓殺淮而食其肉淮內奔僅以身免為大  
學士朱賡言淮激變遼左未踰月而前屯松山廣寧山  
海亂者四見告矣又叩剋鎮餉屢請不與以此饑軍合  
于叛眾臣不知遼事之所終也未幾淮以逐殺稅使奏  
速同知王邦才邊人大諱科道交章論救不允總督劉  
遠都御史蹇達再疏暴其罪狀乃始召淮還以稅監張  
擘領其事淮在遼左九年軍民憤怒徒以微俸得脫及  
梁永之撤也長安令滿朝薦被逮淮抗疏言梁永効力  
狗馬亦既有年請發供原職使外廷不得藉口于中使  
天下不得以礦稅為病民又陽為朝薦求寬以嘲刺士  
大夫窺帝意其奸益出諸中官上也  
梁永陝西稅監也稅監故不典兵永獨招集亡命蓄  
馬五百匹出入邊塞人皆莫測其所為不敢語也有



源奏官千戶樂綱最桀黠教永為奸利事而外以和柔結諸中貴人神宗甚親信之富平知縣王正志渭南知縣徐斗牛廉吏也正志先以發永奸被逮永使委官杭大賢領衆直入渭南賁賂立擅殺諸吏卒坐縣廳事大詔斗牛憤死巡撫賈待問奏之帝命同梁永會勘給事中楊應文言斗牛之冤陛下業已洞鑿永身為主使罪與大賢同科豈可使偃然任會勘之事乎未幾永自請加鎮守職銜又言花馬池慶陽諸處鹽池久為奸民侵占願領兵巡察徵其歲課萬餘金以助大工督撫又交章阻之帝皆不報永遂假巡察為名率其諸亡命蒞葢鼓吹以出肆行劫掠盡發歷代帝王陵寢搜求古金玉器物又索咸陽諸屬縣冰片羊羝麝麟各數百斤邑令皆單騎脫走杖殺縣丞鄭思顏指揮劉應聘等強奪良民子弟數十人悉宮之縱樂網葦日夜為淫酗大學士沈鯉朱賡皆言秦人怨永已深宜早撤還會御史余懋衡方按陝永內不自安使綱進蠱毒懋衡幾斃訟其事于朝言官攻永章至數十上永不為動已而巡按御史王基洪言梁永必反具陳其斬閔奪囚殺傷吏民狀長安令滿朝薦亦自遜民兵偵賊甚急諸亡命稍稍叛去其

渠魁王九功石君章馬守才等貴重寶輜輶盈路為內遣杖持劍戟弓弩結陣以行而永所遣人解馬匹者已乘郵傳先發九功等急馳出欲與郵傳合不得及諸民兵知其亡命也追至渭南盡奪其背裝以去御史余懋衡以兵賊互相殺傷奏聞永大窘綱進曰公何不藉此傾撫按諸臣歸惡長安令豈徒自脫且可為九功輩復仇也永大然之使人繫秦髮中馳入都言九功等各貢名馬持孝順錢糧索金珠寶石睛綠綠環鐸簪耳瑇瑁諸物而長安令滿朝薦承余御史旨伏兵渭南劫取之嚮石君章馬守才投尸于河帝覽奏怒曰御史故無恙而朝薦代為報復劫取貢物命趨逮朝薦護梁永樂綱等還京于是秦人始慶業堵而朝薦錮詔獄者十餘年楊榮初為尚膳太監以言利得幸于神宗命監稅雲南專事誣罔為民患榮嘗奏稱阿瓦猛密諸番效順遣使叩關致方物願自比于內屬縣其地有寶井多睛綠珍珠之屬願假臣專勅領其事可歲益水衡數十萬縉帝遽命寫勅予之而榮所進奉不得什一乃誣知府周鋒侵匿珠寶下之法司榮既以欺得厚利又請詔麗江土官木增退還侵地聽開採巡撫都御



史宋興祖言麗江古荒服地自本朝始率衆歸誠太祖令木氏世知府事限右門以絕西域守鐵橋以斷吐蕃國家自有雲南以來無西域之患者以麗江爲之蔽也其地在金沙江之東接據永寧向以經界混淆久乃勘定今欲退地聽採必失首帥之心禍將有不可勝言者請下其議令榮自勘利害以聞不報榮自是益驕不可制恣行威虐所杖斃至數千人州郡命吏朝奏夕逮知府蔡如川知州甘學書皆以康吏坐錮詔獄滇人益怒遂燔榮稅廠殺其委官張安民奏至大學士沈鯉言于帝曰民怒如水火不可犯也請下詔寬宥暴榮罪狀帝雖知其暴置弗問榮亦不悛三十四年榮執指揮使樊高明楊掠私第中筋絕仍荷校國門又以索馬繫指揮賀瑞鳳且聲言當盡捕六衛官于是指揮賀世勛等率兵民萬人縱火圍其署執榮殺之投尸烈焰中徒黨輻重皆燼天下聞而快之帝爲不食者數日他如孫朝之在山西李鳳之在廣東潘相李道之在江西馬堂張暉之在臨清天津魯保准上魯坤河南並分據要津毒流京省釀亂激變之事無歲不告而金玉珍寶錦綺縑帛悉輦私門海內虛耗矣帝啟之也初帝嘗不豫召閣臣沈

一貫楊前諭以輔太子罷礦稅起廢釋禁三事翌日帝少安命寢不行太監田義諫曰諭已頒發不可反汗也帝大怒自起欲手刃義義不爲動一貫懼亟持前諭繼進義迎而唾之自後又十四年而礦稅始罷蓋遺詔也

陳矩字萬化安肅人嘉靖中以幼童選入隸司禮太監高忠門下錦衣帥陸炳見之曰是兒功名不在我下而令名當過之萬曆十一年始爲司禮監秉筆得言事帝前帝嘗怒言官姜士昌欲廷杖之矩嘆曰昔天子杖王給諫德完曾與田太監義叩墀爭不得今當我司監務而又行此事乎已復獨坐深念俄被召至暖閣語良久秘不得聞矩遽出大喜持姜疏招文書房官人曰爲我索黃紙封下姜得輕責矣雲南民攻殺稅監楊榮燔其尸帝將逮有司問狀捕誅亂者矩進曰內臣奉使固宜仰遵上指而所携原奏官及旂校人必有不諳事理而越法者若但罪有司緹騎追攝萬餘里驚駭聽聞恐致非常宜行從實勘結便榮昌公主者帝嫡長女也與駙馬都尉楊春元有爭春元拂衣歸里帝召矩將議其罪曰此閨壺事不宜上動聖心當以閣諭召回戴平巾演禮此故事也帝



並從之其善成君德識大體如此時帝臨御日久儲嗣未建而皇貴妃鄭氏方有寵有為妖書鄭皇親門者言帝以鄭氏故謀易儲詞多引將相諸大臣帝怒甚詔廠衛列卒搜捕轉相攀染送詔獄者甚衆而久不得主名或誣錦衣指揮周嘉慶禽其僕煨煉成獄矩至廠一訊即釋之錦衣官王之楨欲陷嘉慶密以屬首輔沈一貫沈故與閣臣沈鯉講官郭正域有嫌使人謂矩曰獄詞具當連二人勿遺也矩曰若相公欲如此問者可具揭奏知主上矩當奉旨行事脫有變更煩相公擔承耳其人驚而去及獲燬生光遂引服而獄亦定生光故常以蜚語詐鄭氏金論成者也三十四年矩奉詔大審將論囚三法司官皆起立向矩曰曹御史學程以阻封閑白事繫獄十年九十之母思子而替學程且旦夕死不得與母訣今東事已平宮闈疊慶恩赦之詔無歲不下學程願不得一沾耶惟太監詳之矩謝曰此事重大非某所敢主已而密請于帝竟得釋一時士大夫翕然稱之謂本朝數百年司廠衛者以羅織多殺人為威惟矩能矯然自異持平恕也矩由是名重京師生平喜讀書寡嗜好

來妖書之獄正域終籍其力以免卒年六十九神宗甚悼惜之予祭九壇以忠清額其祠焉劉若愚直隸延慶州人矩門下也幼自宮選入內書堂好學工書矩數稱之于王太監安高太監時明並見賞譽矩卒始陞奉御以誑誤被繫者十年因頓不聊稍取經史讀之學日益進知為文光宗初得釋陞司禮監寫字高時明為秉筆若愚以舊識侍左右甚歡魏璫擅政時明罷若愚亦退歸御馬監屏居私第為璫黨李永貞以若愚善書而文復取入內直房供筆札永貞故多密謀若愚亦畏璫遠嫌心識之而已不敢與外廷通永貞敗楊維垣始欲自異若愚遂被劾降充孝陵淨軍已而御史劉重慶追論李實印本事遂與實永貞同坐奸黨論斬屢獻始得減等焉然若愚在當時雖為永貞所引而名位甚卑又頗見疎忌祿賜恩賡亦未嘗及也廷鞠時周順昌七人之死印本之填皆確有主名若愚終以永貞故久滯詔獄乃作酌中志畧以敘述其事當時多有悲其不幸者王安宇允逸北直推縣人初選入內書堂司禮太監馮保門下也保籍沒後安以年幼為張宏所庇得免斥萬曆二十二年太監陳矩薦之于神宗命為皇長



子伴讀時儲位未定皇長子生母王恭妃亡寵貴妃鄭氏有易樹謀廷臣爭國本者多被譴獨安以舊侍左右維護之鄭氏數被太子過亡所得久之得立而挺擊事起外廷將歸獄成晚鄭國奉語侵責妃東宮下令旨解釋羣疑安鄭氏心帝始悅益安所屬草也光宗即位用潛邸恩甚眷顧之帝嘗以請蠲金花銀兩欲杖給事中周朝瑞安力諫得止又勸帝善事鄭貴妃發內帑二百萬濟邊起用直臣鄒元標王德完等于初政大有裨益而是時西宮李選侍方得幸驕貴數凌熹宗生母王才人宮中號曰西李安意嘗忿然獨末為之下光宗大漸選侍挾封皇后不果及崩遂居乾清宮與內侍李進忠謀垂簾稱制安以密揭發其謀給事中楊璉知之即日約諸大臣入謁皇太子選侍阻之于煖閣安以計給選侍抱太子以出與諸大臣擁之登文華殿叩頭畢請暫居慈慶宮已而選侍復邀太子同居乾清安又宣言以為不可于是移宮之疏入選侍始退居仁壽殿當是時安之功為多熹宗手書輔朕為仁明之主七字賜之安遂為內廷重臣矣初帝有乳媪白容氏素與安門下魏朝通及朝薦魏忠賢為典膳亦通為容氏遂獻朝而愛忠

賢又與之共事安甚謹而朝未之知也反舉之于安及忠賢為楊璉所劾安以忠賢初名李進忠謬以選侍宮中李進忠者為一人遂得脫未幾御史方震孺復攻客魏帝暫出容氏于外而令安治忠賢罪安但戒而釋之安凡為恩于忠賢者再而容氏忌之益深以謂能生死我二人者安也會朝與忠賢夜擁容氏于乾清宮煖閣醉詈而置帝驚起諸大璫皆侍二人跪御榻前聽處分帝詢知客氏意以予忠賢安既久中客魏之使而心醜朝所為勒之告退朝自是不得至御前忠賢遂專有容氏而安勢始孤天啟元年五月帝命安掌司禮監其疏辭意當得溫旨即出而忠賢之黨王體乾者思攘其印屬容氏言于帝使允安辭得遂殺之忠賢以安舊恩未決體乾使容氏怵之曰我你比西李何如毋貽後悔也忠賢遂嗾給事中霍維華劾安降充南海子爭軍而以劉朝提督南海子朝為選侍私人故以移宮事銜安者遂縊殺安安死而客魏之禍始烈焉安好附正人素為羣閹所嚴憚然多病不良于行帝間有召問使人扶掖而前歲不過數至故諺間易入又性剛介而疎能彈選侍之衆而不能防客魏之奸卒以冤死聞者悲之其後奸



黨遂以移宮事指東林諸人為交通近侍威逼宮闈  
由此其始也

魏忠賢北直肅寧人少亡賴嗜酒善唱好馳馬射多  
奇中雖未嘗識字而粗有膽力猜狠自用嘗與群少  
年博不勝走入市肆為羣少所窘辱恚而自宮變姓  
名曰李進忠天啟二年始復今姓名初被選時隸司  
禮太監孫暹門下有丘乘雲者亦暹門下也丘監稅  
四川忠賢與同輩徐應元等日夜飲博如故貧甚乃  
走四川謁丘監丘聞其亡行閉空室中幾斃尋釋歸  
黃綠入甲字庫漸饒裕時光宗在東宮熹宗為太孫  
奉御皆甚非熹宗與生母王才人無典膳者忠賢因  
王安門下魏朝薦以入乃益市珍果美饌及玩好物  
獻熹宗導之宴游得其懽遂與朝淫于熹宗之乳媪  
客氏及熹宗立忠賢客氏始有寵而未敢肆乃一意  
奉王安結朝為兄弟以故忠賢兩為言官所劾皆安  
救之未幾遂奪客氏而逐朝又與客氏及王體乾以  
計殺王安語詳安傳中自是體乾得掌司禮監忠賢  
自領東廠而分布其黨于諸監局以李永貞等司文  
書客氏封奉聖夫人內外交構如枹鼓之應為給事  
中侯震賜上疏曰中涓羣小場竈借叢自古為戒王

聖不而煽江京李涇之奸趙燒寵而構曹節王甫之  
禍可為寒心帝怒降之御史倪思憲王心一相繼論  
劾皆謫外吏部尚書周嘉謨救之不報忠賢乃始勸  
帝選武備練火器設立內操密遣掌班劉榮結閣臣  
沈淮為援而霍維華孫杰顧秉謙魏廣徵首附之杰  
遷劾去尚書周嘉謨閣臣劉一燝以自效二年科臣  
惠世揚刑部尚書王紀疏論淮與客魏交通帝謫世  
揚而削紀籍御史周宗建修撰文震孟太僕卿滿朝  
薦俱以言被譴十二月陞維華與杰為京堂官東謙  
廣徵並為大學士三年八月忠賢導帝內操皇子生  
震死為御史黃尊素李應昇等劾奏之並請旨切責  
忠賢由是益無忌增置內標萬人皆衷甲出入威行  
宮掖嘗以忌殺光宗選侍趙氏裕妃張氏者已有姓  
令客氏譖于帝絕其食飲幽死覆道中而帝所幸諸  
貴人多以無罪遇害又革成妃李氏封中宮張皇后  
方孕而疾密使宮人以計墜之帝由此乏嗣宮中皆  
莫敢言當是時忠賢所忌者獨外廷耳而東林諸正  
人方攻之甚力忠賢思就外廷以攻外廷恐附和者  
少科臣傅概揣知其意上疏劾左副都御史楊漣吏  
科都給事魏大中詞引故監王安中書汪文言誣以



交通賴其時多正人得免六月楊連劾忠賢二十四  
大罪密以草示僉都御史左光斗侍讀繆昌期皆擊  
節稱快超使上之疏入忠賢頗懼求解于輔臣韓爌  
爌不應忠賢直超帝所泣訴辭職客氏從旁力爭教  
以語激帝體乾永貞諸閹復唱和恣怒之帝憤然不  
能辨也反降旨慰諭忠賢而連疏次日下被切責連  
益忿急補牘以伺對仗忠賢偵知逼帝三日不出忽  
御皇極門刀劍森立異往常仗下諸武閹皆目攝連  
俄傳呼左班官不許擅出奏事廷臣公憤愈甚繼連  
而上者凡百餘疏皆不報忠賢既得志思立威以覘  
外廷閹臣馮銓始教之與大獄行廷杖且曰外廷不  
足懼也適工部郎萬燦上疏忤燦大怒使羣閹捽至  
閤用大杖立斃之御史林汝肅亦以巡城誤撻一小  
火者聞燦事懼而亡去忠賢方忌正類欲逐輔臣葉  
向高而林其鄉人也使人圍噪其第大索向高奏之  
帝不問亦憤甚致仕去亡何御史崔呈秀以賊污為  
左都御史高攀龍所奏論戍呈秀囚服叩頭于忠賢  
忠賢方與外廷爭大喜收為義兒是年十月帝頒朔  
享太廟適廣微後至魏大中以疏參被責御史李應  
昇爭之廣微見其疏有當讀父書語恚不食二日先

是廣微父允貞以忠直稱與吏部尚書趙南星為執  
友趙惡廣微通內每嘆曰允貞無兒故怨二人次骨  
而與呈秀合一時號曰崔魏蓋自傅樾發難至此而  
朝士之禍乃不可解矣于是假會推晉撫謝應祥  
降科臣魏大中吏部員外夏嘉遇而趙南星高攀龍  
皆自求罷去詔推堪任冢宰左都者吏部侍郎陳于  
庭疏推馮從吾汪應蛟有旨貴以黨比削其籍而併  
及楊連左光斗又降河南道袁化中吏部郎中張光  
前一時紛紛去國如振槁語詳諸人傳中忠賢乃益  
知外廷果不足懼遂以舊怨逐輔臣韓爌而內閹皆  
出其門其協謀悉誅諸正人自此始也十二月使御  
史梁夢環復劾汪文言逮之獄五年春起用邵輔忠  
阮大鍼許弘綱等數十人並列津要而再應甲楊維  
垣爭上疏盡翻察典三案之舊矣五月命錦衣鎮撫  
許顯純勘汪文言誣逮楊左諸人而詞連南星等七  
月獄上初擬坐以移宮一案許顯純及徐大化田爾  
耕輩相與謀曰不引入移宮則罪名不大不假借封  
疆則賊私無據遂增入封疆別為一案而誣以受熊  
廷弼賂以汪文言為之證顧東謙從中擬旨逐月嚴  
追楊連左光斗魏大中袁化中周朝瑞顧大章皆棄



肢體先後斃于獄南星等十五人戍謫有差初庸微之通內也手疏宜前者數十人以示忠賢及呈秀等復獻天鑒錄與同志點將諸錄忠賢皆暗籍之次第芟除以講學諸人顧憲成鄒元標馮從吾高攀龍等為門戶之首以移宮封疆為文致之由而統名之曰東林黨凡附正者皆入為東林故書院名顧憲成高攀龍講學處也六年正月奸黨復請作三朝要典以明著黨人之罪于天下而此時忠賢所最忌者亦僅餘削奪數人而已乃矯旨復逮前御史李應昇侍讀繆昌期又取織監李賓空印本使李永貞代為奏劾而蕪松舊撫周起元左都御史高攀龍吏部郎中周順昌御史黃尊素李應昇悉羅織入之攀龍聞命自盡順昌方就逮為蕪人所擁擊殺緹騎二人忠賢始稍稍懼緹騎自是亦不敢復出然順昌卒偕五臣者死詔獄而黨人之足為難者至此而一盡其他所殺如詞臣丁乾學知府劉鐸中書吳懷賢吳養春等皆無與于東林之數者不可勝紀五月王恭廠災尚書薛貞頌忠賢有滅火功降勅褒美浙江巡撫潘汝楨遂首倡建祠帝為賜額由是上疏頌美者不下數百報功崇德隆恩之祠幾徧天下尋又建祠國學之傍

以配孔子九月忠賢進爵上公其姪良卿亦由肅寧伯進封寧國公子姓先為錦衣都督者又十餘人忠賢自念勢位已極將圖篡逆而以劉廷元崔呈秀分掌南北兵部自邊關重鎮以速益權稅課悉領以關人而心畏張皇后發其奸未敢動十月使劉志選梁夢環劾后父張國紀不法且謂后非國紀女語尤悖逆一日帝詣后所顧見書一冊問之后曰趙高傳也帝默然忠賢愈怒次日伏壯士數人于便殿帝搜得之見利及大驚送東廠忠賢欲誣國紀謀立信王為不軌王體乾止之曰主上凡事憤憤獨于夫婦兄弟間不薄脫有變吾屬無類矣始殺之以滅口時天啟六年十月也明年七月忠賢冒邊功加恩三等封魏鵬翼為安平伯又以三殿成加良卿太子太保封魏良棟為東安侯受冊之日而帝已不豫矣霍維華知之乃陽與忠賢密而密獻計令宮嬪詐稱有身竊魏良卿子以入忠賢輔之如新莽立孺子嬰故事忠賢喜使人婉諷后后以死拒計不行乃以帝命召信王帝憑榻語不甚辨猶以張后及忠賢為托致日帝崩忠賢使余文輔等迎信王即皇帝位時宮中左右悉奸黨帝心嘗凜凜廷臣無敢言者惟主事陸澄源錢



元慈論之及貢士錢嘉徵直疏其十大罪忠賢憤甚  
哭訴于帝帝令內侍讀嘉徵疏使聽之忠賢大懼而  
信邸舊監徐應元故忠賢所與飲博者也忠賢與客  
氏密結之以為內援帝乃召信邸舊侍百餘人入內  
供奉而安置應元于顯陵忠賢始引疾歸第十一月  
降小火者鳳陽司香忠賢仍環擁兵衛以行帝命兵  
部馬上人錦衣飛騎擒治奸黨監押前赴簡所忠賢  
行至阜城聞之自縊死仍剖尸三日懸首河間之西  
門笞殺客氏于浣衣局魏良卿侯國興客光先等棄  
市並籍沒之忠賢擅政凡五年毒流海內然實無他  
才能惟以狗馬游戲諸節事導帝使不得聞而已帝  
好武善騎數馳驟園塲中生斷狐兔以為樂性機巧  
工水嬉又好為屋宇雖巧匠不能及斧鋸鉗鑿丹髹  
彩至之具未嘗離側每操斤削墨群監環擁忠賢輒  
引體乾革奏事帝謬曰朕已悉矣以故大權旁落漸  
至亡上常乘馬過御前不下帝射殺其馬亦不謝也  
歲必數出凡禁中章奏其黨必選急足馳白然後下  
所過冠蓋車騎遮道拜伏忠賢坐文軒羽幢青蓋四  
馬曳之疾踰飛鳥顧盼亦未嘗及也笙鼓鏡吹鳴鑼  
之聲轟隱黃埃中不絕錦衣束玉鞞袴而握刀者拱

車左右馳自府傳優伶打圍蹴鞠與阜之人動以數  
萬隨每在外則京師衢市寂然者數日客氏自寓中  
歸私第亦如之兩家駟從過鹵簿帝嘗賜忠賢客氏  
金印各一其文曰顧命元臣曰奉聖夫人又為忠賢  
建坊肅寧先後得獎勅不可勝記內外章奏稱厥臣  
公而不名至與帝並封拜誥命內閣皆做九錫文為  
之忠賢益心輕諸閣臣任意為進退雖其所親暱如  
五虎五彪十義兒之屬一忤即斥去故雖奸黨亦畏  
之不敢叛擁戴勢成幾危社稷為其敗也天下猶以  
未正典刑為恨而助惡諸閣漏網頗眾其甚者著于  
篇左

李永貞通州人年十五為宦者入永年伯王棟宅侍  
孝端皇后母趙夫人萬曆中選入為坤寧宮近侍以  
罪被鎖十八年因通四書詩易尚書左氏傳史漢諸  
書善奕工楷法光宗初立以遺詔釋免復為近侍坤  
寧宮始得識忠賢尋陞司禮監忠賢用事引其黨史  
賓諸棟裴昇等為東筆永貞遂入棟幕忠賢之掌班  
劉榮棟僚屬也一見深相推獎為死友棟卒又薦之  
忠賢為文書房天啟三年陞玉帶隨堂東筆賜坐蟒  
椅枕匝月五遷與王體乾石元雅徐文輔並為忠賢



腹心凡章奏入永貞等三人先期看詳要處皆鈐寸紙白忠賢體乾為講解聽畢始議行每入直則各携小摺袖中疏黨人姓名遇崔魏輩有所處分輒爭出袖中摺指示之曰此某錄中人也降誦削奪無得脫者而永貞尤寂叵信貪狠專恣自體乾以下悉與忿爭不稍屈雖忠賢亦優容之嘗監三殿大工為莊烈皇帝治信邸漁內府金錢無算忠賢將敗首背之而與徐應元合陽引退閉小院中晝夜誦讀穴牆以通飲食聞忠賢罷即毀牆出而應元已斥矣始大懼遣掌班丁紹呂行十五萬金餽王體乾王永祚王本政等三人亦畏其反覆獻之御前永貞益不自安遂亡去會有旨降淨軍頭陵安置其兄成以失罪人縊死尋捕得之押赴頭陵又改鳳陽崇禎元年追論其代李實草奏陷高攀龍等執至京斬于市

石元雅雄縣人與李永貞同選入為兵仗局寫字善射而好畋不甚讀書泰昌元年忠賢薦之入司禮監歷陞秉筆掌針工局印提督南海子其掌家許秉昇故善崔呈秀崔得幸于忠賢許實導之也元雅因是得合崔魏之交為姦利每有密啟則屏人語移時方出及大工興後假監督數出與忠賢計事許亦衰老

不甚藉其力為熹宗崩許告退為霍維華所劾發遣鳳陽元雅亦懼禍亡去不知所終

徐文輔安肅人中年自宮初在外頗不得志為容氏子侯國興授讀天啟元年選入歷乾清宮管事陞隨堂秉筆掌御馬監總督太倉節慎二庫賜坐蟒襪枕與李永貞輩並寵用事然自侍內廷至今甫及四載得驟貴容魏力也先是太倉節慎二庫舊司以戶工部臣文輔為總督勢張甚不復入部視事奪駙馬都尉李承恩第為公廨又逼遷公主家廟于別室至耗內帑金數萬成之弘麗擬宸居署其額曰戶工總部出入駟從常數百人呵殿籠坊琴瑟警蹕清御聲勒諸曹郎以下庭參無敢逆其意者薰灼出羣閣上又饒有口辯最能記憶忠賢焚除正人偶有漏遺輒察出之不少貸常奏殺內官馬鑑以媚忠賢雖其同類亦皆側目莊烈皇帝之立也文輔與王朝輔以迎駕功希進用故與永貞比而事徐應元計不就永貞誅死文輔以賄免居南京

崔文昇神宗朝內侍皇貴妃鄭氏之私人也鄭有易儲謀羣臣以爭國本被譴者眾慈聖皇太后獨是廷議為帝言之光宗繇是得立為皇太子已而批擊事



起帝知震由鄭氏殺太監龐保劉成以滅口鄭氏謀不遂文昇故誦事貴妃心嘗怏怏日夜思伺間為計光宗即位遵遺命欲封貴妃鄭氏為皇后貴妃進美女四人文昇亦夤緣得陞司禮監秉筆掌御藥房侍左右帝仁孝寬仁不知察也乙卯帝不豫越二日御門帝容頓減既退遂不復視朝廷臣始知文昇用利藥也皆大驚聞臣方從哲等赴宮門問安有旨備言委頓狀外廷洶洶爭上書詰從哲以用藥乖方之故戚臣鄭養性懼其謀洩始請收還封后成命為給事中楊漣疏言賊臣崔文昇素不知醫宜以宗社神人托重之身輕為嘗試皇上哀毀之餘一日萬幾於法正宜清補文昇反投相伐之劑然則流言藉藉所謂與居之無節侍御之盡惑必文昇藉口以益其悞藥之奸莫掩外廷攻摘也如文昇者既益聖躬之疾必損聖明之名文昇之向其足食乎臣聞文昇調護府第有年不聞用藥謬誤今一旦若此有心之誤耶抑無心之誤耶有心則齏粉不足償無心則一誤宜容再誤皇上奈何置賊臣肘腋間哉疏入帝兩召諸臣于乾清宮諭以冊封選侍李氏輔立皇太子二事因語及壽宮時帝疾已彌留知不可為急命中使宣

鴻臚寺丞李可灼至趨和藥進紅丸一瀆史再進羣臣退次日帝崩于是中外藉藉皆言可灼以剗劑致帝上賓而閣臣方從哲遽擬旨賞可灼銀五十兩御史王安舜首爭之議者議起凡數十疏皆專攻從哲可灼而文昇則間一及之惟御史鄭宗周焦源溥傅宗龍馬逢臯李希孔及光祿少卿高攀龍等直折其罪而給事魏大中亦言文昇之罪不下張差而可灼次之御史吳姓謂文昇故投泄藥可灼誤進紅丸以藥之補泄相較則大黃之尅過于紅鉛而以事之早晚相衡則文昇之事浮于可灼既而諸大臣會議奏入可灼下法司論戍文昇發遣南京而已及魏闖柄政盡翻三案之舊詔免可灼戍召文昇還仍命總督漕運管理河道崇禎元年魏瑞誅盡撤天下鎮守織造漕運諸宦官文昇始奉命至京御史吳煥復上疏劾之言文昇引進李可灼漫投寒泄之藥以致光廟賓天罪在不赦又甘為逆賢腹心總督漕運控扼江淮要害與劉志選虎踞南北遙為聲援乘璫虐煽勒監司以下皆行屬禮擅繫紳士如縛雞豚巡按御史何早抗疏摘奸立遣譴逐剝軍害民幾成大變亟宜置之重典以快人心疏始上文昇約同黨伏宮門哭



聲徹御座帝大怒逮文昇及其黨各杖一百發充孝陵淨軍懷宗七年少詹文震孟請改光宗實錄歷舉三案是非謬者五事上之帝御平臺出疏示閣臣語次及紅丸事曰皇考病亟李可灼輕進紅丸以致升遐當日諸臣以付之不問者為是乎以據法執奏者為是乎又曰君父有疾豈是臣子可以嘗試邀功諸臣不行執奏反以執奏者為非有是理乎罪補溫體仁王應熊仍以要典中語朦混上奏帝亦只論可灼未及文昇竟無有明正其罪者

王體乾昌平州人魏忠賢黨也為人白皙而肥工諛佞以悅入外和柔而內深阻初選入內書堂陞文書房光宗即位充東宮典璽局掌御用監天啟初為尚膳太監時客氏及忠賢新有寵媚故監王安以求容體乾密結客魏交通霍維華等設王安而探司禮監印及都御史楊漣劾忠賢二十四大罪疏上被切責廷臣大譁繼連上者百餘疏帝使體乾誦而聽為凡招權亂政罔上不遺等語悉置不讀忠賢獲免深德之以體乾名位素高仍使居司禮而已掌東廠相依倚為姦工部郎萬燝之被杖也忠賢欲假以立威外廷體乾使錦衣使田爾耕于午門外重責斃之駢焉

都尉李承恩索忤忠賢常以事下獄體乾奉勅熟看坐法司堂執而笞之五十忠賢為一啟齒而已其阿附權奸侮辱勛戚士大夫如此忠賢雖總攬朝政而不諳文字體乾居內直房日夜引李承恩輩為忠賢謀主中外章奏重大者密鈐寸紙白忠賢又為講解大意然後下所司至御前口奏必伺帝酣醉玩弄時引忠賢輩急進帝望而可之如響焉遇票紅文書及改票動請御筆則體乾獨奏雖忠賢亦拱默聽之又意所不快事拂公論者一切以中旨內降行之外廷有所執奏輒請留中盛以白封置御前故其惡尤出忠賢上忠賢以殺東林黨人得志奸黨徐紹徽崔呈秀獻點將錄及天監同志諸錄忠賢使承恩輩按籍芟除畧盡體乾遂疑選人錢受益黃願素為侍郎錢謙益御史黃尊素之弟欲加禁錮聞者唾之及懷宗入立忠賢退體乾尚居司禮監李承恩餽金五萬兩求解體乾取其賂納之帝前承恩由是遂敗而體乾仍以賄免

高起潛錦寧監視太監也為人庸怯而愎素不知兵懷宗之六年流寇蔓延中原帝一意征討核功罪行間定賞罰始以太監陳大金聞思印謝文舉孫茂霖



等為內中軍分入大帥曹文詔左良玉張應昌諸營為監軍其在邊鎮者為監視于是起潛始監視錦寧為已而諸內臣所至多假綜核為名侵尅軍需臨敵輒擁精兵先遁諸將緣是皆無功帝亦悔之七年詔罷諸道太監惟閔寧稱要害起潛兼兩鎮提督得毋撤且給金幣賞功尋又廢其弟錦衣衛正千戶委用漸大帝益以起潛知兵為足任也九年七月我

大清兵入居庸帝使內中軍太監李國輔許進忠等分守紫荆倒馬諸關孫維武劉元斌以六千人防馬水河兵部尚書張鳳翼督援兵出師總督梁廷棟亦會兵南至特命起潛為總監給帑金三萬兩賞功牌千以司禮太監張雲漢韓贊周副之使巡城閱軍九月

大清師還出冷口起潛不敢進聞偵騎至曰師行四日矣始入石門山割三民級上功于是尚書鳳翼總督廷棟皆懼罪飲藥死起潛仍為總監明年行部視師命監司以下悉用軍禮上謁永平道劉景耀閔內道楊于國疏爭帝怒而斥之刑部主事張若麒者素與閔部楊嗣昌黨比為奸起潛與之有舊即奏請為餉司總理虛象昇之率兵入衛也議與嗣昌不合嗣

昌數齟齬之象昇賈庄戰死起潛匿不言快遂為嗣昌所譖不得予卹為其戚福自出黨惡罔上如此十七年閩賊逼京畿帝仍用之監寧前鎮中道乘閔走西山亡去不知所之起潛先後握兵柄者十二年數以逗撓干軍律帝嘗立五案大法繩封疆失事諸臣又以河南玩寇事殺太監劉元斌王裕民然皆不及起潛故得恣肆自如先是崇禎十一年馮元勳以邊警守濟寧與士卒同甘苦臥起城頭六十餘日起潛為總監藉口應援遣游兵數十人大掠城下馮奮斬畧盡起潛大怒命人責取本州不用援兵狀馮即書與之城卒全有張作揖者以疏劾起潛忤帝意立命回奏張于燈下屬草聞室中磔磔有聲戶闔皆自開張意禍且不測遂痛切言之竟得降調以去雖起潛亦為氣奪云

王坤宣府監視太監也懷宗四年以太監唐文征提督京營戎政而用劉文忠大同劉允中山西坤得宜府皆令監視兵餉刺舉奸弊坤怙寵貴倨數凌邊帥及諸大吏又性苛察毛舉人細過為深文巧詆恣意抨彈至與朝臣爭權中外咸側目為抵鎮甫踰月即奏劾巡按宣大御史胡良機帝落良機職命坤究明



奏奪給事中魏呈潤言良機在先朝曾以忤璫削籍  
皇上鑒其忠直出之罪戾之餘畀以風憲之任今以  
內臣一言褫冠置對其事之有無詿誤固不可知獨  
是坤與良機俱在鎮城其體貌素不相下而以究明  
奏奪付之坤一惟其所榮辱為人見夫紀綱之司咨  
訪之使一旦獲戾中貴而莫能自必其命半銅分符  
誰復敢以職事抗者異日皇上即欲聞九邊之動靜  
核監視之善惡其孰從而知之况良機之是非曲直  
有回道之考核有在廷之公論陛下何不召之回京  
寧使聽彈駁于部院之手不使仰鼻息于中貴之門  
豈非所以養士氣培廉耻而尊天憲乎疏入帝并誦  
之于外自是南北諸臣指摘中官者語皆首及坤坤  
益恚時大學士周延儒亦與中官有嫌溫體仁欲乘  
間逐之攫首輔知坤狂躁易動密遣人授指坤遂抗  
疏指修撰陳子泰發端謂子泰盜竊科名希圖建言  
為自固之術席首輔周延儒比暱之勢借端責備反  
飾醜狀果否內臣不識一字有類沈同和之曳白乎  
延儒見奏遽自劾求罷給事中傅朝佐上疏力爭謂  
王坤不行監視之事而搽中朝彈劾之權延儒不引  
祖宗之訓而止內臣監視之遺遂使王坤誇張至此

一參再參遂及首輔履霜之漸長此安窮臣初不意  
王坤竟為此言即廷臣亦僉謂此言非必王坤為也  
觀其文詞練達機鋒挑激是必有陰邪險人附之而  
起借王坤以嘗試朝廷者臣不為一延儒惜而深為  
團體惜為天下治亂之大關惜也語皆指體仁及坤  
交通狀帝置不問左副都御史王志道言近者內臣  
舉動幾于手握皇綱口含天憲矣而輔臣始終不敢  
一瀾功罪不為剖明至于身被彈擊忍辱不言其何  
以塞中外之望副明主之知平語皆備責延儒欲以  
動帝帝怒遽召諸大臣于文華殿詰志道曰違用內  
臣原非得已屢諭甚明昨王坤疏有旨責其率妄大  
體已存何乃橫生議論牽引誣捏豈處分各官皆為  
內臣耶且如王忠孝金鉉等于邊閱米豆芻草軍械  
鎰甲悉皆汜爛窳敗不堪又如胡良機巡按宣大二  
年撫賞奸弊毫無覺察亦豈是不當處分專為內臣  
耶對曰廷臣功罪鑒在聖明但近日內臣參劾漸廣  
諸臣被罪者眾外廷皆以申救責備輔臣及至輔臣  
亦為王坤所參舉朝皇皇深為紀綱法度之憂臣仰  
體皇上好問好察之心不敢不以入告竊謂輔臣當  
言者臣亦當言內臣既可糾廷臣廷臣亦可糾內臣







帝已心動矣是年六月始罷諸道監視彛憲仍俟漕竣回監明年仍奉命守備南京以信任終其身焉初魏璫亂政時其黨有徐文輔者嘗督太倉及節慎二庫其事與彛憲同帝居信邸時蓋親見之至是未數年也

王承恩方正化者懷宗末殉難二太監也帝值邦家多難之時九邊巖塞及中原討賊諸大帥悉用宦者為鎮守為監軍二人初未有寵焉流賊之犯闕也命承恩提督京營城守太監曹化淳先獻彰義門守內城者皆下承恩發巨礮斃數賊天將曙從帝自縊于壽皇亭附葬後側正化山東人嘗總監畿內軍守保定有功旋召還十七年春帝命閣臣李建泰經畧七省帥師至蘆溝橋一譁而散帝問廷臣皆云不知召正化令復監軍保定眾辭曰天下事已去陛下尚未知耶帝曰朕固知之以汝忠勇使往偵動靜語朕朕將有處耳曰陛下將何處帝曰人有言事急且可圖南曰誰為陛下畫此策者今賊騎充斥幾旬間去將何適且乘輿一出安知庸輔驕帥不懷異心萬一蒙塵賊壘天下後世將謂陛下為何如主耶眾辭而出曰老奴他亡能為以一死報陛下矣出則盡散所蓄

行抵保定流賊已過固關矣即日登陣誓眾守甚力曰吾已拚一死守諸公第好為之月餘城陷猶大哭以頭觸城手刃賊數人為賊眾所殺擲頭城下

曹化淳通州武清人與杜勳並事懷宗皆先後用事勳初未有所知名化淳出故監王安門下安以持正為魏忠賢所害化淳斥居南京懷宗即位以安故召還為內官監太監時帝方首誅逆賢懲宦寺之既悉罷南京守備及漕運織造提督太和山天壽孝陵神宮監諸大璫嘗于朝講畢諭廷臣曰先朝于宣大薊遼諸邊分遣內臣協鎮一柄而掄殊滋牽制矧宦官觀兵自古有戒其悉令撤回一切機宜悉聽經督撫臣調度節制以故化淳未得進用二年始命往南京織造復召入為司禮監掌東廠會京師有警命同太監沈良佐呂直李鳳翔等提督九門閱視行營兵馬事平再總京營戎政數年之間徧歷樞要論功得賜金幣兩廕錦衣指揮一千戶又進其弟化雨左都督世襲錦衣指揮僉事寵賚驟加初政盡更而是時勳亦分守通州得典禁兵有寵矣蓋帝自誅督師表崇煥後疑文武大臣不足寄心齊間御平臺召對詢時事又錯愕瞻徇不稱旨乃參用中貴人專任何察中



貴人亦日詢外廷朋黨納賂狀上聞心益厭薄慨然思行度外事莫一遇奇才異等以媿厲諸朝士有淮安吏陳啟新者希旨上書請廢進士科行徵辟至欲以尚方劍殺諸有司化淳以其言妄誕可聳聽入言于帝次日起新伏闕立拜吏科給事中于是上書者紛至有徑請召對者時崇禎九年也明年常熟奸民張從儒陳履謙等假建言訐奏前侍郎錢謙益給事中瞿式耜閣臣溫體仁遽擬旨逮問履謙等知其與錢有宿憾也謀于溫其一匿名揭有款曹擊溫等語謂謙益作故監王安祠記曹出安門下宜款之溫與謙益有卻宜擊之使其黨王藩首為且言謙益款曹以四萬金體仁即具揭入奏帝以示化淳化淳大懼請窮治盡得其通謀狀遂杖殺履謙等體仁亦以請告故歸先是詞臣文震孟入閣時化淳知帝眷文特甚使人諷之曰內閣司禮名刺往來此故事也異日有以相聞便于上前進言耳文正色拒之適次月命撤內臣監視化淳揚言于眾曰上此舉甚善奈新參居功何帝聞甚不懌體仁由是得以訐逐之語詳文傳至是天下莫不惜文而快溫之去然化淳以一閣寺逐兩相臣若置碁其權力信任傾中外矣自是以

後聞人益橫帝多用之為監視為監軍率以為常強藩大帥皆耻為之下驕悍不用命秦晉楚蜀兩河之間賊騎充斥陷名城大都以數十百計南北道枳詔令不行化淳誣帝築城盧溝橋盜帑金十餘萬執途人受役怨聲載道又請浚京城外濠周百餘里以資守禦其策益謬妄不可行十七年閩賊李自成已陷全陝逼宣雲烽火徹數百里外帝仍以化淳監京師城守分遣諸內臣監視各邊一日至十輩杜勳得監宣府兵部主事金鉉力言宣府為神京後蔽其中勁旅甲天下撫臣朱之馮忠勤而有遠畧若固守相持自成必不敢越此而前與畿南賊眾合勢以趨京師今命勳去是擾之使亂也不聽勳奏帶廢將黑雲龍馳至鎮賊前鋒已破陽和勳即緋衣乘八駟偕總兵王承胤出城迎賊黑雲龍亦叛去鎮人驚潰巡撫朱之馮方懸賞集眾守城無一應者又三呼舉礮擊賊亦不應乃自起燃火兵民競挽其手曰願公聽監視言納款活軍民也之馮憤甚奪佩刀自刎死賊遂長驅入居庸太監杜之秩迎降化淳在京師日與諸內臣東嶸玉馳雄堞間巡視御史兵部官五軍坐營侯伯勳貴臣皆不得上三月杜勳降賊事聞廷臣請急



撤城守太監忽上傳杜勳罵賊殉難忠義可嘉即予  
贈廕祠祭如例蓋是時諸內臣已有邪謀故蒙蔽如  
此已而勳至賊設黃幄坐彰義門秦晉二王皆踞地  
坐勳侍其下呼城上曰毋射我我杜勳也欲有語太  
監王德化等即縋以上勳直入見帝盛稱賊勢重鋒

以遠規二祖近監武熹意豈不善乃以過疑臣下遂  
寄耳目于素所甚惡之人而又慮其偏聽生奸必使  
之雜然並進以分其勢而莫獲其用譬之始則懲嗜  
而廢餐繼則投薪以止沸也詩曰靡不有初鮮克有  
終豈獨懷宗也哉噫

不可當皇上宜早為計左右欲留之勳言有二王在  
勳不反二王不免矣乃縱之去出語化淳等曰我輩  
富貴固在也勳既免十九日賊攻益急御史王章欲  
登城舉礮內臣沮之語未畢俄諸門盡開章被殺內  
城隨陷自成自承天門與偽丞相尚書都督等數十  
騎入大內太監曹化淳王德化杜之秩率監局百餘  
人為前導自成曰汝曹背主獻城罪當斬叱之去杜  
勳獨出入羣盜間譏誦為民害人皆切齒及賊敗將  
西奔自朝紳富商外復括諸內臣家金帛珍寶以數  
百萬計四月三日下令盡逐諸內臣無老稚貴賤皆  
號泣奔走徒跣敗面流血被體以出初內臣之被命  
城守也殊無鬪志令士卒皆持白楊杖朱其外貫鐵  
環于端使有聲格擊則折城陷之日守卒悉投杖而  
顛斷臂絕脰至是賊即以其杖驅為人皆快之  
論曰懷宗承極敝之後奮然一清宮府盡斥刑餘欲



盜賊上

洪武年賊 陳永定 唐賽兒 宣德年諸  
 縣胡趙成 葉宗留 鄧茂七 黃蕭養 寶龍峒  
 石城土達 劉千介 北賊劉六 劉七 趙風子  
 等子 劉人 江劉烈 藍五等 靖安大帽山  
 麻子 挑源 洞 萬年 縣 林東 鄉 靖安 大帽山  
 岡三 寨 西 利頭 寨 年 縣 林東 鄉 靖安 大帽山  
 堂 尚 山 西 青 羊 山 賊 海 賊 馬 平 賊 田 斌 妻  
 師 尚 詔 廣 東 賊 張 璉 等 種 吳 平 賊 曾 一 本  
 大 足 賊 萬 羊 山 賊 回 種 吳 平 賊 曾 一 本  
 林 浩 梁 梅 堂 劉 汝 國 天 啟 年 諸 賊 撫 艾  
 賊 山

自古政治失而善民起則負乘致寇何代無之然開  
 國草昧不遇如東海呂毋瑯琊子都之屬耳迄乎既  
 衰黃龍白波因運竊發湯淫流漫遂費驅除卒未有  
 初起探丸既成斬木而國家大命即於此操揃如有  
 明二百餘年間者或謂全代規模基於創始成祖尅  
 意繕塞整軍飭旅窮遠絕幕區畫特周故累朝邊患  
 雖多究未遂盪搖其國步至若中原小寇往往藐視  
 不問遷延一十七朝准苻草竊矣矣不絕而其後頓  
 成燎原之勢成敗之相形分於畸重不其然乎夫安  
 邊禦寇原與軍政相表裏明初兵力在邊而各省衛  
 所半係召募行軍職任僅屬之部司本非一城

也即衛所武夫皆無黃伐止齊可當禦侮豈一督  
 撫互相鈐轄而體統節制復多齟齬故盜賊起即易  
 聚而聚即難散迨其後勢不得已間用禁兵而禁兵  
 亦弱間用邊兵而邊兵更薄左支右吾遮前那後天  
 下事乃不可問矣且夫拔本塞源在寬民力過絕亂  
 畧尤貴得人事理照然不可誣也茲特列一代盜賊  
 始末以明治亂得失之由考世者可以觀焉

洪武十四年程鄉縣羣盜起南雄侯趙庸帥兵擒斬  
 賊首偽萬戶饒陸海等一百五十人其年冬延安侯  
 唐勝宗帥兵討衢處溫山賊擒賊首吳達二葉丁香  
 及其黨四千八百人盡殲之嗣後有何迪有高福興  
 田九成僧人李普治皆能殺知縣抗官軍攻城畧地  
 然隨起隨滅皆洪武年驅除後初起之賊  
 永樂初有龍溪民陳永定負險為寇略傍縣累歲不  
 能制知縣劉孟雍以計掩獲之孟雍南昌人他賊惟  
 鍾均道為劇然出沒無定形或云均道死至十八年  
 而山東有唐賽兒  
 唐賽兒者蒲臺民林三妻也兒時能刻紙為人馬使  
 戰鬪自號佛母預言成敗事頗驗往來益都安丘即  
 墨壽光諸縣相煽誘奸民董彥采為號召諸賊五



百人擁蓋都卸石柵寨青州衛指揮高鳳鎮之  
敗績都布按三司遣人招撫即殺招撫者永樂十八  
年帝勅安遠侯柳升勦之賊詐遣乞降云寨中食盡  
且無水升往據東門汲道而賊夜西出襲官軍營殺  
指揮劉忠升急追擊獲賊黨劉俊等男婦百餘而賽  
兒竟遁賊黨賓鴻攻安丘官軍不能敵有倭倭都指  
揮衛青開安丘圍急率千騎晝夜行奮擊敗之賊將  
餘衆再戰城中人亦鼓譟出擊賓鴻遁去殺賊二千  
餘人生擒四十人皆斬之既而柳升至青迎謁升怒  
其專制梓出之青不為屈而是日鰲山衛指揮王貴  
亦擊賊於諸城殺賊盡帝乃下升獄而令捕賽兒久  
不獲慮難髮為尼或混處女道士中盡建山東京  
尼及天下婦女之出家者先後教萬人後果于尼中  
捕得之初賽兒夫死祭奠回經山麓見石罅露石匣  
角發之得妖書寶劍遂遁曉諸術劍亦神物惟賽兒  
能用之至是捕得將伏法怡然無懼色裸而縛之臨  
刑又不能入不得已復下獄三木被鐵鈕繫兩足  
俄皆自脫遁去自三司以下及將校諸官皆以失寇  
死而賽兒不知所之  
漂陽人錢質死而復生見李老呂曰子福人也

圖大事遂聚衆反宣宗命襄城伯李隆捕斬之他  
宣德年諸賊前後討平者有慶遠韋敬曉青田陳才  
永新蕭彥其會昌朱南政南鵬及妖僧李臯等  
夏旭與隣人爭田格鬪為飛瓦所中大怒呼莊丁圍  
其家殺二十五人官役捕之殺官役旭永豐人永豐  
縣丞以百人往諭不聽且執丞撻之而醉以酒縱之  
歸其語丞自稱都督指子弟曰是皆指揮官宣德九  
年上聞奏曰此狂人耳遣刑部侍郎魏源諭之而今  
都督任禮率禁兵二千隨其後曰假僣强者繼以兵  
旭果僣強兵隨至故匿其精銳而以孱卒櫻其前旭  
笑曰是紙人馬耳忽精兵自後排柵入縱火旭從烟  
焰中鼠竄被縛梟于市  
慶元葉宗留曾於正統初與麗水陳善恭盜福建寶  
峰場銀坑有司捕治不獲至十二年遂大聚衆掘少  
陽坑數日計所獲纔給口食棄去復率聚之雲山橋  
掘諸坑場無所得還慶元居教日更往政和掘少亭  
坑亦如之乃慷慨謂其徒曰以吾之衆即攫金于市  
何所不得乃至疲絕壑捐生命給此口食豈吾數百  
人無一宜得食者哉遂掠政和縣而還慶元號召得  
數千人拜龍泉良葛山人為教師教以武藝



劫建陽所過焚掠從者日益衆乃攻下建寧。政張暎橫擡車盤嶺諸險官軍無如何其明年福建沙縣有鄧茂七者本江西人亡命入福建至寧化依豪民陳正景聚衆數百人反先是巡按柳華檄州縣嚴什伍保甲茂七與弟茂八皆編為甲長嘗佃人田例輸粟主家茂七獨令田主來領粟去田主訟之不受縛乃下巡檢勾攝之茂七殺弓兵並殺官軍之追捕者烏合數萬人自稱閩王與陳正景劫上抗還攻汀州王景為推官王得仁所殺而茂七黨盛不可制乃據松關劫商旅陷光澤邵武順昌諸縣會福建叅政宋彭倚中官勢貪黷民不堪命尤溪蔣福成反襲尤溪擡之與茂七聲相聞遂同劫州縣至延平御史丁瑄遣同知鄧洪帥官軍勦之盡殲官軍二千人瑄乃遣使招諭約免死茂七笑曰吾未中死法而煩預為我免之何也殺使者擡延平之沙縣更稱剗平王設官屬而御史渠海初至延平統兵四千人往勦至雙溪口道隘賊二十人伏村店兩傍俟兵過且盡有都指揮後殿將至賊伏猝起舉排柵塞路縛都指揮前驅不得返遂殺都指揮及從兵數十人前驅還禦賊登山拒衆喊而下官軍大潰乃進攻延平。揮

范真彭璽俱戰死御史以聞帝乃召都御史留都督劉聚陳榮討賊楷師至浙浙撫請楷先擊葉宗留而後入福建乃陣斬宗留楷未知也時禁以戰死楷入延平會茂七破泉州殺知府熊尚初勦久無功詔寧陽侯陳懋為征南將軍統保定平江二伯及都督尚書太監等合兵進討亦不利楷乃陰致賊黨黃琴羅汝先為間諜誘茂七攻延平設伏挑之佯敗賊乘勝渡浮橋薄城關廂伏發礮作合擊之大敗茂七中流矢死斬其首露布以聞餘賊猶擁茂七死子鄧伯孫與女賊廖氏偽號女將軍者聚後洋廖氏毆寧人林滄善劍尤驍捷初以禦賊被酋為伯孫婦至是亦出戰平江伯陳豫指揮王鉞勦獲之賊平楷乃班師經浙復勦處州賊陶得二麗水賊陳鑑湖等皆誘降急訊葉宗留所在始知前陣斬緋衣者即宗留也先是宗留擡車盤時得二以數千人歸宗留而鑑湖與宗留同為鑛賊殺叅議竺淵忽與唐其等四百人以紅袂裹首奔附茂七得二攻處州殺都指揮沈鱗叅議取定僉事王晟副使陶成而鑑湖掠福建江西諸境殺都指揮吳剛都督陳榮知縣鄧顯推官王得仁指揮龔禮即楷所統兵如韃靼回回諸功然。以



征二賊殺傷殆盡至是宗留茂七死用間謀誘之始歸命籍其黨凡九千餘家男女各二萬餘口後景泰改元侍郎孫原貞以福浙界多盜請折浙界麗水青田二縣置雲和宣平景寧三縣而增福界置永安壽寧二縣

黃蕭養者南海冲鶴堡人也以行劫械都司獄中踰年所卧竹床生技葉衆咸異之曰此瑞徵也時同禁重囚數百人皆山海盜蕭養陰相結賄獄吏飲酒得携物出入禁稍疎遂藏斧燭鴛中內之而伏其黨獄門外至夜晚衆因械出之斧破獄門大呼內外響應如數千人者劫軍器局得兵仗挺而走諸司各壘石拒門不敢動遂開城出奪船屯於縣東之潘村近萬人正統十四年八月圍廣州總兵官安鄉伯張安以醉戰舟中溺死而都指揮僉事王清從高州來援至沙角尾水淺舟膠賊載柴小艇若魚鹽者佯避賊奔逆近舟清問賊何在賊從柴中應聲曰在是遂縛清以及脇之跪廣州城下使呼啓門千戶錢惠出城頭罵清賊移清跪他所呼如前惠又援弓射之賊謂清無用殺清賊初起無械至是得官軍火鎗諸器勢益振據五羊驛為行殿偽稱順天王改元東陽署其徒

都督指揮等官乃以舊叅議楊信民有德于民并議遷信民撫廣諭諸賊賊已約降而信民驟死詔遣都督董興出勦益以廣西江西兵賊圍城八閱月方造雲梯呂公車將攀堞上而援兵適至時天文生馮軾隨行占時日進兵夜見賊墜南岸軾喜曰破賊必矣遂逆戰于大洲頭果大破之殺溺萬餘人蕭養中流矢死梟其首其餘偽總兵五府都元帥慶國公曾賢等百餘人並伏誅惟黃公龐南竄引山推海寇為亂陷欽州降於交趾董興駐廣城不出禦遣都指揮杜信與戰死之叅政謝祐副使項忠復遣指揮張通出戰亦不勝於是王翱總督諭撫羈縻而自翱而後曰馬昂曰葉盛皆有戰功然隨撲隨熾及韓雍大征至用兵二十餘萬而其禍始息當是時去蕭養已十七年矣

天順四年八月藤縣民胡趙成因事充軍遇幸造妖言構集山賊攻陷諸縣治境劫官解殺酋諸軍民劫商縛實家寨巡檢而解其印廣撫葉盛統叅政范信副使雷復都指揮韓瑄指揮張錦王銘諸官兵擒斬趙成三十三人賊平

鄖陽大盜劉千斤以成化二年反先是鄖地多山通



積盜明初節愈以大兵勦元世山賊空其地禁流民不得入正統中歲饑饑民徒入不可禁久之至數十萬千斤在其中千斤名通河南人多力手舉西華縣治門石數重千斤因號千斤曾住房縣與妖僧尹天風往來已有密謀而是年石和尚即石龍與劉長子苗龍苗虎者刑牲將舉事千斤遂邀之同反踞大石廠樹黃旗拜石和尚為謀主攻掠河南南陽間西至漢沔東至蘄黃皆散據其地稱王偽號漢建元德勝署將軍元帥諸官尚書白圭撫寧伯朱永督諸軍進討至南漳湖廣總兵李震以土兵來會乃先分兵由間道出賊後而後以大軍臨之賊數萬迎戰屬永病圭督震分兵截勦大破之生擒劉千斤暨苗龍等二千八百七十餘人陣斬二千五百六十餘級所獲賊屬子女計一萬一千六百餘口馬畜無算而劉長子石和尚遁去既而永病愈更率兵搜餘賊而石和尚復西出燒劫巫山大昌諸縣殺夔州通判王楨復張甚圭遣叅將喜信指揮張英誘長子縛石和尚降磔之遂班師其後餘黨有常通王靖張石英張剛等六百餘人皆以次就擒而李翦子最烈

李翦子新鄭人名原寓居葉縣從劉千斤反千斤敗

翦子與王標走免糾合餘賊小王洪石至聘往來南漳內鄉渭南重號召饑民至數萬人偽稱太平王立一條蛇坐山虎名魏官軍戰不勝成化七年都御史項忠全李震進討先張榜招饑民使棄賊自歸而後調承順保靖土兵大殺賊擒李翦子於竹山縣餘黨俱俘斬殆盡其招集饑民得檢籍出山者共九十三萬八千五百餘口而涇處賊中俘斬者無算忠遂以多殺被謗語具忠傳其後祭酒周洪謨著流民說其畧曰昔修地理志見東晉時廬松之民流至荊州乃僑置松滋縣於荊江之南陝西雍州之民流聚襄陽乃僑置南雍州于襄西之側其既松滋遂隸于荊州南雍遂併于襄陽此前代處置流民之成法也今之流民百倍于昔而鄖陽曠土當湖廣河南陝西之界深山大谷所在嘯聚今使聽其近縣者附籍遠縣者設州縣以撫之置官吏編里甲寬徭役而流民皆齊民矣都御史李賓上其說而北城兵馬吏目文會復條上三事一則荆襄地饒流民附籍則給以土田一則流民雜處防禦恐疎當鎮以軍衛一則鄖陽上流地廣山僻當多設府縣於總隘之處以互相統攝帝命都御史原傑經畧其地且盡採諸說行之乃闢設



鄆陽府置湖廣行都司衛所及縣以處流民得九萬六千餘戶兼設巡撫而割行山地置行溪縣割鄆津地置鄆西縣其在河南則割南陽汝州唐縣地置南召桐柏伊陽三縣而陝西析商縣地為商南山陽二縣又以商縣為商州使所掄流民各有屬

寶龍峒賊楊輝者羅劉寧餘黨也劉寧攻程鄉為官軍所殺而輝逃安遠聚衆數萬於嶺北界上時征大藤峽官軍遠調不及勦因而愈大副使毛吉曾以勦賊有功於成化改元降旨凡有賊地方勦吉同總兵巡撫三司督調官民人等相機勦捕其領軍官員有不聽調遣者得徑問治而巡撫以下謂吉副使任過重忌之凡前後調遣故不應吉自料民壯並旁近所兵得千人而海康縣知縣王騏請從遂攻破寶龍諸峒搗其巢且追殺餘賊于雷廉惠韶諸處至雲岫山以深入無援騏戰死吉遂遇害然賊亦勦盡廣州民立祠思之曰可憐雲岫山

土達滿四故元平涼衛萬戶把丹孫也洪武中把丹來附授平涼千戶散其部落于開城諸縣號土達成化初李來毛里孩犯塞土達李俊者畏其殺略獨以羊酒奉李來李來喜賜之馬俊遂心動致仕都督張

泰畜牧鳴沙洲土達張把腰偷其畜泰聞於巡撫而縣民通獲者匿滿四所巡撫并下吏檄平涼指揮滿瑋捕張把腰滿四而滿瑋者滿四姪也相持倉皇間會叅將劉清新到官指揮馮傑斂土達金錢為餽官儀俊率斂頭悻悻到四家惡言激四使劫瑋為亂四遂劫瑋殺其衆號召土達於成化四年六月奔石城石城者唐吐蕃石堡城也去平涼千里在萬山中四面斗絕無徑懸繩而登山西頂平可容數千人而環以墻墻高二三丈額之山水山隙有石甃可汲甃當棧道棧外築小城護之前臨危坡高數仞如拱壁者而凡山面背左右悉築城高二丈五尺各留小門僅容一騎環城皆亂山形甚惡昔人所稱石堡險固非數萬人勿克者四嘗圍獵至此羨其地又先此曾掘地得前代行帥府印以為瑞至是據之四名招賢王俊名順理王攻固原俊戰死清自靖鹵來戰不利四益糾隆德靜寧會寧諸土達至萬人巡撫陳价與鎮監黃泌寧遠伯任壽合都指揮邢瑞申澄率各衛軍往攻戰於城下復不利殺傷指揮王震等二百餘人遂命副都項忠都督劉玉都指揮夏正發京營神鎗官軍五千並調甘涼延綏寧夏陝西軍共五萬往討未



至价壽耻已之敗而又忌忠與延綏兵得專其功通寧夏總兵廣義伯吳琮先至即邀琮自固原趨蔡祥堡夜二鼓軍壘甫定比曉即出兵去石城十里賊數千出迎請降有軍校馮信知兵言於价曰賊叵測我軍力疲未足戰不如姑聽彼稍休徐議攻討琮叱不可遽麾兵進賊遁去至城驅牛羊數千在前而精兵後出時尚無兵仗持木挺闖官軍大敗壽琮俱退保東山价欲自殺左右救免時賊截靖寧掠奪甘肅糧運聲言窺陝忠至并勅陝撫馬文升協勦先於營外得賊書求宥罪長居石城衆知為詐乃圖其山谷形狀分七路進兵忠與文升劉玉屯中路由莽金佛溝進延撫王銳叅將胡愷由李俊溝進伏羗伯毛忠由木頭溝進叅將夏正由亂麻川進都指揮姜成由墨城子進副將林盛由好水川進都指揮張英由驢母川進賊迎敵延綏兵失利毛忠先登奪諸峰要害斬獲甚衆忽中流矢死朝議洵洵忠文升合計日久戰賊窘賊素信神神降曰戰決於今日勝則利不則斃不勝賊大懼請降忠但納滿璋而餘不許賊猶豫復上山請戰忠乃却賊將揚虎狸為內應解所束金鈎賜之遂擒四語具忠文升傳後賊復立舊連官火敬

為主忠進戰火敬走時滿四從子滿能最驍捷與俱忠追捕詢之賊黨滿洪洪云火敬與能入青山洞忠用火燻之俱就擒遂剗平石城勒石壁記功而還最後簪帚山賊毛哈喇亦賊黨張幕薦居越一年官軍勒擒之伏誅

正德四年畿南盜起時逆瑾用事瑾欲盜亟靖分遣御史察果殺薛鳴鳳於天津真定徐淮諸處專事捕盜例御史出巡無家口至是許携妻以滅賊為限鳳鳴至歸德挾守備會飲聚娼舞詔諭為徐州弓手殺在天津不事事獨果奏立什伍連坐法盜賊捕獲無虛日每城盜入真定用樂部前導鏡吹金鼓不絕于耳遂進果僉都仍捕盜先是霸州文安縣大盜張茂家有重樓複壁多穿窟穴同時劉六劉七李隆揚虎齊彥名邢老虎輩皆附之內官多文安人茂善賂隣有北墳張氏為太監張忠族茂謬為已族无事忠嘗因忠家人入豹房觀上踴鞠意自得河間叅將袁彪數敗賊茂窘為求解於忠忠置酒私第召彪與茂東西坐舉酒屬彪彪曰此彥實吾弟耳無相阮也又舉屬茂曰袁將軍與爾好今後爾毋擾河間彪畏忠不敢誰何及果至惡之密遣巡捕李主簿佯為



優人彈琵琶入茂家具得其與突率驍健就家掩擒之鉄折其兩股載歸餘賊走乞忠忠與谷大用為請於上將下赦而瑾家人梁洪索金不貲劉六劉七相顧謀須轉劫近境以足其數會揚虎燒燬官廨發覺六七知事敗散去涿州州官慕其能召六七協捕有功御史蔣璉亦賞之或勸璉并絕禍本二人聞颺去杲仍圖形捕二人抄其家繫累其妻子二人窮蹙會瑾誅杲亦被劾二人邀虎走附畿南盜白英招其黨攻破安肅縣劫取繫獄盜黨齊彥名旬日間得衆數千而於是有趙風子

趙風子名鏗霸州文安縣增廣生也有力任俠好大言類風狂者因號風子劉六攻文安鏗率妻子避賊立水中賊拽妻出水將汙之鏗怒扶巨石撲殺二賊仍拽妻立水中劉六至壯之說使降鏗心動與弟鏞錫謀曰今當勉為賊固已但毋為人後吾先聚百人應之與之角立倘事成可指名也於是號召得五百人與六七會河間指揮李瑾統京營千人往討不能勝賊受風子教第聽忽去來無常處使官軍奔命凡得民間馬一日夜馳數百里捷如颺風而官軍馬少即有亦不能窮馬力尚書楊一清建言推用大將及

文武有才望者提督軍務乃命惠安伯張偉都御史馬中錫統禁兵出戰而本兵何鑑奏禦盜事宜請築城濬隍選補軍餘錄民間武勇勿使資盜而鄉村覈保甲團練且設兵隘口防其奔逸其所條奏俱鑿鑿可行而偉統禕縱賊中錫書生主招撫翻致大訐自河間會後連攻博野饒陽南宮無極東明及深冀開定諸境大肆殺掠遂從濱州臨胸臨淄昌樂日照蒲臺武城陽信曲阜及泰安州所過無不下者乃分賊為二趙風子劉三邢老虎揚虎分掠河南名河南賊劉六劉七齊彥名分掠山東名山東賊然縱橫莫定所破畿南山東河南南直諸府州縣反覆蹂躪有一縣四五至者所至輒下如無人然大抵賊俱起畿內時馬力馳驟不占城郭不立方所每戰驅脅從居前呼噪衝突聽其勝敗以為笑樂然後自飭其精騎覘勢進退莫可控揣且官軍利賊賂多縱舍指揮桑玉嘗遇賊文安村賊失隊六七匿民家高樓欲自到玉故徘徊有頃彥名持大刀脇官軍敗斃者數十人至樓下彥名曰呼諸敗軍皆呼彥名曰賊至矣六七控弦出射數人去何鑑劾中錫與偉被逮是時諸賊破棗強縣殺知縣段彥屠戮最慘乃命伏菟伯毛銳太



監谷大用兵侍陸完討賊而以邊將許泰卻求等聽大用節制時劉七將窺京師駐霸州泰迎擊之賊敗諸軍追擊至景州鑑播賊大劔沿路奔竄將趨渡小灘河北而保定都司田彬指揮趙文出扼之賊績副將李瑾遇賊于蒙山亦敗績賊復逞揚虎趙風子得我軍神器盔甲及蟒衣兩人遂披蟒控馬列仗揚揚過泰縣風子為下馬題詩而去先是賊破武定時傍縣皆下惟樂陵知縣許達善守禦設伏殺賊賊畏之帝擢達僉事兵備武定至是賊從泰安濟南而南歷破州縣燒運船劫倉庫執主事王寵淮安知府劉祥都指揮潘紳指揮陳鵬靈璧知縣陳伯安以及虹縣虞縣知縣皆被執始釋而屢過武定不敢近於是聚白龍王廟將渡河武平衛百戶夏時扼之揚虎溺死賊乃推劉三為主稱奉天征討大元帥風子改名懷忠稱副元帥立五軍分二十八營應二十八宿各樹大旗為號而劉六等現谷大用毛銳駐臨清復擁衆至霸州將以十二月朔伺車駕出郊宮省牲祀蹕頓何鑑密畫得不犯其鑑本傳當是時劉六劉七齊彥名劉三趙風子邢老虎凡六渠各相約分掠以牽制官軍而官軍當之輒還鑄雖前後報捷不下數千萬

而指名諸賊無一殄者毛銳既衰老屢敗而谷大用擁兵觀望不敢戰甚至銳臨陣奔逃失所佩將印而大用蔽之不為罪其邊將冒功如江彬白日殺冀州民三十三人以當賊級而莫之敢問是以賊日橫而軍政日益壞劉三與風子攻陷上蔡商水西平舞陽葉縣諸縣殺知縣霍瑄王佐唐天恩等破裕州殺都指揮詹濟同知郝采等而屠其城然後轉掠襄陽樊城棗陽隨州新野以漸入南境嘗破寶縣僉事孫盤賁黃榜撫賊風子復書曰羣奸在朝濁亂海內誅殺諫臣屏斥元老乞皇上獨斷斬奸佞之首以謝天下然後斬臣首以謝羣奸故其破泌陽以不得手及焦芳為恨取芳衣冠被庭樹斬之而發其祖父母棺骸至鈞州以馬文升家在鈞引衆去其假義如此七年春命遼東巡撫彭澤提督軍務以咸寧伯仇鉞為平賊將軍統延綏榆林兵勦賊澤大陳軍容責諸將退縮額軍政論行法建齋鼓行而前諸將皆惕息匍匐請自劾遂敗賊于西河縣斬二千級奪回馬騾器械無算風子奔鄆陵由新鄭鄭州至滎陽汜水偃師與劉三會河南府總兵馮楨戰死乘夜奔汝水復犯汝寧入潁州朱臯鎮官軍追勦之前後斬獲甚衆賊乃渡



河溺於河者五千人風子由光山六安攻破舒城至桐柏略馬為知縣李聚所敗而總制彭澤督官軍敗風子于六安州斬獲四百餘追至定遠應山隨州連敗之仇賊又敗賊于光山賊奔六安追至七里崗又追至桐柏時邢老虎病死李賊為劉七所殺張通陳翰皆降而劉三被射自焚土地坡為官軍截首去獨風子走德安嘆事不成行至應山東化山坡下遇僧真安乞糴其鬚髮煉度牒與真安渡江入江夏唐虎店晚飯為武昌衛軍人趙成所擒而六七彥名屢敗於邊將李鑑將北竄陸完調許恭卻永成劉連破之賊乃由文安而下至宿遷掠邳州之加口集遂由贛榆過邳城復過呂梁總兵劉暉邀擊之敗賊于滕縣又敗賊于郭家庄殺獲數千人賊且戰且走至魚頭集復敗之將奔海套完率大軍與過于古縣集時宣大鐵騎咸集合圍諸軍奮勇擊斬首二千三百殺傷三千有奇俘獲百餘賊衆殆盡而六七彥名獨挾騎三百潰圍走乃復由靈璧而西踰棗林渡邳騎能屬者纔三百人奔河南光山碓山入湖廣棄馬登舟復得七百人駐兵武昌殺湖撫馬炳然為湖北官軍所追風起播折劉六死於水獨七與彥名仍糾水寇自黃

州九江湖口彭澤以及安慶太平儀真鎮江所逼殘滅陸完乃統諸將下揚州斬追退避指揮程鵬等將截海口而七至鎮江或泊通州之狼山或屯常熟之福山港遂凌駕江面縱橫上下通泰如臯或被流劫乃復自通州泝江而上犯江西諸境復下通州遊獵每謀自通泰登岸復還山東而揚州官軍拒之乃復自海門而上泝蕪湖采石凡三過南京莫敢抗又謀入海由張網海口深入裏河不果忽復自湖口九江而西冠南康迤邐蘄黃光固間謀登岸北行又不果乃復還汎九江安慶至石灰河河口遂往銅陵時陸完諸軍集江上都御史張縉王鎮叢蘭俞諫及副將時源等分兵守要害賊復返鎮江進掠常州殺知府李嵩還犯江陰殺縣丞余凌雲仍泊狼山下有舟三十餘衆六七百人完留仇賊駐鎮江而調劉暉卻永以舟師趨江陰賊率衆移攻通州暉復擊之賊入船是日颶風作賊狼狽甚復登山暉乘夜三鼓與卻永任壘並進軍聲震天賊披靡走山巔憑石垣控險鎗矢无石雨下暉永奮身前期以必殲皆戴盾膝行手施礮等且上且戰奪其垣賊墜崖奔竄有下山趨船者船隘不得入暉反身逐崖下百矢齊發七投水死



彥名斬首麗文宣李隆被擒先是風子見獲時有楊寡婦賊與劉七以百騎寇利津僉事許遠擊敗之殲其騎于揚二庄而寡婦竟遁至是賊索寡婦所在不得及李隆解京獻俘與風子同訊午門云蒙山楊寡婦為揚虎所啣留其營虎死入劉三營三死與巢強小趙氏宿遷路氏安肅揚聰明隨諸賊展轉南徙獲于隨州螞蝗村今見在俘中寡婦固未嘗隨七即七是時亦未嘗寇利津然後知向之所為劉七楊寡婦者皆冒其民而假焉者也然賊勢亦張矣風子曰凡吾為此本欲斬佞臣數人而不能也後論平賊功封谷大寬為昌平伯大寬者太監谷大用弟陸永為鎮平伯永太監陸閻弟餘各陞賚有差

四川舊多賊先是成化中有廣安王永以行劫為鎮巡所撫復不悛大劫掠城堡殺人發蓋藏而後招之不得同時趙鐸者德陽人家貧貸錢賂知縣求本縣陰陽訓術知縣受其賂而不之與鐸益貧不能償所貸會怨家徐貴告鐸通賊縣捕之鐸曰作賊如王永尚不能捕何通賊之有遂殺捕反一時羣賊如天澗溝揚瓚漢川僧悟昇花溪陳煥章連山河黃鶴子皆從之流劫銅陵內江及漢川德陽遠延至荆襄

所至莫禦偽立趙王及安將軍席評事諸號殺知州柴良知縣劉宣帝遣給事中童軒撫諭軒儒者通歷賊巢慰諭賊帥黃應高等流涕示心腑召與飲食給券賊忻然有就撫者然率領券及安撫榜帖藏衣間為護身符公然行劫軍民無如何未幾殺都督何洪指揮揚瑛始命襄城伯李瑾帥京營兵討之而鐸已先為龍州土兵所殺於是勦餘賊蔓廷未斷自正德四年起至九年止其在川東北為藍廷瑞鄔本恕廖惠在川南為方四曹甫廖麻子喻老人而劉烈為首劉烈眉州人匿保寧山中為盜自稱舉人嘗劫漢中鞏昌還詐傳已死所至人相驚他盜多竊烈名字官軍圖其形捕之懸重購至二千金官千戶終不可得烈死藍五起

藍五名廷瑞與鄔本恕廖惠家保寧嘗拾古棄印山中怪之未幾又得一劍以為瑞因名瑞而與本恕謀作亂瑞召得千萬衆自稱順天王稱本恕刮地王惠掃地王流劫鄔漢夔保新寧通巴諸處川撫林俊初請勦不報賊大誑乃遣刑書洪鐘出討賊鐘徘徊漢中與俊指畫多不合值廖惠破通江俊率官軍暨柶擲石砧土兵督戰賊大敗走至龍灘河半渡又擊之



斬八百餘人溺死者六千有餘惠擒廷瑞本恕遁仁壽方四為同里王克儻耕冒姓王避揚友之亂與江津曹甫遁于石阡之龍坪為土官所逐無聊遂為賊時重慶賊曹弼先有名人稱二曹賊二曹賊皆與廷瑞合弼寇綦江殺僉事王景廷瑞寇營山殺僉事王源獨甫以元旦酬飲為林俊所襲連破五營斬甫方四遁廷瑞乃大招流民從漢中入寧羗州遂攻畧陽徽州成縣破其城殺千戶侯爵百戶瓦剌舍人郭玘等勢復振而弼敗死時帝切責鐘令赴保寧與俊等合剿而廷瑞復自藍亭刼柳邊驛殺百戶賈雄及茂州知州汪鳳朝遂破梓潼魏城劍州殺判官羅明及義官王思政鄭廷祿當時方四已流入貴州與別賊任翳子喻老人合至萬人已陷婺州龍泉坪焚烏江屯寨御史陳鎬調永順保靖土兵征之不利廷瑞趨江油將與之通而官軍遏之還漢中值鐘與俊督大兵追勦而永順土舍彭世麟進圍之陝西界上會食竭賊出告世麟請還川聽撫世麟以告俊俊未應陝撫藍章在軍中遽令世麟護賊出陝境唯唯賊易之臨撫不至約曰待之東鄉金寶寺當至屆期復不至及至依山為營廷瑞本怒居營中不出見第使人

來言欲得營山縣治安挿或臨江市駐其衆嘗出見鐘許諾未幾復曰請以官為質而後見鐘不得已乃遣漢中府通判葉賢質賊營于是使人來言曰可見矣然先之以本恕本恕至見畢去然後廷瑞揚揚來請見見則肆甚其言不可聞見畢徑去且降且刼翼日刼松樹壩官軍見不平殺刼者賊遂殺所質葉賢而焚其屍會廷瑞欲奔畏世麟詐以所擄女子為已女請結婚世麟世麟知其詐陽許之密白之軍門且定期邀廷瑞送婚宴廷瑞辭以疾鐘俊囑廷瑞所親鮮於金說廷瑞來赴廷瑞乃帥本恕王金珠二十八人同時至至則伏兵盡擒之賊大潰鐘俊遣諸路追勦擒斬及溺死不可勝紀而廖麻子遁初方四合任翳子麻六兒寇綦江官軍敗之追至東鄉擄擄壩又敗之賊乃從貴州還寇四川而廖麻子與之合時俊憂賊勢聯屬將復盛急遣降賊周大富招之不得而川撫高崇熙以四家仁壽取仁壽賊屬入營撫四四殺其族屬不聽撫俊乃統副使李斌督諸將分兵為六哨由大壩小壩月壩進驟襲賊殺任翳子追奔三十里斬首千級生擒四妻妾翼日賊還擊奪妻妾去遁思南境上會俊與中官不合乞罷許之蜀人



哭送後攀援不得而賊乃復逞攻梁山殺主簿時植并其妻至南川江津賊王長子應之破江津縣先是方四寇蓬州制府遣副使張敏詣賊營諭撫而敏被執歸至是洪鐘以被劾召還乃命左都御史彭澤總制軍務同總兵時源指揮閻勳出勦已調土漢軍將戰而川撫崇熙憾土兵擾民原有賊脫髮軍截髻土兵又加刺之誰恐從此大勦民益不堪乃於八年正月間兵未出時仍誘廖麻子聽撫遣敏於開縣臨江市買田宅安置賜復三年上其事於朝將從之而賊反大誑執敏屠殺數百人時土漢兵悉罷遣無如何澤乃奏請急調延綏寧夏慶陽固靖諸邊兵合得三千人方議勦民重被賊害而邊兵之擾民者且十倍於昔於是逮崇熙及敏以不俟朝命罷兵褫冠帶下獄鎮守三司掌印官皆戴罪殺賊而賊已遁誅逾半載矣澤乃統諸將力勦成都衛軍餘范藻規賊勢作亂先平之而方四奔夔州為僉事馬吳所敗變姓名潛行義官李清掩獲之送於官廖麻子奔羅江閻勳追及於劍州之青林口賊棄馬登阜而戰勳射之傷土把王臣以鐵爬擊仆斬首麻六兒赴水死獨喻老人從金堂出奔陳珣擊之於冒村老人降既而復遁

或曰陣斬之於竹木溝或曰老人善隱形臨戰墮於竹木溝遂不見以為遁云時尚獲他賊駱崧祥雷伯定等

初江西建昌有醴原賊殺知縣范英不討而其後遂有桃源洞賊洞連餘干樂平安仁貴溪鄱陽山谷深險有王浩八者為庫吏盜銀亡命據其中得衆數萬人僭號署官正德五年陷安仁縣巡撫王哲參政董朴合兵三萬討之不利指揮秦勳與通判楊奎皆戰死乃起右都陳金以便宜統各省鎮巡及三司官以下調廣西田州土兵二萬人鎮安土兵一萬人進勦而是時南昌有華林之賊撫州有東鄉之賊南贛有大帽山之賊

華林賊陳福一破瑞州鹵署府事通判姜榮家屬而參政吳廷舉僉事戴敬勸靖安臨江諸賊皆失利會廣福沅賊二千人連破永福樂安新淦諸縣執參政趙士賢知縣申惠索贖勢大誑獨廣東程鄉賊張士錦寇賴之安遠副使王秩通判徐珪購鄉民之與賊通者擒士錦以獻賊遁正德七年廷舉始破華林賊於蓮河寨參議徐蕃都指揮陸潮土官岑猛岑塗始破東鄉賊於熟塘南嶠赤岸蔭嶺諸處然而華林未



平而東鄉則生擒賊首徐珏五揭瑞一等陣斬一萬一千六百七十三級俘獲七百五十餘人破二百六十五柵東鄉盪盡惟大帽未下是役也日兵功居多然而殺鹵有難言者

大帽山賊以張時旺黃鑪為首攻瑞金驟殺知縣萬琛賴撫周南拒戰於龍牙擒時旺而義民林富追鑪鐵坑斬之指揮金堂等又破其六寨斬二千三百四十八級俘一百八十八人而賊尚未靖

華林敗後賊黨尚衆有羅光權者更招集流散置十六寨復寇州縣殺人以累萬計按察使王秩副使周憲知府李承勳進勦前後敗賊于苟州貴塘之間進拔仙女寨踰雞公嶺擒斬合數千人遂薄華林時勦之三四年不靖意在連殄而周憲信諜言謂賊饑疲可乘勝撲滅遂深入為賊所執遇害而其子幹以援父戰而死承勳乃陰招賊帥黃奇者置帳中令散諸賊衆而入為內應至期承勳挾岑猛至山下選衆五百人啣枚登山賊營鼓三下斬睡奇拔重柵薰衆入洞火五百人奮刀斫內應者夾擊噪而馳賊潰亂不知所為斬五千餘人蹂踐死者無算華林遂平而光權於是時跳去復不可得

陳金進兵搜大帽山獲賊何積欽并劉斌陳鳳球等俘斬一千七百人時饒州有萬春山寨地廣且險可容十萬人夜聞金刀聲吐焰桃源洞王浩八將往極之金督兵遏其隘賊不得入乃遣董朴吳廷舉等各分據險要而抽日兵驅其後毒弩蹶張破竹而進已斬賊首殷勇十鄒成七等而浩八狡甚捲所有罄賂土官遁去沿途棄老穉婦女殆盡行且餓至貴溪境得一飽轉掠徽衢間而日兵驕甚金藉其力不能制且上下皆厭兵遂因賊乞降許之號曰新民議設縣以居奏請立東鄉為縣隸撫州並立萬年縣隸饒州插新民其中金乃復討華林賊斬賊首羅光權及其黨胡念二等華林亦平謂自此可無事奏聞陞賞而浩八復叛破萍鄉縣吳廷舉禦之被執不敢害留賊營三月出之金乃被劾以副都俞諫代勦時浩八劫弋陽上饒衆復踰萬遂入浙開化鹵執同知楊磐等死者甚衆總兵李鑑統兵禦之而章仁者故石埭生員也少習妖書亡命與浩八合至是在賊中降賊茹七知之副使胡世寧僉事高賓遣茹七統二百人且勦且撫而茹七叛去縱兵大畧執安仁縣官氏二女將汙之不屈死已而茹七復乞撫撫已復叛守臣不



以聞臨川民陳琦連章入奏謂賊不盡滅不已於是仍命勦時賊已在浙都指揮白弘湖州知府黃秉軍馬金鎮參將李隆僉事儲珊都指揮江洪嘉興同知伍文定軍華埠以禦之賊萬餘樹馬金破中軍執白弘去秉僅以身免復衝華埠不動文定乃整軍擊敗賊追至孔埠斬賊首汪十二等二十餘級李隆儲珊由昇口搥其巢斬一百七十級遂乘勝夾攻隆當其前文定扼其後復斬四百級而江洪以深入被執然賊勢已衰踰塚嶺遁還江西仍乞撫且扶弘洪為質按察使王秩許之令知縣龔淵等送之桃源復叛縱兵大畧時建昌千戶鄧俊戰於七公鎮暴雨休兵賊回戰殺俊遂奔裴源連營十里而俞諫與李鉉胡世寧高賓吳廷舉各分道進攻出賊不意大破之俘斬千計浩八易服匿山中其黨翁亨四擒獻之他賊奔玉山者為知縣陳覽所獲奔桃源者為鉉廷舉所獲賊衆畧盡鉉乃還鎮餘千而萬年之變作初揀新民王重七胡念二等於萬年縣雖曰聽撫實懷異志其所置胥吏又多賊黨官府動息必聞而副使李情復嚴酷衆益憤惟憚李鉉未敢發鉉卒賊乃殺縣丞馬環於菱塘燬公私廬舍遂殺情及督捕指

揮邢世臣饒州通判陳達秦碧照磨馬聰諫卒死者無算而於是桃源東鄉及江西諸縣賊俱復發乃推右都督劉暉代鉉討賊暉未至而胡世寧已誘擒樂庚二陳卯四斬之參將桂勇亦先獲茹七獻俘暨暉至乃合諸將平萬年賊及臨川桃源大池以至萬斛峯犂壁山諸寨傍及建昌豐城高安諸縣令地方官所在搜擊賊幾盡而宸濠方謀逆寓之陰藉為用名曰募民於是人為謹曰賊何在在民寨王不臣賊為民至濠以募民反而王守仁起兵即用募民力攻之濠滅其福遂息於是人復為謹曰黃河有時清募民可為兵

先是陳金俞諫討江西賊間撫間討原無大懲創而民間被害者不得雪鞅鞅諸兇既不自安且易之多既覩復聚為盜乃以贛地險奧盡聚贛於是迤西有橫水左溪桶岡三寨接湖廣桂陽迤南有泃頭寨接廣東樂昌龍川江廣湖福之間方千里皆亂按贛前江撫李昂於成化二十三年謂地連四者多盜奏設分守參將兵備副使各一於會昌縣以福建三千戶所江西南安瑞金二千戶所隸之蓋選民快六七千人分屯操守而於安遠之雙橋龍南之下歷各設巡檢



司犄角以禦盜賊及弘治中鎮監鄧原復請增設巡撫駐贛專理輯捕當是時布政金澤有盛名首簡是任韓邦問繼之兩人者討賊皆無功及周南勦廣福諸賊則仍調土日狼達往返經年糜費數百萬而追勦未靖隨撲隨熾至是謝志珊據橫水藍天鳳據左溪鍾景據桶岡池仲容據涇頭志珊號征南王仲容號金龍霸王糾黨鍾明貴蕭貴摸陳曰能約樂昌高快馬等大修戰具會逆濠陰通賊賊益無忌乃以文森能代南文森稱疾不敢赴闕住始用王守仁撫之正德十二年正月守仁至廉諸軍役之通賊者或汰去或用為間諜而民間通賊先立十家牌法嚴檢之乃監前土日狼達征調蹂躪之害自籍兵備各屬之有技者汰老弱三分之一而別選驍勇多力縣千人捕之兼署為領率統以賢能官有防守者有應變出師者立兵符教習之其法有伍有隊有哨有營有陣有軍其符有伍符隊符哨符營符其說簡而詳其兵志當是時守仁蒞任裁十日法雖具未能行也而漳寇報急乃移文三省敕諸叅副指揮會勦移託即親率副使楊璋進兵遇賊長富村與賊戰賊敗退保象湖山追之至蓮化石對賊壘而軍會廣東兵至將合

圍賊遷潰圍出突殺我指揮章桓及縣丞紀鏞去諸將懼謂兵本未集即集亦未練是何能為不如俟秋期仍請調狼兵再舉而守仁叱之責以失律罪使立功自贖親率諸道兵進屯上抗下令曰犒衆退師俟秋期再議諸將譁然曰何如果如吾言賊聞之亦稍弛備守仁方晚食適分兵三路時月晦乘晦啣枚入直搗象湖山奪其隘賊驚走悉衆據上層峭壁拊背而下諸將謂失勢將退守仁麾之奮而上自辰至午相持三省兵繼至從間突上賊大潰乘勝追勦斬賊首營師富温火燒等獲七千餘級且預遣諸省兵遍破諸寨福建兵破長富三十五所廣東兵破水行大重坑等寨一十三所賊盡平班師時甫二月逮五月立兵符練兵七月上疏曰狼達兵不可用轉餉又困民今民兵稍練矣請假以便宜令無掣肘使號令得專一臣當相機盡滅諸賊或曰守仁之意蓋在濠也然衆昧其意且以為迂笑之屢不報惟王瓊許之語與瓊守仁傳乃先招降賊盧珂鄭志高陳英使聽用遂勦大庾賊以其切近須先除潛師縱火破寨十九所斬賊首陳曰能獲五百十級大庾賊平乃集諸從事議曰諸寨為患雖同而事勢各異以湖廣言之則



桶岡諸寨為賊之咽喉而橫水左溪為之腹心以江西言之則橫水左溪諸寨為賊之腹心而桶岡諸寨為之羽翼今不先去腹心之患而欲與湖廣夾攻桶岡進兵兩寇之間腹背受敵非吾利也况賊但聞吾檄湖廣夾攻桶岡橫水左溪必觀望未備出其不意可以得志橫水左溪破而桶岡則破竹下矣乃遣都指揮許清自南康新溪入知府邢珣知縣王天與自上饒石人坑白面峪入皆會橫水指揮郊文自大庾義安入知府唐淳季數自大庾聶都穩下入縣丞舒冑自上猶金坑入皆會左溪唯知府伍文定知縣張戢率兵從上猶南康分入以過奔軼守仁親率兵千餘直搗其巢與諸軍會乃于十月初七日至南康去橫水三十里而軍賊抗之守仁乃夜抽鄉兵善登山者四百人人各執旗賫銃礮由間道攀崖伏於近巢左右之高巖俯而覘賊且度我兵至舉火礮應又預遣指揮謝良率壯士夜上竊險先發其深木搗石仍伏賊巢為內應十二日守仁驟進兵至十八面隘賊憑險迎敵忽山嶺礮聲如雷烟焰蔽天下回視之則紅旗滿山謂官軍已據有巢穴將棄險走而謝良兵亦自內呼噪殺而出守仁麾蓋進賊進退失據大

潰遂破長龍等五寨及橫水大寨而邢珣王天與各破磨刀掉木鷄湖八寨會於橫水唐淳破羊牯腦三寨又破左溪大寨而郊文舒冑季數各破獅子長流箬坑西峰十二寨會于左溪會天大霧雨糧竭乃下令各營皆分兵為奇正二哨一前攻一後據用土人為導勦諸小寨之未下者伍文定張戢亦連破數寨與守仁會賊悉平而於是議桶岡之勦謂桶岡四寨其所由入惟鎖匙籠葫蘆洞茶坑十八磊新池五處然皆架棧梯壑勢難緣登獨上章稍平而紆道半月攻取未便今橫水餘賊悉已奔入合勢力守善戰者其勢險其節短使必乘全勝之鋒兼三日之程爭百里之利以頓兵于幽谷所謂強弩之末不能穿魯縞者莫若移屯近地休兵養威使諭以福福彼必從不從則乘其猶豫襲之何所不可乃遣通賊戴罪官民李正巖劉福釋其罪並縱所獲賊鍾明貴者于二十八日懸壁入諭之期以十一月一日會於鎖匙籠聽撫賊猶豫既而堅持不聽然遑遽不暇為備至期遣使鎖匙籠促降而別遣邢珣入茶坑伍文定入西山界唐淳入十八磊張戢入葫蘆洞俱初一日冒雨進賊首藍天鳳鍾景方出鎖匙籠候命忽聞諸軍皆透



險震愕急奔入內隘據水而陣邢玠麾兵渡張載繼之文定繞崖出戰右賊四竄將復由鎖匙籠出前奔而舒畚王天冀從籠口入賊悉衆走十八磊唐淳暹擊之賊四顧失援會日晚諸軍托險守次日迸進賊大潰乃破桶岡大寨及梅伏烏池西山界十八磊鐵木里員分大王嶺二十五寨會湖廣兵至令許清余懸留橫水桶岡以防復聚而遣湖廣兵散勦諸寨之未下者乃破上中下新池杉木坳十餘寨又破魚黃寨時賊盡奔鷄湖穩下朱雀坑諸寨諸將連破之於是橫水左溪桶岡三寨賊俱盡賊首謝志珊藍天鳳鍾景蕭黃撲等皆面縛獻俘守仁出師凡兩月破賊寨八十四斬賊首八十六從賊三千有奇俘獲三千遂議于橫水等處建城設崇義縣以控之乃議勦荆頭先是征橫水寨時恐三泐乘間乃使人諭降賞以銀布諸賊心動有黃金寨賊率五百人至聽用獨池仲容不肯從其後破橫水竟用黃金賊立功仲容始畏之於征桶岡時亦遣其弟仲安來請從征揣其意實欲規動靜且乘間為內應也守仁知其詐於其從征遣截上新池以逆其路不使奪隘至是桶岡破賊大懼私為戰守且益脩守仁密召三泐諸縣民被

賊害者詢之得其情各受以方畧使歸集兵衆候命而以平桶岡之故遣使勞牛酒至三泐察其變使見賊嚴備問故賊度不能隱皇恐說語使者曰龍川新民慮珂鄭志高吾讎也彼將掩襲我故為脩吾敢防官軍截守仁佯信之時仲安在軍中守仁啟戟門公言珂等讐殺大無道移檄龍川縣廉狀且令仲容除道候興師討珂等仲容使馳謝謂無勞官兵當自防蓋不欲假道也初盧珂鄭志高陳英三人皆龍川新民頗舊兵二千為守仁所用故諸縣近泐則皆見賜於仲容而三人抗之仲容恨入骨至是檄龍川廉珂而珂等三人反齊詣軍門告變暴大髻反狀大髻者仲容號也守仁怒立縛三人將斬之曰大髻方遣弟領兵報効而敢以私怨誣罔啟兵隙呼仲安來前曰汝謂其弟不在耶仲安叩頭辨守仁慰之遂械繫珂等置重獄而密使人諭獄中令無恐且令遣使歸諭珂弟集兵衆候命十二月二十日守仁還至贛張樂大享將士櫛巷皆燃燈鳴鼓下令曰諸寨盡平吾軍士勞苦久矣宜休兵為樂以度歲時遂令皆解甲歸贛而遣使頒曆三泐友諭仲容勿撤脩防珂弟掩襲仲容初得繫珂信喜過望至是聞諭則意益大安守



仁乃購仲容所親者說仲容當自投訖且曰官意如此何可不親一詣謝仲容曰欲伸者先誥理也吾亦欲一往謁贛州所為遷率黨九十三人皆捍首齊詣贛宿祥符宮先是守仁檄諸路及龍川兵皆伏集候命其諭珂弟亦如之至是遣金趨荆頭而夜釋珂等使急歸發兵然後乃出見仲容勞之張小宴令諸官屬皆次第設犒緩其歸久之度珂已至家諸州縣兵當赴荆乃大宴於庭先伏甲士引之入盡斬之無遺遂親率兵從龍南冷水直搗下荆時正月七日副使楊璋指揮郊文知府陳祥邢珣李毅推官危壽指揮余恩姚壘縣丞舒富皆從破寨三十八擒斬賊首五十二從賊二千有奇賊乃據險伏龍子嶺官軍為三樹犄角進賊走余恩遇伏幾被執逸推官危壽救之賊復盡銳奔九連山山橫數百里四面陡絕惟一而得上賊尚八百人已據險官軍不敢近乃選精銳衣賊衣佯奔抵暮至崖下賊下招之兵度險遂上下奮擊四路設伏絕奔鞅一鼓擒盡獨賊首張仲全等二百人匿別嶼皆慟哭叩土請降遂納之凡計日荆平捷聞仍請設和平縣以控之乃歸其後樂昌盜高快馬尚集一千七百人掠大庾南康贛縣主簿吳玘戰

而死守仁復平之於是南贛千里皆無賊

擲挂在湖廣東南地多狴寇官兵累勦之不絕正德初土人龔福全倡亂稱延溪大王其黨劉福興李斌高仲仁黎穩藍友貴俱署官據烏春山臘栗諸寨殺都指揮鄧吳安仁知縣韓宗堯聽選官鄭志熙朱隆等守臣以聞時帝方巡遊未省也至十二年湖撫秦金復以聞乃勅金與贛撫王守仁廣撫陳金會勦守仁兵素練聞命即行秦金以參將史春領兵仍用土官彭世麟佐之兩廣兵亦至遂練日由桂陽魚黃熱水郴州紫溪臨武芭籬堡爭險而進初破對里平石了髻山寨斬監友貴繼破烏龍山斬李斌繼破大小王山斜寨布洛角魯莊山坑坡諸寨則彭世麟生擒黎穩俘之繼破黃土烏泥二塘金鷄寨婁子園獲李斌之子李仲清繼破策衣秀才鄧家魚黃朱廣老虎東嶺斬沈鸞時所齒婦女釋兒無算悉放去或曰劉福興在臘栗乘轎張黃蓋樹幟焜耀山谷間是日破臘栗生擒之於是又破平竹水東嶺九龍江大王山諸寨斬楊禮保遂破牛頭天堂南延莊大烏魚跳企山諸寨生擒李仁才龐海繼破曹雄坑扶洞良坑鷄公嶺神鎗脚長灘諸寨又破廬田栢木白水帶下樟



溪青峒十八壘石笋峽諸寨擒劉德才時所燒房屋無算賊墮崖死者不可勝計乃遂破上黃城背猪婆老虎延壽黃國斬梁景聰方是時賊首龔福全未獲也乃懸購生擒五百金斬首半之或曰福全匿禾倉石世麒乃與弟世麟進破走馬山及禾倉石擒福全是日除夕福全置酒飲其別將破東坑者獲福全妻並從子龔秀賊平前後計斬共二千五百五十四級俘獲一千七百八十人破寨一百二十所散歸者無算惟賊首高仲仁已遁後南贛官軍獲之廣東仁化縣界中

論曰河北之盜與江西之賊其縱橫流漫與崇禎寇同而通奸竅積窟穴險阻則米脂烏合抑湖暴露未嘗有順成弘正百餘年之久湖福江廣三四省之興也然而成敗頓殊與賊相反或曰正嘉竊發當宣孝休養之後即繼之武宗之繼世宗之繼而崇禎不傷崇禎擾攘丁燾廟祿喪之餘即繼之烈皇之治而元氣已竭其說似是而實則時無否泰人有治亂向使殷辛必嗣桀而亡建武必繼高而興則崇侯可戴周赤眉不降漢矣夫亂貴速而除惡務本有明自仁宣以後代有逋寇豈無乘時奮興適相驅除而實則

根抵未斷以漸綿蔓其始也如斬木之有槎枿遊塵之有蟻蟻而既則如把毳毛如掃飛穽如割流水旋把則旋生旋掃則旋下旋割則旋合且其人生不足重死不足輕獵繩扑蠶無閑多寡而此則一失利而民耗餉絕軍國且重創矣故湟中已郡以衆見滅而黃中流毒三輔朱儁段熲教戰而殲之此無他操之於無餘而收其所未散也夫閩獻初起原本涓涓即其既橫亦豈無要隘之可扼而閩賊竄商洛而故關其圍獻忠走達州而翻縱之出雖前乎此者十五年閩固全無一人可稱討賊而即其機坐失其手捧河山而昇之么小死且莫贖而黨其人者尚欲原其事而為之解之則何心與故有明之亡在乎無兵亦在乎無人浸假二正之間無項忠韓雍彭澤諸臣則不能稍延而無王守仁則二百年之天下其不為崇禎之禍烈者蓋呼噲間也吾故於守仁之勤賊可畧指之為後世鑒者方守仁未至贛時早有三省夾勦之議而守仁爭之謂相賊聚散隨便撲滅則既者征調復免供饋必欲夾攻則計賊料兵計兵料餉檄衆斂儲數月始辦兵未出而賊則已流竄久矣即有所勦非良民則脅從耳是以兵甫撤而賊復起且夫征調之



兵百倍於賊前事可鑒也乃疏上而夾勦之議卒不可破守仁不得已復假為夾勦之法反覆奏辨名雖三省而實惟一一致如捕岡近湖則先湖而後廣三洲近廣則廣進而湖退其於緩急先後多方調劑以至於曲全夫守仁豈不欲徵兵數百萬給餉數千里為行軍侈哉乃必爭之至再至三極至湖廣兵至而却之三洲既破而廣東兵尚未聞也蓋不承廟算不設監軍不用征調不需供餉不別將吏不煩記功雖曰我戰則克事理固然然其思患預防之苦心亦可鑒矣崇禎諸臣不是之法而凡所為者皆守仁之所不為遷延狎獵以至於敗亡悲哉若夫賊盛於招撫列代皆然守仁云招撫之說可偶行於脅從之民而不可常行於怙終之寇可一行於回心向化之徒而不可屢施於乍服乍叛之黨言哉言乎至於策盜諸疏惟胡世寧能言之有曰舊招者不赦再叛者不招新起者必撲噫盡之矣

界得數萬人總督都御史張嶺以聞遂命嶺勦之數月平

王堂青州人以盜礦起顏神鎮殺指揮楊浩沅劫萊蕪新泰臨城曹縣諸境山東河南俱震時兩省兵備各以兵少選都第得賊出境為幸科臣陳時明請留山東京標軍並調保定諸土達官軍會勦而賊不復聚但往來行劫聞從曹州渡河犯河南界且乘河水合將劫漕乃復命督漕都御史俞諫以便宜勦賊自二年正月至三年四月始平遂請設兵備于顏神鎮是年樂安盜唐經亦聚眾為壽光知縣孫峻所滅青羊山賊者潞州民陳卿陳綺也卿曾為藩府長史司吏以失志棄去與其子綺據青羊山寨為亂名青羊賊流劫潞州諸州及河南懷慶西撫常道請發三關兵討之大敗執指揮秦訓知州王朝雍去道恐黎城知縣王良臣請巡按務相招卿卿益肆曰朝廷何能為分聚數萬人各據險隘有所謂魯班整穿腦尖線口洪梯半崖谷堆底門樓安陽諸名官軍不敢近如是五年巡按蔣揚初赴任因復請討而賊脇近山居民籍記編甲伍官軍屢敗廷議謂罷兵便即不可或仍用招撫惟揚一清持勦議張總佐之始點常道



代以僉都王應鵬同都督魯綱帥邊鎮諸兵進勦七年八月綱以軍駐潞安仍不敢進初賊聞師至豫出山四掠本以觀變為進退計至是乃大寇黎陽潞城殺掠民畜燒焚屋廬千里內如暴風捲浪所逼傾蕩而後乃還保山險時河南林涉修武俱重被賊害河撫潘瓊憤甚檄副使翟瓚牛鸞僉事陳大綱揚朝城督兵進勦翟瓚乃掩賊不恪遽奪井腦破魯班奔腦攝其內險賊迎擊賊之追至茨草嶺燒安陽等巢趨李莊東賊且奔具戰壩乃麾兵搥老寨賊力不支分其巢為三官兵四集環破之擒賊帥殷得海等卿寤甚乃詣陳大綱請降其餘賊奔石返頭牛鸞盡殲之而執其子綺與其弟陳泰陳訪陳諒等當是時魯綱聞賊平揚兵同奏凱給事中夏言曰魯綱坐潞州未嘗見賊而飛章告捷何也即令言勘之八年言復命并言潞地寬宜改州為府而設縣于青羊山以鎮之遂改潞州為潞安府設長治縣附郭而割壺關潞城黎城三縣地以立縣于青羊山曰平順縣

業射之以為衆警科臣楊雷聞於朝詔責操江王學夔巡江湖宿而置指揮鮮明道董揚及張瑤周寧于理嘉靖十九年總兵湯慶駐鎮江討之明年賊平仍撤鎮江總兵官

嘉靖二十五年汶上田斌妻連氏與白蓮僧惠金妖人楊惠通煽亂焚殺曹單滕濮間凡所掠丁壯醉以藥咒之使列陳前則愁戰不避死傷以故從者日益衆東撫何釐以狀聞即命釐討賊釐坐視不少動無荷賊大熾西寇歸開南掠徐鳳治河都御史詹瀚集役卒格關數之衛兵繼逐獲賊及連氏餘黨釋去釐忌瀚奏瀚擅殺伐不道帝聞大怒曰汝賊犯亂地方官不能勦捕而他人勦之不自知引愧而反陷他人擅縱何無良一至此立命錦衣逮釐下鎮撫獄久之有解之者削籍去

師尚詔家柘城為司市老人陰蓄異志歸德知府尹一仁信用之使捕盜尚詔故嘗與盜通及假以捕則專甚得自為縱舍乃結劇盜數千人起兵時同里舉人陳開詩有名脇為主不從自絞死尚詔感之戒勿殺儒生勿擾學舍於是整衆薄府城府衛官知變將嬰城守而賊黨有內應者先啓門內之諸官匿學舍



獨檢校董綸走城下見殺乃劫獄囚掠帑藏相載而去初尚詔未叛時剽奪傍近富人貨累萬金買娼家女為姬至舉兵向府委其家不復倍念無有犯我者而柘城少年素狡僧乘尚詔出度未返即率俠客數十人掠其家傾所蓄金淫其娼姬去尚詔歸聞故大憲詢姬所由姬頗識少年舉以對尚詔遂率眾圍柘城索其人縣官不即予守又無策城遂破搜其人支解之去而圍太康亦索怨家一二人署事楊通判者懼不能守執其人縋城予之斬首去河撫楊宜統都司尚克詔指揮李璠進勦戰鄆陵賊績官兵死者數百人勢猖甚衆至數萬沈劫睢州西華扶溝許州臨潁諸州縣後賊病非圍副使曹邦輔襲之賊敗走永城又敗之東奔宿州官軍追及於五河賊奪舟分水陸二隊先詔乘其分急擊之大潰尚詔變服遁獲於山東莘縣賊起凡兩月破府一州二縣八屠燬鄉鎮殺戮合二十餘萬三省皆震

有天子哉借帝號改元建曆開科署王侯丞相諸官所居有黃屋朱戟二重聚衆十萬縱掠汀漳延建及寧都連城瑞金攻陷雲霄鎮海衛南靖諸城三省騷動福撫游震得檄指揮王豪率三衛軍與福州通判彭登瀛領鄉兵進勦大敗登瀛歸罪豪震得執豪等之斬隊長以下四人三衛軍不伏會副使汪道昆閱操至教場三衛軍大譟格殺鄉兵數人而請殺登瀛聚城南火之始散嗣後官軍不能勦即調狼達兵征之皆不利帝憂之總督胡宗憲上疏言中風願乞骸骨言官劾宗憲歸避宗憲不顧先奏以三月十六日率兵既而敗四月十日所徵狼兵十餘萬自費餉給帝召尚書楊博議博奏遣都督劉顯恭將俞大猷勦之以萬五千人乘璉出寇搃其巢璉還顧失據乃分賊四隊且守且禦官軍逼賊營望其城柵甚茂旁環以水寨無慮數百遂進逼城柵而遣別將以火攻左右焚其寨賊大潰乃懸購獲璉者萬金官指揮獲璉于金官千戶賊黨郭玉誘璉出擒之并擒晚於是通賊林朝曦葉槐李文彪余大春等皆前後被獲合計擒斬共二萬餘級俘獲解散共九萬降者無算因設平遠縣於程鄉之水平營而設伸威營於興寧程



鄉安遠武平四縣間乃平遠新設降盜梁國相復叛知縣王化初到任寄妻會昌縣親率鄉兵勦捕之賊反問會昌言化戰沒化妻計氏自刎死化聞大恸將發喪賊喜攜衆以為未勦也化急統兵擊斬之其他伍端溫七皆乞降時大征倭夷伍端自縛詣軍門求効大猷許隨征立功授以官

俞天猷討海寇吳平平乞降既而復叛設三城海上縱橫南澳活嶼間詔安漳浦殺把總朱曰璣王豪福建總兵戚繼光討之賊入舟遁既而繼光偕大猷夾擊且遣叅將湯克寬破賊于萬橋山下會暮大風火攻焚其舟賊大敗多赴水死或曰平竟遁或曰平是時死水中

隆慶二年廣東山寇曾一本犯省城屯海珠寺俞大猷擊走之其明年一本引倭寇鹽埕碣石諸處衛所官禦之無功時雷瓊叅將耿宗元馭下嚴聲言欲斬賊將廖鳳等四人四人懼會宗元閱兵教場四人忽鼓譟召衆殺宗元執通判潘槐去與一本合屯兵平山大安嶼通寇海上詔大征總兵郭成趨大浦由白雲屯入以攻平山凡月餘生擒廖惠等四人倭酋丘古所二人俘斬從賊從接合一千四百餘人奪歸

潘槐以下六百人獨一本遁去又明年大猷乃擊一本於柘林澳又擊於馬耳澳時郭成亦至又合擊于萊蕪澳擒一本及其妻猷俘乃又擊葉丹樓葉萬王西橋藍一清賴元爵等當是時有議兵餉者疏曰海賊一萬每用兵十萬用兵一萬每費餉至七八十萬大征之為患如此

大足蔡伯貫以白蓮教挾衆為亂偽號大唐大寶元年連破合州大足銅梁營昌安居定遠璧山七州縣帝命川撫劉自強討滅之其時復有會勦黃中之役黃中萬年縣賊見土司傳

江西萬羊山賊張茂於隆慶二年聚衆反賴撫張紳初至官即令萬安營守備董平勦捕以先令搜山山多藍戶皆種藍為業賊衆合藍戶拒敵而巡按劉光濟主撫呵將士猶豫遂大敗帝切責撫按令協議毋各執己見乃兩用之先以撫嘗賊賊不聽然後議勦勦已復撫凡一年其後賊出寇竟用勦滅而撫終不用

向種遍天下陝西延慶間尤衆皆無生產坐車賣藥仰食他傍縣萬曆八年李宗鶴倡亂陝督高文薦請勦而回實編戶與民間謀居結婚姻勦之不便不得



已用撫遂聽撫如有年至十二年歲大饑回五百人皆騎馬執兵罷由涇州走靈臺縣據高山為壘居數日復奔麟遊縣如流寇者都御史李汶請兵使千戶徐金以六百入合巡撫鼓行而進賊復走永壽縣過分水嶺追至玉梅灣敗之復徙三水縣土橋鎮已走淳化轉耀州與饑民合遂據文王園為險固去州可四十里時謂列兵塞隘口堅守十日可立斃徒逐之何為哉副使原一魁推官張守乾執不可曰此窮寇也使散去遂縱之走白水縣明年又進兵始擒賊首馮毛等科臣顧九思疏曰賊起必有所由始不行進論則疎縱之罪何以懲於前賊敗必有所由去不知所向則蔓延之禍何以杜於後聞者聽之

蝓蟻賴元爵馬公藍一清皆巢賊巢賊以千計而二賊為首萬曆初廣東民伏闕本兵譚綸覈狀始遣總督殷正茂討之惠潮諸生三老蛇行出國門悲號伏道左獻圖圖諸賊膝殺狀而簿記所殺自嘉靖至今合殺十八萬八千九百餘人名籍甚悉正茂乃合十二營官兵并徵左右江土兵共二萬辦餉九萬通破湖惠和平長樂興寧程鄉海豐歸善海陽一千餘寨斬獲一萬三千餘級是時嶺東曾廷鳳陳金鶯譚權

伯皆請降不許乃復討嶺東殘寇仇大溪肇岑岡下歷諸寨皆相繼進勦惟高要六灣遲久始破而嘉靖通盜於斯俱盡

鮑時秀者龍川撫民也號鷄毛白在嘉靖中嘗劫河源歸善博羅諸縣縛通判洪章主簿陳濟去勒金錢贖還乃阻義都猴嶺為巢招亡命習演會天書而其妻杜工妖術能走沙石擊人面時秀每見人面被擊輒大快曰阿杜真吾妻也於是附之者請時秀王東粵稱無敵洞王出入擁大蓋策駟橫行城郭間城郭民鳥徙去萬曆初朝命殷正茂勦之時秀請降既而復叛其明年總兵黃應甲等復勦之擒時秀斬首其妻以叛婦律給功臣家

澄海林道乾嘉靖中為盜降既而以兒子茂入彭亨國為都夷使招道乾道乾詣軍門明白辭去封還前所給一十七劄竟行廣督殷正茂檄暹羅安南共討之暹羅乃使使握坤喇請曰道乾更名林浩梁在臣海灣中欲會大泥國入寇今已統兵向頭關矣正茂與福督劉克誨遣香山兵章佛即機沉馬囉味及缸主囉鳴樹吡叻同擊道乾乃奔佛且海峽去同時諸良賢林鳳李茂隨道乾入寇皆滅盡獨道乾莫



知所終

梅堂於萬曆十四年入新州為盜而宿松長溪山中劉汝國者本以匠役為武藝教頭梟傑多智因犯法繫獄忽毀械竄身出無所歸遂附堂既附執宿松巡檢如其項游市而殺弓兵於其前知州徐希明廉居民之雄幹者曰潘按予以兵密託之擒盜按設計與吏目蕭芬賣漿宿松古車嶺候堂過擒堂而汝國健捷跳身走先是汝國有所善番僧五人善捉刺客三人善刀弩時相往來以汝國繫獄散去至是各來覓忽遇之大湖縣界會旱災饑餓衣菜皆盡汝國遂拉之為盜自稱順天安民王鑄銅印大書替天大元帥衣紅衣出入擁大蓋駐二即河就冒民箱困招徠饑民共食之饑民隨者數萬人晝焚楓香驛殺掠居民盡逃竄指揮茹勳百戶鄭國重皆相視不能救而安慶宿松諸府縣俱託以入計謝去撫臣以聞乃遣守備孟儒周弘謨率兵逼黃梅至宿松度兵不支仍請徵搗挖兵待戰會蘄州判官陳策自負善射帥鄉兵隨往弘謨止之不聽戰於長溪竹麻尖大敗策中鎗死弘謨亦被創走賊乃乘輿入宿松城搗賊還柵二即河明年二月巡道陳有德分兵屯太湖宿松而自

為檄文使二僧招之不聽反移書有德謂豪家不法吾取其財以濟貧此替天行道而違之是逆天也時廷議切責促進兵會搗挖兵至乃遣分兵逼賊柵夜半賊焚柵而遁追獲二十餘人賊奔師工山將窺安慶入黃州渡江而吳時德州盜凌子雲為知州任春元所執於是諸將急追賊猶拒戰大敗悉走天驚尖隨道斬獲百餘人追至金堂寺生擒汝國斬安慶市天啓中妖賊並起鉅野徐鴻儒以白蓮教倡亂聚眾鄆城同時有聞香教王好賢者本深州人其父森曾救一妖狐孤斷尾與之入就森則異香繞衣然實無見也森所遺金數萬好賢藉之召諸豪而景州于弘志聚無賴創棒槌會與好賢結納遂偕鴻儒約同起而鴻儒以他事相激先發寄家口於梁山泊刑牲起兵攻魏家莊又攻梁家樓據之遂連破鄆城鉅野二縣究西道關調羨以聞帝命巡撫趙彥總河陳道亨合捕之不得乃復陷鄒縣滕縣知縣棄城走時括遺餉急雖徵兵無餉可給止練鄉勇責有司捕治復不能禦賊彥乃暫留秋班邊兵令都司廖棟統之勦諸賊賊始窘殺賊數千中有四大金剛衣中匿紙人俱毀去而別賊攻夏鎮者截運河奪糧船四十艘總河



賊揚四白蓮香濟時直鼠竊狗偷耳何足道哉

君急帝命兵部叢兵防守會沙溝營把總姚文慶集鄉勇渡河擒賊十一人殺五十餘人奪回漕艘然賊猶復劫官營殺都司遊擊楊國盛等僭稱大東興勝元年連兵十餘萬謀先取兗州次取濟南官軍環蹙之且以計誘賊就撫乃於碭山初獲之際賊高尚賓等縛鴻儒出降籍其黨共三萬人馬驟罷仗稱之時景州于弘治亦以攻景州為官軍所敗斬弘志馬下惟好賢走薊州逢久就擒其年四川亦有白蓮賊洪象白台先等為巡撫朱燮元擒捕正法

艾山賊劉永明稱安民王以二十八人塗面稱二十八宿聚黨二萬餘人合鄒滕賊共十七枝天啓二年官軍攻破之獲永明臨刑猶自稱寡人云

論曰正嘉群盜如蝟毛不堪盡載或曰嘉靖三年有五里聚營室王天下兵起其多寇或氣運使然然其君臣亦大略可觀已當時指名盜雖為害久顧非受賑不閔廟筭或無預地方要害暨軍政得失且未嘗調遣禁狼達諸旅則皆在所畧故如山東李之強兩廣龍水賊荆襄河淮四川王洪江西徐九齡海寇歐家政漳州施安錢滂俱未錄及至若竹溪竿子寇妖人馬祖師沈雄太湖張安慈蘇州周二礦賊張戩茶



明史卷四百八

盜賊傳

盜賊下

李自成 張獻忠

李自成米脂人小字磁生居懷遠堡之李繼遷寨生而穉惡十餘歲即與回回婆家收馬喪父為酒傭日沈醉主者遣之去學鍛又不成二十一歲應募銀川驛馬夫乃習騎射學刀槊于延安羅氏盡其技嘗夜送驛遞晦失道有雙狼導之行不傷崇禎元年延安大饑邊兵缺額餉一百三十八萬饑民緣邊兵為盜而陝撫喬應甲奄黨貪且賈有劫道臣吳養和者反脅養和取千金置盜不問盜自是益橫而被盜者莫敢告是年白水王二反同時有王左掛苗美飛山虎大紅狼等起宜川而固原兵以無餉叛去剿殺畧陽涇陽間會畿輔告警西撫耿如杞以邊兵五千勤王赴京兵部調守通又調守涿又調守昌平功令兵到日不開糧至次日乃開而邊兵以連調積三日不得糧餒且詳登如杞以詳故得罪則五千人哄然西歸與群盜合自延安至慶陽城堡多陷而延撫楊鶴不以聞於是王和尚混天猴等從神木渡河陷山西之蒲州自稱橫天一字王攻潞安河曲皆下之王家

引又襲破黃甫川清水木瓜三堡據有府谷總兵尤世祿怯不能禦而王大梁倒稱大梁王者其別部且從寧羗出漢中鄧襄告急當是時自成為驛夫未反也無何科臣劉懋疏請裁驛站河北游民隸籍驛遞者多亡去自成蓋無賴始為小偷里中人苦之膠相推為里長主徵會自給值催科急縣官箠辱相于市自成自顧既不堪而其妻韓氏故娼也與縣皂淫自成乃發憤投法者偕兄子過亡命投甘督所部將王國為兵過驍敢善鬪賊中所稱一杖虎者也時國適奉調過金縣兵譁自成忽起縛縣官索餉國止之并殺國竄入賊隊高迎祥號闖王者而自居于八隊闖將之末八隊者一眼錢兒二點燈子三李晉王四蝎子塊五老張飛六亂世王七夜不收八即自成也自成名未顯而賊中有張獻忠者號八大王先自成有名方是時王二王大梁左掛神一元一魁諸首難賊皆已投首而邊將曹文詔楊嘉謨善殺賊斬王家引于陽城擒點燈子于桑落鎮磔不沾泥于西川滅紅軍友于平涼俘李老柴于京師誅混天猴于延水關珍獨行狼可呆飛于虎兜四書有之鐵廠渠魁方賊之初起其為戎首不過此三數人耳而皆已撲滅餘



賊少小可鞭笞驅之而不謂其後之漸難圖也自王  
家引死後群推其左丞紫金梁名王和尚者為之首  
而合各部賊為三十六營共二十萬有所謂老狗狗  
八金剛闖王闖將八大王掃地王曹標射塌天闖王  
虎破甲錐形紅狼頭道神過天星塌子塊混天王黑  
煞神諸有名者而於是自成獻忠始合夥為賊先是  
延綏兵以核餉下臺遠聞虜府縣患其斂加之饑饉  
不雨者幾一年人相食職方王惟貞陝撫練國事屢  
請發帑賑而未有報也至其冬兩黑雪百日雪深一  
二丈盜賊麻起而內地承平久日不睹兵革各棄堡  
逃愁慘不知所為故當點燈于犯沁水時千里內無  
守堡者獨張忠烈餘其妻霍氏守不去人稱之曰夫  
人堡云乃群賊四出各有所向其據交文以窺太原  
者閻正虎也屯吳城而進汾州者邢紅狼也從沁州  
而北入榆次壽陽者紫金梁張獻忠也襲霍州垣曲  
長子以陷遼州者破甲錐混天王也是時自成與破  
混合帝遣太監陳大金等分監總兵曹文詔左良玉  
艾萬年軍左良玉戰林縣不利而文詔萬年獨有新  
獲賊妾因其首紫金梁累敗于故錦衣衛成雁門者  
張道濟已乞降矣忽叛去為官軍所殺其他混世王

翻山動掌世王頭道神等皆前後斬獲盡乃賊  
之被驅于汾沁者東流順德犯畿輔大名道盧象昇  
禦却之南下破河南修武諸縣圍懷慶府時河撫樊  
尚燦請良玉駐澤州通中可南獲懷衛北捍沁潞而  
良玉據懷慶小有斬獲乃復敗于武安賊得東送輝  
縣由淇濟邯鄲延蔓河北三府間廷遣倪寵王樸統  
京營兵出勦賜二帥弓矢千五百戰馬三百二帥與  
良玉萬年并力躡賊于武安于青店于石坡于柳泉  
于猛虎村賊詭詞乞撫撫臣常道立信之因監軍太  
監盧九德以請會天寒河水冰合賊且降且走驟從洹  
池縣策馬徑渡而于是中原賊禍從此始矣先是賊  
入山西時雁門戍官張道濟應撫檄軍前有功當賊  
犯沁水道濟率蒼頭禦却之生擒賊首滿天星獻俘  
而言官謂道濟雖伍胥功改戍海軍衛文詔殺賊于  
太行救鄧玘軍力戰甫解甲而河南巡按適至惡其  
體俗糾之致論戍故浞池之渡文詔與其兄子變蛟  
俱不在軍乃既渡而賊浸盛然究以良玉鄧玘諸軍  
軍河上遂從盧氏南下趨荆襄直抵鄭西破上津房  
縣及宜都彝陵松滋竟入川夔關不守時帝改延撫  
牛奇瑜總督而以盧象昇為鄧撫勦賊賊從均州逸逃



戰皆敗敵忠竄商洛而自成則急奉閻王奔入興平之車箱峽四山立中亘四十里無去路而土兵用搗石滾木圍堵而敵若督井春夏連月雨衣糧絕弓矢脫爛人馬死過半賊不得已賂奇瑜左右詭降而奇瑜妄人好自用籍醜黨上軍門稽名得三萬六千人指顧解散以為神且檄諸路軍按兵所過府縣為具稟傳送而賊甫度棧大譟殺獲監官十五員破所過縣七別賊數萬自畧陽來會在在告警奇瑜得罪去人乃于是畏自成自成圍隴州延撫洪承疇援隴圍解而固原道陸夢龍提兵救陰德戰而死全陝皆震廷議合川湖河西兵四路進勦賊多西向而自成獨出關趨河南連陷陳州堽寶諸縣既而聞承疇加總督並以閩寧兵隨出關自成乃號召諸賊合七十二營至棗陽大會舊所指名有老狗狗羊里眼左金王曹操射塌天混十萬過天星九條龍張獻忠等名十三家殺牛馬祭天令敵列圍以茅左當川湖兵射混當陝兵曹過毛于河當河兵老狗狗九條龍等作游徽往來策應而自成獻忠則專事東方攻城下邑均所獲署定自成與獻忠東行破固始霍丘以遠顧壽殺故尚書張鶴鳴疾趨鳳陽越紫禁城入焚皇陵享

殺毀鐘簾擇高墻罪宗百餘人唐世子與馬俊入福建稱名號者是也殺班軍高墻軍操軍新軍及府衛各官死者合四千八十人方是時賊猖甚裂帛作旗害古元真龍皇帝大飲合樂而獻忠掠小黃門十二人名響手酒平奏仗自成請得之獻忠不與自成怒盡殺小黃門徑去走歸德合曹過諸賊而承疇出關自成復入關時承疇奏限五月平賊召諸路兵盡入河次河之汝寧先遣左良玉湯九州尤世威徐來朝陳永福鄧玘允程文張應昌許成名諸總兵各以所將使分防隘口而已侯曹文詔至進兵前此文詔已背罪在軍屢破賊乾州商州立功至是以別勦未至而徐來朝不肯行兵諱于盧氏鄧玘淫掠為亂兵所殺師不問也調參將譚大孝不至承疇乃自率邊將賀人龍行約文詔會商州適文詔從南陽來印遣文詔抵洛南擄賊葉賊之追奔五十里抵金嶺川其兄子變蛟爭先殺賊賊聞大小曹將軍名震懾不敢戰承疇乃饗士且節制曰商洛之賊不得西鳳平之賊不得東縱者死而賊圍鳳翔別賊圍平涼官軍之戰于亂馬川者總兵艾萬年中軍劉弘烈副將柳國鎮皆先後死承詔素與萬年善聞其死痛哭請軍門請



戰乃以三千不當賊于真寧兄子變蛟為前鋒直前斬賊五百級乘勝追之文詔以步殿賊伏起合圍數萬運顧無策應者文詔力不支轉鬪數里自刎語具文詔傳賊乃由耀州走朝邑奔澄城郃陽承疇往復勦樂而尤世威徐來朝守朱陽關不戰而潰于是群賊皆出關而自成獨留時帝憂甚先以淮撫兵番兵瓊鳳陽陵以巡按余應桂所募土司女官丹氏兵守獻陵特調龍固關參將李重鎮兵四千連東總兵祖寬兵三千馳援時象昇已授湖撫承疇勦西北象昇勦東南文詔雖死猶足滅賊而無如節制多未當也方其時甘肅總兵柳紹宗敗過天星于寧州連累純惠海絕其西奔請降而左良玉敗賊于嵩秦翼明敗賊于均州斬黑煞神飛山虎等唯自成親陷咸陽殺官吏其勢頗震然亦為官軍所敗賊將高傑挾自成妻歸降而出關諸賊則屢敗于良玉陳永福自光羅走麻城羅田犯斬水象昇統祖寬等與良玉夾擊于靈寶賊大勦獻忠狼狽重奔朱陽關聯三大營候自成出關而自成失其妻又失其弟詭乞降于監軍不聽乃復擊之于高陵富平斬賊千餘級自成扶闔王突朱陽與群賊會悉眾薄河南關鄉而賊于是已三出

關矣先是賊攻龍泰將質人龍被圍自成以人龍同里遣高傑招之不應疑傑使歸守營而自成妻邢氏多智掌軍資每賊走糧呼傑入驗符悅傑與傑通至是來歸共殺賊而自成與獻忠合趨洛良王祖寬共救之自成走偃師獻忠走嵩分行良玉追自成寬追獻忠皆大捷自成乃攻廬州不下連陷舍山和州殺御史馬如蛟等去而攻滁時自成獻忠皆在滁環山為營包絡鱗次百餘里行太僕卿李覺斯知州劉大華督民登陴賊百道環攻不下城頭火輪巨礮殺賊無算賊志甚裸婦女百餘皆淫之已盡斷其頭環向堞植附倒埋露下私以厭緒礮礮裂竟斯取圍榆數百枚如其數懸堞外向礮仍發是夜象昇率祖寬馳援賊方怒盡銳急攻西北隅而上兩關羊馬墻壓大起賊不虞兵至寬躍馬前諸將乘之戰于城東五里橋游擊羅岱陣斬賊首搖天動奪其馬連營皆潰遂北五十里自朱龍橋至關山積屍撐篙撫朱大典截賊路賊間道破守禦官軍遂襲官軍旂夜遁至永城副將祖大樂復遮破之斬賊混天王小秦王俘其眾奪所囚婦女馬騾會棗陽土賊以牛酒迎河南所留賊搆蓆為宮掛綵繒張樂高宴而自成適至臨自



成自成乃遣一字王曹操共趨開封大樂再敗之殺  
熟集新賊千級遂趨南陽知縣何騰蛟復擊敗之自  
成精銳幾盡時象昇誓衆曰我逐賊至此諸君努力  
無使逸而湖撫王夢尹慢勿應漢以南無一兵待者  
而自成乃渡江西走興漢從陳倉子午谷重窺西安  
舍而趨慶陽至延綏大敗官軍于羅家山收士馬器  
仗而延綏總兵俞翀霄一戰被執勢大振遂運米脂  
錦衣遊城下呼鄉里親戚問安否鄉人多艱蒸從賊  
乃自成西行而關王尚留漢中會承時象昇俱復以  
遣警入援關遠兵北還帝特出孫傳庭于獄授陝撫  
傳庭初入關即與關王戰盤屋擒關王獻俘闕下衆  
于是推自成為關王自成之稱關王自此始顧自成  
與過天星獨行狼蝎子塊諸賊俱在陝惟曹操擣塌  
天老狗猢猻忠東下官兵之駐關中與河南者俱不  
及賊之什一且徵調入衛賊得休息而官軍之戰與  
守反非時也乃自成寇三原過天星蝎子塊俱移兵  
東會官軍不敢去相持值傳庭統變蛟至連戰七日  
賊敗蝎子塊降自成與過天星奔秦州由寧羗分道  
入川下黎雅青川新明鹽亭諸縣直逼成都攻七日  
不能下仍返沔陽曹兵進過之乃乘夜走武功分賊

往西番掠馬將次老鴉關值承時從邊塞遠統降將  
蝎子塊追之俘其妻自成復走川而變蛟渡河邀之  
且設伏于潼關原驅賊入伏中奮矛掩殺相踏藉先  
後降者數十萬委仗如丘山自成乃以十八騎走十  
八騎者劉宗敏田見秀李錦谷可成張世傑高一切  
張勇李過李雙喜任繼榮總光田虎劉汝魁其五騎  
則掌械兒也自成既敗足走商洛山中讀書觀乾象  
卦咄自語嘗掩卷謂左右曰汝亦知漢高之百戰百  
敗而得天下乎顧其所讀書云為異人所授甚秘不  
得而知也先是象昇破鄧襄賊之在湖者凡十五家  
獻忠跪降于總理熊文燦已有日矣至是據穀城而  
自成依之獻忠初欲殺自成既而為曹操所解與自  
成羸五十馬五十婦人十令去自成謝曰以身相依  
足矣安用是也自成去而收殘賊稍稍自保旋復為  
官軍所圍督軍楊嗣昌令曰圍師必缺缺則自成遁  
武關嗣昌急招之不得乃復進圍于巴西魚復諸山  
自成恨欲自殺李雙喜止之時賊將多降而藍田銀  
王劉宗敏與孩兒軍張勇後稱小張侯者嘗幸從自  
成貨懋叢祠中顧宗敏嘆曰人言我當為天子蓋卜  
之吉即從不則斷我頭以降宗敏諾納其刀腰間三



十三吉起而殺其兩妻曰吾死從君矣自成乃燒死走河南河南舉人李巖者大司馬李精白子也原名信信以父奄黨思前其醜嘗出粟千石活饑民饑民德之稱李公乎會紅娘子煽絕妓也重信肉信去強委身事信信乘間歸肉于官紅娘子來救破囚饑民從德之者同時起曰李公子活我今有急乃殺令反而信投刃成改名巖而盧氏牛金星者亦舉人也以磨勘被斥介醫生尚綱見自成身成喜其辯與謀議帳中率優及女賊者亦盧氏人嘗在帳中供奉見其事率優逃歸告于金星之族入族人恐伺金星歸首之輩斬得賊死率是仍奔自成與李巖同殺自成取天下勿殺收天下心嘗造為謠曰迎闖王不納糧使鬼童傳歌之而金星所善卜者宋獻策長三尺上鐵記曰十八子主神器自成信之大悅拜軍師于是稍減殺散所掠財物餉饑民饑民受餉不辨巖自成雜呼曰李公子李公子河南叛將迎賊入燔福王府歸劉燕雅鹿醜婦名福祿海王世子裸而逃即後稱號于南京者也時河南饑通判白尚忒為賊所殺而民就噉之賊乃大賑發府穀及藩邸巨室米粟金錢各數十萬設立偽官以書辦邵時昌為總理守其

地去攻開封時昌為河撫所殺而開封不能下周王出帑金饗士巡撫高名銜推官黃澍知縣王燮同謀守賊舍之去屠密縣會獻忠為良玉所敗投自成自成欲殺之修前怨也時曹操在坐力止之陰選良馬五百匹資獻忠獻忠晝夜馳與草左合而陝撫汪喬年與保督楊文岳陝督傅宗龍共出關勸自成戰于襄陽賊績宗龍死葉縣降將劉國能李萬慶即十五家賊所稱飛虎射塌天者亦不屈被殺喬年自刎襄陽濟賊乃乘勝圍南陽猛如虎戰死成唐王于其宮連陷河南南陽開封諸屬殺徽王復圍開封先是喬年撫陝時有言自成祖墳異者喬年請發之米脂縣後說姓孫賢自成族知縣榜之曰祖墳十六棺在葛山中中一棺始祖也仙人點其穴難鐵燈祭于窰門白鐵燈明李氏當王及發掘果有燈熒熒赤熒數斛填礦中毀棺骨青色生毛髮腦宮一赤蛇長三寸餘有角見日即飛昨日筆者七返而棲于腦喬年函盧骨并腊蛇以聞自成嚙指恨及知喬年出踊而曰此發我祖墳者耶急擊勿失而喬年遂敗至是圍開封開封故宋都金人所重築也厚十丈賊攻城無梯衝但剝拆城法責一甲士拆一甃得者即歸營解甲卧



折也穿穴穴初容一人漸至十百次第傳土出每一  
土柱巨鉅鉅柱間萬人負而絕之則一呼而城崩  
矣開封守陞每穿穴輒薰以毒穢當者焦爛城上矢  
礮齊發擊殺賊帥上天龍等總兵陳永福挽強弩中  
自成日賊憤甚乃就城壞處試火攻法以硝炭實甕  
填城穴火發甕裂名大小放迸時城壞二十七處將  
進火先下令曰今日必拔引精騎環繞距躍鼓譟俟  
城頽齊擁以入而城土內墜而外浮火迸逐擊灰土  
之漲及于天數千騎鐵馬賊駭而去攻陳州睢州太  
康寧陵考城西華以及歸德儀封香山鄆縣無不下  
者乃復令群賊轉攻開封築長圍圍之凡八月時廷  
議謂故尚書侯恂與良玉有舊能致良玉立出恂亦  
獄督河南兵良玉初無意援開封至是以兵未奔與  
恂會遇賊朱仙鎮敗績群師皆潰良玉廢然返襄陽  
而劉澤清援兵至謀以次結八營築甬道得魏儀城  
中賊復斷甬道樵採絕城中雀鼠俱盡曹操亦苦饑  
將他從自成留之時三攻開封憤甚誓必拔守者若  
不堪命以開封北枕河賊營河傍謀決河灌賊而賊  
已先覺軍決於家寨口賊決馬家口會大雨旬日  
水暴漲兩決口無發聲如轟雷賊深沒萬人而兵民

死者令數百萬水從北門入穿東南門出旋杞縣屠  
邑以入于淮周王車宮眷及仁卿安卿永壽仁和籍  
主撫按守將多為援師具舟救去賊乃西向逆傳庭  
軍時傳庭初入閩即收斬虜將賀人龍戲下軍政肅  
然乃以高傑兵破賊塚頭逆奔六十里忽曹操援至  
統傑後傑之後距者望不見傑以為傑沒也奔衆皆  
奔逆潰傳庭執後距斬之時天雨糧車不進搖青柿  
為食時謂之柿圍之敗而自成屠南陽破汝寧殺保  
督楊文岳及道府縣以下挾崇王及世子行將至漢  
口聞獻志破武昌怒遣書責之轉而陷襄陽連破德  
安棗陽宜城穀城光化以及樊陵荊門州遂水神誌  
湘陰王攻承天下之楚欽陵木城毀寧殿攻承天府  
曰揚武州自潛江京山以及德安之雲夢黃陂孝感  
皆望風景附唯鄖以降將王先恩死守不下而良玉  
方國安諸將皆避去群賊乃推自成為奉天倡義文  
武大元帥攻襄陽曰襄京均州曰均平府其餘府縣  
多改易名號修襄王宮殿居之自號新順王而分其  
兵曰標營曰前後左右營各領兵三千隊自元帥以  
下次權將軍次制將軍次果毅將軍次威武將軍都  
尉掌旅部總哨總各有等自成妻弟高一功諸子過



晉居帳中號親信田胤秀劉宗敏為權將軍李巖贊  
錦為制將軍其餘張勇完守素谷可成任繼榮繼光  
張能諸子錦等為果毅將軍以下凡五營合二十二  
將置上相左輔右弼六政府侍郎中從事要地致  
防禦使自左輔牛金星右弼朱儀以下丘之陶楊承  
祿俞上猷顧君恩鄧若忠牛佺鄧連各授以侍郎部  
中防禦諸官改所秩崇王邵陵保寧肅寧諸王為伯  
使高一功守襄陽任繼光守荆南養威守彝陵王文  
耀守澧白旺守安陸蕭雲林守荆門謝應龍守漢川  
周鳳梧守禹州鄭州群賊無不附者惟羊左久據東  
南不相下自成置酒宴羊左殺之曹標在軍中保推  
為代天撫民德威大將軍而忌之就帳中斬其頭其  
餘燭子塊滿天星整十萬埽地王小秦王射燭天金  
翅鵬托天王過天星閑素一條龍小紅狼九梁星諸  
賊俱相繼降盡而自成獻忠兩大賊乃歸然獨存自  
成為人不甚長高顏深頰顴日曷鼻聲如豺而語甚  
遲緩性慘酷甜齏銛銛不離左右日斫足剖心為戲  
惟甘澆泊食不重味於妻妾無子以李雙喜為子  
每在軍幕食稍憇即自枝射白站隊所過崇岡絕坂  
騰而上踰水惟黃河阻帶他悉趨足馬皆徑度後者

斬臨陣列馬三萬名三堵場而各有幟色紅一黑一  
白一望若雲錦馬戰久則步排而前長矛三萬擊刺  
若飛達之則馬兵再合無才道矣下城不踰時不殺  
踰一日殺十之三再日十之七三日屠之東人尸為  
燎名打亮每城陷步兵環堞下馬兵徽之如履海然  
無一人脫者獻忠雖至恐不逮也傳庭大治兵閩中  
懲柿園之機作火車枋偏箱武剛道製運以神機俾  
得齋衣糧弓弩臨戰驅以拒馬止則環之可自衛官  
役雜脂作凡二萬兩白廣恩肆習之時舊將左光先  
已老而廣恩高傑皆狼戾不可法度使傳庭欲稍緩  
師期俟集事辦賊而建督甚急不得已出聞先以總  
兵牛成虎副將盧光祖由雲陝入洛而親至池池會  
下池賊與前驅相遇樂之賊却乃檄廣恩從新安未  
會河將陳永福守新灘川將秦翼明出商洛為犄角  
中軍高傑帥降將楊承祖等招撫諸賊賊盡奔寶豐  
豫設伏滋湖破其伏賊將李養純高紀祥迎降乃遣  
別將從曹山搗唐縣老營而盡銳攻寶豐且曰寶豐  
不即下賊援至則腹背受敵矣諸將急擊戰小利賊  
以精騎數千來援諸將擊走之遂以是夜拔寶豐新  
偽州收陳可新等凡數千級次日次郟縣賊萬騎逆



敵前鋒陷陣擒賊果毅將軍謝君友斫賊坐纛尾自  
成幾獲而別將搗唐縣者殺賊妻子細口殆盡會天  
大雨轉道漕數尺糧車不至士馬饑或勸退舍就委  
輸者傅庭曰軍已行即還亦饑不如破邠縣就食遂  
還破邠縣城虛無人割驢羊二百頭噉立盡連雨七  
晝夜不斷軍既深入屠馬糞食食輒病後軍謀汝  
州降盜李際遇陰通賊賊精騎大至傅庭乃分軍為  
三命廣恩禦大路而已與傑從間道迎糧永福閉營  
休士候糧至勿動乃未發而永福兵先行永福雖斬  
之不止賊力躡之至南陽傅庭遂繼戰賊置陣五  
重官軍力戰破其三至老營而賊死鬪陣稍動壯士  
推火車駭者曰師敗矣遽奔輓輅傾軛塞路馬兵  
之奔者皆絛軸賊騎凌騰之步賊手白楛遮擊盔腦  
俱裂大敗賊空壁追躡一日夜踰四百里官軍死者  
踰四萬史亡軍器糧重合數十萬初傅庭退軍自成  
侍郎丘之陶相國瑜子以蠟書通曰督師茅與戰我  
當詭左兵之至以邀其歸而後我從中應之賊可擒  
也傅庭報以書其書為自成所得故傅庭苦戰反墮  
賊計而之陶被害茅退軍之頃廣恩以大路道不顧  
傑故賊至是傑欲棄關守西安而傅庭與廣恩不許

邀守關傑亦不顧去自成乃破關入陷華陰渭南臨  
潼傅庭戰死西安守將王根子降賊執秦王巡撫馮  
師孔按察使黃炯知縣吳從義長史章世綱皆自殺  
自成踞秦府政西安為長安稱西京授秦王為權將  
軍分兵徇諸路皆下之先是自成踞襄陽請議所向  
牛金星曰當直取河北以倚燕都自成曰急揚承裕  
曰當先據留都以斷漕道自成曰緩顧君恩曰當進  
取關中為根本地可戰可守而後略三邊取河東以  
向京師自成曰可矣至是搜秦宮賜君恩女樂一部  
酬其謀也發民夫修長安城闕兵渭橋金鼓之聲震  
地大開馳道于城中自御藍布袍乘馬張小黃蓋背  
有黃龍纛百姓望見稱萬歲乃復大會群賊戎馬數  
萬匹旌旗百餘里詣米脂祭墓修之改米脂縣為天  
保府榜掠諸紳士索金籍民財其下令禁商掠戒殺  
裁數日耳諸將降者皆解甲詣宮門白廣恩左光先  
俱降獨陳永福未至賊遣廣恩招永福永福曰開封  
之戰永福親集矢于王之目今窮而歸命縱大度其  
能忘乎自成折一矢誓之永福降惟榆林王世臣世  
國一門尤世祿李昌齡皆不屈死乃遣賊下寧夏虜  
虜陽三邊盡入賊遂長驅渡河破平陽殺西河王等



三百餘人攻蘭州總兵馬燦副將郭天吉中軍哈維  
新姚世儒等皆死殺居民四萬七千人下西寧肅州  
山丹永昌鎮番莊浪諸衛進兵略青海所向無敵乃  
建元永昌國號順復五等爵設官分職改內閣曰天  
祐大學士平章軍國事平章國事中書曰書寫房六  
部曰六政府尚書侍郎中曰中郎主事曰從事翰  
林曰弘文館六科曰諫議大夫御史曰直指使尚寶  
曰尚璽司太僕曰驗馬寺通政曰知政使巡撫曰節  
度使布政曰統會使其道府州縣曰防禦使曰尹曰  
牧曰令又制權將軍以下服色尚亦品級以一雲二  
雲為差紗帽補用唐制帶用犀銀角三等廢與采馬  
關防曰符印曰契營則有中吉左輔右翼前鋒後勁  
諸名旗纛則前黑後黃左白右紅中青以五行魁勝  
為色分天下為十二州如舜典馬大封功臣李雙喜  
為義侯田見秀為澤侯李巖為岳侯劉宗敏為磁侯  
劉芳亮為汝侯李過為亮侯張勇為侯侯馬世耀為  
巫山伯劉體統為先山伯白廣恩為桃源伯陳永福  
為文水伯田虎為寧陵子高一功為臨胸男道王其  
先代以李繼遷為不祧之祖其曾祖以下皆上謚號  
為皇帝追尊其母呂氏為皇太后氏懷遠堡人嘗夢

一皇者服袞冕謂之曰吾送破軍星來為爾兒醒而  
生自或因呼自成皇朱兒嘗曰皇來兒當貴特吾不  
見升冊封高氏為后陳氏為貴妃諱自成為春成以  
崇禎十七年正月朔即順主位是日風霾黃霧四塞  
自成意不悅侍郎姜學一進曰所以掩大明也造甲  
申屠設科日試士鑄大錢直白金一兩次當十當五  
時獻忠亦僭號四川帝開大驚大學士李建泰請提  
兵西行自成渡河以偽侍郎黎士陞驟乘攻太原下  
之執晉王巡撫蔡懋德自殺一路無敢拒者唯代州  
不下軍武總兵周遇吉殊死戰凡十日殺賊數萬賊  
迭戰被執不屈磔之其妻蒙古猶巷戰焚死自成嘆  
曰使守將盡如周將軍吾安能至此哉于是長驅下  
宣府同撫衛景瑗宣撫朱之馮皆死殺代王宗藩殆  
盡總兵姜瓖降遂從柳溝入居庸關是日命太監守  
九門且命諸總兵皆進爵勤王而皆不得至惟唐通  
以八千兵入衛士居庸與太監杜勳大學士李建泰  
俱迎降京師陷事具烈皇傳紀自成絨帽窄袖衣乘  
烏駝羸牛金星宋企郊五騎從登皇極殿據繡座大  
學士魏藻德成國公朱統臣率文武百官入賀大學  
士陳演勸進不許乃召見京朝官自金星下六政府



尚書宋企郊輩請陸之麒張嶙然侯伯甘霖坐以次呼名自持推何瑞徵四人外自成親選七十三人金屋選二十七人分為三等奏聞放榜名其六等降賊棄屍而俱不用其要者餘發權將軍拷掠索金自嘉定伯成國公陳演魏藻德下皆雙體夾項夾脛攪腦無寧日而于是諸官始稍稍竄去乃殺諸勳衛職官于平則門外遂闖人出城無老弱責賊數十萬不許復入開科取士用書義中式者十八人命鞏燭焚太廟神主進拷索銀七千萬侯家十三閹人十四官十上估商十一餘官中內帑金銀器具以及鼎丹門環鈕綵裝欲剝剝迨不及十萬賊聲言得自內帑惡拷索名也鑄錢不成鑄金璽又不成鑄金餅每餅千兩載其中貫以鐵短凡數萬餅括驟車千駝千謀載歸陝嘗曰陝父母國形勝朕將建都焉富貴歸故鄉中燕京豈易一西安哉會

大清發鐵騎五萬以親王分領之入關先是三桂與戚畹田弘遇游觀弘遇所買金陵娼陳沅者而悅之請贖以千金不許弘遇死始以千金買他娼易之愛甚賊將劉宗敏毒淫知其事親圍三桂宅縛其父襄而曳陳沅去三桂初聞變統素行不應及聞沅信將齒誓師拒闕至是力戰初敗賊于紅花淀又敗于關天敗于遷安斬偽將軍谷可成射劉宗敏墮馬左先亮負創走自成還京師將奔急僭位于武英殿袁冕到仗受朝賀癩瘡鴻臚贊拜不成列乃命牛金星行郊天禮是夜焚宮殿旦明出走居民升屋擲瓦礫會挺大呼殺賊婦女擊銅盜漆器助之賊人馬相蹂踐死者數萬追至定州斬賊將三人初賊最親信李蒼巖有大略入京不殺不拷索嘗出懿安后于危而獲之使自盡自成忌之及聞河南北反正殺偽官蒼請以兵拘金星微言曰河南巖故鄉其意叵測十八于宣巖即自成乃殺巖至是金星獻策守道七自成無與謀然猶還兵向三桂殊死關三桂分關兵滿兵為休戰射自成中首墮掖他馬走及故關而止自成搜全陝鐵騎數十萬悉銳逆戰大兵衝堅而入斬賊將馬世耀劉宗敏賊大清棄陝走商洛歲丙戌後



走荆襄逃之走長州將合獻忠不得留屯于黔陽初  
自成圍高氏僭為后及破京師歸收宮人賈張陳杜  
為偽妃隨營中其賊將別殺七殆盡惟李過高一功  
田見秀劉汝魁賀錦留不去賊衆從者尚數萬會川  
湖總督何騰蛟屯兵辰州攻自成自成退營羅公山  
大饑令李過守營而自將輕騎掠食村民方築堡守  
見塞騎來合圍伐鼓共擊之自成馳射麾下左右格鬪  
積兩人馬陷泥淖中村民揮鉏碎其體翻腦棄于地  
血肉浸漬不知為何賊也抽尸刺甲裳見龍衣金印  
眇左目驚為自成截而獻騰蛟騰蛟曰吾聞李過亦  
眇一目得非過耶驗之左體傷于鐵曰是矣植其頭  
祭烈皇帝飛書奏捷于福建唐王唐王頒捷馬自成  
范賊乃推李過為主改名繡奉高氏居洞庭山中唐  
王遣馬知祥招之封高氏為忠義夫人賜繡名赤心  
其所部號忠貞營營中稱高氏為太后高氏上疏稱  
稱自成先皇帝後為桂王聞部堵引錫所撫戰長沙  
有功封赤心為興國侯當是時獻忠養子有同時附  
桂王者皆封王而赤心已死

縛將刑適他將陳洪範來謁願獻忠親奇之請釋獻  
忠而殺其餘縛者獻忠乃從叛兵神一元領紅旗為  
先鋒既而據米脂之十八寨與羅汝才號曹操者說  
降于延撫洪承疇而叛之自成號八大王雄長諸賊同  
紫雲梁寇山西不利遂偕自成會群賊茶陽東下連  
破河南江北諸縣毀皇陵與自成不合去先是延寧  
賊起承疇檄平涼兵併徐如翰截各隘口而令總兵  
曹文詔艾萬年往未檄勦如翰知兵文詔善戰自西  
興鐵角城諸大捷後賊幾盡即獻忠狡健亦復殲  
奔奔竄而涓涓未盡絕也至是自成去獻忠攻廬州  
不下驅婦女數千裸之誓知府吳太樸而舒城知縣  
章可試開門誘賊入殺數千人應撫張國維統吳淞  
兵守桐城賊前隊賊憤甚毀道傍神祠大詢遍野  
廬江巢縣無為州潛山太湖諸不守者遂由英霍取  
道麻城過商州而會自成于鳳翔復先自成出商洛  
侯自成而總兵祖寬左良玉夾擊敗之走河南祖軍  
復敗之于嵩又敗之于九皋山又敗之于圪料鎮先  
後斬千級俘百人賊益恚借自成兵報圪料之役過  
祖軍于龍門白沙巖戰復大敗乃邀自成合攻滁北  
自成所以大剋于關山也當是時自成再入關而老



狗狗過天星獨行狼諸賊俱盤踞鄆襄商洛不相顧會祖軍以邊警隨承疇象昇北還獻忠得密通曹操撞塌天諸賊公流東下與羊左賊合乃既合則橫甚大寇懷寧六合望江江浦在在告警烽火達于維揚應撫張國維淮撫朱大典統劉良佐左良玉羅公諸將堵勦賊不得逞時河南自開歸光固以及穎壽被賊害者三年鷄犬無聲閭廡市集皆虛人抹野穗千里無炊烟亂木槎杈田隴間皆成拱把虎狼千百為群行道路以故賊無所向則遠寇襄鄆以為常乃群賊之在湖者稱十三家獻忠與劉國能混十萬老狗徇射塌天曹操過天星草里眼左金玉改世王安世王順天王順義王而曹操在鄆又與一丈青小秦王一條龍分四營過天星在均亦與王國寧常國安楊友賢王先恩分五營以及馬士秀杜應金其名不一要之皆十三家也時祖軍難北去而良玉人龍以及鄭嘉棟羅于莘張令江之鳳張應元皆所在殺賊賊大劫會友敵賊營連山谷馬矢薰達十里蚊蚋嘖草間人畜俱病稍稍思就撫而總理熊文燦為樞臣楊嗣昌所薦庸劣無大畧好侈言兵事而暗于攻勦到即言撫乃刊令懸通都曰心示諸家賊待以不死于

是劉國能馬士秀杜應金李萬慶賀一龍左金玉王國寧輩所稱十三家賊者相繼請降而獻忠方詐稱官兵叩南陽城東門為羅岱追及射之中額良玉抽刀砍獻忠向馬逸遁去獻忠既喪氣值陳洪範在文燦戲下獻忠德洪範藉洪範乞文燦降文燦信之而不知其詐也方是時獻忠據穀城曹操亦降故自成拔獻忠賴曹操解去乃獻忠降時初未嘗有意滿後徒以走險之疲可藉休息故遣賊將孫可望重賂文燦徑寸之珠十碧玉長尺餘者二名妹八文燦亦重既獻忠凡有所徵求無不應而其後檻狼繼虎漸難制也無何獻忠立閩梁奪商貨放兵掠民家婦孺聞聞金錢不奉徵調知縣阮之鈞憂之以語文燦文燦惡其語獻忠乃忽索之鈞印之鈞不與遂殺之鈞反曹操亦反折穀城城焚廬舍設伏敗良玉兵于羅猴山執其前鋒羅岱而同時降賊惟王先恩號閩索者約八營擊賊誓不反其餘羊左曹過諸賊皆叛去分隨太麻黃漳房興遠間為犄角會輔臣楊嗣昌以薦文燦故負慚請親行討賊帝乃賜嗣昌尚方劍鑄師輔臣印陞辭宴平臺賦鏡歌一章贈行而嗣昌虛恢自用猜驚夫諸將心初至襄陽謀進兵與良玉



計不合語其良王傳良王卒破賊于瑪瑙山追奔四  
十里斬首二千二百八十有七內有掃地王曹威白  
馬鄧天王張士經一十六級皆賊將而獻忠妻妾九  
人竟擒其七獲軍貨甲仗馬騾器械珍寶無算降賊  
將三百三十人賀人龍亦斬首一千三百三十有三  
降賊將二十五是役也良王功第一人龍次之而湖  
將張應元汪之鳳亦以是時追賊于水右壩斬賊九  
百獻忠走岔溪川將張令方國安再破之令亦驍勇  
敢戰有名至是以五千人當賊數萬力戰皆勝獻忠  
乃憊甚適與歸山中而良王與嗣昌齟齬故擒賊元  
軍與安平利諸山連營百餘里圍而不攻賊乃崩山  
祇市鹽芻米酪收散亡以圖再振先是曹操過岷  
旣反分兵出羊頭坂窺渡而大昌將劉資與石砭女  
將秦良玉抱之終不得渡至是獻忠走白羊與曹過  
合遂由魚住溪渡江連陷長武羅田新寧大竹諸縣  
嗣昌不得已作招諭帖萬級散賊中賊不應已而攻  
夔州湖將汪之鳳戰死張應元奪圍走嗣昌本湖人  
初意欲驅賊入川使湖地無賊而川撫邵捷春昧其  
意使川將張令與石砭女將秦良玉以輕兵守重慶  
而秦良玉難之言于捷春捷春不能用至是賊襲破

川兵于上馬渡遂陷大昌張令死石砭兵皆敗秦良  
玉單騎見捷春請調土司戰而捷春猶豫語其土司  
傳賊乃由竹筒坪通開縣轉趨遠州方國安敗退不  
敵與爭而降將張一川張載福俱陷陣死遂屠綿州  
抵成都當是時嗣昌曾薦萬元吉監諸道軍元吉忠  
果能任事乃大饗軍士用猛如虎為總統統諸軍進  
止逐賊而賊從瀘州折而東還歸路盡空如虎所將軍  
固兵止六百騎賀人龍保歸檄左良玉入夔夔堵守  
使者十九返不應初嗣昌憂良玉跋扈人龍方破賊  
有功私許代良玉為平賊將軍人龍喜已而良玉有  
瑪瑙之捷嗣昌難之頗謂賀將軍需後命而于是良  
玉人龍俱不為用元吉知二將怨望而又虞賊復東  
出則驅賊入川之勞兩見隳敗因有和軍心抱歸路  
之請而嗣昌不之省也至是如虎與秦將劉士傑逐  
賊及之黃陵城士傑擐甲進如虎總之諸軍皆不前  
賊見官軍無繼者乃密抽壯騎奮擊箐谷中士傑戰  
死如虎負劍走賊果出川至雲陽嗣昌頓足曰悔不  
用萬泰軍言賊乃由淨壁趨夔門宿于乾溪一日夜  
行四百里耶撫袁繼威邀擊不止乃留曹操抵耶而  
自率輕騎下宜城殺督師軍使于道取其符夜叩襄



揚城門裏道臣張克儉約之賊卅十騎踰入解鞍宿承天寺夜半火起燔寺臺并襄王府門民望見火以為滿城皆賊也棄城走城潰先是瑪瑙之捷繫所獲賊眷并獻忠妻高氏殺氏于襄陽獄中知府王承曾素仇艷二氏色每按囚必脫繫調笑侵辱之至是賊隊至爭毀控戶架二氏出殺道臣推官而索知府不可得乃執襄王坐堂下屬之酒曰吾欲斷楊嗣昌頭而嗣昌在川今當借王頭使嗣昌以陷藩伏法王其努力進此酒遂殺之去而是年正月自成已破河南殺福王嗣昌出川聞兩王被害知不免自裁語在嗣昌傳賊乃破樊城屠當陽招曹操東下連攻信陽固始獲左兵旗志命其下假之以趨泌陽夜兩獻忠乘以入殺知縣既而良王至賊遂舍去攻應山不克隨州知州徐世淳戰死轉而攻鄖鄖降將王光恩死守多殺傷乃還攻信陽良王躡及之大戰斬其頭領沙甲奪馬萬餘匹降賊數萬射獻忠連股負創走良王後躡及會轉饋由興安達信百二十里大雨五晝夜江水暴漲賊挺逸先是曹操不憚于獻忠已投自賊至是獻忠依自威亦復賴曹操救免得以其間走黃震與茅左合時茅左五營在霍志避憂而監軍楊

卓然無術以說降受侮賊且叛且伏依林樾窺伺凡賈解跳孫驚錫畏者皆賊間諜官軍莫敢近至是令獻忠日收殘衆破州縣屠舒城六安而取其壯者益軍會學道執盧賊偽挾書囊襲儒衣冠入陷之南無為州男女悉殊其臂大習水戰于巢湖將窺江南賴總兵黃得功劉良佐爭先擊賊賊敗斬首六千級橫尸于港山者六十里于是茅左棄獻忠去令自成而獻忠引兵而西當是時良王避自成于襄陽從武昌東下盡撤湖兵自隨而以土圍之不勝甲者守新黃獻忠乃得破麻城收里仁會土兵益軍盡殺麻城民炮烙衣冠即以土兵為黨破廣濟蕪州屠之關守道許文岐名脅文岐降不屈既而文岐挾土兵殺賊謀反正為賊所殺黃人聞盡逃惟女子不行賊乃驅其妓虎者至城下令折城指血滲瀉淋壁間凡三日城予則盡殺而填之塹中于是乘勢破漢陽五攻武昌武昌陷守將左文榮朱士鴻戰死楚王被害初賊將渡江楚相賀逢聖詣楚府乞發帑募士楚王出高皇帝所分金帛交荷一于庭曰惟此可佐軍需耳他何有矣逢聖哭而出至是賊發楚府金錫士而縛王于荷況之江心賀逢聖殉之賊乃盡殺我為民其未



盜者鐵騎圍之而威之于水自鴨鵝洲至道士狀浮  
 訛城動水為不流踰月人脂累寸魚鱉不可食乃據  
 楚府鑄西王之寶改武昌為天授府江夏為上江縣  
 開科取士得七十八人自成聞其破武昌大怒貽手  
 諭伺喝獻忠獻忠不敢抗轉而南走諸生程天一集  
 鄉兵二萬夜擊賊于大冶擒偽知縣姜昂鉉沈會霖  
 官兵復黃州監軍道王瓚沔陽知州章曠皆起兵逐  
 賊良玉追殺賊于黃石港斬黃四十八寨民兵皆應  
 遂獲武昌及諸屬縣賊乃陷咸寧蒲圻岳州震動初  
 賊有大志題詩黃鶴樓詐收人心發金賑他縣禁殺  
 及聞諸師集大肆屠戮沅撫李乾德總兵孔希貴謀  
 計誘賊盡職其前部三戰三克以眾寡不敵棄城走  
 賊既得岳謀過湖卜于洞庭君者三不吉大詢洞庭  
 君竟渡風發獲賊百餘艘怒而還繞大舟傍岸捆所  
 載婦女什器投以薪油燒之凡千餘艘連岸四十里  
 夜中水光如晝遂騎而過長沙下之殺推官蔡道憲  
 及兵健丁林國俊等折桂王府材至長沙造宮殿時  
 巡撫劉熙祚遣中軍羅桂忠吉三王于廣西而親入  
 詠州死守賊破永被殺并殺東安知縣陳道壽惟道  
 州以守備沈至緒力戰得不破劉緒戰死其女統其

軍再戰入賊營奪父屍還賊乃屠寶慶常德發嗣昌  
 祖父塚崇王走其別賊破湘陰者知縣陽開闔門死  
 建陷永新安福及建昌撫州南豐諸縣而廣東南韶  
 大震其屬城盡逃道臣王孫蘭請救不應憤而自經  
 當是時自成已據西安僭位號獻忠聞之四顧嘆曰  
 吾亦何處為彼下哉遂逐騎入川合賊十萬置橫陣  
 四十里破涪江守道劉麟長守將曾英托之敗績奪  
 佛圖關至重慶城下發民墓凶其負以穴城而置大  
 礮為大攻城陷執瑞王時天無雲而雷震殺賊數人  
 賊怒縱礮仰擊與天角已而雷止殺王撫臣陳士奇  
 知府王行儉知縣王錫俱被害遂圍成都巡按劉之  
 渤總兵劉佳引出戰大敗斬龍文光謀決灌縣據  
 水注錦江以益城濠水未至而城破蜀王舉宮春沒  
 于井文光佳引暨推官劉大斗知縣沈雲祚皆死賊  
 乃僭偽號稱大西國改元大順以成都為西京置偽  
 東閣六部等官以汪兆麟為東閣大學士胡默為吏  
 部尚書王國寧為戶部尚書吳繼善為禮部尚書龔  
 完敬為兵部尚書李時英為刑部尚書王應龍為工  
 部尚書其餘九卿科道官以次分授乃設五軍都督  
 府中軍王尚禮後軍為雙禮前軍為定國左軍為元



利右軍張化龍養子四人孫可望能奇劉天秀李  
定國俱如宮保封將軍賜姓張氏耿忠黃而長孫而  
虎領入號黃虎強不及旬成而後歸過之性嗜飲與  
自成比然較無理難測封蜀世子為表公未幾殺  
北開科取士盡坑其所取者禁軍民私語犯者斬  
勿燃燭燃則十家生列兵為甬道聞民過之壯男少  
女皆入宮餘盡斬以兵脅紳士不至者全家抵法禁  
勿觸諱觸諱殊一手一足下令民間勿畜馬乃擇日  
考武生武生無武選校馬之稱者數百匹驅之使  
騎既上發巨礮令營大喊以應之馬驚人墮蹂為肉  
騶則撫掌大笑蜀府醫院有銅人以楮募其藥金醫  
者鍼之差者即取金鎗刺醫者殺召成都五衛指揮  
千百戶應襲者赴偽尚書龔完故考選至日于怒下  
全盡殺之完故伏地聽命不能起以為慢令也并殺  
完故聘并研陳氏為偽后封其兄國威宋十日陳氏  
姊妹俱極刑成都金吳總善跪為尚書忽聞門賜死  
偽官朝會拜伏所焚數十次有為焚所縣者不  
忠引出剗其心分兵為十首二十首營設都督領之  
城外大營十小營廿三各設兵部二都督口護衛出  
往為保甲法死者不以油印印額額者死官中夜

為吳所挽滿三下怒令各殺一賊且明交鞅門不  
者代以首是夜兵殺屋穿窬殺鞅門外成京觀馬  
賊自為文評古帝王謂之御製萬言策頒布學宮復  
為聖諭刻石曰天以萬物與人無一物與天鬼神  
明明自思自量是時為崇禎十七年之十一月即  
大清順治改元之冬自成遁西安方謀襲川道賊將  
馬奇由階文潛入而賊忠覺之親督驍騎出禦于保  
寧之梓潼仰視文昌廟曰此張姓我祖也我祖助我  
乃上張亞子尊號曰始祖高皇帝大敗馬奇于綿州  
傳其求得蒙古一千五百人改綿州曰得勝州因命  
劉爽秀駐廣元爽能奇扼保寧馬亮利署順慶孫可  
望收川南惟東重慶仍為川將魯英所復獻忠遣兵  
往攻收于多攻城不敵復東而次年乙酉自成復遣  
賊將賀珍以三千人敗劉爽秀于廣元將入川會  
大清兵追自成出武關廣元撤僑賊遂殺功以孫可  
望為平東將軍劉爽秀為撫南將軍李定國為安西  
將軍爽能奇為定北將軍後所稱四將始是也時順  
慶道素可喻知府史魏宸峻給事吳宇英以及川人  
李從彥賊承祥紅內鎮俱起兵恢復為賊所殺而故  
相王應熊倉卒馬乾獲善師起他如王祥廷連義楊

一第 231 冊 續修四庫全書 第 0 版 正 月



後起健為郭即起黎州以及司馬等兵器延撫李乾  
德總督樊一衡戶部范文光邛州舉人劉道貞兵部  
侍郎喻思恂提學道王芝瑞涪州道劉麟長皆起邛  
後所稱夔州十三家者獻忠聞之意大沮謀未間襲  
西安而盡殺川人以絕顧望先殺所俘蒙古一千五  
百人于南門之外始分兵計殺凡一兵殺男子一百  
投把總女倍之以手足為記兵已上則較次進級不  
者坐逆罪即于九月望夕夜分起至十月朔止先檢  
各衛軍及在營新兵年十五以上者殺之會計各路  
所殺衛軍七十五萬有奇兵二十三萬有奇家口不  
計乃次殺民之諸生釋道及堪輿醫卜有材技者各  
府縣編牌按名自城中大慈寺至濯錦橋賊探甲耀  
刃分列掄殺凡三十餘萬家口不計然後推戶殺者  
草殺自成起由城北威鳳山至南門桐子園綿亘  
七十餘里屍積若丘山其婦女不勝枚則用巨鉅圍  
之拉于水歲丙戌命四將軍孫可望等分道草殺五  
州可成都上功疏可望一路殺男五千九百八十餘  
萬女九千五百萬文秀一路殺男九千九百六十餘  
萬女八千八百餘萬定國一路殺男七千九百餘萬  
女八千八百餘萬能奇一路殺男七千六百餘萬女

九千四百餘萬獻忠自領者名為衛營老府其數自  
計之人不得而知也其餘南廠七星洛平東廠奎元  
天討太平志正鷹揚宣威果勇果毅等營入勦川北  
川南者俱有報數惟偽總兵溫自讓以不悉屠殺棄  
妻子率百騎遁獻忠親引騎追之自讓走百騎皆死  
他如偽右軍都督米脂張君用八卦營汝州王明振  
武營麻城洪正陸陸興營涇陽郭嘉引三奇營鳳陽  
宋官永定營合肥郭尚義三才營山東姜文干城營  
六安汪萬象援勦營寶雞彭心見中嚴營萬縣杜興  
文英勇營黃岡張其在大威營開封王克明龍翰營  
麻城商元決勝營周尚賢定遠營張成以及志義參  
討金戈神策虎威虎賁豹韜虎墨諸營偽總兵俱以  
功疏數少坐狗縱謀逆刺皮死斬其家口于南河營  
屠順慶其屬縣聞令爭先期向酒家買酒圍醉死酒  
家堆金錢如塚初大喜既而思之復太慟計又爭委  
股以待剝割無或免者獨保寧一城有僧破山出請  
命賊持驢犬肉謀進曰能咬此者免破山曰老僧為  
百萬生靈悲惜如來一戒即接手咬之遂免草殺既  
盡乃分兵燒毀城郭廬舍積聚米粟有不盡者剝皮  
以狗牙是用法榜錦江而瀾其流審獄例費以黃金



環寶累億萬教人夫下土石以填之然後決堤放流  
名曰水藏後至者不得發毀中園浮屠攻以兵器怒  
不達發大礮崩之壓死者以千計又伐木造大舡百  
令營兵由山路曳入水凡百里緩者死有令營宜殺  
者則裝船而沉之江中乃以平全川土寇宜勅石頌  
功德侍臣嚴錫命撰文既成獻忠命而北立錫命爭  
曰當南面獻忠怒杖錫命死乃謂此麟可望曰吾初  
起草澤從者五百人所至無敵若等所親見也今至  
數百萬前年出漢中反為賀珍所敗非為將者不用  
命而為兵者貪戀懷二心乎兵資精不貴多吾欲止  
留發難時舊人而盡殺之何如皆唯唯乃密定為法  
凡角抵起距意殘飲酏及詬評詭誇皆死連坐共收  
十餘萬諸賊掌殺者殘忍出天性偶夜分念無可殺  
殺其妻左右莫敢諍既而以不諍殺左右其慘虐如  
此後復以前法所誅尚未盡詭召諸將于漢武亭較  
五月所上功疏將陞賞比至盡殺之偽參將賀斗將  
擊胡明玉四先覺併健馬偽為防夜者遁去餘所殺  
五千七百員有利皮者剥皮法從項至刻一縷裂  
之張于前如鳥翅逾日始絕有即斃者行刑者抵死  
畏自雷電作詐謂衆曰有天命攬絕諸人吾敢違

天哉于是筮期啓行令各營有妻子然馬匹者詣營  
門點驗既集使各殺其妻子不忍者駢戮乃剗成都  
城燒宮室以布裹柱流以脂焚十五日灰燼中有糗  
糧未盡者舁之江中躑躅之使入泥尺餘有粒米上  
浮者死命劉文秀相數年所掠珍寶兼金裝巨艦百  
餘赴彭山縣江口沉之而穢駕船卒于水後為楊展  
所潤取以賑川南即是物也于是發咸都由漢川金  
堂什邡綿竹前發或有疾病遵行者按籍不到指為  
亡走殺其什伍每日行百里死連相接然猶立過隊  
法凡各營男女初行俱使向己前魚貫過或三留一  
或五留二過畢殺所留者曰我奉天司殺自始起此  
今已幾及十之七矣恨其三未盡如之何吾殺當止  
在冬仲之望蓋是日賊伏誅云先是賊最仇川人既  
殺民盡并欲屠川民之為兵者時賊將劉進忠所部  
川兵最多計欲執進忠而坑其衆進忠聞之率一軍  
俱逃會  
大清兵至漢中進忠迎降為鄉導南行遇獻忠于鹽  
亭界上是日大霧咫尺不相見獻忠方晚行聞介馬  
聲彎弓前至鳳凰坡進忠認之曰此賊賊也發一矢  
洞脇急回走而矢叢于背大呼墜地賊將王尚禮尚



資其屍走既而棄去夫離之敵志死乎東以下四將  
兵潰入南川渡江奪重慶破十三家軍殺曾英王祥  
李乾德等遂復據川詐言獻忠婢老脚有遺腹諸將  
當輔孤而實無有其後平東安兩附桂王入滇走緬  
甸賊絕

論曰賊亡人國自古罕有况殘殺如是雖河端刀鋸  
冤句吞磨百不及一此循蜚以來一大劫運也以爲  
天意則天太不仁以爲人事則當烈皇帝爲君車勤  
宵旰縱曰無臣亦何遂感召如是夫傾四海之膏竭  
九州之力以奉一人亦曰一人庶有死于我而坐令  
慘毒至于如此則誰秉國成疾視其死所以不能不  
痛恨于長民者也洪範演九疇以六弱爲五惡之進  
夫君惡至紂亦云無加顧妹邦下室其被殺者亦何  
幾而馬晉趙宋蒲弱不振則百年雲擾血流萬里况  
海濱草莽其慘有甚于擾者故曰弱之罪進于惡室  
無謂與嘗考崇禎初盜賊新起不過馬戶偷兒耳燎  
原之火竟致不捕雜官軍勦殺亦曾取勝一二徒以  
爪距未成容易扑搗稍稍蕪蔓則全無翦伐之勢且  
初謂賊力本強原非于毒尤未之也故橫行中原可  
以無敵而一承王師如炎火灼毛滄波沃炭窮走

喘汗貽笑螻蟻此何爲也蓋有明三百年過于輕武  
儒臣以奴隸遇帥尺籍濫冒病坊萊傭漫不經省  
師中承廟算動掣兩肘又中官監進止無已則寇患  
尤者雜操名法以持其後其在行間者原不能殺賊  
即以撫徵百一而其中稍自振拔亦姑且縱賊圖自  
存毋令文臣蹴踏之去勢如此不得不弱弱則賊輕  
兵賊輕兵則殺兵殺兵則兵且爲賊兵且爲賊則兵  
與賊俱殺民兵與賊俱殺民則民無所逃相顧受殺  
以至于亡國而要守起于輕武之一念嗟予征伐不  
可權乎天下難其言出自刑名者流而有大事必  
武備亦何莫非聖人語言乃武事弛壞遂至燎亮  
靈之賊亦一如神武之不可遏豈不哀哉茲畧叙二  
賊殘殺之暴以垂世戒至若臨事周章明明誤國則  
操廟算者固不勝責即督理諸臣之失亦姑指可數  
如浥池已威而援師失防車廂既併而軍門受撫真  
寧不可戰而遣戰朱陽可以守而不守漢南之速撫  
臣縱之武關之道督師開之穀城之依降而旅叛賢  
靈之忽勝而忽敗變門之再入而再出幾微不謹大  
勢盡去雖百死曷贖哉



明史卷四百九

土司傳

土司一

土司為西南諸蠻有虞氏之苗高宗之地方西漢之  
魏冉邛樊自巴夔以東並湖南北暨嶺南內外數千  
里溪洞菁篁之中曰乾曰矜曰獠曰徭曰獞凡數十  
種歷代以來亦各有大姓為之領袖北魏之所稱冉  
氏田氏向氏南宋之所稱舒氏彭氏蘇氏楊氏皆是  
也特稂莠雜處政教不及自三代以迄於宋未嘗敢  
郡縣其地藉屬其天而有明踵元舊事大為恢拓竟  
耕犁而呼喚之以蠻治蠻即以蠻攻蠻雖土兵調發  
實始之周武之伐紂孟津大會早已徵及庸蜀羌髡  
微瀘彭濮諸蠻而蜀漢昭烈授羅如李恢為郡功曹  
主簿晉帝以興古費深作本郡太守宋太祖用徭人  
秦冉雄使自治辰州此即土官土吏之所始然自周  
武以後未聞有調蠻一兵而漢唐職方亦曷有一詞  
一寨登版記者蓋疆域無常隨世啟闢有明三百年  
則車書極盛之會也然馭蠻之法僅在羈縻使其大  
姓相擅世積威約蠻性慈戇而各戀其主易為統攝  
其假我爵祿繼以虛名實無煩銓宰之予奪而折筭  
所使奔走為命第恐徵調日繁急則生怨萬一踈縱

則反滋地方之擾為患不細故歷朝徵發不為無功  
亦不為無害自弘正前後凡議大征者無不藉狼兵  
土兵而究之功罪相半此王守仁議勦賊不徵狼土  
而賊卒以定蓋控馭得失亦考世者所鑒觀也若夫  
土官土吏彼雖固有而必自朝廷設之以重其事所  
謂以虛名收實利者強狃之繫維生駒之羈勒如此  
而已故洪武初年凡西南夷來歸者即用元官授之  
而定其賦稅差役其土官名號曰宣慰司曰宣撫司  
曰招討司曰安撫司曰長官司初皆隸吏部驗封而  
後以土兵相制半隸武選凡襲替則必奉朝命其無  
子弟者即妻女皆得承襲雖數年之後萬里之遙亦  
必赴闕受職迨天順末詔許土官繳呈勘奏即與冠  
裳於是介使未將威福自恣至成化中又有納穀備  
賑之令則規取日陋離畔日生雖至孝宗發憤釐革  
而正德以還陋習未厭暨嘉靖九年始毅然後祖宗  
之舊令該府州縣正二經歷巡檢驛傳三百六十隸  
驗封宣慰宣撫招討安撫長官一百三十三隸武選  
其隸驗封者布政使司領之隸武選者都指揮使司領  
之文武相維機權攸寓細大相閱股掌易運蓋犷悍  
桀驁其性猜忌讐殺其習略跡善走朽廢善聞其力



批懸窟穴不忍遠離假重爵命威制服屬其勢知其性與習則不宜喜功生事而知其勢與力則勢可以為我用而力不可以使之自用其間歷朝統制或得或失昭然具在述而紀之為土司傳

湖廣土司據湖南巫黔中地內錯辰常外連川貴漢洞深冥多苗民為寇元末尤甚偽陳友諒竊據湖湘間每招引諸苗長官以贖贖時帛啖之立應本案不足即乞之傍寨破城陷陣所向無敵時高皇帝即吳王位大敗友諒於鄱湖諸苗震恐跳岸走是年湖廣安定宣撫使向思明等遣其溪崗長官硬徹律以故元故授宣敷及印章來獻請改置官司命仍置安定等處宣撫司設宣撫使二以思明及其弟思勝為之遂置懷德軍民宣撫司以所附向大旺什用為宣撫使南木什用潘仲玉為統軍元帥沒葉什用硬徹律為抽攔不夜黃石三長官司而慈利土官覃厚亦以故元所授叅政照會三道來獻即置慈利軍民宣撫司以厚為宣撫使厚貢馬二十匹會吳元年左相國徐達按視湖湘以楊璟為叅政令之招撫而別遣指揮使汪遇成等討諸苗之未服者乃隨服隨叛遂命汪復按周德興東川侯吳海晉定侯陳桓靖寧侯

葉昇過平蠻寨大破黔辰九溪施南散毛鎮南大旺諸洞於是改保靖安撫為保靖宣慰以土官彭萬里為宣慰使改永順宣撫為永順軍民安撫以土官彭添保為同知總兵官一時瀏陽黃寧茶鄉譚悅道湘陰吳仁琮劉玉容美洞田光寶思沅兩界黃元明桑直荒溪諸洞墨色什用各以來歸附並授官去當是時田州岑氏龍州趙氏播州楊氏貴州安氏其雜處兩廣川雲諸大姓畏威懷德以次服屬有明三百年撫有西南關國萬里實自此始雖曰天命有歸抑亦控馭之得其道也大抵苗種自長沙沅辰以南與氏羌混雜其人蟻聚彘集有村寨而無城市隸官者曰熟苗否曰生苗魁結跼躑踈荆棘若獲狄班衣無衿禮納首以竅而挿鷄毛於其顛負蘭抱弩童時稱馬即施環耳間婦女雜被以海肥銅鈴藥珠如櫻絡然行歌誘馬郎而教之淫至仲春合婚則大集馬郎出室女襍吹愁笛壺笙擊長腰鼓跳舞月前名曰跳月老人騎木馬酌酒聽馬郎擇女負去自為婚而後估女貌而責以婚儀有不能償者歲責之雖髮種種不少貲飲食惡草以蕃灰和秫糜釀為敗酒襍投以魚肉蠅蟲營營名之曰醕問家之富則曰蓄醕桶幾世



矣歲時召親串撾銅鼓鬪牛而到其負者授牛角子孫曰某祖食幾牛矣要約無文書刻木為契爭訟則推一人斷曲直曰行頭曲者往以籌量所往籌多則擲籌三曰一與天一與地其一與和事之老然後責贖其餘者言語侏儻非重譯莫解呼曹偁曰同年呼其青曰茫呼人曰反自呼亦曰反猶吳人呼儂然性猜忌好警殺操戈擧行報復不已故諺曰毋警苗世不休嗜利絕禮讓廉耻擲片肉於地即爭趨若犬豕喜人怒禽生不識年月以鼠馬記子午每歲首諸苗慶賀擇冬三月朔各尚其一曰開年俗信鬼祀竹王祠及磨嗟神廟時時治蠱設蠱神合毒藥傳弩矢中之血滯縷殺人其在金筑者為克孟牯羊二苗在獨山者為九名九姓苗在平樂為紫薑苗在白納者為賣爺苗在葛彭葛商為短裙苗在陳蒙爛土為黑苗又為天苗凡數千里內相繼歸附其為種不一而風俗畧等國初設宣慰司二曰永順曰保靖其在永順者有南渭施溪上溪三州土官在保靖者有陰隆杜望滑石三州土官俱隸布政司其既也三州隸都司而保靖所轄長官祇五寨田氏因元世襲至永樂初指揮龔能始招來算子坪等處三十五寨生苗

廖彪等四百五十三戶乃設算子坪長官同隸保靖以彪為長官而別設峇意洛古二寨長官隸貴州宣慰安置生苗各野龍峇哥等凡舊置施南衛軍民指揮使司有故元世官不能襲者重設施南散毛諸長官分隸安撫令單田黃向諸大姓各有所屬於是設宣撫四先置忠建容美而後以施南散毛型為宣撫設安撫八曰東鄉五路曰忠路曰忠孝曰金峒曰龍潭曰大旺曰忠峒曰高羅設長官十九以臘惹洞麥著黃洞驢連洞施洛溪白崖洞田家洞六長官隸永順以五寨算子坪二長官隸保靖以搖把峒山愛茶峒下愛茶峒劍南木柵鎮南唐崖七長官分隸施南散毛忠建其餘四長官曰椒山瑪瑙曰五峰石寶曰石梁下峒曰水盡源通塔平則專隸容美蠻夷五長官曰鎮遠曰隆奉曰西坪曰東流曰臘壁洞則分隸東鄉五路及金峒大旺之間至宣德二年增設石閣峒長官隸之金峒而其餘如故大蠱可宜者保靖宣慰使也與彭藥哈婢同管司事曾殺彭藥哈婢而自死於法其孫彭惠為土舍據西江口地恨祖輩職無所襲而彭藥哈婢孫九霄得襲祖職為宣慰也忌之目為警正德中撤清宣慰地復



奪惠西江口七寨還之九霄則警甚會永順宣慰使彭明輔與惠婚姻惠假明輔兵大起警殺鎮巡官屢撤不止前後許奏凡八十餘上時多不直惠鎮巡官繫惠於獄而明輔攻獄奪惠去然後復還惠繫獄帝乃遣都御史吳廷舉會鎮巡官議議惠當坐誅而以夷情難盡法第徙惠辰州特設大判巡檢司一使流官主之而惠為流土舍協司事聽調贖罪

嘉靖二十六年沅州麻陽苗殺沅州衛百戶陳恩合貴州苗龍許保吳黑苗剽攻湖貴間兩廣總督侍郎張岳以招撫無效急議進勦會苗陷印江寇石斤府教授毛淵統民兵嬰城而恭將石邦憲勇敢能殺賊大破諸苗擒許保必妻姬女殆盡而許保與黑苗跳不獲陰結湖苗之附己者田應朝等且竄且掠至思州詐稱瞿塘卒更戍入城執知府李允簡去邦憲邀其歸驟擊之奪允簡還而許保仍遁岳乃購降苗麻得藍吳老律等偵許保所在值許保易衣至苗家吊喪路縛之而遣土目斬黑苗於別洞中燻其頭以獻并捕殺湖苗之陰附者田應朝等三十三年萬縣黃俊者入龍潭安撫司據支羅山洞與其子黃中白晝殺人捕繫之會白草番反中乃為父請從征立功而

自乞為副既出則附反者副使熊遠等復以計擒俊瘦死獄中而中則仍歸舊巢築牛欄坪寨守之號天城沅劫奉節雲陽間四十四年川湖兵夾勦中力竭復降巢市中

貴州古羅施鬼國自蜀漢火濟從諸葛亮討孟獲有功封羅甸國王嗣後唐阿珮宋晉貴元阿畫世居水西有壽土洪武初阿畫子霽翠與蒙古歹又名宋欽者皆以元宣慰使獻地歸附太祖嘉之使仍為宣慰而普定女總管遣爾及其弟阿甕亦以宋朝投遣爾女知府賜以錦綺當是時已開貴州設貴州長官司命都指揮顧成指揮馬華鎮守之築城建石門五將以立州縣而未逮也既而思南宣慰使田仁智思州宣撫使田仁厚爭先納款獻鎮遠古州軍民二府及婺川功水常寧等十縣龍泉瑞溪沿河等三十四州地即以其地隸雲南管轄而以霽翠所守地隸之四川翠復請開隴居於從以拓已境不許於是成乃討新添諸寨闢草萊使征南官軍得以取道而指揮張岱平谷峽刺向闕破的教案同知吳汝平江力江松殺播捕破下沙木洞信國公湯和江夏侯周德興從楚王楨討思州諸亂寇破上黃洞殺吳而兒俘四萬



餘衆且與江陰侯吳良平潭溪古州二百二十三洞  
籍其民一萬五千人都督楊文同知韓觀勅古州洞  
蠻林寬傳其衆三十岡等而顧成又復勸平平洲六  
洞峭嶧天柱天堂大坪小坪諸寇凡一百三十七寨  
會文皇即位思州宣慰田琛與思南宣慰田宗昂構  
怨相殺而副使黃禧佐琛攻宗昂宗昂走琛殺宗昂  
弟發其祖墳墓而戮其母屍時顧成封鎮遠侯以兵  
五萬討之執琛與禧而琛妻冉榮復招誘蠻羅抗命  
帝乃因琛禧思赦宗昂而宗昂倔強且自愬祖母何  
施曾召禧與姦造禍本殺已祖母亦許宗昂殺親母  
賣亂妻女乃合治宗昂琛重罪使子襲而琛母楊氏  
宗昂妻冉氏皆前後赴闕朝貢乃以思州思南三十  
九長官司改設思州思南鎮遠黎平石阡銅仁六府  
並晉安永寧鎮寧安順四州陞貴州為省而以布政  
司領宣慰司一曰貴州領安撫司一曰金筑領長官  
司五十二曰貴竹水東青山劄佐龍里白納底寨養  
龍坑上馬坑小程番廬番程番章番方番洪番卧龍  
番金石番小龍番大龍番羅番廬山水德江蠻夷思  
印江公河祐溪偏橋石阡苗民萬彭萬商龍泉坪銅  
仁省溪提溪大萬山烏羅平頭著可慕校頂營十二

營康佐營谷寨西堡木瓜麻獨大華都勻邦水平浪  
平洲六洞九名九姓獨山州合江州陳蒙爛土豐寧  
鎮蠻夷長官司二十曰中曹平西都坪峨異溪都素  
朗溪鎮遠金容金達印水十五洞潭溪八舟洪州洵  
里曹滴洞古州西山陽洞湖耳亮寨歐陽新化中林  
驗洞赤溪洳洞龍里都司所領長官司十二曰新添  
小平伐把平寨丹平丹行楊義麻哈樂平平伐大平  
伐清平平定其布政司官屬俱用流官獨府官以下叅  
用土官十五人鎮遠府同知一通判一推官一司獄  
一安順州同知一晉安州判官一婺川縣知縣一縣  
丞一曹沙渡筑城河盤江谷龍鄉成河覃韓偏刀水  
都儒五堡三坑巡檢七其後隆慶中改貴州宣慰司  
為貴陽府普市守禦千戶所為凱里安撫司而增樂  
平平定二長官司於都勻府蓋蠻種不一有猓獠  
狫木猓獠諸名皆剛悍嗜殺外慈而內黠信巫屏  
醫入死則曰鬼棄之矣不哭至明年杜宇鳴然後號  
咷而思之以丑寅卯三日賀易曰牛場虎場兔場每  
把忌必杜門不出越若干日而後已犯者不吉其居  
水西曰烏蠻為黑羅羅居慕役曰白蠻為白羅羅深  
目長身荷理而戴笠束以葦索左肩挂羊皮一方佩



長刀箭箠多氣力為諸苗冠諺曰水西羅鬼斷頭掉尾言至死猶健舉也為人戀主故安氏四十八部世掌其土無所忤男女皆跣足棄絕禮教父兄弟死則收其後母而妻其妻新婦見舅姑不拜裸而進盥曰奉堂白蠻稍貧食鼠雀蝨蟻趨避若羸女子擇善淫者而取之其名花捲者蓬頭赤脚輕死好鬪殺腰繫桶裙以布為之花布為花捲紅布為紅花捲在平伐者為打牙花捲在新添者為剪頭花捲又有猪屎花捲不潔卧猪欄中又有林捲有群獠一曰楊黃好鞦韆善淫其名狎家者頗類中凶嘗棲居飾婦以長裙紉績而覆以青衣髻髻蒙單纒若冒絮然未嫁者雜奔不禁嫁即否家家擊銅鼓為樂有宋家蔡家相傳春秋時楚子俘宋蔡二國人而故之南疆遂為夷而尅家為馳後冉家為笮後冉有砂坑土人嘗採砂若糞謂之砂床良者比箭簇設戍守之而因以為利別有尾灑尾灑者水下也人死以杵叩椎塘而歌椎塘者白也至若龍家則俗類狎家而衣尚白遇喪服則易之以青然有所謂小頭龍家大頭龍家狗耳龍家者大畧諸蠻尚淫多女子為政其襲替多女土官異於他族而在洪武中有奢香事

奢香甯翠妻甯翠與蒙古反同歸附而蒙古反死其妻劉贖珠襲宣慰使朝貢賜錦綺甯翠羨之於其再朝則遣妻奢香隨贖珠後率土酋十五人貢方物馬匹太祖大悅襍賜文綺織錦珠翠如意冠金環繡衣遂於甯翠之死者奢香亦得循例赴闕襲宣慰使顧香皮事上而傲於待物既襲頗自大都督何福討羅羅還奏香桀驁不用命當並致討不報而香感上意於其年冬急遣子婦奢助率把事頭目尤則龍周入貢則賞賚尤厚時都指揮馬華者開善定驛傳役以官兵將盡驅諸羅為郡縣地而苦其間會香為他羅所許華故惡香傲至是欲辱香戮諸羅怒然後俟其反而加之以兵乃驟檄香至若責簿者比壯士裸香撻之香怒甚斷所佩華帶誓必報而四十八部羅咸集軍門憂願願掃境反香曰反非吾家法且反則彼得借天兵以臨我中彼計矣夫我之所以殺之者在也謀之贖珠贖珠曰盍見上怒之乎曰怒則何以殺之贖珠曰夫上之所以重華者以其能開郵驛妖邊境耳今四川道梗未易通達吾能助蠻兵為上開思南鎮遠龍驤羊腸諸道以達邛蜀上方倚賴之不暇何惜此區區啟邊釁者香曰然遠邀贖珠行而已



與奢助率各部把事隨之入貢具言華激變及諸罪  
欲反狀願効力閉西鄙世世保境以乞除此害帝且  
驚且喜曰吾固知此奴妄果然微若言幾敗乃事矣  
乃責奢開道而中華以事殺華奢遂開偏橋水東以  
達烏蒙烏撒及容山草塘諸境且立龍場九驛歲歲  
供馬匹廩積以通往來而西南益開

宣德二年水西宣慰頭目阿閉姑宜與普定衛西堡  
張官蠻民阿骨阿哈共為亂貴州總兵官蕭授上書  
請討帝不許教遣官撫諭而群苗大起有底寨千妙  
豐寧羅父蕩谷旺甲農甲起平若阿夜谷把革子裸  
普安州裸革治古答意石各野銅仁平頭著可瓮橋  
石鷄娘草子坪吳畢郎等各聚眾相應初上意主撫  
謂蠻夷僻遠不宜與爭茅寃以撫之使之自來因盡  
蠲其戶丁銀糧諸賦稅而蠻民負固殊甚遂至治古  
答意新即諸寨殘苗吳不免等結生苗龍不登糾合  
下高大刀蠻民劫畧城郭殺軍民燒公私廬舍不得  
已乃始調湖廣四川官軍及各長官土兵以總兵官  
蕭授及三司御史統之且撫且勦而其患始息其既  
也新添衛丹行長官故土官子羅朝扇與逃民羅阿  
記等復蠢蠢動會指揮僉事李政鎮撫有方為蠻民

所信而以他事被逮去至是復政官俾守之其餘都  
甸衛陳蒙爛土諸苗韋翁同等有未靖者議調廣西  
泗城州土兵千人立堡鎮其地至正統中兵部尚書  
王驥征麓川悉調貴州兵以行而貴州空虛久之諸  
苗反驥還討擒首韋富梳等獻俘而驥以老病告歸  
使侯璉代之璉駐師雲南相去遠保定伯梁瑤自湖廣  
奉命入貴州未至其當推貴撫無敢往者獨修撰王  
恂慨然請行行則平越新添畢節龍里諸衛已圍困  
久兵少不敢近景泰元年吏部侍郎何文淵上言貴  
州總兵官生分激變已非一日今兵疲民困又當遣  
將征南之際湖廣雲南四川三布政司轉運不給貴  
州山高嶺峻本難設守而蠻人叛服不常乞敕兵部  
會多官議其被賊燒燬衙門勿復起葺暫將布按以  
下及各府大小官吏并從征官軍盡行撤回祇照洪  
武年例設宣慰衙門管屬土人設都指揮等官鈐束  
軍衛而以大將鎮之守便時邊警方亟衆唯唯謂文  
淵言是獨兵部尚書于謙執不可以為太祖高皇帝  
開創於前成祖文皇帝經營於後迄於今將百年矣  
法制已定勢無可更比來以邊將處置乖方加以征  
南之師數出遂致賊寇竊發勞師遠征然且一年之



間各該城池雖被圍困而官將死守未之稍變令總督總兵恭將巡按三司等官初未嘗言此地可捐棄也其請兵請餉亦未嘗言此地難與守也夫土地者祖宗之土地人民者祖宗之人民萬一缺軼猶宜補救今堂堂布按盡轄其地小有枝梧而動言棄擲日戴百里伊誰之咎文淵先曾奉使貴州脩諳山川險易夷情向背宜量從陞職給敕以往令相度形勢便宜行事至賞賜銀幣即就從官庫支給不必京師運發議定請旨景泰帝是讓言然不獲差官祇着侯璉梁瑤整理進勦時王驥尚候代未行并勅協力於是副總兵田禮進兵解平越圍侯璉調都指揮鄭偁及都盧等寨宣慰瓏宜勦水西梁瑤調雲南兵由烏撒會於畢節調普安州土官隆本援安南衛遂起朔勦安南等一十餘寨降阿蒙等五寨賊復圍平越進回兵擊却之分哨七盤坡羊腹河楊老堡解清平圍仍哨清平迤東至重安江與王驥兵會自是隆安至鎮遠道路皆通而普定之圍未解璉選雲南善射者為前鋒自將之至普定疾戰矢下如雨賊大敗驅之時田禮等以兵來會遂大破龍里瓮橋及新添平越清平都勻諸賊貴州盡平

成化初山都掌蠻叛兵部尚書程信襄城伯李瑾統番漢兵急討之兵至永寧瑾督大隊入金鵝池而信分餘兵作四哨並進連破二十寨獲銅鼓數十斬首五十級生擒百人賊走入山洞瑾命軍士過寨諸洞門而環以兵月餘死洞中臭達十餘里其後蠻民每保洞官兵輒相嘲曰洞莫聞有臭蠻

十七年貴州程耆知府鄧廷瓚奏本府學校中有土人子弟在學者宜分別處置以示獎勵帝曰蠻夷嚮化其意可嘉既已建置生徒有同內地則一體相視原無分別祇科舉文義未易猝辨先應歲貢生員一俟俾觀光上國相勸於學以稱立賢無方之意諸蠻大悅既而蠻性終未馴廷瓚去諸苗稍叛乃復起廷瓚憂服加副都使提督軍務尋廢之至弘治初提學毛科以文試土生倣廷瓚意多獎勵會土官鐵氏貢固其姻家有毛氏土生入試科優禮之取高等譬以大義令諭鐵氏使歸順鐵氏大感與毛氏初約納賦稅入貢而太監蔣琮謂科與蠻族通姓利蠻所有大不道賴巡撫解免其後蠻民亦稍稍有向學者普安州土判官隆暢有後妻曰米魯買美色嘗以作暢出居其父諾益州土知府安民家暢前妻子禮因



暢老奉朝命替暢為判官而聽營長阿保說父子間不相能米魯覘知之諷阿保使禮迎已而先與阿保通阿保盛稱米魯思禮狀禮念魯色美且惡暢竟迎魯同室居蒸魯且召阿保雜滌之暢聞大怒立殺禮燬阿保寨阿保乃挾魯統其子阿鮮莫阿不克抗兵攻暢破暢百寨餘暢敗竄之雲南時東寧伯焦俊為總兵官與巡撫錢鉞召阿保及暢曲為調釋而誓以官法兩家各唯唯於是暢臨訣米魯出送暢拜且泣親掖暢上馬陰中暢毒暢路死阿保與魯據寨反會暢別有妾適烏生二子曰珣曰瑤居安南保魯欲並殺珀瑤絕暢後事成王諸蠻不成猶得以女土官襲職乃於安南城外築阿先硬寨親守之而別築青黑猴場查利三硬寨於普安州拖長江諸處令阿鮮莫阿反兒互為防守更名所居寨為承天寨號無敵天王出入建黃纛御史張淳救捕之不克賊益橫鎮巡官以聞乃命發十衛官軍及諸長官司士卒萬三千餘人分道進兵且召安民貴以匿賊狀使殺賊自贖民乃率土兵攻斬阿保父子於查利寨米魯亡走久之焦俊奏言賊弄兵十年先後據夷寨百三十餘殺揚官軍人等無算而女戎擁黨尚匿土官安民家不

法執甚仍宜責民勦餘賊或獻牝自贖而安民承命陽為進勦反陰資米魯蠻兵五百襲殺適烏及二子珀瑤絕顧望乃密遣營長福祐隨米魯覘據別寨大殺畧且投牒鎮巡乞以女土官襲職巡撫錢鉞以副使周鳳都指揮劉英吳遠指揮任禮張英等少監楊友總兵官焦俊皆受魯賄請宥魯聽襲而奉旨切責必得魯乃已會貴州副使劉福自詭知兵衆倚之追勦而仍作狡文取賊賂憤甚乃襲殺周鳳吳遠劉福等執楊友而指揮史韜問鉞李雄郭仁李宗武等皆轉戰死帝乃命南京兵部尚書王軾巡撫陳金都指揮李政等統官軍進勦奪友還破阿舊阿滿阿黑阿維二十餘寨斬寨首阿烏阿宗及福祐子阿咎孫賊機車生擒米魯阿舊目波衣江西賈人龍清監生洪子華而米魯福祐皆竄走匿馬尾籠無何大兵合圍之乃擒米魯福祐妻攝受妾適固子阿雜等斬之而下安民於獄既而民自辨赦民元元年賜族土婦適擦襲土判官職親赴京朝賀貢馬帝甚嘉之或曰適擦亦暢妾

阿溪清平衛部酋桀驁多智有養子阿刺饒膂力能披甲三重運二丈矛躍地而起越三五丈兩人誅勇



相資橫行諸苗間假子毋用苗利而誘他苗為偷免  
間劫掠商有官兵探捕者反為之居間邀重賂不則  
捕速苗之不伏已者強指為賊鎮巡以下則責納歲  
幣以為之地弘治中巡撫孔鏞初到官惠之詢之益  
軍總帥皆警溪刺如一口鏞大怒親往濟平訪部曲  
中最能者得指揮王通歷詢苗害應如響而獨不一  
及溪刺鏞微探及之通愕然既而囁嚅鏞怒叱曰汝  
謂我不能殺溪刺耶雖然吾能殺汝按劍前通不得  
已始道狀且備言所以黃緣要上官者鏞詢得其人  
一指揮王曾一總旗陳瑞鏞文劫曾瑞欲殺之令畫  
計擒溪刺自贖曾瑞乃請鏞設伏而以計誘溪刺出  
觀湖牛草間伏起縛溪刺磔之其後有阿傍阿皆阿  
草於正德十一年據香爐山稱王逼攻興隆偏頭平  
越新添龍貴諸鎮道路皆阻巡撫曹祥檄諸路兵進  
勦不克乃奏請總兵李昂及湖撫秦金會勦擒賊阿  
革阿義阿黎而香爐山險百攻不能下乃謀別紀碑  
及鐵梯爬山虎諸具督令宣慰彭九霄彭明禎等選  
精銳緣崖而上拔木柵縱火焚巢斬賊首阿傍等乘  
勝勦黑苗破龍頭寨及都蘭都蓮密西大支馬羅擒  
酋阿茲等其天漂天壩黎從楊保苗坪諸寨悉聽招

撫復業者三千八百餘戶斬首一千五百七十九級  
通撫苗衆三百七十五寨捷聞下璽書獎諭賞賚有  
差

正德十年金石番長官石承隆殺其兄承選死子臣  
擒之死獄中其年銅仁苗龍童保與鎮溪古龍味防  
算子百夫長龍真糾衆為亂都御史沈林湖廣都指  
揮潘敷會兵征之連破鎮算亞苗亞保生擒童保麻  
陽及其家口而釋其餘叛者

冰西安氏者霽翠後也自奢香之死其弟安勻孫安  
貴榮後承襲故世稱安氏但驕蹇不受節制即聽調  
從征非邀重賞不赴且渺視官軍嘗睥睨省城曰是  
直用水西禮衫疊寨耳正德中貴榮以從征香爐山  
有功加貴州布政司叅政猶怏怏乃奏乞城龍場諸  
驛以償其功事下兵部議時兵部主事王守仁以建  
言謫龍場驛丞貴榮敬禮之守仁乃貽書貴榮止其  
事其畧謂祖宗制度不宜擅改擅改者謂之亂雖  
在朝廷猶不可況其他乎夫使君之先亦何得不為  
功累行可長斯土而自唐迄今世官不改亦曰有朝  
廷法制在也今日驛可滅則世官革久矣且夫既為  
世官則為朝廷剷除寇盜正守土常職而乃藉區區



征調用以邀賞則使君歷代恩寵將置何地况使君得政忝政原非設官之舊今復干進不已萬一典錄者曰向係土官故長有其地今忝政則流官矣東西南北惟天子所使於是下方尺之檄委以他官或聞或蜀誰敢勿行由比言之龍場諸驛非使君不可也貴榮得書悅然驛竟不減既而宋氏部羅叛徵貴榮兵不至守仁復貽書責之竟至貴榮死子萬鍾襲萬鍾驕縱甚於貴榮有漢民張北土目烏掛謀之惡每游獵酒酣輒射人為戲嘗捷夷民角藥抹鬼阿內抹蔥四人怨之一日集督府督府未出候於外有賊刃萬鍾頭去索賊不得既而稍稍知角藥四人而四人已避時萬鍾無子其三弟萬鎰以賊未獲故辭謝間統與烏掛遠保其疎族晉者冒萬鍾弟曰萬鈞告襲指揮胡永遠朱蕃祖勳前後承勅受其賄匿情報鎮剋等官請暫委萬鍾妻奢攝攝宣慰事待晉者年長而後承襲於是萬鎰悔辭謝使人說烏掛不使人恨乃借所親雲南女土官奢爵兵並己兵共數千人襲烏掛烏掛覺之亦募兵數千相警殺而角藥抹鬼阿內三人遣在境為亂兵所斃惟抹蔥逃免烏掛因經萬鎰殺兄萬鎰亦誣兄為烏掛殺疏十餘上下鎮恐

勘驗則按胡瓊上狀言萬鎰宜襲但與烏掛互相誣訐宜各治罪令輸贖此坐遠戍著勳永遠奢爵俱逮問案角藥等首捕抹蔥而罰布政使趙文奎等之納賄者萬鎰乃承襲收搜奢捕為妻仍推諸變萬鎰死子阿寫幼嘉靖七年提督尚書伍文定請其子為鈗攝事侯阿寫長承襲久之阿寫襲萬鈗去位而阿寫又死阿寫子國亨幼夷民仍請萬鈗稅事侯國亨長承襲至嘉靖四十一年國亨承襲萬鈗又去位而於是是有安智警殺之事

嘉靖元年貴州巡撫湯沐上治苗三議一預定土籍夫土籍不萌則家系棄所由起也今土舍傳接應如軍職貼黃例各於歲終上其世系履歷及有無嗣子於布政使司司又上其籍於部而起送襲者可按籍定矣議一一嚴飭土學凡上舍應襲者年三十以下俱飭入學習禮否則不許起送襲裔其族屬子弟願入學者聽凡一切補廩科貢與軍民武生一體則禮教可行夷俗可變議二一清查軍伍請以五年為率遍計天下衛所軍士舊在新勾以科選在逃者指揮以下議將都司泰問其清軍御史不第清坐守軍司且無理缺乏軍伍令所在有司各開報解發收伍者



籍於都布二司二司呈送清軍及巡按御史彼此恭  
証則諸弊可革議三

三年鎮遠土推官楊載青以土舍襲職嘗中貴州鄉  
試巡撫楊一漢請如武舉襲蔭例加陞一級以爲遠  
人向學之勸而吏部不從謂土司額設原有定員且  
俱已在任有何加陞但於本衛量加俸級著爲例報  
可

都勻部苗王阿向者屢擾凱口因稱亂官司不能制  
遂於五年夏發兵攻平浪鎮巡官招之不下詔遣巡  
撫陳克宅調土漢官兵三萬集圍下圍故絕險賊復  
於要害設弩樓疊石防守攻三月不克乃先分兵歷  
破賊黨凱首等因隨招降附近諸苗至四十九寨賊  
稍離散然後令土官安萬銓購壯士能獨板者乘夜  
雷兩以鐵鈎縛手足若指爪然攀崖援木而上然後  
用輓梯鈎絕使衆軍魚貫躡絕頂發弩石下擊總兵  
楊仁等督各哨仰而夾攻之萬銓兵自山後馳下開  
圍門遂斬阿向及賊黨十餘人凱口盡平是日斬首  
二百五十級俘獲四百招降夷寨男女二百餘口遷  
旋師而其後復敗於賊也先是阿向之祖世襲土官  
忽爲平浪王仲武先人用計奪襲遂爲世警而阿向

亦復與仲武爭印割地相攻殺於是有凱口之役乃  
凱口既平克宅議盡逐苗黨以其地屬都勻府召軍  
民佃種改前圍曰滅苗鎮仲武因諸夷失業陰遣人  
招復旋糾索之諸苗怨望私推阿向餘孽王聰王祐  
朱亮等爲主謀糾合黑苗與其黨攻據前圍驅逐耕  
種軍民多所殺兩鎮巡檢副使恭將守備等官分領  
土義兵進勦賊亦乘兩夜襲破守備鐵冠諸營生執  
恭將李宗祐指揮陳佐周鍾并百戶軍舍等三十餘  
人詔革總兵官楊仁及前任巡撫陳克宅職停監軍  
副使陳則清兵備副使林茂竹俸祿指揮守備等官  
及鐵冠王遠周仁等四十人冠帶而下王仲武於獄  
既而巡按御史楊春芳遣官撫諭賊爭赴訴求還土  
田并復其官印乃願釋宗祐等謝罪而究無成說嘉  
靖十六年都御史汪珪仍調土官安萬銓都指揮朱  
文指揮李木統土漢官兵三萬有奇集圍下萬銓親  
卒花鎗守與賊相拒賊敗走渡河萬銓追之文等三  
面並進因樹招降旗於道賊走旗下者五百餘人聰  
亮據險下石我兵殊死戰遂破其圍斬亮等聰冒兩  
濟圍出爲萬銓部兵所執已而賊首王祐等復入據  
圍隨執之賊平是役也前後斬首二百餘級降苗寨



一百五十俘獲賊黨男婦二萬餘口  
錯爾山界辰州銅仁之間有草子坪土官田與爵者  
以事繫辰州獄諸苗賂吏計脫與爵匿山中久之與  
爵逼淫諸苗婦反虐諸苗之脫已者諸苗怒逐與爵  
據錯爾山反銅仁苗久通稅知府按籍責見戶見戶  
且亡命有司者責其上官於是平頭長官挈印逃去  
諸苗騷然共保錯爾山結寨自固守臣討之不能克  
帝就家起萬鍾為副都開府辰州命相機進勦鍾微  
諸路土漢兵討之四年終不克去二十五年巡撫姜  
儀言鎮草銅平諸苗皆互相援結而土官從征者復  
故為放縱以致有是自今以後宜責宣慰彭蓋臣彭  
明輔指揮田應朝等督土兵同漢兵會勦不克者治  
之以法而田應朝者本土指揮鏗用為巡捕反煽諸  
苗亂陰結叛苗龍許保吳黑苗流劫湖廣辰沅間於  
是命侍郎張岳力勦之計斬許保暨黑苗并杖殺應  
朝而其亂始定見湖廣麻陽苗傳  
當萬銓之去位也有二子曰智曰信智出居織金阿  
魏而信留事國亨國亨淫虐嘗暱吳瓊吳珂而通其  
婬若婬絕愛幸令百姓謂瓊珂皆跪叩頭如謂亨信  
諫之惡信其既以他事罰信馬信買珂馬進亨知為

珂馬也復給珂信大怒嘗醉伏劍召卜麻必覺語曰  
吾欲殺吳珂如何卜麻唯唯會夷日阿戶聞之以告  
亨亨殺信信兄智馳告其奸夫永寧土吏奢效忠同  
稱兵討亨會亨與母祿氏擊烏蒙土知府福榮榮本  
祿氏姪曾與弟烏慮有卻祿氏呼烏慮來妻以所部  
女實佐使慮借烏撒兵圍擊榮而慮以出兵時淫所  
部路珠妻女為路珠所殺亨并留慮妻實佐使訟榮  
殺慮正會勘問而萬銓妻疏窮與土同知安國孝以  
殺信告且發其殺四州人及烏慮事帝遣給事與鎮  
巡官雜治而亨已與兄智及奢效忠戰於朶泥橋大  
閱互相殺奪亨奪智及效忠所部阿租罵雍沙那者  
抵者墮者頗獲避班鳩阿宗而智及效忠亦奪亨所  
部勒魯革普豆得剽果底威索務驢白非自水西谷  
里威濟奢香陸廣金雞諸驛皆阻廢不通都御史阮  
文中御史鄭國佐等初議調諸路兵大勦亨亨自知  
不法頗思既而議夷俗警殺縱稱兵第當就吏議曲  
直不宜煩我兵革遂遣宣慰宋一清約法令究殺信  
罪且獻諸主謀者亨大感立獻阿弟吳瓊吳彤務卒  
悉卒吳珂何高等以獲與前而後乃對簿伏殺信狀  
當死於是三萬五千金自贖而以六千金贖務卒



等事定亨與智俱去職令亨子安民行宣慰事智子國貞行夷目事而亨所部阿撒沙拱阿朋阿豆復以私憾殺智卒四人傷一十六人智復報殺仍具獄萬曆改元都御史蔡文都司高金宸麻哈守親詣木空河歇不決其明年秋都御史羅瑤下同知高任重司理常正和謀讞復不決當是時智所主謀者吳鶴駕亨所主謀則吳阿柯吳阿簡也亨曠阿柯與阿簡甚於瓊與珂而阿柯與阿簡之妻若女其為亨所有與瓊珂等於是按察使林焜章直索阿柯阿簡與鶴駕同治罪且盡逐漢人之藏夷者而後使亨智對簿亨乃大恩請輸的都彙徐及毛家可瓦大南王莊張三壩豆紅崖左王右王破花蔡官梨兜鮮醜二十四寨與智和解終智世而後還亨其一切所訟俱置不問僅罰亨入穀千石智三百石贖罪阿簡以下皆輕重輸贖有差亨乃益感矢報効以湔前耻時賈羔堡阿占界首阿崖阿散皆強賊阻山公行亨悉擒捕膠致凡威濟平壩之間道無伏莽又水西酋長者普犯十二營酋土婦隴氏亨遂以獻兵備余一龍為之奏聞值水西有阿列之首谷里有阿古之首白歸之首白縱之首阿扯之首威濟有阿捕之首奢香有沙遮之

首阿白之首陸廣有所列之首阿虐之首普也妻之首金鷄有所遂之首其久充諸驛驛騎馬者皆前後散去亨急為舉廢驛騎盡復乃悉令夷首辟地墾草勸農桑察賸貧者流夷自占而還者至一千五百一十八人於是四十八部酋長十二宗親一百二十麻葉永則阿體等旬旬告都御史王輝請復亨冠帶許之其後萬曆十二年以他事復議稅冠帶卒不果而其後有奢安之事

苗坪天漂黑苗種也在湖貴川廣界與者亞昂足居每入漢必道者亞願為生苗前此未為漢屬其俗男子蓬跣短衣而長禪而女子則花裙銀燭鏤而深黑色獨多力好聞萬曆六年天漂阿蓋等三十餘人詣長官金篆所願輸賦役為編氓請刻木立信都御史何起鳴下兵巡撫愚問狀遣指揮郭懷恩及長官金篆同往而阻於者亞乃遠從丹彭間道通天漂會苗坪黨銀等十餘人亦詣篆所同天漂所請皆以者亞閉關不得通時都御史王輝新赴官使使者簿責者亞首阿斗謂斗故我屬何至梗道阻嚮化者斗叩頭服謂我等本年定部而養善牌故誘之因斃去平定而歸養善今養善奴視我寧能從乎閉關所以拒之



也今願往平定請以者亞定所屬因下吏議議屬之  
都勻而都御史執不可謂平定孱弱無可藉其願往  
詐也此必有主謀其間者復下吏案驗果得實謂漢  
人夫金貴及張受主謀教言往平定而陰實借諸蒙  
兵以襲養善乃治夫金貴等罪令者亞一十五寨仍  
屬養善牌如初而者亞路通於是苗坪天漂皆請奉  
貢賦歲輸賦二十四兩天漂五十七寨歲輸米一十  
二石貢馬二苗坪九十九寨歲輸米二十四石貢馬  
四遂請符驗更冠服以華名名其牌曰歸化隸都勻  
版籍凡使往自生齒以迄悉跪拜送使至平定夾騶  
從行前吹蘆笙唱蠻歌呼道而馳事聞帝嘉之各有  
賞賚令苗坪立都保一人通事二人頭目十人寨長  
九十九人天漂立都保一人通事一人頭目五人寨  
長五十七人而以指揮一人軍二十人常從把總巡  
徽塞上曰將軍令毋匿亡命毋動小忿敢不如令者  
斬越七年者亞阿斗反伏誅乃復罷樂平吏目如麻  
哈州州判一人令居樂平司而以養鵝者亞羊場落  
郊餘甕河樂戶西諸苗皆屬焉  
毛吳墜者永寧苗寨也其隣有長牛阿田者於隆慶  
初曾出劫白銀魯打單廣三屯都指揮陶昂持斧逐

捕之中流矢死而毛吳墜首長光賽光見攻剽羅紹  
華張斌匡廷鑾殺羅顯奇五人斌上變言賽見攻並  
及長牛殺指揮事萬曆七年詔令都御史王緝御史  
馬呈圖督兵進勦而緝與呈圖疑所上不實遣晉安  
永寧二知府按視長牛毛口諸寨覘變而光見知知  
府至負弩出郭迎叩頭願將軍幸哀憐吾小人死請  
輸貢賦比福戶氓毋反乃拘使對簿無實釋之而坐  
斌等詎用律且以斌調永寧廷鑾調烏撒獄上初斌  
上變時謂賽見所居在五龍止京箭林間宮室輿服  
皆擬王者出入張黃蓋樹幡幟擊鼓號雲陽王大不  
道故廷命進勦而皆無有張斌嘆曰吾此行時有阿  
迷土目方仲八贈我百金為治裝以吾能告見反也  
不如是吾何以對方土目哉  
也香狗場者貴陽苗寨也與者亞通婚媾酋長老頂  
宋本我屬歲比通貢不得償恃高山以為險漢使至  
輒走高山頂鼓譟詈罵使還報有司無如何於是稍  
稍集亡命劫人奪金帛遂至反十一年都御史劉庠  
檄宣慰安國亨宋懋德統紅兵勦之生擒老頂宋等  
九千人梟以徇曰敢亂者有如此刑  
答干鷄賈甲多者皆都勻苗寨也都勻苗者亞阿斗



反而答千寨阿其應之斗誅阿其以幸免乃累累犯  
寨十四年土舍吳楠王國聘慮阿其巨測禍及已請  
以答千鷄賈甲多都定崖埋屬蒙詔立宣威營設把  
總一人而以蒙詔佐之凡答千一十三寨歲輸賦三  
十九石中間答千輸十石著為令阿其獨不伏引者  
亞殘苗圍宣威營鼓譟曰何地誰令而營居中乎蒙  
詔常使使者阿卯老亂徵秋稅阿其度使至先以血  
繫門令勿通居常張繖鼓角繪龍鳳什器遂與雞賈  
甲多阿賈胖同阿烏斗留鐵仰枯高悶亞仔阿場豹央  
者真唐靠諸苗擊牛酒為誓稱兵劫歸化亭長巡微  
至答千問狀阿其出與戰嘗罵亭長去官軍莫敢進  
獨山土吏蒙天眷請於都御史顧提兵進勦而先使  
問者詳言漢已點蒙詔令以宣慰營地還阿其立阿  
其酋長朝暮當撤兵去阿其乃親馳樂邦牛場調往  
來者言言皆符純倚天眷乃設伏左右伺其間驟入  
斬阿其并阿賈鐵仰枯等一十六級雞賈甲多皆歸  
降而於是屬蒙詔者自答千雞賈甲多外又有塘蛙  
當井斗坡甲樹蠟白礫馬崖埋等一十七寨  
小橋熟苗龍木恰曾賜兜帶視寨事年老請子倅替  
值奉議給糧糧與俸勿及恰恰奪之俸懇請奉議下

守備連恰恰揮其屬龍黨蕪鎖漢使已而逐之曰走  
此我家事如再來則我當以烏雞諸寨踐漢遺矣時  
奉議秦舜翰頗立威聞其語即給籌與恰而以計擒  
之死獄中亡何龍化龍羊山引川苗攻孟漢焚其邑  
居已圍繞塌帶哨曰漢無故殺苗苗請報之官軍戰  
不利既而都司蔡兆吉齋奉旗牌諭令降待以不死  
於是諸苗皆散去俸視事如故

羅金寨生苗吳老天為諸苗推長淑浦人張把高盧  
漢人吳老虎下里人楊武楊再興五寨人黃枯牛水  
德人苟朝隆苟朝祖等皆依之時陳策為將軍嘗捕  
盜得朝祖再興榜掠放去而阿首下水有酋長龍老  
朋索老天道錢掩至羅金寨擄把高妻向氏及楊中  
兜等五人老天贖之不肯與反嚮之他寨老天與黑  
潭寨吳小老天過索之稍聞申兜賈龍老求家為奴  
而向氏無有朝祖故惡將軍策謂策實受賂縱苗匿  
兩婦啖把高懇御史所而策疑吳小老天陰陽執小  
老天同至羅金寨呼老天質問老天怒即老虎再興  
等殺策反都御史舒應龍勦捕之老天與枯牛朝隆  
走湖廣轉入大山崖匿錦朶山久之貴州副將陳天  
祐搜諸山設伏獲老天等集之銅仁市



邛水土舍楊光春行邛水長官事而貪頭目彭必信為之其歛民怨甚迨諸梁上巴野六甫鬼計諸苗寨參議以上皆議請免光春改土為流議未行光春與必信單騎過馳所部莊寨始言漢兵勦夷民當歛金贖夷民死凡三十六莊七十二寨合得金五百兩兩人分其金都御史何起鳴謂知之下都清道逮捕光春繫獄瘦死不及必信於是用漢經歷劉試到邛水管事立青頗茨瓦四哨每四戶擇壯兵一人邛水四百戶戶不下二百人出為兵凡不為兵者佐糗糧三斗魚鹽月人一斤有八兩皆糜食餘稅而簡土吏何文奎等掌四哨別選精兵五十二人立營居中俾將徐柯巡徼之未幾必信乃密誘諸苗謂新法不善不利苗請與卞五洞洞長約為我治裝我當慰之朝以復舊例洞長唯唯乃議每洞出裝銀三兩合得四十五兩走長安上書謂巴野梁上六甫鬼計諸寨酋長喬蔣苗女喬苗柴虎苗高良等數百人阻山為亂樹旗幟鼓角攻七十餘寨殺男婦五百人而指揮使陶啟忠不之聞也反索土吏楊光春錢而殺之改舊例用新法欲求苗不反難矣書上意自得歸謁知府王一麟揚揚一麟叱縛之送司獄乃檄召諸苗以為必

信所奏喬蔣事此在萬曆初孰與今日今日若等所惠苦或以兵餉戶賦米三斗過甚府能為若等寬之故事本司歲給白虫舖米每洞月八斗凡一百五十石他於平漢驛剩餘徵二十二兩此皆可足餉今已後毋苦諸洞諸洞皆叩頭稱便乃坐必信誣妄而新法竟行

皮林苗吳國佐少入學為永從縣生員驕黠有大志居恒往來洪州草坪等寨相度形勢自謂皮林與九股接壤山川險奧可因之成事於是帥皮林諸苗反始播發難時皮林嘗助逆至是播滅乃結聯他寨講營陣攻破永從縣城縣廬舍殺官吏劫獄囚而去萬曆二十八年沅撫江鐸廉指揮李楷智勇請授楷勦事會楷征播還自謂當便道埽除不煩專兵其明年先遣他總兵進勦地險不得入且所遇潘老諸苗引眾萬餘畫為牛首陣當者多傷楷嘗探苗洞得其根株從叢菁中取道道僅尺餘旁臨溪不測步騎相持如是者數十里且苗又斷溝畫壑布以竹簽楷所在填接使壯士鄉黨逐步拔簽而後行乃先擣潘老寨奪其險隘遂進擊賴洞卒朝一寨斬酋楊端



生獲龍貴才吳寅龍諸渠膠致軍門轉攻六哲  
簡華海浪萬等三十八級於吳破洪州破草壇斬獲  
首酋及婦女牛羊無算乃進逼時洞時洞者國佐所據寨  
也然國佐已竄去楷乃分道徧將由他洞謀入而自  
與游擊董獻策沈弘猷當其險者曰甘坤即俗名銅  
關鉄寨破之而入窮追至赤沙至高茶生獲國佐及  
石纂大金董四吳海等斬首五百八十二級諸洞悉  
平捷聞帝乃賜金幣獎勵自總兵官陳遵以下  
水西安國亨子彞臣曾於萬曆中從討楊應龍有功  
及死無子而弟堯臣襲其職至堯臣又死子位幼妻  
奢社輝攝宣慰司事天啟元年永寧宣撫使奢崇明  
反奢安本世姻而社輝又奢氏女其明年土目安邦  
彥說社輝起兵應崇明社輝然之遂通烏撒土酋安  
幼良合四十八部頭目安邦俊魯連安若山陳其愚  
陳萬典等殺都司楊明廷於畢節戍知州郭俊義於  
陸涼州境泰將尹啟易自烏撒奔霑益會霑益土婦  
設科合幼良拒戰殺守備李加培周嘉映貴陽大震  
先是水西未反烏撒衛指揮管良相覘事有變與巡  
撫李樓曰奢安久唇齒奢反安必繼之烏撒孤城莫  
水西相仇良相隻身無子當以死報國明廷亦

長葉保障此一方民乎標咨嗟而泣良相亦泣  
邦彥破烏撒良相自殺然後進賊宋萬化截據龍里  
而自提兵圍貴州時城中兵少糧久匱樓與巡按史  
永安悉力禦之賊四面攻擊造雲梯深府矢以必拔  
鎮將張彥方將兵二萬赴援隔龍里不得近既而走  
命新撫王三善進勦三善忠勇止平越平越兵萬人  
副將徐時進將之戰瓮城不利泰將范仲仁坐視遂  
大敗殺前鋒馬一龍等而軍士皆退三善急召諸將  
曰事迫矣前則以戰死後則以法死夫死法與死戰  
孰優尚何待也乃命諸道何天麟楊世賞各將兵從  
他道進而自將二萬當賊鋒一日抵新添又一日進  
毋猪洞又一日次新安是夜報賊至合營驚擾議退  
兵三善手劍疾呼曰退即死此既而覘無賊乃命劉  
超為前部超三善同里人有智畧疾行抵龍頭營三  
善身尾之相去不二里聞砲聲衆懼不欲前三善怒  
之既而超捷音至初超兵遇賊却超下馬斬却者二  
人而自揮刀斷賊標時賊首阿成驍甚超與步兵張  
良俊直前斬其首賊披靡會大兵至齊進奪龍里賊  
獲大寨乃大戰却之遂據龍里城衆議休三善曰  
我兵猝至賊無備此可以破竹而覆却之何



策馬前進衆隨之自平越至此凡六日抵城下 邦  
彥已遁遂乘勝窮追至畢節諸賊步騎如 皆自相  
蹂踐而追騎如堵並進斬獲無算邦俊戰死鞠重山  
積時城守十月旦夕陷忽賊兵奔潰如蟻喊聲雷震  
俄頃五騎衝鋒至城下曰新撫至矣軍民大悅慶更  
生是時三善同將卒被虜單騎冒矢石以二萬人破  
賊十萬樓等迎入城三善不許曰賊兵不遠軍心猶  
未定也我不可即安遂營於南門外坡上大雪次日  
移營宅溪賊遠遁陸廣河外三善遣人諭社輝母子  
使縛邦彥降不報無何諸路兵至三善既怒其後期  
且憂之食欲因糧於敵又諸軍視賊過易前鋒楊明  
楷出戰失利陷賊中三善收兵入城既而邦彥復糾  
宋萬化等來攻三善連戰於龍里青巖定番八姑蕩  
屢捷擒萬化諸蠻多降者邦彥復退守陸廣鳴池諸  
寨當是時川撫朱燮元破奢崇明兵窮蹙投水西邦  
彥復助兵合謀一窺遵義一窺永寧三善乃統兵擣  
賊巢擒土司何中尉等進營紅崖連破天台水脚委  
石牛酸草諸囤並大垣洪烏岡賊所借烏芒等部苗  
望風奔潰三善按營直入大方救出田景 楊明楷  
等社輝焚大方老巢挈子位竄火灼堡邦彥竄綠金

會川兵入龍場擒奢崇明 安元及其弟奢崇輝等  
社輝懼遣漢把劉光祚赴鎮遠乞降於總 楊述中  
而述中主撫與三善議不合遂授賊券狀勒擒獻邦  
彥崇明自贖時三善駐兵大方邦彥亦令其黨陳其  
愚詐降窺三善意三善謂楊督既立撫局則勢難自  
異因受降而其愚大猾善伺三善喜怒三善信之遂  
被害語在三善傳時石砭女土官秦良玉與其弟民  
屏同受調從征而民屏亦死既而監軍御史傅宗龍  
獲其愚誅之於是水西烏撒永寧諸賊皆合兵向雷  
益副總表善宣撫使沙源等破走之時水西苗老虎  
阿引殺崇明子寅來降語具崇明傳無何邦彥復寇  
貴州燒劫麻姑孫官堡官軍敗績巡撫王珣巡按傅  
宗龍遣都司張雲鵬等先攻河沙壩羅鬼并廣順定  
番青巖白納諸蠻以剪其羽翼然後拒邦彥於趙官  
堡敗之值燮元以艱歸而恭將楊明輝諭安位為邦  
彥所殺崇禎元年起燮元五省總督討賊先是三善  
由陸廣入大方凡百七十里皆羅鬼巢窟前衝後截  
已失地利燮元初議滇兵出雷益遣安効良應援而  
別布天生橋尋甸等以絕其走蜀兵臨畢 扼其交  
通四裔之路而別出龍場 後以奪其險黔兵由粵



定凌思臘河徑趨邦彥巢而陸廣鳴池擣其肅粵西  
出泗城分兵策應然後率大軍由遵義鼓行而前尋  
以憂去未及用總督閔夢得繼之亦以貴州抵大方  
路險而賊惟恃畢節一路外通用兵當自永寧始自  
永寧而晉市而摩泥而赤水百五十里皆坦途赤水  
有城郭可憑而守宜結營於此而漸進漸迫為白巖  
為層臺為畢節共二百里至大方然後以重兵扼之  
可一鼓擒也亦不果用至是變元至乃撤滇兵下烏  
撒蜀兵出永寧畢節扼各路要害而親率大軍駐陸  
廣以逼大方時崇明號大梁王邦彥號四夷大長老  
其下互費阿鮓等各號元帥悉力趨永寧先犯赤水  
變元授意守將許成各佯敗引之深入度賊已抵永  
寧分遣林兆陽從三岔入王國楨從陸廣入劉養鯤  
從遵義入邦彥分兵四應力不支羅乾象復以奇兵  
繞出其背急擊之崇明邦彥皆被剗斬其首以獻變  
元騰檄安位許其來歸位惶恐不敢出變元督諸將  
屯據要害四面迭攻凡有日得首功萬級生口數萬  
每獲鄉黨輒發窖粟就食賊饑甚遂降乃與約四事  
一敗爵一削水外六日之地一獻殺王巡撫者首一  
開畢節位府首聽命賊平變元乃條陳便宜九事大

抵謂不設府縣置軍衛不易其俗土漢相安且訓農  
治兵永為折衝帝皆許之越二年位死無子朝議欲  
棄其樊郡縣之變元上書諫乃止遂傳檄土目分其  
地以授渠長使力分易制乃復奏曰西南皆荒服也  
然楊氏反播奢氏反蘭安氏反水西而雲南之定番  
止殫丸小州耳為長官司一十有七乃二三十年未  
聞有反者非他司好逆而定番忠順也蓋地大者跋  
扈之資而勢弱者保世之策也時識者皆誦其言



明史卷四百十

土司傳

土司二

四川古西南夷國即漢丹馳邛僰笮都牂柯夜郎諸地故其地外雜氐羗而內盤羅獠摩乜烏合靡有定居在前朝小蕃大蕃寶界松茂當全川西北屢為邊患而沈黎越焉建昌諸衛環統蠻獠當全川西南其中為羅閣畔交牙互畜最易啓釁

洪武五年播州宣慰使楊鑑來朝始置宣慰使令仍舊職而其既龍州土官薛文勝天全六番土官高英以次歸順仍使文勝為龍州知州英為天全六番招討司正招討是時邛州六番招討使苟德本元世官明玉珍據川德從明氏至是亦來朝貢焉乃稍降其職為黎州長官其餘乍降乍叛茂州土官楊者七已授知州而以叛伏法于是稍稍經理定播州宣慰司賦稅改永寧長官酉陽宣慰為宣撫司置平茶芭梅麻陽石耶洞四長官司而以土酋為長官置威州千戶所松潘等處安撫以龍州知州薛文勝為安撫使又置阿昔洞等十三族長官及副長官會筠連州滕大寨蠻酋編張等叛命將袁洪討平之而已縣蠻王監保自稱應天大將軍燒佛圖闍犯通遠南絕二門

播州江度蠻王安茂州土酋董貼里龍州土官趙宗壽先後為亂皆移兵勦除之而立重慶衛并復威州千戶所及茂州衛指揮使司互相鎮守時四川都司遣兵修灌縣橋梁至天陶閬汶川土酋孟道責疑為襲已集部落阻陶閬道甘擊勦無遺其他茶蠻洞獠眉縣賊彭普貴宋懷茶洞賊田大森皆隨叛隨滅惟建昌衛指揮使月魯帖木兒并栢興州貴哈喇摩些等相繼稱亂已遣藍玉為總兵擒月魯帖木兒父子獻俘而哈喇未伏會沔縣吏高福興土民田九成僧李善治謀叛有何如順者號天王大敗官軍焚略陽縣治殺知縣呂昌執教諭呂銳去復焚徽州治殺學正顏叔彬詔遣都督徐鉞指揮黃中討哈喇長興侯耿炳文武定侯郭英討九成等皆以次勦平無遺擊于是改播州安撫司為播州宣慰司領安撫司二曰黃平曰草塘領長官司六曰播州曰餘慶曰白泥曰峇山曰真州改設東川烏撒烏蒙芒部四軍民府而以黎州長官司為安撫司永寧長官司為宣撫司領長官司一曰九姓與平茶洞直隸長官司同隸布政使司而別以酉陽石砫二宣撫司并芭梅洞長官司隸之重慶衛沱溪平夷蠻夷沐川西長官司隸馬湖



府其都司領者則軍民于戶所一曰龍州招討司一曰天全六番軍民指揮使司一曰松潘等處領長官司十八曰隴木頭曰靖州曰岳希蓬曰占藏先結獲曰蠟西獲曰白馬路獲曰山洞獲曰阿昔洞獲曰北定獲曰麥匝獲曰者多獲曰牟力結獲曰班班獲曰祈命獲曰勒都獲曰包藏獲曰阿昔獲曰思蒙兒獲守禦千戶所一曰疊溪此皆隸兵部武選司者土官則知府四人曰烏撒曰烏蒙曰芒部曰東川同知一人曰烏撒判官一人知事一人曰龍州把事一人曰馬湖巡檢八人曰信事曰梅倪漢曰麻刺村曰昭平堡曰寒冰曰寧戎曰明月曰三益驛丞七人曰龍溪曰阿用曰祿馬曰蠻夫曰白水曰太平曰溫沽改流知府一人曰馬湖此皆隸吏部驗封司者乃設四川行都司領建昌等六衛而屬以昌州威龍普濟三長官司永樂初指揮丁龍杜福撫諭亞堅等十一寨生苗三十六戶已認輸黑鉛筒布帛以苗人叛服不常命悉隸酉陽宣撫管轄而免其賦役四年置疊溪鬱都二長官司今屬之疊溪守禦千戶所設吏目一人是時諸土官皆遣貢獨永寧宣撫使阿彝妻奢蕪親入貢乃增設赤水宣撫司隸永寧衛又設重安長官

司今屬之播州宣慰而以張佛保為長官又設馬刺邛都二長官司隸行都司設八部安撫司隸松潘衛又改酉陽宣撫司之邑梅洞長官司隸重慶府大率烏蒙烏撒東川芒部以東皆烏蠻蠻蠻土獠諸種其俗多板屋椎髻披氍出入佩刀劍相見以去帽為禮男長將娶擊去左右齒以子日貿易名所集地為鼠街其在播黎諸地稍慕華風婚姻以銅器氍刀弩矢為禮燕樂則擊銅羅鼓橫笛歌舞每博易不用錢漢以細絹茶布蓄以紅椒鹽馬宣德初麻兒匪獲去松潘七百里有利麻者八讓卜聚眾侵掠遮遏八部安撫朝貢松潘衛指揮吳璋招之讓卜向化使其兄弟完卜入貢且言其地廣過于八部請置宣撫以轄之帝乃置麻兒匪安撫司以着八讓卜為按撫使既而龍州土官薛忠義請陞龍州為宣慰以鎮番戎不許時播州草塘安撫所屬殺撒等四十一寨蠻長作亂攻牛場乾溪等堡殺撫之不從遂勒平之因改龍州宣撫司隸布政司會烏蒙烏撒二土知府祿脫尼祿等爭地讎殺遣行人章聰侯璉奉勅往諭而烏蒙讓地帝甚獎賞無何茂州岳希蓬長官司長官血只同與靖州隴木頭長官并各寨羌民一百七十餘人奏



言茂州僻處邊隅與松潘秦漢生番接壤素歲被害  
有知州陳敏到任能撫卹人民制馭生番始各安業  
今敏以親喪去任州民失所請本官起復以安邊境  
勅令復任乃增設阿用獲長官司赫松滿街  
先是威茂二州南路生番多夾居十五關堡隔河阻  
山端路為志國初丁玉討定立衛祇中通一綫之路  
為中國所有其他如鐵壩溝走石坡駕夾橋石花鞋  
杏子灣木驢溝埽冰巖三哨嘴楊廣墩砲腦溝老虎  
石程貢哨石窩墩閩門石陡溝子大小橫梁溝沙灣  
龍溝秦王箭鏢刀灣掃水巖凉水井黃沙壩索橋頭  
五哨溝乾溝黃土坎野貓壩石門坎亂石窰石蛇兒  
獨子嘴龍打溝洞子溝沙灣麻答嘴諸處東路如天  
花石三岔溝乾溝子琵琶頂谷驢兒溝高哨子旋風  
巖險頭哨高子哨出龍洞母槽洞落魂橋月兒岩山  
葱溝高哨子大灣松杆子擦耳岩關老岩吊岩子龍  
黎兒溝高橋鷄公嶺大沙灣臘菜坪諸處北路如嘉  
石岩紅橋閣絕塞墩鐵門墩銅柱墩八甲口林標口  
恰年口惡枯口寒盼口了裕口麻盼口唐弄敵貢壩  
柏木橋東勝墩諸處俱為番姓出沒路口未則運官  
道行劫去則阻河而居諸衛鎮餉多被截掠難歲增

防兵尚不能捕宣德初大征安南當調松潘軍而農  
皆憚行千戶錢宏奸黠計惟蠻亂可免調乃與其黨  
湯清入番寨捕番番大志番長阿用等號衆出掠殺  
指揮陳傑帶切責三司官械宏入京謀宏命都指揮  
僉事韓整以三千人勦捕而蠻五萬人圍松潘城焚  
上下四關威茂諸衛皆被圍都指揮僉事蔣貴同松  
潘指揮吳璋急招之皆不從乃勦都督同知陳懷等  
會兵四萬人自洮河取路進而蠻方攻圍疊溪指揮  
吳玉等遇之失利韓整亦敗內臣令番僧失刺藏卜  
等至諸族寨慰諭兼賜布幣番長結弟言我向化四  
十餘年未嘗敢亂而錢宏陳傑無故統官軍呵喝索  
生口捕男女大小而取吾綢錢是豈吾歸懷意哉今  
朝廷宥我罪責我敢不惟命遂令結弟遍諭生番  
十一族占藏十九族黑水生番二族皆納款去蔣貴  
遵止陝西官軍令勿進時尚書塞義以龍州勢輕請  
陞龍州軍民所為宣慰不許乃改龍州為宣撫隸布  
政司已而諸蠻復出掠破綿竹縣仍劫威茂二州官  
軍戰不利鎮撫侯璉等死之遂勅都督陳懷及方政  
蔣貴進兵乃合陝西貴州兵六萬餘人錦衣指揮何  
敏等四人督戰蠻方攻筠連巡檢吳權出家財募兵



守城大兵至合擊破走之乃擄官軍及土兵分道進  
政以精銳五千人擊西北大寨破之責督兵七十破  
任昌大寨而都督指揮趙營分道各進兵以次討平  
龍溪三十七寨前後斬首一千七百餘級墜崖赴水  
死者無算餘悉撫定因增松潘衛前千戶所茂州衛  
前後四千戶所且增置滿幹寨阿角寨芒兒者三長  
官司隸松潘衛諸蠻惕息不敢出巡按御史王翺上  
便宜五事其一謂松滿極遠去省城八百餘里番寇  
為害都督陳懷居省城緩急未便難委官領軍難盡  
約束當令懷往彼鎮守以壓邊境其二謂松滿威茂  
諸衛所官軍月糧皆成都諸府州縣百姓運送多被  
劫掠若令暫于成都諸府州縣等衛倉收貯農隙之  
際類集諸有糧者人齊力起運而都司撥軍獲之且  
令布政司委官交量則道路無虞而收受亦無弊帝  
曰善遂勅懷往鎮松滿正統四年以翺代懷著威惠  
番酋商巴等感悅盡率諸部受約束入貢者接踵景  
泰初諸蠻並起撫臣羅綺檄悔罪不聽乃招募材武  
得禪師智中牌頭尤弄柯甘豪健各統精銳乘夜衝  
枚分道搗賊巢綺介胄隨之破撲爬諸寨擄劇賊車  
勞阿兒結十餘人殺之既定治以簡易服印與番人

接杯酒飲番人畏慕終綺任不敢叛成化中諸蠻大  
劫掠泰將諸增兵巡撫屢頃曰將不在兵兵不在衆  
乃揀精銳四千八百人往更之而一無所增時黑虎  
寨最強相傳有神術先知官兵未至即遁去或潛伏  
要害竊發屢敗我衆按察使龔鏗曰我自不密耳彼  
何能知夜半密勅諸將統兵進凡三十里平明抵其  
寨蠻大驚潰斬縛各千人得其首惡餘潰死無算既  
而大征破寨二市餘斬五百級降者數千皆編籍輸  
糧副使東思忠于大石佛嘴鑿山開路人皆便之乃  
復通勦惡匪平山諸寨斬首百餘級萬曆中復大征  
人荒漢舌去骨三寨南路盡平時自威茂達松潘從  
小河三合漳臘一帶官道兩傍修築邊牆防護諸徃  
來堵禦竊發一時稱便其後增稍圯隨時補葺議者謂  
南路後山自雄溪西寧以達蒲江北定抵鎮平界倚  
山為磧築城設敵樓而鎖兩頭以重關且復增舊牆  
聯絡相接以防番寇則輪班戍軍可以盡羊歲者軍  
餉可數千萬其周遭七種歲之所入亦不下數百萬  
而其說不用  
山都掌蠻在叙州西偏介川貴間與永寧芒部烏撒  
相接諸峰盤互大壩為門戶其東則進為凌霄又進



為九絲旁時都都寨舊稱九姓後以蠻族赫雜改九絲所在結寨無慮千百族宋熙寧間蠻叛用白芚子兵破之因作警蠻文稱民壯為白芚子國初諸蠻皆出降入籍輸賦分山都六鄉水都四鄉皆隸之戎縣而水都平衍通逃無所匿獨山都真與不可窮詰故但稱山都掌蠻宣德初蠻叛官軍討平之正統中復叛時西北用兵不暇及至景泰元年都御史李匡御史劉幹始議討以疫作不前天順中都督許貴再討不能勝撫諭而返至成化改元獨甚川貴撫臣各奏蠻分初州縣遂命川撫江浩貴撫李浩總兵官苟成副李安徽原調官軍刻期會勦時翰林侍讀周洪謀謂蠻各有王請擇蠻人有望者立為長官司隸之本府總各寨夷民而漢民則統之戎縣流官使各有分屬則夷情自定而副總兵李安復請委永寧宣慰舍貴赴土壩令諸夷統宣慰管轄議莫能決國子學錄黃明善獨昌言曰夷漢分屬不無近理信如安奏則舍貴平日所轄土僚昇蠻尚不能鈴束以致攻燒必堡殺掠軍士其能撫都掌之衆哉命下總兵官審處而苟成等已先進兵剽而革等鄉分道擊殺遂破賊寨斬六百餘級會貴州兵至並集金鷲池合攻大壩

并遣指揮孫泰督芒部土兵截賊後路永寧土兵守落款山口賊不能支乃遣阿圭等三十七人詐降軍門思倉卒生變以圖內應成驟擒之阿圭袖小刀左右擊刺無所用乃燒賊三十七寨斬賊首五百八十七級報捷甫還師賊復出掠值給事中秦崇御史吳瑞勦軍政即遣崇等會川貴兵敗賊小峯垣青岡坎諸處斬賊首四百七十餘級復還師叙功苟成李浩秦崇等皆次第陞賞而賊以次年召諸蠻阻山大寇乃決計大征襄城伯李瑾為總兵官程信為兵部尚書督軍往討信至永寧分大軍三道四川軍由戎縣貴州軍由芒部雲南軍由普市水腦並入期共會大壩而自督兵入金鷲池時南寧伯毛寧亦至為左哨敗賊李子閔伐木開道官軍發神鎗勁弩乘風縱火焚龍背豹尾七百五十一寨米倉三千八百一十一所斬首一千六百餘級生擒二百四十人進至大壩攻山都六鄉焚一千四百五十七寨米倉九百八十一所斬首三千二十七級生擒九百五十三人獲銅鼓六十四面牛馬猪羊盔甲鏢弩牌刀旗幟弓箭無算餘賊遁山箐者皆搜勒無贖願降者聽有匿天井水磨諸洞者下令遍塞諸洞門而環以兵月餘死洞中



吳達十餘里官軍為誑曰洞勿聞有吳蠻乃并平九  
姓土獠之附賊者遷瀘州衛于渡船舖增置江門水  
流崖洞埽處閩堡改大壩為大平州設長官司分故  
都掌地隸永寧芒部加信兼大理卿進瑾榮為侯餘  
各頒賞有差

播州漢牂柯郡也唐改卽州既又改播州楊氏世有  
其地元世祖授楊邦憲為宣慰使賜其子漢英名賽  
因不花封播國公國初楊繼內附使仍為宣慰改隸  
四川領黃平草塘二安撫真播白泥餘慶重安容山  
六長官司統七姓為田張袁盧譚羅吳而田張最大  
世為日祀永樂初楊昇奏所轄當科為班等十一寨  
蠻人梗化不服帝命昇討之宣德中楊欽正統中楊  
炯楊綱皆世修職事獨綱子輝傑點多豪舉天順初  
私闖土民黃保等為火者嘗娶妻田氏以其所生子  
居長慶欲奪嫡安撫宋韜長官毛釗執不可曰楊氏  
家法立嗣以嫡不以長獨奈何素之輝不得已乃立  
嫡因名庶曰友名嫡曰愛言相友愛也然而嬖庶之  
心終不忘倖客張淵說輝曰主公欲責孟主而唧唧  
與仲主為仇毋論勢有所未便即使奪仲以與孟不  
過割吾所自有耳且重賂口實以滋後議何不別為

孟主地雙賁而朋立是使孟創業而仲傳世也輝曰  
為之奈何淵曰夫霸諸苗主公部境也山菁險遠懸  
而易虐誣之曰賊而請兵討之然後歸功孟主而請  
立安撫以治其地誰曰不然輝大喜乃立名容山長  
官韓璉重安長官張通告以生苗反叛之狀而璉等  
之謂苗實不反輝怒杖殺璉通惶恐叩頭曰賊反也  
請從輝署名上變帝命都御史張瓚同輝進勦殺諸  
苗平人輝乃賂瓚友功且曰友謀勇冠軍手刃七  
賊時友甫十三歲乃請設安撫于安寧授友安撫使  
而以張淵為長官然友實未嘗之官也既而爛土諸  
苗賈果等忿天霸以無辜受戮時時攻安寧瓚又疏  
請于凱里寨築城衛之費糧數十萬成化十九年輝  
死愛修怨于淵淵屢謀殺愛不克二十二年丹韋諸  
苗寇安寧四川叅政謝士元副使程廷憲都指揮楊  
綱以兵往過播州詣愛家置酒高會翼日視學適州  
民賽社士元等坐學宮臨觀愛復酒携至訓導楊禮  
輒然曰視學而觀社提兵而樂酒略等威而款下屬  
竊為明公耻之士元等大慚而起時淵伺愛隙謂愛  
實通苗越境為亂故欺官軍遂邀修私怨為文報叅  
州守臣而致書舉人路義使之通路值安撫宋韜獲



其書以示愛愛而為其書達使授義義信之遠藉資  
撫陳楊愛及狀責撫不德且曰橋非我轄也義為書  
撰友而愛親之愛遂據義書報川撫將聲罪發難友  
大懼淵敵友上變言愛結苗夷反叛造火器旗纛金  
瓜鉞斧調總旗等號親軍閩割土氏立金龍門于宅  
前而開尚寬等鐵冶令偽閩官煉熟鐵為軍刀置鐵  
造院救民人趙其一百餘戶充織匠造龍鳳蟒袍立  
商稅局于白田壩起調軍馬三千餘眾假水西送喪  
演習武藝設教坊司以偽閩官掌其事鹵良家麗北  
期女勝真福真等一百餘名充女樂教習雜劇每遇節  
日愛衣龍衣自稱國主天主而稱其妻地主且置後  
宮奪趙高僧幼女玉真為宮妃用巫師魔魅庶母費  
氏禁父妾馬真將真等宮中姦使有身嘗強淫宮婢  
宋真不從裸之縛于柵牽羣狗渠之淫凌辱狼藉而  
後殺之耕派各里人民分上中下三戶得金銀若干  
萬兩養老莊田子粒若干萬石珊瑚樹若干株珍珠  
簾若干幅玉圭若干笏馬若干匹牛若干頭嘗夢騎  
龍登天門上帝謂之曰此南方帝子也既醒龍滅五  
色圓作詩有霹靂一莽震天下南方須起赤鱗龍之  
句廷議大駭立命刑部侍郎何喬新錦衣衛指揮劉

綱會川撫及巡按鞠之俱不實淵坐妖言律路義刑  
藉友輪死贖免務保寧城中蕪管未幾友黨慕友紳  
與愛仇殺不已且糾眾攻揚州焚愛居第及公私廨  
卒略盡廷臣方請討會大征駟藍兵不服及木幾友  
卒廷議謂連友難死于弘尚存當仍調兵食以彰國  
法而川撫勘奏謂弘父友構亂法固難宥但友構亂  
時弘尚幼穉似當開自新之路與以更始况友所焚  
殺已經照土例折償及還所侵奪于官宜授弘冠帶  
土舍而其既愛死于斌豪甚舊制土官有功祇賜予  
衣帶及旌賞部下人員無陞職加銜者斌以平昔安  
鑿功于正德初加四川按察使銜賜蟒衣玉帶弘忌  
之仍起仇殺及弘卒重安土舍馮綸等又以怨弘誘  
諸苗攻安軍責撫鄒文盛反命斌討平之而請復安  
軍安撫令弘子弟得襲舊職廷議不許嘉靖六年弘  
弟張復以為請時張益遠劫得白泥司印信復與斌  
于相重相仇殺較前更烈守臣乞改凱里屬貴州以  
張為土知州以解釋之事久不決初廷議楊張習父  
兄之惡幸免于辜輒敢肆然執印以要君且其所爭  
田莊及椎埋殺人等罪尚未得決正宜收置于理今  
其悔過還印償所奪寨苗諸地而驟議復職未使其



後用兵部尚書胡世寧議謂張黨已成若不因而撫之恐流禍無已乃復張凱里安撫屬治貴州而相則襲播宣慰如故然其仇殺仍自若也謗云骨肉鬻鹽參商播凱

正德二年鎮監羅蕃奏威茂所轄卜南村曲山等寨自弘治四年叛後不服征徭者十七年矣至是未歸乞為白人請衣中願納糧差白人者其俗以白為善以黑為惡也

嘉靖二年馬湖土巡檢安宇自言從征年久累獲首功奏乞改註職官兵部覆宇本土知府安鰲之子法當安置廣西因四川用兵暫留行間雖有功例應給賞而宇故辭之陰為開復土官之地則先朝岑猛岑濟事可取鑒也帝然其言遂不許

先是楊斌子相襲播宣慰職以祖父嫡庶仇殺沿禍數世至今不已相不之鑒仍寵庶子煦欲奪嫡烈而其妻張氏甚悍與子烈盜兵逐相相走水而死烈乃乞水西還父屍播故有水烟天旺地與水西近水西宣慰安萬餘屢挾奏不可得至是要之必歸地而後予屍烈陽許之及得屍悔約仇殺相攻剽去十年總督侍郎馮岳討平之岳乃奏三省接壤民苗之衝若

四川餘慶之走馬坪播州之三渡聞貴州石旂之龍泉司各立哨堡于重慶偏橋等衛委指揮三人督兵防守仍移銅仁泰將于石旂移思石守備于龍泉控扼播州今犬牙相制而後設重慶府通判一人使之駐龍泉以收糧稅則控馭較便報可

靜州長官司土舍鄧貴以叛見誅并亡失印信其弟車自詣襲職部議謂叛人子孫法當廢革但車自頗著忠勤宜特與承襲統攝羌苗仍照例納穀五千石免其赴京報可

芒部土官隴魁死其子隴壽與隴政支祿爭立朝命以嫡故立壽而隴政支祿倚烏撒土舍安寧等數為亂且稱兵向壽壽亦借水而兵相抵牾而政竟殺壽收壽印川撫王軌與御史劉敷上其事敷言宜順從夷情以立支祿而軌言隴政支祿同以犯分殺朝廷命吏罪不赦詔遣泰將何卿督勦之斬支祿并賊黨二百餘級俘二十餘人降者數百而政奔烏撒鄉令土舍安寧及土婦翁勿捨政以獻安寧初許諾既而出獻阿核阿達屍云政無有父之傳政死兵部議奏若部隴氏蒙起蕭場騷動兩者王師大舉始克蕩平今其本屬親吏已盡無人承襲請改芒部軍民府為



鎮雄府設流官知府統之分屬夷良毋響落角利之地為懷德歸化威信安靜四長官司使隴氏疏屬阿濟白壽祖保阿萬四人統之其朝貢馬匹如程番府例以重慶通判程洸陞試知府松滿泰將何卿兼提督守其地許之既而夷日沙保謀復立土官隴氏遂挾眾叛攻鎮雄府城陷之執試知府洸而奪其新印殺數十百人洸奔畢節川貴守臣急遣使招撫沙保已送出鎮雄府印乞降然尚持兩端欲復立土官如故帝遣川撫王廷相同何卿提兵進勦土官阿濟稱沙保已殺死廷相據聞而芒部諸夷復挾沙保子普奴為亂聲言壽有子隴勝在阿濟處隴氏實未絕請復土官而使隴勝襲其職官軍與戰于畢節不利既而御史施山總兵牛桓且稱沙保亦不死阿濟言不實勅行提督尚書伍文定同鎮巡官搜捕沙保并擒獻普奴而兵部尚書李承勛復以文定專主用兵為非計詔文定回京于是或勦或撫相持不決者數年川撫唐鳳儀新任仍勅勦捕且專責阿濟使之擒沙保新于軍門乃奏言烏蒙烏撒東川三土官故與芒部為唇齒自芒部改流官諸夷懷不平反者數起今懷德長官阿濟等雖自說擒賊而其復土官而存隴

氏之心實未嘗忘也臣請如宣德中復安南故事俯順夷情則不做兵力禍源永塞時川按戴金賁按陳講奏典同而兵部尚書胡世寧復言革流官而復隴氏未便夫芒部自成弘以來數自嬰殺斯時未設流官也今隴政以爭襲誅死隴壽又死而隴勝方幼諸夷皆云非隴氏子故前都御史王軌不得已奏設流知府分四長官司各統其眾制非不善徒以軌等遠去知府程洸廷將不能拊循故芒部復亂今諸夷輒易其詞云願復隴氏夫壽政皆隴慰親子猶相爭殺二十餘年今勝非真壽子也一旦得立使阿濟得弄諸枝掌其他三長官司所統各寨萬一不平而各尋一隴姓者求立守臣能爭之乎若謂烏蒙諸土官咸懷不平而芒部土人終悍流官約束則請諭鎮巡以仍設土官之意然後收芒部舊印與鎮雄新印勅四長官司及各寨頭目能守法奉職三歲不為亂者聽遷屬布政司不復制以府治或立土官知府及流官統轄者皆隨所願其隴勝今布政司藉留教育俟別處改用無何戴金奏芒部夷穴不可守宜俯順夷情以立土官而唐鳳儀等奏勝實隴壽子蓋私通長官阿濟妻眷即所生者夫俗重骨脉眾所嚮服宜量授



府佐令統末四長官司仍選流官經歷如舊三年之後果能率職奉貢始准復舊銜其鎮雄之名不必更改四長官司亦照新設認從其言後復勅威清兵併住劉安莊添設僉事一員于貴州專制畢節等處則皆全與鳳儀所會奏所稱善後七事者時皆行之嘉靖二十五年白草番為亂陷平番堡及奠酒關酋指揮使丘仁教百戶耿壽等朝議罷川撫王大用副將高崗鳳而以都御史張時徹都督何卿代之時徹乃議分石泉壩底龍州兵為三哨復調天全招討使高繼光馬湖長官王祥鑾等率土兵羅狗及建昌諸衛兵助之生擒首惡黑枝李保白石兒白石撒刺等斬首七百級俘男女二百七十七人燬碉房四千八百七十餘牛馬器械儲積以萬計

小都蠻有凌霄九絲都都諸寨凌霄者阿苟之所據也苟之先在天順成化間謀不軌兵部尚書程信襄城伯李瑾討平之其後有阿共嘗為盜未敗嘉靖間以從征賜冠帶即苟父也苟有婿阿辱與其黨阿大阿麥么兒阿膠皆禁鴛多營力至是重以為可恃遂衣蟒衣張蓋策駟馬所至用鼓吹響呼夾道而馳萬曆二年都御史曹省吾御史張代聞于朝下兵部

議先是兵部尚書譚綸會撫川奏都蠻為患其未已久今遺孽復熾當先練閱陞游兵以備不測乃募浙人製為銃者銃發口啞而死者數人蠻甚憚之至是綸請征輯省吾及總兵劉顯進剿至大壩僅獲其酋長阿果泉斬之苟益不平乃流殺長寧諸處椎埋坑儒生剗剔孕婦其時有羅氏女冬兒被執不可辱則夫解而挂之樹間都御史查顯觀望且慮諸蠻多效尤相繼起乃調永寧宣撫秦效忠與水西土舍安國亨各以萬人至同指揮守備據險從三路入而副使李江奏議沈伯龍轉漕軍中會武舉人李之實與苟善同知洪一貫使為間誘執之乃乘勢轉戰連獲阿辱阿麥等斬首二百級檻苟獻軍前苟仰首笑曰么兒在難執我何益哉么兒苟義兒多力者也顯乃設伏馬草坡襲落豹惡洞坎寨然後向凌霄攀藤援木而上都蠻皆走獨么兒以滾木壘石當我軍我軍稍却步兵鄭龍奮而前曰諸軍第望我火箭火箭舉則齊發而入于是各貫弓挾矢日逆龍龍忽燃火箭直衝蠻鋒諸軍萬弩進蠻盡墮既前執么兒并胡大漢等九十五人斬二百餘級焚死無算苟聞么兒被擒及曰九絲不復守矣其後餘黨據他寨者盡為顯等



所滅于是有都都寨九絲之戰  
都都寨寨王名阿墨與九絲蠻同據險稱亂方諸軍  
擊凌霄時即破勦九絲而都御史獨決笑謂先攻都  
都可斷九絲左臂也是時鎮雄土舍隴清親帥三千  
軍軍藍澱坡用火攻都都而總兵郭成吳鯨等亦舉  
火燒董布壩及紅崖逼寨寨中鼓譟出四走會雷兩  
火熄蠻復聚大兵乃迎諸蠻戰諸蠻皆殊死不可敗  
翼日劉顯與成各分兵三路攀崖仰攻而印壩諸苗  
千餘來接頭回擊却之乃督鎮雄而陽諸土兵更番  
入新蠻王四首則阿墨在焉乃大搜諸寨生獲阿歐  
阿當阿瓦阿掛等酋茶菽金鼓棧槍無算而九絲乃  
大恐

援將伺我師走隕中則翼而覆之諸將謂實戒勿進  
然同時諸蠻若鷄冠黃土內官母堵吊根崖得居印  
乾諸寨則實以阿大降故皆先後歸順九絲由此勢  
大孤先是副使李江司轉輝遠從萬山中逆舟而上  
中有趙木二灘亂石縱橫水勢直下若建瓴長年循  
高崖牽引多死至派僧夫數千人猶不足營山青神  
二主簿相繼道斃成都知府陳大壯鳩工鑿二灘值  
梅雨暴漲督工巡檢曹本死于水相顧嘆惜至是諸  
蠻降諸軍多因糧于賊者轉輝乃遣劉顯為大將佐  
以郭成劉綖冉維屏等將入都都寨而先從  
深溝楊柳坡印乾它口鼓爆以扼其險期日請決戰  
不勝乃薄責效志隴清等謂前以一萬騎三日破凌  
霄五日破都都寨今合兵五萬騎而連月不克一九  
絲何哉效忠發憤提昇兵夜半陰襲隘詰旦為重陽  
日我師方就蠻飽食將登高望而蠻俗以是日賽神  
天大霧晝晦度我師不能至皆盡醉新睡謀者得其  
狀會暴雨夜半傳發冒雨入攀絕而上未明斬守閘  
者蠻大驚自殘殺踣藉我師並衝擊之遂大潰追獲  
阿大于鷄冠寨斬阿三方三于夜卻大盤之間先後  
下寨柵六十有奇斬首捕酋得四千六百餘人酋長



十人獲銅鼓為諸葛鼓九十三面他若牛羊諸物不可勝計時阿大見銅鼓跪而泣為大將軍言曰是鼓有神凡鼓體剝蝕而聲啞啞者上鼓也可易牛千頭體澤而聲赫赫者次鼓也可易八百頭蠻人得上鼓二三百可以王矣當吾與師時擊鼓高山諸蠻聞山頭鼓聲纂纂來椎牛而饗之而後出行劫劫勝則復椎牛祭鼓以為靈今可得乎初武縣以都蠻得名至是更名曰興文賜驛名曰都寧倉名曰恒裕并易九絲曰平蠻凌霄曰拱極都曰都定印袍曰文印鈎棍曰降蠻鷄冠曰金鷄且又通內官寨道置總兵倉事以鎮臨之隸以府同知一人守禦千戶所一人

而奪之時王廷禧為巡撫聞于朝且讓守備丘紹先令戴罪勦捕而五十四甲貢千八冠曉經閣道路不通于是副使景承芳統指揮王選及紹先軍竹麻有裨將李獻忠者獲駕哥別于鬼皮寨繳之非駕哥別即七命趙永成囊時自鬻于五十四甲者也五十四甲喪承成如失首日而諸軍破曉經閣持軍探轉戰二日諸羌助之張高岡上大小冲三尖三梭各以兵至官軍用鳥銃連擊連勝于是諸羌皆乘船浮江官軍追北至江上矢發如雨港其船羌兵溺水死水為不流且日乘勝獲擊之諸羌大敗先是印部長官嶺柏死有妻沙氏與嶺鹿昇爭掌印舉火延燒利濟站而官不之問以故宰探鐵洗姑都遂焚八里鎮蠻千堡一無所忌今印甲等燬官廨殺百戶弄兵與官軍轉戰而聽其遁逃渠魁未殄何以服蠻衆兵部督勦捕番急王選丘紹先皆按部不動未幾裨將劉綬忽奏記都御史曰倪履宰探洗馬竹麻諸寨已捕縛蔡印甲那十加脚那加備別冬谷兒短褚張曰保鎖那加等若干人且獻褚那印執散喇印倪幹枯撒脚脚它等首級詣軍門叩頭請賞死於是都御史以聞斬印甲等鎮而市而諸羌盡服



南路四十八寨惟去骨人荒汝古最大兵併王詔巡邊至三寨三寨度詔至必進崖下乃並伏伺詔過擊詔墜馬死副使林應節乘傳道沒古汝古人探應節背裝臨行視其表萬曆元年寇安化閩明年寇歸化閩又明年擊斷我糧道邀奪松潘諸轉運軍食故事歲正朔撫賞諸夷遣判官賞銀幣堂堂道三寨至是初賞殺官吏黃中等四人于是御史撫前事奏遣指揮曹希彬徐承業裨將湯鶴陽勦之珠死戰斬酋長白臉兒而三寨俱起希彬承業乃統諸軍軍楊廣墩木瓜坪羅鍋嶺諸處十道並發先破人荒寨盡焚其窟房硯房兩寨見火舉鼓譟自相騰踐然後官軍並乘之賊大潰死者甚衆其明年正月復賞羌會他寨媯媯兒子川盼匪三寨葉甲仲牛兒等陰入城以為耳目賞羌者覺其奸乃搜得四人殺之當是時而有呷竹諸羌未有林洞諸羌為四十八寨其外喇麻番衆耳阿舍思熱浪半熱等皆同時請降三寨盡平惟疊溪諸羌為梗跡及白草番議用兵然已久斷與梁進黃頭山後拒絕羌衆不與通石泉令強勉往掄其酋納麻古皆降且嚴除三寨需索陋例曰新班錢熱衣錢祭梁錢躉草錢放狗錢掛絲錢斷酒錢而其後白草復叛

白草風村野豬窩諸寨在武宗朝曾率白若羅打鼓寇壩底指揮使何卿討平之其後嘉靖中陷平箐是時卿已為都督都御史張時徹奏請仍拜卿為將軍捕斬黑殺白石散喇等于是風村一十七寨並旬旬介肉掛兜寨俄拓詣軍門請降願獻馬羊及腦包哈喇弓天番刀等物都御史王廷瞻許之乃刻木盟去七何他寨若番牌大力孫子皆請歸降效風村故事且得通道大印龍州期日詣軍門兵併使使石泉令李茂元受之羌俗因首無冠茂元具漢冠易其名姓書冠間旬日啓軍門統吹數部撤樹鼓大鉦令諸羌魚鱗入諸羌聞鼓鉦望見漢冠及朱杆彩紅乃大喜舉足跳舞躍呼震天地因以冠冠諸羌諸羌跪起環堂下叩謝乃言願歲輸黃蠟一觔元日長至赴縣庭朝賀寨樹一白幟刺木祝皇帝萬歲編戶得二千四百四十男子四千二百五十六女四千一百三十八事聞加賞資其後楊柳羌寇普安傍近白草風村及小河木瓜子間頗聞白草導鼓乘寨反有據都御史徐元太遽請兵擊之白草絕穀乘往來自斫歲寨貢黃蠟一斤賦穀糧二斗如故今請益穀一斗示不反是時周嘉謨為安綿兵備遣龍安知府按驗降冊實



得壩底堡白草河西風村顧轉祭孫兒掛馬虎拌桃  
桃紅椒菌子龍藏野猪窩鴉燕漢啞浪壩照隊太白  
白羊嶺落落坡等二十八寨并新降獨坪大坪召對  
通寧口四寨編戶如例

茂州羅打鼓宣德中嘗盜邊帝遣大將軍陳懷蔣貴  
擊破之弘治六年又帥白若諸寨擾漢境是時房驥  
為將軍請國門外建東勝萊園諸墩以備之萬曆初  
再入茂州茂州城盡閉驛路不通既而凌宵九絲軍  
大捷斬首酋千級時乃農鷄公最強乃畏威率頭目  
劉余之等來降于是羅打鼓谷國日列寨獨密寨並叩  
塞願降如刀農鷄公兵備使王維善下其事指揮田  
賦聞狀皆猶豫未決茂州知州張安美直前請曰此  
古丹駝之國乃六夷七羌九氐地也顧陛下神靈幸  
而歸化使不受之以示德意甚失諸羌心且使諸羌  
難當誅以將軍威重不假斧鉞于境外而款塞踵至  
將軍其歸御史御史大夫于以彰國威而風遠境不  
亦可乎會虞懷忠為御史王廷瞻為都御史皆謂茂  
州議是遂受之是歲也生羌血熱血書伯什及黃草  
坪水磨溝崖立寨皆草寨亦皆願降如羅打鼓廷瞻  
乃召諸羌辨殺之其在黃草坪寨有紅印說太兒等

水磨崖立寨有白說等吉草寨有兩日巴等

楊柳者疊溪羌也番牌財主兒于至太平堡值鼓刀  
屠者擊牛番牌見之大去涎索強山牛酒強山與之  
飲番牌死楊柳疑強山鳩番牌乃于河東邀東路黨  
溝大小乘殺去骨人荒塗舌諸羌于河西邀思答至  
地王答甘燕耳別乾溝牛尾諸羌直犯金餅堡大索  
賞賜賄番牌死不與遂大開指揮畫承業張應時擊  
破之復令麻答蟬蟬寨再寇金餅殺百戶陳克勤去  
時黃焯為兵備請都御史徐元太進勦且按諸指揮  
失軍狀先是指揮田賦曾稱貸于楊柳葉兒這得五  
百金久不還兒這每至堡但飲酒去兒這怒與諸羌  
同入寇至是並遠訊田賦而別遣偏將擊樹底雙橋  
西坡牛尾諸寨俱勝之乃調天全大渡諸土兵發樓  
車率至塔魚背窺楊柳楊柳方與牛尾登兒數百人  
張子弩在河梁見樓車至子弩發我師踰河救  
殺傷相當副使劉為謨復與偏將劉用光遣之垣議  
議先攻參兒以分其勢然後徐圖泉水崖則楊柳可  
禽也命兵備黃焯重帥田賦畫承業張應時等使戴  
罪缺賊逆伴攻參兒旦引兵至泉水崖其前長財  
主兒子出洞房所貯青標麥菽及蜂桶牛羊諸畜以誘



戎軍戎軍不一類遂舉燎燒土圍碉房而雜用鳥箭百子大磚噴筒諸藥器並擊楊柳楊柳出不意遂走自蹂踐乘勝進北至後溝雪山會日暮度楊柳必且走麥兒麻答預令土官舍坤安溫卜引步兵渡河伏道左楊柳果以詰旦至伏起大敗之諸羌降既而喇麻機復起犯蒲江閩將軍曹銓等引兵堵禦會蟬蟬刺路還自黃沙壩遂逐蟬蟬擄其菓禪將遣之垣等力戰皆捷其明年黨溝大小二姓復寇蒲江閩副將朱天達開閩迎敵多斬獲于是將軍李應祥兵備黃輝謀大征諸羌而辨其向背計前殺戮我禪將趙世爵等及商民四百八十餘人實東路溝黨溝去骨人羌西北蜈蚣龍溪土官茹兒阿孝惡閩王答甘燕戈臘熱漢別柘思答地諸羌其殺我軒九等八百二十餘人者實大小粟穀北定玉柱阿牛王龍交舍安費烟蔥列柯歪地西羊牛尾虎卜石砭諸羌他若次上漢人羊思定鷄公上羊泥下羊泥野和尚亞寨阿思洞上泥巴呷竹呷二為熟羌胡子川羊先結阿讓臘梅老虎為降羌分別進勒茅松遠寒瘡不生五教性性康食他傍郡他傍郡飛芻輓乘佐軍餉不給于是上書孫翰餉弄調土官楊應龍舟維屏楊光祖統攝

州西陽平茶天全諸兵及奴馬羅狗兵合二萬餘而國師喇麻亦聚阿牛去骨諸寨兵屯裝塘鐵猛溝待戎軍于是郭成周于德遠之垣等大戰却敵歷破裝塘汝古龍漢惡開黨溝蜈蚣諸寨斬首四百六十餘級生獲酋長喇麻灣仲臘臘帳王答兒茹兒及番婦番女生口無算時惡開歪顏請降而思答歪地乾溝以阻河負固如故乃既克河東羌遂治浮橋擊河西思答到柯歪地黑水乾溝大小粟穀凡下十五寨斬首三百一十餘級生獲酋長黑壤著兒柘川柯絨柯及日者瞎子合兒結番婦女一百餘口先是征楊柳時捕獲得生口白失結既而逃去會白泥和尚楊柳歸降遂命捕白失結及樹底保保兒予以贖罪至是諸羌願降者當捕其酋長來獻如白泥和尚例乃各獻其酋長閣卜利兒子等數十人生埋之道傍曰後復反者有如此冢又羌初發難刻石為誓其石一在廟子溝一在牛尾寨即命力士椎碎投于河諸羌亦白所反覆不如將軍令者有如此石其後兵部稽功簿有去奪得遠輸首骨漆器一具按之則嘉靖中茹兒寨羌酋新指揮遠輸首以為飲器至是輸孫之垣于攻茹兒時奪其首歸蓋之垣孝子即輸亦烈士云



漳臘之麓二十九有元壩潘咂商巴石嘴與北庭小  
王于吉囊相通嘉靖二十九年吉囊寇河西欲服屬  
祖兒結白利不從吉囊死其子棟幹兒及傅蚌並富  
強仍欲服屬祖兒結白利仍不從會俺答念吉囊渡  
河冬託言鐵嶺山有生佛出欲遣他子賓兒往鐵嶺  
建寺因盡得棟幹兒及傅蚌馬畜而使傅蚌誘祖兒  
結使祖兒結誘白利並歲奉貢獻萬曆三年俺答親  
渡河迎佛入寇年泥寨包子寺與松城相去止二十  
里而元壩潘咂商巴石嘴四寨並關出物與俺答交  
易且以二百騎寇介介壩聲言欲逼寇保定撤喇洗  
岷松茂諸遠是時副使來經濟兵備李丁並請于都  
御史李尚思徵天全六番播州土兵得六千人以萬  
黎郭成遠之垣軍漳臘松林兩軍諸處以禦之都使  
李化龍上書曰松潘者全川之門庭也臣素與地由  
松潘而北則為漳臘漳臘之頂北可望岷岷西可望  
奔程以松潘而視西部僅有此山為之間耳其中峻  
巖高峻盡屬土番土番外結則為患不小是不可不  
早為之備會俺答賓兒俱徙去獨火落赤留伏控工  
川如故而兵已旋罷

建昌土酋伍咀咀與土舍馬米粒阿乃等弑土婦鳳

氏而奪其土田至千餘頃遂率麻科諸老樹黃熾鼓  
吹白晝公行東街姜坡通中縱火燒房屋殺我軍宋  
泗高仲彪等千餘人而略軍妻趙氏等有司莫能治  
先是邛部長官嶺柏死其妻沙氏與舍日阿祭通竊  
柏印與祭祭子嶺鳳起據有其印遂自立于廣洪无  
布寨邛部亂至是越偽衛黑骨夷保阿弓凹溪咱等  
與桐槽王大咱聚黨為寇殺把總余興國及千戶丁  
應時等燒軍舍與伍咀咀安守安四兒為聲援巡撫  
徐元太遣將李應祥遠之垣朱文達分道進勦先建  
昌而後邛越大敗賊衆于河上賊衆走樟木戍師力  
追之不得既而進攻磨旗大毛牛小朋土坎及河水  
熱水諸寨俘斬甚衆會元日伍咀咀安守將乘間從  
去文達追之逼于阿囉哩乃先斬哪唻叶咱等賊而  
諭諸酋未降者當是時麻科諸老方燒紙房僅平川  
驛為我師所敗爭先乞降而把卜番牌惹加拓等亦  
請款塞皆許諾獨贊畫陳忠請曰以予所聞伍咀咀  
及安守尚依樟木麻柳魚水以為險樟木麻柳可通  
西番虛印熱水雲南魚水可通科州烏家馬湖會川  
縱橫數百里間若不先據其險我師難以卒應今當  
以一將軍軍高山堡以俯西番一將軍軍別溝以併



盧部一將軍軍魚水以格科州網羅既密然後議勒  
盧白木木拖而事成矣夫盧白木者伍咀咀之女兒  
也木拖者安守之所時往來也夫欲擒安守與伍咀  
咀則非勒二寨不可于是以王言為將軍征木拖果  
獲安守而盧白木懼告伍咀咀所在擒之橙村遂并  
向桐槽黑骨及諸邱部皆次第懾服惟黑骨夷阿弓  
強梁公行相嶺間乃設伏孤山待阿弓阿弓至大戰  
擒斬之時斬首二千級降羗三千酋獲男婦牛畜無  
算其所獲器仗中有金冠銀冠各造蟠龍護其頂而  
所獲番刀有名梅花聯五道聯者皆羗中異物當時  
俗號指蠻寶佩之

賊乃者邱部屬夷也萬曆初嘗僭號稱王殺略禁下  
賴因村沐川長官安氏以狀聞會廷議方征九慈及  
桐槽廷昌黑骨諸蠻但設六堡命官軍戍守而其後  
諸蠻珍戚始遣總兵李應祥引兵擊之是時贊畫吳  
時泰奏記曰沐川北有西姑擺氣拍秧哥東有牛宅  
卯包威咀而賊乃酋長撒假寨于安興親外兄弟相  
得甚雖要其勢不過依海水為險耳乃日夜與雷坡  
楊九乍之屬凌劉裁人民無諭其他即曩者採木之  
徒往來烏蒙尚索裁銀三百八十兩名為買路他何

可勝言哉今案輿地則由回龍岡可走黑宅由兩河  
口可走涼山由大河壩可走賴因由龍眼岡可走新  
廠真用武他也誠欲征之莫若屯軍兩河口以土舍  
諸兵由回龍涼山環攻之則視賊賊乃猶射牛耳于  
是議大征以守備劉繼祖等為將軍率總旗胡祿戰  
于大赤口賊假張降旗誘祿語射祿祿反走中流矢  
死繼祖等皆被執都御史徐元太上書按赤口失律  
狀而都司李獻忠直以孤軍擣賊巢諸將郭成等四  
路並入擒斬渠魁撒假與氣拍秧哥西姑擺諸大酋  
并俘獲裸衆而賊乃始降其後馬湖設屏山縣御史  
何倬陳善後六事多採為例

石砭女土官車氏行宣撫事土吏馬邦聘惡之每思  
奪其印與其黨馬斗科馬斗霖等集衆數千人持關  
器圍車縱火燒公舍及民房八十餘所乘勝殺于女  
馬瓊英及土民秦邦用等一百八十三人略女弟黎  
守志酋金銀什物無算車乃以書請于上大略言臣  
自從征疊茂擊賊大雪山斬首捕酋皆有級數兩臺  
不以臣女流污穢不足採乃幸而賜之獎曰紀律嚴  
明衝鋒第一此土婦中之特出者也今邦聘無故而  
逼為凌劉孤人之子寡人之妻臣豈不能出一旅與



姓唐所屬黃平五司久而卷七姓欺已遂結閩外生苗戕七姓于是妻叔張時照與所部何恩宋世臣等飛書告應龍反責撫葉夢熊請發兵討而議者難之總督李化龍即給言應龍實無反令就吏于是速應龍詣重慶對簿繫論法當斬而以二萬金請贖御史張鶴鳴方駁問會閩白發難久大將軍以朋傲傲天下兵應龍願待罪得東征許之既而閩白已就僇尋報罷川撫王繼光初任優遣速應龍勘結別抗不復出時廷議勦撫多異同而繼光一意主勦與總兵劉承嗣議分三軍以一軍軍川南由黃平涓潭入一軍軍川北由永寧緝麻入一軍軍川東由安穩松坎入三道並進應龍佯令其黨穆照等約降而統苗兵據峇山閩衝都司王之翰軍軍盡獲餘殺傷相當會繼光論罷即撤兵時川兵既挫而責兵協勦者亦無功御史薛總茂乃族主撫應龍因上書自訴其訴詞頗哀帝仍命都成等戴罪立效而以兵部侍郎祁玠為總督會應龍遣行間者懷金入京為原奏何恩所執解茶江縣而其姻黨馬千解通播則黃平白泥諸司路托之玠乃馳檄諭應龍稱引呼劉事待以不死時水西宣慰安強臣請父國享卹典兵部尚書石星手札

之角成敗決勝負哉以為非奉命而有不敵也余叛人見在臣請此先年楚金洞舍華碧謀篡事願與叛人同就吏是年為萬曆二十二年其明年兵部咨撫按鞫獄未決會楊應龍反革與應龍為姻家而斗斛亦復結應龍陰相繫援兩家各觀望無暇聞辨獄遂解先是軍行宣撫時頗有智計然性故淫先曾見應龍有儀幹悅之與之通車故有兩子長千乘夫爰爰次千駒每欲使千駒襲職謂應龍可恃因聘應龍次女為千駒妻因緣為姦至是千駒入播同應龍反長千乘襲馬氏職乃應調與百陽宣撫冉御龍同征應龍應龍敗千駒伏誅而千乘襲職如故

播州楊氏自楊鑑內附以來世襲宣慰使嘉靖中楊烈逐父相水西客死而自為宣慰生子應龍少雄猜尤阻兵嗜殺隆慶六年襲職以從征喇麻及九絲賊乃楊柳溝有功歷賜金幣萬曆十三年進大木六十本助工賜鎮國將軍結飛魚茅應龍甚黠窺我川兵弱每征討祇調土司而川將且從借給漸驕蹇輕漢法所居俗飾龍鳳用繡女閨人嬖小妻田雌鳳疑嫡妻張姦淫出之已而飲田氏兄所乘醉封刀取張并其母首屠其家居平酷殺樹威以睚眦殺人初惑七



示強臣趨應龍就吏得首罪而強臣母鳳氏亦以勸  
應龍應龍乃上書軍門請就吏玠乃遣重慶知府王  
士琦趨應龍安穩聽勸應龍復不至使弟兆龍赴安  
穩治郵傳儲糧郊迎叩頭致饋資餼牽如禮曰應龍  
久縛渠魁待罪松坎所不敢至安穩者以安穩故多  
秦民也應龍誠甘心死法第恐無故為秦民遮殺則  
不甘耳使君幸枉車騎臨視松坎使應龍得吐肝膽  
然後隨車騎至安穩以伏斧鑕士琦許之遂單騎往  
松坎應龍果而縛道左及泣請死罪士琦乃與之還安  
穩應龍預擇大木十圍以上者為安穩治公館仍而  
縛叩頭跪起縛獻黃元阿羔阿苗等十二人案驗抵  
應龍斬依夫法論贖輸銀四萬兩助採木工仍芋職  
以予朝棟受土舍事而為次子可柯于重慶追贖梟  
斬黃元等總督以聞且議設撫夷同知治松坎而以  
士琦為兵備鎮壓之故事黃平設通判治獄訟賦稅  
而黃平五司襲替貢馬諸表箋必用宣慰印故宣慰  
得以制五司今議改黃平革塘白泥餘慶重安五司  
屬黃平通判詔可乃應龍既釋益鞅鞅既而次子死  
重慶則益痛且憤嘗促取屍棺以勘報未結不肯發  
過其完贖大言曰吾子活銀即至矣擁兵驅千餘僧

招魂而去先是石砭土婦輩氏行宣慰事與應龍通  
而以次子馬千駒聘應龍次女其長女則洪遠宣慰  
朱承恩所聘也承恩以應龍反告官請絕婚而馬千  
駒方入播請改舊約于是應龍總兵擊承恩多所殺  
略遂分遠夷日據閩守險遍戍五司七姓置江內七  
牌江外四牌為巡司搜獲秦民取諸苗健者謂之硬  
手劫斂戶以養之乃劈餘慶土吏毛秉雲棺礫其屍  
掠石所大壩焚略餘慶革塘及興隆都勻諸衛抄重  
安長官張燾家既而劫江津縣臨合江索其讎表子  
升羅城下鬻割之既而侵貴州湖廣諸屯調原奏讎  
民宋世臣父鑾及羅承恩等挈家匿偏橋衛城襲執  
指揮陳天龍等大索城中得鑾承恩及子女盡車裂  
以徇已又令苗兵與婦人交或對父奸女或向夫淫  
妻或裸體坐木叢射笑樂或燒蛇從陰入腹人蛇俱  
斃或掘墳墓焚屍飛灰蔽天川撫譚希恩請于合江  
綦江二縣各置游擊一員以扼之而責撫江東之令  
都司楊國柱等以三千兵進勦賊伴敗誘入鐵之國  
柱不屈死于是罷束之以郭子章代而起前都御史李  
化龍兼兵部侍郎節制川湖貴三省兵事議大征方  
檄調問應龍連引苗兵六萬人統綦江以火炮攻城



城破殺將擊張良賢等時賊謀士孫時恭勸應龍入重慶應龍曰不清近穴而處遠地誰謂汝知兵者乃于東壩立播界號宣慰官莊取財于士實之而殺老弱者投危蔽江既復聲言江津合江皆播攻土將分兵清理總督乃得日夜設兵備搜奸細殺之分戍南川合江瀘州議撫局以緩其勢未幾劉將軍縱至總督乃移軍軍重慶賊結九股惡苗及紅黑脚苗大治托塞官軍相持不敢前責將董元鎮坐運趨羊職縱亦赴師踰期裁罪殺賊有疑縱與應龍既者總督延縱入卧內輸心腹且以危言激縱引其父頭九絲功為此縱大慟願誓死報効乃委縱專制救黃平璣司時石砭宣撫馬千乘軍鄧坎連破金竹青岡七寨酉陽宣撫丹御龍攻官壩斬關而入賊方攻婺州聞賊退顧縱與總督分部諸道兵八路並進而已統勁旅從秦江入連戰破三峒渝楠木山羊簡壘諸峻嶮奪其隘應龍于朝棟以苗兵數萬迎敵我師夾擊縱身親陷陣苗大驚曰劉大刀至矣朝棟潰圍走初秦江諸苗自分番城慘殺罪不赦又應龍憐縱威名莫首挫其鋒故屬朝棟悉勁兵間道相角曰爾破秦江馳南川盡焚積聚餘無能為也及朝棟僅以身免賊賸

落諸軍分道並捷遂奪天都三百落因賊米陳士兵突犯烏江詐稱水西瀧澄會哨誘永順兵斷橋淹死我師無算秦將楊顯守備陳雲龍等俱死之時有語水西通賊者瀧澄大恨會賊託田氏修好朋澄澄斬其使且與安疆臣約發奮殺賊縱乃戰尤盤入婁山聞時賊以婁山關為前門諸軍爭從前門入總督急下令楊使向後防賊衝突已而賊果抄後山奪關都司王芬中天死縱勒騎陷堅大戰水牛塘擊破之先是督臣與諸軍約約聞外宜撫謂多不可勝誅也聞內宜戰謂師不可久老也是時安羅洵洪三寨生口以鉅萬數皆而縛諸降卒許可而長坎瑪瑙長蛇諸國已前後擊破殺虜數千人于是酋父子計無復之力相率登海龍岡海龍岡者賊所倚天險當時所稱飛鳥不能踰者也時沅撫江鐸禪將陳璘周敷吉周以德等皆急攻圍賊說全婦人于岡上拜表痛哭云田氏且降復詐為應龍仰藥死報禪將吳廣廣輕信約縱攻已覺其詐乃會八路兵共集岡下總督聞父喪徒跪墨縗並治軍應龍散金募死士無一應者乃四顧倉皇俯諸妻園室自縊已而火起吳廣獲其子朝棟及妻田雌鳳而史應龍屍出焰中計出師至賊賊



百十有四日新級二萬餘詔新朝棟等劉應龍屍而以緹為軍功冠自總督李化龍以下各進級賞賚有差其後畿分播為二府屬川者曰遵義屬貴者曰平越遵義領州一曰真州縣四曰遵義曰綏陽而改夜却曰桐梓改懷陽曰仁懷平越領州一曰黃平領縣三曰湄潭曰餘慶而合甯水重安曰雍安又改龍泉縣屬石所專設播州兵備道駐遵義置威遠衛建寧增驛

土婦奢世績者永寧宣撫使奢效忠妾也效忠初娶水西安萬鈗女名阿節奢隨效忠為其弟安信報仇與安國守戰朵泥橋多斬獲人稱其能既而阿節生一子名崇禮與阿節先後死烏蒙祿氏與安氏世婚婚效忠因安氏娶祿氏養女之美者曰世統無子其同時養女中有鋪焉者美且少效忠并娶之為妾即世績也鋪焉生二子曰崇周曰羅哥效忠死崇周當襲職顧稚弱總兵劉顯者見鋪焉而喜遂以世績名請冠帶掌印視宣撫事先是效忠有弟曰沙卜性陰鷲善淫通其嫂世統據有之兄死將妻世統襲兄職而朝命屬世績世統大怒時世統居水腦世績居落紅沙卜為美日劫遷喬安三漢日袁初攻落紅破之

世績避永寧而寄崇周羅哥于鎮雄會總兵郭成以赤水之後過落紅遣指揮使高嘉績郭天心附沙卜為沙卜擒而成恃兵眾駕言詔撤耀旌旗戈甲將以脅沙卜沙卜佯為畏懼負弩矢郊迎竟反屠突殺其裨將黃希忠等御史交劾成亦自辯謂北統以黃金四十餘萬賄赤水白河諸衛使之申請當是時北亦以千金餉臣臣未有動也封而寄貯之同知高文全家若干日矣今臣欲除姦將出其不意搏其虛以散其金錢偶一不幸而言者持短長議其後謂生分謂激變天下尚復有賞罰哉帝惡其強辯奪其官而賜二婦並冠帶食水腦落紅二地鎮以一指揮使崇周以髻髮衣中稱博士弟子守其印俟稍長承襲沙卜姑賞奉令退居撒魁如初萬曆十二年指揮馬懷義往鎮落紅鼓吹導之行世統喝之曰止請奪崇周印屬之漢吏然後許鎮守行事懷義怯遽送世統出金賂懷義而私使火者嚴世才詣水西乞兵時播州楊應龍未反有雄名世績亦遣使劫卿就應龍乞兵戰于麻線堡及張旗落洞落即諸屯各相當帝乃下兵尚書問狀具責讓懷義而懷義自十二年至十四年凡三年寄食他所簿對無一語乃以曾受賂計賊



且尉兩婦黃金斤各復冠帶而以叅將一人鎮守之  
十八年詔崇周襲職世績乃為崇周娶烏蒙女素賒  
居落紅會疊茂徵兵崇周從征大雪山有功二十三  
年楊應龍反崇周復應徵已提兵行沙卜乃乘隙伏  
甲道左將以殺崇周崇周覺力戰斬首函二十八級  
追沙卜至河殺沙卜沙卜有子白僕挾世績略世績  
金六十萬七之責陽器使白春芳以盞飲崇周崇周  
死時素賒有身撫巡仍請世績復冠帶護印視宣撫  
事世績益恚恨然無如何時白撤諸生有梁宗遠者  
多智謀世績聘之至而身事之不足復飾姦女阿妾  
執箕帚請為主謀宗遠令白僕出告謂效忠無後僕  
實效忠姦得承襲改名宗翰屬所司問狀世績乃為  
疏奏曰臣不天效忠即世兩妾不相能于弱民疑臣  
以寡婦居其間歷干戈險阻閱二十年雖不死然已  
老矣今白僕實殺崇周尚通于就吏乃反欲襲崇周  
職臣生不願見有此事幸臣旦夕死任其所為帝乃  
下兵尚書議不聽襲既而世績死效忠疏族有襲者  
名崇明而于是有奢安之亂

崇明奢氏本探種世為宣慰使傳至崇周死無嗣崇  
明以族人冒襲性陰鷲與子寅並蓄異志天啓元年

詔以違事徵四方兵崇明疏請提土兵三萬赴援先  
達土日興龍等將兵至重慶川撫徐可求核之汰其  
老弱及頒餉餉置龍走馬舞槊直刺可求可求死遂  
一擁而上殺道臣孫好古駱日升李繼周知府章文  
炳同知王世科熊嗣先推官王三宅知縣段高選總  
兵黃守魁參將萬金王登爵等原任鞏昌同知董盡  
倫副將帥眾入城殺賊過伏死餘科臣胡時舉等皆負  
創踰牆走賊遂據重慶分兵扼夔州水口諸隘奄至  
遵義下納溪瀘州江安諸州縣惟江津知州翁登彥  
知縣周禮嘉能嬰城破賊餘俱瓦解賊乃乘勢向成  
都指揮丹世洪等戰死之賊直薄城下懸旌僭號四  
面夾攻城中僅留鎮遠營七百人調到松潘茂州龍  
安兵一千五百人左布政朱燾元登陴而守先是燾  
元以輯瑞就道驟聞變從者趨避行避之去燾元故  
徘徊不行已而蜀王出國門率百姓遮道留燾元燾  
元乃遽還慷慨治兵先令土司坤汝常乘賊而以持揮  
常恭等祭大砲助之賊賊先鋒數人賊稍却次日賊  
數千人以草裹竹牌障其身將登矢石無所用燾元  
急命架七星砲火箭火鐳衝擊之殺數百人抵暮賊  
擁鈎梯數千攀城而前燾元戒士卒第燃砲礮石無



詳述明賊積屍陵城下時冬濠水涸賊率降氏持箠  
未薪載濠土壘如山上祭蓬葦形類行屋故伏弩仰  
射城中而垂簾以蔽矢石燹元夜縱壯士持芻塗膏  
殺守者縱火大舉山墮賊大阻燹元又遣人決江都  
堰水以灌濠濠滿賊乃沿橋得少息因緝獲城中與  
賊通者二百人懸其首陴上賊又于城西而立望樓  
高與城等燹元曰賊設瞭望必四出剽掠其中虛遂  
命死士五百人突出擊之賊果無備斬其三將燒樓  
而還當是時諸路援兵相繼至復安岳至諸縣戰于  
例流鎮及石橋永清諸鋪各有斬獲且有衝至城下  
者時石碯女土官秦良玉頗知兵崇明初起時即厚  
遺白金求助良玉斬使留金率所部兵同茅秦民屏  
徑翼明出援遣兵夜襲兩河燒賊船阻賊東下而自  
率兵三千星夜赴成都與賊相犄角然賊亦日增無  
退意圍城將百日歲且盡城中人不祠臘賀正第時  
聞賊發塚墓遂望號哭既而賊數千自林中噪而出  
視之有物如舟名旱舡高丈許長五百尺為重屋葦  
葦左右而板其中伏力士百人張以毒弩而以一人  
仗劍載羽旂驅牛數百頭運石鼓行旁翼兩雲樓如  
左右廣俯瞰城中城中人皆哭燹元曰此呂公車也

破之非礮石不可礮石者巨木為杆柱置軸柱間轉  
索運杆千鈞之石飛擊如彈丸賊率不得近乃陰募  
大砲擊牛中其當乾者牛賊退走乘勢縱擊敗之會  
諸生范祖文陷賊中密遣使言賊將羅乾象欲自拔  
効用燹元即遣使同乾象來來則燹元卧成樓呼與  
飲乾象哀甲佩刀燹元不之疑呼榻前同卧酣寢連  
旦乾象誓死報繼而出後凡賊中舉動無不知者燹  
元乃造水牌數百面披錦江順流而下令有司沉舟  
斬筏新橋梁嚴兵以待賊夜半果逸乾象等內變賊  
營火起崇明父子拔營走還保重慶而乾象來降燹  
元即遣乾象復江安并復新都時燹元已陞巡撫秦  
良玉譚大孝諸援兵皆燹元節制敗賊牛頭鎮進復  
遵義時賊據重慶重慶三面臨江惟佛圖關至二郎  
關為出入要路賊自通遠至二郎連營一十七精兵  
數萬副使丘志克總兵杜文煥與土司秦民屏等夾  
攻前後賊驚敗遂復二郎殺賊三千餘人乘勝逼重  
慶斬樊龍等而安邦彥叛水而責撫王三善樂之三  
善死會燹元與石碯兵復遵義敗崇明父子崇明窮  
蹙走水而與邦彥合兵謀仍窺遵義官軍戰于芝蔴  
塘大破之水而苗老虎阿引殺奢寅來降時燹元喪



父歸以閔夢得代之相持不決至崇禎改元詔燮元起原官燮元甫赴任即檄責兵下烏撒川兵出永寧畢節扼各路要害而親帥大軍至陸廣撲賊賊時已僭號疾趨永寧燮元乃佯北誘賊分遣官軍從四路襲入賊四應不給羅乾象復出奇繞後急擊之賊大驚潰遂陣斬二賊以獻詔具邦彥傳燮元乃諷安位降不至迭攻之遂降時斬首數萬級兩獲無算燮元乃復討擺金兩江巴香狼壩火烘五洞叛苗通上下六衛弄清平偏鎮四衛道路凡一千六百餘里設亭障置游徼以便徃來又討平雲南土舍普明聲西南大定因以苗地疏濶難設守遂相擇要害建石城三十五曰貴州北關曰關州曰教勇衛曰鎮西衛曰息峰所曰于襄所曰修文所曰詰戎所曰濯靈所曰威武所曰蔽翼隴曰赫莽所曰柔遠所曰定南所曰廣順所曰鷄場曰青宮曰馬場堡曰烏江曰連雲曰有嘉曰靖氛曰怡波曰奏膚曰平黔曰清遠曰舞干曰順化曰懷仁曰馴象曰黃絲曰楊老曰涼傘曰廣興鎮曰隴落堡曰巴香修舊城十三曰普定衛曰安莊衛曰新興站曰查城驛曰普安州曰甯安縣曰施秉縣曰烏撒衛曰赤水衛曰永寧衛曰普市曰摩泥曰

平壩增築官署祠廟并道路館舖屯哨百有餘所開闢水田一十一萬七千五百餘畝科田五萬八千餘畝

女土官秦良玉者石砫掌印宣撫使也秦氏繼馬氏為宣撫使萬曆末良玉兄邦屏邦翰皆以援遠力戰死邦屏故為宣撫使因從征請女弟掌印而其幼弟民屏者亦同時被創力戰潰圍出歸不能視事良玉忠勇多大略諸部使之請襲終其身會簡賊奢崇明反夷寨蠢起多響應崇明念石砫強且巫夔門戶地遣使賚白金詣秦氏求助良玉開棘召使入斬使留其金料所部兵得萬人親將之而使弟民屏姪翼明分左右哨捲甲疾趨岫枚屢重慶駐兵于南坪之間陰分兵襲兩河燒其舡使不得順流東下別留兵一千為疑陣張旗幟守忠萬界為將角復移文夔州使設兵防瞿塘通上下聲息而後親統兵溯江水陸並進會朱燮元大破賊良玉乃迎賊于佛圖閣敗之至二部殺賊三千人獲其地值水西安邦彥反良玉進賊戰新都而遣弟民屏以別哨援水西大破邦彥于平越當是時勅王兵論功良玉第一民屏次之獨惜民屏持大方從貴撫王三善行三善死殉之崇禎七



年自成破蕪州良玉統土兵出戰却其衆使自成無  
西志十三年獻賊既降于督師而叛驟與過天星出  
寧昌分兵窺羊頭坂渡大昌將劉資遜擊之轉而向  
巫山良玉即陳兵洛門托于百子溪賊不敢近已而  
嗣昌至嗣昌湖人欲使湖地無賊盡驅賊入川而後  
乃徐圖勦滅陽言吾以川困賊勢不得不先因川盡  
收川兵之壯者益守湖而茅以單弱者屯蕪巫間時  
良玉將兵三萬援蕪城川撫邵捷春檄之使駐近重  
慶與守將張令為聲援自分其半嬰重慶城會綿州  
知州陸遜之罷官歸川撫遣之按營過良玉良玉冠  
帶飾佩刀出見左右男妾數十人皆嚴裝然謹畏不  
敢仰視較他營整肅既見設饗禮酒數巡微與遜之  
論兵事甚悉已而嘆曰開府不知兵吾一婦人受國  
恩死固不惜所惜與開府同死此耳遜之請故良玉  
曰開府移妾自近去其所駐重慶三十四里而遣張  
令守黃泥窪固已失地勢矣夫賊在歸巫萬山之上  
俯瞰吾營驅鐵騎建瓴而下張令破次及我我敗尚能  
救重慶之急乎且閩部驅賊入川無憑智皆知之開  
府不于此時爭山奪險令賊毋敢即我而坐以設防  
此覆軍之道也無何官兵敗于土地嶺湖將汪之鳳

轉戰死良玉疾力併張令托賊衆于竹筒坪大殺賊  
已乘勝出而賊以伏弩射令喉令死官軍潰良玉力  
救之不得還顧石砭兵皆奔無一駐者乃悉集餘衆  
轉戰大敗遂單騎入重慶城見捷春曰事急矣盡出  
吾漢峒兵不城二萬我自縊其半而以其半給之官  
猶足破賊吾土官家法調兵急則以箸曰能飯者畢  
至再急則以帚曰掃境出也捷春聞事敗章里獨念  
嗣昌不相中且川無見糧如之何頃之謝良玉哭而  
出其後獻賊破四川僭號而自成已陷京師良玉毀  
冠帶再拜號咷曰吾兄弟三人皆死王事而吾以孱  
婦受國恩二十年今不幸至此其敢以餘年事逆賊  
哉悉召諸所部約法曰有從賊者族無赦于是設四  
境杜通漢路守以強兵獻賊通招諸土司用降人為  
招誘鑄金印齎之以易其官從否參半顧無有入石  
砭境者  
黎州馬金者故馬岱後年十六有器識獻賊招土司  
至黎州念黎故險阻邛崃飛越漢洞窺冥有山曰斗  
門三面懸絕僅通道一綫阻之易為梗乃資厚幣鑄  
空懸金印叩頭獻馬金馬金笑曰而欲使我從王八  
賊耶以金印擲賊使面血出捧其首而走金好酒色



嘗為晝夜飲醉則裸睡婦人傍醒復飲越一年卒  
雅州有馬克禮楊之銘者兩家互仇殺而之銘有弟  
之喬未亂弒兄請獻忠兵攻高氏獻忠大悅聲言邊  
境初附免租賦三年會雅州知州王國臣西安人初  
歸馬廣既而歸獻忠嘗與川南道胡寅不相能將執  
寅赴成都寅不得已遁之克禮家至是國臣通之喬  
共以攻高氏為名執寅家口數十人送獻忠殺之而  
于是高楊二姓皆從賊

明史卷四百十一

土司三

土司傳

雲南古梁州南境史稱西南靡莫之屬以什數滇最  
大漢元封中始兵臨其地滇王請降而後漢稍郡縣  
之自後或附或叛蜀漢嘗官其酋長龍佑那賜姓張  
氏其既迭有著姓曰蒙氏鄭氏趙氏楊高氏段氏凡  
七姓惟蒙段最大各世稱王其餘諸族以百數名百  
夷大抵居黑水之表者曰僂人居其裏者曰蠻人且  
亦以表裏分黑白如所云黑羅羅白羅羅者他若些  
門麼些克老滿人和泥蠻土揀羅舞羅落撒摩都摩  
察儂人沙人山後人哀牢人峨昌蠻倕蠻魁羅蠻傳  
尋蠻色目瀾河尋丁蠻粟些各以族類據諸蠻中自  
漢唐迄元但以兵力羈縻之入明南征竟版籍其地  
辟菁落而加以經畫彷彿神農開地至日月之表者  
創置雲南楚雄臨安大理諸府為內地而更以元江  
永昌之外麓川車里諸地為西南夷一如舊時成都  
之祝滇池其南以元江為關車里為蔽而達於八百  
其西以永昌為關麓川為蔽而達於木邦其西南則  
通緬甸而底於南海其東南則通寧遠而竟於安南  
其西北則拓麗江而達於吐蕃幅員廣大至是已極



雖夷性靡常叛伏不一而控制繹絡難審可使故當  
洪武南征時甫命三將軍入雲南而來安府土知府  
岑漢忠與其弟漢良招諭定遠諸府縣十有八處進  
表願附帝以原官嘉勞而武定府土官法叔之妻商  
勝率諸部按兵獻印請為編氓詔授勝中順大夫武  
定軍民府女知府錫之詔命并賚朝服及織金羅衣  
綬帽金帶蠻人大附惟大理段世致書請依唐宗故  
事僅奉正朔為外臣征南將軍傅友德與副將沐英  
藍玉共討平之獲世獻俘以次撫軍里麼些和泥平  
緬諸蠻遂移兵討烏撒東川芒部置大渡守禦千戶  
所率兵守之以通往來乃以烏撒烏蒙芒部地近四  
川奏隸四川布政司已得上諭謂地廣兵稀不宜分  
屯但當於赤水畢節七星關各置一衛而駐一營於  
黑張之南瓦店之北會征南諸軍方分兵出攻未伏  
諸蠻而土酋楊道謂城虛守弱遂相煽叛糾衆二十  
萬合三十六營攻城時城中乏食守將馮誠嬰城守  
出奇兵殺賊沐英從烏撒還援斬賊六萬餘級生擒  
四千人遂定乃於麓川之外征緬甸及八百媳婦諸  
國擊破會川土知府王春於金沙江就諸府築城建  
衛擒廣南土官儂侑送京師開建昌新道置驛徙

中土大姓以資之討樂蘭州常富及廣南特摩道雲  
南蔡洞西浦擺金擺榜諸蠻并討平越蠻麻哈揚孟  
等大置屯田自楚雄至景東每百里置營率兵屯種  
會麓川思倫法遣使朝貢已獻元所授平緬宣慰印  
而結砦入寇沐英遣寤正張因大敗之於摩沙勒賊  
復悉衆瓊三十萬戰象百餘再寇定遠乃以火銃神  
機箭擊象焚象背戰樓俘斬萬衆生擒象三十有七  
其渠昭錄昭綱刁斯郎理等皆被矢死象背蠻俗稱  
宣慰為昭總領為昭孟把事諸目為昭錄昭綱昭百  
昭哈斯准以次臣屬遂轉向討越州土目苦麻部蠻  
阿資敗之普安斬其渠滅己青阿資恃險不伏復合  
擊斬其火頭尖宗等阿資窮蹙與其母請降因置越  
州馬隆二衛以控其地已而再叛都督何福再平之  
乃置府二十左右分畫左曰迤東右曰迤西間以大  
江東北曰金沙西南曰瀾滄其官軍戍守及五方之  
人或旅或處錯雜相儗者是曰漢人其生夷曰夷人  
分蠻楚為界蠻屬郡縣楚屬羈縻總計夷漢則漢三  
夷七分計兩夷則楚三蠻七開設土司衙門置車里  
木邦孟養緬甸八百大甸六宣慰司及孟定南甸芒  
市三府鎮康灣甸大候威遠四州十二關納樓茶甸



干崖鳳溪等十二長官而以諸夷叛賜姓刁彙罕  
永樂三年揭家生夷首備方物入貢置老撾宣慰司  
四年孟措生夷首來附置孟良府遣中使揚瑄與雲  
南千戶孟景賢往諭百夷諸生部落於是大古刺小  
古刺及其隣境諸番曰底馬撒曰茶山曰底拔曰孟  
倫曰八落搭皆遣隨中使貢方物且言諸部落皆西  
南極邊自昔未通中國願內屬乞設官統理於是詔  
置宣慰司二長官司五遣官賫詔敕印符賜之乃以  
車里木邦孟養緬甸老撾攏川平緬八百大甸七宣  
慰司十二關納樓茶甸教化三都王弄山野容甸溪  
廣甸思陀甸左能寨落空甸安南祿谷寨刺次和章  
甸香羅兀魯之因達羅必甸馬龍他郎甸者樂甸屬  
布政使司潞江鎮遠楊塘三安撫司鳳溪施甸茶山  
促兀散全里麻六長官司屬都司統隸之兵部武選  
設武定飛江景東元江順寧永寧鎮沅蒙化孟良孟  
定知府十人寶山南甸蘭州灣甸寧州昌州北勝天  
候雲龍蒞蕞鄧川安寧威遠霑益羅雄鎮康陸涼知  
州十七人館西嶺峨雲南亦佐羅次元謀知縣六人  
廣南姚安同知二人鶴慶知事一人干崖經歷一人  
巨津師宗蒞蕞通安北勝鎮南姚州順州州同知八

人北勝南安鎮南州判官三人雲南楚雄亦佐易門  
定遠永平縣丞六人昆明雲南廣通嶺峨定遠楚雄  
主簿六人威遠州日一人五井順益鹽井副使二人  
連為古刺騰衝樣倫觀音山茨橋德勝關洱西在城  
打牛坪晉寧易龍驛丞十二人金齒水眼鄧州寧  
善順寧尋甸永摩村東山口瀾滄江師井打牛坪邊  
井金沙江十二關備溪江青索鼻翼納更山蒲陀  
鎮南箭桿場關索嶺鐵爐青水江黑鹽井西金沙江  
赤水鴨定西嶺龍樹關蔓神寨佉甸白水關南平關  
黑鹽井阿雄村長賴元江永摩村安南坡祿棟棟象  
關楚雄縣於詔舖觀音山鳳羽鄉東金沙江回登關  
湯池英武關巡檢二十五人改流二十五人增設鶴  
慶尋甸廣西知府三人馬龍彌勒維摩阿達知州四  
人路南蒙自知縣二人楚雄府同知一人麗江府照  
磨一人浪穹典史一人彌勒沙鹽井副使一人永平  
潞江羅卜思庄雲南驛丞五人宣化關甸頭樣倫神  
摩洞下江南安州普昌石門關彌沙井雲龍甸煉象  
關楚場巡檢一十二人統隸之吏部驗封其所設土  
司皆置長食其土歲各量出送發銀多不過二千五  
百兩少者四十兩或五十兩連互數千里貢道分上



下二路宣德七年鈕兀生夷酋新附置鈕兀長官司  
正統三年以麓川思任法叛討平之草麓川平緬宣  
慰使改置隴川宣撫司于隴把陞南甸州干崖長官  
司為南甸干崖二宣撫司改芒施府為芒市長官司  
四年哈九生夷內附置孟璉長官司成化十四年尋  
甸知府安晟死兄弟爭襲改尋甸土知府為流官知  
府廣西亦如之弘治十七年增設寧州流官知州隆  
慶初以武定鳳氏屢叛討平之改設武定府流官知  
府增守禦所二年增設鄧州流官知州萬曆十三  
年平羅雄州土酋者繼榮亂改羅榮州為羅平州調  
曲靖中左所為定雄所三十五年平順寧知府猛廷  
瑞亂改設順寧府流官知府改大候州為雲州設流  
官知州四十二年以雲龍州知州段進忠殺土官段  
嘉龍受誅改雲龍州土知州為流官知州裁革五井  
提舉以鹽課併歸之其土官著姓者土知府則景東  
陶氏蒙氏左氏麗江木氏順寧猛氏永寧阿氏廣西  
昂氏鎮沅刁氏元江那氏尋甸安氏武定阿氏土同  
知則姚安高氏廣南儂氏土知州則安寧董氏鄧川  
阿氏雲龍段氏瓦勝高氏寧州祿氏大候奉氏需蓋  
安氏路南秦氏羅雄海氏寶山蘭州羅氏富州沈氏

土知縣則嶺城祿氏雲南楊氏元謀吾氏其土司著  
姓自蒙段七姓後雜以卜氏多氏思氏莽氏普氏猛  
氏沙氏及刁氏蒙氏罕氏大抵諸夷風俗與中國大  
異冬夏寒暑晝夜長短一切均等惟臨安以南五邦  
之民稍苦燠熱咸剪髮以避鬱毒地多海子有江水  
可通舟楫其落坎處飛瀑流沫奔陷數百丈俗謂之  
嵌則尺撐寸筏所不得渡其十二府地半屬梁州益  
州之間但多襟壁舊為莊蹻所開本名滇國俗無禮  
儀男女趨捷不鞍而騎食貴生貿易用具凡具數一  
貝為庄四庄為手四手為苗五苗為索雖租賦亦用  
之推髻編髮處子媼婦必先竊搗而後成婚其在臨  
安為甸町國徵江合強宗休制羅伽三部景東拓南  
漢未有其地永寧名接頭賧順寧蒲蠻其夷俗時與  
漢同然究不相習七軍民府多麼些新丁阿贊成倡  
諸族自楚雄迤南有名真羅武人者死則累以獐鹿  
犀兕虎豹熊羆之皮棄之深山久則其人即隨所累  
皮化為其獸而去又蒲人縲人哈刺其人色黑如墨  
有被殺者視其骨亦黑麗江屬州男女鎔松脂束髮  
每一歲為一縷行則銜然有聲地產獠牛不能耕惟  
斷其尾蓄柰之以飾盂介州界有閩人皆不得入惟



府吏得入故人嘗願為府吏諸甸本土羅羅和泥人好相殺死則償以財家無姓名其有名者或遞承其父名之末字顧無姓弘治中知府陳晟以百家姓首八字司分一字加于各名之上諸甸皆受惟納樓不受其外百夷館以木邦為首木邦與孟養同俗男貴女賤雖細民視其妻如奴僕男子白衣文身婦繫圍桶裙操作其迤西南甸設南牙山關甚險在騰越南有山名羊箇山者山巔北積雪南炎瘴如炊蒸婚禮置茶穀于筒婦人怪者或化異物富家化牛馬貧家化猫狗至夜伺夫寐以短木置夫懷中夫不能覺即化去攝人魂魄至死食其肉有守者逐得則夫家至出金往贖否即殺之干崖土熱四時皆蠶取其絲織五色土綿充貢隴川雞鳴無時北雞亦能鳴魚有鮫頭鯉身者牛有水牛頭黃牛身者惟威遠莫蒙寨有河汲水煉炭上可為細鹽灣甸名細賧水不可涉有黑泉如點漆漲時飛鳥過之輒墜夷以竿挂布濯而暴之用拭盤盂人食其物立死芒市名太枯賧小枯賧又名怒謀男累足衣縵布女分髮直額為一髻跪而衣皮者樂旬互市五日十日一集旦則婦日中則男更代貿易永昌舊名金盞即古哀牢國唐名六詔

蠻地稱王曰詔有蒲人其在永昌鳳溪施甸及十五噠二十八寨皆濮種不知荷擔負竹箕于背入水不港其在蒙自及教化三部十八寨者號野蒲其八百館八百大甸先有土酋置妻八百各領一寨名八百媳婦洪武初其酋刀攬那內附設宣慰每遇改元則頒敕諭金牌勸合與緬甸同其俗事佛教僧見客無跪拜之節把手為禮男女皆刺花樣眉日間以為飾老撾車里亦如之車里則額上增刺一旗其地過紅衣及景東界度險數日皆平地戶多樓居樓出陞謂之掌可晾衣物其下蓄六畜人娶四五婦不妬供作皆妻妾夫死則棄之無娶者曰鬼妻有過客顧贊謂之上接上樓則剪髮不得歸其家人聞之輒痛哭如生死隔絕曰車里上接矣凡食牲不殺呪而死其緬甸館本元邦牙軍界金沙有屋廬舟筏其國書為緬文建上者書以金葉次貝次挾椰葉緬齒葉悉用金出則乘白象張金葉曲柄傘以竹皮為冠環挿珠翠以飾之國人稱酋曰卜刺浪男女衣白氎白莎羅布裸而塗以白檀姜黃之末額地熱日三浴于河日沒時海如雷鳴日入即止立阿瓦利城邦啞真根諸寺有事則祀佛說誓自諸府州衛以及百夷郎甸所



稱三宣六慰者其土俗隨在各異獨正火把節在六月二十四日云是日南詔諸故五詔于松明接取以為節自二十日後家懸大火樹於庭不分老穉人執一炬炬互相燦灼以為樂有鬚眉焚脫者日具膾脛或酒召烟極貧家亦醪飲于市醉則聚廣地明火相撲遇水則執炬者躍波而行無炬者浮奪之自貴州善安以達于雲南一境皆然無敢禁者

雲南府本楚鳩獠標毒據焉烏蠻所居唐後屬南詔改名善闡歷鄭趙楊三姓至大理段氏以高智升領善闡遂兼有其地元末段氏世襲宣慰使有段功者初為蒙化知州以死光死無嗣襲總管時元宗室皇子忽哥赤為梁王鎮善闡明玉珍自湖入川統紅巾三萬攻雲南梁王走威楚諸部悉亂功駐兵呂閣敗紅巾于關灘江時紅巾收合餘眾再戰功在陣中得玉珍母寄其子書戒勿輕還功摩其書跡易之從之歸玉珍得書疑國中有變又新失利竟旋師功追之至七里關大勝而還王素仇段氏至是深德功以女阿禮主妻之奏請授雲南平章曲意承奉功遂留善闡其原妻高氏在大理善文寄樂府詞逸之功乃歸已而復來或諧于王曰段平章歸而復來此必有

不利于善闡者蓋早圍之王曰然密召阿禮主付孔雀膳一具令毒功主不忍夜語功曰我父忌阿奴將殺奴矣願偕奴西歸因出毒具示之功不信曰爾父視我原吾豈自蹶傷爾父尚為我累之何得有此再三言不聽明日王邀功東寺演梵至通濟橋馬逸王令者將格殺之主聞變失聲哭曰阿奴不聽吾言致有此雖然吾不負阿奴起自裁王守之殺主愁憤將死乃作詩曰吾家住雁門深一片閒雲到滇海欲隨明月還蒼山誤我一生踏裏彩吐魯吐魯段阿奴押不蘆花何處採肉屏獨坐細思量昆西鐵立霜灑灑踏裏彩被也吐魯無知也押不蘆回生草也肉屏者索馳也昆西昆陽之西鐵立松也時主從各死而功之子賢女僧奴不忘復讐僧奴將遠建昌華黎氏出手刺繡文旗以與賢曰我自束髮聞父冤恨非男子不能報此旗所以識也是時高皇帝即位金陵改元洪武而梁王尚據善闡與元主相通復奏舉賢為雲南左丞未幾明玉珍復侵善闡王借兵大理賢答書曰平章已亡兄弟罄絕止遺一藝一奴恐不足配阿禮主矣乃謝其使急奉表歸高皇帝高皇帝答慰之時有執巫女歌曰莫道君為山海主山海笑諧諧



國中花謝千萬朵別有明主來未幾賢病死子明嗣  
明又死叔父世典國事洪武十五年三將軍破善關  
梁王敗走世上書請奉正朔修歲貢不從再上書詞  
旨驚駭三將軍大怒督兵並進大敗之擒世并贊二  
孫直仁直義俘京師帝釋之賜直仁名歸仁授雁門  
衛鎮撫直義名歸義授永昌衛鎮撫以寶魯表降故  
也餘悉伏誅

景東古拓南地元始內附以所部隸威楚萬戶統威  
遠州及案井毋龍猛統阿龍三甸洪武初大兵至楚  
雄土官俄陶襲知府阿只魯職爭先納款獻鐘仗馬  
匹并元所給牌印帝嘉之即授陶景東知府頒印世  
其職既而思倫攻景東陶奔白崖帝為立景東衛命  
陶往鎮而別以沅官掌印蒞府事陶至鎮勤慎守法  
不敢踰尺寸夷漢安之因仍復知府頒賜金帶且錫  
誠心報國四大字褒之陶死子陶幹嗣遂世氏陶正  
統中陶瓚征麓川有功加級至陶金以它事未襲印  
被奪及進得印始襲後有陶明卿最名  
永樂二年帝以百夷新附命製信符及金字朱牌頒  
給木邦八百大甸麓川平緬緬甸車里老撾六宣慰  
司干崖大候里馬茶山四長官司潞江一安撫司以

及孟良孟定灣甸鎮康等府州土官其製以銅范信  
符五陽文者四陰文者一以一合四俱相符陽文分  
別文行忠信四字而陰文則燕列之乃作批文勘合  
底簿自一號至百號止其號之字則車里以車字緬  
甸以緬字各編底簿而發陰文信符及批文勘合百  
道于諸土官發底簿于布政司其陽文信符及批文  
百道則藏之內府九朝廷遣使齎陽文信符及批文  
各一至布政使比同底簿然後遣人送使往令土官  
比同陰文信符及勘合即如命行其信符之發初發  
文字收發行字周而復始又製朱牌鍍金字敕書其  
上諭之其文略曰敕土官爾以遠人慕義慮大小臣  
民假朝廷差使需索將命禮部鑄信符付爾凡調發  
及當辦諸事須憑信符乃行如越次及比字號不同  
與有信符無批文有批文無信符者皆詐也其禽之  
至京處以死罪至勘合百道凡軍民疾苦及奉信符  
所辦諸務與貢獻方物俱填屬勘合與司比號而書  
之底簿然後司官亦遣官同齎奏聞若違疆機事微  
發調遣從三司官會同計議已經承行則亦填屬勘  
合奏聞如例毋忽

初孟理屬麓川平緬宣慰司其後屬孟定府永樂四



年設孟璉長官司以刁派送為長官而孟定土知府刁名扛本平緬頭日與派送等夷派送遞服屬不脛遂于其子懷罕入貢時上言孟定孟璉比有族無統轄統轄未便遂改隸都司而促兀散金二長官司亦以土官註甸八請不屬之麓川平緬而屬之都司順夷情也其後溪處甸長官自思以所屬臨安歲貢納海貳七萬九千八百索本司無有仍須向臨安買給未便因願改隸他府廷議除其稅而仍不改隸帝從之

車里為倭泥貉蕭刺黑角諸蠻襟居自昔不通中國元將兀良吉解伐交趾經其部降之置徹里總管領六甸洪武十七年設車里軍民府十九年改宣慰司以土官刁暹答為宣慰司永樂改元暹答內侵酋官吏西平候請討之帝遣使詰責梅懼還所酋及地入謝會八百者乃八百大甸初附設二軍民宣慰使司以刁招倫刁散為二宣慰使而暹答惡遣頭目攬線思奏請舉兵攻二宣慰不聽暹答死子刁更孟襲職更孟死子刁霸美幼叔父刁怕漢請暫典州事俟霸美長還之謂之借職既而怕漢亦死怕漢妻恃勢請以女土官借職不許密召前夫子刁弄冒為暹答

孫請襲職竟于永樂十五年襲宣慰使而以更孟之弟刁雙孟為土同知十八年雙孟惡刁弄強冒反壓已事多掣肘衆蠻人不服奏言弄暴民民無寧居乞別設治所分其衆因設靖安宣慰司而以弄為車里宣慰雙孟為靖安宣慰相抗弄大恚日興兵事讐殺先是永樂末布政使承差劉亨微差發銀于車里誑弄派取諸部銀預輸之官應免常年差發而以每年微輸仍不免至是益甚宣德三年承差洪溢來微銀蠻人大訐謂刁弄賣已自賄遂聚衆佐雙孟逐弄弄不敵投之老撾溢乃奏稱車里宣慰刁弄與靖安宣慰刁雙孟讐殺棄地投順他族請差官察治招撫帝令黔國公同三司按問會雙孟死子刁霸供襲靖安宣慰而弄亦死者撾于是弄母乃具言兒弄為承差劉亨所賣預科差發銀而後微之蠻人不平故兒弄奔老撾貸責思以償民乃不幸蒙霧露死矣又不幸蒙惡聲兒弄實未嘗棄地亦未嘗與雙孟讐殺投他族三司乃上狀罪亨等而更孟之子霸美亦年長遣土日召哀入貢弄請襲職帝命霸美襲車里宣慰而以霸美為靖安宣慰如故九年霸美上言靖安即車里舊地但以所作二治致起爭端今請仍合為一歲



貢差發悉如舊例以杜後患帝從其請遂草清安宣慰司合之車里而以霸供霸羨並為宣慰遣使賫信符敕書文綺賜之傳至嘉靖間緬甸侵車里車里附緬然有二宣慰其在大車里者應緬在小車里者應漢至萬曆中官軍大征緬宣慰刀孺猛畏之乃始貢象進方物并一應差發如故是後無附緬者

高思弄楚雄土官高政女也永樂中政朝行在會成祖北征昭皇帝監國召政語悅之陞知府且命其子孫世襲同知政卒無嗣其妻請承襲知府許之既而妻又卒宣德五年政女思弄來朝仍以承襲知府請帝命襲同知時楚雄同知無土官例吏部擬例覆帝曰皇考有成命何可沒也乃特設土同知一人而以思弄居之楚雄之有土同知自思弄始也

宣德三年設車里靖安鹽井巡檢司以通事王教為巡檢五年又設廣邑州置土官知州同知以阿都魯為知州莽寒叔為同知先是金齒廣邑寨本永昌副千戶阿干所居干嘗奉朝命招生蒲五千戶有功至是干遣孫阿都魯同蒲人莽寒叔阿類詣京修貢且乞于廣邑置州使阿都魯代已掌州事以熟蒲並所招生蒲屬之報可又設孟緬長官司及滇灘木縛雷

傍哈丘瓏磨孟倫五巡檢司時景東府奏所轄孟緬孟梳二寨僻遠屢被外寇乞併孟梳于孟緬設長官司授把事姜嵩為長官以隸景東歲增貢銀五十兩而茶山長官司奏所轄夷民悉居深山獨以滇灘當小茶山瓦高之衝寇常出沒請以通事段勝為巡檢置司滇灘以鎮之又南甸州奏其地先被麓川所侵賴朝廷威力復之倘不置官司以正疆界恐侵奪未厭乞于木縛雷傍哈丘瓏磨孟倫各置巡檢司帝從其言又設金齒軍民指揮司騰衝州置土官知州時騰衝守禦千戶所土官副千戶張銘言本所遠在極邊每以麓川仇殺驚擾夷民乞設州置治官吏與騰衝守禦千戶所相兼守鎮撫許之即以銘為騰衝州知州

八年設騰衝州庫扛閩庫刀閩庫勦閩古湧二閩并南甸州賴邦哈九浪莽孟洞八巡檢司先是騰衝州奏本州路通麓川緬甸人民多逃徙差發貢獻時時有誤舊設四百夫長隸騰衝千戶所故庫扛閩五處皆軍民兼守今四百夫長已隸本州而所守者止居民未便乞于諸處置巡檢司以土軍尹黑張保李甫郭節為巡檢又南甸州奏其州與麓川接壤舊十二



百夫長在騰樹千戶所故賴邦哈諸處亦軍民無守近以麓川侵擾軍民不守者十餘年今朝廷已諭麓川還所侵地惟恐再見侵擾與逃徙未絕乞于本州賴邦哈九浪莽孟洞三處亦各置巡檢司以土軍楊義趙得趙榮三人為巡檢皆下所司議可如議又設臨安府河底威遠州播孟二巡檢司先是臨安府屬容甸長官司奏河底路通車里八百諸長官司自洪武中曾置官渡船以濟往來今軍民逃逸出境詐稱使者逼令乘載往往被害且緣河劫盜多有乞置巡檢司以故把事袁凱之子瑞為巡檢威遠州亦稱其地與車里接壤累被各土官縱賊攻掠播孟當其樹乞置巡檢司以把事劉禧為巡檢從之初瓦甸長官司言曲石高松坡馬甸其地山高林深寇盜出沒乞置巡檢司以通事楊噴揚中范興為巡檢下三司及巡按御史審勘至是奏以為便遂置三巡檢司命資等為巡檢資于曲石中于高松坡興于馬甸

已倍于昔而復業日增請得援二州之例帝額行在吏部嘉其撫綏竟從其請至八年南安州鄉老言本州俱係羅彝和况烏蠻頑犷成性向無土官蒞治之多致流移并差役賦稅俱難理辦近因本州缺官委琅井土官巡檢李保暫蒞州事保甚善撫綏民流皆歸此真良牧也倘能陞本州土官幸甚行在吏部書郭璉以非例不從帝曰卿但知守例而不知為治在順民也遂以保為南安州判官時緬甸宣慰昔得以所轄富蕩地饒穀殺其頭日新把的而據有其地新把的遣子莽只朝貢其愬其事且乞置司授官庶免侵殺遂於東倘地置東倘長官司而以新把的為長官既而鈕兀五隆二寨亦以其地與和况蠻近其酋任者陀北朝貢至京皆奏其地近蠻請設官授職以總其衆乃遂併五隆于鈕兀設鈕兀長官司而以任者為長官陀北為副九年命改瓦甸長官司不隸金齒而隸都司以瓦甸日把刁怕賴等言本司離金齒最遠而去都司寔近因改隸焉

大候長官司土官刁奉罕奏大候蠻民復業者多歲納差發銀二百五十兩按前永樂中蠻甸鎮康二長官司以民多復業遂納銀各百兩俱陞為州今納銀

寧雄摩一十五寨蒲羅夷賊倚山出略殺死順寧千



夫長阿茂并土兵等帝命都督沐昂發鶴慶順寧土漢官兵分勦二賊俱平之

永寧蠻寨矢不刺非于宣德四年糾合四川鹽井衛土官馬刺非殺永寧土知府各吉八合去官軍撫諭之已命卜撒蒙知府職矢不刺非復殺之已命卜撒蒙南八又襲而馬刺非據永寧節卜上下三村逐南八大掠夜白火住促卜无諸寨事聞帝命雲南三司撫天不刺非并移檄四川行都司下鹽井衛諭馬刺非還所據村寨事乃寢

永昌千戶所千夫長刁不浪班攻剽潞江逐安撫業壁奔金齒而據有其地宣德五年黔國公沐晟與三司官遣使招諭刁不浪班懼罪盡還所據地復歸田居且當差如故已而八百大甸土官刁招散遣貢方物且奏波勒諸蠻嘗以土酋土雅兵入寇殺人掠貨乞發兵進討帝不聽但敕使諭之且曰聞八百大甸去雲南五千餘里而波勒土酋土雅皆未嘗歸化吾安能勞中國之人為遠夷役哉

永樂初寧遠州土同知刁吉罕奏稱其本州所轄猛慢七寨為安南所奪且酋其婿及女去而徵差發銀于諸寨帝命禮部遣使諭安南王胡查令還所奪并

不許私徵差發已而臨安亦以地隣安南每被盜黔國公沐晟奏請駐民兵於黎花舊市立營柵使與臨安官軍相薰守已復陞黎花舊市柵為臨安衛中右千戶所頒印給冠帶如例至宣德中寧遠州復為安南所侵掠刁吉罕告急廷議調官兵委都督沐昂討之帝諭昂曰蠻夷謫詐未可知往爾元征南嘗調狂寧遠土兵七千竟無至者而反助黎利為逆今安知其非仇殺而輕役我也其察實以為進止毋忽

麓川一名白夷在金沙江南與緬接境元時思氏居之洪武中三將軍下雲南思倫請降授麓川平緬宣慰司使未幾倫叛逐景東知府俄陶大殺掠西平侯沐英討平之見英傳已而倫與土目刁幹孟相殺帝命沐春何富進討富擒幹孟因分其地設孟養木邦孟定三府屬雲南而以潞江干崖大候灣甸四長官司隸焉永樂元年改設孟養木邦為宣慰以刁木旦為宣慰使廢倫舊職而木旦為緬甸土官那羅塔所殺死子刁賓玉以土同知典宣慰事然又阻于緬寄居金齒者有年正統初倫子思任性桀黠善兵每大言復祖父遺業至是乘釁據麓川略孟養地傍及孟定灣甸南甸潞江并攻陷騰衝而自稱曰法法者夷



王璣也四年救黔國公沐晟為征夷將軍討之并諭木邦宣慰罕門發揚力會勦師次潞江任遣其將緬檢截江拒守師不得渡初任未叛時眉玉嘗遣任贊晟府兒子畜之至是晟遣使諭降任佯許諾晟信之無渡江意而賊將緬檢數挑戰時左都督方政為前軍怒甚請攻之晟不可政不勝憤獨率其戲下夜渡江擊走緬檢破柵斬三千餘級獲象三十餘遂與其子瑛部將顧勇等乘勝深入逼任上江上江賊重地蠻兵大集故以旂牌乞晟援晟不遣曰渡江非我使也又之以少兵往復不進政知晟無援意遣其子瑛還而身與勇陷陣死事聞晟自不免以冷水攪酥餅啖之發疾卒帝乃救沐昂代晟討賊而任益橫犯景東殺大候知州刁奉漢等破孟賴諸寨降孟璉諸長官司昂抵隴把以糧乏引歸喪其參將張榮于芒部下詔切責昂乃條攻取之策請兵十二萬分三道進下廷議廷臣多言不可而王琯用事欲示威四裔乃于六年春命定西伯蔣貴為平蠻將軍同兵部尚書王驥監軍曹吉祥率湖廣四川廣西貴州及京營軍一十二萬往征之陛辭賜金幣鑿細鏝弓矢蟒衣以行遇賊大候州解其圍遂至金齒分兵三道徑抵

上江會大風縱火焚柵斬賊數萬級賊將刁放戛刁招漢俱死生擒刁門項等賊賊走保險驥等益麾兵入破連環七寨于沙木籠山又破象陣于馬鞍山之陰賊死者十餘萬任棄妻走緬甸會維摩州蠻常即罷作亂自稱廣新王驥復擊之遁安南安南人截首來獻驥還京論功帝賜宴于奉天門進貴為侯而封驥靖遠伯贈政威遠伯謚忠毅餘陞賞有差時思任既遁而其子思機潛匿孟養復求撫乞守故地朝議謂首惡未擒餘孽復熾命王驥再鎮雲南驥同蔣貴督兵征緬甸索任父子緬甸約往取驥難之郭登請行由金沙入緬緬酋卜刺浪來會頗驕驍登折之緬叩首聽命登還其國相緬刺刺以大金接船載任來獻時嫉登功者別遣登守沙壩刺刺至江不見登徘徊驥責驥擊緬焚其舟刺刺復持任去而機亦遁驥乃遣千戶王政諭緬許以孟養之地易任卜刺浪喜縛任及其屬二十人付政政遂斬首函獻京師以卜刺浪長子銀起葬為孟養宣慰而機與弟思卜尚潛據其地銀起葬不能有也十一年改麓川為隴川設宣撫司于隴把以王自恭頊為使降殺機卜罪令其來朝不至時沐昂卒兒子儼襲爵又卒斌又襲屢



救之進兵終不能克十三年復議征麓川驍與平蠻將軍宮聚副將張軌田禮方瑛等統兵十五萬并調木邦緬甸南甸干崖隴川諸兵自騰衝整師由干崖抵金沙駐哈罕二渡時賊柵西岸緬甸陶孟倍船二百餘為梁官軍從梁渡一鼓破之擒斬數千里賊走保鬼哭山立大寨三小寨七每寨設巨柵數重官軍乘勝縱擊之連破諸寨柵殺賊殆盡而機卜仍遣乃班師留瑛守雲南救緬甸宣慰卜刺浪孟養宣撫銀起莽捕機卜而蠻人復擁任少子思陸攻恭項走之仍據孟養地且言緬人不能撫民衆願仍立思氏永當差發時兵力已疲且度賊終不可滅乃與陸約許以酋目得部勒諸夷居孟養如故而無官職且不許渡金沙江立石江上誓曰石爛江枯爾乃得渡而其時有猛密曩罕弄事

猛密本木邦部落明初設木邦車里孟養緬甸諸軍民宣慰而木邦在六慰中分土最遠猛密十三處皆在其內時有陶孟司歪者守猛密陶孟土日稱猶漢稱巡檢也其地有磚城而無樓櫓倚南牙為險而環以摩勒金沙二水所產瓜菓花蔬與中國同獨寶井多利木邦宣慰罕構者利寶井所有特以愛女曩罕

弄妻司歪罕構死孫罕窋立嗜酒好殺曩罕弄自時姑行思奪曩結族人與爭不得景泰中興兵侵木邦逐罕窋據之傍略麓川孟養諸地自稱天娘子其子思柄稱宣慰每以金寶結內欲自立為守臣所抑不得行成化初南寧伯毛勝守雲南貪猛密寶石許得自貢不闕木邦而太監錢能直就徵其地自是曩罕弄益怙勢縱橫無忌十七年黔公沐琮以勸聞曩罕弄大懼會大學士萬安倖用事有劉賓五者江西人也適猛密謂曩罕弄曰無憂萬閣老推而貪陰結昭德宮與皇親萬喜最厚益賂以重寶而陰持之時兵部尚書張鵬請用兵安與劉珣執不可雖安還息兵其言甚可聽而不知其以私阻也既而安遣官出勅令副使劉大夏往味以美遷大夏辭不行遣副都程宗以憂歸即起復偕驛使蘇詮往至雲南大言猛密宜開設衆驚賊巡撫吳誠有難色宗叱之曰一何儉汝敢與內廷抗耶誠倉皇不知所為發疾卒宗乃率鎮守及三司會勘杖木邦訴民而擒曩罕弄使者時鎮守謂曩罕弄當出迎既而不至且請曰我婦人不能遠涉願都堂就我宗乃踰南牙山就見又請曰我見都堂須有坐宗乃命坐曩罕弄坐足互講良久已



而笑曰我猛密之于木邦猶大象之孕小象也今小象長成軀倍大象矣寧能復納之大象胞中乎宗曰然遂別立猛密宣撫司以思樸為使開設衙門徑隸布政司與木邦抗安聞狀大喜遂以宗巡撫雲南尋遷刑侍郎進南工尚書而樸奪木邦地逐罕完如故弘治五年罕完迎婦孟乃寨樸襲之據其地二十七處誘降其頭目高答落放卓孟信蠻等罕完不得還依住孟乃寨者三年巡撫張誥遣叅政毛科副使荆茂詣猛密曉以利害樸猶不服乃遣叅政方守僉事陶鳳等督理糧餉叅議黃東山副使趙炯等督隴川南甸干崖三宣撫兵共趨蠻邊樸奪不能抗引去罕完始得歸廷議謂罕完雖逐故土然思樸未悔罪委官召樸出見與罕完歃血盡還侵地而樸終抗命且復稱兵圍蠻邊蠻遞求援不能應于是孟養思陸請自效勦思樸

先是思陸既受約去官不過金沙江一步然豪僭夷中較昔尤甚居常怏怏必欲復故職會成化中太監錢能鎮雲南陸乃以祖母塚帶及諸珍物餌能能召見設飲會親與相對陸益自負及弘治改元詔以金牌信符給徼外土酋時孟養宣慰雖廢而兵部失檢

偶以舊號頒給陸遂以牌符呼召諸夷曰天朝復官立我矣諸夷信之遂略取傍小邑自廣至是請勦思樸而諸夷競傳猛密畏思陸兵當從思陸請叅政毛科以為然遂請于總兵鎮巡官檄召之未至樸遣人路陸陸不受曰吾破猛密則寶將焉往而需賂為科等聞其語益喜乃約木邦為內應而木邦罕完亦密遣夷目陳思樸可擒之狀會副使趙炯與科會騰衝而叅議黃東山則先隴川儲糧科欲急為功合罪人約賄未及潞江土舍侵用歲例銀犒軍促調孟養兵孟養兵至其頭兵者為大陶孟倫索過金沙江指飛鷹笑曰我曹猶此也得食即食其不為人使明矣科聞大愠值科營失火營燬狼狽移屯不能軍且饑甚日採芭蕉心食之遂引退而孟養兵無意戰將取道干崖徒去樸遂遣兵躡之孟養敗然樸終以勢不敵遣土目彙方請事願獻象二隻謝罕完仍備方物入貢科喜方以為功而鎮巡委副使荆茂及黃東山往驗且受其請奏錄茂東山及炯科功而以科營失火使對簿科不平奏辨功過炯以茂東山功在已上賦詩十二章以進帝惡之罷科炯官而孟養則從此遠誓渡江大攻猛密取蠻莫貢章諸寨撫諭不聽會罕



完死子罕烈襲宣慰職年幼不能自立欲借思陸兵報猛密陸遂自稱宣慰阻山四出黔公沐英上三策上大征中難勦下撫諭詔姑用下策遣叅將盧和統官軍同叅議郭緒副使曹玉詣陸開諭陸聽命渡江去時鎮巡諸將于騰衝撥官軍堵守錫思陸名目寇帶朝議不許嘉靖初諸夷以仇殺侵奪各上訴下鎮巡按勘鎮巡遣官偏歷諸夷各伏罪還所侵地會陸已死其子思倫與木邦罕烈各入貢倫約罕烈擊緬擄其宣慰莽紀歲語具緬甸傳于是紀歲子莽瑞體仇殺并孟養有之而思氏遂衰當是時木邦罕烈與猛密思樣子思混仍爭地不決朝議以蠻莫猛毋十三寨土地遼濶輸戍不能守莫若分其地仍屬猛密管食歲徵差發銀一千兩而割孟乃七寨仍歸木邦未果既而木邦猛密俱入緬見緬甸傳

妻妾及夷民男婦死者八十餘人因據有其地鎮巡聞狀乃統官軍誘執之捧尋死于獄帝命仍戮尸梟市其子詔及黨與皆斬

彌勒州十八寨夷久為民害有阿寺阿勿者交通寧州土舍祿世爵遂于正德十五年相約稱亂都給事劉洙以聞帝命巡撫何孟春巡按陳察討之擒寺斬勿併俘其黨一千七百餘人先是寧州故有土官知州職專巡捕至州事則流官知州掌之武宗嗣位土官祿倖惡其礙己乃賄瑾罷革流官至是祿世爵以叛故論死世爵倖子也乃復設流官調通安州知州聖昂捕之而祿氏土知州竟罷襲焉

廣南府知府原鉉避瘴臨安以府印令土同知儂仕英子添壽護之添壽死家奴跛朋竊其印并經歷司印以逃既而歸印于族叔儂仕祥所時仕英親弟仕獅例得入襲通把李福請追仕祥印與仕獅而仕祥不許遂獻地與泗城州土官夸接與之連婚日謀構兵滅仕獅家亡何仕祥亦死其子琳乃以府印送接而經歷司印則琳弟瓊攬有之巡撫王慈中廉得其狀調兵往問瓊懼還印于通判周憲會承差李志聰道經泗城接詢問官兵虛實志聰張皇之且曉以順



逆利害接亦懼遂以府印還志聰時所調兵甫至境  
遠遣班師廷議褒憲及志聰而治鉉擅離與守巡失  
撫之罪至瓊接抗命既已輸服姑勿問詔可

尋甸武定舊皆設土知府成化中尋甸安晟死无弟  
爭襲巡撫王恕與黔國公沐宗請罷尋甸土官改流  
官知府而武定如故正德初武定阿英者以賄通瑾  
襲知府改姓鳳氏駕言有軍功當破例陞布政司右  
叅政仍理府事擁衆鼓吹迎入布政司堂上任不許  
乃就司儀門上任而去先是陞叅政時請乞金帶禮  
部覆無例帝復破例令賞級花金帶一束至是怏怏  
手把束金帶曰安用是遂蓄異志尋死子朝明襲朝  
明有叛狀火頭吾蓋才告之官巡撫唐龍奏請從鶴  
慶諸例改流官知府而朝明輩金十二萬入賂錢寧  
事得止嘉靖六年尋甸知府馬性魯微差發銀繫馬  
頭安銓妻于獄簿比裸下體笞之銓怒召衆亂掠嵩  
明州由楊林木密攻尋甸將擒知府報怨而知府已  
遁乃殺指揮王昇唐功千戶郭彬去時叅政黃昭道  
副使周奎統官軍討之大敗于是巡撫傅習急調土  
司兵援勒而以武定鳳朝文統兵千餘守厭江朝文  
者朝明弟也先是朝明有叛狀欲改流未果朝明死

子詔幼當襲其妾瞿氏請護印朝文忌之嘗召衆與  
安銓往來且銓妻被笞者又鳳氏也至是據厥口還  
攻武定陷之殺同知袁倬知州秦縵等一十三人合  
銓兵二萬于會城西北門外聲言鳳詔母子已就戮  
朝廷且盡勅武定蠻寨激諸蠻叛廷臣兵部尚書伍  
文定統禁兵出征未至按察徐瓚議調各土兵與衛  
兵協勦已敗朝文于會城會詔同母瞿氏皆督兵自  
會城出諸蠻望見詔錯愕爭投詔降朝文知事去絕  
普渡河走官兵追及又敗之乃取道霑益思奔東川  
土舍輔祐斬其首而銓衆尚盛復歸據尋甸列寨數  
十官兵分哨連破之至必古老寨銓突圍將走芒部  
為土舍祿慶所殺文定至部署而還當是時武定雖  
亂然尚設土官如故而其後有鳳繼祖者

鳳繼祖即鳳朝文養子也初鳳朝明死其子鳳詔以  
幼襲令詔母瞿氏護印而詔又死繼祖名阿倫至是  
遂更名繼祖欲以奪襲而瞿氏不許請從土婦襲職  
例令詔妻索林承襲復使索林又娶婦為後襲計既  
而瞿氏有外行與索林稍嫌隙繼祖乘間走京師獻  
金納指揮級陽言襲武定知府得朝命揚揚具輿馬  
冠帶以歸土人不知者附之如鶩遂囚繫瞿氏而逐



索林巡撫敖宗慶討之不克會易門土縣丞王一心反與庄戶李向陽土巡檢王行道等聚衆數萬人自稱混天大王以普文為軍師攻圍州縣而繼祖應之且與土賊虜選共拒官軍復誘索林與講解襲殺其火頭鄭斌等七十人出富民羅次大掠分遣東川營長阿科等攻曲靖尋甸時宗慶已罷新撫呂光洵以工部侍郎奉命至與黔國公沐朝弼布政使鄔璉參議盧岐嶷副使張天復統土官李爵等兵由馬頭井龍分道攻入搃其巢擒斬賊首向陽而密從間道進兵趨尋甸攻破五寨擒虜選及行道等乃與璉岐嶷天復議築武定城建守禦千戶所而繼祖復連姚安高欽據鐵鑠等仍出四掠朝弼議招撫光洵不許復以旗牌調土漢官兵尅期集武定分為四哨令土官儂文舉等各以險隘入而監以諸司且移檄川貴巡撫各舉兵應大賊賊衆于武定之西關繼祖奔乘勝焚其巢追及于會里州阿五賊寨圍之土官陸紹先土婦安素儀先登斬欽及賊首二百餘級繼祖乃領兵萬人分哨衝營紹先與指揮盤珠慶戰陳斬賊三十餘級賊大敗墜崖投澗死者無算光洵令紹先以計撫繼祖頭目者色令領兵趨賊寨四面匝伏而以

健兒隨者色入帳中斬繼祖首并火頭下大才等數十人光洵乃自至昆陽討擒一心梟之因請改土設流降姚安武定二府土官襲本府經歷不得統領軍務而除易門土縣丞職上安輯六事曰增流官曰立學校曰更驛傳曰移巡司曰置捕館曰遷州治光洵以功進尚書餘賞賚如例而於是鶴慶廣西尋甸姚安武定諸府皆流官焉三十五年武定酋阿克有馬頭四十八人而鄭舉稱首慄悍多力富于財知府陳典收禁之舉以燕金置魚腹中饋典獲免已復收之如是者再四舉惡其無厭乃與阿克等攻破府城殺指揮金字仁千戶王應爵等男婦四百五十餘人時典以入賀在會城賊擁推官白明通以兵隨其後直抵會城進公移請以冠帶印信給阿克圍城三日復分其餘賊四出焚掠沿村鎮市所至殘滅盡殺諸老釋而抽其壯者為賊鎮巡不得已從圍城給印總與之去攻元謀和曲諸城未一日陷一府三州四縣時尋甸土目大理保楊禮結火頭招補阿白者色及土婦海冲為亂攻破嵩明署印知事李性先棄印逃遂殺吏日常宗孝學正龍旌由楊林還尋甸復殺指揮諸藩裕等會巡按御史周懋相候代駐曲靖調需益



安紹慶土兵自嵩明追賊尋甸屢戰屢捷三十六年三司官亦分道追賊而鄭舉等已西破祿豐知縣蘇賜力戰死已而諸路兵大集擊賊斬其家屬十一人阿克鄭舉逃東川官軍連及之土司祿哲縛阿克鄭舉獻軍前并其黨鄭文鄭宗舜而叅政楊俊臣亦率廣南僮兵擊賊海冲等奪還嵩明諸州印信副使羅希益斬楊禮揚成俘其孥于是尋甸武定賊一時俱平天啓中武定吾必奎以從征功受官既而反連陷祿豐廣通諸縣進攻楚雄府破之副使楊畏知分巡金滄統官軍追勦生擒吾必奎伏誅乃留畏知駐楚雄為諸蠻鎮畏知後以附永明死南寧中

沅江那中洪武初歸命授世襲土知府嘉靖三十年那鑑以爭襲殺土知府奪其印嘯聚數千人流劫郡縣巡撫石簡督兵進討鑑詐降請赴軍門而親帥勁賊與左右布政使徐樾抗戰樾至沅江鑑毒江上流人馬斃之輒死師少却鑑乃縱象騎直趨軍殺樾巡按趙炳然以狀聞奪簡官而責黔國公沐朝弼令戴罪殺賊朝弼調土兵大勦鑑敗自殺遂革土官收印令臨安衛指揮一人往署之然其印猶藏那氏每文移指揮取印必以夷兵捧擁送印至環伺之署訖復

擁去萬曆中土舍那天福篡元自立即鑑孫也老撾近安南成化十六年安南王瀨以兵攻老撾連破二十餘寨殺二萬餘人遂宣慰使諸蠻震動先是太監錢能貪黷密以文幣良馬易瀨珍寶因與瀨往來互市瀨嘗遣使入臨安大理假為商賈貿易其地以蹂躪近邊間有窺內之意朝廷飭將吏隄防而諭瀨還國瀨聽命去既而瀨復以兵六萬再攻老撾值老撾有備敗歸死者二萬餘瀨大憤自將兵九萬繼之復為消刺加所躡其軍死者三萬瀨憤自慙得疾去十八年車里宣慰報校兵數萬駐老撾界上八百所報亦如之未幾又去嘉靖中老撾宣慰刁攬章入告言安南應襲長子光紹為叔父所逐出亡老撾欲調象馬送還其鄉而廷臣恐啟邊釁謂邊臣義無私交倘構隙有形其患叵測當勅責攬章以私納之罪而遣光紹歸國詔從之

嘉靖十四年安南叛人武叢威武子陵等亡命居雲南邊界水尾州與八寨長官司副長官瓏徹教化三部長官司土舍張澤交通已而安南國人捕二武急移文入寨二武疑瓏徹已誘執之黔國公沐紹勳及撫按官奏請殺府縣衛所所在防守遏其彘矣而



遣使布朝廷威德以取回瓏嶼并寬張澤等以私通之罪帝是其言後瓏嶼還而武嚴威等亦遁去餘竟勿問

猛密產寶石武宗朝錢能出鎮每歲採辦至嘉靖初猶然巡撫劉臬疏止之不聽時猛密酋思真猶在也年一百歲凡採辦例必先應官府然後與商賈貿易每一位五六百人其屬有地羊寨在猛密東往來取道所必經者寨中男婦皆黃睛鰲面類鬼翦舊銅器聯襪之經兩足間以為飾然工幻術能易人心腎手足致死即馬牛亦然時以採辦者多人有強其食既去腹痛死已而所乘馬亦死剖之則馬腹皆土石也思真嘗勦之凡殺數千人不得絕至是復議勦以兵少中止思真一百十歲死

麗江土官木得在元為宣撫副使洪武初入貢尋功授世土知府凡徵調征討皆在行間得死子初襲從征思任有功後以居西陲能捍吐蕃每有徵調但輸軍餼免其公八世至木增值北勝搆亂以兵擒首逆進秩己九邊軍興助金二萬已又以殿工助一萬褒之乃復條陳十事下部議可進三品秩尋請老子齋藥萬曆中有玩弟三人長各木公次各木公三各木

公長即土知府也三人皆好禮有名額善取金其法每兩過輒令所在掣其地伺之及又兩轉而襍拾皆金矣特拾金皆輸之官民間匿錄兩者死嘗貯金數十庫餽人每以千計謂之木公金云其地近西名狗西者

姚安鐵鎖箐木探種前代無內附者弘治中稍稍歸命間諜之姚安姚州諸土同知所顧無專屬至嘉靖中始專屬姚安高氏遂稱姚安鐵鎖箐會逆酋鳳繼祖反姚安有鈞黨祖者統箐賊出犯蒙化為繼祖應及繼祖敗後他一切勿治箐以漏網反踊躍思為亂是時賓川大姚各寨環箐錯列有所謂赤石崖螳螂古底烏龍壩大波那你甸楚賜各左木茶喇菟浪金旦俄打喇小茶喇三摩歪寧直只瓢苴諸酋率引箐賊為鄉導其地有所謂薄刀嶺鶯過愁者皆聽嚴大箐天險可恃以故慄禁無顧忌有火頭羅思者與百夫長羅勤快善火頭漢言渠魁也勤快蓄異志而畏羅思等不發會巫人李仙子挾幻術至箐謂思曰箐中有王者氣當今有赤手搏漢大制南仲者豈若乎思應聲曰吾而不王誰當王者時勤快方治毒弩藥矢聞思言亟貽思與謀思乃與勤快羅章等十人自



稱孟獲二十世後當世有南仲立為冲天鐵面十大  
王拜楊挂三為相子撒為將軍造符鑄印遂起兵隆  
慶六年瀾滄兵備周汝德徵兵討之無功都御史鄒  
應龍遣將揚州鶴潛至三姚偵諸羅狀三姚爭徒就  
訴諸羅不道州鶴遂命會臨江樞撰攻徵江城殺府  
吏奪印諸部洎洎都御史乃決策進勦陽召所司令  
勿擅興師即興師當先樞撰且必俟冬春瘴消而後  
請期當是時姚安知府楊汝允以試事至謁都御史  
問勦賊事汝允曰羅酋已悔罪宜罷兵都御史急應  
曰諾既而語裨將胡瀚曰太守豈以賊為真可撫耶  
太守掾史與賊故等夷嘗遣人邀黨來謁謂為聽撫  
索賞去一旦上官移檄令持斧逐捕輒先告賊賊遁  
逃夷官借捕亡命報仇指示仇常劫人有姦賊賊出  
夷官手但借證實仇者罪夷官與賊分姦賊去无所  
請皆詐吾欲使翰為謀者往慮無因乃令繪二圖分  
勸善戒惡狀令瀚持往盡得其虛實即令前軍軍安  
寧駕言使永昌而密遣人以羽檄徵武定直却兵由  
紅古底喇叭箬入攻鐵鑠預以器械盛索中陽為佐  
商既已十道出然後下令行昆陽晉寧安寧諸郡以  
觀水利郡中尚鼓吹開闔如故而都御史已微服至

洱海驟臨赤石崖由俄打喇經毋喜虧賣諸寨自將  
中軍而以副使湯仰軍大姚僉事田汝弼軍賓川征  
南將軍沐昌祥軍威楚各與直却武定兵應乃召匠  
建坊山間手書之曰平賊嶺遂督瀚等攻阿寧喇喇  
鮮摩烏只直蕪朵喇賊姑寨次甸頭鏖戰直破鐵鎖  
諸道兵皆集爭先陷陣斬首五百級捕獲生口七百  
餘羅思羅草走山洞死餘賊保鷄足山鷄鷄即官軍  
又破之生擒李仙子王勤快等大搜諸箬下土官庄  
庄人縛偽相楊挂三及將軍子撒來獻乃破螳螂古  
底江即小棟即首諸箬盡平事聞賞賚有差先是箬  
中多幻術能令人入箬迷惑且技巧男婦舞雙刀上  
下山如蜚及執李仙子試之果能役巫鬼預言吉凶  
常夜易軍中操卒以亂刀斗勤快亦能令屋瓦作滾  
石聲驚人當其破鐵鎖時裨將盧雲入箬中見一白  
衣人持考立巖上雲追之忽上樹不見軍中望之者  
以為猿云時赤石崖增設判官一人專以逐捕為事  
而分鐵鑠箬外甸羅奈朵喇只直蕪只摩賊姑他俾  
坡章谷排紅直黑鷄直的務喇叭俄打喇各庄屬雲  
南赤石巖螳螂古底龜山屬北勝餘部署如勅  
納樓普沙曾從高皇帝征伐積勞賜沙爵副長官使



食邑于納樓茶甸遂為納樓茶甸副長官司四傳至  
普星以叔父普顯食三山北寨使備校南紅衣黑脚  
諸關呈死子安在襪襪頭乃酋安欲害之朝廷諭顯  
罪當死會赦徙貴州旋復逃歸奪瓦喇孔及五畝水  
塘二寨嘉靖初安卒子銓嗣顯復殺銓奪印而去銓  
子崇正幼與其母訟諸朝顯與子普宗又坐法徙騰  
而宗妻遺腹生阿乃諸得食乃童寨及崇正長襲官  
阿乃亦長據乃童倚紅衣黑脚諸險慨然曰瓦喇孔  
五畝水塘吾大父食邑也不與崇正崇正訟之竟不  
與于是相仇殺會僕人記來阿烟矣三百人藏匿祿  
谷崇正密召至主魯寨而以酋長易免掌之阿乃亦  
召黑脚校南諸蠻兵並為亂當是時曲在阿乃未幾  
阿乃死可罷兵崇正欲盡并從弟崇新崇順案令車  
昂李朝鳴引記未等擊新等思奪其地不克值臨安  
衛經歷鄧鑑僕李英亡命納樓崇正召與議陰賂千  
金一聽英所為英復引僕人阿挑阿雙七百人擊破  
芭蕉嶺菲肯寨殺阿責等崇新亦帥酋長別者電王  
廷相阿馬等引校兵五百人擊破羅白俄賈法克諸  
寨殺畧刁撐俺他等崇正憤甚復引僕兵擊破打娘  
牙寨殺落書等會萬曆改元下令逮捕諸亂者先遣

材官騎士驅校兵出境乃襲捕崇新順白亨白鮮王  
廷相阿籠等十餘人而臨安亦捕獲車昂李忠等並  
繫之獄已復逮崇正不至御史按之急始就吏竟坐  
法死免子僕襲而吏議以崇順不與亂謀乃出順令  
其子五官保並食別者電寨餘瘦死獄中李英聞順  
出怒復引僕兵擊破別者電殺博等明年鑑復令李  
英趙春擊破者電殺順其妻楊氏及五官保迨芭蕉  
嶺英乃據宗恰孟弄以為險守將揚州鶴出戰不利  
別將揚守廉復調蒼甸兵轉戰復不利都御史鄒應  
龍會征南將軍沐昌祚統武定新化兵四面攻擊大  
敗之生擒李英阿挑阿雙習翰即掌李會僕死英等  
亦死應龍予告去僕人阿六矣登乘間出殺略御史  
郭廷梧等議以僕攻僕調廣南土舍僕文舉往捕果  
生得記來阿烟矣阿六矣登及即阿即楞等而餘黨  
悉平其後紀平僕功謂應龍撫御失宜免應龍其他  
邊將揚守廉等皆以要功故繫坐市死  
緬甸古朱波地漢通西南夷謂之揮唐謂之騾宋元  
至明則謂之緬以其道里之緬邈也其族不一種呼  
十緬有所謂楞子阿瓦如猛別雅會普漸洞吾擺古  
者而築江頭太公馬來安正國蒲甘緬王五城元至



元間遣將軍兀良吉解擊破之建邦牙軍至高皇帝十六年緬王南達來朝明年置宣慰司以其長卜刺浪為宣慰使卜刺浪緬王稱也緬人呼王為卜刺浪王之妻為米潑刺其地東至八百南至海西至孟養北至猛密去黔南二千二百八十里由金齒滿漂過怒江踰高良弓山取道麓川經蠻牛莽港蒙屯汎金沙江至緬境有城郭廬舍金銀寶玉且饒鹽利王出入乘象馬有文書其行軍者名錫刺善火器置烏鎗數弩錫刺每持兵在前則衆荷供其隨之故軍行五六萬戰者不滿二萬永樂元年緬酋那羅塔者卜刺浪長子也詔使襲宣慰而更定平緬木邦孟養緬甸八百車里老極大古刺底馬撒靖定為十宣慰司至五年緬酋馬者速復來朝馬者速者卜刺浪次子也初卜刺浪分緬地使那羅塔管大甸次子管小甸暨卜刺浪死那羅塔盡收其土地人民有之而逐馬者速往依速睹高土官板洋為贊塔至是來朝訴其情而請復小甸以從父命詔諭那羅塔使悉還土地資產既而緬人與孟養乃木旦仇殺執行人張洪持節往正其罪那羅塔遣使乞宥許之十五年建緬甸館於京師宣德二年宣慰新加斯與木邦仇殺而死子

弟皆潰散緬者父老共推大頭目莽得喇權理其地而緬人便之遂請莽得喇襲宣慰使五年麓川思任及緬甸莽得喇各遣使上言木邦罕門占據其地黔公沐晟諭遷之至正統中不明任適緬尚書王驥定西伯蔣貴索任于緬而許以地緬乃獻任并其妻子敗徒板賽等語詳麓川傳中弘治元年緬甸來貢且言安南侵其地二年遣編修劉戩諭安南罷兵而其後有莽紀歲者為木邦罕烈孟養思倫所殺當思倫罕烈之擊緬也既殺莽紀歲而瓜分其國緬人赴闕訴不報嘉靖七年始命永昌知府嚴時泰往勘時孟養尚強思倫夜縱兵鼓譟焚驛舍時泰等僅以身免乃別立土舍莽卜信守之而去時有齎金牌千戶曹義併為所殺值安鳳之亂不遑問其事也莽紀歲有子生于雪中其體有光滿室因名瑞體少奔匿洞吾母家洞吾酋養為己子既長與養母通洞吾酋死瑞體妻養母而有其地洞吾之南有古喇一名擺古濱海與佛郎機隣古喇酋兄弟爭立瑞體和解之古喇德瑞體爭割馬草地為獻受其約束瑞體唯喇唯喇華言公道主人也瑞體乃築寨絕古喇糧道殺其死弟而併有其地會緬僧有妖術者歸之樹



海崗七十自衛諸蠻畏之尊為金樓白象主當是時  
滅緬者木邦孟養而與緬相抗者猛密也猛密思烈  
子思奔思孺相爭奔訴于瑞體瑞體殺奔立思烈次  
子思混改名思忠而假途于混以掠孟養即留土目  
卓吉據其地既而卓吉為奔塔猛乃酋別混所殺瑞  
體破猛乃執別混即欲入寇內地時朝議用總兵官  
沐朝弼請已于蠻哈設兵防緬瑞體既有兵進去故  
事土司襲者皆勸實請命于朝隆慶二年木邦土舍  
罕拔遣使告襲官吏有索賂者拔怒與弟罕章集兵  
截旅途使漢人不得通會之鹽乞于瑞體瑞體餽之  
五千緡拔感緬而志中國遂携金寶象馬詣瑞體致  
謝瑞體見拔歆甚贈以寶帶緬鐸白象扇錦珍貝香  
藥甚夥遂約為父子時有官府只愛一張紙打失地  
方二千餘而于是向之為緬警者今且臣緬矣潞江  
安撫線貴聞之亦投瑞體日謀聚內侵且遣使召隴  
川多士寧士寧不從既而士寧為岳鳳所殺鳳隴川  
拜弄也會于崖宣撫刀怕舉死罕拔請瑞體襲于崖  
下則隴川多忠幼而新立可乘勢取之瑞體卜于緬  
僧吉其子奔應稟悍而狡謂瑞體曰隴川于崖雖無  
主路遠難取迤西思箇地廣兵強世讐殺倘我遠事

川崖而乘虛襲我敗道也莫如稍助拔兵聽其自取  
失迤西木邦在我肘腋若迤西不為我有尚望能出  
三宣侵永騰乎瑞體然之借拔兵一萬令自取于隴  
而已率兵侵迤西迤西思箇出應敵相持不決而隴  
川岳鳳見其主幼陰欲據其地亦賫重賂投緬拜為  
父蠻莫土目思哲亦迎降緬緬紬為義子乃調緬兵  
萬餘為疑兵出入于緬甸迤西界上牽制思箇復檄  
罕拔兵會岳鳳隴川襲多忠萬曆元年緬兵至隴川  
多士寧妻罕氏木邦女也力不能走懷印信携二子  
多忠多孝並二女及姪罕朝光潛奔永昌當事不能  
救仍遣罕氏還隴川罕拔素疑朝光欲爭襲木邦宣  
慰惡之至是鳳見罕氏同朝光還遂貽書拔請為拔  
除朝光并戮罕氏拔喜令罕章罕難等助之夜襲罕  
氏罕氏携二女走于野鳳執之斫其右臂奪其印并  
擒殺朝光而生送二女于緬多氏族屬殘殺殆盡鳳  
遂受緬鐸據隴川乃與罕拔思哲定盟必執思混下  
猛密奉瑞體以拒中國時偽為錦葉象函貝葉緬文  
稱西南金樓白象主奔噠喇王書報天皇帝中多諄  
謾之詞皆鳳所為也而罕拔則恃緬勢召于崖刀怕  
舉弟怕文曰汝嫂我妹也吾欲妻汝并汝死豈撫容



為汝襲可據干崖以臣緬怕文扶二子奔詣同知薛  
衛守備李騰霄想言技欲怕文背漢事緬妻嫂疑  
無天理怕文世受國恩願與戰次日方戰遠瑞體遣  
子應襲刺斬率衆二十萬分戍隴干間技以其兵驟  
臨之怕文潰奔永昌而衛與騰霄俱退去技遂取干  
崖即令罕氏收掌罕氏即技妹也且與緬譯令罕氏  
以女土官臣緬而召蓋遠副使刁思管雷弄經歷廖  
元相佐之給貝葉符令同守干崖以防中國當是時  
木邦蠻莫隴川干崖諸夷俱已附緬而迤西猶未決  
也金騰副使許天琦遣指揮侯度持檄招諭迤西思  
箇乃刻木二一書天皇帝號一書莽噠喇率衆拜之  
以卜向背而莽噠喇木墜地思箇乃受諭與瑞體抗  
時瑞體大發兵攻迤西思箇告急會琦已卒署事副  
使羅汝芳知其事搗思箇使者給空劄許以世襲令  
先回待援而募商人慣入緬者予金繒令往密伺其  
虛實來報于是檄近緬諸夷說以內向依期援迤西  
遂調漢土兵馬躡至騰越思箇聞援至喜甚立令土  
目烏祿刺送領兵萬餘絕緬糧道于阿瓦寨且督大  
兵伏要撤誘緬兵入截其歸路然後自衝其前而請  
援兵自隴川尾擊之緬大敗會糧絕撮金易合米屠

象馬盾木剝草以為食疫癘大作死者如丘山瑞體  
請和不許時水兵開江中石關衝潰緬舟而迤緬諸  
夷如景邁猛擊密受汝芳檄者各調勁卒聽指使值  
大許諸道入覲者恐軍興阻行移書諸同事合文止  
援因汝芳不聽遽謁巡撫謂兵連禍結夫馭夷之道  
不便撫臣王凝馳檄止汝芳汝芳接檄投地大罵然  
已無可如何思箇力既疲援不得發去鳳偵知之暗  
集隴川兵二千煎程援緬導瑞體由間道遁去思箇  
力追之且追且殺緬兵生還者十不一二然而已失  
機事矣五年巡按陳文燧上請經理然與時宰相牴  
牾事亦寢六年廷議遣使將迤西所俘瑞體兵象植  
以金幣諸物送還瑞體瑞體不謝七年永昌千戶辛  
鳳奉使買象于猛密猛密酋思泥即向瑞體所立改  
名為思忠者也時亦臣緬執辛鳳并軍伴送瑞體會  
瑞體修佛事遣使持檄葉緬文送鳳回是年瑞體  
復率兵象侵迤西報勇撤之怨思箇以無援賊奔  
將之騰越中途為奴即都等執送瑞體瑞體殺之盡  
獲迤西地八年巡撫饒仁侃遣舌人李阿烏諭緬阿  
烏至擺古見瑞體道皇帝威德引先年蔣貴王驥征  
麓川事瑞體不語及言罕技岳鳳不法假緬力擾漢



地瑞體陽應曰吾不知也居旬日趨阿烏還十年岳鳳領緬兵襲破于崖土婦罕氏父臣緬今復奪其印俘之無何莽瑞體死子應果嗣

當岳鳳罕拔之臣緬也為瑞體招附諸夷拒中國浸已成勢顧鳳心忌拔常諸拔于瑞體不應至是噉應裏殺拔併木邦地時拔子進忠守木邦應裏遣弟應龍代之拔孽子罕鳳與耿馬舍人罕度謀共擒進忠獻應龍乃以灣甸州景宗真為嚮導追進忠于喳哩江進忠挈妻子內奔兵象從者不十一餘悉俘于緬緬兵入姚閣十一年正月朔焚掠施甸剖孕婦以下男寇永昌女寇順寧腹破得女攻順寧破猛淋寨指揮兵繼勦千戶和維垣死之是年冬又攻蓋達副使刁思定求救不應糧盡城破妻子族屬盡為所擄當是時于崖刁怕庚雷弄廖元伯進放刁落思南甸刁落憲蓋達刁思定皆陷于緬給事楊文舉先為保山令稔知緬事上便宜七事詔下兵部議巡撫劉世曾巡按董裕請以南京坐營中軍劉綎為騰越游擊移武靖參將節子龍為永昌參將各提兵五千赴援副以土兵應裏亦西會孟養猛密蠻莫隴川兵于猛卯東會車里八百孟艮木邦兵于猛炎大併衆入犯姚

閣綎與子龍大破緬兵于攀枝花地斬宗真罕度首乘勝追招色所向無敵其捷奏有名地者曰蓋達曰隴川曰喃略曰魚刀山曰朋麻曰猛林曰南甸曰黑猛弄曰大窩蒲曰章拜著曰蘆子山曰猛淋峽曰黃蓮閣曰夾象石曰小隴川曰西山曰六庫阿曰戛陽曰遮放其捕獲土日有所謂賴真線垂從拍講線啞喇啞喇亥喇斷波啞啞猛喇喃捧責欠院怕瑞喇衣老成喇喇喇立喇莫喇應吉項乍者而行間紀功有名則土同知高承祖土縣丞楊如損土舍者繼崇土勇小羅姐李八婢土婦安素儀等自十年十月至十一年四月斬首萬餘恢復蠻地二千里乃復用蒲人為偵探以計擒招罕招色于三尖山獲罕度妻朽妾博招罕妻羅送獄于是綎子龍率兵出隴川猛密直抵阿瓦阿瓦酋莽灼瑞體弟也聞官兵至大懼糾猛密思忠蠻莫思順請綎降既而灼行至曩朴病死先是灼有白象一能決勝敗不爽每出兵問之瑞體嘗借以自隨至是問不應應裏乃以灼子乃篤改名思斗莽肘者守阿瓦而岳鳳瞻顧行間深悔緬不足恃乃遣輝岳亨妻刁幼子喃歇先請降綎詰以五事皆如約而後許之一斬陪臣首二追罕氏于崖印三



獻偽鐸四還被擄男婦五招來迤西鳳初出緬所給  
鐸無干崖印不許而復遣子暈烏送罕氏金牌敕書  
及緬路象馬然後請軍門請罪時世曾等謂鳳有心  
計欲借之以招諸夷議處之金沙上游許不死故當  
時猛哈思化迤西思威木邦罕鳳皆殺緬使詣緬降  
進忠亦集其餘衆來奔會六月培毒緬謂官軍必不  
前緬乃率緬甸土舍莽永順蠻莫蠻酒阿線養凱挨  
旦猛莫遮思魯得猛密所部五章蠻弄允莫八外猛  
撥光腦遮傲錫跋猛廣猛矣東蚌小猛養魯諸夷兵  
不避瘴暑先登斬首捕獲無算奏捷陞賞時諸夷向  
背多視岳鳳為去留故緬欲暫假責效俟事平正法  
而當事日索獻俘而不之察也十二年冬征南將軍  
沐昌祚等檻車傳岳鳳五人及莽康啞晏得皮一人  
致京師帝御皇極門受之祭告如例于是諸夷解散  
蠻莫思順阿瓦莽永順孟密思忠錫跋思奇迤西思  
威俱先後遁去仍投應稟詔讓緬等調劉天俸為將  
軍而應稟得意令酋長喇緬臘塔荅等帥阿瓦遮浪  
兵分屯遮魯哇喇麻哈晏廩補魯熱勒哈猿喇奕  
博等城而自以精兵留密堵且扎阿瓦江以為險  
天俸帥指揮楊棟等擊破遮魯哇喇諸城直逼阿瓦

江緬見漢兵至驚潰乘勝斬殺生獲緬日多叢長等  
拓地二千里金騰兵備李材上其事時在陣多土兵  
不知取級既而復往舊隘且報數多參錯御史蘇鄩  
劾李材冒切截蠻酋當緬兵謀以我兵瘴毒死者  
獲數其數仍不合軍書多欺罔帝怒逮材天俸俱下  
獄法司屢上狀原罪不報時材與天俸前後上書大  
抵謂執緬酋大郎長散奪者臣也從迤西戶八章軍  
叢項之請遣杜斌破遮浪者臣也而謂秋毫無所捕  
則當時孟乃曼散是誰捕獲遮些猛曼黑安都六是  
誰安插夫金沙江去五章貫屯七八百里而遙又瘴  
毒居恒尚不能往來豈有兵爭之日諸商得洋洋鼓  
掉而來使臣冒殺如臺臣所言者如以為割屍抵級  
則士卒當暑以疫癘死者約五百人即五百人未必  
一時死隨死亦隨瘞道左何至數月後猶聚屍一方  
尚無腐朽以待臣割剝乎且夷賊自報在密堵城殺  
呀池池別在遮補城殺喃者別者在大別養寨殺嗽  
瓦在曼廩補魯熱城殺喇過在麻哈城殺喇別散未  
聞夷商有名氏者帝終不省論棄市其後以他事出  
獄見李輝傳先是思忠等歸命時朝命嘉其義以思  
忠為猛密宣撫思化猛哈同知思順蠻莫安撫比信



符至而忠等已復投緬乃以忠母罕烘順母罕送各代子領該司印至是應采攻猛密罕烘不能拒率其孫思禮從子思仁奔猛廣而猛密失猛哈思化復連奔蠻莫撮之罕送率其子思華奔騰越時有問罪思化之議巡撫蕭彥密令撫夷同知漆文昌撫化文昌單騎入化壘化稽顙聽命且云奴有助迤西殺緬賊功今無所歸願寄食蠻莫從之十七年孟養酋思真為緬所擄其秤弄思遠奉思真妻來歸給以冠帶令思遠佐思真妻守孟養而思遠乘亂自立為宣慰虐諸部夷引緬兵至聲言還思真殺思遠妻妾同知漆文昌率思遠思昏寄蓋西緬遂破孟拱偽署堵罕于孟養瓊罕于孟拱而去而攻孟廣罕烘思禮奔隴川思仁奔雅益而猛廣亦失十九年應稟欲乘勝至騰永祭告墳墓率猛別阿瓦糾堵罕瓊罕兵象圍蠻莫思化告急時思個據迤西侵猛密以雅會為部落依壘弄洞吾聲援而緬復助之征南將軍徵諸夷兵趨蠻莫多俘獲至那莫江接戰會天炎官軍行不前裨將萬國春選毅騎二百伏等練上下令夜舉火縛諸炬于樹人執三炬植三炬地下高崗鳴金鼓喊呼震天緬望見火光如儉卒至類十餘萬衆反踵遁而戕

兵追之俘斬無算時給事張應登上書條緬事謂騰永去京師三千里而達一應土官請襲者縣道不與勦給但經敵履勦二三十載乃令土官管事強凌衆暴欲其部不亂難矣夫諸部分布原聽調度今策緬事者尚道暹羅國在緬後牛哇喇在緬旁當約令擾之而我得中邀鷓蚌之勝况姚安鶴慶景東北勝蒙化羅次之屬皆近部也夫得擄素有積忿阿瓦久懷不利加之以木邦猛廣猛羅蠻莫猛拱孟養迤西新被讎殺而不因之以撥結諸夷令自相攻擊此為失策至若各省直有正副總戎兩人而滇南獨以一總戎居其省會宜改騰永參將為副總戎其撫夷同知不宜拘九年遷轉之例當隆其體統以運同官行同知事鄧子龍往謂猛卯可屯今蘿菊絲庄在三宣鼎足之中度道里北去騰衝南甸南去隴川蠻莫西去干崖盡達東去小隴川輕騎俱可一日至獨去芒市二日耳誠付子龍以屯而招遠人以墾田編為令甲額占籍者聽其自便復做王驥故事九武職有納粟百石者許陞級予廕以為屯費力勦軍中善造火器者為一營歲時監造土司喧寨不得以金銀什物為常例錢著為令是年應稟遣使等毋海弄查賣貝葉



緬文求通而思仁復叛投緬先是思仁隨罕烘奔猛  
廣時有甘線姑者思忠妻也思仁乘思忠投緬于奔  
行時燕嫂線姑即欲得之以為妻而罕烘不許至是  
罕烘與線姑及線姑子思永皆奔隴川而思仁奔雅  
蓋率兵象犯隴川欲擄線姑去會隴川宣撫多思順  
有備弗克逞懼中國問罪乃同內測歸應裏應裏偽  
署思仁于猛密而罕烘思禮復奔芒市二十一年應  
裏欲以允墨守蠻莫思仁乃以猛密兵及猛拱堵罕  
孟養堯罕集衆三十萬象百隻擁送允墨據蠻莫思  
化敗走墨等立九大營深溝高壘為久駐計仍分道  
內犯一入遮放芒市一入臘撒蠻額一入杉木籠並  
出隴川多思順不敵奔猛卯二十二年巡撫陳用賓  
出駐永昌先縣重賞購思仁頭乃以叅將王一麟攻  
播哈指揮錢中選攻上關守備張先蔭攻打線中軍  
盧承爵攻哈噉左右大斬獲遂克復蠻莫追之踰等  
練賊狡甚僅以羸兵數人馬數匹遺道左既而以象  
數隻羸兵數人遺道左而伏其勁者于箬崖中俟官  
軍逼出擊之官軍遂不敢窮追而這時御史李本固  
倡設關屯計而用廢成之築八關于騰衝之邊曰萬  
奴曰神護曰巨石曰銅壁曰虎踞曰天馬曰漢龍每

四關設一守備戍之而募閩人黃龔使暹羅約與得  
楞夾擊緬緬初以猛卯多俺為鄉導寇我東路至是  
遣木邦罕欽擒多俺殺之以絕其黨于是築平麓于  
猛卯大興屯田會是時邊事旁午餉不給運米石十  
金而值不與故銳意興屯三宣之內以營兵任屯其  
他非營兵而額屯者聽二年小成免其賦三年大成  
始十一而賦之是年緬督思仁寇蠻莫大敗之斬其  
渠丙測二十六年車里老搗刀舊猛刀怕猛等入貢  
而取馬罕們灣甸景從真鎮康刀悶枳蓋達刀思權  
皆修貢事獨孟養思轟以來歸為緬所擊擄各土司  
合款之緬潰去先是緬遣孟璉孟良及土舍刀派漢  
等乞款貢詔賞應裏及子景邁荷喊拍詔銀兩使其  
赴騰衝來領復申之某令曰毋陽順陰叛毋父貢子  
犯毋報怨思化其殺思化亦曰毋絕緬賈道而緬竟  
違詔至是思化子思正乘多思順之喪襲隴川據其  
妻罕氏三十年阿瓦雍罕與木邦罕板子罕禮俱率  
兵討思正當事者殺正以止其兵三十一年雍罕罕  
禮亦入貢緬勢頹衰而暹羅得楞復連歲夾攻緬殺  
緬長子莽機搗擺古殘破自此緬不敢內犯然蠻莫  
擺古洞吾等練諸近緬部終先後附緬如初至崇禎



未變莫思綿為緬屬宇暹木河會明亡永明王借號南徙與黔國公沐天波等走蠻莫思綿使告緬使入迎之且傳語述萬曆時事并出神宗璽書索令篆合之差一分以為偽天波出已印相比無差始服蓋自天啟後緬竟絕職貢無可考驗故也時天波與蒲縵謀乘間走戶臘二撒不果遂入緬居阿瓦對江阿瓦即緬酋所居城也永明從行者皆分給土人為奴惟岷王子八十人適暹羅去八月十五日為緬朝會節各縶俱至強天波等行禮天波不詘同官馬吉翔李國泰輩歸而耻之道經永明妃弟王維恭家索酒飲維恭有蠻妓黎心令出歌舞黎心泣曰此何時尚作樂耶吉翔怒捷之會永明將偽西寧王李定國以兵索永明致緬兵于洞武諸硯及瑞羊岳逕抵南嘴喇江屯洞伯別將白文選屯象腿各去緬城八十里以無舡將造船于馬得狼井角緬大恐謀殺永明以絕望值緬酋弟莽猛白弒兄自立慮諸蠻不伏欲示威集兵殺永明從臣天波以下四十二人然後出兵奠定國戰定國以十二舟濟師風發覆五舟急引還屯黑門坎文選遽死走迎大清師于錫泊歸命定國走景線復走猛臘道病死

而緬人縛送永明王于軍前請降時同降者有孟良孟定木邦蠻莫猛密孟養諸有名部皆緬屬者繼榮羅雄土官也父濬為知州營長妻美殺營長奪之生繼榮十四歲即持刃逐殺濬濬大驚欲置繼榮死終以其母故不忍假為就學錮他室寔囚禁之隆慶中濬老無子乃釋繼榮出使替職繼榮據州遂逐父父訴之鎮撫鎮撫救繼榮迎濬濬歸繼榮陽事之賢則囚禁如他日因已狀且別求其嫡母隆氏而通然父妾有沙氏者不肯從經死濬密遣土目者希許鎮撫繼榮覺殺者希會萬曆九年大調羅雄兵鎮緬繼榮將行恐留濬為難遂弑濬時濬蓋土知州安世弟世絕其妻安素儀典州事亦提兵赴調繼榮見素儀大悅遂請合兵宿其營姦之且陰倚濬益兵力得自助而越州土舍海現其家搜資氏有珠色繼榮夙與通至是出兵即頓兵其家縱淫樂數夕方去知州越應奎憤甚白兵備謀匿兵資氏壁擒繼榮繼榮脫走繼榮自以為不容于眾且陰恃兵力遂聚黨占隣土不輸站馬強淫諸夷婦無道先是繼榮生時有異徵及生廣額大鼻雙目如鳳兩手垂過膝嘗曰吾以此兩肘揮弄天下足矣至是教僧王道教道揚五



卽見繼榮貌大奇請依繼榮繼榮喜過望乃鍊丁甲  
祠鬼殺虜妾擊旗鼓號神兵且闢場演戲象募諸土  
兵別檄馬卜古獐諸部諸部多應者獨水西隆有義  
本繼榮外家畏禍且恨繼榮因辱母隆氏不應當是  
時臨安善安臨元諸兵備統土兵甚嚴而巡撫劉世  
魯巡按李廷彥並移檄諸道防不測繼營乃以阿東  
阿古李志明等各提兵壁法卽偏頭龍甸羊街子諸  
處攻破陡坡鴨子塘六涼斬土舍沙東土婦資氏奪  
其軍寨石城于赤龍山寨高插天廣六十里建龍樓  
鳳閣于其中而圍以羣寨其下有龍潭九口險不可  
越料諸軍妻若子盡質寨繼榮警渾樹黃蘘茄次日  
幸羣寨淮諸軍妻諸軍妻無敢抗者十三年巡撫世  
魯遣副使程正誼僉事鄭璧為將軍調諸土兵寧州  
祿華誥增峨六志貞師隴勝水西隆有義需益安紹  
慶越州資氏尋甸木遇春路南番騰雲秦世文新化  
普同春武定與世功亦佐沙騰蛟令裨將劉統萬整  
劉紹理郭九疇李廷之等統之並馳普緝營自檄馬  
發兵攻赤龍寨斬阿姑捕酋隆氏資氏海氏賊渠楊  
達孝妖道楊五郎等進攻普得龍及陀木舌星諸寨  
斬王道張道俘獲男婦及降賊一萬七千四百人詔

械什物無算追奔至阿拜江隆有義所將卒斬繼榮  
捷聞賜劉世魯沐昌祚舒應龍程正誼祿華誥等調  
曲靖衛中左所軍羅雄改名定雄建城設流官知州  
殺者繼仁續者氏後給以庄田一切簿書獄訟盡屬  
流官而是後有必六必六土酋羅種居羅雄自繼榮  
滅後必六襲繼榮別寨暗據其妻小隆氏且以召衆  
時羅雄初城知州何侯甫赴任以土舍者繼仁繼者  
氏兵衛稍弛阿六乃壁大莊寨與電連阿非連理阿  
羅阿五得六人挾四姓寨反萬曆十四年破羅雄州  
殺維仁及土目李本忠田承實等而執知州侯驛丞  
張雲錦二人將出城會沙人三百人從他寨還聞州  
城急馳州觀必六謂其援州也大怒合兵殺沙人百  
人沙人奔追之至河上復縱擊沙人溺水死殆盡時  
必六兵少諸夷惡沙人死無故不直無附者而電甸  
人栢林等謀殺兵討必六必六懼乃挾侯為質強侯  
佯移檄太府謂沙人反破州賴必六擊賊賊棄州走  
侯見待罪必六軍請給必六等冠帶旌其功而後治  
侯以失守之罪時臨安兵備文作曲靖兵備金從洋  
知其詐請與兵討賊都御史劉世魯止之卽日給冠  
帶然祇給必六電連二人使諸賊自猜忌于是購土



因丘文奎諸瓊風必給必謝必六遣阿吉詣軍門世  
曾厚賚之必六喜乃與文奎宴文奎密飲諸監門值  
天大風雪寒甚令倭易夷服匿諸瓊家夜出走江上  
江上軍伺援者皆夜至衛侯間道至曲靖而世曾已  
預遣副將李存忠叅將蔡兆吉守備張先聲等統寧  
州越州水西雷益尋甸亦佐諸土兵及馬蓬古獐沙  
夷攻大莊寨破之斬必六阿五得生擒阿東阿卓等  
攻都宜二硬寨破之生擒方俗阿恕者等攻阿邦至  
大箬還擊自硬普拖破之斬阿擺等攻色屋阿野迤  
西七黑安草本外破之斬阿墓等其捕獲生口及斬  
級俘鹵牛馬毘械無算帝賜沐昌祚文作及土官祿  
華誥等世曾先有諭賜告於是改羅雄州為羅平調  
維摩州黃字以同知行羅平事何倭視維摩順寧與  
大候接壤皆蒲蠻也順寧土知府猛氏大候土知州  
奉氏世為婚姻萬曆中順寧猛廷瑞與兄猛思賢爭  
襲相攻殺而大候奉教奉學兄弟亦然學嘗與教分  
州治各設官署上下二衛雖教居上衛學居下衛顧  
相抗無次第有司雖知之亦不問而廷瑞者奉學婿  
也二十五年廷瑞興兵攻思賢奉學助之巡撫陳用  
賓疏請征勦而以僉事李先著叅將吳顯忠統兵攻

城擄其寨廷瑞急請降先著不許令擒奉學自贖廷  
瑞乘間遁觀音山顯忠追及之連破數寨斬奉學于  
陣而廷瑞軍門誅之事聞改設順寧土官為流官知  
府而改大候州為雲州設流官知州併坐先著縱賊  
罪論死未幾順寧猛麻與奉教子奉光奉學子奉恭  
請復土職統矣十三寨莽抗等復搆兵叛二十八年  
用賓復遣顯忠調土漢兵征之未幾平

孟定舊名景麻洪武十五年置孟定府正統間知府  
刁祿孟為麓川所侵遠徙他部會木邦舍日罕葛以  
從征功靖遠伯王驥令覓食其地嘉靖間木邦罕烈  
侵孟定奪知府印私令舍人罕慶覓食之是為厭馬  
萬曆十二年官軍克厭馬復以罕葛之後罕合為知  
府十五年始給新印合死子榮襲榮死子貴襲崇禎  
末孟定屬緬甸明亡永明偽將李定國索永明于緬  
駐兵孟定合元江土兵攻孟良蕪與緬戰而孟定以  
畏緬不少助定國乃徙去  
臨安阿迷州普覺本東山營長宣德中以東山多寇  
設巡檢司命普覺為巡檢給以印既而以他事坐廢  
正德二年巡檢吳文度奏廣西維摩王弄山與阿迷  
接壤盜出沒仍令普覺後普納復繼前職給以冠帶



然或設或廢無定制至天啓中有善名昇者為馬者  
哨哨頭奢安之亂每奉調從征有功巡按傅宗龍題  
授阿迷土知州既而驕甚崇禎五年御史趙洪範按  
臨安名昇不出迎已出戈甲旗幟列教里洪範大怒  
謀巡撫王伉列奏請撤川貴兵會討黔鎮商士傑布  
政周士昌擊名昇敗之進圍阿迷名昇恐陽使人約  
降而陰以重賄誘吾必奎  
吾必奎者元謀士知縣也其先吾氏襲知縣以罪久  
廢必奎征奢安論功復官與沙源普名昇結納名昇  
被圍使謂必奎曰君不聞孤死免悲之語乎阿迷平  
行及元謀矣必奎然之時必奎在調中先登與名昇  
接戰陽敗走官軍辟易遂大潰士昌轉戰死事聞兵  
部熊明遇責伉起釁與洪範俱被逮名昇就撫然騎  
恣益甚會總督朱燮元自貴至懾之以威不敢動燮  
元去跋扈如故廣西知府張繼孟甫到官昌言曰名  
昇人傑顧守法人自疑之耳為牒移臨安道經阿迷  
從來移牒過阿迷名昇必拆觀繼孟故為獎勵語謂  
名昇可大用不宜過激名昇大喜欲一見繼孟會繼  
孟馮兵備使赴臨安名昇陰遣人道候繼孟預戒下  
至阿迷時當訪知州去及至熟睡不得請遂諭州治

繼孟怒立榜與者咨嗟曰此行甚急當速赴而州公  
又必欲會如何乃先置驛騎使之俟而獨以數騎回  
阿迷名昇使還已聞繼孟言及見繼孟乃大喜過望  
跪起迎坐方進茶繼孟謂曰聞公善毒人果否名昇  
大驚曰如公者方恨殺身無以報何為是言易孟請  
先醢遂從繼孟手取盃一仰而盡繼孟遂告別名昇  
苦留之不得曰兵備有事急俟回痛飲未晚也繼孟  
疾馳九三易馬至臨安而名昇追騎將及遽入城免  
是時名昇死以名昇易孟時繼孟已扼毒匙問而名  
昇不知也已而必奎聚眾交連陷武定祿豐楚雄諸  
州縣時寧州土知州祿永命石屏州土日龍在田俱  
與必奎名昇及沙源從征著名二人曾奉調至襄陽  
從總理熊文燦擊破流賊草里眼射塌天于雙溝文  
燦留軍前殺賊文燦敗二人乃罷歸至是黔國公沐  
天波撤之統土兵會勦遂擒必奎當是時名昇妻萬  
氏本江西寄籍女也挾而淫據其衆役使諸小夷選  
部下壯而美者更番侍帳中會沙源與名昇往來其  
子沙定海定洲三人者皆與萬通萬欲於沙氏兄弟  
中擇其一為贅婿而撫定海推魯篤官聞其死弟名  
曰天定而明配定洲因欲定海酒醜之名昇有子曰



服遠恥萬漸為蕞蕞分寨居定洲并竊殺服遠而併其地時張獻忠已陷蜀定洲思據滇值必奎變定洲赴調既至而必奎已擒定洲遂緝亂

方定洲之赴調也沐天波實主之定洲怨言曰何為役我會奸人饒希之余錫朋適天波金無以償錫朋常心土司營誇天波家富定洲心動陰結都司阮韻嘉張國用袁士弘為內應以十二月朔入城辭行天波以家忌未出見定洲率衆謀而入白日焚劫天波由小竇西遁時祿永命在城方巷戰拒賊從官周鼎止夫波留討賊天波疑鼎誘已殺之其母陳氏妻焦氏走城北普吉村之金井巷皆舉火自焚死定洲乃盡得沐氏所有盤踞省城劫巡撫吳兆元為題請代天波鎮滇而執故閣臣王錫象錮之傳檄州縣永命與龍在田俱引所部去萬時居阿達聞曰吾家富為此賊敗矣謀至省執定洲投誠既至見定洲揚揚齒簿警蹕建旗纛晨夕拓鼓與王侯等乃大喜問天波所在因決策追天波至楚雄時楚雄為必奎新破金滄副使楊畏知奉調至楚雄楚雄留之及見天波將合力計守禦未具畏知乃曰公在楚賊必以全力聚攻聚攻必破何不西走永昌使楚得為備賊即西追

恐楚塞其後留攻楚又恐公從西來首尾牽制上策也天波從之定洲至楚雄城閉不得入畏知乃遣人結之定洲去遣其黨王朔李日芳等分攻大理蒙化陷之屠殺甚慘畏知乘間撤城外居民盡入城清四野築陣濬隍撤調土漢兵守之定洲聞永命各守固不敢至永昌至是恐畏知截其歸路急還兵攻楚雄雖百攻不下值畏知坐城樓賊發巨礮擊之烟焰籠畏知賊謂已死及烟散畏知端坐如故因相驚為神畏知伺賊間輒出奇兵擊賊所殺甚夥久之賊引去復東攻石屏不下還攻寧州永命戰死于是迤東稍稍定乃復攻楚雄分兵為七十二營每七營統大營一環城圮濠為久因計會張獻忠死其義兒孫可望率殘兵由遵義入黔詐稱黔國焦夫人弟來復仇民父苦沙亂望其來迎之不知為賊也定洲解楚雄圍去禦于草泥關大敗道歸阿達可望破曲靖及交水俱屠之遂由陸涼宜良入省據城池官署法禁苛切較昔尤甚既而分遣李定國狗迺東諸府而可望自率兵西出畏知禦于啟明橋兵敗被執可望聞其名不殺誘降之曰吾今不為賊矣與爾共扶明如何畏知曰果爾當從吾三事一不用獻忠偽號二不殺百



姓三不擄婦女可望皆許之即折箭對誓乃以書諭天波如畏知言天波亦歸者而李定國之狗臨安者定洲部日李阿楚駐守拒戰甚力定國穴地置礮礮發而城陷屠之殺城中官民于城外白塲合七萬八千餘人斬獲不與焉初意定國破臨安必襲阿迷取定洲乃僅掠臨安子女而回過河西攻破晉寧而屠其城并屠昆陽呈貢歸化殺數十萬人且盡殺臨安所獲婦女數千人于路是時迤西以畏知在軍免屠戮而迤東之殺與獻忠同乃旋師與可望會定國偕可望及艾能奇劉文秀四人皆獻忠義兇稱四王折呈貢昆陽二城磚石及會城民居萬間造四王府于演武塲而尊可望為國王置六部官鑄興朝通寶銅錢括近省田地及鹽井井利可望欲示威戲下念同儕獨定國抗顏急縛定國于演武塲聲其罪狀之百命定國取定洲以贖罪定國雖憾之顧相奉久無如何遂承命行初定洲歸屯兵洱葦菴與萬氏分險守且移通安南借其援以自固會其日有陽嘉賓者迎定洲就營飲宴定國偵得之率兵圍營凡相拒數月出降遂擒定洲萬氏等數百人回省剝其皮市中

明史卷四百十二

土司四

土司傳

五五〇

兩廣土司其先皆槃瓠之裔故兩江大姓尚有以槃為氏者特其種不一其在桂林興安義寧柳州之融縣懷遠界者則謂之瑤椎結跣足不供賦役種芋菽為糧截筒為炊不足獵山獸績食兒時燒鐵石烙其渠磯使不仁輒能履茨棘析楠而弗之傷其在慶遠南丹宜山及平樂之荔浦修仁桂林之永福則謂之獠裸處谿峒頑冥不馴即隸版籍輸賦謂之熟獠否謂之生獠在忻城荔波及天河北西三鄉永順永定二長官司尤難於向化有曰獠者據左右兩江為虐俗稱山獠依山而居無尸從版籍以射生為活推其村之豪曰即火餘但稱火歲首取土杯十二貯水隨辰位布列即火者祈焉經夕集眾觀即寅有水而卯耗者則正月兩二月曠舊傳其類有飛頭鑿齒花面赤視之屬凡二十一種其曰蠻者有撫水蠻其酋皆蒙姓以毒卉傅矢射生取鳥獸盡則徙有西原蠻率寧氏相承別有黃氏居黃澄洞在南寧西南有廣原蠻泮鬱江之源阻險絕蹟其在南江之外稍有稱名者曰羅氏在宜融之西南寧之西北唐會昌中



封其首為王世襲爵為大抵廣西諸屬繁獠錯居其  
最險者曰左右兩江曰大藤曰六十三山四六山曰  
七山屢煩征伐而廣東則五嶺迤西蜂房蟻穴根株  
盤錯者十三州縣其地里川原編幅之延袤者千有  
餘里而總互轄於桂柳潯梧之間自高要南峯至新  
興百餘里間有雲浮山王三坑鐵場峒官廳地黃沙  
運蕪行雲燕黎峒密峒料峒林峒諸巢自新興至陽  
春百餘里間有高峒雙峒崩石峒富林鴨聞黃沙小  
邗白梅峒青水紅豆深掘雲青諸巢自陽春至恩平  
百餘里間有牛牯突白面石磨刀水圍村洗馬潭十  
三村諸巢自高要江行二百里至德慶以龍水為界  
下曰東山則有富祿峒柞峒上臺下臺石狗天所北  
涌水澗赤土歐塘柴坑東模大千火燒下埔封門大  
峒頭大臺尖底崩楊柳桐村茅坑篾芋塘邊苦竹根  
石背諸巢上曰西山則有羅旁大刀石龜嶺嶺埔百  
片大埔拱埔封門思律思遙木埔強車教馬鞍野芋  
下城水口龍塘古蓬諸巢種類不一而總名猺獠  
間有隣峒閩匪與四方亡命相依為生者又謂之浪  
受撫者曰浪民否曰浪賊設營堡屯哨於德慶上下  
江道與高要高明四會廣寧新興恩平隴水諸州縣

間調歸順下雷東蘭那地狼兵戍之而狼兵則擇取  
諸狼提調編保別給田任種且耕且戍謂之狼家洪  
武元年左江太平府土官黃英衍右江田州府土官  
岑伯顏皆責印降會廣東初平都指揮取天壁取南  
安僱萬諸州遍降黎岐生熟小陽峒主汪官恭等編  
籍定賦改瓊州乾寧安撫司為瓊州府而廣西則遣  
中書照磨蘭以權齎詔往諭左右兩江溪洞官民兩  
江懾服會上思州黃英傑抗戰丘廣擊敗擒斬英傑  
及黃權等上思州平遂以廣西行省所上便宜七事  
設南寧柳州二衛增兵守禦而改慶遠安撫司為慶  
遠府置靖州衛命指揮劉才僉事孫惟劉福等築城  
戍守更以殿中侍御史尋適為按察司使監察御史  
王子啟胡子祺為僉事且諭之曰廣西地控諸蠻民  
未稔化當此兵革周傷之際恐不能撫恤又從而害  
害之因特命往司風憲而以寬裕嚴明撫輯其眾其  
明年田州總管黃志威招來奉議等州一百一十七  
寨帝甚嘉之乃平柳州道村寨蠻寇韋布等并定廣  
東南海肇高雷廉山寨蠻蠻并羅旁蛋戶黎岐等復  
以田州知府岑聖泗城州知州岑嘉忠曾率土兵捕  
寇遂於其地選取健丁各五千人立為二衛以嘉忠



之子振堅之子永通爲千戶統其兵俾之守禦以備不測乃以廣西布政司領長官司三曰永安曰上林曰安隆隸兵部武選設土官一百五十七人其知府四人曰思恩曰田州曰思明曰鎮安知州三十二人曰思明曰結安曰下石西曰利曰都結曰奉議曰思城曰上思曰龍英曰鎮安曰江曰結倫曰思同曰果化曰都康曰茗盈曰萬承曰全茗曰上下東曰泗城曰太平曰向武曰南丹曰歸順曰安平曰忠曰思陵曰龍曰歸德曰那地曰東蘭曰上隆同知一人曰左州知縣六人曰羅白曰憑祥曰上林曰陀陵曰羅陽曰忻城縣丞一人曰上林主簿一人曰懷遠典史二人曰桂平曰貴巡檢十三人曰永平寨波羅里大洞三寨鎮安平鄉理源鎮高井寨尖山鎮周冲都樂墟古江口羅目鎮慈樂寨東鄉副巡檢九十八人曰木盤浦鎮鄒寨白石寨覃觀旺思隆鄉連城鄉武羅鄉武林鄉辛安寨東禪鎮那龍寨大約鎮寨下市界牌鎮安城鎮歸仁鎮古眉寨白面寨群峯寨遷隆寨西舍寨麗壁市桑江口古些鎮三畔鎮三門灘大寧寨龍門寨靖寧鄉宜良鎮都博鎮新興鎮歸化鎮吉清鎮廖洞鎮江口鎮章駱鎮安湘鎮樂善鎮莫離鎮武

陽中洞鎮通道鎮清流鎮思管鎮鸞頭隘伴江鎮西峒鎮潯江鎮萬石鎮安永鎮縣郭鎮清水鎮李廣鎮思龍鎮東江鎮德勝鎮大曹鎮思農鎮北蘭鎮安化鎮普義鎮吉定鎮歸思鎮上保鎮金城鎮方村蒙村窮果兩江口峯門寨南源寨常安鎮龍平寨西嶺寨鎮峽寨白霞寨邊邊寨信都鄉沙田寨樊家寨白花洞口渠樂寨金城寨八尺鎮那樓寨橫山寨南鄉南里鄉大宣鄉馱演寨鸞頭鎮都名鎮丹陽鎮周冲大宣鄉靖寧鄉大黃江口北山懷遠鎮湘山渡頭其後降田州府爲州思恩府爲軍民府而移桂林之荔浦修仁入平樂南寧之武緣入思恩增桂林之永寧平樂之永安昭平潯州之武靖南寧之上思新寧而增設知州一人曰武定吏目一人曰思州巡檢二十六人曰臨時崑馬甲大田子甲子甲陽院思郎累彩怕河武龍拱甲麻甲婪鳳下隆縣甲篆甲砦桑怕牙思幼候周思恩白興龍定羅定安古零那馬下旺都陽改流知州二人曰養利曰上石流知縣二人曰崇善曰永康隸吏部驗封

慶遠土舍常富抗其先在唐宗時世有東蘭西蘭二州及儂智高反窺匿失官逮其父晏勇始據有東蘭



故地洪武初富撓遣土目常錢保詣闕上故元所授東蘭州印貢方物時錢保欺謾故匿富撓名而漫以已名上之朝廷不察即以錢保為東蘭州奉朝命赴任揚揚設施富撓無如何既而錢保以徵斂暴虐虐土民土民不服乘富撓快快遂召眾挾富撓稱亂官軍進討之先擒其黨常公煥力言錢保冒襲不平土民激變有所自於是乃奏聞執錢保去官而勅富撓戴罪責後效始定

初洪武改元龍州土官趙帖堅以萬戶府歸附設改為龍州知州許世襲職及帖堅卒無子其姪宗壽襲土官知州既而鄭國公常茂以罪謫其地帖堅妻黃氏有二女其一為太平州土官李圓泰妻而茂納其一為妾方是時宗壽雖襲職帖堅妻猶持土官印與茂共擅州事數凌逼宗壽會茂以病卒其間者趙觀海等亦素與宗壽為難宗壽乃與其把事頭目用計取土官印上封事言茂已死并械觀海等至京而帖堅妻亦使人告宗壽擄掠與李圓泰謀劫茂妾并其奴婢往太平州且搜趙氏祖父官誥諸物盡掠取之又欲并奪龍州之地因親至京言宗壽實從子不應襲宗壽亦上章言狀帝詔宗壽勿問獨議帖堅妻與

圓泰罪既而以蠻夷遠人并釋之無何有人告茂匿龍州未死前宗壽所言皆妄詔都督榜諭如茂果存宜解京贖罪如果死宗壽親來京具陳其由而宗壽不出帝命兵部尚書致仕唐鐸賁勅往諭復不出會守臣告奉議南丹諸寨蠻人梗化乃遣發湖廣江西衛所馬步官軍六萬餘人及諸衛漢達官軍進征龍州時都指揮韓觀捕獲宜山蠻寇二千八百餘人斬偽大王常召偽萬戶趙成秀常公旺等傳首京師帝乃命觀還軍廣西而以左都督楊文佩征南將軍印副以觀并僉事宋晟為左右將軍遣諭安南王令輸米二萬石助糧而趨江陰侯吳高安樂侯吳傑統諸衛兵警宗壽宗壽懼請伏罪來朝仍乞唐鐸還京而親率者民儂里等六十九人伏闕謝罪貢方物詔釋宗壽勿問而救移兵向奉議南丹所至皆破僉事胡冕等追捕柳桂西山養牛諸洞山賊擒渠康節孫斬之觀等分兵討都康向武諸州縣連破更吾蓮花大藤峽諸寨斬渠黃世鐵并其黨一萬八千三百六十餘人蠻寇盡平鐸乃奉命相度形勝置奉議等衛并向武河池懷集武仙賀縣諸守禦千戶所設官軍鎮守焉



宣德四年上隆州土官知州岑瓊卒無子有姪岑崧尚幼土人訴於朝言瓊母陳氏有才識可理州事願得陳氏襲職以撫其民詔從之土官之子死而母襲者自陳氏始

泗城州女土官盧氏故土官岑瑄妻也瑄卒無子盧氏襲職知州事既而盧氏以其姪岑豹年長乃致仕請豹承襲豹既襲忽仇盧氏率土兵五百人圍盧氏廬謀殺之且毀伯父瑄像盧氏欲廢豹疏言豹無道所為不孝難使承襲而豹之叔父利州土官知州岑顏亦奏豹與兵謀殺盧氏侵越地方州民被害獨都督山雲謂豹實故土官岑瑄之姪雖欺凌盧氏有據而承襲其本事也若盧氏瑄妻本豹伯母原以借襲致仕宜量撥田土以贍終身仍請教諭岑豹毋肆侵擾帝乃遣前使烏撒烏蒙行人章聰侯進賚教與雲詳三司巡按御史覈諭之

思明府土酋黃瓊上世皆土官其弟瑯以世嫡為恩明知府正統中瑋積捍禦功授丘溫衛指揮累遷廣西都指揮使守潯州者八年至景皇帝時瑯之嫡子錄怨不得襲瓊以計授錄聚兵五千圍府執瑯及兄鈞等欲之既而又圖奪嫡乃盡發錄罪使其子灝陽

聞於官若欲為瑯伸理者巡撫李棠總兵官武毅廉得其實坐瑋罪當死會憲宗在東宮景皇帝有子曰見濟瑋遣人入京先賂用事者乃具奏請立見濟為皇太子景皇帝大悅命禮部會廷臣議大學士陳循力主之將復疏署名吏部尚書王翱有難色循持筆長跪強翱署名上帝如議於是出憲宗就沂邸行賞翱頓足嘆曰此何等事乃出自蠻囚耶瑋遂蒙大赦原免復職并進都督賜誥命極其褒獎勢焰薰灼人多趨其門棠致仕去未幾見濟薨英宗復辟憲宗亦復位東宮而瑋已死命發棺鞭其屍

大藤峽在潯州萬山中山有水名潯江發源柳慶東流至州經象州永安修仁荔浦平樂諸境夾江西山皆哈呀截業其取險惡地為大藤峽以其有孤藤凌澗如徒杠然故名南截潯水為府江自藤峽至府江約三百餘里其地惟藤峽取高登峽則數百里皆歷歷在目故軍旅往來顧盼立盡諸蠻以此為奧區桂平大宣鄉崇姜里為前庭象州東鄉武宣北鄉為後戶藤縣五屯障其左貴縣龍山據其右若兩臂然峽北崑洞以百計如仙女閣九層崖尤極險阨者峽以南有牛腸大姑諸村皆綠江立寨藤峽府江之間為



力山力山之險倍藤峽為又南則為府江週遭六百里其中多冥巖與谷層崖絕壁入者手挽足移一步九折一失足則墮身數百仞下中產猺人藍胡候盤四姓為之渠魁其山多縵土而側耕危獲不服租庸饑則拾橡薯射狐掘鼠赤衣血食言語侏僂且憚見官府往往通向化猺老結城市豪強號曰招主自稱曰耕丁其力山種人善傳毒藥弩矢中人無不立斃者雖四姓猺亦憚之景泰中猺酋侯大狗倡亂嘯聚萬人修仁荔浦平樂力山為之嚮應遂攻陞州縣出沒山谷守吏不能制率以招撫糜之時朝廷方北患兀刺未遑也天順七年賊劫上林縣攻梧州城時總兵官泰寧侯陳涇駐兵城中會太監朱祥御史吳璘副使周琦等方議調兵而賊夜駕梯踰城啓門劫府治官庫放獄囚大肆殺掠執琦為質殺訓導任璩而涇等擁軍自衛不敢發一矢時致仕布政宋欽家居挺身出以大義諭賊被害黎明賊聲言毋動動即殺周副使涇等乃使人與賊講解逮曉時賊方出城去既去縱琦還時官軍數千賊僅七百而已自後奏報劫掠殺越城市無虛日有州縣被圍經年不解者總兵顏彪都御史葉盛嘗與戰頗報斬獲然終以懼敵

未經剿盪遠奏班師及軍迴而賊復集於是御史王朝遠奏請大征而副總兵范信乞調達兵并衛所旗軍有才力者協同進剿詔能捕大狗者予千金爵一級竟不可得甚至蔓延廣東高廉雷諸境而廣守臣皆待罪兵部尚書王竑乃言峽賊為亂久矣其始皆由守臣以招撫為功譬之騎子之啼者愈恤愈啼非流血捷之啼不止浙江左叅政韓雍有文武才屬之討賊可紓南顧憂而諸將中惟都督趙輔勇畧可任帝乃以雍為左僉都御史輔為征夷將軍僉事和勇為遊擊將軍太監盧康陳宣監視軍務戶部尚書薛遠督餉御史劉慶汪霖紀功而一以便宜專屬之雍曰將士有功者得自署三司而下不用命者以軍法論成化元年雍偕諸將會南京議進取方畧皆曰兩廣殘破盜所在屯聚宜分兵撲滅之令一軍由庾嶺入廣東而大軍由湖廣入廣西賊在廣東者驅之在廣西者困之雍曰不然賊已流劫蔓衍而所至與戰是煽禍也藤峽為賊穴吾以全師擣之則東可以應南詔西可以取柳慶南可以援高廉雷而北可以斷陽峒諸路所謂腹心既潰則遊魂自息舍此不圖而分兵四出賊必擁而漫流流賊愈多州縣愈破所謂



救火而噓之者也諸將曰誠如公言乃以官軍三萬人兼程而進方至全州值陽峒西延苗賊為梗先以偏師擊滅之斬夫律指揮李瑛等四人一軍股栗及至桂林復召諸將按圖議曰修仁荔浦藤峽之羽翼也羽翼不剪則腹心難除乃以永順保靖及兩江土兵十六萬人分五路進先破修仁窮追至力山大敗之生擒一千二百餘人斬首七千三百餘級乃進潯州延父老問計皆曰大藤天險重嵒密箐三時瘴癘某等生長其地尚莫得要領且兵聲既振賊備益堅莫若屯兵圍之且耕且守則不戰自斃矣雍曰不然峽山遼濶紛披輪困六百里間安可圍也且屯兵日久將士離弛睥睨衝突安能悉防兵法有之先人有奪人之志乘勝之謂也令我軍既破府江勇氣十倍峽賊聞之亦已號魄因而乘之何堅不破乃以六萬八千人為右軍令總兵歐信參將孫騏高瑞都指揮夏正等將之自象州武宣分為五道攻其北以九萬二千人為左軍令都指揮白金楊興張剛王圮指揮唐雄等將之由桂平平南分為八道攻其南復令參將孫震指揮陳文章等守左江及龍山五屯防其奔軼而自與輔勇營高振嶺以督諸軍且令歐信曰山北

既破便可提兵深入夾攻桂州橫石諸厓令夏正曰林洞沙田府江間道也宜越古眉雙髻諸山伏兵林峒扼其東奔諸將敬諾於是諸道並發腹背夾擊賊既失利乃置婦女積聚於桂州橫石寺塘據險立柵而悉力出捍於峽南置滾木礮石鏢鎗毒矢下如雨注官軍仰山而攻雍督戰益急敵少息雍覘其急急擊之將士用團牌把山席壓二芭諸器貫以進皆殊死戰呼聲裂山谷賊氣奪乃縱火焚柵賊大潰散歷破山南石門大信道袍屋厦紫荆竹踏梁腦老鼠塞嶺林峒沙田古營牛腸大岫大塞諸寨賊屋廬藏積諸楮會日暮雍命就營賊巢中衆粟粟視雍恬然整暇咸恃以安賊既潰入橫石諸崖雍飭兵窮追伐山通道行數日至其地賊上九層崖抗戰前樹大柵用千觔礮石從雲霄轉下聲如轟雷且弩矢如注不可當雍誘使大發而令人間道潛涉其巔覘發竭舉砲賊大駭雍麾死士以大斧刊木扳蘿而升前後不絕如蟻漫山奮擊然後發火箭焚柵而正等亦自林峒來援賊大奔生擒大狗等七百八十餘人斬首三千二百級招其流冗千餘人磨崖石紀歲月而還土人謂自國初用兵未有窮巢破穴如此甚者先是峽



中有大藤如斗延亘兩岬諸蠻皆緣之以渡至是斬峽藤斷之名斷藤峽先是大軍由修仁抵峽道有儒生里老數十百人持香跪迎曰我輩苦賊久矣莫敢自拔今幸遇天兵得為良民願先三軍鋒雍大怒叱左右縛斬之左右昭謂何故殺良民及縛而利刃出袂間迺知間也悉斷頭散手足剗腸剔胃累累掛箬棘中賊望見大驚沮曰韓公天威也既平雍乃上言諸徭之性悍見官吏攝以流官終難靖亂上隆州土知州岑鐸先因祖母奏其盜嫂謀兄故推鞠在禁乃五年之間竟無証佐臣愚以為鳥獸之族豈識彘倫股肱之言許自中籌聞其人驍勇冠軍倘被以特恩而復其職改隸潯州為諸徭長則効治可立計也又言諸流官巡檢不諳徭俗往來遷轉難以責成請授諸有功土人李晟等為土官巡檢因請移周冲巡檢司於勒馬移靖寧巡檢司於獻俘移思隆巡檢司於碧灘而添設東鄉龍山巡檢司各一至於別類蠻人國初曾充戎伍近用兵時遣千戶李慶招之多宥效順請即本地開設千戶所因其故俗即以慶作渠帥統之帝皆允納於是設武靖州於斷藤峽以鐸為知州屬潯州府進雍左副都御史官子錦承封輔武

靖伯世襲時輔知雍才軍事一聽雍而輔但受命督戰故所向有功暨雍以艱去諸徭稍稍謀聚御史龔晟僉事陶成請立總府於梧州兵部尚書白圭仍俟雍服闋加右都御史再往總制復平那蒲岡婁古平諸賊而廣大定乃與太監黃沁不合求去遂以右副都朱英代之英承雍威力招徠荔浦力山馬平陽朔諸獠定為編戶氓而使之輸賦自是之後民有寧宇者凡三十年其所斷大藤中空截而釘以皮為鼓置參將府門聲聞十里其後兵備移行臺叩之無聲歸即如舊以為神餘具雍傳

趙楷者龍州土官族子也龍州自趙宗壽襲後五傳至趙源其妻岑氏本田州知府岑鋪之女嘗自負家勢專制部事無所忌會源卒無子州人推源兄溥子名相者當立楷即相弟溥次子也姑之謂岑氏曰主何不自為地耶相誠立則州非主有明矣主盍購乳子擁之而親以獲印掌州事是主世世有龍州也岑然之遂以媵僕韋隊子璋範云遺腹子鞠之外家而岑之兄子猛方自大遣府目常好以兵三千納璋勿克楷乃奏言璋實源子當立為相所篡事下督府而楷與璋通賂上下莫敢主相者正德十三年有錦承



兩舍人以別務至左江楷揮千金貽兩舍人詭云有旨以土舍王祥持偽檄遍調鎮安果化向武養利上林諸土兵二萬人送璋入龍州攻相相挈印走匿况村猛遂縱兵殺州人死者二千餘左江大震先是相二子長燧次寶相枝拇寶亦枝拇相絕憐愛之曰肖我當後我至是猛乃以寶去髡為奴都御史楊旦總兵朱騏以變聞猛復賂鎮監傅倫得旨僅赦倫捕祥而逮分守彭夔分巡李淳去餘勿問嘉靖元年相死州人立燧五年猛伏誅七年楷弑燧州人立其族弟煖會新建伯王守仁提督兩廣遣上思州知州黃熊兆勤其事而熊兆黨楷言楷當立宜以州印畀楷楷遂弑煖大亂州目黃安黎容等潛往田州購寶寶為奴楊布家年十三矣安容等以百金購得之言之督府時督府林富與總兵仇鸞皆言楷勢張未易驟滅不如姑因勢利導之乃諭楷令還寶職而使寶以五千金并腴田三十一村謝楷楷私計寶終易與且趙宗單寶死官必及己不如微厚利圖之乃欣然還職而陰以贏財招犴猾自扞且復求韋璋之子阿應育之令往未寶所阿應美姿容談笑寶妻與通動息必告楷楷乃為應奏言應源孫也宗亂二世不得立事

下督府都御史蔡經猶豫不敢決而寶宮姣男子王良以為閹者楷召良激之曰汝絕代人也畿甸之民顧殘身以干進者為富貴耳汝安圖哉歲頭閩閩與獷豕無異曾不若粟牛騰馬之得逞其欲也良曰恨不別賢以報之楷曰誠欲報耶吾為若主之何如良唯唯楷乃鳩州目鄧瑀李旭林盛等謀伐寶州人怨寶莫為言十六年楷遂以千人抵州夜及寢門呼良曰至矣良聞楷聲開門納楷執寶寢所斬之截枝拇及以寶妻去變聞會安南莫登庸篡自立朝議征之登庸笑曰中國土官以弑逆為事數十年無正法者而獨慮及我何哉頃之憑祥叛首李寰與楷通都御史蔡經屬副使翁萬達兼圖寰楷萬達密受命乃獨行部至寧故沉滯不為理州人大譁萬達曰趙氏之族彈矣非楷莫立者願負罪不巧我故遲之耳楷聞之大喜萬達乃遣人謂楷曰楷誠以三十一村贖罪我當賞之且畀以官楷益喜報命萬達乃時時稱楷知勇冠軍即南征可當一面楷遂統精兵千人詣萬達言事且以三十一村地圖來獻萬達留語旬日楷浸慰弛不為備所携兵衆多以乏糧遣歸寨萬達乃召楷及鄧瑀入伏壯士劫之曰汝輩罪大滔天不



得活命且盡今日矣特汝死此地吾憐汝吾欲以官  
畀汝子汝當為書諭汝黨勿亂其靜以俟命楷惶懼  
以頭搶地曰門祚衰薄喪亂頻仍官府悉罪楷何也  
楷誠死而官府食言不及楷子官奈何萬達曰有如  
此日乃流涕而與之盟楷亦流涕為書諭黨曰事已  
如此亂無益也可善撫我子以存趙氏萬達得書即  
呼壯士杖斃之而以書諭其州人立楷子匡時年四  
歲一州悉定乃以十三村還龍州十八村立縣治附  
太平郭其同時載定者有憑祥李寰事

憑祥李寰為土官知州李廣庶子其先李昇洪武十  
八年以憑祥峒歸附授巡檢永樂二年改縣治以昇  
知縣事其後部落蕃衍當交趾鎮南關為左江要害  
成化八年改州治以昇孫廣寧知州事廣寧有十子  
寰其季也廣寧死諸子爭立不決凡三四年而竟以  
其孫珠嗣嘉靖十年珠又死族弟珍珏又爭立珍擊  
印走况村土舍黃泰以其姊黃孟妻之珏遂攝州事  
十四年州目李清李滿趙琪蕪寄枝等謀納珍說思  
明府土舍黃朝曰李珍吾主也不幸為逆弟所逐倘  
以君之威得復入奉蒸嘗者願以全州服事備下屬  
黃朝喜遂約黃泰以兵七百人納珍憑祥奪其印珏

奔慶柳久之南海浪人歐紹賢周縉客憑祥說珍曰  
州故首屬視思明伯仲也今屬思明則父子矣竊為  
明公耻之珍遂悔約不宥屬思明寄枝滿爭之不得  
因有隙會黃朝有外婦生子時芳長矣詭云此廣寧  
孫也當其父璉與珍珏爭立時避居思明實生此兒  
乃以千人納時芳弗克時珍荒淫甚醉即手刃人部  
民患之寰乃謀廢立有成局而珍妻黃孟亦以失寵  
孤憤寰與之通十七年寰召紹賢縉曰李珍不道賊  
虐部民吾欲修衆怨舉大事而難黃泰奈何紹賢等  
曰黃泰疑不助也試為公探之往見泰曰南海之濱  
有不禮其妻而淫於他妻者其妻之父兄勿加怒也  
則可謂大度矣乎泰曰不然夫不禮其妻是不有其  
父與其兄與弟也而卿之是匿垢也而謂之大度何  
可紹賢等歸謂寰曰泰不助珍也寰遂約滿寄枝將  
為亂慮趙琪掌外甲以兵劫琪琪許之紹賢等曰未  
也舉大事而無內應譬之啓鑰而無簧難以入矣寰  
曰善時珍妾芮玖有淫行寰遣刺客趙應就芮玖所  
詭為珍所使謂芮玖曰主君聞子有私人遣我夜伺  
子芮玖惶恐曰奈何應曰不如亡之主君猜忌久矣  
不亡必死芮玖頓首曰幸公生之應許諾寰後遣人



謂黃孟曰令報十郎將即子排闥勿驚十郎寢稱也黃孟唯唯既而內人爭以酒進珍珍沉醉乙夜應竊葭攻穴垣出寄枝巡徼佯驚諱曰閨竇何裕也黃孟驚起開門而寢等擁兵入斬珍於床李清聞亂呼琪以外甲入救琪匿不至寢遂扶黃孟并坐部兵發庫藏爭財亂擊死者數十人詰旦寢置酒高會召清清不得已赴之臨觴而嘆寢就坐殺清會安南逆臣莫登庸反因厚賂寢為嚮導曰緩急鉅細皆以聞時督府蔡經屬副使翁萬達田汝成並治龍州憑祥二亂而汝成撫藤峽萬達獨行乃先誘殺龍州賊而遣人諭寢曰天子將有事於南粵邊圉之臣有用命者尊官可立取也寢遂自薦曰願効力萬達乃厚與之而召黃泰謂之曰人言李珍之死倡亂者汝也然乎泰大驚辨萬達曰無多言能擒李寢則不辨自明耳泰謹諾乃遣指揮錢希賢徵兵泰所部勒若行邊者至憑祥襲之寢滿寄枝等皆論死即日榜其黨曰罪止寢等一州帖然既而珏時芳復爭立萬達汝成共鞠之時時芳倚黃朝勢通路上下皆云當立而奸民農球復控督府言時芳真李璉之子廣寧之孫萬達力斥球乃論時芳死黜珏而立李琪之子佛嗣珍

上思州土目黃鏐于正德之末聚眾攻城都御史林廷選捕之下潭州獄已而越獄復叛官軍禦之詐降副總兵張祐不為備復叛攻破州城已而復勦捕獲之伏誅嘉靖元年都御史張嶺奏廣西上思州舊本土官中改為流遂致土人不伏往往稱亂今宜仍改為土官而擇土吏之良者任之議以為然思思土目劉召叛令其黨黃安奪定羅堡剽掠良民兵備副使檄田州土官岑猛勦捕之猛按兵境上不進都指揮僉事孫震直前撫之為賊所執守巡數遣人省諭召詭言掣回田州兵當還震守巡不得已從之又欲盡掣思思守城兵守巡不可召亦竟不出震而是時諸州土官皆黨逆觀望不用命總督都御史張嶺請調湖廣永順保靖土兵各萬人與本省官兵合勦且仍留折糧銀二十萬以給軍餉部議各減半且先令遣官撫諭使急出震賊始懼受命事遂定岑猛田州府土官也自稱漢岑彭後洪武初元安撫總管岑伯顏以田州歸附高皇帝嘉之為立府治使世襲知府三傳至溥生二子長名獠次即猛也弘治六年獠以失愛弑溥土目黃驥李蠻發兵殺獠嗣位未定而驥與蠻復構驥以猛奔梧州督撫奏猛襲



溥官納之田州兵備使汪溥慮蠻方命乃檄思思知府岑濬以兵衛猛時濬方雄視兩江驥遂賂濬脇猛分地猛不得已從之比至田州李蠻拒不納驥復以猛奔思思濬乃留猛不遣十一年都御史鄧廷瓚檄濬歸猛濬不從尋遣副總兵歐繫布政使程廷珙以兵徵之濬始釋猛督府納之田州遂與濬仇黨是年濬入田州殺李蠻十五年濬攻陷田州猛走免濬乃以族子洪據守其地十八年都御史潘蕃奏發兵討濬戮之并誅洪改思思流官知府兼攝田州降猛福建平海所千戶正德初猛賂劉瑾矯旨以猛為田州同知猛撫輯遺民兵威復振稍稍侵旁郡自廣嘗自言督府有調發願立功冀復舊職會江西盜起都御史陳金檄猛從征猛所至剽掠然以平賊故疏功稍遷指揮同知第非猛初意頗怨望而督府旗校初受猛賂日譽猛至是賂稍減毀者漸至而猛復自恃兵力凌轢諸土官諸土官不堪稍有言猛不軌者都御史盛應期借以恫猛索猛賂猛不遜應期怒疏猛反狀未報應期去都御史姚鏌代應期鏌雅知猛無反心欲不舉而鏌子涑以書上鏌願勿征猛時巡按御史謝汝儀到官故事御史謁督府從掖門入汝儀直

入儀門鏌詢從官却之汝儀大怒廉得涑書誣涑納猛萬金鏌皇恐乃再疏請征猛制曰可嘉靖五年鏌偕總兵官朱麒發兵八萬以都指揮沈希儀張經李璋張佑程瑩等五將軍統之分道並進猛聞大兵至令其下毋交兵裂帛書冤狀陳軍門乞憐察之鏌不聽督兵益急希儀斬猛長子邦彥於工堯隧猛懼謀出奔而歸順州知州岑璋猛婦翁也其女夫愛屏居璋欲藉此報猛乃甘言誘猛走歸順燬殺之斬首以獻語在璋傳先是猛三子邦彥敗死邦佐與邦相出亡惟邦彥側室子曰芝方襁褓匿民間鏌謂岑氏單弱計田州可遂滅乃請改流竊治之未幾田州二酋盧蕡糾思思土目王受挾邦相反兩江皆震會汝儀滿去御史石金代之金仍黨汝儀左布政使嚴紘僉事張邦信又素不為鏌所喜紘遂倡言猛實不死歸順偽以肖猛者當之又言有自右江來者聞思思已陷岑猛糾交吐叛臣莫登庸反金遂劾鏌輕信用上圖田州不得并失思思帝大怒落鏌職以王守仁代之先是鏌上言田州遺黨復亂再乞集兵勦捕軍興錢穀相應議處帝命動支廣東司府金錢不得分彼我致誤事機至是守仁未至鏌候代偵知思思未落



欲徵兵擒蘓受自贖乃檄兩廣三司議事而張邦信分巡蒼梧欲陰壞其事給郵吏發檄東西交窺之兩廣三司皆以檄非是封還鎮竟不獲集兵而去七年守仁將至田州調湖兵數萬人南下諸夷皆憚之守仁乃自啟晦示以無事及抵南寧見蘓受勢熾度不可卒滅乃遣人招諭使來輸罪蘓受本怵守仁威武將丐命會有浮言軍門給蘓受欲取其賄者蘓受疑懼不即至守仁復遣慰諭之且與之誓蘓受言來見必陳兵衛并乞易軍門左右祇候以田州將校守仁許之蘓受乃出謁盛兵自衛守仁數其罪箠一百蘓受東甲受箠諸夷驚莫測守仁乃上疏言思田久構禍荼毒兩省已踰二年兵力盡于哨守民脂竭于轉輸官吏疲于奔走地方詭託如破壞之舟漂泊風浪覆溺在目不待智者而知之矣必欲窮兵雪憤以滅一隅未論不克縱使克之惠且不測况田州外捍交趾內屏各郡深山絕峪猺獠盤據使盡誅其人異日雖欲改土為流誰為編戶非惟自撤其藩籬而拓土開疆以資隣敵非計之得也今岑氏世效邊功猛獨註誤觸法雖未代誅聞已病死臣謂治田州非岑氏不可請降田州府為田州而官其子邦相為判官以

順夷情分設土巡檢即以盧蘓等為之以殺其勢添設田寧府統以流官知府以總其權帝皆從之乃薦布政司林富為巡撫都指揮張佑為總兵官而親率蘓受攻八寨賊破之時兵部侍郎張璉及桂萼等已浸淫毀守仁處田州非是會守仁薨而富代為提督奏言思思改設流官二十年兵不得罷田州決非流官所能控禦但降田州為州則不必別設府治以騷遠夷乃以邦相為判官以佑充副總兵鎮守其地數日滿三年乃代時邦相繼十六佑兒子畜之而盧蘓自矜興復岑氏功專制生殺威行部中號曰布伯伯者猶華言主管也邦相擁虛位不平遂與盧蘓有隙會佑將代望邦相厚賂已邦相但治供具無所賂佑大怒乃以他事撻邦相而陰與蘓比購邦彥子芝已誓配育之別所邦相欲殺芝不得適佑不果代留鎮督府以西山之役檄佑從征佑遂置芝衣篋中以行而邦相復治供具毒佑佑死芝奔梧州都御史陶諧亦兒子畜芝于是盧蘓遣人刺邦相不得邦相召土目羅玉戴慶謀代蘓蘓覺稱疾不出會其妻生日諸土目率妻子來賀且爭入問疾蘓伏甲卧內而後出見諸土目慰勞曰願布伯自愛蘓曰賴公等之靈疾



苦何足恤特恐未保首領耳諸土目驚曰布伯何故  
出此言此一州人誰不甘心為布伯死者獲曰噫吾  
敢望州人我第得坐中人憐我足矣諸土目覺獲言  
非是皆相顧貽愕獲乃指羅玉戴慶曰如二豎何言  
訖甲與執玉慶斬之因劫諸土目曰邦相之不德公  
等所素知也孺子芝實岑氏裔不于此時立而安立  
手諸土目皆頓首曰唯命獲曰頃公等留妻子為質  
即日以甲士千人攻邦相弑之焚其屍貽都御史諧  
言邦相病死無後芝當立遂立芝歸田州于是猛仲  
子邦佐爭立而鎮安府土舍岑真實泗城州土舍岑  
施東蘭州土舍常起雲那地州土舍羅廷鳳等合兵  
助邦佐攻田州入殺掠萬人獲走免會歸順州土舍  
岑獻為獲塔獲求救于獄獻乘虛襲真實真實敗而  
江大震諧乃遣人諭真實等曰邦相實病死何與盧  
獲而爾等自相魚肉何也值諧已憂去都御史潘旦  
蔡經相繼代或不欲與問罪師朝儀下核實副使葉  
倪參議陳大珊議曰盧獲稱亂弑主罪在不赦縱宥  
之不誅亦當以上聞令立功贖罪耳經不聽反言邦  
相不孝奪其母贍田虐部下盧獲因眾怨殺之朝議  
遂置獲不問諸夷聞之莫不解體十七年以征藤峽

故調盧獲與其子鳳兵屬指揮王良輔部下而鳳故  
遠邇且給良輔軍他所而自以父子為一軍副使翁  
萬達不平與副總兵張經謀曰峽賊雖當誅不過殺  
人剽貨已耳盧獲罪十倍峽而舍豺狼而責狸鼠非  
法也吾欲與公等倡謀斬之何如皆唯唯乃召獲仇  
向武州土舍黃仲金與之合兵為書暴獲罪狀上之  
督府其詞甚厲都御史經閱書大駭報曰今日之事  
受命征峽賊不聞征獲何監軍之多事耶即日遣旗  
牌星馳營中坐鎮之使勿發而其機頗洩獲夜遁萬  
達頓足曰惜哉不先發而後聞也

先是都御史姚鏌征岑猛時歸順州土官岑璋猛婦  
翁也鏌慮璋兵強當助猛召都指揮沈希儀問計希  
儀平時知璋女失寵恨猛有隙請就璋探實以覆時  
希儀所部千戶趙臣者雅善璋希儀召臣語故臣曰  
是當以計取之希儀曰如何臣曰鎮安歸順世讐也  
公使人歸順則鎮安疑使人鎮安則歸順疑是莫若  
徵兵鎮安而中其忌以劫之可立取也希儀曰善乃  
遣臣往徵鎮安兵臣過璋璋喜逐臣曰久不見故人  
今肯念我來耶臣嘿然璋曰趙君有嗔乎曰感故人  
厚意久契濶故迂道來何嗔也稍語須臾嘆息而起



璋疑之明日璋置酒款臣臣若不豫者璋曰怪哉趙君軍門督過我耶臣曰無之曰隣壤有所控訴將逮勘耶臣曰無之璋挽臣臥內跪叩之臣泣下璋亦泣曰璋死即死耳君何忍秘厄我臣乃言曰託君肺腑有急不敢不告然今日非君死即我死矣璋驚曰何故臣曰軍門奉旨征田州謂君猛婦翁必黨猛令我檄鎮安兵襲君我不言君死我言君必驟發敗機事則我死奈何璋頓首謂曰君實生我君不言我亦族不悟矣我何忍獨生反令君死遂強臣稱病留傳舍而亟遣人馳希儀所告變陳猛反狀恐連及願擒猛自效希儀許之遂佯追臣返以其事白鎮鎮乃不脩璋專意攻猛勒兵五道以都指揮希儀及李璋張佑程鑿張經將之而叅政胡堯元分道督進猛子邦彥守工堯隘璋遣兵千人助邦彥實為間邦彥欣然納之璋遣人告希儀曰已遣千人為內應矣慶戰時乞識寸帛綴裾裏者希儀許諾及戰歸順兵佯敗奔田州兵亦奔遂大潰希儀斬邦彥猛欲奔璋使招猛曰事急矣何不去歸順以達安南圖興復耶猛倉卒不知所出遂佩印從璋璋陽泣迎之奉之別館餼蚊女妖童牲殺咸備且詭曰天兵退矣又曰天兵聞君走

交南不敢輒犯將詣軍門請進止矣猛喜不疑會堯元嫉希儀欲擬其功頗聞猛走匿璋所遂以兵萬人擣歸順璋急遣人持百牛千醞迎三十里曰天兵遠勞謹饋犒飲每牛加桔繫之一梲備列十醞堯元怪璋整暇而諸軍得犒喜遂屯不進璋乃親詣見諸將曰猛敗走歸順欲走交南璋邀擊之猛目集流矢南走不知所往急之恐生變幸緩五日當捕致戲下堯元等許諾璋還說猛曰天兵已退非陳奏不白請急草封事為君上之猛乃乞屬草出印印訖璋之真印所置酒賀猛樂作持鴆一甌錦衣二襲曰天兵索君急不能庇也請自為計猛大怒呼曰不意為老奸所賣遂仰鴆死璋斬其首并府印函之間道馳詣軍門度已到乃斬他囚首貫猛屍昇擲諸軍諸軍驚援支解爭擊殺十餘人馳軍門則猛首已梟一日矣諸將大志恨遂浸淫毀璋而布政使嚴紘欲壞鎮事倡言猛實不死死者道士錢一真耳御史石金因劾鎮落職而希儀等俱不論功璋恨致仕子璵襲斷藤賊久為良民至正德間稍有橫江禦人者峽南尤甚時武備頹弛賊易之都御史陳金謂諸蠻不過利魚鹽耳乃約商船入峽者計船大小給魚鹽與蠻



令蠻就水濱受如稅權然蠻初獲利聽約道路稍通  
金亦謂法可持久乃疏其事易名斷藤峽為永通峽  
久之蠻征商無厭小不愜必刺船而扼之江中重路  
乃免嘉靖五年新建伯王守仁以總制定田州亂還  
至潯州父老逸道言斷藤及八寨亂狀守仁集諸將  
會議乃以二萬人遣副使翁素僉事汪濙吳天挺叅  
將張經指揮謝珮襲勦仍密督永順土兵勦牛場諸  
寨保靖土兵勦六寺諸寨部署既定先是峽賊聞軍  
門檄湖廣土兵皆逃匿深險及聞以盧蘓王受歸降  
罷兵稍稍弛備至是守仁駐南寧故為散遣諸兵伏  
湖廣兵皆偃旗臥鼓馳至與官軍突進四回夾攻之  
賊敗退保仙女山據險結寨官軍攀木緣崖仰攻之  
連破油磔石壁大坡諸寨賊懼奔斷藤諸軍追擊之  
賊奔渡橫石江覆溺死者六百人諸軍自後爭擊俘  
獲甚衆賊潰散遍搜山峒無遺者還兵至潯州守仁  
密檄諸將移兵勦仙臺諸賊仍分布各哨永順兵由  
磐石大黃石登岷勦仙臺花相保靖兵由烏江口丹  
竹埠登岷勦白竹古陶羅鳳賊聞牛腸諸寨破大懼  
方據險設伏而諸軍驟進奮勇夾擊賊不支奔入永  
安力山乃分兵圍之賊復大潰其奔諸路者多為防

截叅將沈希儀所擒于是斷藤之賊畧盡先是守仁  
因八寨賊去斷藤稍遠別遣布政使林富副總兵張  
佑督盧蘓王受兵五千勦八寨賊各乘夜啣杖襲擊  
已破石門隘賊始驚覺且戰且走至日午賊號召二  
千衆還拒官軍奮擊之賊既失險氣奪不能支遂大  
潰奔入重險官軍搜勦連破古蓬固安古鉢都者諸  
寨于是八寨之賊亦盡計前後擒斬凡三千人而江  
底定守仁乃班師

己而守仁卒于道嘉靖十五年武靖州知州岑邦佑  
以底賊多受賊賄峽北賊漸起其目侯勝海者居弩  
灘號召多人武靖土目黃貴希香與勝海有隙且利  
其田蘆言于指揮潘翰臣請殺勝海翰臣素寡謀即  
遣貴香誘勝海市刺之其弟公丁集衆噪城下殺  
廂民二人去僉事鄔閔叅議孫繼武言于都御史潘  
旦請討叅將沈希儀沮之曰猾賊未易取須開春江  
漲以數千人從武宣順流撲之繼武恚恨謂閔曰是  
夫爰爰攘功者聞然之遂還潯州以千人溯流擊弩  
灘賊皆遁去斬一病矜而還遂言賊已斂跡請立堡  
戍旦從之希儀復言賊未大創兵威不彰立堡難守  
旦不聽己而堡成閔命貴香以兵三百人守之約曰



侯氏田廬任擇處不禁於是諸徭大忿邦佐又陰黨之公丁遂鳩衆二千人夜寇堡戍兵死者二百餘人貴香走免御史諸演疏其事乃奪閱與繼武職而以侍郎蔡經出代且經集諸司議咸謂兩廣軍政自韓襄毅後大抵用大征鵬勦二法而無備用勦有備用征勦用少兵征用多兵經謂用征便會朝議征安南未遑也已而公丁乃益橫時出殺掠先是副使翁萬達力請討公丁御史鄒堯臣贊之經乃會安遠侯柳珣決計發兵以兵事屬萬達萬達廉得百戶許維素通賊有狀乃劫雄曰能擒公丁者免死否則論法未少貸雄皇恐頓首願効力自贖萬達乃陽言公丁本良徭為仇家誣搆耳寇堡之事吾當為白之遂捕繫訟公丁者數人責其落彙公丁果遣人懇列冤狀萬達許諾復令雄以百金貸諸徭捐公丁本業公丁甚喜惟雄所使會萬達按旁縣以計為叅議田汝成汝成召雄申飭之雄乃給公丁曰若為潯人指名久矣寇堡之冤翁公知之田公不知也今田公新到何不仍列冤狀如前時而乃嘿嘿為公丁然之遂隨雄見汝成汝成曰亦聞之誠冤汝第歸乃陽為遺勞而密令廂民被殺者家出毆公丁譁于市游徵連連公丁

并毆者皆入獄亟遣雄詢諸徭曰寇堡事公丁供諸徭所為而廂民以為實公丁為之令以此詢果出自汝諸徭則當釋公丁而逮汝等如其不然請為汝等共棄之母以一公丁為廂本也諸徭競言事實由公丁願棄之母敢黨者遂檻致軍門磔示之汝成乃急上督府謂首惡既擒急議鵬勦無如此時失此不討則開春兩水崖登窄滑且賊稍知覺魚驚鳥散非用兵之利經然之會沈希儀病遂以副總兵張經將左軍副使翁萬達監之南寧指揮王良輔朱昇凌輔柳浦周新孫文縉為馬以都指揮高乾將右軍副使梁廷振監之賓州指揮馬文傑王俊成振吳國章屬馬副使蕭晚紀功叅政林士元及汝成督餉張經議欲以少兵勦之示威而已又欲舍紫荆諸賊藪勿擊萬達持不可謂少兵徒損威何示威也且請徭恣肆久不大創之不足懾其心汝成亦如萬達議第萬達又言峽南亦劇賊令兵力不能并及姑緩之以俟後議經然之遂以十八年二月兩軍齊發左軍則王良輔由牛諸灣越武靖攻紫荆大冲根姜老鼠諸巢朱昇由三等村渡蓼水攻二驢石門石塘大安黃泥嶺諸巢柳浦由白沙灣攻道袍大井李儀洪泥梅嶺諸巢



凌浦由白沙灣攻大昂屋厦小梅嶺諸巢周維新由  
白沙灣攻藤冲竹埠胡塘綠水冲諸巢孫文繡由藤  
峽夾攻大坑巢共三萬五千人右軍則馬文傑由武  
宣六廟攻碧灘綠水諸巢王俊由武宣入山攻羅淥  
上峒賊振攻中峒吳國章攻下峒共一萬六千人分  
四道南北夾攻之賊大敗擁衆奔林峒而東王良輔  
邀擊之中斷復西奔諸軍合擊斬千二百級時捕得  
生口謂賊計往年據險結砦以致官兵圍勦無子遺  
者今不復立砦惟漫走山谷間令官兵疲于追逐且  
曠日持久費餽饟退之必速近且漫走入羅運山矣  
萬達乃移兵攻之檄右軍抵長洲沿江繞出賊背盡  
發諸賊隘所設蒺藜籤簽及礮石深木等追斬數百  
級賊益窘會右軍迷失道愆期三日而土日盧蔭受  
賊賂飲兵縱逸賊乃得漫匿山谷險不可躡時捕羅  
運搖言祖父居羅運八世矣未聞官軍涉此土者經  
乃令勿復窮追會平南縣有小田羅應古陶古思諸  
徭亦據險抗命萬達復勦之乃招賊餘黨三百二十  
人而江南胡姓諸徭投順者以千計藤峽悉平萬達  
汝成因獻議督府凡七事曰編保甲以置新民立營  
堡以通江道設備禦以控上游清狼田以正疆界改

州治以建屯所處欵兵以慎邊防權商稅以資公費  
督府多採納行之

田州女土官瓦氏嘉靖十四年調使援倭寇于蘓州  
瓦氏提二暨孫并狼兵數千應之日索有司捕蛇蠍  
犬為軍儲然頗有律紀總督張經分逮總兵官俞大  
猷軍會賊犯松江分黨三千過金山衛大猷遣瓦氏  
邀之遽報斬獲時趙文華至江上謂狼兵可用厚犒  
之至漕涇堵賊不勝土日鍾富黃維等十四人戰死  
賊初畏狼兵至是易之復大肆焚掠大猷乃與瓦氏  
奮擊賊敗奔平望至王江涇承順宣慰土舍彭翼南  
攻其前保靖宣慰使彭蓋臣躡其後大敗走斬首二  
千級時狼兵有腊其肉者人為語云花瓦家善殺倭  
腊而啖之有如蛇

韋銀豹桂林古田獐也獐種甚繁其取強者曰常曰  
閉曰白而皆并于韋景泰間韋朝威據古田縣官窺  
會城遣典史入縣撫諭烹食之弘治間大征殺副總  
兵馬俊參議馬鎡正德初再征殺通判知縣指揮等  
官嘉靖初又再征殺指揮舒松等時銀豹與其從父  
朝猛攻陷洛容縣還據古田分其地為上下六里第  
銀豹出掠惟下六里人從行而上六里不與焉四十



五年提督吳桂芳因其間遣典史廖元入上六里撫諭之諸獍復業者二千人銀豹度勢孤請降桂芳乃奏言古田自弘正來知縣未嘗入縣今典史廖元能撫賊有功宜量陞主簿而徐擢為縣且本省總兵止以都指揮統之不兼制柳慶權輕位下凡事輒為撫夷道所持今諸獍雖納款火豕之性難保其終莫若稍重將權別選材勇堪任者居之部議加都督銜兼制柳慶廖元陞擢皆如議而銀豹愈猖獗嘗挾其五子據鳳凰連水二寨襲殺漳平知縣魏文端更自永福入桂林劫布政司庫銀四萬餘兩金珠若干殺署事叅政黎民衷建城而去官軍追不及久之臨桂永福各縣兵群起捕賊始得賊黨扶嫩土婆頭等三十餘人於各山寨中然首惡未獲也隆慶三年朝議以廣西專設巡撫推江西按察殷正茂以僉都往正茂至奏請勦賊合土漢兵十萬集衆會議時八寨助逆衆議先勦勅書亦原有先平八寨徐圖古田之語正茂獨不可謂兵法攻瑕者堅况首從自分不見上六里已事乎先給榜諭八寨八寨聽命然後分兵七州以總兵俞大猷統之而使副總門崇文叅將王世科黃應甲都司董龍魯國賢蔣擊丁山等各領一哨

布政郭應聘與副使邵惟中為之監視乃令各哨所屬復分土兵為二隊更番清道必先清數里而後行數里及至信地則合營而攻之步伍廉整生擒朝猛梟于軍陳斬七千四百六十餘級俘獲男女一千餘口撫其不為寇者六百六十餘村銀豹窮蹙陰覓肯已者斬首以獻時主簿廖元把總王綱認之以為是相與證之提聞既而稍稍傳銀豹不死正茂令僉事全柱縱跡之銀豹兄銀站乃生縛銀豹并其子杖枝膠致截下正茂乃疏請引罪以檻車獻俘正法古田悉平乃并八寨與龍哈布咳為十寨立長官司并設守備練兵坐鎮守禦以黃昌等為之而敕蕭紳陸雲騰充土舍名目聽守禦調度更陞古田縣為永寧州條善後十二事議行

府江有兩峽三峒諸獍皆屬荔浦延袤千有餘里中間巢洞盤絡為犴獍淵藪于是江上諸賊皆倚借為黨援日與府江酋長楊公滿雷公奉黃公東等奪荔浦坊郭平樂樂山及峰門南源諸所執永安知州楊惟執殺指揮胡翰千戶周濂鄧府二土舍岑文太學黃文堂及兵民無算而遷江之北三來賓之北五峯右江獍亦時時與東歐西里及三都五都諸賊相待



附馬多人勁俗號為刻馬賊常陳兵走嶺東探三水  
清遠諸縣還入南寧平南武宣來賓藤貴劫府庫已  
而劫來賓所千戶黃元舉家產殺土吏黃勝及其子  
四人兵七十餘人又殺明經諸生王朝經周松李茂  
姜集四人自是之後白晝皆劫殺道左有南四通首  
韋明甫及其子十餘人亡抵右江甯武宣諸生未如  
銀焚大盧七村及博樂二十一村劫驛通佐史周于  
義所持文牒而殺其人隆慶六年兩江守巡劉穩沈  
子木告于巡撫郭應聘總督殷正茂奏請督官軍進  
勦遂以李錫為將軍十道並出謀徵東蘭龍英泗城  
南丹歸順諸土兵而以土吏韋文明等統之攻古西  
巖口筭山古造及兩峰黃洞古招糯峒斬獲賊渠楊  
錢甫黃公護袁婆沈婆鄧琶婆盤賤婆鄧郎等餘黨  
竄入仙迴古帶諸山疏捕殆盡乃移檄北三北五越  
其歸降會峒老常法真等同原鹵來賓遷江民蒙演  
蒙葛眉諸兵備請命許之乃為定善後六策以聞前  
是荔浦之峰門南源修仁之麗壁永安之古眉諸邏  
司為諸種所奪至是議改土巡檢其官目必推擇有  
才武者給冠帶管事滿三載稱職始襲世世勿絕乃  
于東所水滄復麗壁市而與廣運足灘為一軍軍二

千人備平西嶺鐵匠坡仙家冲于西峰仙迴復古眉  
而與高天冲口為一軍軍二千六百人備陸內六章  
于龍頭磯為一軍軍一千人屬漢官備馬尾田冲黃  
牛及三峒于上峒古西復峰門為一軍軍一千六百  
人備羊厄峰門盧仙大喃蕪視中峒于下峒東練復  
南源為一軍軍一千人備大宅東瓦皆屯田月食餉  
人三錢而歲以衛萬戶或千戶百戶一人兼視邏事  
稱職者得世守其地是時左江以潯梧泰將一人募  
兵一千人而邏司桂平諸軍皆屬之於是西所通五  
道自昭平明源洞以達仙迴自仙迴達古蘓直走永  
安又自藤灣達馬尾象磯自家磯達田冲直走平樂  
又自龍頭磯達大嶺上下兩洞而東所自昭平達水  
滄自水滄達平西邏山及十三屯自平西邏山達平  
樂又自深冲達桃嶺兩所皆孔道復以府江地遠濶  
置縣於平樂之昭平名昭平縣屬平樂而割富川之  
二五都賀縣之昭賢鄉下半里上半里及仙迴土司  
隸之每歲得賦糧三千六百八十零石  
懷遠為柳州屬邑在右江上游旁近靖綏黎平為諸  
徭所竊據隆慶末以大征古田懷遠知縣馬希武欲  
乘間築懷遠城召徭老加仲才諭之仲才唯唯希武



乃以撫牒移督府敕守巡李文績等行縣希武先誅  
茅為廬然後次第建城郭衙舍倉獄且與犒黃大池  
太平河裡諸徭約于築城時當以三十金擊牛酒為  
犒及城工過半諸徭請牛酒希武弗與諸徭以食言  
微詬而去當是時諸徭常以易米至城下城下諸役  
夫誚之曰以汝等作賊故累我興築築成必盡滅汝  
等而後愉快諸徭因疑畏有畔去意而希武政尚嚴  
急盡罷戍堡軍而趨召隆起兵登城躬騎馬走城上  
旦暮鳴金鼓砲聲如雷諸徭愈自疑以為役夫言不  
謬口語藉藉會希武行城上巡視蒼頭廬兒方響呼  
夫道而馳徭人有雛童來望見希武不知避左右呼  
之曰走童勿走希武怒強縛而箠之童死諸徭謀而  
起合繩坡頭板江諸峒凡數百人由北城入役夫走  
希武及經歷余冕典史陸錦等出禦敵皆中流矢邏  
司鄧元戰而死希武乃棄印潛遁隆慶六年總制殷  
正茂請勦遣總兵官李錫參將王世科統官兵會長  
安鎮賊乃約猪肉田寨蕉化諸徭治舢舨百艘大入  
石棋傘頭諸村村人屢戰于平琴洲官兵鼓行至板  
江與諸村約自東崖直搗懷遠會大雨雪不能進有  
村人朱萬世得縣印來獻而徭賊皆至自貴筑及黃

土紋圍矜桐據險而守所至羊腸鳥道不可卒度及  
道上多徭巢常自言何徭但守家漢當奈我何時正  
茂調知諸徭獨畏永順鈎刀手及狼兵乃以羽檄三  
道移所在巡撫於貴於湖於浙徵鈎刀手三千人烏  
銃手五千人狼兵十萬人會巡撫郭應聘布政使楊  
茂等先遣使招白果黃土青棋大梅諸徭趣使歸降  
然後擊太平河裡四港牙寨犒黃大池易江濠諸村  
當是時東岫則板江楊梅西岫則坡頭河濠皆助徭  
為虐而古田上宋首長常狼要亦與其弟常狼金奔  
右江五都招致諸劇賊為黨援官軍乃分為七道四  
面攻入諸徭以木石塞江難望官軍甚盛皆反踵走  
遂拔木毀石大破之連拔丹陽蕉化中團田寨古立  
洛果火燒合水諸巢斬首長榮才富吳金田等賊棄  
拊走追至大狼天鷲二嶺破七團四寨腮江巴峒諸  
巢生得首首隆扶罕新王伯牛爺等獲風紀輯覽諸  
書及鶴頂榆木黑花帶皮印囊諸什物進破八寨斬  
柴田師等前後斬捕凡三千三百四十有奇俘獲男  
婦及牛馬什器無算事聞於是東岫北岫屬內三甲  
河裏太平南寨屬外三甲四港東濠波浪塘坳屬武  
洛洞人猛圍七團屬韋覃二狼入桐木火燒洛溪合



水及三門洛果屬上猺籠郡鄧勇尼屬中猺籠槁黃  
大池屬下猺籠坡頭田寨及板江河溝大田蘆屬浪  
溪獞人河溝蕉花屬背江獞人前是諸當事議兵防  
欲改萬石宜良丹陽為土巡司已欲加守備一人已  
又欲于永福加海灣堡屯兵二百人古鉢堡屯兵三  
百人毛峒堡屯兵三百人於臨桂加傘山堡屯兵二  
百人於陽朔及大水并田金寶頂為一堡屯土兵五  
百人而里定羊骨遇龍翠屏諸堡皆加兵為壘且耕  
且守故事東蘭南丹那地歲出土兵三千人更番戍  
會城自古田發難後議改思恩鎮安田州而思恩等  
不欲曰我已梧州之役何以重戍我因改鎮安及  
湖潤為一年思恩及田州江州上映下雷為一年年  
出兵三千人以四年戍桂林而泗城及歸順都康為  
一年向武奉議及上林為一年思明及思明州邊隆  
峒為一年龍英及忠州為一年年出兵四千人以五  
年戍梧州

韋狼要永寧獞也與鳳凰獞黃銀成有隙相仇殺常  
安邏司欲窮治之狼要乃椎牛通召永福陽朔碎江  
諸獞攻圍鳳凰理定大水田射殺千戶章繼宗合右  
江荔浦山灣諸獞稱亂會指揮徐民瞻兵捕服道左

執狼要而諸獞大訐總制殷正茂巡撫郭應聘乃檄  
徵田州向武都康諸土兵凡七千餘人屬叅將王瑞  
叅政吳一介進勦斬廖金鑑廖金益常銀花常狼化  
等凡一千三百三十八級俘獲男女八十一人牛馬  
四十五頭器械九十五繪畫黃衣一襲當是時又有  
常朝義者

萬曆改元洛容知縣邵廷臣以歸養去任會上元夜  
至簿謝漳行縣事單騎巡徼萬山中獞酋韋朝義統  
托定洛斗古底上油諸獞夜半出掠逐漳追至城城  
僅六丈不下二十戶諸獞鼓譟入竟殺漳奪縣印去  
是夜指揮朱昌胤土巡檢韋顯忠並提兵決戰斬首  
三十一級裨將文斌獲朝義單三官等奪還縣印於  
是守巡莊國植沈子木李文績上變總兵李錫叅將  
王瑞康仁等剋勦歷破古底上宋大盡天心塘托定  
洛斗上油上良里廂諸巢生獲單金鉢陣斬單金倒  
單銀郎陶狼金陶狼漢等凡二千八百三十餘級俘  
獲二百二十八牛五十五頭器械二百六十有二書  
籍五冊閱防一顆自殷正茂以下皆詔賜有等其後  
大屋諸村殘獞黃朝貴黃金鼎後合融縣陽老柳城  
上油諸酋單金磊等號萬餘人聲言欲入富福鎮而



王世科引兵擊破之斬黃鼎等五十八級始洛客在萬山中城小逸北依山無雉堞縣官皆寓府城以為治舊知縣余涵請遷城于白龍嘉約費四千六百兩不果至是謝漳往就治而遂及于難

岑溪潘積善度岑溪地勢左近羅旁負臂三面自僭號稱平天王與六十三山六山七山諸獠犷阻山公行居民請進勦會大兵征羅旁不暇及總制凌雲翼先以檄曉譬積善積善喜願歸田輸賦得比編戶雲翼令知縣葉詩馳積善所驗田賦具如所請乃貸其死且以其子附學官受書當是時七山為蒼藤信地六山為容縣北流中街北科為六十三山咽喉懷集為賀縣諸村出入之所因立五大營營六百人合得三千人人月食餉一錢二分推擇指揮使五人為將軍每季得餼廩三兩皆仰食梧州兵餉中且治大峒鎮城一百七十餘丈外城二百四十餘丈設叅將館舍及屯堡三十墩墩二十有二開赤黎至馬嶺北科平河諸路七十餘里懇連城鄉田七頃有五畝北科峒田一十四頃一十七畝獠人歸降者四千二百七十一人謀募耕兵常月等八百人給牛種月四錢自四月至九月如是三年始計畝輸賦如例

北三酋長譚公柄號剗馬賊善治毒弩傷行旅每一出嘗百十為群曾弑土吏黃勝不治萬曆六年公柄召常三層常三丈等以二千人出企鳳山龜鑿塘與河塘常宋武僧江結壘方是時義寧有常總管常千里之犷永寧有黃河平黃明帟之犷永福有廖勝朗良快之犷群相呼應殺商人李回及新民黃銀花道路不通會布咳寨藍公瀑執土吏黃如金奪其土司如金以狀告巡撫吳文華檄分守吳善分巡陳俊徵永順白山兵及狼兵馳大岩上平橫山布咳諸巢諸犷請還所占地及被鹵生口願輸賦為良民遂班師右江十寨為思吉周安落洪古卯羅壘古林古憑都者龍哈哂咳隆慶中總制殷正茂擊破古田即以檄趨八寨歸降得貸死於是寨老樊公憑常公艮石公慶藍公喀羅公印黃公逸等踵軍門上謁自言十寨共一百二十八村環村而居者七慮二千一百二十餘家而右江兵備鄭一龍叅將王世科賓州知府吳泉謂十寨既請為氓當以十家為卒賦米一石凡二百一十六石七斗亦得輸銀米石五錢當徵銀一百八兩三錢五分它若火竈差銀戶一錢凡二百二十有奇然後村立一甲長寨立一峒老為徵賦計而以



思古周安落紅古邗龍哈立一州屬向武黃九疇羅  
墨古鉢古憑都者布咳立一州屬那馬黃賜皆為土  
知州已移思恩守備于周安堡有成議而布政使以  
為於法不便當立二長官每長官各提兵千人以琴  
水橋荒田南舟衛屯田賦糧作兵餉不足則取三里  
魚峰巷賢堡兵餉二百五十兩不足則取樊公懸等  
約戶每加三錢五分歲以為常復召三里十冬三湖  
峒老即度田因開立墟場以通思恩慶遠武賓諸道  
然後建社學請以義勇蕭紳為千夫長黃昌陸雲騰  
為百夫長姑與冠帶俟三年稱職為真而兵備霍與  
瑕又以為八寨故不甚廣當陞為州而使黃賜提兵  
六百人守之龍哈布咳則立土巡司而徵安定兵二  
百人付黃昌備龍哈徵興龍兵二百人付常富備布  
咳即以守備移鳳化城黃村俾與黃賜並得調度二  
邏使其後總制竟請八寨為長官司而以兵八千人  
屬黃賜為長官而黃昌韋富皆給冠帶為土舍亦各  
引兵二百食二寨如約居久之十寨復聚黨萬餘據  
人田產白晝入都市剽人而奪之金甚至攻城略庫  
戕官殃民六七年間盡失樊公懸舊時所約於是總  
制劉堯誨巡撫張任急統兵盡勦諸巢斬首捕酋凡

一萬六千九百有奇奪獲器仗三千二百牛馬二百  
三十九頭帝乃陞賞并論諸土吏功復分八寨為三  
鎮各建一城而以東蘭州常應鯤常顯能及田州黃  
馮克為土巡檢得比古田例留兵一千人戍之至三  
里舊屬上林之循業與撫安古城久為賊巢令改屬  
龍哈布咳其下增建二堡請自楊渡水為界盡作墾  
屯給南州衛通道慶遠賓州使思恩三里聯絡不絕  
而于是右江十寨皆安戢輸賦如故

常王朋者馬平獍也初平馬平時因建營堡使土舍  
常忠隆提兵往屯其地王朋視堡兵如仇鍾常率東  
歐火產諸首要挾營堡分守彭應時兵備周浩使千  
總往撫竟殺千總會縣官度田王朋復無忌反為阻  
撓甚至白晝劫村落官軍相視不敢捕于是總兵王  
尚文請于制撫劉堯誨郭應聘統兵攻勦斬獲千餘  
人牛馬器械不計初馬平獍常請鄉大夫之託以佃  
丁莊戶浮沉閭閻而鄉大夫亦親入寨峒交錢財課  
租責息出入縣庭以致生變至是兵部尚書梁夢龍  
請著為令令監門各立門籍加譏察所與獍獍通而  
因而致富即以其財產沒官詔可之  
高江諸獍皆出自大小相江及大小亮村旁近獍頭



三妹平峒諸寨與假羊大寨往來為奸遠近遁逃者皆亡抵其間隆慶中常征之至萬曆改元首長盤宗明犯邊邊吏執殺之亡何諸徭欲報怨乃乘風縱火燒大結堡明年仇大比舉士鄉書因郵置以進行至小葦灘諸徭劫畧之母遺居二三年復大入猶巷堡轉犯小結灘奪商鹽會平樂兵變諸徭遂窺隙大起擁眾走貓兒堡潛伏西岸大桐江與千戶李夢龍百戶劉卿及廣運堡哨兵廖四等鏖戰殺鄉諸軍多溺死於是昭平守備陳邦佐與貓兒堡哨官陳珊移兩江兵備使葉朝陽郭柴請于都御史吳善先以會城標兵二百人馳高江而救總兵呼良朋徵許尚惠岑瑾諸土吏兵會勦斬獲賊渠李蘭保等捷聞陞賞如例先是把總陳賢往歸順汪天寵往九司及那馬定羅徵土兵索取折度鞍馬諸類七厥而都護孫世實提泗城東蘭兵備三水卯村及使東蘭兵託名搜賊劫殺村市于是御史黃鐘劾奏帝以世實等下御史逮問凡調兵進兵需索諸弊皆絕以文法使不得逞自是歲始

嚴秀珠者懷集獯也與車廷惠諸首雄據一十五寨環四面二百餘里自上世為州縣惠正德中官軍屢

討之歸降然盤互如故時懷集有金鵝松柏龍壩埔七諸首賀縣有大灣磨刀深埔佛篋企勘黃沙諸首開建有水細白蓮諸首往往相結起公行劫畧常與流賊陳龍洲破州縣殺百戶朱裳萬曆初約懷集民高雁梁高庫黃遂梁元珠謝生等十餘人殺把總羅定朝與賀縣叛賊蘓應曉金敬李用庄略樟木寨梅花峒殺居民金氏數人久之秀珠失耕牛伴為報怨擊鮮椎牛聚黨數百人走開建封川略寧峒蔡村耕牛二十五頭殺九人囚七人還是時村落畏秀珠甚皆東西遁走獨西村寨鳴銃砲如雷擊賊死數人于是開建知縣范調元蒼梧知縣李白吳移守巡管大勳來經濟使懷集典史陳濟提南龍鑼鼓營兵追逐生得廊安梁三羅黎保等遂請都御史吳善檄兩廣總兵戚繼光呼良朋徵兩廣官兵及羅定東西山泗城郭康諸土兵分為五道命叅將戴應麟等擊金鵝松柏埔七諸寨斬秀珠常胡道等進破深埔佛篋企勘白蓮黃沙龍塘大灣磨刀企勘諸寨斬區世奇常亞養歐福正等奪獲牛馬器械無算餘賊悉奔青水尾鐵帽古婆大山飯甌埔諸寨復進破之斬鄧仕蘓運進等于是銅鐘牛欄丁口納四百人俱墮懷集縣



庭中叩頭願為撫民從之帝乃爵賞諸有功而安輯諸寨時叛賊李用庄久闕匿羊橋峒不出至是峒老亦縛獻軍門梟示無敢抗者

思明土官黃武崇于國初歸命給府州印各一以長子黃忽都為思明知府次子黃均授為思明知州忽都數傳至承祖均授傳至泰則兄弟也泰有七子長子恩詔次子恩錫先後死遂以三子恩隆行州事而奪兄恩詔妻趙為正妻次兄恩錫妻黃為次妻黃實承祖姊也趙生三子長拱極次拱宸次拱闕黃生二子長拱廷次拱聖時州印貯太平府庫萬曆八年始以從征功給印予冠帶第恩隆寵黃甚慮他日拱極嗣印當予拱極因謀之承祖預書拱廷當承襲于領印券內而復以承祖曾侵其田土如黎龍白鵬雷蓬那橫那煉諸村索清還不得與兵與承祖仇殺遂大悔謂承祖實憾我他日豈肯為我子孫計久遠會病瘞大書遺命取族目恩祐黃冕及州民舉結之悉付印券與拱極而恩隆遂死既而承祖謀釋賊拱極與兵入州仍索還向所奪村寨且以立拱廷為名與拱極搏戰拱極勢不敵請于都御史吳善御史黃鐘願遣他官行州事而以指揮楊桂芳往鎮其地亡何拱

廷得喉疾承祖視以醫其母黃及婢金蓮的蓋親奉藥餌竟不起承祖與黃揚言拱極醜弟拱廷死不法當奪襲與弟拱聖提府兵來州以黃受周佛為左驗執拱極及弟拱宸索州印會楊指揮至拱極託言印在指揮所承祖叱農二倪指揮衣裸之實無印于是鑲土吏鄭鎮于柱鞭之百使供所在而以次裸拱極妻許拱宸妻趙乃得印許未間奪予拱聖去釋弓絃勒殺拱極并殺拱宸拱闕及母趙以板盛拱極與母屍以篋縛拱宸拱闕屍燒灰播江中拱聖挾印擁大蓋揚揚為知州論功陞土兵鄧寧農二等為哨頭而罰恩佑黃冕金遂襲拱極妻許拱宸妻趙于獄察二氏有身以錐鑄繫兩手高懸之欲因而墮棄其胎時南寧太平移左江兵備請于都御史吳善下兵備統兵逮捕拱聖奪印封府庫會許生一子名黃世廷許之外家并許于都御史都御史救釋許并世廷使外家領去而逮拱聖赴太平府對簿時龍州江州龍英太平金茗思城諸州及下當上映諸土峒皆發憤為左驗乃坐拱聖死而以印封太平府庫令世廷襲職其母許氏為官母同太平諸生黃恩承土目鄭鎮輔之俟世廷長給印當時南太二府議請以州改隸他



府而黃冕等以本州賦稅故輸南寧隸南寧府使及事聞廷議謂思明去南寧四百餘里去太平百里當屬近者于是斬拱聖思明市號承祖冠帶而以思明隸太平如初

黎福莊者平樂上四屯首長也其地近樊屯通廣東大羅山隆慶中福莊常與男黎天龍召諸獠大畧富川并橋及鍾用者寨已又畧霞江龍眼寨萬曆二年遂與獠人常六哥等大寇鄧塘廖屋村因圍石面山執歐舉人索金錢贖還會富川割二五圖賀縣割昭賢鄉建昭平縣福莊伺隙約下四屯首長周淋湘常方相等及大羅山流賊千人直走賀縣桂嶺邏使李廷埏提兵邀擊賊少却走大洞江而是時白冒與五指嶺險阻可守在正德嘉靖間常討弗克以故首長盤福成專為保姦而福莊依之且合昭平諸民屯小偷擊牛酒揚兵突犯府江會指揮何伯堂行縣聲言度田州出不意驟執福莊于廣運堡復與致軍門乃遣使持檄招示天龍有如捕常方相常六哥來獻得除罪弗治天龍不受命且結壘土龍村糾樊屯諸獠抗戰時都御史吳文華救徵向武常安福祿土兵募遷江民兵屬守巡陳應春沈子木等統指揮進勦破

其洛容荆峒北賽諸巢而後環白冒五指斬獲甚夥獨天龍轉戰不已終遁去追捕無有越六年平樂通判朱應辰議請立土司于賀縣里松八峒而以把總黎邦伯往臨之且立堡江華隘口設兵五千人以鎮其地詔可于是天龍置勿問而其時有黃邦緣者黃邦緣鬱林首長也其巢近北海廉州合浦銅鼓諸屯自上代為邊疆患成化中曾擊破其巢至萬曆初生齒日繁嘗與北海首長黃章第推牛與諸獠約合五六百人並馳木頭木綿大坡羅克金頂樟木諸村鹵畧人民畜產縱火焚廬舍去乃復招集城隍諸山反狼而竄之博白沙田之間太入寇與業諸縣兵巡王原相告于總制劉克誨徵七山六雲北科連城指揮李汝賢等提營兵及戍梧土兵五屯旗軍先後環至邦緣見官兵盛自度勿能敵皆遁匿故巢于是屯兵興業橫州烏蠻甜菜橫石磯索鬱林道上生獲躡良善富黃四等因分軍諸隘以計擒邦緣覃全等謀破木頭城隍石磯塘表峒銅鑼諸巢而諸賊盡平羅旁諸獠者盤松喬也在嶺之極西與雷廉相接周一千五百里多林木巖峒白晝冥晦猺生長其中跳躍間亦自迷所歸往但以峒姓為別號峒猺偶遇征



伐輒走他旁寨閔匿且多無名如孔子成曰孔紹大  
龐力王曰龐公定龐勝龍曰鄧勝龍第毋閔匿亦莫  
得別識又四方亡抵于巢者號浪賊為猺耳目峒長  
鳳三舍陳地平盤大面倡亂殺人奪旁近田宅殷正  
茂為總督議討之會遷去不果繼以郭守乾進兵行  
至隘口逡巡不敢入乃遣使撫諭猺浪多就撫者因  
名降猺曰良猺浪賊曰撫民然旋撫旋叛官軍時入  
其藤蠟蜜漆砂板之利爭相掩匿居民受害者訴下  
跡捕不可得反有縛而沉諸江者萬曆四年凌雲翼  
赴官度此屬非用間不可乃以便宜擇衛所官十人  
奉檄以往約令願降者皆詣招撫使自占姓名書于  
冊招撫使得窮其根株窟穴所在始集衆將議皆曰  
猺峒荒昧難用兵且兵力不敵時一老軍請言事進  
曰猺所畏惟狼兵徒以調至不給賞使自搶略故無  
功若先賞而鼓其勇猺不足平也從之請于朝乃徵  
狼兵十萬人浙兵五千人合土兵十五萬人于肇慶  
設靖夷道起副使李材蒞之張元勳總兵是時東山  
則有富祿之險栗子之險羅石之險攬凹之險富林  
之險雙洞之險灣口之險西山則有都門之險古芳  
之險鳳凰之險鷄籠山之險兵分十道偏將朱珏軍

羅旁劉天慶軍瀧水陳璘宜信宜王瑞軍岑溪楊瑞  
軍宜春陳典軍新興倪中化軍德慶黃允中軍伏峒  
徐天麟軍南鄉侯熙軍茂名參政沈子木趙可棟周  
浩等兼監軍督餉下令狼兵斬一級者賞銀一兩皆  
大喜赴鬪甚力自四年十月至明年三月諸寨悉定凡  
破五百六十四所斬一萬六千一百四級俘二萬三  
千餘人降者六千四百餘人奪還被鹵者萬有餘人  
提聞先是瀧水縣斗絕在東西山之中孤懸賊巢設  
一千戶所僅供城守瞭望之用至是陞為羅定州設  
神電衛且于東江州設東安縣西山大峒設西寧縣  
東安南六十里曰南鄉又西南一百里曰富霖西寧  
東南七十里曰封門又南一百二十里曰西口設一  
守備兵一千二百往來巡緞改嶺西巡道為兵道駐  
羅定州陞雲翼右都御史張元勳右都督告廟宣捷  
至七年東山浪賊誘撫猺與西山岑溪及六十三山  
七山諸峒賊及逃卒七慮二餘人犯思慮燈心大傘  
諸營殺哨官張文明丁天祿等既又犯封門所僉事  
侯應壁引把總伍科擊破之斬首捕鹵二十三級於  
是御史龔懋賢以其狀請及明年巡撫使使者齎新印  
至州州遣典史梁有達還送舊印行至道州賊邀殺



典史奪其印去故事自南江至石狗營屬東山自石狗營至連灘屬西山而以晉康巡檢使巡徼江上皆以展時發舟至是失事自守將以下至巡檢使均坐劾叅將陳璘請截罪立效乃與朱文達進攻石牛青水諸巢斬首三百六十六級酋獲罷仗二百五十有二奪還州印此皆紅豆鐵場餘黨曩所未撫之寇也璘遂留鎮羅定兼備東安西寧二縣未幾部下九百餘人忽走江上奪舟遁去蓋裨將漫漁而撫民江子德等憤而為之倡也行至清遠所過酋掠璘遣兵聚執子德等斬之餘皆歸降至十一年東山建武安王廟長春寺璘調營兵三百人充役且令各出金錢以施時正月積雨役者多怨適後營隊兵由白眉峒至右營隊兵由南山至轉水東門飲醉畧商民米菜哨官劉一鸞譙責之營兵執鸞杖幾死遂反東安知縣陳公大從城頭撫諭不聽璘率兵追及斬首惡黃玉及其黨百人餘逃入賊寨糾合撫搖及守備歐泮所部叛兵並竄廣西劫陸川北街璘復擊破之斬八十四級御史梅浮誣劾璘虛冒軍餉激變力辨得白乃復擊餘賊斬二百餘級時總兵戚繼光方至亦在軍蛋戶在雷廉間盜珠為生其首長不一有蘇觀陞周

才雄為二酋其先皆安南夷嘗致石城塞願為臣僕因得充蛋戶阻烏允多浪為險招致大賈侵禁池兵衛故甚設蛋自度不敵乃降集四方亡命出劫前比首長羅漢卿阻中路港諸偷襲殺之於是他首曾國賓以三十艘入海康萬曆改元犯北海明年犯上封至四年犯合浦冠頭嶺五年犯永安還入大康角既而海相內袒請歸命其七年佯為珠商所迫鼓棹而入于海因犯南板村殺周英擒林一嶺西兵備使招之降復降是年觀陞才雄亦以十八艘入合浦犯乾休村斬蛋民林三焚殺男婦六人其後又犯安南永安州官軍逐之急仍遁還烏允烏允北枕高山南濱大海可為窟穴乃採大木十圍以上者建屋居令部曲相保為壘壘聯校木柵開東西二大門而封之獨啓南一門而海通出入誠門者勿輕啓凡啓必張旗幟鳴金鼓茄吹閉亦如之夜用邏卒數十人銜枚擊刁斗道上至日出乃已己乃推牛饗諸賊治舳艫三十艘出海九年犯斷州當是時斷州去永安所近有百戶張禕備白沙哨千戶田治備濱澁哨皆援禕探甲出戰禕攻其東治攻其西治長于擊劍橫行諸蛋中諸蛋中當之輒創顧強寧赴水死勿受創以故



創所及祇斬九級生獲林細武等八人而餘死于水自是之後蛋人自以為莫及也無何蛋中亦募善擊劍者出指治治久易蛋勿為意蛋僉卒圍治治及兵士王致祥皆身受創死於是都司陳居仁廉州推官汪堯卿引白鶴寨兵追逐斬吳三等數級觀陞揚揚令榜人擊鼓還寨復突入東山殺軍人鄧邦進吳賢等嶺西分守張明正海北分守陸萬鍾及分巡徐時可薛夢雷請于總制劉堯誨遣樓船軍以二十七艘為西哨把總李如桂統之以二十一艘為東哨指揮文濟武統之且分兵斷其走路賊度勢不支聞大兵至夜半從攬樹港逃之井村官軍追之生獲獲觀敬陳鷹爪等一百一十九人保姦李志岳等二十一人及再追生得獲觀陞獲觀祥等七十二人保姦王廷幹等一十人是時大風從西南來蛋舟多湛溺死者無算而前後輯捕不下四五百人諸蛋狼狽有林允厚者倡曰與我死刀鋸孰若自縛詣軍門唯將軍命衆曰諾惟酋長陳泉不從諸蛋乃縛泉及獲三等獻見將軍將軍赦之而周才雄者別為石城將所獲衆皆定其復梁本豪復亂

梁本豪者亦廣海蛋酋也先是海賊曾一本稱雄海

上豪與馬國政陳世元誘一本入城一本死本豪竄于海曲賊黨漸集乃有梁本明馬本高石志和布尚韜諸酋合千餘人往來波羅香山水東西海日夜習水戰所制艤艘或八櫓或十櫓不用榜人諸蛋自操櫂乘風盪波濤中殆若閃電一旦有緩急輒走入水水不能為災俗號水獺其人女子勇倍于男兒童健過于壯視海上官軍一可當百官軍逮捕不可得弟捕急山中編氓為保姦者諸偷往往亡抵其家深閭匿官軍在門門中無老少男女皆出見牢稱此門中無盜不稍間口前此海賊誘倭奴入寇頗得利本豪既束結倭奴乃復徃西番交獻杯道乾約寇會城總制陳瑞御史羅應鶴與布政李江按察趙可懷等計議謂本豪曾殺千戶濮漢典史林煌鹵執通判駱東韶等罪大惡極且復與倭奴林首相係為奸此不可宥請復廣州標兵治戰艦進討初漁人楊玉在長沙港見倭操舟人不滿八十既而漢人有從而附之者海上俗故造烏槽橫江船因緣為利頃以徵稅苛報罷海上人無以為資皆闖入倭舟總制乃移總兵黃應甲令先逐倭舟舟沉溺死者無算諸蛋方叔畧沙頭鄧氏執其男婦索贖金指揮徐瑞陽任老萬備倭



把總張容正住虎門參將楊為棟白翰紀備外海游擊沈茂指揮王權備內海分守周之屏同知朱一相營居中皆令乘白艚大艘不足則借及漁艇分道並出塵戰沉賊船八十餘生獲本豪等一千二百餘人俘獲三百餘人斬首二百六十餘級聽撫者二千五百餘衆凡倭番土人之在蛋者皆殲之然後奏捷告廟論功賞如例

黎岐瓊州爲上蠻也相傳有女裸居感南風生蠻故其地有黎母山而即以黎名其又名岐則諸蠻有析居五指山者五指者岐也第名雖有二而總爲一黎其歲時輸粟縣官者爲熟黎否爲生黎皆環爲巢寨而生黎居內熟黎居外其山在瓊萬儋崖之中高峻出霧霧中久晴海氛清廓黎人時見翠尖如浮空中然山水分流下四州熟黎分隸諸州縣耕作地供稅役生黎所居絕遠外人不能跡不供稅役然至于山巔雖生黎亦不能至也黎性慄悍兒能引弓習矢少長則射麋市皮于漢取利其力田不耕以牛躋土而糞以木葉出入弓矢不釋手雖燕飲亦然第見漢火器則遁走不及顧自尙主以下咸采葵菜爲屋有如窩棚富者乘馬爲錄貧則否魁結蠻服飾以毛羽女

子皆跣足獨刺面爲花文耳環揮一筒年將笄置酒會鄰尙春時鞦韆亦如之凡男女出遊歌舞呼答名曰作劇設有乘時爲婚者父母勿禁顧以牛馬之多寡爲厚薄爲第勤女紅得漢絲帛折色絲鞦和吉貝而織之爲花所稱黎錦黎單是也其地產沉束黎初不識廣商闌出財物公請爲賈名曰香仔然黎之亂則實廣商多導之在唐爲瓊管之地宋紹定以後黎人王氏往爲寇屢起屢滅元至元間將軍朱斌捕得生口二萬三千八百二十有七峒六百刻石五指黎母而還高皇帝平廣東獨深峒生黎不至海南諸將軍並稱兵討之爲立土舍然終不可羈縻也永樂中太學生潘隆請往招黎帝賜隆視知縣秩使往諭之亡何黎人陳忠等果如隆指請朝見後成化五年儋州七方黎符那南稱亂指揮使王璉發兵破之既而落窰峒符那推又亂副使塗棊又發兵破之至弘治時勅符南蛇叅議劉信獨敗績幸伏羗將軍毛銳率漢達狼土兵十萬出儋州賊大潰斬殺幾盡其後嘉靖隆萬之間又復倔強酋千戶執州判知縣殺丞史莫敢誰何萬曆十四年長田峒出掠兵備使執而戮之會草子坡諸黎喜報復召衆來寇戰于長沙營于



是兵備使提兵出白禿嶺同知董志毅提兵出萬州  
訓導林立提兵出萬陵共斬首百餘級黃村田尾諸  
峒皆匍匐請降班師初黎習馳射發三十步內偶不  
中格輒謂漢人不當死其大言如此因自稱阿弓神  
弓至是民謠曰弛神弓來歸降

明史卷四百十三

外蕃一

禹貢五百里甸服五百里侯服五百里賓服五百里  
要服五百里荒服而祭公謀父申之曰甸服者祭侯  
服者祀賓服者享要服者貢荒服者王有不祭則修  
意有不祀則修言有不享則修文有不貢則修名有  
不王則修德序成而不至則修刑於是乎有刑不祭  
伐不祀征不享讓不貢告不王於是乎有刑罰之辟  
有攻伐之兵有征討之脩有威讓之令有文告之辭  
先王之制如是而已嚴尤以為古無上策周得中策  
漢得下策秦無策焉而宋祁辨之為周得上策秦得  
其中漢無策者何也其言曰荒服之外聲教所不逮  
其叛不為之勞師其降不為之釋脩使其為寇不能  
也為臣不得也惠此中夏以綏四方周之道也然穆  
王伐犬戎獲白狼傳至幽王遂罹其禍平王東遷西  
周以亡惡在其為上策也秦無策謂攘狄以亡國也  
亡秦者非胡也秦築長城始隴西北地上郡趙築長  
城自代並陰山下燕築長城自造陽至襄平秦長城  
者不獨秦也然謂長城設險可守其國亦非幸而秦  
至二世使更傳數世彼長城者亦如漆城蕩蕩耳漢



高伐秦長城固在也而白登之困終於和親治及後嗣公主宮嬪連代下嫁且歲給金錢二億七十萬以云無策誠無策也武帝自將待邊幕南無王庭矣而窮兵毒民卒有輪臺之悔其使張騫開西域視光武閉玉門閔得失何如哉唐太宗之用突門肅宗之用回紇德宗之用吐蕃所謂引外敵平內亂者也然太宗用之而興二主用之而散宋人以金滅遼以元滅金而國亦隨之究而論之唐之和親宋之納幣雖襲漢故而無策殆甚焉明之興也太祖親逐蒙古又遣徐達馮勝藍玉等出塞追勦創業之君當如是矣然著之祖訓西北邊境累世戰爭必選將練兵時謹備之不征諸國如朝鮮日本以下皆限山海僻在一隅得其地不足以供賦得其民不足以供役若其自不揣量果擾我邊則彼為不祥彼既不為中國患而我興兵輕伐亦不祥也後世子孫不可倚中國富強貪一時戰功無故興兵致傷人命大哉斯言所見遠矣成祖三犁朔漠勒銘紀功復遣張輔再定安南鄭和楊勅三下西洋其興漢武若合一轍然細木河之駕彌望無一人一騎曾幾何時而土木之難天子蒙塵三衛屢叛哈密不守交趾既棄倭警日熾浙閩之

海寇內訌而閩陝之流氛騷發明社之屋所自來也由此觀之黷武果何益哉然終明之世未嘗有甥舅之約雖貢市賞賚不貲而獻納之名無聞焉較之前代固為勝之至於擬譯之使賡至外庭山海之琛輻湊內府足以耀王會之圖侈職方之志不可謂非一統之盛事也詩曰莫敢不來享莫敢不來王中國之於遠人來之而已不言往也若夫選驃騎以驅沙磧駕樓船以涉波濤不已勞乎舞兩階而有苗格坐明堂而越裳至古之上策也古之帝王未有不內自治而能治外者治外之道亦治之以不治而已今考其疆理採其風俗與夫治亂盛衰之跡著之於篇俾後知鑒戒焉其國以東南西北為次

朝鮮

東國朝鮮最古相傳堯時有神降太伯山檀木下國人君之號檀君周封箕子國漢初為燕衛滿所據武帝取為真番臨屯樂浪元菟四郡漢末為公孫度所據魏滅之晉並入高句麗高麗本扶餘別種王高麗居平壤即樂浪地後有國內城漢城號三都後唐時王建代高氏并有新羅百濟東徙松岳以平壤為西京歷宋遼金元朝貢不絕洪武元年王頴表賀即位遣符寶郎使斯賜金印誥命大統曆金綺封為高麗



國王三年遣使祀其國山川會定取士格詔許高麗安南等國貢赴京師會試四年賜高麗貢士金濟第以不通華言給道里費回籍五年額請遣子弟入太學表言暹羅國多留蒙古人宜徙蘭秀山通寇宜討詔暹羅遠爾國蒙古亦人類蘭秀通寇一呼可至勿用兵便七年以高麗貢使煩數遣故元樞密使延安答里訥意額遣門下贊成事姜仁裕表謝貢方物帝諭中書省曰高麗貢獻一歲迭至困罷其民涉海險遠如渠徃使洪師範歸國覆溺幸有脫歸者言其故否且致疑古諸侯事天子比年一小聘三年一大聘九州外遠者世一見而已貢物亦無過侈高麗去中國近人知經史文物禮樂畧似中國非他邦比宜令三年或比年一聘貢物產布十足足矣丞相其以朕意諭王諸新附遠邦來朝亦明告以朕意乃遣仁裕及賀正旦使金澤還諭之賜王藥餌八年額被弒以養子辛禡嗣相李仁人殺使人蔡斌議降北元勅遼東守臣絕之十年請額諡號不許遣都僉事濮真往訊死之十六年陪臣張伯崔泊來貢以違命却勿受十八年許禡嗣王賜額諡恭愍貢布萬疋馬千疋謝明年請易冠服弗許二十年指揮僉事高家奴往市馬

初遼瀋民多避亂高麗以降將咬住言索之至是送馬並流民二百八十餘來歸二十一年禡寇遼東至鴨綠江大將李成桂反兵逐禡立其子昌諭年又故昌立定昌君瑤二十四年瑤遣子與朝明年正旦詔班尚書下與未歸成桂漢廢瑤自立其國都評議司奏瑤信讒好殺子與亦癡駭非門下侍郎李成桂莫可主國事帝曰高麗僻處東裔非我中國所治從其自為聲教成桂更名旦徙居漢城請更國號詔仍稱朝鮮且遣使請誥表不遜下吏索撰表人鄭總安置雲南二十六年遼東絕朝鮮三十九年請印不許旦老聽以子芳遠襲卒諡康獻成桂者泉州人自言遠祖翰仕新羅為司空六世孫競休入高麗至成桂凡十七世竟代王氏有國帝以荒裔置不問心固弗善也著之祖訓曰李仁人及子成桂今名旦者自洪武六年至二十八年首尾凡弒王氏四王姑待之成桂將篡侍中鄭夢周李穡簽書李崇仁與瑤謀除之使陪臣李彞奔告於朝曰在賊宰相遣我來告天子請出師致討上流彞於漂水出所記李穡等姓名示使臣趙胖胖還成桂收穡清川獄方鞠時雷兩忽大作暴漲衝南北城漂沒官署獄吏倉黃攀樹



木以免乃宥令任便居住鄭道傳劾之流成昌崇仁  
京山亡何成桂敗海州墜馬伴疾篤夢周大喜以為  
可圖也立召還穡等還道傳將殺之以及成桂成桂  
遣趙英珪要夢周於路擊殺之復故穡於驪典崇仁  
為庶人及芳遠嗣位諡夢周為文忠以其忠於王氏  
也永樂元年賜芳遠印誥冕服圭玉春秋會通大學  
行義通鑑綱目諸書二年帝欲屯田遼東徵牛朝鮮  
以萬頭獻酬絹布 年諭進馬供用獻萬疋十六年  
芳遠請老子祠嗣卒諡恭定宣德初賜袍五經四書  
性理大全五年獻海東青詔珍異非朕所貴其勿進  
使還賜磁器自後聖旦元旦皆使朝貢王謂封慶吊  
謝使來無常期朝廷有大政須詔皆遣使正統間賜  
王翼善飛龍袞玉帶景泰元年殉卒命子珣嗣珣卒  
諡恭順命子弘暉嗣弘暉幼讓其叔琮七年冊為王  
成化三年卒諡惠莊子此嗣六年卒諡襄悼以子初  
立兒子娶卒諡康靖子懋嗣懋病風令其弟懌權署  
國事正德二年懌嗣王十五年封子培為世子嘉靖  
二十三年懌卒培立未踰年卒立其弟岵岵疏乞改  
大明會典中所載成桂篡逆事從之疏言成桂非仁  
人子仁人者京山府吏長庚裔成桂乃斬羅司空翰

孫恭愍為嬖人洪倫所弑仁人誅倫立禍迨寇遠  
成桂反兵傳昌至瑤以國人擁戴請命代立未嘗身  
與弑逆願得前雪至萬曆初重修會典乃更定如今  
文云三十八年倭犯朝鮮擊之盡殫奏捷並獻所掠  
獎賜有差隆慶元年岵卒諡恭愍從子松嗣初釜山  
地屬日本為大海限隔棄於朝鮮日本歲役借朝鮮  
殺萬斛朝鮮往索日本乃以釜山為言朝鮮使者曰  
我鴨綠江北有朝鮮地因三道江阻絕久為大唐所  
有汝能助我復此地則釜山亦可歸也日本以為然  
將舉兵而松及其臣方娛情詩酒不介意萬曆二十  
年閔白平秀吉遣行長清正率舟師逼釜山鎮分陷  
豐德諸郡松令次子瑋攝國事走義州求內屬倭入  
王京毀墳墓劫王子陪臣剽府庫蕩然一空詔命兵  
部侍郎宋應昌督總兵李如松勒兵七萬往援明春  
戰平壤攻牡丹臺大破之倭奔王京如松掠地將輕  
騎趨碧蹄館中伏敗奴倭亦困乏食乃議款嘉興人  
沈惟敬應募三入平壤諭倭獻王京返王子如約縱  
歸倭果於四月棄王京遁棲釜山朝鮮遂復國因撤  
師渡江歸惟敬同倭使小西飛等來請款兵部尚書  
石星主之二十四年遣臨淮侯李宗城都指揮楊古



亨册平秀吉為日本三給金印宗城次對馬島聞太守儀智妻美欲淫之智怒將行刺宗城懼重書夜遁改命方亨同惟敬往秀吉郊受命朝鮮王使州判奉白土紬為賀秀吉怒其禮微又責二子不往謝仍留石曼子兵機釜山如故進表謝恩乞天子處分朝鮮表文潦草不奉正朔無人臣禮事中變明年復命總督侍郎邢玠經畧總兵麻貴濟師都御史楊錫駐天津申警倭襲執惟敬倭向蕙始絕時清正屯蔚山與釜山行長相犄角玠赴王京錫貴攻蔚山追至島山連破之絕其餉道倭偽約降而行長從釜聲援選銳卒三千度飛旗嶺江上錫貴遠策馬奔為倭襲擊大潰又明年別將陳璘劉綎鄧子龍先後至分水陸四路進勒稍有斬獲是年七月秀吉死諸倭揚帆盡歸我兵遮擊之以捷聞告廟獻俘泉平秀政平正成棄惟敬市玠等陞賞有差凡經理八年而後定其後朝鮮與對馬鳧倭復私款三十六年松卒諭昭敬長子肆先死立次子暉命行人熊化往封泰昌元年遣叅判李春元金大得賀萬壽節天啓三年肆子宗廢暉自立奉昭敬妃金氏命請封遣議政李慶全等貢方物五年命太監王敏政往封七年戒

大清兵破義州入平壤倭走孤鳧旋反國崇禎六年以助餉賜金綺十年我兵再破王京倭降又走江華鳧執其世子更立主其國東西二千里南北四千里分八道中曰京畿東曰江源西曰黃海南曰全羅東南曰慶尚西南曰忠清東北曰咸鏡西北曰平安分統府郡州縣俗柔謹崇釋尚鬼惡殺多諱忌喜讀書工詩文衢路悉構嚴室號扁堂未婚者曹處誦經習射戴折風巾服大袖衫居皆茅茨衣多麻苧色尚白男女相悅為婚死三年始葬以田制俸以菘醞酒法無苛條其犯賊及再嫁書名三司子孫不齒人首無枕背扁側山川九都神嵩北岳海鳴綠江為大入有江曰大定曰大同而漢江最勝貢物有金銀器皿螺鈿梳函白綿紬五色苧布豹獺皮人參龍文蓆席白磁紙果下種馬每三年五十疋產菘昆布長尾鷄貂狗八梢魚高麗志八十本為本國徐敬復所著東國史名人集共百餘家叅軍吳明濟選朝鮮詩最著者徐居正金宗直申光漢南袞李德馨許筠許篈許筠兄弟狀元而妹氏景樊亦有詩二百篇傳於中國

日本



日本古倭國至唐稱習華音惡倭名改稱日本隋大業中致書云日出處天子致書日沒處天子無恙其命者取此也海中國倭最大四至各數千里三面環水唯東北限大山有五畿七道三島共一百十五州統五百八十七郡附庸國百餘自拘邪韓國渡一海千餘里曰對海國又南渡一海千餘里曰瀚海國又渡一海千餘里曰末盧國東南陸行五百里曰尹都國又東南百里曰奴國又東百里曰不彌國又南水行二十日曰投馬國又南水行十日陸行一日曰邪摩羅國即大倭王所都自是而東而南曰期馬國已百支國伊邪國郡支國彌奴國好古都國不呼國奴國對蘇國蘇奴國呼邑國華奴蘇奴國鬼國為吾國鬼奴國邪馬國躬臣國已利國皮羅國烏奴國竹斯國秦王國皆倭所屬其國小者百里大不過五百里倭王世姓王初主號天御中主次曰大村雲尊其後皆以尊為號後又稱天皇自漢武滅朝鮮使驛始通凡三十餘國歷代朝貢不絕惟元世祖招之不至明興頻寇山東濱海州縣及淮安浙東福建諸郡洪武三年遣萊州府同知趙秩賜璽書讓其王源良懷良懷言蒙古嘗誅我好語隨襲以兵其使趙良弼也

今使者亦趙姓豈其裔耶將刃之秩徐曰聖天子生華帝華非蒙古比我亦非良弼後爾殺我禍立至矣良懷氣沮遣僧秩表貢方物帝亦遣僧祖闌無逸報使然其寇掠自如始令閩浙造海舟倭以於顯為總兵官出海巡徼也年來貢無表文却之其臣亦貢茶布刀扇帝曰此私交也亦不受令中書省移文責王九年遣僧歸廷用奉表貢馬謝罪賜文綺已而帝覽表曰良懷不誠詔責之十二年來貢無表文安置使人於陝西番寺明年遣僧如瑤貢馬令禮部移書責王教掠我海上復却之諸僧皆安置川陝又明年遣僧入貢乞還安置諸僧使帝曰日本既謝罪還其使召至京宴賞遣歸十五年歸廷用又來貢於是翰林賢之獄曰故丞相胡惟庸通日本祖所謂日本雖朝實詐暗通奸臣胡惟庸謀為不軌故絕之也時惟庸死且三年矣十七年如瑤來貢坐通惟庸發雲南守禦是年以信國公湯和巡視海上築登萊至浙沿海五十九城調民兵戍之二十年遣江夏侯周德興築福建海上十六城設衛所增屯戍嚴下海禁二十七年勅魏國公徐輝祖練浙兵海上未幾初命太監鄭和等率舟師三萬下西洋日本首先入貢并擒獻犯



遺賊二十餘人即付使者治之縛置甌中蒸死賜王  
冠服文綺金銀古器書畫予勘合百道令十年一貢  
使額無輸二百勿挾兵器尋賜印誥封為日本國王  
名其國鎮山曰壽安鎮國山帝為文勒石久之良懷  
死子道義益奸狡屢寇磐石松門金鄉平陽十五年  
遣禮部郎呂淵諭王還所掠海上人明年遣使謝罪  
十九年以三千突寇遼東都督劉江殲其衆初江聞  
地形得金線島西北望海窩勢高峻扼咽喉特為增  
築及偵倭至伏兵山下別遣奇兵焚舟斷其歸路倭  
中伏擒斬且盡江以功封廣寧伯自是不敢窺遼然  
倭自得勘合多指稱貢舶藏兵刃備護即貢脩弛即  
掠貢即愆期所司不敢深詰聽抵京師宴賚市易飽  
飲而去正統後海防漸疎四年寇大嵩入挑渚官吏  
民舍焚劫一空驅掠少壯發掘塚墓束嬰孩竿柱上  
沃以沸湯視其啼號拍手笑樂捕得孕婦付度男女  
割視中否為勝負荒淫慘酷至有不可言者於是詔  
命重師守要地增城堡謹斥埃修戰艦合兵分番屯  
駐寇盜稍戢成化中忽至寧波覘有備詔云修貢度  
吉士楊守陳貽書主客謝絕之不從正德四年其王  
源義澄遣宋素卿來貢素卿故鄭人朱編也通鄭倭

有罷偽充正使其叔朱澄識之言於朝素卿賂劉瑾  
置不問令還諭王無盜遼因求祀孔子儀注不許嘉  
靖二年素卿再至時其王源義植尋聞諸島強爭入  
貢左京兆藝興遣僧宗設右京兆高國遣僧瑞佐及素  
卿墮至寧波故事番貢至閱貨宴席並以報至先後  
為序素卿狡賄市舶太監賴恩攬閱佐貨宴又引坐  
設上席間爭長相仇殺而設黨盛尾追素卿及紹興  
臨城索不得遂捕夢邑殺指揮劉錦去己深入朝鮮  
國王李懌獲以八倭獻詔下素卿獄並二倭瘦死釋  
瑞佐還諭王捕宗設九年琉球請封道日本附表乞  
賈素卿并請勘合修貢禮部驗表無印勅琉球傳諭  
自是絕貢者十七年初張士誠方國珍分據溫台寧  
紹諸郡並瀕海及已降滅而餘黨遁海上輒糾島倭  
入寇高帝業增置戍守又命南雄侯趙庸招集蛋戶  
漁丁之族悉籍為兵於是海上惡少皆仰食縣官而  
方張餘黨壯者老老者死旁海郡縣稍得休息永樂  
西洋之役華人習知海外饒琛寶而貢使往來益習  
海道曲折糾引蔓附剽掠後起至是以科臣言遂罷  
市舶不知當罷者市舶太監非市舶也市舶罷而利  
孔反為奸商所竊每番貨至以虛詞餽取轉展賒負



絕不償直久乃投豪貴家豪貴家侵牟視奸商適甚  
番人坐索動以危言撼當路驅逐又先期漏語使逸  
以示德陰搆全利其後番人聞而飲恨盤據海洋必  
劫有其費蓄乃已而亡命不逞強有力者復入海聚  
衆為舶主為倭向蕙如汪直徐海之徒皆華人僭稱  
王號而其宗族妻子田廬皆在籍無恙莫敢誰何二  
十六年始設浙江巡撫都御史姜瓖與福漳泉治兵  
捕賊以朱統為之統清勁果於任事日夜詰兵嚴糾  
察根株通海窟穴遂搗雙嶼擒巨首許棟因上章鷄  
暴二三渠魁侵豪貴諸豪屏息切齒諷臺省奏改統  
為巡視竟以專殺奪官並下統同事副使柯喬指揮  
盧鏜於獄論死統志自殺并弛海禁由是東南羣盜  
肆起益無忌憚矣三十年汪直突入定海明年壬子  
倭犯台州破黃巖流劫象山諸邑復簡都御史王忬  
為巡視以俞大猷湯克寬為叅將而募府久廢兵政  
積弛士柔脆不習戰行至請假事權募某勇徵狼土  
諸兵規畫稍定明年癸丑倭犯温州大猷冒險出洋  
搗穴群賊駭散狂寇克寬統部卒東西馳擊頗獲首  
功賊移舟犯蘇松屠上海之南漚沙薄太倉嘉定遂  
圍海鹽掠平湖陷昌國衛臨山所再攻海寧衛破乍

浦延及寧海奉化諸邑凡留內地三月所在焚蕩西  
犯松陽北侵海州而福寧寨嶼所亦遭寇乃改忬巡  
撫提督軍務忬薦盧鏜為叅將克寬以副總兵屯金  
山大猷總浙直兵時任環以雄畧自府同知擢備兵  
蘇松松陽令羅拱宸亦以知兵升浙憲也其秋倭劫  
興化擊却之他部據南沙踰五月明年甲寅潰圍出  
大掠通州如皋海門有漂入青徐界者山東大震復  
以屠大山為應天巡撫姜提督調王忬巡撫大同以  
李天寵代之南兵部尚書張綏總督浙直福廣山東  
軍務倭自尚沙登岸克寬敗之挾洶港而大猷勦普  
陀倭為所乘鏜禦之嘉興再戰孟家堰亦敗遂陷嘉  
善焚運艘我師迎擊遁乍浦合長沙灣破崇明知縣  
唐一岑死之大猷擊敗之吳淞叅將李遂時又敗之  
新設許國乘勝深入伏起大潰指揮劉勇死之逮大  
山斥為民倭披川沙窪柘林為窟明年乙卯陷崇德  
轉掠湖州新倭日增惟任環督舟師敗之南沙會所  
調田州瓦氏狼土兵至蘇人心稍安而工部侍郎趙  
文華請祀海神帝遣之姜督察沿海軍務文華故嵩  
黨姜挾上寵願指督臣經經自以宿望不屈叩之時  
狼土兵新集銳請擊倭文華趨戰經欲俟所徵永保



兵并力文華佻妄不敢漏師期而江北三丈浦川沙  
窪倭報日至文華以經固老帥觀望也劫之既而永  
保兵至經遣盧鍾督土兵遮擊石塘灣倭奔上江涇  
大猷以永保兵夾擊大破之斬級二千溺死無算而  
帝入文華言業遣緹騎逮經捷聞兵科請留經平倭  
自贖不聽并天寵克寬下獄論死權御史胡宗憲為巡  
撫以周現代經旋改楊宜二人並齷齪無將畧倭勢  
復張連寇蘇常諸邑常熟知縣王秋江陰知縣錢錡  
及居鄉叅政錢泮死之任環率師追入太湖逸去他  
倭百餘從會稽高埠流劫抗敵直趨南京已從宜興  
轉入泚野應天巡撫曹邦輔率僉事董邦政蹙之蹙  
馬文華欲攘首功不得恨邦輔矜柘林餘倭穴陶宅  
大集浙直兵會勦敗績遂委罪邦輔並邦政逮問已  
而川兵破周浦賊大猷復有海洋之捷文華遽報蕩  
平請還薦宗憲代宜總督以叅政阮鶚代宗憲倭衆  
聚新場任環進勦失利攻上海敗之五里橋圍太倉  
力拒之殺傷甚衆明年丙辰倭薄温州同知黃釗死  
之劫無為州同知齊恩力戰死繼而巨首徐海擁部  
萬餘蕩柘林賊陳東併兵從破石趙皂林鵝以輕舟  
馳入桐鄉令遊擊宗禮帥兵九百禦之斬七十餘級

海為辟易以援絕橋兩與霍貫道俱歿於陣倭乘圍  
桐鄉引撞竿撞城城幾壞城上人以索挽上斷竿黃  
鐵汁灌城下倭稍却會宗憲問使人持重賂說海罷  
圍且疑東以攜其交海潛道崇德西適東留攻一日  
勢孤亦引去而文華復以尚書視師始文華言殘倭  
易城頃更蔓延帝覺其欺用高為營特遣已至浙則  
與憲宗圖襲海宗憲偵海與葉麻爭一女子相失因  
說海縛麻而陳東以桐鄉之役睡毗與麻相倚更遣  
謀持珠璣遺海侍兒翠翹說海并縛東且詐為麻書  
遺東陰泄之海海得書泣下心德宗憲竟縛麻東以  
獻於是海勢日孤因說海至平湖庭謁堅約令海與  
東分屯沈莊又詐為東書告其黨與海黨相攻乃督  
永保兵襲沈莊乘風縱火海窘溺水死俘麻東獻遂  
進文華少保宗憲右都御史餘倭提舟山大猷攻之  
未下會夜大雪督兵擲火焚其柵盡殲明年丁巳并  
獲巨首汪直直欵人走海上為船主頗任俠島主並  
嚴事之宗憲以鄉曲習知直迎其母妻至抗慰籍甚  
厚因疏言頻歲苦倭特海上亡命勾引島彞其國王  
故未知也請遣使諭日本王禁戢報可以諸生蔣洲  
往問過直五島諭意直言日本方亂諸島不相攝誠



貫直等通貢五市額擊賊自劾遂留州往諭各島別  
遣養子毛臣王汝先後投款宗憲結以重賂招之降  
直範以豐洲王入貢為名泊岑港宗憲使直所善夏  
正質其舟直遂挺身詣軍門請罪宗憲待以賓禮供  
帳甚盛具狀請赦直帝謂直元亮不許宗憲乃密檄  
斬之以功加太子少保然直雖誅而三千人皆死之  
士無所歸益憤恨大亂明年戊午犯福州鴟不能禦  
取庫銀數萬兩賄之以新造大舟六艘俾載去陷福  
清知縣葉宗文訓導鄒中涵舉人陳晃俱罵賊死攻  
惠安知縣林賢戰死命兵部即唐順之視師浙直明  
年己未海道譚綸敗倭於馬岡而岑港倭自柯梅趨  
泉州浯嶼閩人大譁宗憲縱寇宗憲委罪俞大猷集  
職江北倭據白浦鎮副使劉景韶以遊擊丘陞擊敗  
之丁堰如皋海門三捷又敗之潘家莊廟灣倭淮安  
叅將曹克新敗之姚家蕩景韶追至印莊戰於新州  
賊悉焚死巡撫李遂困倭於廟灣水陸進擊搜其巢  
多斬獲賊開洋遁去福建新倭陷福安叅將黎鵬舉  
敗之屏風嶼永福倭出梅花洋叅將尹鳳擊敗之別  
部二十餘艘屯三川沙總兵盧鏜攻破之突犯揚州  
丘陞追至錫圍馬蹶被殺劉顯擊之白駒沙又敗之

花墩賊盡殄焉自壬子倭入黃巖至是首尾八年江  
南北畧平宗憲用間力居多捷奏舉唐順之贊畫功  
擢僉都御史四十一年以言官論劾逮宗憲削籍罷  
浙閩總督明年復逮至京宗憲自殺初浙江叅將戚  
繼光既連破賊於林墩等處引兵還倭自東營澳  
登岸迎斬百八十級遂行而倭勢轉熾犯邵武羅源  
連江直抵興化城攻圍匝月劉顯以兵少不敢進遣  
五卒賚文詣府為賊羅獲遂偽顯文赴期入城據三  
閩月殺掠焚燬飽颺去復命繼光大猷馳援破之平  
海衛斬二千餘級溺死無算追至仙遊同安漳浦擒  
賊殆盡閩寇悉平其闖入廣東者大猷又截殺之幾  
無遺類計海氛踰一紀始靖而受害浙最劇次南直  
次閩又次粵所破城十餘掠婦女財物數百萬官軍  
吏民戰及俘死者不下十餘萬轉漕軍食天下騷動  
而倭亦片帆不返然率海上奸氓乘機鼓煽真倭僅  
十之一二其國王絕不聞前遣蔣洲至豐後島轉諭  
山口所山口都督源義長豐後太守源義鎮并具咨  
表貢方物謝罪量犒其使回咨義長等轉諭王鈐束  
然此後朝貢遂絕隆慶時海寇曹一本等勾引生倭  
犯仙遊等處巡撫譚綸調義烏兵擊破萬曆二十年



有閔白平秀吉之亂詳見朝鮮傳秀吉太清平盛家  
奴以敗魚碎卧樹下過舊閔白信長出獵欲殺之秀  
吉口辯留令養馬名曰木下人因助信長計奪二十  
餘州會信長為泰謀阿奇支刺死秀吉統信長兵誅  
阿奇支遂居閔白之位誇六十六州分為二閔東曰  
相板西曰赤門各船數千隻後遂廢倭王山城君自  
號大閔王改元文祿以義子孫七郎為閔白閔白如  
漢大將軍大閔為國王上又有天王自開闢以來相  
傳至今不與國事惟世享供奉而已每年元旦王率  
大臣一謁天王他時並不相接秀吉築城四座名聚  
快樂院內蓋樓閣九層粧黃金下隔瞻房百餘間將  
民間美女拘留淫戀嘗東西遊卧令人不知秀吉死  
遺孤秀賴甫七歲娶巨首源家康孫女家康輔以有  
長岐島首等安得罪家康請取東番自贖令次子秋  
安連犯閔之東湧大金尋家康死傳子秀忠稱新閔  
白三十七年對馬島首元蘇等稱秀忠命假道朝鮮  
修貢三十九年有日本三人航海至暹羅風漂至南  
直柘林命安置延緩明年冒琉球入貢却之四十三  
年秀忠以兵三十萬攻秀賴於大坂秀賴敗入保內城  
秀忠鑿地道放火秀賴敗死因分據其地收三十六

州四十五年福建游兵獲一舟自稱日本董伯起云  
長岐島即肥前洲寧監市販今頭目柴田勝來販副  
使韓仲雅遣官傳送定海所而去東沙外洋飄倭船  
三艘凡二百餘人登山恭將沈有容攻之縛三十三  
人沈其舟是年對馬島王平義成遣使以秀忠書至  
朝鮮通好歸其俘口并求修貢朝鮮以開其俗嗜酒  
信巫輕生好鈔掠兵刃犀利裸身赴閉慣舞刀輕佻  
跳躍為蝴蝶陣以揮扇吹海螺為號工設其伏船大  
者容三百人男子黠頭斷髮黥面文身婦人拔其眉  
黛其額髮垂肩績以鬚長曳地治容者黑其齒衣如  
單被穿其中以貫首皆跣足間用屨板屋低小布地  
以砂飲食用磁漆器尊者用玉席地坐卧以磚路為  
恭提掌為悅喜啜茶道旁有茶店如漢人入酒館也  
土温煥宜禾稻產金銀琥珀水晶水銀白珠青玉蕪  
木胡椒絹布貢物有盛鎧刀劍扇數珠洒金描金諸  
器互市華人喜得錦綺絲綿磁器針初無文字自魏  
隋五經佛經得中國始知儒書尤信佛法王子七歲  
講聖鬘經天兩曼陀羅華今所傳有法濟大師奮然  
啟戒嚴王師行成表及全俊天祥機先大用左省嗜  
哩嘛哈諸詩又有吾妻鏡三十本紀本國君臣事蹟



吾妻者島名也

琉球

琉球在中國東南自福建梅花所開洋順聽利舶七晝夜可至由龜覽嶼高華嶼至澎湖島水勢漸低近琉球謂之落捺捺者水趨下不回也西岸漁舟到澎湖已不遇颶風發漂流落捺百不一或云古名流虬以其萬濤蜿蜒若虬浮水中所轄有古來太平馬齒硫黃熟壁灰堆移山七島並隔海外古不通中國隋煬帝令羽騎尉朱寬入海至其地慰撫不從遣武貴即將陳稜率兵伐之掠五百人還元遣使招之不至洪武五年遣行人楊載齋詔往諭其國分為中山王察度山南王永察度山北王帕尼芝並遣使貢方物且請封爵十五年賜中山山南金印文綺明年賜山北如之時三王爭雄相攻詔諭之二十五年中山王遣子姪及陪臣子弟入國學一禮遇獨厚以其朝貢往來賜閩人善操舟者三十六姓自後三王嗣封皆請於朝間歲一貢五百五十人即福建南臺外置番使館迺至京永樂二年察度卒詔封世子武寧嗣其年永察度亦卒無子從弟汪應祖攝國來請命詔賜冠服嗣山南王武寧卒子思紹嗣九年遣坤宜

堪稱來貢偕長史程復至表言長史王茂輔謀久乞借國相復奉中國饒州人輔臣祖察度四十餘年不懈今年八十一請致仕還其鄉從之思紹卒子尚巴志嗣已志卒尚忠嗣自後國王世稱尚氏正統十年琉球商舶漂至香山港巡戍欲盡戮冒功副使章格不可奏還其幣十三年尚思達嗣立遣使朝貢亡何思達卒叔金福嗣金福卒弟布里與子志魯爭立失其印次弟泰久馳奏命給泰久印嗣王時景泰五年也未幾山南山北為中山所并泰久傳子德德傳圓圓傳真以官生蔡賓等五人肄業南雍經五年皆禮部乞放回省覲許之嘉靖三年正議大夫鄭範入貢令還諭日本五年真卒子清上表請封遣給事陳侃行人高澄以太牢祀真封清嗣王使臣疏言弘治時修撰倫文叙使安南安南乞留詔勅為鎮國寶倫為請留即琉球請如安南海外遠不得請乞下禮部議議如安南例使至國授封王拜曰天朝勅詔藏金匱者八葉於茲矣比還遣王親寧吉長史蔡瀚表謝且言大明一統志載琉球有落捺居王壁下聚鬻餼事非實杜氏通典集事淵海羸虫錄星槎勝覽諸書亦多傳訛乞以侃等使琉球錄下史館從之十九年長史



梁梓來貢二十二年獲乞還南雍官生梁炫等四人  
二十六年貢使蔡廷會本國藉與給事黃宗聚通饒  
謁事覺革賞行劾三十四年清卒明年倭寇浙直敗  
還入琉球世子元發兵邀擊職馬獻所掠金坤等六  
人三十七年遣給事郭汝霖行人李際春冊封元為王  
四十一年陪臣鄭憲入貢送歸中國漂流人口萬曆  
元年元卒子永嗣永卒三十一年封子世寧嗣王先  
是琉球日為閩白擾害索金進貢世子差僧天龍送  
賞銀四百塊塊重四兩三錢及同倭使回世子不允  
僧繼死閩白曰既不肯與北山何受我銀兩每年加  
利要四十兩世子不得已賠還又差僧建蓋往行禮  
閩白留僧差使新納伊到琉球要萬人三年糧食載  
至朝鮮世子以國小民貧辭之年三十歲以未受冊  
不敢稱王廵撫許孚遠為奏請始邀封典云三十六  
年入貢三十七年薩摩州倭侵琉球擄其王四十年  
遣使修貢報王反國四十三年遣通事蔡蘆奏倭造  
舟五百艘取鷄籠山諭倭之天啟七年遣蔡廷等入  
貢崇禎元年世子尚豐入貢請封命給事杜三策行  
人楊掄往封九年入貢十二年中山王使蔡堅等入

貢十七年又使金應元來朝則國已亡矣至南京而  
還初其俗以盈虛為晦朔草木為冬夏國人深目長  
鼻去鬚點手羽冠毛衣無禮節好剽掠既遣人入國  
學奉正朔設官職被服冠裳陳奏章表著作為什有  
華風焉王之下有王親不與政次法司官次察度官  
司刑名次那霸港官司錢穀次耳目官司訪問皆土  
官為武職以上世及所轄地為姓其大夫長史通事  
官司朝貢有定員為文職皆三十六姓及入國學者  
為之王并日視朝且中晏三次羣臣握手膜拜尊且  
親者入殿坐賜酒畢跪者移時長聽塔下元旦聖節  
長至君臣冠服拜龍亭祝慶子為親喪數月不食肉  
人死以中元前後日浴尸溪水去腐肉取骨裝以布  
帛藏山穴竅木為小窟歲時祭掃啟視之俗畏神神  
以婦人為尸女巫之魁稱女君白日呼嘯聚數百人  
攜林帶草步騎縱橫入王宮游戲一唱百和聲音哀  
慘來去不時王率世子陪臣皆頓首百拜國人有謀  
不軌者神即夜告王擒之倭寇時有欲害中山王者  
神銅禁其舟易水為鹽易米為沙尋就戮矣王官室  
建於山巔國門扁曰歡會府門漏刻殿門曰奉神門  
外有小池自石龍口中噴出名瑞泉汲為飲食王出



入乘輿用五色傘以土珠小團扇四柄貼金葫蘆一對為儀衛賦法畧如井田王臣民各分土為之祿食無征歛有事一取之民事已即已用刑甚嚴盜竊即刑剗市用日本錢十當一如宋李穡眼挺貫富貴家瓦屋不過二三楹餘皆茅土以螺殼糞無釜甑耕無鐵無貴賤着草履入室則脫惟有謁使客具冠履用布纏首結髻於首之右漢人則結於中有職者簪一金替色貴紫次黃次紅綠白最下王首纏錦帕大袖寬博腰束大帶亦以為色等婦女以羅紋白布為帽雜毛為衣螺為飾下垂小具其聲如珮髻肖童子總角不施簪珥粉黛上衣之外更用幅如帷裳背上是人則以手下之蔽其面下裳如裙倍其幅褶紉而長覆其足也其貴家大族出入則戴笠坐馬上女僕三四從之宴會令童子歌曲擊柝而舞酒以水漬米越宿婦人嚼以取汁曰米奇其南番酒釀來自暹羅武宗嘗賜玉杯每出為壽學書及武以倭為師甲用皮革矢可至二百步節以金鼓衆馳健耐饑寒勞苦不知醫藥而無疾疫好爭鬪輒刃殺人度不免即刮髮自斃故海外稱勅國山無猛獸故多野馬牛豕蟹間有虫如蝎虎聲噪如雀尤異貢物有金銀酒海粉

瑪瑙象牙螺殼海巴推子扇硫黃燕木胡椒諸香磨刀石又有小琉球近泉州閩人云霽日登鼓山可望而見其人盛聚落無君長習鏢弩少舟楫不通朝貢琉球東隣國有三島者三山昂峙巖石層巒民倚邊而居田疇少收網魚於海織布為業國人得附舶至中國雖罄其貲得歸本處父兄稱能事焉又東有國鳥語鬼形殆非人類或云即此舍那也

安南

安南唐虞時南交也漢平南越置交趾九真日南三郡唐至德中改安南都護府安南之名自此始後梁時土蒙曲承美據之并於劉隱未幾管内大亂衆推丁部為州帥入宋黎桓篡丁氏尋為李公蘊所奪傳至天祚封安南國王安南國號自此始天祚孫吳昆無嗣以女昭聖主國為塔陳日照所襲明與詔諭海外征南將軍廖永忠等踰嶺定廣東西時曰陸懼欲納款以梁王在雲南未決遣漢陽知府湯濟諭之洪武二年令其臣同時致等來朝貢且請封詔侍讀學士張以寧典簿牛諒柱封為安南國王賜駝奴塗金印白燈已卒弟日熈受封數侵占城來告急遣編修羅復仁主事張福詔諭各罷兵三年遣使祀其國山



川日燧卒賜祭封其子曰燧嗣無何叔明墓立貢副  
象却之六年奉表謝罪使者言日燧實病死國人願  
立叔明詔以前王印視事七年請老傳弟日燧報可  
然叔明實專國政十一年叔明果告日燧喪弟日燧  
署國事時安南奉詔陽罷占城兵而種吏寇掠如故  
思明府亦奏安南貢久之叔明死燧為國相黎季犛  
布政司母納安南貢久之叔明死燧為國相黎季犛  
幽城外尋遇弒立叔明子曰焜季犛叔明甥也假日  
焜名果貢二十五年以安國弒君不道詔絕之明年  
遣尚書任亨太御史嚴震直諭出兵討龍州趙宗壽  
三十年遣行人呂讓諭還思明五縣不聽日焜旋為  
季犛所弒立其幼子焜又斃之大殺陳氏自為舜裔  
胡公後國號大虞紀元天聖更姓名胡一元子蒼易  
名奎僭稱帝自為太上皇永樂元年賀即位詐表陳  
氏絕奎為陳甥求權署國事遣行人楊渤往康之還  
以耆老表上與奎合遂命即中夏正善往封焉明年  
表謝還思明侵地會安南故臣裴伯耆詣闕懇狀告  
急而老極宣慰司護送陳氏孫天平亦奏乞師其冬  
安南賀正且使至帝出天平示之使者錯愕下拜有  
泣下者三年命御史李琦行人王樞賈勅詰責安南

奎表謝罪請迎天平歸國帝遣大理卿薛嵩行人聶  
聰送之勅副將軍黃中呂毅以兵五千護行至丘温  
奎以餽牽迎搗壺漿相繼於道度鷄林關將抵芹站  
忽伏發劫殺天平并二使中等整兵擊之橋已斷引  
還奏聞帝大怒決意南伐以成國公朱能為大將軍  
西平侯沐晟新城侯張輔為左右副將軍尚書劉儁  
恭贊黃福轉餉大將軍右副將軍等統京衛荆湖閩  
浙兩廣兵出廣西憑祥左副將軍等以巴蜀建昌雲  
貴等兵出雲南蒙自師次龍州遣行人朱勸諭季犛  
父子聽以金鑄身贖罪不從能卒於軍命輔盡護諸  
將度坡壘閩傳檄數黎賊二十罪晟兵至白鶴江奪  
宣江次沱江輔兵至沱江合兵渡富良江進克多邦  
城破東都遣恭將李彬攻西都賊焚宮室倉庫遁入  
海五年輔晟等破賊菁江柵又敗之晉賴山木九江  
追至閩海口戰於富良江大破之走入安都督柳升  
追之獲船三百隻賊遁俱入海升引兵出奇羅海口  
賊敗卒王柴胡等七人擒季犛李保等十人擒其子  
澄土人武如卿等擒蒼及偽太子偽相黎季犛等  
縛獻軍門安南平詔求陳氏後國人言黎賊殘陳氏  
無存者乃郡縣其地立表祀布政司都指揮司按察



司分十七府曰交州北江諒江三江建平新安建昌奉化清化宣化大原鎮蠻諒山新平入安順化升華四十七州一百五十七縣衛十一所三市舶一安撫人民三百二十萬蠻人二百八萬七千五百糧儲一千三百六十萬石象馬牛十三萬五千九百船八千七百軍器二千五十三萬九千獻俘闕下季犛蒼下獄赦澄芮等令有司衣食之其後釋季犛成廣西而澄以善神鑄累官工部尚書別賜姓氏贈陳氏子孫七人官以黃福兼布按二司事勅訪交趾人才以明經甘潤祖等十一人為府同知六年輔等凱旋上交趾地圖東西一千六百六十里南北二千八百里進封輔英國公晟熙國公升安遠伯是秋簡定復反定故陳氏臣從下交南有功因上不復立陳氏走化州說群盜鄧恣等下之聚眾萬餘稱曰南王命晟率師討之偽仍恭贊十二月戰於生厥江敗績偽與都督呂毅叅政劉昱皆沒七年勅輔總兵簡定稱上皇立陳季擴為大越皇帝改元重光季擴者蠻人自云陳氏後安南民不忍棄陳氏相率歸之輔兵至賊敗於賊子岡大平海口等處季擴稱故王後請封輔不聽迨至美良獲聞定及偽將相陳希葛等檻送京伏誅

八年召輔還留晟復捕餘黨季擴上表請降帝遣方政諭季擴以為交趾右布政其黨陳原樽叅政潘季佑副使胡其澄鄧景異鄧鎔都指揮七何復反九年命輔會晟督師敗賊於月常江又破之海上十年輔破賊於神投海口又破之西心江十一年輔晟會兵敗賊於愛子江進大索季擴走老撾進克三閱繫以歸檻送京伏誅安南復平以輔留鎮其地十四年召還以豐城侯李彬代中使馬騏監軍定歲貢扇萬柄翠羽萬個騏墨而殘交人苦之叛者四起十六年清化土官黎利反利從季擴為金吾將軍己酉季擴為巡檢輔還遂反稱平定王以弟黎石為相段昇都督聚賊眾范晏等劫掠彬遣都督朱廣往勦擒晏斬以徇利遁去十八年叅政馮貴侯保討利戰死十九年彬請也田言利奔老撾帝諭老撾匿賊持兩端其詰之尋召彬還以榮昌伯陳智代赦利為清化知府遣內官山壽諭利竟不赴二十二年都督方政與利戰於茶龍州指揮伍雲死之召黃福還以兵部尚書陳洽代福在交十八年有威惠既去而交人益攜利先後破茶龍諒山知府琴彭易先供死之洪熙元年以陳智為征彝副將軍討利宣德元年勅智政進勦至



茶龍敗績詔切責奪官別遣成山侯王通充總兵官討之交趾連歲用兵中國疲於奔命自仁宗雅屬意招撫帝罷朝御文華殿顧語侍臣蹇義夏原吉楊士奇楊榮以郡縣安南非太宗意欲知洪永初使自為國奉常貢與民休息惟士奇榮議與上合五月赦交趾有罪者黎利弟善據廣威州擁衆數十萬分道攻交趾城拒却之恭將馬瑛大破賊於清威至石室縣與通合兵進屯寧橋陳洽言地險惡宜遠斥堠持重不從麾兵竟凌天雨泥濘伏蹶起衝蓋大敗洽死之利方從乂安引精兵來會圍東關通懼陰詐為利請封而檄清化迤南歸黎氏清化守羅通曰非君命而欲賣城不可連戰敗走之賊逼鎮城平州知州何忠潛出請師為賊所獲喜曰何知州聞名乂矣能從我同享富貴舉酒酌之忠大罵奪杯擲中賊而流血遂遇害以柳升為征彞副將軍由廣西沐晟為征南將軍由雲南二道討交趾尚書李慶叅贊黃福仍掌布按二司事勅通守城練兵同進二年利攻交趾城通敗之斬其司空丁禮司徒黎亨諸將請乘勢亟擊通猶豫賊得以樹柵掘塹修器械勢復張陷昌江指揮李任顧福劉順知府劉子輔死之通飲兵不出賊致

書請和通遣人同利使表貢方物隨具書請升軍門乞罷兵立陳氏後曰罵者主其地升以聞軍抵鎮彞閱連勝心易賊李慶扶病諫不從獨以百騎度倒馬坡梅壤陷淖伏四起升中鏢死慶亦沒都督崔聚被執死之惟黃福為賊所得皆下馬羅拜且泣護歸龍州通懼出下哨河立壇與利盟退師晟兵竟不出前使表至京帝以示英國公輔輔曰此表出黎利之謫當益發兵誅此賊耳惟士奇榮力贊從之便遂以侍郎李琦羅汝敬充正使通政黃驥鴻臚徐永達副之諭安南言利表前國王遺嗣嵩尚存老嫗其冷者老以實對即受封貢如洪武制勅主帥班師新罷三司以下文武吏士攜家來歸三年偽王陳昂遣黎少穎表貢代身金人謝罪并送叛人蔡福等還京通坐失律棄地山壽通賊馬騏澂變皆論死贈死事諸臣復其家四年汝敬等還利表言嵩死陳氏絕帝心知其妄然業置不問六年利獻代身金人請封遣侍郎章敬通政徐琦詔利權置國事七年敬等還利表謝歲貢金五萬兩及方物九年廣西總兵山雲奏利死奸臣黎問等搆黨讎殺諒山土官阮世寧七源州土官阮公蓬并避居龍州及太府勅雲利起徵賤因奏立嵩



從人望朕志息民遂罷兵利遽奏嵩死嵩之死利所為也朝廷即欲問罪不忍毒民令權畧國事多行不義為天所殛爾宜飭邊兵嚴備世寧等善撫之利子麟旋告喪命行人郭濟朱翔往祭仍令麟權畧國事麟一名龍正統二年以奉朝廷謹賜塗金印封真為安南國王諭還所侵欽州地麟卒子濬嗣一名基隆天順元年乞賜袞冕視朝鮮不許三年庶兄琮眈殺之自立明年黎壽域等誅琮立濬弟瀨一名思誠五年命侍讀學士錢溥授冊成化初與鎮安土官岑宗紹相攻為岑氏所敗占城王茶全攻化州瀨自率兵救之乘勝入其都執茶全歸詔令罷兵十七年老來告急兵部奏安南東吞占城西并老揭殘破八百偽勅車里宣慰司殺滿刺加使聞其國治戰艦三千欲襲海南所宜申徵勅雲南兩廣守臣嚴禁亡命越境整兵待之時安南雖朝貢侵盜不輟中土人竄入其境有官御史者教之窺雲南而鎮守雲南中使錢能貪恣令指揮郭景取捷徑求賂安南以朝使向道廣而頗銜愕以兵尾其後覘我虛實巡撫王恕械治能黨始戢而巨璫汪直方覲邊功獻取安南策傳旨永樂中調兵教職方郎陸容力爭劉大夏匿其藉以

利害動尚書余子俊得寢弘治八年占城請討安南聞臣徐溥諫止十年瀨卒子暉嗣十七年暉卒子敬嗣未踰年卒立其弟誼罷臣阮种擅權正德四年暹誼自殺黎度廣等誅种表請立暹六年命編修湛若水往封暹為瀨次子昭出長子瀨有子諶及弟應不得立其妻正宗強且握兵意不附而明猜虐民不堪命十一年鄭綏鄭惟鏜及其黨陳真弒暹諒山都將陳嵩自稱陳氏後與其子昇以諒山之甲攻交州殺惟鏜自立偽號天應仍稱大虞為真所擊走諒山綏等共立諶鄭甥也一名荷而嵩昇據長慶峽原清都三府其黨莫登庸奔諶登庸荆門漁家子習勇力善戰能凌水飛數步曰武舉官恭督隸嵩部以罪奔諶用為宜陽叅將與嵩戰大破之嵩死以功封武川伯而大將阮弘裕等討弒明之罪攻鄭氏綏奔清化惟鏜子奔高平國兵柄未有屬登庸賂諶親信諷推己典兵加太傅仁國公既得志則漸除諶左右易私人防守之且詭他盜焚劫諶苦逼聞行脫至清化依綏登庸乃偽立應或云登庸收妻應母應登庸子也諶兩遣使乞師為登庸篡取不得進嘉靖改元以即位詔諭安南國王明暹死七年矣使者抵龍州不能



達而還六年登庸受應禪僭號尋就殺應當是時登庸與陳氏分據交土總所擁清化又安順化廣南四道而舊臣不服登庸者往往據險為援九年登庸立子方瀛為國大王自稱太上皇率兵攻譚譚走老撾憤鬱死故臣黎峒鄭江等復立其子寧襲擊登庸走海陽寧返國悉發兵二十萬起鄭綏將而攻海陽未下登庸別選兵萬人兵行出大江竟掩國都寧復走清化登庸取寧旗蓋張而還呼曰得王矣綏兵大潰久之寧悉清化兵討登庸登庸陰結土帥郭遠鶴使襲寧敗之擄寧妃淑寶沉於江寧與綏子惟毅走老撾聚衆八千保清江十六年皇子生議嶺諸安南部奏自正德十年絕貢宜問罪會寧令部臣鄭惟憐泛海附商舶二年方抵京陳禍亂始末乞師惟憐有志操能文章為書引申包胥豫讓張良為比讀者悲之天子銳意征討而雲南巡撫汪文盛得土舍刀鮮等詞其事執登庸謀阮景等并偽撰大誥一冊交人武文淵亦來降獻進其地圖文盛列營蒙自縣蓮花灘托交廣衛登庸頗懼遣范正毅至雲南投牒自辨且言黎寧為阮滄子非黎氏後朝廷知其誣罔雖求降詞不款服遂出師十八年命成寧侯仇鸞為征蠻

將軍兵部尚書毛伯溫督軍事安遠侯柳玠為征蠻將軍以二廣兵合黔國公沐朝輔為征南將軍以雲南兵合凡三十萬入壓境馳諭安南臣民以興滅繼絕義罪止莫登庸父子有擒斬來獻者賞二萬金加顯秩又諭登庸父子能藉土地東身歸命亦待以不死時方瀛已卒登庸奉降表獻所侵欽州四峒地願內屬遂為壇鎮南閔登庸率其姪文明頭目阮如桂等尺組縈頸徒跣蒲伏壇下伯溫等承制許之暫令歸國候命時十九年十一月也明年詔赦登庸廢勿王降為安南都統司使別給銀印世襲海陽山南等十三路各設安撫司同知等官崇登庸統理道隸廣西布政司仍三年一貢黎寧核果黎氏後界以所據地制下登庸死矣聽授其孫福海遂班師已而福海為黎寧所逐竄海上死于宏漢方族人莫正中作亂奔欽州其黨范子儀潛永安因擾內地時三十八年莫敬典討子儀函首獻護宏漢叩閔請襲許之後為黎伯驪所殺死林湯海萬曆初子茂洽來貢得襲而黎寧子龍無嗣世臣鄭簡立黎暉四世孫惟邦簡即惟憐子也惟邦死次子惟潭立簡子松輔之攻殺茂洽復據安南莫敬用奔高平敬璋奔新安亡何惟潭



執敬璋妻有新安浮海詣督府請款因與約以高平  
居莫氏如黎氏漆馬江故事維潭聽命二十五年兩  
廣總督陳大科築壇受降如登庸時以維潭為都統  
使敬用高平令安南復定二十七年維潭死子維新  
襲叛首潘彥構逆維新走保清化莫氏復振三十年  
祿州彝官帝達禮侵思陵州諭維新嚴束三十五年  
交首七百由龍州港窺犯欽州把總祝國泰死之嚴  
諭維新擒勦維新稱盜首武永禎在檢橋村段俊在  
花樹裝用在觀瀾村黃日在萬寧范泉在塗山該字  
在那滿該資在玳瑁守殘莫嘯聚執扶安等上人獻  
總督戴耀檄總兵孔憲卿分水陸並進掃其穴維新  
亦調水兵六十艘截新安海上誅州長潘都該三十  
九年海風大作温州獲異船三譯審皆安南人給衣  
糧縱歸四十二年維新入貢自黎莫治兵相攻交賊  
翁朝祿與弟興曉竊據東海地四十六年寇欽州四  
峒祿州何惇屢入犯維新擒首禍三人以獻四十八  
年祿州蠻韋德慶犯龍州掠人畜天啟元年遣阮世  
標來貢四年都統黎惟祺侵莫敬寬敬寬長子自刎  
妻妻及少子三人被擒敬寬與次子逃入山中復回  
高平殆黎氏自刎以下雖稱藩得帝其國死則如偽

益君長並有二名以偽名事中國其後黎莫二姓通  
為雉而莫氏寢微按安南自李氏都龍編東距海西  
抵老撾南接占城北連思明而與中土錯壤則東起  
欽州西歷左江北至臨安元江凡界兩廣雲南三省  
由廣西則憑祥州鎮南關為孔道由雲南則經蒙自  
河蓮花灘可四五日至其東都山川以佛跡勾漏海  
富良江為大有艾山二月開仙艾花境內有越王城  
天使館浪泊柱銅鼓貢物金銀器皿犀角象牙白絹  
薰衣香紙扇產珠丹砂珊瑚翡翠玳瑁蘇合油踭菁  
羚羊艾蚰蛇白雉白鹿蟻子鹽波羅密之屬而奇獸  
有拂拂似獼猴人而知人生死獐獐似獐善捕鼠俗  
彝僚雜居攬悍喜聞椎髻裸下黑齒昂喙好浴江水  
平居不冠惟交愛人個儻善謀驪演人淳秀好學官  
制畧仿華風並習漢字今傳有交趾國王被繫入中  
國謁藩臣詩及安南使過吉水帛文丞相詩是蓬軒  
日錄



明史卷四百十四

外蕃傳

外蕃二

占城

西南首占城國古越裳氏漢象林縣功曹區連殺令自稱林邑王後歸范氏唐元和初更號占城累親為城故云宋慶元中為真臘所并又名占臘歷代朝貢不絕洪武二年命行人吳用等齎璽書使占城其王阿答阿者遣虎都蠻來貢虎象命中書省管勾廿桓會同館副使路貢賢往對為占城國王賜鍍金印大統曆金綺其王瑣里人也足年貢使蒲旦麻都言安南徧境諭兩罷兵三年遣祀其國山川以占城通文字令貢士赴京師四年遣答班瓜下農奉金葉表來貢言安南數侵擾乞賜兵器樂人伴知聲教所被不敢欺負帝命中書省咨王言占城安南並奉正朔已諭安南令罷兵更給瀾兵器是佐闡也聲樂方言各異如瀾國能習華音聽赴京肆習并諭福建行省免征占城海船示懷柔意八年諭占城等國三年一朝貢以貢使孳行商多詐著祖訓沮遏之十六年遣子來賀聖節賜勘合文冊二十四年以其臣閻勝弒立絕貢使永樂元年其王占巴的賴遣賀即位訴安

南侵掠諭息兵修好四年征安南勅占城會兵五年獻黎氏俘七年命中使鄭和等往賜其國十一年再征安南兵部尚書陳洽言初討黎賊及陳季擴占城王出兵觀望至化州大掠以金帛戰象資季擴季擴亦遣以黎蒼女約侵升華府厥罪惟均帝以交趾初定不欲窮兵諭歸侵地十六年貢瑞蒙自永樂後三年一貢其國嗣王輒請命宣德元年行人黃原昌往頒正朔七年暹羅使者以前使及番伴百餘為占城拘留懇于朝正統元年占城使至詔還所留暹羅人及我軍往西洋未歸者六年行人吳惠齋勅立其嗣王摩訶賁時臘月尚暑國人多裸袒始熟明年上元王藝沉檀燃火樹盛陳樂舞款客十二年攻安南為黎瀨所敗摩訶賁卒其子槃羅茶全請封天順中命給事中江彬行人劉寅賜冊五年瀨破占城執茶全去弟茶悅攝國事奏安南攻國切賜印以息兵諭安南九年命給事陳峻等齎印封茶悅為王抵靈山聞茶悅被擄乃還而瀨奏占城前襲其化州槃羅茶全親率象馬令弟茶遂先發反弒茶全茶悅子茶贊皆來率搖峒伏竹弩攻殺茶遂自立遣使黎文因發兵擊盜頃已奉勅還所掠兵部尚書項忠以奏詞牴



格請勅具實十四年瀨遠阮達濟奏群占城非沃壤  
曾無侵奪望遣使定疆界二十年占城復請封命給  
中馮義行人張瑾賈勅印往而其王已死安南用偽  
勅立國人提婆茗居攝義等即以印授之得厚賂還  
義死海上瑾歸報而王弟古米先奏請嗣封前事頗  
泄瑾坐專擅戍邊明年復遣給事李孟賜行人葉應  
封古米為王古米奏前王荼全被擄弟茶悅潛匿比封  
使至復為交人所執後懼天朝訪本國子孫立齊亞  
麻勿菴為王止撥還邦都即至占臘地五處亡何死  
弟古米序當立願遣使諭還全境二十七處四府一  
州二十二縣東至海南至占臘西至黎人山北至阿  
木喇補凡三千五百餘里而提婆茗者不知何許人  
也抗言古米不當嗣二十三年古米自老撾走崖州  
新辨孟陽等次廣州疏言占城僻險安南攝兵未靖  
恐聚封損國威宜勅安南悔過仍令古米歸國聽勅  
從之命兩廣督府王其事都御史屠浦屬僉事姜英  
勘實僉謂古米王弟宜繼勅切責安南王瀨始聽命  
瀨製海舟募勇士千人護古米至新州港弘治元年  
古米奉金葉表謝十八年卒其子沙古卜刺請封給  
事任良弼等疏行勘明遣使賚勅至廣東境上令領

歸國報可正德五年仍命給事李賈行人劉廷瑞授  
冊以無通事為解不果行嘉靖中沙古卜刺卒沙曰  
底齊立二十二年遣叔沙不登古魯等貢方物請給  
冠帶賜絲幣以安南攻掠獲送還貢使有通中國文  
字者常寓藤州見蔡花問其名入給之曰一文花即  
題詩云五尺欄杆遮不盡獨留一半與人看亦足錄  
也其國近瓊州府自五虎門開洋張十帆順風十晝  
夜可至海口新州港有石墪為標舟至是繫馬其城  
以石墪四門王居屋宇高大墻垣堯坳甚潔民家茅  
茨不得踰三尺開北戶向日鮮霜雪以月生為初月  
晦為滿十次盈虧為一歲無閏月晝夜各五十刻十  
更為法非午不起非子不睡見月則飲酒歌舞為樂  
元旦驅象出郭名逐邪冬至定十一月望日俗獲悍  
果戰聞尚釋教王戴三山金花冠身披五色錦圍花  
手中臂腕束金錫玳瑁履乘象馬或黃犢車臣莢葉  
冠男蓬頭女椎結以白氍布纏胸垂至足赤脚而行  
衣禁元黃人以魚為業少耕種稻耐旱早熟宋真宗  
時求種擇高田藝之即今黃私所謂占城稻也無麥  
釀酒瓊中封固生蛆為熟賓主統覓坐用竹籬啞且  
注水味盡而止歲時縱人採生人胆驚官酋長得胆



入酒與家人飲曰通身是胆也王嘗賀日沐人胆汁  
出游持棋柳盤為菓國人日食棋柳裹菓葉包蟪殼  
灰行住坐卧不絕于口王在位三十年即入山齋戒  
令子姪攝國居一歲額天或不道當充虎狼食或病  
死期年無恙復入為王國人呼為芳黎馬哈刺札言  
至聖至尊也死頭蠻者婦人日無腫夜飛頭入人家  
食小兒穢妖氣侵腹兒即死頭返合體如故若封其  
頭移體別處則死矣夫不報者罪之國刑輕者鞭脊  
重者截鼻盜斷手足姦烙面大辟以硬木削尖立舡上  
罪人坐木自口出放水巾示眾如有疑獄官不能決  
者令兩造騎水牛赴鰐魚潭理曲者鰐食之理直者  
雖過數次魚出而不食亦一異也書用羊皮及黑木  
皮削竹為筆醮白粉寫字若蝨蚓狀如藍香惟一大  
山有之偷採有禁觀奇竹如藤長丈八尺節二三寸  
色如鉄烏木降香樵以為薪犀角象牙甚廣犀大者  
八百斤角在鼻端長可尺五寸身無毛背鱗甲紋牛  
多不任耕耨有去入深山者自生自長年久成群但  
見青衣人必追逐抵觸而死馬如駟鷄矮小脚高二  
寸雄者紅冠白耳亞腰尻尾人置掌中亦帶波羅密  
如東瓜貢物奇南萐沉檀栢花藤林身薰衣諸香白

烏紅綿印花圓壁諸布又產瑤瑁孔雀朝霞火珠  
菩薩石薔薇水猛火油文木白藤吉貝絲紋之類其  
隣國有寶童龍靈山窻窻  
寶童龍與占城山地连接有雙澗水澄清佛書所云  
舍衛城也日連居趾尚存氣候風俗與占城畧同惟  
喪事能持孝服設佛以度死者酋長出入或象或馬  
地產伽備象牙

靈山峻嶺而方石泉下帶居民星散結網為業田肥  
一年二收氣候風俗一如占城地產黑紋相對藤杖  
檳榔荖葉往來商船必在此汲水採薪以濟日用齋  
沐諷經燃放水燈以禳人船之災

崑崙山鄧然瀛海之中與占城及東西竺島峙相望  
山高而方根盤曠遠凡往西洋商船必往順風七晝  
夜可過語云上怕七晝下怕崑崙針迷柁失人船莫  
存其人穴居樹巢食魚蝦山菓

### 暹羅

暹羅本暹與羅斛二國暹即古赤土扶南別種羅斛  
即古婆羅利暹土瘠不宜耕稼羅斛平衍多獲暹仰  
給馬元至正間暹降羅斛為一國洪武初遣大理少  
卿聞良輔往諭之四年其王參烈昭昆牙達奈思但



儼刺織悉替奉金葉表朝貢賜大統曆王亦瑣里人  
六年其子寶兒牙復貢并獻其國地圖十年遣子昭  
祿群貢象及方物命員外郎王恒賚詔賜暹羅國王  
印給勅令文冊令三年一朝貢永樂元年昭祿群立  
遣奈必表貢乞量衡式予之并賜金綺烈女傳二年  
福建布政司奏有番舡泊岫係暹羅與琉球通好已  
藉舡物請命帝曰諸番修好乃美事漂舟所宜加恤  
令所司為治舟廩而遣之七年奉表遣蔡仁孝皇后  
使還諭歸南海流民何八觀等十三年侵滿剌加國  
諭令罷兵二十一年定例免抽貨稅給賞畢日許于  
會同館開市宣德中賜予稍減成化十三年使來貢  
河州士人謝文彬以販鹽下海漂暹羅仕至坤岳坤  
岳華言學士也至是借來貿易番貨事薨下吏弘治  
中命給事中林恒往冊封正德十年進金葉表貢方  
物譯其字無識者大學士梁儲請選留來使一二名  
在館肄習從之嘉靖中暹羅及占城各番舶至廣東  
市舶太監牛榮縱僕私貿蘇木胡椒諸物鬻南京盤  
獲伏法三十二年貢白象象斃于途遣牙一校使者  
飾以珠寶置金盤并象獻帝嘉其意禮遣之三十七  
年其王勃累坤恩利尤池牙遣使朝貢明年從貢使

請還抽稅佐修舡費隆慶初來蠻牛求婚暹羅不許  
統沙外兵破其國執世子及賜印歸萬曆初嗣王擊  
走東蠻牛是後暹羅益強攻真臘降之七年来貢二  
十年經畧侍郎宋應昌奏暹羅使極以喇等領督兵  
勦倭業詔差官往諭二十二年納首雍罕等從蠻莫  
遁歸暹羅奉甲趨之俘斬數萬緬勢遂衰四十五年  
貢方物孔雀四十六年入貢崇禎十六年復入貢其  
國在南海中自來寔放洋歷占城西南行順風七晝  
夜至龍門至海口入港地方千里群山環繞峭嶺崎  
嶇地下濕土味惡氣候嵐熱俗勁悍喜冠掠習水戰  
削檣柳木為鏢水牛皮為牌並藥放火將多用堅鐵  
裹身刀矢不能入聖鉄者人腦骨也王居壯麗覆以  
錫瓦民多棲居密聯檣柳片繁以藤甚固王跨象或  
乘輿挾金柄傘以芙蓉葉砌成白布纏首腰束錦腕  
以受封天朝獨留髮尚釋教多僧尼經年竹橫書家  
有百金即以其半施佛婦人多智大小事悉決之其  
大聽命而已過中國男子輒私之置酒歡飲同坐卧  
其夫恬不為怪曰吾妻美中國人喜愛也男陽齒錫  
珠數顆用藥封鐸膏膏者範金盛珠安砂子一粒行  
動颯颯有聲婦女以諸香澤其體髮日夕三四浴婚



則請僧娶女紅帖男額稱利市喪禮人家灌水銀莖民間將尸放海邊僧兒各色大鳥下食之餘骨棄水中謂之烏莖市用海貳黃海為鹽釀蔗為酒羅斛香焚極清遠又產檀迷降熟乳木烏丁諸香蘇木賤如薪六足龜白象白鼠獅子貓兒翠毛白荑紅撒哈刺地紋節智乍蓮花細棋子等布進貢西北去二百餘里有一市鎮曰上水番人五百餘家貨皆最貴者紅馬斯肯的石

### 真臘

真臘本扶南屬國其王利利質多斯那并扶南而有之東際海西接蒲甘南連加羅希北抵占城隋大業中始通中國唐神龍後國分為二南近海為水真臘北多山為陸真臘後復合為一屬國有參半真里登流眉蒲甘等國所領眾落六十餘地方七千餘里宋宣和初封為真臘國王慶元中伐占城破之立真臘人為王故占城亦為屬國洪武六年國王忽爾那遣奈亦吉即表貢方物賜大統曆文綺二十年行人唐敬使其國國王正黎列保昆耶甘若者貢象五十九永樂初以即位諭海外諸蕃御史尹綬使其真臘繪山川為圖以獻三年其王參烈婆昆牙卒命序班王致

往祭給事畢進貢詔封其子嗣王景泰二年貢賜王及妃文綺其後朝貢不絕風土記自温州開洋經交趾抵占城可半月至真蒲即其境也國中有一銅臺列銅塔二十四銅象八鎮其上象各重四千斤有戰象幾二十萬王三日一聽朝坐七寶床出入擁劍立象上小金塔金佛前陳列玉椽孔雀犀象名百塔洲以桑香佛舍飲饌金盤碗盛之故諺云富貴真臘也男女椎髻短衫腰圍布手足並帶金鐲以香葉塗體家奉佛僧茹魚肉惟不飲酒盃貝葉為經每旦洗滌以楊枝淨齒誦經咒書以鹿麂皮染黑蘸粉寫字亦有通天文者能推算日月薄蝕以十月為歲首閏用九月夜分四更候燠不識霜雪夏秋多雨移避山居焚海為鹽田禾豐足不事蠶織後選人未居得桑與蠶種織紅綾補率侍選婦為之女十歲即嫁婚娶燃燈不忌東向為上右手為潔貢物象牙犀角孔雀翎寶石土降香黃花木烏木蘘木胡椒薰蠟貿易以婦人貴中國針梳鍋席磁漆等器今海舶止抵海陽等木州以柴為城華人居之市道甚平

### 爪哇

爪哇古閩婆國一名蒲家龍今稱下港舊傳鬼子魔



天與一圓象合生子百餘啖人血肉佛書所云鬼國也忽一日雷震石裂中坐一人衆異之奉為國王遂領兵驅逐衆魔而不為害今移文後書一千三百三十七年考之殆肇自漢初云宋元嘉中始通中國唐曰訶陵宋仍號閩婆元封爪哇國王至元中命平章史弼高興征之不克而還洪武二年遣行人賜墨書明年王昔里八達刺達入的占必奉金葉表貢方物納元所授勅九年王八達那已那務貢白鹿孔雀尋以中朝待所屬三佛齊與之埒使臣取道要殺之十三年遣阿烈彝烈貢黑奴三百人詔切責絕之後其國分東西二王永樂元年東王李合速哈遣使朝貢請印與之五年西王都馬板城東王會朝使過東王城西王截殺百七十人降勅詰問西王懼請償死者黃金六萬兩已貢萬兩禮官請索如數帝曰朕合速人知畏耳寧利金耶罷弗徵賜鈔幣諭之十六年西王楊惟西沙遣使獻白鸚鵡宣德後久不至正統三年來貢使臣亞烈馬用良八諦南巫先後乞賜金銀帶子之亞烈八諦皆官名用良與通事良殷南文旦並漳州人旋乞還鄉用良文旦乞使過里許之命有司給路費時真臘等十一國使臣歸勅爪哇護其行

景泰三年王已刺武求傘蓋蟒衣詔給其一足後朝貢無常其國東抵女人國西抵三佛森南抵古大會國北抵占城自泉南發舟初至杜板僅千家二酋主之流寓皆廣東漳泉人有水一泓甚甘稱聖水相傳史弼高興軍至之水祝天棟鎗地上泉隨湧出東行半日至斯村中國人客此成聚因名新村約千餘家村主廣東人畜船至此互市金寶充積又南水行可半日至淡水港乘小艇行二十餘里至蘇魯馬益米糧可湊亦近千餘家半中國人港傍大洲林木茂蔚有長尾獼猴數萬舊傳此村五百餘口男女克悉有異僧取水喫之化為獼猴獨老嫗不化隨老猴為侶婦人無子者具酒菜往禱老猴喜食之即令唯雄二猴交媾于前此婦到家即有孕也說甚怪誕又水行八十里至漳右登岬西南陸行半日至王所居滿者伯夷僅二三百家統領七八人王宮磚牆高餘三丈方三十餘里屋高四丈地覆板蒙藤花蓆跣跣而坐民居茅茨磚庫坐卧其中王選頭頂金葉冠胸紫嵌絲腕錦綺壓腰佩短刀跣足跨馬或乘牛男子裸頭裸身生子則置刀如背名不利頭以金銀犀象雕飾貧富老幼皆佩之人人自愛其頭若以手摸之或買



責爭競即拔刀刺死逃匿三日即無事矣女子推  
髻項上聯紉金珠兩耳塞菱樟葉婚姻男至女家成  
親三日後迎歸銅鑼銅鼓吹柳殼筒放火銃刀牌迎  
統其婦披髮跣足金銀寶粧以花草結成彩舡而伴  
送之喪有水堊火堊火堊惟死者所欲火堊者將尸  
置海上火未食之責家婢妾願殉葬者以木高架積  
薪縱火焚主棺其女滿頭揮花身披五色手中登跳  
號哭投入火中每月圓之夜番婦二十餘人成隊聯  
臂蹈歌至大家門首贈以鈔帛名步月行以十月為  
春首有竹鎗會夫婦各坐塔車至會所兩邊擺下對  
手各執竹鎗鎗無刃但削尖甚堅利妻執三尺木棍  
立其中以鼓為號二男交鋒三合二妻以棍隔之曰  
那刺那刺即退散若殺死其王令勝者與死者家金  
錢一箇死者之妻即隨勝者男子而去冠盜少不設  
刑禁輕者金贖重即以藤繫殺之市用中國古錢  
衡量倍于中國華船上湖貿易晨集午罷王日徵其  
稅湖東紅毛番湖西佛郎機各起土庫歲以哈板船  
往來書同瑣里無紙筆以刀刻葉上國人三種而番  
賈服食雅潔唐人尚回回教持齋受戒土人坐卧無  
椅榻飲食無匙筯咬蛇蟻虫蚓至與犬同寢食樂有

橫笛鼓板銅鼓响欲過雲值數十金貢物孔雀鶴頂  
火鷄犀象龜同玳瑁珍珠諸名香菓烏爹泥金剛子  
碗石錫西洋鐵摺刀鎗苾布鶴頂烏大于鴨腦骨厚  
寸餘外黃內赤火鷄大于鶴軟紅冠鏡嘴毛如青羊  
食炭又有倒掛鳥形如雀五色每焚異香取貯翼間  
夜則張羽倒掛散之亦饒吉貝枕柳青藍綠鳩白虎  
白猿紅綠白鸚鵡所屬蘇吉丹下機宜打板打網底  
甸等國旁國重巡邏吉里地闊碟里日羅夏治合猫  
里

蘇吉丹今訛為思吉港聞婆夫國五泉州丙己方東  
至海水勢漸低女人國在馬道東則尾閭所泄非人  
世兵王五色布纏頭跣足出蔽以傘從者五百餘各  
持刀鎗頭戴帽如虎鹿牛狀不一剪髮裸體以布束  
腰波羅密果甘美蔗長踰丈或曰思吉港聚落頗衆  
而吉力石其主也國在山中賈舶僅經其水滴華人  
泊饒洞貿易饒洞曠衍以石為城酋長乘車御馬亦  
御黃犢南簿皆倭風俗大類下港饒洞之後為金後  
山饒有修竹茉莉土人以一紙蔽下體種豆供食或  
射虎佐酒  
丁機宜幅圓最狹酋衆僅千餘其國以木為城王居



列鐘鼓樓出入騎象歲首十月蓋奉瓜哇正朔也風俗相近性好潔酒禁甚嚴上族輒不御酒客至以扶藜藤板柳代茗惟細民無賴時時闖入醉鄉曹偶共嘆之地接柔佛為所侵始通姻好與華人舟中互市產象牙黃蠟嘉文席

重迦邏與瓜哇接界高山奇秀內有石洞前後三門可容二三萬人氣候常暑曰教亞于瓜哇風俗頗淳國無酋長推高年有德主之男女撮髻穿長衫圍摺布手中焚海為鹽釀林為酒產羚羊鸚鵡木棉椰子綿紗又去數日水程曰孫陀羅曰琵琶拖曰丹重曰負崎曰彭里不事耕作亦尚寇掠與吉陀崎諸國相通商船少至

吉里地間在重迦邏東與瓜哇接山最奇秀滿山皆梅標至伐為薪氣候苦熱蒸人午必挽首水坐差可辟瘴然亦染疾死男女斷髮穿短衫袒卧不覆體俗以立為尊國人見王則坐地合掌不知年歲亦無姓氏文字以石片紀事如千石則總于繩為一結訟則兩造各牽羊曲者沒之蓋猶有結繩未失之風焉田肥宜穀商船所聚有十二所每船至王必出臨之侍衛頗盛日輸稅亦不苛索也

碟里在東南海中大洲上有諸港通海人淳少訟尚佛產烏木蘇木永樂三年國王遣馬黑木來朝貢日羅夏治海中小國無他產產蘇木胡椒頗知種藝奉佛鮮盜永樂三年國王遣文那打時鎮來朝貢今猫里即猫里務地小土瘠多山外大海饒魚出人亦知耕稼產胡椒蘇木烏木永樂三年國王遣曰道奴馬高來朝貢地鄰呂宋漸成沃土俗亦近馴船人語曰若要富須尋猫里務有網中礁老者蕩舟為盜海上往來甚駛其國重遭寇掠遂轉貧困賈船多指別島

三佛齊

三佛齊即舊港又名浮淋在東南海中本南蠻別種有地十五州東距瓜哇西距滿刺加南連大山北濱海自瓜哇南向順風八晝夜至或云與占城隣所屬有單馬令凌牙斯達登牙儂細蘭諸國王號唐卑國人多姓蒲唐天祐中始通中國迄宋朝貢元世祖招之不至洪武初遣行人趙述使其國其王恆麻沙那阿稱臣入貢四年嗣王哈刺札八刺卜遣玉的力馬罕亦里麻思奉金葉表貢方物賜大統曆文幣六年来賀正旦八年使從我招輸拂菻十年王卒封其



子麻那者巫里嗣王賜號組鍍金印其國初隸爪哇後為所并國廢于舊港置小酋市易南海商梁道胡聚居積歲遂糾眾為之長永樂二年命行人譚勝招暹而廣東有陳祖義者亡命為將領橫掠行旅五年中使鄭和統海船下西洋祖義鄉人施進來訴擒殺之承制官進留舊港為長是年遣婿丘彥誠入貢以進為舊港宣慰使進殺女二姐襲職修貢貢同諸番嘉靖四十一年廣東大盜張璉林朝曦黃啓薦等作亂帝命都督劉顯等往勦顯除賂璉以脅從數十人就戮報捷璉等遁入三佛齊國萬曆丁丑中國人見璉在三佛齊列肆為船主如市舶官體統云其國水多地少卻領得陸居餘架筏水中為梁柱蓋屋水長則筏浮便遷徙土沃倍地壤語云一年種穀三年生金言穀多可質金也有花酒蜜酒椰子檳榔酒皆非瓊藥所醞藥有小琴小鼓琵琶奴踏曲番船輻湊多漳泉人市用錢布字號書視王符環為印亦有中國文字累覺為城周數十里覆屋以椰葉不輸稅賦有征伐則調發習水戰人用香油塗身服藥刀不能傷遇敵敢死鄰國畏之產紅藤紫蟻神虎貓睛石腦胸麟著磁水龍腦箋沉金銀香之屬神虎如巨豕高三尺

短毛蹄三踏金銀香如銀匠級花黑膠中有塊如白蠟甚酷烈真物鶴頂火鷄黑熊白獺五色鸚鵡龜筒必布兜羅綿諸香

文即馬神國近山以木為城居民築室大類三佛齊五色布纓首履脊多裸或著衣小袖蒙頭而入下體以綆圍之初以蕉葉盛食及通中國漸用磁器好市華人磁甕畫龍其外人死貯甕以莖玉出乘象或泛舟以繡女從典衣持鈿棒檳榔盤威儀甚都華人與番女通輒削其髮以女妻之不態歸也女蓄髮若短見華人髮長羨之或給曰我長中華用華水沐耳番女競市舟中水華人故斲以資嘲笑間携香蕉茉莉相贈土產鶴頂科藤最多入山深處有村名烏龍里彈其人盡生尾連人蓋避掩而欲避然地饒沙金番人携貨往市擊小銅鼓為號貨到地上却立山中人前視貨當意者置金貨側持去按水經注其國一稱文狼或曰馬援遺兵流寓號馬流者殆其苗裔云

### 百花

百花居海中依山為國天氣恒燠如春多嘉樹奇卉四時蔥鬱故名俗富饒尚佛教或云即宋史注華國本後屬三佛齊洪武十一年其王刺丁刺者望沙亦



達八智亞壇奉金葉表朝貢產紅猴白虎龜筒玳瑁  
孔雀倒掛鳥椒蠟今附船著山濠鏡灣貿易

浮泥

浮泥本閩婆屬國在西南大海中占城一月程所  
統十四州前代不通中國宋太平興國王向打始入  
貢元豐中錫里麻塔復貢元無聞馬洪武三年命都  
御史張敬之都司沈秩持詔往諭其王馬合謀沙頗  
倭倣秩正言折之乃竦聽道亦思麻逸奉金表銀箋  
未貢方物賜金綺八年詔浮泥山川之神附祭福建  
永樂三年遣使封麻那惹如那乃為浮泥國王賜印  
符詰幣六年王率其妃及子來朝遣中使迎勞所過  
郡縣設宴抵京王奉金表獻珍物妃箋獻中宮東宮  
帝宴王奉天門命供帳會同館日給牲牢上尊賜金  
玉帶繡龍裝衣鞍馬是年王卒報朝三日祭賻甚厚  
塋石于崗立祠樹碑謚恭順封其子遐旺嗣遣使送  
歸故事歲輸瓜哇片腦四十斤帝勅瓜哇罷征兼封  
其國山為長寧鎮國之山製文勒石從所請也十二年  
洪熙元年皆未貢萬曆中國王卒無子族衆爭立相  
攻且盡乃立女為王今稱天泥絲暹羅嘗與回錫  
蘭山各附香山濠鏡灣貿易其國以板為城王所居

度以月多葉坐絕床去則擁夫布單衆昇之名既囊  
地熱多風雨有麻稻無麥蠶絲飲椰子酒以竹編貝  
葉貯食鳴鼓禁釵為樂崇佛像好齋最敬華人醉者  
輒扶以歸婚聘先以酒次檳榔又次指環或金錢成  
禮以十二月七日為歲節習戰聞銅鑄甲若火筒護  
腹背有藥樹剪其根為膏服之及塗體兵刃傷不死  
莖用棺以竹輦載棄山中二月始耕祀之如是七年  
不復祀矣產布紙象牙鶴頂吉貝西國米苧藤其片  
腦極佳以燃火沉水中火不滅有數名把雜爾腹中  
生一石能療百病貢物寶珠梅花龍腦生玳瑁諸香  
金銀八寶器五色鸚鵡倒掛鳥黑小所

南亞里

南亞里即南泥利隸浮泥自蘇門答刺舟行三晝夜  
可至東距黎代西北距海南連大山山南際海僅千  
餘家皆回回人永樂中王馬哈麻沙入貢王居如樓  
高三四丈四圍以板甚潔樓下縱放牛羊畜之俗朴  
少殺食魚蝦市用銅錢產降真香名蓮花降最佳亦  
有犀牛西北大海洋中有帽小平頂者名那沒黎費  
船皆棹此山為指南山下淺水有珊瑚樹大者高二  
三尺枝婆婆可愛山居人數千家問其姓名則曰阿



孤枝言我是王或問其次曰阿孤後我亦是王也

### 蘇祿

蘇祿在東南海中近浮泥瑣里其國分東峒凡三王東王為尊西峒王次之永樂十五年東王巴都葛以荅刺西王麻哈刺叱葛刺麻丁峒王以都葛巴刺卜並率其屬三百餘人奉金鏤表來朝貢方物賜王冠服璘王金帶鈔幣各給印誥印是部封為王東王歸次德州卒命瑩以王禮蓋茶定賜祭御製碑文樹墓道命其子都麻舍還國舅次妃葛本寧次子安都祿等守墓歲夫米七十五石萬曆中奉裁其五代孫安守孫猶為奉復云都麻舍嗣封十九年遣使來貢貢道由廣東今賈船所至城頗據天險疑峒王所都聚落不滿千家佛印機屢擁兵攻之不能下其國有珠池入夜望之光浮水面番人時從蛟室探珠滿袖賈船至彼得一二携歸獲利數十倍永樂時獻巨珠一顆重七兩五錢帝大喜厚酬之地瘠少種植食魚蝦螺蛤短髮纏皂纒腰圍水印花布煮海為鹽釀蔗為酒織竹布為業氣候常暑貢物有玳瑁降香蘇木香錫梅花腦米腦華菱鄰近境名高藥亦饒玳瑁

### 彭亨

彭亨一名彭坑直暹羅而在東南海島中石崖崎嶇旁多平原望之坦迤如塞王沃候温宜椽甍蔬果稀鳥獸殊茅覆屋木城廣可數里煮海為鹽釀椰為酒上下親狎耻為盜惟髻繫單裙富家女子飾金圈四五于頂髮常人五色珠圓好誦佛經尤尚怪刻香木為神殺人血祭洪武十一年其王麻哈刺惹荅饒遣使奉金葉表貢方物及番奴賜絲幣永樂十二年遣蘇麻固門的里來朝貢方物有金水罐象牙連標片腦諸香花錫今附船香山濠鏡海貿易或曰其國隣柔佛柔佛之副王精悍健聞其子娶彭亨王女將婚副王送子之彭亨王張宴親屬畢會婆羅王子者贊于彭亨為王妹塔時典席起為壽手持一巨珠光耀異常副王心欲之王子斬弗于副王恙歸而治兵攻彭亨王與婆羅王子奔金山會浮泥王以妹為王妃率眾來援副王焚掠其宮室去彭亨命長子攝國隨妃往浮泥久之歸而次子統弒父兄自立有婆羅屬番曰毛思賊每掠人口海上責彭亨充崑崙奴云柔佛一名烏丁礁林王服帶雙刀諸酋望見王棄刀于地和南序立享用菱葉以刀刻之歲首四月地不產穀惟耽喜兵彭亨丁機宜之間殆無寧日



婆羅

婆羅一名文萊負山面海為東洋盡處西洋所自起俗素食念佛喜施慈殺民食諸肉論死有東西二王永樂四年各遣其臣勿黎哥等來朝貢珍珠玳瑁瑪瑙車渠焦布香蠟黑小斫賜王紵絲紗羅織金大紅錦手巾王妃絲幣相傳國王為閩人隨鄭和往因留鎮馬王府旁有中國碑番人嫁娶請王金印印背篆文數形云是永樂間賜然不載會典或其王假以彈壓部落非頌自上方也王祝髮表金繡中腰背雙劍步行其親屬稱邦奇蘭嚴重亞于王向有石城木城各一以築岸閉潮折石城于長腰嶼止存木城先是佛即機來侵國人走小谷流藥水出佛即機多為所毒死因奔呂宋或曰即古師子國在西海中延袤二千餘里多產奇寶四序暄和稱樂土宋淳化中閩婆使者來言其鄰國有婆羅門者有異術人相危害能先知之婆羅即天竺也

滿刺加

滿刺加舊名五嶼直占域極南自舊港順風八晝夜至或云自東莞放洋至峴岷收龍牙門港二日程東南距海西北皆山山孤人少受制暹羅歲輸四千兩

向未稱國永樂三年酋長西利八兒速刺遣使奉金葉表朝貢願內附為屬郡七年太監鄭和齎詔勅銀印封為滿刺加國王諭暹羅無侵擾封其國西山為鎮國之山御製碑文勒石帝以尚書蹇義善書手授金龍文箋命書馬九年嗣王拜里迷蘇利率妻子及陪臣五百四十人來朝貢命使海壽即中黃裳迎勞帝御奉天門宴王賜玉帶龍衣金銀器皿供帳妃及子姓僚從各賜冠服文綺有差遣使送歸國郊餞十年修貢十二年王母來朝厚賜之宣德九年嗣王西里麻哈刺者後來朝貢優禮異他國命工部治舟遣歸正統十年後貢使數至天順三年王無答佛哪沙卒子蘇丹茫迷沙請封遣使冊為王成化九年給事陳峻等封占城王槃羅茶悅聞為安南所擄抵靈山不敢入遂以所費物假風汎至滿刺加互市誘其王入貢十四年復因其子馬哈木沙請封命給事林榮行人黃乾亨往冊還抵洋輿遭風溺死予蔭兩後遂罷封使正德中被佛即機仇殺其王蘇端馬木見逐退居波隄兵去復國嘉靖初修貢八年廣東以檣勅佛即機并絕安南滿刺加諸番船兵部議廣東原設市舶司應聽如舊許之二十七年都御史宋統報



佛即機劫漳州大破之走馬溪以御史疏糾激殺命  
給事杜汝楨往勘奏前賊係滿刺加國人私招沿海  
亡類往來販鬻拒殺與執奏異執竟得罪死其國兼  
候朝熱暮寒土瘠教薄有一大溪水從王居前過轉  
流入海王於溪上造橋橋亭二十餘間市肆聚馬屋  
如樓閣用木高低層布連床跌坐卧室厨厨皆在上  
也王居飾以錫箔王白帛纏首衣青花袍躡皮屨米  
糲男子椎髻短衫圓白布手中膚黑漆間有白者唐  
人種俗淳朴尚回回教婚喪之禮頗似瓜哇人多以  
漁為業獨木剝舟泛海取魚有小泉流為溪溪中洶  
取錫煎成塊曰斗錫輸官通市並用此其山塢錫場  
王令頭目王之山野有樹名孤村鄉民削其皮搗粉  
作丸晒乾而賣名沙孤米可作飯海畔水草名芙蓉  
性柔軟取其子釀酒亦能醉人其葉織成細席名蕉  
心簾又有打麻兒香樹脂流入土內掘出點火即着  
塗抹番舩水不能入有明淨如金箔者名損都盧斯  
番人以為帽珠山有黑虎視虎差小或變人形白晝  
入市有覺者擒殺之龜龍高四尺四足身負鱗甲露  
長牙遇噬人即死亦有尸頭蠻賈船至輒立門柵擊  
鼓柝以為防護貢物有金母鶴頂白鹿黑猿鑽服花

綬黑小廝番鹽錫烏爹泥諸香今其國為佛即機所  
據訛稱麻六甲或云即古哥羅雷沙往滿刺加入龍  
牙門接九州山今並附見

龍牙門山門相對如龍角狀中通過船山塗田瘠米  
穀甚厚氣候常熱四五月間淫雨男女椎髻短衫圓  
稍布南有涼傘礁以刻掠為豪過番船多駕小舟迎  
敵非順風罕有脫者

龍牙菩提周圍皆山排石壘門無田耕種但栽薯蕷  
為糧氣候多暑俗朴而淳男女椎髻衣木棉布煮海  
為鹽浸芋蔴根以釀酒產速香檳榔椰子

龍牙犀角其地內平外尖天蟻附居之氣候常熱田  
禾時熟俗尚淳厚男女椎髻圓麻逸布窄短衫以觀  
威尊長為重一日不見則携酒詣問安煮海為鹽釀  
林為酒產沉速降真黃熟香鶴頂蜂蜜砂糖

龍涎與浮漚海而波擊雲騰每至春間群龍來集于  
上交戲而遺涎沫者人乃駕獨木舟登嶼採取而歸  
設遇風波則人皆下海一手揮水而至岬也其龍涎  
初若脂膠黑黃色頗有魚腥氣久則成大塊或大魚  
腹中剖出若斗大圓珠亦覺魚腥焚之發清香可愛  
貨于蘇門之市每兩用彼國金錢十二個



東西竺其山與龍牙門相望若蓬萊方丈之幽曰瘞不宜稼穡歲藉波洋米穀為食氣候不齊煮海為鹽釀為椰酒男女斷髮繫布產栴榔木棉椰心筆九洲山與滿刺加接壤產沉香黃熟香永樂七年鄭和差官兵入山採香得莖有八九尺長者六株黑花細紋香味清遠番人駭嘆天朝威力古未有也

歐邏巴

歐邏巴古不通中國嘉靖間始有西商循小西洋東來貿易香山嶼其後國人名道侶者每附船而來計海程八九萬里有近十萬者南起地中海北至水海徑一萬一千二百五十里西起西海福島東至阿比阿徑三萬三千里共七十餘國大國十一其地中有海斗的亞諸島西海有意而蘭大指厄利亞諸島自國王下及庶民皆奉天主耶穌其徒未遊中國多傳道之人非修貢也萬曆中有大西洋人利瑪竇貢獻天主像自鳴鐘鐵琴地球等器皆巧異神宗嘉悅勅光祿日給康饋瑪竇慈通中國典籍著交友論山海輿地全圖嘗遊南京禮部侍郎沈淮奏進之曰訪聞海利瑪竇本佛即機人其王畫肅原名巴里狼雷先年同黨詐行天主教予呂宋國奪之改號大西洋

云久之病卒賜葬阜城門外二里溝曰利泰西墓嗣有龍華民龐迪我畢等接踵而至行其教不廢有諸曆學者崇禎初上諭日食不合推數恐大統曆法差訛宜修正之禮部尚書徐光啓疏薦湯若望鄧玉函羅雅谷三人召至京開局長安街作觀星臺推測著書每月賜卓兒銀兩七何玉函雅谷相繼卒若望乃以新法製進黃赤金儀地平日晷及星球測天儀器新法曆書內庭親測蚤旨褒賞命禮部議行之十五年上傳兵部尚書陳新甲至東閣言西洋砲有無間大將軍名號命若望鑄造傳習共大小砲二十餘位大者重一萬二千餘斤次者三千餘斤又為空心砲臺式并望遠鏡二具十六年大學士周延儒出督師請諸火器命若望隨征十月又命赴薊督軍前調度十七年遣大學士李建泰出小西勦撫同若望行晉王審烜亦疏請之方至其定而賊逼都城遂徵還其國風俗三十而娶二十而嫁一夫一婦無二色者賤見責少見長以免冠為禮男子二十以上衣青女子以金寶為飾服御羅綺佩帶諸香至四十或未四十而寡者即屏去衣素喪服尚黑棺用木石或鉛造薦誦天主經不燒楮錢酒以葡萄釀無則用葡萄生子



即釀子至壓婦用之年愈久更美屋上等石砌次磚  
瑤木柱鉛尾或輕上板上累六七層高十餘丈地中  
亦有一層既用窖藏亦以除溼歷千年不壞一國一  
郡有大學一邑一鄉有小學選舉行之士為師生徒  
多至數萬人小學曰文科凡四一古賢名訓一各國  
史書一各種詩一文章議論學者自七八歲至十七  
八學成本師試之進于中學曰理科初年學落日如  
譯言辨是非之法二年學西加譯言察性理之道  
三年學點達費西加譯言察性理以上之道總名斐  
錄所費亞學成本師試之進于大學乃分四科聽人  
自擇一醫科主療疾病二治科主習政事三教科主  
守教法四道科主興教化學成本師又試之方許任  
事別有度數之學曰瑪得瑪第加考究物形之度與  
數度其完者以為幾何大數其截者以為幾何多二  
者或脫物而空論之則數者立算法家度者立量法  
家或體物而併論之則數者在音相濟為和立律呂  
家度者在天迭運為時立曆家法其學亦設學立師  
但不以取士百工匠作皆學焉其製造倂極精巧所  
讀書籍皆聖賢撰著然以天主經典為宗字以二十  
三字母互配而成凡萬國語言風雨鳥獸之聲皆可

寫出蓋隨音成字不以字命音也未產五穀五金品  
石瓊瑤玻璃鑽鑽多羅絨有金銀絲緞布以利諾草  
為之視綿更堅潔用壞搗爛為紙火沉布火化人尸  
以布包之骸爐灰存布內不散貯確中葬高塔之上  
葡萄大如桃李別有阿利發孟桃果皆中國所無玫瑰  
花最貴取蒸為露可當香藥

### 佛即機

佛即機在海西南近滿刺加向不通中國正德十三  
年其酋欲立遣使三十人入貢請封至廣東守臣以  
其國不列王會竊使以聞詔給方物直遣歸使者留  
東莞劫行旅至掠食嬰孩廣人苦之守臣勒水兵攻  
勒乃遁嘉靖初滿刺加訴佛即機攻逐其王御史丘  
道隆何釐連疏請驅絕後諸番船不之粵潯市漳州  
久之兵部議仍舊既而佛即機人別都盧等擁眾千  
餘破巴西國遂寇廣東新會縣守臣勒之擒別多盧  
等四十三人梟境上二十六年寇漳州私市吾興海  
道何喬傑之遁去四十四年有前日噫諾喇歸氏者  
浮海求貢初稱滿刺加已復改稱蒲鹿都家部議南  
番無蒲鹿都家或佛即機所託也行鎮巡詳覈為謝  
絕相傳其國頗富饒多高犀角象牙珠貝胡椒身長



七尺高鼻白皙鷹嘴描眼鬚捲而髮近赤亦多髡首  
雞鬚者戴冠戴者頂笠見尊長撤去之着衫袴垂  
至腰皮屨衣服用瑣袂西洋布瑣哈刺最華潔俗信  
佛喜誦經每六日一禮拜先三日食魚為齋至禮拜  
日鷄豕牛羊不忌手持紅杖而行飲食不用匙箸富  
者食麵貧與奴僕食米婚娶論財責女奩貲數倍無  
媒妁神前相配以僧為証謂之交印國有大故亦多  
與僧謀人死貯布囊以奠所畜牛入僧用布僧互易  
擲指節示數累千金不立文字指天為約無敢負相  
會則交捫手誤捫首勃然怒爭或受辱及子孫父祖  
家長輒以死闘性兇狡嗜利善大銃中人互死嘉靖  
時廣東巡檢何儒招降佛郎機人得其蜈蚣船并銃  
法以功升上元簿蜈蚣船底尖而平不畏風浪用板  
桿蔽矢石長十丈濶三尺旁架櫓四十餘置銃三十  
四約每舟撐駕三百人櫓多人衆難無風可疾走銃  
發彈落如雨所向無敵其銃用銅鑄大者千餘斤因  
名佛郎機

呂宋

呂宋在東洋中國甚小以產黃金故富厚人淳樸不  
喜爭訟交易不立契衣衫袴穿皮屨出入佩刀自衛

亦時禮天誦經洪武五年同瑣里諸國貢方物永樂  
三年遣陽察老來朝貢賜文綺命廣東布政司晏勞  
萬曆四年助討通賊有功來貢道福建其地去漳近  
故多貢舶今附香山濠鏡澳貿易而中國通倭者率  
關入呂宋以為常初佛郎機從大西來自稱于系蝶  
國與呂宋互市因上黃金為王壽求地如牛皮大蓋  
屋王許之佛郎機乃剪牛皮相績為四圍求地稱是  
王重失信竟于地月徵稅因築城營室列銃置刀盾  
久之國宋呂殺其王而地并與佛郎機矣王遣酋來  
鎮一歲數易華人販呂宋既夥居濶內名壓冬至  
數萬萬曆二十一年酋帥敵寨系勞征美洛各以業  
人滿和五等二百五十人從酋偃卧船上令華人日  
夜駕船稍倦輒殺之和五等不勝荼毒謀夜入卧  
內刺酋持其頭大呼諸彝驚起悉赴水死和五等盡  
獲金寶兵器駕其船回失道走廣南為交趾所掠竟  
被留獨部惟太等三十二人得歸明年酋于即雷描  
吞從朔霧往代遣酋來聞訖都御史許于遠疏聞因  
以禮遣僧置惟太等于理始酋故奴視華人而中朝  
採金之使四出一妾男子張疑且詭稱呂宋機易山  
多生金豆也三十年詔遣海澄丞于時和往勘酋聞



太駭華人流寓者為游說結連為厭令僧散花道場  
旁迎使者盛陳兵衛邀丞入設食問丞華言開開山  
山各有主安得開且金豆生何樹丞數目疑疑無以  
應酋大笑欲兵之華人曲解釋登舟丞憐死疑坐誅  
傳首海外然酋益疑華人且欲彊決計織諸流寓矣  
明年遂謬言將征他島凡華人寸鉄厚鬻之華人利  
其直無持寸鉄者乃刻期攻華人擒殺無算華人走  
保大崙山饑甚酋復擊殺萬餘橫尸橫籍存者三百  
人耳頃之酋悔禍下令招撫籍華人貨移書閩守臣  
俾戚屬往領賈船復稍稍去三十三年詔遣商諭呂  
宋燕生事其後留者復成聚云或曰呂宋相連曰叻  
嗶嗶在海畔稍紆入山曰沙瑤其俗椎髻垂金鍊  
衣剪錦綺奉天神所至拜寺兩手和南尤嚴男女之  
禁有與妻嘲笑即刺以刃盜無大小論死有願抵家  
別者聽及期妻子送詣酋登高棚自剖腹死孕婦以  
水灌之所生子置水中築板為城覆茅為屋又有班  
隘者即蚊罩山山頭火光不斷亦名大山奇險不可  
到人多扁頭赤身不受佛即機部署皆呂宋隣國也  
佛即機未據呂宋時先聚翔霧與其國人親好其破  
呂宋翔霧與力馬今以大酋擁兵守之且通婚媾居

燕一附庸矣

和蘭

和蘭自古不通中國與佛即機接壤時駕大舶橫行  
瓜哇大泥間及聞佛即機據呂宋得互市香山灣心  
慕之萬曆二十九年忽揚帆濠鏡自稱和蘭國欲通  
貢粵人欲拒之乃走閩閩人李錦久客大泥與和蘭  
習說其酋麻章即曰若請市無以易漳漳海外有彭  
湖嶼可壘而守也巨璫在閩第謹事之無不如意者  
三十二年遂詐為大泥國王書移閩當路及中貴人  
高宗而以巨艦尾至彭湖時海上汛兵俱撤酋伐木  
駕廠如履無人之境而錦徐擊漁舟附入漳詭為所  
掠脫歸常事繫錦及前所遣猾商潘秀令諭酋還自  
贖并遣材官捧檄往乃多費酒幣覲辱償海上奸民  
又潛移華貨私與市酋益生心觀望而璫采貪其賄  
許以三萬金為壽與尋盟會當事所遣往勸材官沈  
有容說才畧從容諭酋多中窳麻章即頗心動衆露  
刃相挾沈厲聲折之為語塞因僅以番刀及玻璃等  
器遺璫求市已而當事嚴禁兵民接濟疏請犖勒酋  
度坐困遂宵遁錦秀等論如法旋奉旨傳諭大泥國  
務檄和蘭無為細人所誤維時閩海稍寧而本酋習



華境曲折不能無他觀兼之海上利其金錢勾引  
寶幣有徒四十五年更從呂宋港口迎擊華商爾後  
遂入彭湖據為三窟矣其人深目碧瞳長髮赤髮閩  
人因呼為紅毛番又稱紅彝云舟長可三千丈橫廣  
五六丈樹五桅凡三層旁鑿小牕置銅鏡以俟桅下  
大鏡長二丈餘中虛如四又車輪云發此可洞石城  
震數十里舵後銅盤大徑數尺往來海道不迷稱照  
海鏡奉事天主甚謹役使烏鬼行巨濤中如平地本  
不習戰因中國驅逐使募倭銜鋒所恃惟鏡今紅彝  
鏡法盛傳中國佛即機又為常技矣其屬國有美洛  
居

美洛居在東海中稱蕃富酋出威儀所部合掌伏  
道旁男子祝髮女椎髻腦後多布中國酒器豪飲席  
間設二大盃盛酒人手一器飲之長大者起為舞年  
少環視聽不敢登場也初佛即機來攻願歲輸丁香  
請降遂赦使自為守和蘭既橫行海外忽以舟師直  
搗城下執其酋語曰若改革我珠勝白頭以佛即機  
人頭背白故云酋聽命佛即機聞之急治兵來討會  
和蘭去國內空因珠和蘭所立酋更立素所親信者  
已而和蘭既至復逐之去歲相攻殺華人流寓者因

為遊說中分兩國以高山為界山北屬和蘭山南屬  
佛即機遂各罷兵然自是其國若西屬賈船亦紛紜  
矣產多丁香土人以辟邪東洋獨此地有之

蘇門答刺

蘇門答刺古須文達那國東南大山西北距海龍涎  
與西去一晝夜程乃西洋要會或曰漢條支唐波斯  
即其地也自滿刺加西行順風五晝夜至答魯蠻村  
舍舟陸行十餘里至其國無城郭大溪入海海口濤  
惡善溺舟洪武中國王遣使奉金葉表貢馬及方物  
永樂三年酋長宰奴里阿必丁遣使朝貢詔封為國  
王賜印誥金幣五年來貢頃之王與花面王戰中矢  
死于弱未能復讎其妻號于國曰能復讎者我以為  
夫與共國事有漁翁出攻殺花面王王妻遂從馬稱  
為老王永樂七年老王來朝貢詔厚賜之十年返國  
故王子長率國人執殺漁翁翁子蘇幹刺奔峭山與  
兵復仇故王子趨于朝十一年命太監鄭和往捕蘇  
幹刺至京伏法王子感激貢方物甚夥或曰殺漁翁  
者乃故王假子也為鄭和所擒其嗣國者蘇幹刺云  
宣德六年貢馬賜彩緞紗羅絳纒九年王萊哈利之  
漢來貢麒麟象十年封其子嗣王成化二十二年番



商馬力麻詳稱蘇門答刺使者私販粵廣東布政陳選數發其奸抵罪是後其國數易姓萬曆中主國者乃大酋奴也奴為大酋收象象肥大酋使掌魚入其稅奴得大魚輒上前不以充稅酋益喜甚親之酋為王掌兵入見王甚恭奴曰王何恭酋曰王也奴曰王不欲拜欲之王兵因言王坐殿上甚肅第左右數人耳主入見請王屏左右密言事王必從奴直上刺殺王王可王兵前從之奴遂刺殺王大呼殿上曰吾主王兵其殿下卒不知所為大酋所掌兵又在門外因誅其偶語者數人其餘悉授官大酋並德奴予以所掌兵他日奴又以其兵刺殺大酋而自王王大治宮室凡六門王出乘象輿薄傳呼甚盛民屋如樓用椰子梳椰木縛藤鋪葦居之男女椎髻裸體腰圍色布到獨木舟漁海上氣候朝熱暮寒亦有瘴氣山產硫黃土石皆焦黃色有油泉可取為油曰瘠惟種早稻無麥胡椒蔓生菓有柑橘甘蔗芭蕉子芥吉柿波羅密又有脯爾馬果外皮甚具剝開取囊如蘇油香美又有掩拔果其味酸甜香烈有金鳥產金及銅鐵錫市用金錢名底那兒錫錢名加失釀交樟子為酒言語婚喪物產與滿刺加相似貢物犀牛龍涎寶石香

力微哈刺梭眼木下降迷諸香風俗淳和惟酋長好殺人輒取血浴身其國一名啞噤有小連阿魯那孤兒黎伐三國

### 那孤地

那孤兒即花面國男女皆以墨刺面為花狀故名國小僅此大村可千餘家風俗大類蘇門答刺標頭裸體單布圍腰上下自耕自食孳生牛羊鷄鴨羅布強不食弱畜不驕貧不盜稱善地馬洪武初使臣以海船駐紮蘇門答刺遣人往其山採硫黃酋長感德遂入貢

### 阿魯

阿魯在西南海中與九洲山相望自滿刺加順風三晝夜至永樂五年其王速魯唐忽先遣使滿刺哈三附古里諸國朝貢令中使往賜王文綺貢物象牙燕腦土瘠產薄種芭蕉椰子為食男子裸體圍梢布常駕獨木舟入海捕魚或山行採米腦香物售商船防身以藥鐵弩風俗亦與蘇門答刺同或云阿魯即啞魯也啞魯南大北大海西蘇門答刺東有平地可種稻穀貨用稀少綿布名考泥米穀牛羊鷄鴨甚廣其國王及民皆曰回今山有飛虎如猫大有由翅和



蝙蝠能飛不遠人有獲者不服家食即死產象牙燕  
腦黃連香按二國風俗不同未知孰是亞魯從淡水  
港入即淡洋也淡洋與阿魯山接圍繞有港通大溪  
汪洋二千餘里奔流出海中一水清淡味甘舟人往  
來汲之故名田肥禾盛米粒小而香氣候俗與阿魯  
類

黎伐

黎伐小國南連大山北際海西距南泥里東南連那  
孤兒居民千家推一人為首領隸蘇門答刺言語服  
食甘同山多野犀王亦吾人捕獲隨蘇門進貢

錫蘭

錫蘭山與柯枝國對峙以別羅里為界自蘇門答刺  
順風十二晝夜至占城極西可望見馬番語高山為  
錫蘭因名或曰即古狼牙須國在南海中海中有翠  
藍嶼最高者名接馬鑾其山大小有七門中可過船  
傳聞釋迦佛經此浴于水人竊其袈裟佛誓云後有  
穿衣者必爛皮肉由此男女削髮無衣以樹葉紉結  
前後宣德七年鄭和泊船此山見山中人駕獨木舟  
來貨椰實皆裸形故俗名赤卵場過此山西行七日  
至鶯哥嘴更三日坐佛堂山有大磐石印足跡三尺

許和傳釋迦佛從翠藍嶼來登躡跡尚存中有淡水  
涸涸人以城而自白佛米山麓有卧佛寺稱佛涅槃  
其身卧榻華飾有舍利子又西北陸行五十里抵玉  
唐王係瓊里人尚釋重象牛煨牛糞塗體飲牛乳不  
食其肉王宮民居旦必調牛糞塗地而禮佛地廣人  
稠宜稻聚百物富饒亞瓜哇山產水晶青紅寶石黃  
鴉石每大雨衝流沙中拾取之番人云山中有人  
祖阿明聖人即盤古脚迹其寶石乃人祖眼淚所結  
此海旁有珠簾沙光浮動射日間歲淘珠諸番費爭  
未市市用金錢國人半裸下體悅如壓腰去鬚留髮  
女椎髻腦後下紫白布飲食不令人見梁書稱狼牙  
王先奔天竺俗袒而被髮以吉貝為干綬王及貴臣  
加雲霞布覆脾金繩為絡帶金環貫耳女子被布環  
珠繞身王出乘象蓋近天竺教云永樂九年使鄭  
和奉勅齎金銀供器絲絳織金寶幡布施佛寺及建  
石碑賞賜國王頭目等其王亞烈若奈兒負同謀伏  
兵絕歸路和先發銜枚疾擊擒其王獻傳闕下釋之  
擇立其屬賢者十年封耶巴乃那為王十四年貢方  
物後命鄭和等齎賜之宣德八年遣使朝貢賜玉及  
妃夫綺正統十年遣耶巴利模的里亞等貢珠寶石



天順三年王葛力生夏利昔利把交刺惹遣使朝貢  
奉金陵靜海寺藏有佛寶來自西方亦鄭和所取貢  
物有水晶珊瑚諸香烏木藤竭琥珀石

### 覽邦

覽邦漢疎勒國也地多沙磧麻麥外無它穀山坦迤  
無峰巒水亦淺濁谷好佛勤賽祀有駝馬牛羊市亦  
用錢洪武九年國王昔里馬哈刺札的刺札遣人奉  
表來貢永樂宣德中附隣境貢方物有胡椒蘇木檀  
降香孔雀戎曰其國好食人故覽邦港口無泊船者  
外有小嶼名奴沙牙望錫蘭山不遠

### 溜山

溜山番名牒幹自錫蘭山南去順風七晝夜至其山  
四面濱海如洲在西海中天生石門如城關中可過  
船大溜有八白沙溜人不知溜起未溜麻里哥溜加  
平年溜加加溜海都里溜官與溜餘小溜無慮三千  
土人曰此弱水三千也舟行遇風入溜即溺人率依  
山巢居穴處不識菽粟種椰子樹為業網溜洋大魚  
晒以代糧茶髮纏首穿短衫圍梢布亦多裸形幼樹  
葉蔽前後婦人以手中蓋頭止露其面王頊目民庶  
皆回回人婚喪禮悉依教而行氣候常熱如夏風俗

淳美市用銀錢產龍涎香漁人于溜礁上採之海取  
山積當錢使柳皮結繩可貫板成舟塗瀝香堅如鐵  
釘鮫魚一名溜魚織絲悅甚精密亦有織金悅永樂  
中國王亦遣福遣使來貢

### 柯枝

柯枝一名阿枝古槃槃國東連大山西南北皆海自  
錫蘭山西北舟行一晝夜至通古里國界洪武中未  
貢永樂二年國王可亦里遣使完者答兒來朝貢十  
年復至詣封其國大小詔賜王印誥并封山為鎮國  
御製碑文其銘曰截彼南山作鎮海邦吐烟出雲為  
下國洪龐時其雨暘肅其煩熯作彼豐穰祛彼妖氛  
庇于斯民靡災靡沴室家胥慶優游萃歲山之整兮  
海之深矣勒之銘詩相為終始是時中使鄭和至其  
國王瑣里人也首纏黃白布上不衣下紫絲悅未殊  
壓腰綴椰木葉苫屋國人椎髻短衫圍單布族有五  
種曰南昆與王同類祝髮絲懸脰最貴次回回次哲  
地富有財次草全為牙儂最下木瓜居海濱業漁樵  
為備役屋簷不得過三尺衣不蔽膝或裸體暹以草  
過南昆哲地蒲伏候其過乃起王尚浮屠教象牛範  
全為佛佛座周圍砌水溝傍穿一井每旦鳴鐘鼓汲



水灌佛頂數四羅拜而退有曰濁肌者胎髮縷縷垂後耳牛糞反塗體行吹大螺妻隨之乞食蓋優婆塞也氣候常燠無霜雪每年二三月間下陣頭雨五六月晝夜滂沱八月半後方晴更無雨矣勞云半年雨落半年晴即此土產胡椒滿園貯倉待販市用小金錢名吧喃銀錢十五當金錢一

小葛蘭

小葛蘭訛為喙喃東連大山與柯枝接壤而南北皆海自錫蘭山西北行六晝夜至西洋諸國之馬頭也王瓊里人其下多回回南昆男少女多候熱土瘠仰榜葛刺園米為食牛飯和酥酪婦長冠服大類錫蘭市用金錢大名僕伽小名吧喃產蘇木胡椒檳榔波羅密羊青毛脚高二三尺黃牛有三百觔者永樂五年附蘇門答刺等國朝貢中使鄭和至其國王優遣使入貢又有大葛蘭與都欄礁相近土黑坎宜教居民懶事耕作賴為麥米為食男女纏頭穿長衫產胡椒椰子海魚檳榔風俗大抵與小葛蘭同然小葛蘭入貢大葛蘭獨否惡在其為大也

木骨都末

木骨都末瀕海自小葛蘭順風二十晝夜至堆石為

城并壘為屋高四五層厠廁待客皆在馬地曠田瘠或數年無雨穿井極深以羊皮袋水俗習射富者附舶遠賣貧民網海魚為食男拳髮四垂腰圍稍布女髮盤于腦黃漆光頂耳掛絛索頂帶金圈璽珠垂胸出則單布兜遮青紗蔽面足履皮鞋草木稀少牛羊駝馬皆食乾魚產龍涎乳香金錢豹永樂中嘗遣使朝貢

卜刺哇

卜刺哇與木骨都末接自錫蘭山南去二十一晝夜至屋傍海築石城石屋與木骨類業漁不耕有蔥蒜無瓜茄廣斥鹵有鹽池但棧樹枝良久撈起凝白鹽其上拳髮穿短衫圍梢布婦女弁垂金錢頂帶璽珠產馬哈獸狀如麝樟花福祿狀如花驢豹虎犀牛龍涎象牙駱駝永樂中常遣使朝貢

古里

古里西洋諸蕃之會海中一大國也西瀕海東通坎巴桑國北接狼奴兒國南距柯枝自柯枝海行三日至永樂元年王馬那必如刺滿遣馬成朝貢馬三年王沙米的遣使朝貢五年遣太監鄭和費誥命銀印封為古里國王建碑亭立石云去中國十萬餘里



民物咸若熙暉同風刻石于茲永樂萬世七年復來  
貢貢物有諸香苾布花氎琉璃瓶玩珊瑚珠玳瑁雙  
刃刀番花人馬象物手中花靠枕等貢金絲寶帶金  
線細如髮結花綴八寶珍珠鴉鶴石于上蓋頭目乃  
那進獻其國人亦有五等王王南昆人不食牛將領  
白回人不食猪王不傳子傳外孫否則傳弟無外孫  
弟傳善行人國事皆決于二將領王以銅鑄佛名乃  
納兒造佛殿蓋銅瓦殿側埴井且起汲水浴佛拜訖  
收牛糞調水塗地或煨成白灰為囊佩之以抹額及  
股俗尚信義行者讓路道不拾遺海濱為市哲地拍  
手定價不改算法用手足二十指分毫不差金錢名  
吧喃銀錢名搭兒布名檜梨出坎巴桑國本國亦將  
發絲染織花悅山鄉多種胡椒富家種椰子嫩者釀  
酒老者打油造糖做飯外包之穰打索造船殼為杯  
碗又有四季冬瓜芭蕉子波羅蜜木鱉子蝙蝠大如  
鷹黃牛大者三四百斤人皆不食死則埋之人無酥  
油不食家養孔雀以葫蘆為樂器紅銅絲為絃番歌  
相和鏗鏘可聽利無鞭笞輕斷手足重罰金珠殺沒  
產戚族有不伏罪者置銅鍋熱油令手探之布裹三  
日開視若渣爛即加刑如舊亦捐以穀樂送歸產家

馬白鳩無餘鳥諸香

古里班卒

古里班卒在海中永樂三年國王遣人馬的來朝貢  
其國土瘠數少物產甚薄氣候不齊夏多雨而即寒  
俗質朴男女被短髮假錦纏頭紅紬繫身

竹步

竹步與古里國建境地廣而僻村居寥落城垣石壘  
屋砌高堆無霖雨紋車深井捕網海魚男女拳髮出  
以布兜風俗頗淳產獅子金錢豹駝鴉有高二七尺  
者龍涎乳香金箔永樂中入貢

刺撒

刺撒自古里舟行順風二十晝夜可至倚海為居壘  
石為城屋亦如之連小廣地草木不生牛羊馬駝皆  
食乾魚田瘠少收唯麥略有氣候常熱數年無雨饑  
并絞車馬皮袋水男拳髮穿長衫女兜頭粧點風俗  
淳厚喪葬有禮有事禱于鬼神永樂中入貢

忽魯摸斯

忽魯摸斯在西南大海中東連大山自古里開航西  
北風十晝夜可至永樂三年國王遣刺足來朝貢駝  
鷄鷄如鶴長三四尺脚二指毛如駝行亦如之帝命



付臣金幼孜賦馬其國遠海倚山壘石為城屋土狀  
 民饒廣麥少穀有一大山四面各產一而山出鹽堅如  
 鐵石鑿為盤碟因食馬一而山出紅土如銀珠一而山  
 白土如石灰一而山出黃土王令人守之上下皆曰曰  
 教一日禮拜三次喜歌舞惡殺風俗樸厚無貧人貧  
 者衆助以資婚喪悉教依規娶妻必置酒加酌加酌  
 者字教之官也男子偉貌拳髮穿長衫善騎射女子  
 編髮四垂漆頂出則布幔兜頭青紅紗蔽面兩耳掛  
 絛索金錢數枚以石磨水點臉花紋為美飾手足皆  
 金鐲以銀鑄錢名底那兒市肆賣熟食惟無酒館國  
 法飲酒禁市人食必拌酥油馬食乾魚果有萬年菓  
 羊有山羊綿羊狗尾羊又有鬮羊高三尺許前毛拖  
 地後剪角彎向前帶小鐵牌行動有聲人養在家賭  
 博為戲有奇獸名草上飛者名昔鴉鍋夫如貓身玳  
 瑁斑百獸見之皆伏亦有獅子麒麟大馬福虎馬哈  
 珍珠寶石金珀龍涎撒哈刺賊單等物入貢或云即  
 忽魯母恩國按忽魯母恩在東南海中永樂三年王  
 遣臣已即丁朝貢其非一國明矣國小土瘠止產檀  
 速胡椒

祖法兒

祖法兒亦曰左法兒漢之太叔唐之吐火羅皆其國  
 也自古里西北海行十晝夜可至東南大海西北重  
 山疊石為城屋層如塔田廣而饒土黃赤不生草木  
 民捕魚為生牛馬亦食之氣候常如秋俗頗淳體幹  
 修碩言語質樸尚回回教王白布纏首金錦袍青花  
 絲靴靴履乘騎跨馬前後列象駝橛刀牌吹筆策男  
 子拳髮長衣皮鞋女人出以布蒙頭如遇禮拜日沐  
 浴搽膏薇露沉香油以小玉爐燒沉香檀燻以兒薰  
 其衣禮拜後出經街市香氣半响不散土產乳香乃  
 樹脂也中國寶船到開讀賞賜畢王諭國人將乳香  
 并血竭蘆薈沒藥安息香蘇合油木鱉子之類來換  
 絳絲磁器等物市用金錢名倘伽錢文人形產西馬  
 鶴頂福鹿金錢豹駝鷄駝羊峰雙峰皆可來永樂中  
 王亞里遣人朝貢宣德中復至

阿丹

阿丹古丹丹國瀕海自古里開船順風二十晝夜可  
 至疊羅肢石為城屋高四五丈土沃豐粟麥民富饒  
 有馬步勝兵數千鄰國畏之永樂九年遣太監鄭和  
 費招賜王冠服命互市其率國人迎入交易有珍珠  
 猫睛鴉姑珊瑚高二尺者數珠并金箔著薇露麒麟



獅子花福祿金錢豹駝鷄白鳩之類王金冠黃袍紫帶至禮拜寺布履首加金錦頂白袍坐車列隊而行男子拳裝穿撒哈利梭棉錦綺細布等衣女人布帽兜頭青紗蔽面身垂金錢頂掛環珞臂纏寶釧足帶指環赤金鑄錢名喃嚕喇紅銅者名喃嚕斯氣候溫和常如八月九月善推算花開為春葉落為秋無閏月其國王常進金鑲寶帶二條金冠一頂蛇角二枚各樣寶石嘉靖時造方丘及朝日壇王爵購紅玉於天方哈密諸國不得通事撒文秀言二玉產在阿丹云去魯番西南二千里其地兩對峙自為雌雄或時自鳴請依宣德下番例費重賄往購帝竟從部議已之

### 古麻利

古麻利在東南海中永樂十八年國王幹刺義亦敦奔率妻子及陪臣來朝貢方物請封給印誥令仍舊號次福州卒賜諡康靜初拜閩縣有司歲時祭馬其國有州百餘佛宇至四千區向未通中華南有層拔圍在大海中西接大山其人大食糧纏青布躡皮鞋地多岩谷少寒產象牙生金

### 西洋瑣里

西洋瑣里瀕海近瑣里差大洪武三年其王別里投奉金葉表貢方物賚予甚厚永樂三年復遣使朝貢帝曰海外遠曩附載蕃貨其勿征二十一年西洋十六國遣使二千二百人貢方物西洋瑣里貢獨豐美有黃黑虎兜羅錦被皮剔搗泥沙馬打里布

### 瑣里

瑣里西海中小國洪武五年其王卜納的遣撒馬牙茶嘉兒幹的亦刺丹八兒奉金葉表朝貢貢物有撒哈刺紅八者藍窺木里白苾諸異布

### 淡巴

淡巴在西南海中洪武十年國王佛喝思羅遣使奉表朝貢賜金幣其國土廣景秀泉甘水清饒草木蓊富石城瓦屋市肆甚眾與馬威儀甚都國人勤治生稀冠盜耕種各有常業居然樂土貢物苾布兜羅錦被沉速諸香胡椒

### 甘巴里

甘巴里在南海中大島上人多織錦粒食亦鮮食永樂十二年國王兜哇刺查遣得名公葛葛來朝貢或曰甘巴里小國介西南海中與諸隣國不通交務產薄用器然奉佛亦不求積聚無乞丐者



討來思

討來思在海中用徑不百里城近山山下有水赤色

望之如火俗尚神主家事以婦人布多牛羊馬駝亦

亦布縷毛褐交易用錢土宜麥稌無稻穀宣德六年

朝貢

打回

打回海外小國數為鄰國所苦已乃治兵與戰戰勝

稍得自立永樂三年遣麻勿來朝貢

白葛達

白葛達海中小國土瘠俗尚佛宣德七年國王遣和

者里二思八貢

黑葛達

黑葛達國小民貧平川廣野草木暢茂禽獸鮮少俗

尚佛畏刑市肆多牛羊交易用鐵錢宣德中國王遣

使十人來朝貢方物

亦思把罕

亦思把罕在西南海中為大國廣袤近千里四面皆

海西北多山東南平沙國有城堅壯王居亦侈麗物

產盡厚風俗質朴尚佛畏刑善施惡奪亦有中國人

寓焉時時出貢撒馬兒罕亦多馬駝少布帛有珠玁

無稻粟日食惟麥麥粒粗壯甘美永樂中遣使四

回人來朝貢

榜葛刺

榜葛刺本天竺國天竺有五即度南瀕海北距雪山

東際海與扶南林邑接西與罽賓波斯接榜葛刺者

東印度也自蘇門答刺開航取翠藍嶼抵浙地巷更

小舟行五百里至鎖納兒港有城池市聚陸行三十

五里至板獨哇酋長居焉城郭甚嚴殿門三重九間

銅柱雕獸內設馬隊外列巨漢甲冑弓矢丹輝左右

孔雀扇蓋象隊數百王踞寶座刻橫于膝今中國佛

殿彷彿似之詔至以金銀拄杖各二人導尊伏揭甚

恭宴禮甚厚惟不飲酒以蕃薇露和香密水代之宴

畢以金盃金瓶金盃金盤金盤贈天使置金筒銀葉表

遣使費捧貢獻方物永樂二年王篤牙思丁遣使朝

貢賜文幣九年王太倉命行人往宴勞之六年復至

十二年命少監侯顯奉勅往諭賜王錦四段綾六十

匹玉賽弗丁遣把一濟貢麒麟正統三年復至王及

臣民皆回回人祝髮纏首圓領長衣衫悅金錦皮鞋

女人髻椎後穿短衫圍色布絲綿耳垂金釧項掛瓔

珞四腕戒指不施脂粉顏色嬌白風俗朴厚人好耕



殖一歲二收賦十二筭杖徒流官有印軍有根除陸  
醫卜百工技藝畢備市用銀錢海賦者名考噤償定  
打手難萬金不悔別有一種印度不食牛肉飲食男  
女異處夫死不政塚妻亡不再娶孤寡衆輪贖之五  
嶺山最高大氣候恒熱曆有十二月無間產鐵翠鑽  
羽瑠璃蛇馬桑漆尤廣絲綿不數種有卑得滿者提  
沙納已幅柳白勒搭噤等名葛哩葛勒四尺厚五  
分計面毳毼即兜羅錦白樹皮作紙賦潤如虎皮柳  
莢為酒檳榔當茶波羅密大如斗奄摩勒香醪甚佳  
有根宵速魯奈者優人也衣黑白花衫紫腕佩珊瑚  
琥珀瓔珞吹哨响打大小鼓歌舞侑觴能作百戲以  
鐵索繫虎行市中入門解索裸而搏虎交撲數回就  
繫如故人爭以肉啖虎勞戲者錢國語名撈葛俚貢  
物有飲金瑠璃器皿撒哈刺兜羅綿烏參泥宿頂犀  
角翠毛紫膠藤竭糖霜之類

治納摸兒

治納摸兒在撈葛刺迄西即中印度也又名金剛座  
乃釋迦得道之所永樂十八年國王亦不刺金數侵  
撈葛刺遣使貢勅諭之因奉朝貢

已刺西

已刺西正德六年遣使沙地白入貢云其國在東海  
甚遠在洋船行凡四年半被風飄至西瀾海面船壞  
惟存一腳艇又在洋飄風八日至咭哈國住十二月  
又往地名秘得住八月乃遵陸行二十六日至暹羅  
國以情白王賜日給又與婦女四人住四年至今年  
五月繞附番人柰林舡入廣其所貢金葉表文木犀  
六枚祖母綠一塊珊瑚四株瑠璃瓶四把瑠璃蓋四  
個瑪瑙珠胡黑丹

阿哇 麻林

阿哇永樂中國王呂吉利遣其臣入貢麻林永樂十  
三年遣人獻麒麟尚書呂震請率群臣上表賀帝曰  
往翰林院修五經四書性理大全成欲上表進賀朕  
則許焉麒麟有何損益其罷賀厚賜遣之二國皆未  
詳所任會典載永樂中西洋朝貢者又有忽蘭丹國  
奇刺尼國夏刺比國密察尼國烏涉刺場國密國  
彭加那國拾刺齊國八可意國坎巴桑替國千里達  
國沙里灣泥國僅存其名而已又按永樂七年太監  
鄭和往占城等國九年回京十年少監楊勅往撈葛  
刺等國十二年回京十三年鄭和往撈葛刺諸國十  
六年回京宣德元年太監侯瑄往烏思藏諸蕃回京



回京一年期和往忽魯謀斯諸番八年回京共有  
詔而未入貢者附列于後

麻逸凍在交欄山西南洋海中山峻平地氣候稍熱  
田禾倍收男女椎髻長衫圍色布手中俗尚節義婦  
人喪夫則削髮務面絕食七日與夫尸同寢多有並  
逝者得甦亦不再嫁至焚夫日或赴火死黃酒為鹽  
釀成為酒產木綿黃蠟玳瑁檳榔

假里馬丁在海中與交欄山相望其地山列翠屏溪  
田雖有米穀少收氣候常熱俗甚貧薄男女髮竹  
布為衣種芭蕉採其實以代梁黃酒為鹽釀蕉為酒

產玳瑁玳羊

勃斯里新轄州一十六村落三百六十每村供國用  
一日王白哲纏首着衫出入乘馬儀從甚都導馬三  
百尺以鞍寶轡虎十頭縻以鐵索臂鷹扶劍以從多  
至千百人有大塔高二百丈國破兵則據塔拒敵可  
容二萬眾其國百年無一雨有天江水極甘每溢可  
浸田水過而耕莫知其源也江上有鏡他國盜兵來  
輒先照之

蘇蘭皮在西海中自大食國舟行正西涉海百餘日  
方至一舟容萬人中有酒肆棧村米粒長三寸瓜瓠

六尺香樹桃榴並巨羊高數尺尾大如扇春割腹取  
清縫合仍活秋風忽起人獸急就水飲稍遲渴死  
咭吟海島小國白布纏首身穿小袖長衫食以手忌  
承見華人食輒厭其穢產胡椒蘇木荳蔻象牙附舶  
香山濛鏡灣貿易

順哈亦海島小國人醜而黑衣布帛飲食生熟相半  
婚姻不論貴賤意合則從產胡椒象牙丁香荳蔻

古刺國

古刺國在百桑之外萬餘里永樂中給事中周讓使  
百桑聞其國人慕華莫為先使歸以聞天子嘉之遂  
命讓由滇池入踰數月乃至至則其酋驅象馬建旗鼓  
具舟供帳陳兵出迎作新亭館以居讓即遣使從他  
使者至京報謝留讓居歲餘勞宴甚至讓還朝遣使  
貢方為請臣置吏天子授以古刺宣慰使賜冠帶印  
章



明史卷四十五

外蕃傳

外蕃三

哈密

哈密古伊吾廬地漢置酒泉張掖燉煌三郡晉為涼州牧張寶所據唐隸隴右道為伊州安史之亂盡沒吐蕃元封其孽忽納失里為威武王洪武初於張掖置廿四五衛酒泉置肅州衛武威置涼州衛隴中置西寧衛別置山丹永昌鎮番莊浪四衛高臺鎮桑古浪三千戶所自蘭州渡河千五百里至肅州西七十里為嘉峪關永樂二年安克帖木兒貢馬詔封為忠順王設七衛曰哈密安定阿端赤斤蒙古西先宰來左而哈密最西東去肅州西去土魯番各千五百里北數百里抵瓦剌以天山為界授頭目馬哈麻火只等指証分居苦峪城三年王為鬼力赤毒死無子兄子脫脫停居中國命護歸嗣王賜金印誥命以地當西域咽喉天方等三十六國八頁必取道哈密合擇上諸番貢表偵察向背用筆人為長史紀善稍視內藩而卻落雜居有田畝畏兀兒哈刺灰三種各立都督佐之四年賜王及其祖母速哥失里母妃從母綺幣亦差是歲王為祖母所逐初復立為王六年王及

祖母各遣使朝貢賜表裡及織衣靴襪而脫脫以沈潛服恭附九年卒封老力帖木兒為忠義王賜印璽王帝哈納為都督僉事守哈密王卒弟李羅帖木兒嗣仍封忠順王賜誥印十二年員外郎陳誠使西域還言哈密城在平川可三四里城北大山三面皆平地王稱速壇有衆數百戶多蒙古回回人俗穢悍好剽劫誠使經哈密輒索道路錢乃聽出入洪熙元年貢硫黃帝諭邊吏哈密既有火藥宜謹備宣德初五年遣使封其姓卜答失里為忠順王孱弱三年復與鬼力于脫歡帖木兒弒忠義王共理國正統四年貢玉求紵縵于四表裏是時兀剌強數侵哈密哈密懼稍持兩端詔諭母背德稱不悛至拘留漢人轉鬻使至多暴橫或毆死防護軍校遣臣請絕貢詔由貸天順元年賜王朝服母妻号号冠四年賜緞金箔蓋桂茶器而忠順王再傳為索羅帖木兒天順末為首者林所執無子王母弩温答夫力署國事遣札加思蘭殘破國人奔潰未貢動以千百懸宴賞却傳頗疲成化元年從尚書姚夔議令哈密歲一貢以八月驗故入關無過三百人起送三十人赴京其土魯番亦力把力等或三年五年入經哈密者及期備米無過



十人哈密王母撫緝流亡稱朝廷厚意二年兵部奏  
王母以亂如思蘭侵掠避居赤斤若峪今寇退宜勅  
還哈密報可三年以把塔木兒為右都督守哈密把  
塔木兒脫歡外孫也八年卒子罕慎襲赴京貢駝馬  
加賞而上魯番方強盛控弦五萬其速檀阿力尤雄  
黠九年挾哈密掠赤斤諸番王母不從遂見擄劫金  
印去罕慎竄若峪城甘肅撫臣姜良以聞兵部尚書  
白士言哈密為戎西藩土魯番無故凌奪不赦則赤  
斤諸衛盡為蠶食嘉峪外皆強敵而禍中甘肅請集  
廷議恢復因奉高陽伯李文通政劉文任經略之既  
至調罕東赤斤番兵數千駐嘉峪不敢進謬言阿力  
欲乘虛搗二衛宜退兵自守遂引還阿力始輕中國  
十二年遣使赤兒米卻來貢且致書鎮巡飾罪稱王  
母已死朝使至即歸金印城池然特讓語無還意其  
冬更鑄哈密印賜罕慎於若峪立衛居之給土田  
及牛具穀種十四年阿力死子阿黑麻立年尚幼甘  
肅撫臣王濬請乘間納罕慎十八年罕慎入哈密嗣  
忠順王罕慎貪殘國人怨望西域諸使皆要索亦  
有違言二十二年瓦剌酋阿沙赤等相擊殺西來據  
哈密尋引去弘治元年奸回誘阿黑麻攻哈密阿黑

麻亦杜乃白罕慎非脫脫族安得王王故慮我伴好  
語罕慎聯姻至哈密城下頂經盟誘殺之亦未敢頌  
言據哈密遣使入貢請代領西域職貢且乞大通往  
和番兵部尚書馬文升議土魯番與哈密各有分地  
安得相併請勅阿黑麻還王母及金印歸我哈密四  
年遣哈密頭目馬亦虎仙貢勅諭阿黑麻時王母已  
死阿黑麻亦悔懼上金印及所據城詔褒予金幣陞  
馬亦虎仙為都督僉事文升謂戎俗重種類且服元  
久哈密故有回回等三種而北山又有小列禿七克  
力和侵逼必得元爵鎮之可憐諸番乃行求忠順近  
屬得曲先安定王姪陝巴五年取哈密三種人合詞  
奏保立為王以奄克索刺阿木即輔之未幾諸番凌  
已媽賜不得阿木即更引哈刺灰掠土魯番牛馬阿  
黑麻怒六年後以兵入哈密夫解阿木即執陝巴及  
金印去事聞命兵部即張海都督僉事侯謙往經理  
從會阿黑麻遣馬亦滿速兒等修貢至京下廷議通  
事王英言罕東及野七克力諸部怨土魯番刺骨撫  
而用之皆吾兵也西域使者方叩關倚互市為利我  
赫阿黑麻罪謝勿與通令彼窮而歸怨皆吾間也而  
廷議皆欲海等以微徃如土魯番歸陝巴聽予肯否



則留前使勿達而絕其後使從之海等至甘州遣哈  
密人賚勅往諭阿黑麻不報乃修嘉峪關捕哈密奸  
回通阿黑麻者二十餘人戍廣西請絕西域貢七年  
海等不佞命輟還帝怒點之火升請安置馬亦滿速  
兒于閩廣稍用王英策閉嘉峪關令西域歸怨阿黑  
麻當是時西域諸國皆言成化間我入貢皇帝先遣  
中賚人迎我河南至京宴賜甚夥今不撫我我泛海  
萬里貢獅子謂我開海道却不受即從河南貢者宴  
賚亦薄天朝棄絕我相率從阿黑麻且拒命阿黑麻  
遂獲入哈密自稱可汗大掠漠東諸部謀言用雲梯  
攻肅州且踰甘州文升曰此虛聲恐喝我耳土魯番  
至哈密十數程中經黑風川哈密至苦峪又數程甘  
絕水草賚使往送馱水行我第整師旅謹斥堠候彼  
至肅州出奇縱擊以逸待勞可匹馬不返也已而阿  
黑麻西去留其將牙蘭以四百騎據哈密文升曰是  
可襲而執也召肅州指揮楊肅至撫其背曰爾語者  
情悉西域道里今欲擒斬牙蘭策安在肅言罕東有  
間道可進兵不旬日達哈密文升曰如若言以罕東  
兵三千為鋒我師三千繼後各持數日羹食兼程襲  
之若何肅稱善文升即屬甘肅巡撫許進調兵食遣

副總兵彭清統銳卒由南山馳至罕東急令罕東諸  
番乘夜倍道襲牙蘭八年冬進及總兵劉寧抵肅州  
失駐關外倭罕東兵不至乃倚清衛大路行以水草  
乏不得馳牙蘭謂知宵遁師入哈密得陝已妻女并  
牛羊三千斬級六十而還士馬之糧多物故帝念邊  
臣勞仍叙賚自是西域亦頗憚中國九年阿黑麻復  
被哈密令其將撒他兒奄克字刺住刺木城奄克字  
刺密結瓦刺小列先襲斬撒他兒據哈密阿黑麻遣  
兵圍之哈密人與火小列先未援遂走奄克字刺未  
賚多請乞卻之十年阿黑麻以絕貢失互市寤甚令  
其寇馬黑上書願悔還陝已及金印至甘州易前  
四十餘使予賚如故文升恐挾詐請候陝已金印至  
甘州始取馬亦滿速等于閩廣起都御史王越總制  
王遠經略哈密明年越出河而取陝已至甘州令哈  
密三種都督曰回則馬亦虎仙畏兀兒則奄克字刺  
哈刺反則拜迷力迷失共輔之奄克字刺以罕慎弟  
與陝已不協越乃以罕慎女也先王刺妻陝已結好  
賜陝已大帽蟒玉封為忠順王故馬亦滿速等西歸  
會越卒哈密三種人久厭兵入居甘肅境土不願歸  
文升請許留家之半往來自便十二年以兵獲陝已



還哈密土魯番諸部訐復入京朝貢勞賜良厚陝巴  
等酒格克諸部咸貳十七年阿李刺陰搆阿黑麻迎  
其次子真帖木兒未王哈密陝巴走沙州守臣遣指  
揮董傑及奄克字刺往諭部衆迎陝巴還阿李刺不  
從傑等遂擒斬阿李刺并其黨六人餘怖服乃令都  
指揮朱瑄勒兵送陝巴復國而以真帖木兒還土魯  
番真帖木兒時年十三其母亦罕慎女也會阿黑麻  
死諸子讐殺真帖木兒懼不敢還願依奄克字刺曰  
吾外祖也守臣恐與陝巴嫌使居甘州而其兄滿速  
兒尋定國亂自立正德元年陝巴死其子拜牙即嗣  
三年滿速兒稱速壇朝貢上書求真一書求真帖木  
兒兵部議質所受不予五年走出城追獲之八年令  
哈密三都督送真帖木兒西還至哈密奄克字刺欲  
止之馮亦虎仙滿刺哈三不可護至土魯番以國情  
輸滿速兒潛誘拜牙即叛中國拜牙即法暴心怵屬  
部謀害欲挾奄克字刺往不從奔肅州拜牙即竟棄  
城走土魯番滿速兒令火者他只丁與馮亦虎仙滿  
刺哈三取金印守哈密又令火者馬黑木等至甘州  
索賞哈密諸部譯書言拜牙即棄國從番乞命將守  
哈密巡撫趙繼謬謂滿速兒忠義守城勤勞令撫我

官送以金幣滿速兒遂率衆分據刺木城真帖木兒  
又言河西大饑人死亡且半甘州城南黑河可引灌  
城日夜聚謀侵甘肅遣書鎮巡索金幣萬贖哈密城  
印總制鄧章以聞命都御史彭澤督兵經畧十年澤  
抵甘州土魯番寇赤斤苦峪恣殺掠復遣書索金幣  
澤度滿速兒強未易兵定乃以縵綺二千白金器達  
通事火信同馮亦虎仙入土魯番說令和好滿速兒  
喜許增幣歸金印城池澤不候報遽上言事定召還  
京滿速兒謀知兵罷蓋驕四出侵掠關外諸衛又結  
瓦剌寇河西且遣使索所許增幣十一年巡撫李昆  
以難幣二百道之令送拜牙即還國質留未使虎都  
六撒者兒歷其意滿速兒聞質二使怒令火者他只  
丁牙木爾復據哈密而引萬騎犯肅州遊擊芮寧樂  
之敗沒兵迫城下降回斬已思高彥名等頗為內應  
兵併副使陳九疇廉得之收繫諸回及都督失拜烟  
恭極殺之嬰城守調屬部兵劫其老營遣人結瓦剌  
檮巢穴破其三城滿速兒狼狽走副總兵鄭廉尾擊  
敗之瓜州九疇遂發馮虎亦仙傾陷哈密狀滿速兒  
獲請和昆以聞九疇言土魯番不臣宜絕其使與昆  
議左兵部尚書王瓊修却彭澤忌九疇功謀繫之適



夫拜烟答乎米兒馬黑麻方入貢突入長安左門訟  
寃下錦衣衛會兵部三法司奏行河西訊報璣因發  
澤欺罔辱國九疇輕率激變罪十三年逮昆九疇至  
廷鞠幾殺澤九疇大學士楊廷和救之並削籍昆誦  
副使已刑部會審弄脫馬亦虎仙死帝幸會同館馬  
亦虎仙以秘術干進賜國姓隨上南征嘉靖改元復  
論斬死獄中臺省交章劾璣挾私忌功請成起澤兵  
部尚書九疇僉都御史巡撫甘肅三年滿速兒大舉  
入寇以二萬騎入甘州九疇率衆先登力戰解圍乘  
夜倍道追至肅州夾擊破之斬火者他只丁衆詳滿  
速兒中流矢死矣遂以開方河西危急帝遣尚書余  
獻民都督杭雄濟師至蘭州聞捷用九疇議遣其使  
閉關絕貢而滿速兒故無恙也四年牙木蘭復據哈  
密侵肅州起楊一清督陝西軍務初哈密二種避仇  
內徙一居肅州東關一居金塔寺諸處九疇議移肅  
州北境棄地以杜後患一清以兵部外徙不北合危  
剋必西連察台徒足召募議遂寢尋一清召入玉憲  
代之盡出平涼所竊貢使往諭土魯番令悔罪還我  
哈密來從會廷和坐議罷澤亦去張璉桂萼用事  
方璣廷和知平璣怨之言哈密不請由彭澤澤以廷

和曲施惟恐用璣西鄙乃可寧也七年起璣總督代  
憲璣上書論澤九疇事言滿速兒實不死按驗當死  
疇誣罔總等擬坐斬并罪廷和刑部尚書胡世寧力  
爭九疇雖上首功失實然其人忠勇再保河西有功  
為土魯番所忌得免死戍邊澤閑任其年牙木蘭率  
衆來歸牙木蘭本曲先人幼為土魯番所掠黥面善  
兵滿速兒倚之娶火卒哈即女與寫亦虎仙妻為女  
兄弟陰相搏結數盜邊至是滿速兒令牙木蘭據沙  
州索驛留貢使且平帖木哥土把攻肅州以還回欲  
殺之才木蘭懼率帳房二千老稚萬人乞白城山金  
塔寺保收詐之土魯番首虎乃納响兒糾危刺冠肅  
州遊擊彭濟樂却之八年土魯番貢獅子願歸哈  
城及所掠求牙木蘭璣奏哈密既歸乞令失拜烟答  
乎米兒馬黑木守哈密貢使二十四人放回所竊各  
畜男婦千餘人安插沙州土把帖木哥部落五千四  
百人置白城山哈密都督札吉李刺部落置肅州東  
郭亦亦都督瑣南來置金塔寺罕東都指揮枝丹置  
甘州南山且欲縛牙木蘭于之下兵部議廷臣頗言  
哈密難守詹事霍韜言置哈密者難西北之交必屏  
藩內郡或難其守逆欲棄之將甘肅難守亦棄不守



乎太宗之立哈密用元遺孽力能自立今嗣王絕矣  
 天之所廢孰能興之惟予諸番中求雄傑能守城印  
 我部落者因而立之毋規規忠順後可也兵部尚書  
 胡世寧言先朝不惜棄大寧交趾何有哈密哈密自  
 罕慎以來三為土番所擄相與狎比且邀索我矣  
 國初封元孽和寧順寧安定三王安定又在哈密內  
 近我甘肅今存亡不可知一切不問而獨懲懲哈密  
 何也臣愚謂宜專守河西謝哈密無煩中國便又言  
 牙木蘭本屬部歸正非叛不宜遣還唐悉怛謀事可  
 鑒也總等力主環議安置諸番于肅州境內獨留牙  
 木蘭如世寧言九年滿速兒遣虎力奶翁及天方諸  
 使貢方物復索牙木蘭謀言諸番要約候虎力奶翁  
 歸復侵肅州會虎力奶翁道病死兀刺又攻其北部  
 邊警稍息而未降人言土番欲以城予失拜烟答  
 晏管理兵部同許其通貢著令三年或五年為期十  
 二人入京餘留塞上是後名存哈密竟為土番番所  
 據諸番皆為所逐失故土而逃北窟西海兀刺策北  
 山河西三面皆苦寇盜哈密餘部虎滿的等迫求內  
 附總督王夢弼請分發甘肅寄住哈密都督拜言索  
 刺各部下崇禎中肅州境外哈密頭目緯庫兒以三

人叩嘉峪關求賞總兵徐家壽誘至以地砲中之緯  
 庫兒走免怨恨勾黃台吉夫舉入犯自後迄北日強  
 哈密迄不能守其地有天山匈奴過此必下馬拜馬  
 駿山有望御嶺李陵題字處合羅川唐田鴉公主所  
 居基址尚存地無水而常寒多雪每天煖雪消乃得  
 水產馬駝玉石鑄鐵糝米麥豌豆大尾羊秋子胡桐  
 律陰牙角香棗

按桂萼廣輿圖西北諸小國曰哈三曰哈烈兒沙的  
 蠻曰哈失哈兒曰哈的蘭曰掃蘭曰七克曰把丹  
 砂曰把力黑曰俺力麻曰脫忽麻曰察力失曰幹失  
 曰卜哈刺曰怕刺曰失刺思曰你沙兀兒曰克失迷  
 兒曰帖必力思曰果撒思曰火壇曰火占曰昔先曰  
 牙昔曰牙兒干曰戎曰白曰兀倫曰耶思誠曰坤城  
 曰捨黑曰擺音曰克吼曰元方 皆由哈密進  
 貢或三年五年無常期後哈密殘破徑叩嘉峪關今  
 亦無攷

亦斤蒙古

亦斤蒙古在肅州西去沙州一百八十里古月氏地  
 漢燉煌酒泉二郡唐末沒于吐藩宋入西夏元為辰  
 州永樂二年故元丞相苦述于塔於尼率五百人來



歸詔設赤斤蒙古千戶所以塔力尼為千戶賜誥印  
尋陞衛指揮僉事十年叛寇老的罕走匿赤斤命  
左庶子楊榮豐城侯李彬往討以道險艱轉餉罷諭  
塔力尼明年遣瑣南吉利刺擒老的罕來獻帝悅厚  
勞之進指揮使亡何卒于且加夫旺嗣宣德七年命  
居所部蒙古祖失加卜等于平涼正統五年且加夫  
旺累陞都督僉事明年朝使往哈密不獲出疆而都  
指揮革古者西略沙州勅諭改圖以偏瓦刺乞內遷  
肅州白城山不許已請建寺守臣謂于寺不已且于  
業部之且加夫旺罕子阿速嗣始瓦刺也先自阿速  
父時求婚至是要往交聘阿速以聞從請避地內徙  
詔赤斤世守地不可棄茅保除自格時瓦刺強赤斤  
與沙州罕來諸衛名內屬陰與市至受平章等杖累  
詰責不能禁十一年指揮同知鎖合者赴闕求携部  
歸命帝遣還下其事總兵任禮先是若木娶于西番  
生塔力尼又娶于蒙古生瑣合者及革古者乃分所  
部為三帳自領中帳而舍塔力尼領左隸以西番人  
鎖合者領右隸以蒙古人至且加夫旺父子相繼亦  
斤部衆強欲併右帳因擊殺鎖合者以害自歸頃之  
死子切塔兒嗣而哈密使者道赤斤為部衆劫掠阿

速不能截邊更捕首惡械送京師景泰中阿速歷陞  
左都督五年瓦刺也先以書誘脅赤斤諸衛阿速上  
其書諭勿與通成化二年卒于瓦撒塔兒嗣會哈密  
王母避居赤斤苦峪輸運故地六年以瓦撒塔兒叔  
乞把失加卜丁二人為指揮僉事佐之從其請也明  
年瓦撒塔兒卒于貴卜達兒嗣以幼懦衆推指揮加  
定香秩代視事是後土魯番陷哈密恣掠赤斤其酋  
罕印并部落東徙肅州南山邠來河泉及迤北金塔  
寺正德十年土魯番侵甘州掠赤斤人畜千計奪印  
去以都御史彭澤撫賞送歸而種人散走塞下衛遂  
虛嘉靖七年尚書王璠議撫屬番查赤斤部千餘人  
以賞上達兒子鎖南來襲父職朝貢其地有白山產  
金駝馬肉菘菘胡桐律緊程革柏脉根沙棗麩金鼓  
磨礪砂

### 安定阿端

安定亦月來地漢屬燉煌郡廣袤千里東至罕東北  
抵沙州無城郭隄帳為廬產馬駝玉石俗以馬乳釀  
酒飲之亦醉洪武七年撒里畏兀兒安定王卜烟帖  
木兒遣使來朝貢鎡甲刀劍賜金綺分其酋長為四  
部曰阿端阿真若先帖里各賜印而卜烟帖木兒賜



銀印仍稱安定王明年獻元所授金銀字牌因置安定阿端二衛分統四部永樂二年表貢馬五百匹令指揮康壽往受之壽言令甲措蓄貢馬賞以茶官為轉輸今安定遠請給布絹報可亡何王為曲先攻殺部落潰散十一年其孫亦攀丹復攻封賜印誥遣使輸祭前王二十二年中使往西域道死于賊都指揮李英率兵至罕東問故言賊中使者安定曲先酋也英進擊安定俘斬千餘獲駝馬牛羊巨萬曲先遁去宣德二年以安定僧賞竹領真為國師給印誥是後王與國師並入貢而國師外復有禪師自永樂後留西寧正統時都指揮汪清疏其窺伺內地詔歸安定輔其王九年安定酋那南奔等掠曲先勅亦攀丹約束部落十一年平于領占幹些兒嗣王尚幼以其叔鞏思恭已為指揮僉事佐之成化中為土魯番殘破弘治初安定王子于奔嗣王遣使入貢會議求哈密忠順王近裔說稱安定同系以姪陝巴承襲尋為土魯番執去而于奔終弘治貢使不絕正德七年迤北亦卜剌據西海破安定奪其誥印種人汪鏗爾加等寄跡河州歸德十年安棟西寧嘉靖中尚書王瓊訪求原守墳塔國師藏卜哈巴及汪鏗等令住牧沙糖

川部酋襲指揮職領其眾而安定王苗裔無傳阿端久沒莫知其處

曲先

曲先在甘州西南東抵安定北距肅州亦月氏地也漢屬張掖郡元置曲先峇林元帥府永樂四年設衛以上人散西思為指揮同知頃之為朵兒只巴所攻并入安定居阿真地其後散西思同安定酋劫殺中使都指揮李英窮追踰崑崙西數百里乃還宣德二年復掠西域貢使都督史昭率安定罕東兵討之進馬贖罪還其俘令居故部指揮那罕表言部落五百餘為安定所掠餘眾潰居西番江不敢歸詔安定王道還復業正統二年頭目黑麻亂遣指揮火丁貢方物成化後以土魯番反亦不剌侵掠部落走匿烏思藏西衛人牙木蘭劫于土魯番率眾蹂哈密其兄脫蹄聚帖木哥女弟收衛印部眾二百餘依帖木哥于波州嘉靖七年牙木蘭與土魯番疑二擁眾三千與罕東衛帖木哥未巴等來歸詔安棟湖廣江夏遂駕田寇為大賈而曲先故地盡失矣其俗服色尚白喪易以青產珠珊瑚名馬殊砂

罕東



軍東在甘州西南亦燉煌地也唐隋西戎張義潮以  
州歸順建歸義軍梁後易曹姓迨宋朝貢洪武二十  
五年入寇涼國公藍玉討之士酋哈答遁去三十年  
酋長鎖南吉刺思遣使入貢立罕東衛以為指揮僉  
事永樂二年與其兄答力襲等十二人貢馬進指揮  
使以答力襲為同知頭目奴奴為僉事各賜官帶鈔  
幣歲修貢不絕洪熙元年指揮那那奏部酋負內供  
馬匹赤斤而官兵方討曲先相驚欲為亂令守臣招  
撫之曲先之後頭目班麻思結率所部從得首南脫  
馬獻宣德七年以功授指揮使九年罕東別部剽兒  
加邀劫使者命都督劉廣討之剽兒加自歸還所掠  
貢馬謝罪正統五年赤斤蒙古言指揮鎖合者殺人  
逃罕東且誘其部落哈密亦言罕東擅相攻鹵人畜  
兩詔諭之十四年班麻思結言哈密來使命都御史  
馬昂諭忠順王無仇罕東而都督喃哥以困瓦剌率  
眾二百餘來降命居小東平小東昌二衛給糧及耕  
地有差成化九年土魯番劫哈密城印高陽伯李文  
等調罕東赤斤兵數千往苦峪關無功而還時罕東  
諸部皆困土魯番而酋奄章先與諸族讐殺迨后沙  
州部落日滿班麻思結即奄章子也至是其孫只克

以沙州衛既廢請即其地立罕東左衛從之以只克  
襲祖職領衛尋進都督僉事弘治八年土魯番掠沙  
州只克請救尚書馬文升擬發罕東兵往以失期不  
克自是土魯番每入寇假道罕東令給食而亦不刺  
安定數掠其資罕東蓋徵正德中陳九疇擊却土魯  
番沙州稍得生聚復歸耕牧及牙木蘭再入殘破其  
酋土巴等並叛附之時只克卒孫日羔利嗣為都督  
嘉靖初與罕東他酋帖木哥土巴先叛附土魯番者  
許來歸尚書王瓊請分其眾于后肅州白城山平居  
威爾仍擇壯勇練習番土聽日羔利約月餉系萬石  
而各酋以城堡未築環居肅州二十八年巡撫楊博  
始募威爾余塔寺諸城堡給以耕墾安插番帳凡七  
百餘部落男婦三千四百餘人為中約禁番漢交通  
惟朔望入城市易四十二年著令日羔利等五年一  
貢二罕東衛遂廢

### 土魯番

土魯番在大州西百里漢車師前王地交河縣安樂  
城也城方一二里地平四面皆山城西二十里崖兒  
城河二里居民百餘家相傳故交河縣治永樂二十  
年陳誠使至其國明年土魯番遣使隨誠入貢授酋



長都督指揮等官宣德五年都督尹吉兒察指揮猛哥帖木兒等率其孛末朝請留京師賜居第什器正統天順土魯番朝貢不絕成化初阿力篋強引兵攻哈密務王母及金印去子阿黑麻又殺罕慎執陝巴滿速兒誘拜牙即走匿數犯甘肅語具哈密傳嘉靖十一年西域貢稱王者七十五人貢使至二百九十人禮官夏言請國稱一人王間臣張孚敬言西域封王者多恐彼自封授或部落相稱先年入貢稱王亦有三四十人者答勒並稱王今盡裁奪恐觸望言議西域稱王者惟土魯番天方撒馬兒罕三國如日落諸國名甚多朝貢絕少弘治正德間土魯番扣三入貢天方四入貢稱王者率一人或二三人餘稱頭目親屬嘉靖二年八年稱王者天方至六七人土魯番至十一二人此兩年間撒馬兒罕至二十七人間臣言先年稱王亦有三四十人者併數三國耳今土魯番十五王天方二十七王撒馬兒罕五十三王併數則百五六十王前此所未有若循往年故事人與一勅類答王號恐非所以尊中國而嚴外藩也帝從言議明年土魯番使虎力奶翁訴甘肅內臣縱橫恣狀勅遣大理少卿蔡經同科陸錦衣各一員會督按查

劫降罰有差久之滿速兒死子沙速檀嗣次子馬黑麻復據哈密占種沙州二十四年遣使求貢并結地住牧總督張璠以聞兵部議土魯番世濟克惡今馬黑麻給婚瓦剌潛耕屬衛意在內言以謀泄求款恐為窺伺甘涼之漸宜諭以中外界限毋妄乞母盜種毋殘哈密乃許通使如其執迷請即閉關聲討明年馬黑麻赴閩納款而土魯番貢使火者阿力克等凡八百七十四人叩嘉峪關巡撫傅鳳翔居之甘肅先是諸番每假進貢商販延至三四年有旨禁其私出貿易易勒期達還仍詔土魯番五年一貢貢使量准赴京半留甘肅久之沙速檀侵延北中流矢死弟馬速嗣請貢許之隆慶時馬速死馬黑麻嗣其弟瑣非等並遣使求貢禮部言一姓四使非例姑各附一使于馬黑麻使中示羈縻無拂遠人意報可萬曆中並求貢始甘肅無北寇專向防土魯番最奸狡自阿力以來皆挾哈密邀利隆慶後不復言哈密事土魯番頗息肩而北患日熾矣其俗候燧鮮雨雪宜麻麥饒瓜果羊馬屋居奉佛多僧寺住陳誠使還言城西地有聖山最大土人言此十萬羅漢涅槃處也近山有高臺傍寺擁石泉林木從此入山二十里至一峽南



有小土屋屋南登山坂得石屋供小佛像五前有池  
池東山青黑遠望紛如毛髮土人言此十萬羅漢洗  
頭削髮處也緣峽東南行六七里登高崖崖下小山  
累累峰巒秀削其下白石成堆似玉輕脆不可握堆  
中有若人骨狀者堅如石色澤明潤土人言此十萬  
羅漢靈骨也又東下石崖崖上石笋如人手足稍南  
至山坡坡石瑩潔土人言此辟支佛涅槃處也周行  
群山約二十餘里悉五色砂石光焰灼人四面峻壑  
窮崖天巧奇絕草木亦鮮鳥獸其人面貌類高麗  
辨髮垂背女子亦然兵器有弓矢刀楯甲稍文字有  
毛詩論語孝經歷代子史集大藏經唐韻玉篇等類  
則計回輸銀或布帛裘裘同華髮產玉石鑄鐵金剛  
鑽梧桐藤陰示角撒哈利禪衣諸物其鄰為火州柳  
城黑萎

火州

火州在嘉峪關外東距哈密西連亦力把力南抵示  
關北接瓦刺東南至肅州六月程即漢車師前後軍  
地交河蒲類縣治漢置戍已校尉屯田于此以其地  
勢高厥名高昌後魏有闐伯周自稱高昌王唐置  
西州後沒于回鶻宋時通貢元號畏兀兒隸馬哈木

入明朝稱火州相傳其國師子王避暑北庭山中出  
洞砂常有烟氣湧起至夕光焰如炬照見鳥鼠皆赤  
火州所由名也永樂七年嘗遣使朝貢十二年陳誠  
至其國言城方十餘里風土蕭條居民僧房黍羊皆  
零落東有荒城故址即高昌國宣德五年火州王哈  
散偕土魯番萬戶賽因帖木兒柳陳城萬戶瓦赤刺  
並貢馬及玉璞爾後朝貢止稱土魯番云俗類匈奴  
烏孫事天神信佛法好騎射春月出游持弓矢射諸  
物以禳災婦人帶油帽謂之蘇幕遮用開元曆以三  
月元日為寒食激水交澆為戲謂之壓陽氣氣候極  
熱產五穀惟無蕎麥土貂皮砂鼠氈繡文花羔布亦  
白鹽蒲桃酒刺密阿魏速霍角樂多琵琶箏篪

柳陳城

柳陳城一名壽城漢名柳中班勇西屯之所唐屬交  
河去哈密千里中經大川沙磧無水草馬牛過此輒  
死大風倏起人馬相失道旁堆骸骨白日鬼魅迷人  
土人謂之旱海出川西行至流沙河上有小岡云風  
捲浮沙所積道北火焰山色如火城方二三里四面  
多田園流水環繞灌木岑鬱候煖俗醇宜稼麥麻豆  
有小蒲萄名鎖子人二種回回男子削髮戴小單刺



婦女白衣裹頭畏兀兒男子椎髻婦人蒙皂布垂髻  
于額宣德中酋長哈失哈力達十四人入貢

黑婁

黑婁在嘉峪關西近土魯番世婦好貢道亦由土魯  
番入其地山水草木禽獸皆黑男女亦然宣德七年  
始遣使朝貢

于闐

于闐東西五千里南北千里在沙州西南去葱嶺二  
百里葱嶺以南撒馬兒罕最大以北于闐最大于闐  
有河北流與葱嶺河合東注蒲昌海名鹽澤南出積  
石為河源者也其西水皆西流注西海國人每歲秋  
取玉于河曰撈玉夜視月光盛處索美玉必得焉河  
分為三有白玉綠玉烏玉之別土宜五穀桑麻蘆蒲  
葡萄酒甚美俗機巧事祇神好歌舞西五百里有此摩  
寺云老子成道之所自高昌以西國人深目高鼻惟  
于闐貌似華人稍知禮節相見輒跪得問道書戴于  
首乃發之自漢武以來中國詔書符節傳以相授木  
為筆玉為印善鑄銅器工紡織隋時以玉為父至唐  
姓尉遲名伏闐信入朝名晉時李暹天自稱唐宗通  
貢至宋封為砮磔黑韓王于闐謂金翅鳥為砮磔黑

韓蓋可汗之訛云永樂六年其王打魯哇亦不剌金  
達滿刺哈撒木丁貢玉璞十二年陳誠至其國見傷  
鄰境頗單弱人民僅萬計皆避居山谷間永樂後西  
戎修貢不敢相攻始獲休息行賈諸蕃國益富饒始  
于闐貢使每來必携一寶鐳往反視之鐳鐳耳云其  
未道流沙踰三月程無薪獨挈水行投鐳中即沸故  
寶之產玉珠錦珊瑚翡翠琥珀水銀花蕊布金星石  
腦胸麟鴉舌香獅子獨拳駝名馬  
鹽澤本于闐河亦有小國平川中廣不二里居沃百  
家玉黑的兒火者既死土酋強者統之產石鹽堅白  
如石可琢為器以盛肉食不鹽而鹹未見朝貢

亦力把力

亦力把力或曰馬者或曰龜茲在沙漠間東距火州  
西抵撒馬罕兒南接于闐北連瓦剌東西三千里南  
北三千里元時封馬哈木于此名別失八里洪武二  
十四年國王黑的兒火者遣使貢馬命主事寬徹報  
諭以書永樂四年玉沙迷查于貢玉璞且言哈密忠  
順王為鬼力亦毒死願出兵討之帝善特賜絲幣十  
二年陳誠使其國十六年頭目速哥克刺滿刺未朝  
言至思執其從兄納黑失罕自立為玉徙其國東去



更疏亦力把力寧德二年三年俱遣人朝貢賜文綺  
弓矢甲冑正統二年其王也先不花遣人貢玉璞駝  
馬景泰天順朝貢不絕其國無城廓宮室逐水草住  
牧以氈罽為帳寒暑坐卧于地見人不拜揖惟行跪  
禮有白山常有火烟出碣砂株者著木底鞋皮者即  
焦近蔥嶺有熱海數百里蕃名亦息渴兒然氣候常  
寒深山大谷六月飛雪平原夏秋稍暖王戴小革刺  
簪鷓鴣衣禿袖衫削髮貫耳甘肉酪或食糝麥俗獮  
而穢衣服類回回言語類畏兀兒產銅鉄鉛雌黃粉  
馬駝犍牛孔雀鹿能刺窰阿魏白氈布又宣德間哈  
失哈力遣十四人來貢仰其國也又名阿拉馬力皆  
稱呼之說

### 撒馬兒罕

撒馬兒罕古罽賓國在懸度山西漢武帝通大月支  
封為王隋時姓昭武唐為修鮮都督府元駙馬帖木  
兒王其國洪武二十年帖木兒遣回滿刺哈非思  
貢駝馬認厚賜之二十二年貢馬二十四年貢海青  
賜勅加齊二十七年遣使送力必失表貢馬二百匹  
表曰皇帝膺運為億兆主光明廣大昭然天鏡今又  
施恩遠國凡商賈入中國者使觀覽都邑城池雄壯

如出昏暗之中忽覩天日又承救書恩撫勞問欽仰  
聖心如照世之杯使臣心中豁然光明臣國中部落  
惟知歡舞感戴祝頌聖壽永永無極照世杯者其國  
舊傳有杯胡激照之可知世事初撒馬兒罕人商于  
漠北自捕魚兒海見執帝疑奸細留中國久得其情  
遣歸其主因貢謝及之二十八年遣給事傅安郭騏  
等使西域留撒馬兒罕永樂五年頭目哈里遣虎及  
達送還且貢方物安等言帖木兒卒孫哈里應嗣帝  
賜哈里璽書銀幣諭祭帖木兒賜安等衣已而兀魯  
伯貢馬優遣安報使或曰兀魯伯即哈里是歲北平  
按察使陳德文亦自撒馬兒罕歸德文自洪武末年  
使西域採山川風俗作詩教一快進皇帝嘉之權僉  
都御史賜馬洪熙元年安始還帝以安遠使二十餘  
年良苦特予勅命正統二年貢馬玉石四年貢名馬  
色黑額蹄皆白詔圖像賜名瑞鶴十三年貢方物命  
宴其使陝西布政使司成化十九年阿黑麻進二獅  
至嘉峪關奏請大臣出迎禮官周洪模以為不可遣  
中官迎之二十二年使泊六磨還國迂道至廣東將  
往滿刺加市後携入貢市船中使常養佐之所在震  
駭布政使陳選抗言此西域賈恣為奸利無墮其謀



開海道貽諸蕃笑事得寢弘治三年由南海貢獅及  
鸚鵡禮官倪岳言南海非西域貢道請却之自後貢  
皆從嘉峪關嘉靖初定五年一貢十一年額即訖哈  
辛求貢行總制唐龍查譯來使火者皮列稱哈辛王  
在撒馬兒罕北山額即訖地而任收禮官夏言請暫  
許給賞爾後令附撒馬兒罕進貢無得別稱王爵從之  
是歲撒馬兒罕進貢稱王者五十三人語其土魯番  
傳萬曆中並未貢其國東西相距千里東去嘉峪關  
九千百里山川鉅門峽阿木河最大地平溫和田沃  
宜五穀類中原城依平原濠深險北有子城王居  
高廣城中遠蒼巖橫市肆稠密西南蕃貢多聚于此  
王白帽婦人白繒纏首尚回回教有拜天屋青石雕  
鏤極精巧經文以羊皮裹泥金書善治宮室織罽刺  
文繡禁酒以手取食屠牛羊者埋其血腥市用錢糧  
貢物有番梳矮紉鎖服腦砂梧桐酥銀鼠皮珊瑚樹  
阿思馬亦花珠史稱壽金香獨出罽賓花色正黃而  
細大似芙蓉又有俱佛頭花併產金玉琥珀琉璃罽  
苾思檀瓦矢寔甘露草水晶鹽花蓋布孩兒封牛木  
猴孔雀獨峯駝大尾羊國東有養桑沙鹿海牙賽蘭  
連失干西有渴石迭里迷下花兒皆隸馬

養桑在撒馬兒罕亦力把力蒙古諸部落間數相侵  
擾無寧居惟數百人成孤城四面皆亂山東北有大  
溪西流長數百里溪旁額垣蔽廬蕭然荆莽  
沙鹿海牙在撒馬兒罕東五百里城據小岡西北臨  
山河河名水站勢衝急有浮梁其地南近山三面皆  
平川人繁庶依崖谷而居園林廣茂雨有大沙洲可  
二百餘里無水即有水不可飲飲牛馬輒死有臭草  
高尺許枝葉如葢春生秋死取生汁熬膏為阿魏亦  
有細草可熬膏味如蜜  
賽蘭西去撒馬兒罕千里城周三里四面平原流水  
環繞五穀蕃殖有浮園為祈拜之所夏秋間草生黑  
蜘蛛甚小啣人土人誦咒禳解以薄荷枝拂毒處鮮  
羊肝遍擦其體痛方息行人宿必近水避馬會典載  
西域貢物有賽蘭珠石  
連失干去撒馬兒罕七百里城據平原甚狹小四面  
平岡多林木溪流蜿蜒土宜五穀居民稠密俗樸而  
饒  
渴石在撒馬兒罕西南二百六十里城據大林周十  
餘里四面水田東南近山中有園林故酋帖木兒居  
也規模宏壯堂四隅白石柱如玉牆壁窓牖飾以金



碧琉璃西行十數里多奇樹又西去三百里大山屹  
立中有石峽兩壁懸崖如斧勢行二三里出峽有門  
石色如鉄土人云此鉄門關也即元太祖見角端處  
迷里迷在撒馬兒罕西南新舊二城相去十餘里王  
居城東距阿木河河廣非舟不可渡多魚城内外居  
民僅數百家孽畜蕃息河西有蘆林多獅子  
卜花兒在撒馬兒罕西七百里城居平川周十餘里  
市井富庶戶口萬計地平衍宜五穀桑麻天氣溫和  
冬不附火蔬菜不絕產布帛絲綿六畜大類中國

### 亦思把罕

亦思把罕廣袤近千里于西南海中為大國四面皆  
海西北多山東南皆平沙王居宏麗城亦堅壯俗朴  
尚佛畏刑食惟麥糝麥粒粗而甘美少布帛稻黍多  
馬駝珠珀亦有中國人流寓時貢撒馬兒罕以取給  
永樂中遣使四十四人來朝貢一云亦思弗罕

### 答兒密

答兒密在海中不百里人不滿千家板屋無城郭王  
居民舍不甚差別產馬駝牛羊布褐交易兼銀錢用  
牛耕刑惟箠撲服屬撒馬兒罕永樂中遣使十八人  
來朝貢賜太統曆文綺藥茶

### 失刺思

失刺思永樂中遣使朝貢時遣官以綺幣磁器市馬  
于迤西撒馬兒罕失刺思諸國宣德中貢使凡八人  
納失者罕  
納失者罕去失刺思數日程皆舟行海中其國有山  
林川澤魚虫城東平原饒水草可牧馬馬有數種最  
小者高不三尺俗重僧所至飲食之類尚氣健聞以  
不勝為恥永樂中遣使十人朝貢

### 哈烈

哈烈一名黑魯漢大宛也在撒馬兒罕西南去嘉峪  
關萬三千里元駙馬帖木兒子沙哈魯居其地國人  
稱為速魯壇洪武二十五年遣使詔諭酋長賜金綺  
永樂七年頭日麼查等朝貢十二年陳誠使其國正  
統二年指揮哈只等貢馬玉石其國石城方十里平  
川百里四面大山王居東北山壘石為屋屋若高臺  
無棟樑牆壁窓牖皆金碧琉璃旁列金床繡帳重茵  
民土房或穗帳上下呼名王亦然相見微屈躬道撒  
力馬力一語人善走日行可三百里候常燠少雨市  
中流不斷水無正朔甲子七日一周以第一日為上  
吉名阿帝納吉事多用之亦無斗斛用權衡為量質



勞以銀錢三等稅十二無刑罰有罪罰錢而已由美  
多獲宜桑與蠶統綺紵密磁器精巧多水磨風磨少  
炊饗飲食無七箸不祀鬼神祭先于墓宴會豐厚婚  
姻多以姊妹謂為至親死無棺槨以布囊裹尸瘞之  
衣尚白喪易青黑酒禁甚嚴修行者多不飲恐褻天  
也夫抵西域諸國哈烈最潰亂無耻然有學舍聚生  
徒講習經義諸國所不及也其室名默得兒產巴旦  
杏葡萄蘿蔔瓊花毯珊瑚琥珀珠翠金剛硃砂獅  
馬白鹽堅潤如水晶琢為器沃以水和肉食其東屬  
國有俺都淮八刺黑

俺都淮在哈烈西南千三百里東北撒兒馬罕亦如  
之城在大村中村廣百里城居十一曠衍無險峻土  
沃人稠稱樂土永樂中遣使入貢  
八刺黑一名八黑在俺都淮東北城居平川周十餘  
里南近山無險地平廣食物豐饒而南諸番聚馬永  
樂中哈烈沙哈魯各遣其子守之天八答黑商其國  
奉佛佛屠壯麗如玉宮永樂中遣四十人來貢織皮  
裘扇香木疑即八刺黑  
魯迷  
魯迷不詳所始或云地屬哈烈嘉靖三年其王遣使

自甘肅入貢獅子二西牛一都御史陳九疇以聞給  
事鄭一鵬言所獻皆非土性乞就彼媽遠以光聖德  
杜窺伺不報明年禮官席書奏魯迷不載王會真偽  
莫辨頃土魯迷番數侵甘肅今甘州撫戎官于魯迷  
數內查有夾帶土魯番人衆其詐甚明請善遣出塞  
仍治所獲奸謀詔鎮巡禮覈五年復貢命畜獅牛內  
府仍留熟番五人飼之貢使頗索加賞云往賞瓦剌  
費且二萬金詔定五年一貢每貢起送十餘人貢物  
有玉石珊瑚珠金剛鑽花帳子舍利珠皮花甕湯壺珍  
羊角瓊服二十三年遣北寇甘州總兵楊信以土官  
百戶馬能言令魯迷諸國貢使九十餘人前樂之寫  
亦阿力等九人死馬都御史廖榮以聞詔視信職遠  
能于理以寫亦阿力死事給棺歛費送歸本國仍輸  
國王以優恤意

拂菻

拂菻古大秦國漢桓帝時始通唐貞觀中拂菻王波  
多力貢赤玻璃綠金精後屬大食迄開元元豐元祐  
數至洪武四年遣其國故民捏古倫貢詔諭之尋遣  
賜朝貢其國地寒土屋無瓦王服紅黃衣以金線織  
絲布纏首坐紅床使人昇之不尚戰鬪鄰國小有事



但以文字來往詰問刑罰罪重者或以毛囊扶之海  
鑄金銀為錢無穿孔而鑿彌勒佛背為王名產金珠  
西錦千年棗獨峰蛇已攬以蒲萄釀酒樂有筵篋壺  
琴小箴栗偏鼓然自漢侈言大秦宮室皆以水晶為  
柱珊瑚為椀琉璃為牆門飾異寶有金巨稱作金人  
立其端屬十二九車時改一凡落其土多出明珠大  
貝駭鷄犀夜光璧火浣布有眩人能發火于顏手為  
江湖足隨珠玉有善醫能開腦出虫愈目青或織水  
羊毳野蠶繭為海西布及氍毹毼毼之屬他語多不  
經或云國西有弱水流沙近西王母所居幾于日所  
入矣

### 天方

天方古節冲地一名秣羯即唐之大食國也自忽魯  
模斯四十晝夜至其國乃西海盡處從陸路抵中國  
凡運歲永樂七年因中使鄭和往使以獅子麒麟來  
貢宣德中遣其臣沙墩貢方物正德十二年再至嘉  
靖四年禮部言天方等國入貢陝西都司稽留半年  
以上方為其奏發冊所進玉石多疵惡而私貨皆良  
請行巡按查覈自今無得多帶玉石以擾驛路其方  
物印封按驗不堪治都司官罪明年火者馬黑木等

入貢主客陳九川驗玉稍苛通事胡士紳訐稱九川  
索受玉璞帝令速訊會大學士費宏製玉帶運騎靴  
舍中兒去宏疏辨係尚書鄧璋酬答與天方前史玉  
璞輕重不倫溫旨慰之而九川竟戍十七年天方貢  
使請遊覽中國禮部奏非例疑有狡心絕之初定五  
年一貢有馳馬鉞角皮襪班兒香諸物萬曆中復至  
俗用回回曆較中國差三日風景融和四時皆春無  
霜雪夜露甚重田沃稻稔以馬乳拌飯男削髮纏頭  
女編髮盤頭日落聚為市日中熱故也建寺稱天堂  
番名阿兒白分四方方九十間上用皂絲為蓋畜二  
獅守門黃金為闌白玉為柱沉香木椽馬塲壁皆菁  
薇露龍涎香和土為之中有黑石一片方丈餘曰漢  
時天降也寺層次高上如塔月初生拜天叫聖每十  
二月十日各番車至堂左有司馬儀聖人之墓以綠  
撒不沉寶石砌成傍有各祖師傳法堂極整飾產金  
寶珠珊瑚犀角琥珀獅豹鹿祖利法天馬高八尺以  
金鑄錢徑七分重一錢十二成色人無貧者按杜環  
經行記大食國士女偉壯間麗衣裳鮮潔一日五時  
必禮天堂可容數萬人市廛編湊百貨盡職大約與  
天方類楊慎以為天方即大食名號改移海外諸國



皆然又往西行一日城名焉底網有馬哈麻聖人陵  
窺日夜毫光騰起墓後一井名何必穆番人取水藏  
船內遇颶風渴之頃息

默德那

默德那即回回祖國地接天方有城池宮室田園市  
肆五穀繁滋大類江淮間初國王馬罕蓋德生子梁  
大通五年生而神靈西域諸國並臣伏馬尊為別哇  
拔爾羊言天使也其教以事天為本而無像每日西  
向拜天有天經三十塊凡六千六百餘段書兼篆草  
楷西洋諸國皆用之隋開皇中始傳入中國尤精星  
曆解醫藥音樂織文雕鏤器具精巧洪武元年改太  
史院為司天監又置回回司天監二年詔徵元回回  
曆官鄭阿黑等十一人赴京議曆法宣德中國王遣  
使隨天方國朝貢正德中回回人于永進秘方得幸  
拜錦衣衛指揮同知御馬監西海子設養虎回回三  
名世宗登極以給事鄭一鵬疏屏之歸甘州所進回  
回女你兒千等十永下獄死崇禎十七年回回貢馬  
玉王大者重三百五斤次五十斤令國人多附船香  
山濠鏡灣貿易其人善鑿鐵每海市中廉得奇琛故  
稱鐵寶回回而種類散處南北為色目人甚夥寄居

哈密者尤勁悍並深目高鼻白布纏首俗以密為酒  
以牛為菜禁食豕肉非同類殺不食好歌舞夫婦配  
合必取水淋沐親死用布斂尸入棺導至墓去棺底  
掩以土妻子至以水潑之祈速死為孝蓋近墨氏之  
流奉其教者行齋居送千里不持糧云

阿速

阿速在西海中為大國城倚山面川南流入海涼  
禮通即有魚鹽耕牧之利俗敬佛畏鬼好施惡爭聞  
物產饒裕鮮饑寒寇盜聚落多天方撒馬兒罕諸國  
人永樂中遣百二十人來朝貢

沙哈魯

沙哈魯在阿速西南海島中山川環抱王及酋長城  
居瓦屋底民旅處城外村落相聚畜產繁息佞佛耻  
聞俗號浮丘西域賈來市海中奇物不惜高價廉而  
得奇貨去者沙哈魯人不識也永樂中遣使朝貢凡  
七十七人或曰即古梭和國唐貞觀中嘗入貢

大刺札

大刺札國頗微弱四圍皆山山鮮草木水流曲折亦  
無魚蝦城僅里許多板屋俗尚佛善中國磁器針線  
永樂十四年遣人朝貢



吃力麻兒

吃力麻兒山平水淺西南傍海東北林莽多毒虫猛獸得中國雄黃麝香磁器甚喜不事耕農好射獵有遠巷無市肆交易無期用銅錢永樂中常使十一人未朝貢方物惟烏朋獸皮屬褐之屬或曰即俺力麻兒

敏真誠

敏真誠國亦大多高山深水縛木為渡以日中市諸貢畢集見中國磁漆器爭欲得之產駝馬異香永樂中遣四十人來朝貢

白松虎兒

白松虎兒舊名速麻里兒國中無大小亦鮮林木無猛獸毒虫之害先時常有虎出松林中不傷人畜旬月後忽不見國人以為神虎父老曰此西方白虎降精因更國號為白松虎兒永樂中遣使十六人來貢

加異勒

加異勒西戎小種居人不及千家貧窶乏食常備鄰國永樂中王者麻里余那達別里呆不來貢方物宣德中再朝貢

日落等國

日落國永樂中朝貢

采昔兒即密思兒正統六年朝貢其王曰速魯壇阿失刺福額即札嘉塔中朝貢哈辛嘉靖中朝貢

畢力木江

畢力木江在西番中國使諸番皆由其地其須管著兒監藏等迎送有禮宣德中遣人朝貢帝嘉之九年立衛給印以管著兒監藏阿黑已為指揮僉事其下為千百戶者二十餘齊勒往賜之又有哈密西者亦諸番往來要地北界瓦剌西接火州城居平川周三四里東有溪西北流地鹹鹵間有楸杏農種惟豌豆二麥人性犷悍與蒙古回回雜處而禮俗殊異

西番

西番即吐蕃本羌屬凡百餘種散處河湟洮岷間未始通中國至南涼禿髮利鹿孤後有樊尼者西河居邈婆川以禿髮為國號訛曰吐蕃俗謂彊雄曰贊丈夫曰哥同稱王曰贊普以父名母姓為種號唐時請婚公主為甥舅國既滅吐谷渾幅員萬里其後族類分散內屬者曰熟戶餘謂之生戶至宋朝貢官節度使封王元始却縣其地以蕃僧八思已為大寶法



王帝師領之嗣世弟子統司空司徒國公佩金印洪武二帝招諭吐蕃未至復遣陝西行省員外郎許允德諭降會番衆寇臨洮守將章正樂之以河水未合師不得濟正祝天有頃河水如巨屋自上流下風從之冰合渡河擣擊番衆大驚降附六年令各族酋長舉故官授職以元攝帝師喃加巴藏卜為熾感 齊國師給玉印置烏思藏朵甘二指揮使司及宣慰司招討司萬戶府千戶所元國公南哥思丹八亦監藏等領之七年置西安行都司于河州以章正為使統二番司復封番僧為闡教王凡七王給銀印令此歲或間歲朝貢闡教王從四川入發善二王從陝西入貢各百人多無過百五十人二法王止許十人每請封造大慈恩寺刺麻僧二人充正副使奉詔命及袈裟僧帽數珠鈴杵等賜之是秋獻葡萄酒帝曰元造此酒勞民宜宥效之却勿納仍賜首長文綺襲 八年以番地產馬而所用泉貨與中國異自更錢幣馬至者少命中使趙成以羅綺綾帛并巴茶往河州市之山後歸德等州諸部落爭以馬互市十五年川藏獲殺使者鞏哥瑣南等命衛國公鄧愈為征西將軍討之師三道進獲其巢窮追至崑崙山俘男女萬餘

馬牛羊十三萬有奇十一年以西番屢寇遣命西平侯沐英克征西將軍討之十二年命曹國公李文忠往河州洮岷等處整理城隍洮州十八族番酋三副使汪舒朵兒癭唎子阿卜商等叛據納隣也站以征西兵往擊諭文忠英曰四月庚申日交暈在秦分主戰聞已未太白見東方至于甲子順行而西西大利宜順天時追擊番寇英等兵至洮州賊守遁新叛逃土官阿昌失納等遂于東隴山南川築城戍守置洮州衛英等追擊擒三副使獲人畜無算十五年勅松州衛指揮耿忠令番人計戶出馬充賦二十年禁番使闡出麻鐵二十五年建昌衛指揮月魯帖木兒等叛命涼國公藍玉往討誘執之三十年于洮河二州立茶馬司互市私鬻者死以邊吏或假朝奇橫索番馬製金牌信符命曹國公李景隆賚往令各蕃族認辨馬課別製一牌藏大內每三年遣使賣士相合收馬給茶以杜奸欺是歲景隆用茶五千餘斤得馬一萬三千五百餘匹又令禮部檄長河西打箭爐番酋責以納馬修貢諸番奉約茶法大行永樂元年賜番酋及國師金幣四年遣番僧尚師哈立麻至京封大寶法王宴賜甚厚五年遣指揮劉昭等往西



番置驛通使撫諭軍民昭遠過番賊劫掠率衆攻敗之洪熙時曲先安定二衛邀殺中使指揮朱英討捕以番兵從論功進國師宛卜格刺思巴等秩給誥印宣德元年封大寶大承闡教贊化贊善五王九年闡化王貢使札藏等以賜物易茶至臨洮沒入留札藏請命帝給茶釋還初諸番修貢輒阻于生番正年松潘守將趙得遠諭因相率來貢凡八百二十九寨而指揮趙諒修却番僧商巴誘執之掠其資其弟率衆入犯都御史王翺廉其枉出商巴獄中具以聞諒伏誅復命商巴為國師五年刺麻僧貢馬十年番僧貢馬十四年詔停而番金牌歲遣行人四貢視茶政景泰間三十一歲並朝貢獨董卜韓何都指揮克羅俄監稍黠悖詔讓之天順三年尊勝寺清修翊善大國師獲印遣人貢舍利五年番寇涼州總兵衛穎戰却之八年西寧番把沙作亂穎與巡撫吳琛督兵五路進攻追至駱駝山俘斬七百餘先是番僧入貢不過三四十人景泰後遞增賜予不貲所至煩費成化初禮臣以為言令三歲一貢亡何番僧劉寔已以秘密法進天子愛幸之法王封號至數十尊從用執金吾仗寵錫繁渥其徒至食錦衣無慮數千

人五年彗星見給事中魏元丘弘等連劾其妄請革去法王等號乞寺田佃戶命戶部覈實予民是年封闡教二王十六年封闡化王十九年以都御史阮勤言歲運四川茶十萬斤至陝給賜番僧項之滿松族反侵內地都御史馬文升討之斬八十三級二十四年罷行人巡茶以御史代自景泰後茶政日弛番馬不至弘治十七年命都御史楊一清督理茶馬一清請復金牌信符舊制從之時蕃部中董卜韓何雅慕文教奏請中國書籍尚書余子俊疏稱成都府志方輿勝覽二書並載托塞不可與餘量加頒賜正德初烏思藏僧綽吉我些兒以術得幸出入禁中請授其徒為國師還居烏思藏如大乘法王例入貢禮部言烏斯藏遠在西方性極頑犢難設四王撫化其來貢必為之節制全無邊患而已今無故遣僧往萬一詐誘羌酋妄有求請反生事端不聽無何遣中使入番迎佛尚書毛紀及臺省連章諫止亦不允是時迤北亦不利迤居西海盤食諸番識者慮其勾結深入如前代吐蕃吐谷渾言官請屯兵青海絕西北連和徵輸調發幾無寧歲而帝方好佛召名大慶法王番僧奏討使回百項為大慶法王下院書並聖旨禮部尚



寺傳琮佯不知執奏執為大度法王者敢並至尊大不敬詔勿問事亦寢十年調朔方勁兵勒海寇避走松潘旋歸故業費以萬計迄無成功嘉靖元年西番反都督鄭珣討之不能克四年建昌鹽井寧番等處各番縱劫副使胡東舉進兵剿撫各降附八年洮岷屬番類入鞏昌隴右騷動總督王瓌計候彼入即引大兵搗巢羗人頗畏及秋防河套番遂乘虛深入墜集衆議且撫且勸明年遣游擊彭械都督劉文自同原進至洮岷分據要害撫定六十五族恃險拒戰者十六族斬首三百七十嗣是稍帖服初威州保縣金川等番僧三年一貢漸至五百五十人三十六年禮部據會典載百五十人四十年來貢演化禪師遣都綱卻哈執稱永樂間勅本寺貢方物百五十分其都綱莽葛刺等寨各認守關隘請如前額守臣以聞令却哈等百五十人赴京給全賞餘留境土各減絹二疋是歲以岷州建治後番人押習世官民逃俗散仍屬岷州經歷司兼理添設鞏昌府通判一員莊馬其冬以蘭化王方物粗惡不以國師領貢招討宣慰部落不附貢並裁賞四十年增設茶馬司于甘州招番易馬明年蘭化諸王請封帝以故事遣京寺番僧遠

丹班麻寺為正副使通事序班朱廷對監之班麻等在途騷擾廷對歸白其狀部議自後請封即以誥勅付來使或下附近藩司選僧賞賜從之王瓌既定諸番亦卜刺亦北歸西鄙稍寧隆慶末俺荅受款詭以迎佛為名留丙兔台吉等十五部駐牧西海吞噬日甚總督王崇古遣番官馬你卜刺赴俺荅傳教戒殺輸河西各酋無捨番蓋蓋寺焚修萬曆二年丙兔以千餘騎入掠黑占匝番族數馳西石峽紅帽各番陰附之從套西來嘉峪日衆而下沙麻生番及洮州列咂族恣掠臨洮衛明年總督石茂華檄總兵孫國臣擒勒焚其穴六年俺荅西赴海上獨烏思藏僧瑣南堅錯瑣南堅錯者俺荅所稱活佛也明年致書閣臣張居正自言戎典皇上稱大臣晝夜念經祝讚先進馬匹物件討賞賜并送居正四臂觀音一尊龍氈二段金剛結手一方居正疏聞并辭私禮詔令納之是歲丙兔掠甘藏等族越黃河移牧莽刺川求茶市八年又糾永邵卜等掠揚答族以俺荅煎貢歸海上而火落亦遂據收水塘湖十年建掠日羔河東把方諸番族十三年松茂諸番構亂突犯平妥堡明年圍蒲江閩巡撫徐元太調土司兵擊定之而火落亦徙沙



塘川入內地傷屬者五百餘十五年遂來西軍收紅帽番族槍撲南川會多吉黃多吉威正中流矢死鋒稍挫十六年遂同永邵卜南掠歸德番族而瓦刺化卜囊北掠擺羊賊生番副總兵李魁追至南川刺死十八年火落赤糾威正等掠番至舊洮州會指力克西收丙克部誘渡綽避河張其勢副總兵李聯芳等並戰渡西陸震動命尚書鄭洛經畧火落赤再移奔刺川明年洛也蘭州首輸招番拒冠指力克周移帳東歸火落赤既失援而西寧肅州各道調集程雲等四十八族弄國師禪師播告朝廷威德共招番八萬三百有奇北勢益孤十月發兵出青海焚仰華寺總兵尤繼先統洮河延固兵五抵莽捏西川搜勦不見一人洛乃歸報始終以招番為完策二十二年火落赤復掠歸德番族逼河州明年永邵卜等攻刺卜爾族泰將達雲遮擊火破之洛申中各族出精兵協助因遣叙洛招番功二十六年副總兵孫尚賢討遣屬番香藏族入北營招番族脫脫何班麻爾卜等來降二十八年海寇三千餘從紅崖掠番族番走匿林薄遊擊柴國柱進至雪竹班多奪獲三十二年火落赤從小後逃擺羊賊掠生番三十九年隆卜雙善二

番族請復中馬額四十一年火落赤以黃番紅宛卜等為導入白石崖四十三年烏思藏以此歲旱饑請六年弄貢併援永樂時賜長河西經藏例請賜錢許之長河西宣慰司亦請如闡教等王量給茶價不許崇禎三年烏思藏僧一來貢按西番都指揮司二曰烏思藏曰朵甘指揮司一曰龍峇宣慰司三曰朵甘曰董卜韓何曰長河西魚通寧遠招討司六曰朵甘思曰朵甘龍峇曰朵甘丹曰朵甘倉溘曰朵甘川曰磨兒勒萬戶府四曰沙兒可曰乃竹曰羅思端曰列思麻千戶所十七曰朵甘思曰刺宗曰李里加曰長河西曰多八三孫曰加八曰兆日曰納竹曰倫峇曰果由曰沙里可哈忽的曰李里加思來曰撒里土兒曰參卜即曰刺錯牙曰世里擲曰潤則魯孫並洪武初置其後增設招討司有曰直管安撫司有曰別思寨曰雜谷曰長寧長官司有曰雜道曰達思蠻又有加渴瓦寺金川寺韓何硯怯列寺番僧有封灌頂國師者自洮岷階文西固南達松茂族種甚繁在階文者名武都羗在洮者吐谷渾羗而松茂間東西阻河列峇四十有八殆不勝紀焉始生番出沒如風雨而屬番納馬中茶頗馴服後寢通生番剽劫自西海寇



起松山莽刺彌望皆兵反出番南番畏之私饋皮幣  
曰年信歲時加送曰添已至充部落鄉導西北一家  
蕩羅盡撤矣風俗大抵樸魯上下一心君臣咸公小  
盟三歲大盟自為友者五六月號曰共命君死皆自  
殺以殉不處城郭聯毳帳以居號大拂廬部人小拂  
廬間用板屋或壘石如浮屠人居其中上貨下畜馮  
十餘丈謂之硯房卑者二三丈名鷄籠食酪衣氈以  
豬塗面婦人髻髮而紫之多用氈氈紅綠緣飾最高  
瑟瑟次金銀大小綴臂以辨貴賤音樂吹螺擊鼓四  
時以麥熟為歲首吏治無文字刻木結繩為約其刑  
雖小罪必抉目剝鼻政事或與桑門參好根聞重兵  
死以累世戰沒者為中門敗者垂狐尾于首示辱疾  
病召巫覡焚柴葦鼓謂之逐鬼信詛咒訟有疑使詛  
之階文者據層崖深箬食稗豆跳踉如獼猴相傳番  
人無腓易弁以兜陰不畜騎洮番甲馬頗整印面中  
一二鎗挺立不撓常發冷箭擣石截軍餉日就闕堡  
索飲見爨烟起即蟻聚攢食曰和番每執堡軍為質  
山川大者崑崙山可跋海黃河析支哈刺野麗涅水  
產犛牛名馬獯羊獨峯駝天鼠皮而仰給中國茶麝  
香為命無茶則發腫且死無麝香則苦蛇蠱殘麥禾

故自昔以閉關絕貢可制而番貢物多畫佛銅塔金  
利足力麻鐵力麻氈氈珊瑚左髻毛纓酥油刀劍  
甲麻衣別種在雲南鐵橋北名古宗一云細腰番太  
祖既下雲南裂吐番為二十三支分屬郡邑轄以土  
官府則麗江永寧州則北勝浪蕩等各控制之永寧  
外有野而番稍不易制古宗種鴉舌髻髮短裳用犛  
牛或羊毛撚線為之婦人用青白磁珠與硨磲相間  
懸于項或以松膏澤髮成縷下垂大近而番云



明史卷四百十六

外蕃傳

外蕃西

蒙古

蒙古本迤北一小部也北故種落不一歷代名稱各異夏曰獯鬻周曰玁狁秦漢曰匈奴烏桓繼之晉曰鮮卑魏曰蠕蠕唐曰突厥宋曰契丹別部小者曰蒙古曰泰赤烏曰塔塔兒曰克烈各據分地既而蒙古兼并有之遂入中國代宋為元明興克大都元主走應昌死徐達等襲破之執其孫買的里八剌以歸詔免獻俘封崇禮侯太子受猷識理達臘北走稱帝洪武四年僧家奴寇雲州明年納哈出寇遼東是冬華雲龍擒僧家奴獨王保保遁去七年送崇禮侯北歸九年傳友德擒伯顏帖木兒十三年沐英擒脫木赤獲其全部受猷識理達臘卒謚昭宗次子脫古思嗣平章乃兒不花寇邊達等出塞擊破之時納哈出既獲帝待之甚厚納哈出居常不樂求歸遂遣之潛據金山出沒肆掠二十年命馮勝討之納哈出窮迫遂同學士也先國公觀童并部下二十萬人降封海西侯賜官屬衣冠祿米有差散其衆居雲南兩廣福建諸處二十百年盡玉北征至捕魚兒海獲元主次子

地保奴后妃等四萬餘人脫古思領十餘騎出走株也先遠送兒尋為所弑部落潰散玉私元妃事覺妃自盡地保奴有怨言安置琉球大臣立坤帖木兒為可汗而猛哥帖木兒為兀剌王時元主士馬為知院捏怯來國公者撒丞相失烈門等所據願內附帝遣使授印與武官二十二年兀納失禮大王居和林遣使來降明年丞相咬住太尉乃兒不花知院阿魯伏塞下帝命燕王統傳友德等出迤都山擒乃兒不花而還遠王阿扎失里屯朶顏山寇遼明年燕王復出塞捕之俘五萬人還至金安山襲破扎都過熊皮山又破達達兀剌罕都督劉貞朶晟征哈梅里兀納失里遁去破其城斬千餘人明年都督周興討也達迭兒大破之於撒撒兒山千戶鄭亨出塞宣國恩以撫殘衆諸酋歛去不窺邊十餘年建文三年坤帖木兒死鬼力赤為可汗阿魯台佐之永樂元年遣指揮朶兒恍惚往賜文綺鬼力赤非元種臣下不服而阿魯台與兀剌刺馬哈木世相仇殺已而馬哈木阿魯台各遣人入貢三年阿魯台部落掃何兒來歸遣都督朶晟往招其酋長把都帖木兒等皆率衆款塞賜把都名吳兒誠倫都兒灰名柴東誠保住名揚效誠明



年滿束兒等來歸賜名崇志誠阿兒刺台名崇法誠  
恭授都督指揮等職居涼州莊浪寧夏三衛亡何阿  
魯台弒鬼力赤空本雅失里為可汗自為太師六年  
馬哈木等來歸詔以為順寧主太平為賢義王把禿  
字羅為安樂王遣馮臚劉帖木兒不花賚文帶往諭  
本雅失里不報明年駕北巡復遣指揮金塔卜反給  
事郭驥往諭驥為所殺帝大怒命丘福王聰李遠等  
討之深入中伏福被執聰遠戰死全軍覆沒八年駕  
親征至幹難河本雅失里擁衆來戰帝麾擊遁去次  
飛雲壑阿魯台列陣以待復督精騎敗之過龍門西  
山勒銘駕還京阿魯台款塞拒之十年馬哈木滅本  
雅失里立其族答里已馬哈木專政阿魯台窮蹙南  
竄明年駕北巡遂來降封和寧王馬哈木怨之遂失  
朝賀明年帝親征馬哈木進蒼崖峽瓦剌三酋掃境  
來戰帝躬擐甲衝諸陣將繼之神機砲四發東西夾  
攻殺傷人馬無算酋號哭遁去追至土刺河而還明  
年馬哈木貢馬謝罪又明年使觀音奴不哈來朝十  
五年死子脫歡嗣順寧王十九年阿魯台圍興和指  
揮王祥戰歿先是阿魯台為瓦剌攻敗來降帝封之  
保息塞外阿魯台亦感恩數遣使貢馬遣子入朝久

之生聚蕃屬又禁驚跳梁劫掠朝使出沒塞下為寇  
帝怒下令親征兵次殺孤原阿魯台驚怖盡棄馬駝  
牛羊輜重於朔澤海則率家口北遁帝命焚其輜重  
拔其孽牧而還是歲阿魯台弒其主本雅失里而自  
立本雅失里妻率其屬來朝遂居內地二十一年阿  
魯台犯邊帝親征抵沙城知院阿失古納台等率妻  
子來降授正千戶阿魯台遠遁先鋒陳懋追至宿菟  
山遇王子也先土干率妻子部落來歸帝喜封為忠  
勇王賜名金忠以其甥把罕台為都督部屬察罕等  
為指揮忠屢奏阿魯台弒主殘民請討之願為先鋒  
自效帝曰卿意甚善但師出有名姑待之明年阿魯  
台寇大同帝遂累其罪親征次隈寧護謀者言阿魯  
台已遁答蘭納木兒河命懋忠追之回奏彌望荒塵  
野草無一人一騎之跡遂班師時王子脫脫不花居  
迤北哈喇噴等部皆應之脫歡居瓦剌宣德二年三  
年阿魯台脫歡各遣人朝貢四年連寇赤城宣府賜  
鴉六年阿魯台為脫歡所敗七年阿魯台殺敗兀良  
哈達俾茲遼東遣人入貢勅邊臣謹備旋寇涼州瓦  
剌寇木同九年脫歡敗阿魯台殺之以故元玉璽獻  
阿魯台子附卜只俺來歸授都督是年朵兒只伯寇



涼州寧夏大開平千戶楊洪擊走之完者帖木兒寇甘肅千戶王敬山出禦擒以歸正統元年寇鎮蕃及丹山入大同二年脫脫不花遣人貢馬朵兒只伯執掠甘涼尚書王驥以兵出塞搃其巢敗走之八年脫脫死子也先嗣勢益強而脫脫不花弱也先以妹妻之挾入貢得賜金幣無算使人館京師諭春乃還也先氣益驕劫通事出好語告以中國虛寔也先遂與通事言吾有子請婚南朝公主通事諷曰為若奏皇帝已許矣也先大喜誇諸部曰吾且進聘禮十四年遣使二千人聲言三千來貢馬且曰聘禮也朝廷不知答詔不及和親事又中官王振裁其馬價也先慚怒遂謀大舉入掠大同宣府諸塞城堡多陷沒遣駙馬井源等四將軍出禦敗績振遂挾駕親征有土木之難詳正統紀中景泰元年入大同偏頭關萬全等處大掠蔚州朔州圍代州尋請和送上皇還二年也先遣人貢馬遂劫普化可汗欲自立普化奔兀良哈依沙不丹也先擊破之挾其妻妾太子人畜來獻授明年遣太尉察吉平章哈只阿力來貢馬且請命使往來必傳王直請答使尚書亦謙言臣職兵戎知我而巳若賊渝盟敢為傳逆當肅將天威往正其罪道

使事不敢與蕞詔勿遣時也先無狀使來即乞黃紫織金九龍紵絲及金酒器樂器佩刀諸物每使至輒千餘人出入驕悍敢毆守衛人劫財物至騎入長安門及出塞又捕掠而還往往東結朵顏西交哈密勝結赤斤蒙古窺伺塞下故譙以教語折之四年遣祭占等二千八百七十六人貢馬貂皮賜宴禮部正副使二十二入陞都督指揮等官賞金廂金帶九級花金帶九素金帶三花銀帶一其餘賞織金絲紵絲二萬六千四百三十二疋絹九萬一百一十七疋衣帽靴萬計七月沙不丹執普化也先遂自立為可汗遣哈只馬貢貂鼠銀鼠皮書稱大元田盛大可汗田盛華言天聖也末書添元元年中言往元受命今得元位盡有其國土人民傳國王寶宜順天道遣使和好庶兩家共享太平又致殷勤太上皇詔議答書有言宜仍稱瓦剌太師者有官賜勅封為敬順王或稱瓦剌王者詔以瓦剌可汗稱之天順初也先荒酒色又所為多殘虐部下離心平章哈剌求為太師也先不與而以其弟阿失為之哈剌怒遂襲殺也先諸部遂散立其子小王子時孛來孛王子強又殺小王子太寇陝西安遠侯柳溥德之敗績二年寇神木縣延



綏守將張欽拒於紫溝斬獲甚衆又入安邊營欽分兵連戰於野馬澗等處俘其將鬼里赤獲駝馬兵仗無算四年字來寇大同直抵雁門忻代總兵李文避不敢出京師大擾遣都督顏彪駐兵紫荆關馮忠駐兵倒馬關字來大掠而去五年寇涼州莊浪等處總兵仇廉敗績起都御史王竑侍郎白圭禦之尋引還是時字來哀大酋毛里孩阿羅出少師猛可皆與字來相仇殺遂立脫思為王脫思者故小王子從兄也三酋始入河套河套周圍三面阻黃河土肥饒可耕桑東至偏頭關西至寧夏鎮相距二千里南至邊牆北至黃河遠者八九千里近者二三百里赫連勃勃趙元昊所換為城者也唐三受降城在套北黃河之外元東勝州在受降城東明初諸部迤河外居漠北延綏無事正統後王驥兵次甘州申叢疏令河套以寧然間亦渡河守將王禎始築榆林城創沿邊一帶營堡墩臺二十四所調兵分戍景泰初犯延綏不敢深入至是阿羅出掠邊人為向導因知河套所在盤踞出沒邊境騷然成化元年大入延綏都御史項忠彰武伯楊信禦却之三年毛里孩再乞通貢許之四年阿羅出為其黨亂加思蘭所殺併其衆而結元

孽滿魯都入套五年字羅忽亂加思蘭入榆林寧夏大掠至於環慶固原毛里孩也烈忽寇陝西總兵劉聚擊敗之六年勅都御史王越總關中軍務議搜河套九年滿魯都與字羅忽寇常州越偵知其老弱盡行巢於紅鹽池可取也乃與總兵許寧遊擊周玉率輕騎晝夜馳三百里襲擊之斬級四百燒其廬帳而還賊歸失其孳相與悲泣渡河北去患少耳初亂加思蘭以女妻滿魯都後欲謀殺之代為可汗知衆不與又欲立幹赤來滿魯都知而索之亂加思蘭臣不予還相仇殺十五年滿魯都殺亂加思蘭併其衆明年寇榆林久之滿魯都哀而把兀菴可立太師亦思馬因知院羅千強盛嘗與兀利並入貢弘治初把兀菴可死阿反立其弟伯顏猛可惡亦思馬因專不設太師而小王子部落火篩最兇悍與小王子爭雄十年寇大同宣府十四年寇榆林入花馬池十七年小王子結兀良哈寇大同遂稱求貢否且深入犯黃裏黃裏華言京城也正德改元起揚一清總制一清請獲守東勝據河套水草之利逆瑾惡而罷之十年梁顏通小王子部落入馬蘭峪殺參將陳乾小王子有三子長阿爾倫次阿著次滿官嗔太師亦不刺殺阿



爾倫遁入海西西海之有寇自亦不利始也阿爾倫  
長子卜赤次也明皆幼阿著稱小王子子二長吉囊  
次俺答阿著死衆立卜赤稱亦克罕有衆七萬分五  
大營曰好陳蔡罕兒曰召阿兒曰把郎阿兒曰克失  
且曰卜爾報卜赤若中屯牧五營環之文東有岡留  
罕哈爾填三部岡留部營三其酋滿會王罕哈部營  
三其酋猛可不郎爾填部營一其酋可都留三部共  
六萬人居沙漠東鄙與朵顏為鄰南部酋曰把答罕  
奈曰失利台吉有衆五萬西部酋曰應詔不曰阿魯  
禿斯曰滿官填應詔不部營十曰阿速曰哈刺噴曰  
舍奴即曰字來曰當刺兒罕曰失保噴曰入兒厥曰  
荒花旦曰奴毋噴曰塔不乃麻舊屬亦不利道海西  
遂分散惟哈刺噴一營僅全阿魯禿斯部營七舊屬  
亦不利後從吉囊合為四營曰呼合斯曰偶甚曰以  
哈思納曰打郎衆至七萬滿官填部營八舊屬火篩後  
從俺答合為六營曰多羅土問曰畏吾兒曰兀甚曰  
以要曰兀魯曰土吉刺衆可四萬諸種中吉囊俺答  
最強出入河套時寇延寧宣大南有哈刺真部營一  
首俺答罕朵衆可三萬哈連部營一酋失刺台吉衆  
可二萬居宣大塞外北有兀良罕營一酋小王子北

部也因隙叛去至今相攻又西為兀利可五萬人世與  
土魯蕃為讐諸部雖逐水草遷徙不定然營各有分  
地不相亂嘉靖初套騎二萬自井兔堡撤墻入固原  
平涼涇州殺指揮楊洪千戶劉瑞八年大掠榆林寧  
夏自後邊報無虛歲十三年大同叛卒誘小王子寇  
大同分掠渾應朔懷諸處數月乃去十九年俺答入  
宣府二十年吉囊入大同掠忻代娼妓歸而縱淫明  
年死子板不孩居套中小王子不及兒吉駐威寧海  
俺答糾青台吉呪蠟哈刺漢及叛人高懷智李天  
章各擁萬衆越太原列營汾河東西散掠上黨平陽  
諸軍觀望不肯戰偏帥張世忠拔營獨出賊以三千  
騎圍之世忠傷矢下馬步戰力竭死之二十五年套  
騎三萬入犯延安至平原涇陽殺掠人畜無算明年  
總制魯鏡襲擊之賊二十六人擒一人脫脫虎獲馬  
駝花械千計殺移帳漸北鏡後督兵驅之遂遠遁不  
敢近塞鏡既奏捷因條上復套方略十八事帝褒賞  
命集議施行閣臣夏言力主之會嚴嵩與言有隙因  
災異疏陳鏡開邊起釁言表裏誤國仇讐復許之遂  
棄鏡而并斬言天下冤之自後無一人議復套者二  
十八年俺答寇懷來殺指揮江瀚董賜總兵周尚文



連擊敗之明年寇未同殺總兵張達副將林椿八月復塗仇鸞遣以重賂乃去遂自古北口入薊州犯京城駐天壇直抵德勝西直門京師戒嚴鸞率勤王兵不敢擊私許通貢市大掠捆載而去三十年與俺荅通馬市貢良馬九賜衣幣甚渥既復屢入寇罷之鸞死家人時義侯榮等叛出塞追獲之鸞以通寇戮屍三十二年俺荅寇大同副將郭都戰死十月糾朵顏衆二十萬薄古北口烽火達京師總督楊博力戰却之三十六年俺荅入雁門破應州四十餘堡總督楊順縱兵殺避難民上首功自解已而辛愛妾梳松寨私部自懼誅來降順上其狀以為功辛愛俺荅子士馬雄諸部且入寇順懼梳松寨予之辛愛戮之境上帝怒逮順諭死明年俺荅圍大同右衛四閱月守將尙表拒之王德戰死三十九年巡撫李文進總兵劉漢襲拔升破之初華人蕭莽丘富趙全等六十餘人叛歸俺荅教以大食屋居及製鈎竿攻城具俺荅任用之為築板升以居板升華言城也其地曰豐州崇山環合水草豐美宮室宏麗良田數千頃馬市既成俺荅縛莽以獻富等走先是俺荅徙大青山口外避暑留千騎守之暑等弗從文進與漢謀部分恭將

主孟裏麻祿率銳卒馳進奮擊斬八十三級擒七十人焚其宮室餘衆奔匿捷聞陞賞四十二年朵顏鞏蘭台引小王子犯通州四十二年俺荅寇宣府隆慶元年俺荅子黃台吉擁衆窺伺陵後南山命總督劉燾率兵防護俺荅陷石州殺知州王亮剽掠交汾等處留壁二十餘日勢甚橫已而兩濼連旬馬多死皆杖箠馬徒步歸所剽獲多棄道傍而官軍無一人邀擊者諸將獨方振一與俺荅遇尤月逐之嵐縣稍稱戰戰而已四年俺荅孫把漢那吉來降那吉幼孤育于俺荅妻一刻哈屯所令僕阿力哥妻乳焉及長俺荅婿比吉女為婦不相能復聘免捨金的女連俺荅長女啞不害有所生三娘子者貌甚艷麗已受襁褓都司聘俺荅奪取之襁兒志甚將攻俺荅無以解即以那吉所聘免捨金的女償之那吉怒謂阿力哥曰我祖妻外孫又奪孫婦與人吾不能為若孫吾行矣遂與阿力哥同妻比吉女十人走叩關請降總督王崇古留之遣吏謂此孤豎無足輕重宜勿留崇古曰此奇貨可居俺荅即急因而為市諭以執送叛人趙全等還我乃優遣以慰其孤憤之愛而制其命其勿急刺我因而撫納如漢質子法使招其故部居



近塞俺答老且死而黃台吉勢不能盡有衆然後以  
居者谷蠹秩置塞外其與黃台吉構則兩利而俱存  
之弗構則以師助之外以博興戚扶危之名而內收  
其力廷臣譁然以為不可帝特許之以把漢那吉為  
指揮使阿力奇為正千戶俺答婦恐中國戕其孫日  
夜涕泣俺答亦悔遂擁十萬衆壓境求款崇古諭以  
存恤息而要其縛叛示信俺答遣騎覘之則那吉方  
鱗衣貂帽馳馬從容歸報俺答與婦感且愧曰漢乃  
昔全我孫我且嚙臂盟世服屬無貳奚有于叛人遂  
定盟執叛人趙全等獻闕下誅之遣使送那吉歸五  
年封俺答為順義王其弟老把都子黃台吉吉囊子  
吉能各授以都督指揮等官每年一貢貢使不過一  
百五十人馬不過五百匹諸部貢者六枝一老把都  
一黃台吉一吉能一永邵卜大成台吉一元慎打兒  
漢台吉一合羅氣把都兒台吉皆統於順義王開市  
凡十一處在大同三曰得勝口曰新平曰守口在宣  
府一曰張家口在山西一曰水泉營在延綏一曰紅  
山寺堡在寧夏三曰水清營曰中衛曰平魯衛在甘  
肅二曰洪水扁都口曰高溝塞市各二日每月又有  
小市六年遣俺答舊使來力赤奴謀赤北還嘉靖間

奉使六人以俺答內犯下獄二十年至是釋之餘皆  
物故萬曆元年順義王著經并給鍍金銀印二年  
俺答子賓免求河西互市邀索刀杖不許明年賓免  
駐牧西海役屬兒章白利等番屢擾邊詔諭俺答嚴  
戢賓免俺答言賓免因甘肅不許開市苦寧遠途遠  
乃立大市於甘州小市於莊浪四年銀定台吉盜邊  
絕其貢俺答聞之從彼法罰羊千馬二百駝二詔宥  
之初西番羶藏請納馬保塞許之俺答恐番人入漢  
久且慢我遣大都巴石虎啟幕府請得比番開茶市  
廷議不許量給數十萬為供佛之用以城寺成求賜  
名賜城名福化寺名弘慈九年俺答死賜祭七壇采  
幣十二雙布百疋其妻三娘子率其子黃台吉表謝  
黃台吉臂偏短善用兵有精騎萬餘庶弟青台吉半  
之俺答娶妾二棄其妻黃台吉怨之妾各子一人俺  
答予萬騎自備以故中自疑不敢深入黃台吉日夜  
扼腕曰光婢子有比兵而老死汝漢可嘆也及俺答  
歸款益老而厭兵且佞佛聽番僧言戒殺掠故十餘  
年不復犯邊王崇古人為大司馬方遘時吳克繼之  
各部貢市無失期而三娘子心慕中華不時款塞常  
詣克克兒女畜之或三娘子致手書索金珠翠鈿兒



隨市給與情好甚暱部落中有梗化者三娘子時時報聞得預為婚十一年黃台吉襲封順義王更名吉慶哈黃台吉先配五蘭比妓後受西僧給納婦一百八人以象數珠俺答死黃台吉欲收三娘子三娘子嫌其老病將別屬搃督鄭洛計曰若三娘子別屬我封黃首何用乃令人說三娘子曰汝歸王天朝以夫人封汝不歸一婦耳三娘子逼於利害乃歸之十四年黃台吉死子扯力克襲位初把漢那吉歸俺答命主板升號大成台吉妻曰大成比妓那吉死三娘子欲令己子不他失禮妻比妓而俺答用事臣恰台吉不從陰主扯力克以兵收比妓為妻三娘子名哈屯別築城居至是洛復諭扯力克曰娘子三世歸順汝能與娘子聚則封不然別有屬也扯力克盡逐諸妻入三娘子帳中合婚其部落牙答漢盜助馬堡洪賈盜偏頭關三娘子俱罰治如法十五年封扯力克為順義王三娘子為忠義夫人已而扯力克以助大落赤罷市賞三娘子捕叛人史二致塞上詔復二年以不他失禮為都督史二即扯力克死安厄塔安置龍門摘求崖亦款服三十九年扯力克死卜石兔長孫應嗣而素囊阻之五路台吉命七十二台吉與素囊為

難忠順夫亦厚備之總督余宗濬至鎮素囊受命是春始婚明年三娘子卒諭祭七壇封卜石兔為順義王把漢比妓為忠順夫人遣官賚勅至邊不受諭年告款塞上乃就封既與色令台爭事屢率衆脅邊又同哈刺慎王子五路台吉與揀漢構饗住威寧海子移牧西克至天啟七年始入貢然遂弱而揀漢虎墩兔獨強揀漢本小王子裔嘉靖間打來孫避俺答之強與子土蠻大成等自宣府塞外移遠左順福餘諸部以立土蠻生卜彥卜彥生虎墩兔與俺答為兄弟實揀漢主而俺臣也俺答封王後至卜石兔時虎墩兔復強為遠北長名慈奴素囊之妻兼并其地蚕食日言諸部屢寇遼東廣寧寧遠等處叅將線補家遊擊楊維藩死之天啟中西攻搃言台吉哈喇慎諸部多潰散或入邊內避之東行降兀慎搃腰明暗等酋駐獨石塞外脅賞且東侵封州難崇禎元年宰生等至宣府新平堡脅賞叅將方裕昆誘入甕城殲之虎墩兔稱日貴英哈狡猾善用兵既死新平堡其妻兀浪哈大帥聚自得勝路入犯洪賜鎮川等堡遂圍大同流掠渾源懷仁二百餘里遣人至總督張曉所脅賞遣西僧王哈麻往諭乃退二年虎墩兔就款六年



種漢頭日把喇獨兒牧清水河求市大同虎墩兔妻  
囊囊台戶率衆三千人犯張家口其諸部中銀定反  
青最桀驁不馴屢犯甘肅寧夏永昌等堡小反青犯  
遼陽寧遠猛克什力吉能輩亦時時關入延綏東路  
其俗無城郭宮室隨水草畜牧行則車為室止則櫨  
為廬朝拜日夕拜月其坐長左而面北有徵發及科  
稅刻木封箭為信嫁娶先私通掠其女百日後始遣  
媒送牛羊馬駝為聘貴兵死葬則歌舞相送挾其長  
技上下山谷往來聚散忽如風雨其輕生嗜利喜盜  
好殺天性然也山川有陰山狼居胥燕然金微班朱  
尼河他人水澗澗納吾兒海產馬駝羶羊角端貂鼠  
青鼠土撥鼠納沙鷄東璫寶如撥十月始熟

### 兀良哈

兀良哈在烏龍江南漁陽塞北春秋山戎地漢為烏  
桓鮮卑元魏號庫莫奚唐以後隸契丹西奚保嬌州  
北山東奚駐琵琶洲元為大寧路洪武初割錦義連  
利諸州隸遼東設都司於惠州領營與衛二十餘所  
所謂北平行都司也十四年封子權於大寧為寧王  
時宋國公馮勝征納哈出築大寧寬河會州富峪四  
城留重兵居守二十一年故元遼王阿札失里及朶

顏諸酋願內附詔以兀良哈地分三衛居之自錦義  
度遼河至白雲山曰泰寧衛以阿札失里為指揮使  
塔賓為同知自黃泥窪踰鐵嶺至開原曰福餘衛以  
海撒兒答為指揮同知自廣寧前屯歷喜峰口近宣  
府曰朵顏衛以脫魯忽察兒為指揮同知並給印俾  
鈐東部落為東北外藩朵顏最強其貢路入自喜峰  
口而市則在遼東防其變也燕玉起兵從劉家口襲  
大寧挾寧寧入松亭關盡挾諸軍還北平從征有功  
遂以三衛地界兀良哈官其酋如洪武時三衛自遼  
藩抵宣府幾三千里大寧既棄遼東宣府斷左右臂  
乃調營州左屯于順義右屯于薊州中屯于平谷前  
屯于香河後屯于三河仍隸大寧都司後設東勝中  
前後三所于懷仁等處守備然諸部落已列門庭矣  
永樂三年福餘衛請鬻馬令于廣寧開原互市尋三  
衛為本雅失里所脅寇掠邊境遣使諭之納馬贖罪  
然時附阿魯台出沒塞下二十年帝北征旋師召諸  
將諭曰阿魯台敢為悖逆以兀良哈為之羽翼也當  
分兵剪之遂簡部騎五萬分為五道往而身率大軍  
邀其西次屈裂兒河兀良哈驅衆數萬西奔陷澤中  
麾騎前擊斬級數百自相蹂藉死無算乘高瞭見其



衆復聚張左右翼夾攻令甲士持神弩伏深林戎寇  
至乃發寇騎哭而左右師馳之走林中驚潰死傷略  
盡追奔三十餘里蕩其巢而還自是三衛稍剋宣德  
初朵顏衛指揮哈刺哈孫等朝貢不至武進伯朱榮  
請襲擊之不許三年帝巡邊駐石門驛守將奏兀良  
哈萬衆入大寧將及寬河諸將請益徵兵帝曰孽寇  
無能為也朕以鐵騎三千出其不意成擒必矣遂親  
征簡士<sup>三</sup>人人二騎持十日糧夜啣杖出喜峰口  
馳四十里昧爽至寬河寇望見以為乘障遂悉衆前  
帝麾鐵騎分兩翼進夾攻之親射其前鋒墜三人飛  
矢雨集神機銃疊發賊潰走望見黃龍旗大驚羅拜  
請降皆生縛之斬其渠命諸將窮搜窟穴忠勇王金  
忠故元<sup>名</sup>王子及其甥都督把台請自效帝許之或  
言忠往且不反帝不聽忠果大獲來歸帝飲以金爵  
遂報賜額謂王者宜推誠待人漢用金日磾庸不足  
法耶洪武初克元上都設開平衛戍守東接大寧西  
接獨石各置驛四自大寧既棄開平勢孤五年城獨  
若并徙開平衛凡棄地三百里自是盡失龍岡灤河  
之險邊陲斗絕益騷然矣六年詔蠲三衛罪許自新  
九年克剌脫敏攻殺阿魯台因通兀良哈窺伺屢諭

不後正統二年福餘阿魯反掠葭州獨石守將楊洪  
邀擊西涼亭擒百戶乞麻里等命集兀良哈貢使戮  
之市諭都指揮安出縛首惡獻明年三衛首反都等  
愬賞薄互市失利非文皇帝故事因陞辭勅諭之其  
秋楊洪復破其騎五百於三岔口六年福餘脫火赤  
克哈等佯射獵掠邊被獲明年復掠遼東守將曹義  
擒其酋字台並磔之九年三衛入寇詔發兵二十萬  
分四道<sup>或</sup>公朱勇出喜峰口左都督馬諒出界嶺  
口興安伯徐亨出劉家口左都督陳懷出古北口破  
福餘於全寧破泰寧於顏于虎頭山擒獲萬計而楊  
洪出黑山俘斬安出都三衛從此寢衰然恐中國刻  
骨遂糾也先入寇為鄉道十二年都御史王翱巡邊  
抵廣寧<sup>元</sup>哈伏騎林中總兵曹義擊敗之十四年  
福餘泰寧潛結也先入寇朵顏獨扼險不從也先至  
不能入大掠二衛人畜去其秋旋與也先合土木北  
狩命都御史鄒來學經畧京東罷三衛互市景泰二  
年復予貢當關隘故伴入然三衛常竄名瓦剌使中  
窺朝廷過北使厚不無心望且結婚迤北挾為重稍  
用侵軼盡沒遼河東西三岔河北故地薊遼多事自  
此始四年年泰寧而帖木兒克大寧廢城及甲盾于



謙持亦可帝重結三衛歡遣使語大寧城近塞不便  
馳突甲盾瀕寇至乃給謀遂沮六年朵顏諸衛來朝  
乞耕地及犁鏵種糧詔予糧三十石未幾寇獨石泰  
政葉盛督師却之時三衛多與李來通貢使浮額景  
泰末業從獨石萬全右衛闖入天順中復隨李來使  
石走雲中成化元年李來為請賞勅諭四方貢使賞  
有成額三衛朝貢往從東路喜峰口今朵羅干等擅  
易貢道希覘賞朝連照例分別又何誅焉泰寧兀喃  
帖木兒乞市牛及農具并乞賜蟒衣勿子乞聽與民  
交易朵顏兀研帖木兒因請職事部議未有成勞不  
許二年兀刺貢馬挾三衛從喜峰口入詔待以三衛  
禮勅其渠阿失帖木兒無糾朵顏妄更貢道四年三  
衛同毛里孩侵天城遣都督李鐸評之十二年勾亂  
加思蘭謀寇遼東勅遣臣倭禦然亦未敢深入弘治  
中守臣張友揚瓊燒荒出塞掩殺邊警遂起朵顏部  
落既蕃累肆侵盜而諸部獨花當種最貴次子把兒  
孫驍勇敢戰兼結婚小王子為中國患滋甚正德四  
年泰寧滿蠻率部落一萬餘欲附居近塞避北寇令  
屠故鎮安堡其後花當部屢挾增貢詔增一年花  
當堅請不從益與小王子合謀十年把兒孫自結魚

關毀垣入馬蘭谷殺參將陳乾命都督桂勇討之把  
兒孫遣拙秃來請貢且獻馬贖殺乾罪尚書王瓊持  
議必以把兒孫償乾乃罷兵予貢把兒孫謾言呼拙  
秃去竟予貢班師凶何復入寇參將魏祥全軍覆沒  
時把兒孫狡劣屢謀奪捕國人不附尋死花當孫輩  
蘭台貢馬請嗣兵部令轉譯却落方許貢草蘭台遂  
寇漁陽諸小關堡皆殘破嘉靖十一年巡撫王大用  
欲賂朵顏滅其霧靈山不果會阿堆哈利赤頻入建  
昌喜峰口草蘭台入請升秩御史劾大用去以毛伯  
溫代之二十年草蘭台求增貢衛三百人不許請二  
百人亦不許時剽掠塞下聲結小王子入寇會俺答  
自雲中深入太原不得已許其補前貢失期者衛二  
百人二十五年叛人白通導朵顏侵塞巡撫許倫伏  
兵斬之明年總兵卻永出塞襲朵顏別部李家庄斬  
四十餘級李家庄零騎居近獨石不通大都慣盜馬  
狡而善射敵追輒走險然頗能扞邊是役藉怨轉與  
敵合而遼東西塞亦以朵顏故類告警凶何草蘭台  
死子影克襲故事三衛以貢時身受職至草蘭父子  
始遣人代請而影克剽悍踰於父益誘俺答大入塞  
二十九年遂逼都城方寇急教言遼陽軍遼陽軍者



俺答所呼朵顏也是歲始設薊遼總督以兵戍之歲  
寧候仇鸞調知影克首禍徵發兵掩殺擊總督何棟  
以為除朵顏則漠北乘隙憑為巢穴是毀藩籬延寇  
以自近也不可已而棟設計擒叛人哈丹兒陳通事  
傳首九邊三十六年土蠻打來孫姑收三衛專入薊  
州挑林口踰建昌營灤河掠永平諸邑三十八年把  
都辛愛拔影克寇薊州總督王忬遣總兵馬芳以輕  
兵八千馳出其後帝之不敢深入三日引去詔逮忬  
論死以楊博代之博至鎮約諸帥同時舉烽燧自居  
庸至山海關彌漫千餘里旌旗蔽空礮石震山谷如  
是者三北寇大駭終歲不敢近塞明年影克復勾辛  
愛犯一片石參將佟登禦却之明年影克破墻子嶺  
大掠通州連總督楊選論死其冬三衛入貢仍厚賚  
之隆慶元年朵顏董狐狸糾土蠻數萬騎入界嶺口  
援師四集走捧樵崖迷路枕藉死狐狸亦率蘭台子  
也影克出義院口中火鎗死其子長昂與狐狸頡頏  
二年以譚論為總督拜戚繼光大將軍專理練兵浚  
隍增障會俺答奉款三衛修職惟謹邊鄙稍息而長  
昂得襲為都督萬曆元年狐狸索賈喜峰口徵襲繼  
光狩銳兵青山衛之務狸以身免明年縛首惡獻于

敵而長昂與叔長禿擾寧前三年繼光逐長昂墜馬  
斃獲之跳上他騎去生縛長禿羈董家口昂納馬攢  
刀盟乃釋之已復合狐狸縱掠四年朵顏他部炒蠻  
乘夜入鴉鵲安參將苑宗儒死之六年泰寧連把亥  
犯遼東總兵李成梁直搗劈山大破之長昂勒賞阻  
諸部入貢遣弟麟金率精騎窺喜峰西掠前屯薄一  
片石十一年泰寧伯言把都糾花大等襲攻鎮寧堡  
伯言故速把亥子先是速把亥入鎮彝堡成梁遣裨  
將李平河逆之射速把亥墜馬蒼頭李有名斬之至  
是執仇入犯成梁出兵黑山佯為北伐而夜遣李得  
全馳入鎮寧為內應旦日親自搏戰李寧以刀擊花  
大傷額貫天中膊大哭失聲遁既而伯言復同長昂  
狐狸三萬騎犯廣寧殺掠吏士百餘人平河跳擊之  
會大風揚沙晝晦雷雨大作水深數尺走出塞時三  
衛屬部八十餘種而長昂狐狸大騾只馬峇哈沙蠻  
小阿卜房兵力最甚號為六凶然部衆不踰萬十二  
年狐狸犯前屯錦義成梁追奔太鹿大定堡多斬獲  
其秋長昂入下莊總兵楊四畏擊却之迨至老鴉嶺  
而還已復糾哈不慎數萬騎以打牲為名圖盜邊會  
帝視山陵昂往來紅螺山射獵調部落東西馳甚恣



也然以犯邊罷賞頗著十三年伯言把都復入塞游擊周思孝逐之走遼河河深不能猝渡成梁追之從丁字泊堡出布陣為一二字一字衝鋒二字繼進伯言挑戰成梁馳之鼓行而前斬首八百級得名王扯征孛來等十三人六月狐狸率其屬三百叩闕脫帽請甚哀長昂以成梁聲搃穴一夜數徙帳亦哀請款及已得撫則愈驕十四年花大伯言復糾土蠻犯前屯成梁遣輕騎出塞統其後而自率兵當之夾擊大敗走其扶伯言攻鎮彝堡邊軍禦之三晝夜不解甲復大敗去伯言痛哭曰阿父怨終不可報矣十八年長昂遣弟璋免撥計來調盟石門游擊陳愚聞紹通事張五烈慘之其冬昂同弟麟金犯董家口二十二年哨騎生得伏謀即打兒罕等七人昂顧輩二年舊賞請贖許之昂自是稍戢伯言復入塞總兵董一元伏精騎鎮武堡大敗之伯言中流矢死二十四年福餘伯牙兒挾賞羅文峪拒却之明年以千騎哭青山口連犯扒頭崖三道嶺並失利去二十九年伯牙兒妻唐翠阿不亥叩闕求赦命給半賞長昂亦于是歲復軍前木市馬已而璋免撥計修石門都掠車廠庄總兵尤繼先擊之紅章溝擒斬八千有奇昂與麟金

代叩闕三十四年撥計挾賞葦子谷長昂麟金復勾西部班不來來世等犯山海關明年昂圖獵墜馬死子賴暈反踵昂轍同麟金糾阿鎮等挾賞擦崖子固明年大入建昌河河口復糾掠漢鬼台吉寇連山驛總兵杜松襲挾免營大斬獲然諸部益闕因入大勝堡總督王象乾諭諸各聽撫專勦賴麟勢窮乃屬西都啞拜台吉聽款四十年賴麟等以千餘騎縱掠曹庄明年土蠻炒化罕賽煖兔等以三萬騎屯王文谷陷七臺朵顏滿旦孛只亦連犯掛甲嶺麻即谷四十二年入窺廠房延燒黃花遠外山場杜松擊火落赤干柳門敗之四十六年滿旦與子溫布台吉睥睨石塘間馬蘭亦報麟金聲犯枕林界嶺薊鎮戒嚴明年石塘逃擊朱萬良調援遼滿旦母子益恣以萬騎攻白馬關及高家堡頃之尋盟而他部駱駝亦騷召里賓等時時入犯天啓中泰寧三衛炒禿等朵顏衛都督花反遣可脫赤及危正打數等皆來貢馬崇禎元年朵酋來不的即長昂孫三十六家同伯顏阿亥等與虎墩克戰放放木林棟漢敗去自此東西失好邊境稍寧其俗與蒙古同專逐水草善剽竊入漠北盜馬率三四人驅千百匹追至則降事






ZW 21101000561242

S

Z121.5

15a

2083989



續修四庫全書 史部 別史類

原缺

六六六